

რევაზ

მიშველაძე

ჩრდილო თხზულებანი

ოცდახუთი ტომი

თანამედროვე ქართული ლიტერატურის კლასიკოსის, რუსთაველის პრემიის ლაურეატის, რევაზ მიშველაძის შემოქმედება კარგანია მსოფლიო ლიტერატურის ორგანულ ნაწილად იქცა.

„საქართველოს მაცნე“ გამოსცემს პროზის დიდოსტატის რევაზ მიშველაძის ჩრდილო თხზულებათა ოცდახუთტომეულს.

მკითხველი ამ ტომების წაკითხვისას ადვილად დარწმუნდება, რომ მწერლის ჟანრულად უაღრესად მდიდარ ნაწერებში ჩანს არა მარტო საქართველოს პრობლემები, არამედ ქართული სარკმლიდან დანახული მსოფლიოც.

2012



ნოველები

ტომი
IV



გამომცემლობა „საქართველოს მაცნე“

ISBN 978-9941-16-228-2 (ოცდახუთივე ტომი)
ISBN 978-9941-16-247-3 (IV ტომი)

რედაქტორი: **ნანა სუხიტაშვილი**
ნათელა თუხარელი

კომპიუტერული
უზრუნველყოფა: **მავრა ბანცური**
ლია სულაქველიძე

© რევაზ მიშველაძე, **რჩეული თხზულებანი ოცდახუთი ტომად**
© **გამომცემლობა „საქართველოს მაცნე“**, თბილისი, 2012

მისამართი: თბილისი, 0179, ალ. ჭავჭავაძის გამზ. №27

პანდური

მატარებელი თითქოს შემოიპარაო, ძლივგასაგონი ტკაცუნით მოირწეოდა ძელქვიანის ძველთაძველ ბაქანზე.

მორიგეს მატარებლის შემოსვლის გამოცხადება დაავიწყდა და, კაცმა რომ თქვას, არც იყო საჭირო. რა გადატვირთული სადგური ეს იყო. ორად ორი მატარებელი ჩამოდიოდა ამ დროს, რვის ნახევარზე – „თბილისი-ძელქვიანი“ და ნასადილევს – „ტყიბული-ძელქვიანი“.

მაღალი, თავგისფერსვიტრიანი კაცი, რომელიც ახლა მეთერთმეტე, ნახევრადრბილი ვაგონის კიბეზე იდგა და უმიზნო ღიმილით გაჰყურებდა წვიმას, ძელქვიანში პირველად იყო.

მატარებლის გაჩერებამდე ჩამოხტა, სანვიმრის ღილები გულმოდგინედ შეიკრა, თითქმის ცარიელი, უზარმაზარი ჩანთა (ზედ გამოსაჩენ ადგილზე „სსრკ“ რომ ეწერა) მარჯვენა ხელში დაიჭირა და სხვებივით დამხვდური კი არ უძებნია, პირდაპირ გასასვლელისკენ გაუტია.

თითქოს მატარებლის ჩამოსვლას უცდიდაო, წვიმა მთლად გადაირია.

სტუმარს, რაც მატარებელი აჯამეთს გამოსცდა, ყურში მხოლოდ და მხოლოდ „წვიმა“ ესმოდა, ახლაც, ხომ წინ და უკან თავგამეტებით გარბი-გამორბოდნენ ჩამომსვლელ-დამხვდურნი, თითქოსდა სხვა სალაპარაკო არაფერი აქეთო, წამდაუნუმ წვიმას ახსენებდნენ.

„დიდი ხანია წვიმს აქეთ?“

„დღეს და გუშინ არ გადოულია“.

„იქით რას შობა?“

„გაგიგონია? წიფის გვირაბს იქეთ ტალახს წამლად ვერ იშოვი“.

„ყველაფერი უნაირო იცის მაინც ამ დასაქცევში!“
„რააა?!“

„წვიმას დეინყებს, გადალება აღარ ახსოვს, ქარი დაუბერ-
ავს, სანამ სულს არ ამოგიყვანს ყელში, არ ჩადგება!“

„სად მიხვალ?!“

„მივდგები აგერ, პატარა ხანს, ეგება ცოტა მაინც მოითქ-
ვას წვიმამ სული“.

„მეტი არაა ჩემი მტერი. მაგის იმედზე ქე დაალამებ ამ
სადგურში“.

„მოიცა, ქალო, არ გაგვექცევა სახლი, ნუ გეშინია!“

„ნამოდი, კაცო, ნამოდი. არ დაგადნობს წვიმა! არ გესმის
შენ? ბოვშები არ მინახავს ერთი კვირაა, ჩემს ჭკუაზე აღარ
ვარ ქალი!“

„კაი ბოვშებია“ შენ არ მომიკვდე, ორ ჩაფ ღვინოს ისხამენ
მუცელში!“

ჩვენმა ნაცნობმა მგზავრმა გადაწყვიტა, მოედანზე ჩა-
ვალ ტროლეიბუსში ვტუცავ თავს, სასტუმრომდე როგორმე
მივალწევო. ზემოდანვე შენიშნა ლენინის ძეგლის წინ სამი
ერთმანეთს მიწებებული „ხუთი ნომერი“, რატომღაც ტრო-
ლეიბუსში არავინ ჯდებოდა. იქვე, გვერდით კი ტაქსის რიგში
„საფისტონე“ ჯიბიანად გალუმპული მგზავრები ერთმანეთს
ჯიუტად მიჰკვროდნენ.

შარვალი აიკარნახა და ის იყო კიბეს ჩაუყვა, რომ ვიღაც
ნამოენია, უკნიდან ხელში წვდა, თითქმის ძალით გამოგლიჯა
ჩანთა და კატეგორიულად უთხრა:

– გაუშვი ბიჭო, ამ ჩანთას ხელი, შენ გელაპარაკები!

სტუმარი ელდანაცემივით შემოტრიალდა.

– ვანია, შენ აქ რა გინდა?!
– ა, ეცი ახლა ამნაირ კაცს პატივი. გამოადგი ფეხი, ხომ

ხედავ, ყურებზე ჩანჩქერები ჩამოგდის.

– მე დამხვდი ახლა, ამ დილას, შენ?

– არა, ბაბუაჩემს, პავლე მატარაძეს.

ამასობაში კიბე ჩაათავეს და ოღროჩოღრო ასფალტზე გა-
ჩენილ ტბორებს აკრობატივით ახტებოდნენ.

– სად მიხვალ მაქეთ! – ვანო მატარაძემ წინ წასულს
დაადევნა.

– ტროლეიბუსში ჩავჯდეთ, ცარიელია...

– ახლა არ დამიწყო აქანა – ტროლეიბუსი და ომნიბუსიო.
ტროლეიბუსი მინდა ახლა მეე?

სტუმარს გაეცინა.

– სასტუმრომდე არ მიგვიყვანს?

– კიტა, მე ვიცი ჩემი საქმე, შენ თბილისში გეუბნებოდი
რამეს? ახლა მე მაცალე. აქანა მე ვარ მასპინძელი.

რა ექნა კიტას, თავსხმაში უიმედო ტაქსის რიგში ბარე არ
ეხალისებოდა დგომა, მაგრამ თავს ზევით ძალა არ იყო.

– რა იცოდი, რომ ჩამოვიდოდი?

– მაგაზე მერე გეტყვი საყვედურს. შენი ჩამოსვლის ამბავი
მურთაზია ჭაბუკიანმა უნდა მითხრას მეე?

– მურთაზი თბილისში შემხვდა, კურსებზე ვარო. ჩამოვი-
და, აქ არის?

– ხვალ ჩამოდის, შენზე დამირეკა, ამ დღეებში მივლინე-
ბაში აგზავნიანო. სად, ვისთან, როდის? სდიე ქარს ქუჩაში.
მესამე დღეა, მატარებელს ვხვდები.

– ჩემი სიკვდილი, არ მინდოდა შენი შეწუხება.

– მოიცა, ჩვენ ახლა ეს გავარკვიოთ, – დასერიოზულდა ვანო
მატარაძე, – გყავს ძელქვიანში ჩემნაირი ძმაკაცი სხვა ვინმე?

– არა, – გულწრფელად მიუგო კიტამ.

– აბა, დავამთავრეთ ლაპარაკი, ძელქვიანში პირველად
ხარ ხომ?

– კი, – კიტა ბავშვობიდანვე ოცნებობდა ამ ქალაქში
ჩამოსვლაზე. ძელქვიანზე იმდენი რამ გაეგო და წაეკითხა,
რომ მის წარმოდგენაში ეს იყო მზითა და იუმორით სავსე,
განსაცვიფრებლად სტუმართმოყვარე და უაღრესად კოლო-
რიტული ქალაქი.

– ახლა ამ წვიმას მე ხომ არ დამაბრალებ? – ჰკითხა ვანომ
და დამნაშავესავით ახედა.

კიტას გაეცინა.

– არა მართლა, წვიმა ხომ არაა ჩემი ბრალი, გეკითხები?
ვანო არ ხუმრობდა.

– არა, ბატონო, – წვიმის ბრალდება სიამოვნებით მოუხსნა სტუმარმა მასპინძელს.

– აბა, დანარჩენი მე მაცადე. მე ვიცი, რა უნდა გავაკეთო. დავამთავრე ახლა შენთან ლაპარაკი! – ვანო შეტრიალდა და გრძელი შარვლის ფართხუნით გაიქცა მოახლოებული ტაქსისაკენ. შოფერს ყურში რალაცას ჩასძახოდა და მანქანას ფეხდაფეხ მოსდევდა, ბოლოს გულმოსული შემოტრიალდა და კიტას მიუახლოვდა.

– სხვა მოვა ამ წუთას. ტროლეიბუსით? შენ ძელქვიანში დაგინახე და ტროლეიბუსით გატარებ ახლა მე? სახლში რავა ხართ?

– ხან ისე, ხან ასე, გაგვაქვს თავი.

– ხომ დარჩები ერთხანს?

– მივლინებით ვარ ავტოქარხანაში, ზეგ უნდა გავბრუნდე.

– როდის? – ვანოს სასონარკვეთილება აღებეჭდა სახეზე.

– ზეგ.

– კაცო, შენ მე მაცალე, რაცხას ზეგ გაბრუნდები, იმასაც ვნახავ! ძლივს ჩაგიგდე ხელში და ანი ჩემი საქმეა შენი გაშვებ-გამომშვება.

ვანო მატარაძე პედაგოგიურ ინსტიტუტში უმცროს ასისტენტად მუშაობდა. ჩვენი ბაზრის სიიაფის ამბავი ხომ იცით, სამი შვილის რჩენა უმცროსი ასისტენტის ხელფასით საზღვარგარეთ კი არა, ჩვენთანაც კი ჭირს. მაგრამ ვანო მატარაძე მოწუნუნე და ხელმოკლეობით შეწუხებული არავის უნახავს. ვაჟკაცი იყო, საბანს, როგორც განვდებოდა, ისე დაიფარებდა. ავკარგიანი გახლდათ. სამეზობლოს და სამეგობროს არ გამოაკლდებოდა.

ქალაქგარეთ პატარა საბოსტნე ნაკვეთი ჰქონდა და იქ მოწეული ლობიო, ნიორ-ხახვი და ცოცხი წლიდან წლამდე ჰყოფნიდა. იღბლად, მისი ოჯახი ხორცის დიდი მუშტარი არ იყო, და ესეც ხომ უზარმაზარი შეღავათია ხელფასზე მცხოვრები კაცისათვის.

გაიხსენეთ თქვენს ნაცნობთა შორის ყველაზე გამხდარი კაცი. ახლა იმაზე უფრო გამხდარი წარმოიდგინეთ და ვანო მატარაძის ცოცხალ წონას ძალიან დაუახლოვდებით. სიმაღ-

ლით მეტრი და სამოცდათორმეტი იყო, ორმოცდათერთმეტ კილოგრამს იწონიდა. ჭაბუკობისას ჭიდაობდა და ერთხელ ინსტიტუტის ჩემპიონიც გახდა. ბოროტი ენები ახლაც ამბობენ, ვანოს გაჩემპიონება მაშინ მსაჯთა კოლეგიის საეტაპო ხუმრობა იყო, მაგრამ ამის შემონმება, რაც დრო გადის, თანდათან უფრო ძნელდება. ყოველ შემთხვევაში, ვანოს მხარ-მკლავის შემყურე, ახლაც და მაშინაც, თავს მოიკლავდა და არ დაიჯერებდა, რომ ეს კაცი ერთ დროს მოჭიდავე იყო.

ვანო ისევ გაიქცა მოახლოებულ ტაქსისკენ. გაჩერება არც კი დააცადა, გამოალო კარი და ჩახტა. მინა თვალის დახამხამებაში ჩასწია და გალუმპულ კიტას გამოსძახა:

– კიტა! გამოიქეცი ჩქარა. არ დაგვიცდის ის კაცი!

– ვინ კაცი?! – შეაგება კიტამ, ჩანთას ხელი დაავლო და ტაქსისაკენ გაიქცა, მაგრამ უკვე გვიან იყო.

მოქალაქეებს მანქანა ალყაში მოემწყვდიათ და ლანძღვა-გინების მძიმე არტილერია დაემინათ ვანოსა და ტაქსის მძღოლისათვის. უმცროსი ასისტენტი ხაფანგში მომწყვდეული აფთარივით ხტუნავდა, უპასუხოდ არც ერთ „საალერსო სიტყვას“ არ ტოვებდა, მანქანის ღია სარკმელს აწყებოდა და რაც შეეძლო, უღრენდა ერთმანეთის მხარდაჭერით გულმოცემულ მგზავრებს.

„სტუმარი არ იცი შენ?“

„ამნაირი კაცი არც ეღირსება შენს გვარს და ჯილაგს!“

„მაგ ორკაპიკიანი ჭინჭის დასველების გულისთვის თავს ჭრი მთელ ძელქვიანს?“

„ო, რა სიდედრი იქნები თუ მეესწარი სიდედრობას?!“

ბოლოს რიგის დამრღვევმა მოპაექრეთა მიმართ პროტესტის ნიშნად მინები ბოლომდე ამოსწია და ამ გზით სცადა იზოლირება, მაგრამ ბრბომ თავისი მაინც გაიტანა.

კარი გამოგლიჯეს და ყოფილი მოჭიდავე თითქმის ძალით გადმოაბრძანეს მანქანიდან.

„შენ სწორი ხარ, ხომ იცი, – იხტიბარგატეხილი მასპინძელი სადღაც, განზე იყურებოდა, – სანამ ტაქსის რიგი მოგვინევდეს, ჩვენი დაგვემართება. არადა, ამგენთან ჩხუბი არ ღირს. შეგნება არ მიუცია ღმერთს არცერთისთვის. რა უნდა

ველაპარაკო, ბნელი ხალხია. ტაქსი რატომ მინდოდა, იცი? ხაშს შევჭამდით ამ დილას.

– არაფერი არ მინდა, თუ ძმა ხარ, სასტუმროში მივიდეთ. ზეზეურად მძინავს ცხენივით. ჩემს კუპეს ნუხელ ყველა ჭანჭიკი მოსაჭერი ჰქონდა, – თავი შეაცოდა კიტამ.

– მაცადე-მეთქი არ გესმის, კაცო, შენ?

– ე, კიდო მისას ლაპარაკობს. შეკვეთა მაქვს მიცემული და გვინახვენ ხაშს. აბა, რას გეუბნები. მე ხალხი მიცნობს აქანა. კი არ ვგლახაობ ზოგიერთივით, – ისეთი თვითდარწმუნებით და დამაჯერებლობით თქვა ვანომ, რომ კიტამ სიტყვის შებრუნება ვერ გაუბედა.

მაღე „მხსნელიც“ გამოჩნდა. ნაცრისფერმა „ჟიგულმა“ („62-48 კალ“) დაამუხრუჭა, თმანარბიანად გამანული მძლოლი ხელის აწევით მიესალმა ვანოს და, თითქოს ამ წვიმაში უმცროსი ასისტენტისთვის სალმის მისაცემად ამოვიდაო, უკან გაბრუნებას აპირებდა.

– რამაზ! – დაანია ვანომ.

ჟიგული შეჩერდა და უკანსვლით წავიდა.

– რა იყო, ვანიჩკა?

– ქვიტირში მიგვიყვანე, ხაში უნდა ვჭამოთ, – ხმას დაუნია, – სტუმარი მახლავს თბილისიდან, კაი ბიჭია.

– ვანია, მე რომ არ გაგიჩერე და არ გკითხე, სად მიხვალ-თქვა, ვერ მიხვდი შენით ვერაფერს?

– რა იყო?

– ბენზინი არ მაქვს წვეთი, თვარა ამ წუთას ქვიტირში კი არა, ტრაპიზონში თქვენს არ ჩამყვანს, ოხრად და ბნელად ეს მანქანა.

– წამოდი კაცო, მე ჩაგისხამ ბენზინს. – იმედი მისცა ვანომ.

– ტალონი გაქვს? – შიშით ჰკითხა მძლოლმა.

– რად მინდა ტალონი, ვინ მუშაობს ამ დილას?

– ზინაია უბედური.

– ჩაჯექი, კიტა, მოდი შენ აგერ, – ვანომ წინა კარი გამოულო და სტუმარი მიიპატიჟა.

– მე ვეტყვი ზინას. ზინასთან მაინც ვარ კარგად. რად მინდა ტალონი. ტალონი მინდა ზინასთან მე? არც ისე უბედურია,

რომ იცოდე, ზინა. ქე იცის მაგან სტუმარი და მასპინძელი, შინაური და გარეული. – თავისთვის ბუტბუტებდა ვანო და პირწმინდად დასველებულ ჭალარა თმიდან წყალს ინურავდა.

ზინამ ქვა ააგდო და თავი შეუშვირა. ყველას პატივს ვცემ, ყველა მიყვარს, მარა უქვითროდ წვეთ ბენზინს ვერ მოგცემთ, თქვენი გულისთვის ციხეში ვერ ჩავჯდებიო.

ხვენნა-მუდარა არ დაუკლია ვანოს, მაგრამ რომ ვერას გახდა, მხრებში აწურული, ტუჩებგაფითრებული, გუნე-ბანამხდარი შემობრუნდა მანქანაში.

ისევ რამაზმა იმარჯვა. სპილოსძვლისფერი „ვოლგა“ გააჩერა, მძლოლს სამი ლიტრი ბენზინი „ესესხა“ და ქვიტირის გზას რომ დაადგნენ, მადლიერმა ვანომ (აქაოდა ყურადღებას გამოვიჩინო), მზრუნველობით აღსავსე ხმით ჰკითხა რამაზს:

– რას შერება შენი თმა?

– რა ვიცი, ამოვაო, გოდოუშენდათ ექიმებს პატრონი.

– რაზე გაგცვივდა შენ მაგი?

– არ იციან ზუსტად, ვითომ ნერვიულობას აბრალებენ. რა ვინერვიულე ამნაირი, სამი ინფარქტი გადაიტანა ბიძაჩემმა, მარა ბენვი არ ჩამოვარდნია.

– წამალს ისვამ?

– რას შველის, თვარა კი, ექვსი ვედრა წამალი მექნება დახარჯული. დრო უნდაო, ვითომ ასე ამბობენ.

– დრო ენდომება, აბა, ასე უცებ ხომ არ ამოგივა, ჯერ მარტო კოინდარს უნდა ათი დღე, – გული გაუკეთა ვანომ მძლოლს, თუმცა ხმაზე შეეტყო, რომ რამაზის თმის ამოსვლის ამბავი მაინცდამაინც არა სჯეროდა.

– არაა ხაში! – გამოაცხადა რამაზმა, მრგვალი კრამიტით გადახურულ უფანჯრო ფიცრულს რომ მიუახლოვდნენ.

– მიდი, კაცო, ჩაუხვიე, მე ვიცი რაცხაა! – განყრა ვანო.

რამაზს გაეცინა.

– ხაში რომ იყოს, ვანიჩკა, ასე იქნება? რავა ატყობ? ხომ ხედავ, ერთი მანქანა არ დგას კართან.

– „მიდი“ არ გესმის შენ რას ჰქვია? მიმაყენე კართან და მე დაველაპარაკები ჭიჭიას. მეტი კი არაფერი ვიცი მე. რომ ვამბობ, მივიდეთ-თქვა, ალბათ მაქვს იმედი, – ვანო ცოტა

ხმაგაბზარული, შემცბარი ლაპარაკობდა.

ამ წუთას დაგიძახებთო, დაუბარა მანქანაში მსხდომთ და სახაშის ღია კარში გაუჩინარდა. დაახლოებით იმდენ ხანში დაბრუნდა, რამდენ დროსაც ერთი სიგარეტის მოწვევას ანდომებს ერთგული მწვეელი.

სახეზე ეწერა – შემარცხვინეს, არა აქვთ ხაში ამ ოჯახ-ქორებსო.

ჩაჯდა თუ არა, სტუმარს მიუბრუნდა.

– კიტა, ისე მე კი არ მიყვარს მაინცდამაინც ხაში. ნივრით პირის აქოთებას თავი რომ დავანებოთ, რა იცი, რავარი გაკეთებულა, ვისი გარეცხილია, ხაშის რეცხვაა მთავარი. ამგენის ხაში არაა სანდო. „წინაველში“ მივიდეთ ერთ წამს. უმალ-ლესი რესტორანია. დავჯდებით და კაცურად ვისაუზმებთ. შევანვევინებთ კარგს რაცხას. მე უარს არ მეტყვიან.

– სანდუხაძეა მაქანა ახლა? – იკითხა რამაზმა და სტარტ-ერი ააღულუნა.

– სანდუხაძე მოხსნეს, ახლა მისი ძმია, ჩოთქია თავსივა.

– ჩოთქიაზე გეუბნები. სანდუხაძე არაა იგიც? აბა ვინაა?!

– მასე თუ იტყვი კია, მარა მთელი ძელქვიანი „ჩოთქია თავსივას“ ეძახის და მიტომ გითხარი მეც. მოასვენე პატარა, თვარა დაჯდება აკუმულატორი. რატომ შვრება? ბენზინი გადააყლაპე ალბათ.

– რატომ ქნა მართლა? ეს არ უქნია ამ მანქანას ჯერ. ბენზონასოსი არ მუშაობს, – ბოდიშის მოხდით უხსნიდა რამაზი სტუმარს, როცა კაი ხნის ჯახირის შემდეგ ძრავა აგუგუნდა და მანქანამ სალორიის ტყისკენ აილო გეზი.

რესტორანი, „წინაველი“, ბალდადისკენ მიმავალ გზაზე მდებარეობს. როგორც სატურნი არ აცდება თავის ორბიტას, ისე ამ რესტორანს ვერ აცდება საირმისა და ზეკარისკენ მიმავალი მგზავრი.

რესტორანი რიონისპირა ქალაშია აშენებული. იგი შედგება მთავარი კორპუსისა (ბუფეტი და სამზარეულო) და მწვანედ ახასხასებულ ეზოში ვეებერთელა რცხილების ქვეშ მიმოფანტული ხის მაგიდებისაგან.

– სად დავსხდეთ? – ისეთი საქმიანი იერით ჰკითხა ვანომ

კიტას, თითქოსდა საქეიფო ადგილის შერჩევას კაცობრიობის მომავლისათვის გადამწყვეტი მნიშვნელობა ჰქონდა.

– ჯერ ჩოთქია ნახე, ადგილის მოძებნა ადვილია, – ურჩია რამაზმა რესტორანთმცოდნეს და უმცროსი ასისტენტის სასარგებლოდ უნდა ითქვას, უთმანარბო ამხანაგს ამჯერად არ შეკამათებია.

კიტა და რამაზი ხელსაბანთან, ქერქეცაცილ ბლისქვეშ იდგნენ და ასეთ სურათს შეჰყურებდნენ:

შევარდებოდა სამზარეულოს ვინრო კარში ვანო მატარაძე და სამიოდე წუთში რესტორნის მთავარ სადარბაზო შესასვლელთან გამოჩნდებოდა. მიიხედ-მოიხედავდა, კეფას მოიქეცავდა და ბუფეტის სარეზერვო კარში ტუცავდა თავს. ცოტა ხნის შემდეგ სახანძრო სარკმელში გაკრთებოდა მისი ჭალარა. ხელების ფშვნეგით გამოირბენდა, ცოტა ხანს დაჰყოფდა ჰაერზე და თითქოს რაღაც გაახსენდაო, ისევ იმავე მარშრუტით გაქრებოდა.

ბოლოს მდულარეგადასხმულივით გამოვარდა, მანქანის კარი მიიჯახუნა და ამფსონებს გასძახა:

– მოდით, დასხედით!

კიტამ და რამაზმა ისე სწრაფად მოირბინეს და ისე ერთბაშად დაიძრა მანქანა, რომ სახანძრო რაზმის მეცადინეობა გეგონებოდათ.

– არა აქვთ არაფერი. შესყიდვა მოგვიხსნესო. რა ვქნა, მე ვუთხარი, კანონს მე ვერ შევცვლი, მე ვუთხარი, მარა ასე ხელდაჭდეული აპირებთ დგომას აქანა-თქვა? ახალი ცეკავშირი დაგვინიშნეს და პატარა ხანს ვაცლით, აბა რას იზამს, რავარ ჭკუაზე დადგებო, ერთს ვიტყვი მე! ნავიდეთ ჩემთან. ლონდას (ვანოს მეუღლეს ჰქვია) ხაჭაპურებს გამოვაცხოვინებ. ღვინო კაი მაქვს, დეისაძის ქორწილის ღვინოა. ხორცის მაშინკით სვა იმ ღამეს მურთაზია ჭაბუკიანმა და მეორე დღეს ქე იყო მშვენივრად, ჩემო ბატონო... – აქ ცოტა ჩაფიქრდა. – რაცხა კიდო ექნებათ სახლში. სულ რომ არაფერი იყოს, ჩაის დავლევთ მარტო. მე ამისი კი არ მრცხვინია, რამაზ, – ვანომ კიტას მიუთათუნა ბეჭზე ხელი, – ამას სტუმრად კი არ ვთვლი. თბილისში მე ამის ოჯახში ვარ

ნახევარჯერ. ძმაკაცი მყავს, უფროსი ინჟინერია-თქვა რომ ვლაპარაკობ, ისაა ეს.

– საით წავიდე? – მოწყენილი, ყრუ ხმით იკითხა რამაზმა.

– წადი პირდაპირ. ხონის გადასახვევთან წრე დაარტყი, სტალინის ქუჩაზე გამოდი, არ იცი, სად ვცხოვრობ? – ისე გაიკვირვა ვანომ, რომ რამაზს მართლა შერცხვა. ძელქვიანში დაბადებულმა კაცმა აქამდე ვანო მატარაძის მისამართი როგორ არ ვიცოდით.

ვანოს მეუღლე ჭიშკართან შეეგებათ. ჟიგულის მგზავრთაგან მხოლოდ ყოფილი მოჭიდავე მიხვდა, რომ იგი სტუმრების შესახვედრად როდი იყო გამოსული.

– სადა ხარ, ვანო, შენ? მოკლედ, ხანძარი რომ გვეკიდოს, ერთს არ მოიხედავ სახლისკენ, ხომ? კაი, ბატონო, მარტო ჩემია, ეტყობა, ეს ბავშვები და მე მივხედავ ჩემს თავს. გამარჯობათ, ბოდიში... – საყვედურებს რომ მორჩა, სტუმრებს გაუღიმა მკლავებდაკაპინებულმა, წინსაფრიანმა, მოხდენილმა ქალმა.

– რა განწყენინათ ამ დილას ამნაირი, ქალბატონო ლონდა? – დაინტერესდა რამაზი.

– რაღა რა მანყენინა, ბატონო, შეიძლება ოჯახის უფროსი ისე გაიპაროს დილით სახლიდან, რომ ერთი სიტყვის ღირსი არ გაგხადოს? ორ ცეცხლშუა ვარ დილით, ჯერ ერთი, მე თვითონ სამსახურში მაგვიანდება, მეორე, გაკვეთილი მაქვს (რატომ არ დაინვა ის დღე, მე რომ მუშაობა დავინწყე), მეორეც, წყალი შეწყდა აგერ ერთი საათია და, ჩაი ვერ ავუდუღე ბავშვებს. კაცი ხარ. დარეკავ, მიდგებ-მოდგები. რაცხას იზამ. მე კი არ მეზარება, მარა ვინ დამიგდება ყურს...

– ქალო, გაფუჭდა ალბათ წყალსადენი. მე რას ვუშველი. იმგენმა უფრო არ იციან, ხალხს წყალი რომ ჭირდება? მარტო ჩემთვის ხომ არ ჩართავენ. არიქა, ვანო მატარაძის ბავშვები არ დაგვრჩეს უჩაიოდ ამ დილითო. ამას ვერ იცნობ? – კიტაზე ანიშნა.

ლონდამ, რა თქმა უნდა, ვერ იცნო თბილისელი სტუმარი.

– კიტაა, სალუქვაძე, – ყველა კბილი გამოაჩინა ვანომ.

– უიმე, ღმერთო მომკალი! – შეიცხადა ქალბატონმა ლონდამ, – თქვენ აქეთ როდის, ბატონო?!

– მივლინებითაა ჩამოსული, ასე ხვდები სტუმარს? – ხმა დაიბოხა ოჯახის უფროსმა.

– წამოგვდენოდა მაინც, კიტა გვესტუმრებაო. გადმობრძანდით, ბატონო – გაიბადრა დიასახლისი.

– წყალი არ მოდისო, გვაჯახე ამ ქუჩაში და, რა უნდა, რომ გადმოვიდეს. შენი დაყენებული ჩაის დალევა უნდოდა, თვარა რესტორანს და პურ-მარილს არ მოვაკლებთ, შენ მაგის ჯავრი ნუ გაქვს. წადი, რამაზია, წადი!

– გადმობრძანდით, მოვა წყალი, აბა, რას იზამს. – ქალბატონ ლონდას სიტყვებში ეჭვმიუტანელი გულწრფელობა ჩანდა.

– საით? – მანქანა თეთრ ხიდზე რომ შედგა, მაშინ იკითხა მძღოლმა.

– სასტუმროში მივიყვანოთ, ჯერ დავაბინავოთ ეს კაცი, ხელ-პირს დაიბანს, დაისვენებს ცოტას და მერე ვისაუზმოთ, – მტკიცე გადანყვეტილებით თქვა ვანო მატარაძემ.

ადმინისტრატორის მაგიდაზე ხუთიოდე კაცი გადახრილიყო და თვლემდა.

– არ იქნება ადგილი! – რამაზმა დაასკვნა და სტუმრის ვეებერთელა ჩანთა მარმარილოს სვეტს მიაყუდა.

– რაო? ეგ მაკლია, ახლა, ძელქვიანის სასტუმროში ადგილი ვერ ვიშოვო! ვანოს აშკარად შეეტყო, რომ ნერვებს ველარ იჭერდა, – მომე პასპორტი, კიტა!

უმცროსმა ასისტენტმა პასპორტი ხელისგულს გაუტყაპუნა და ადმინისტრატორისკენ წავიდა, მაგრამ, სწრაფადვე შემოტრიალდა.

– ერთიანი გირჩევნია, შენთვის იქნები.

– თუ აქვთ...

– კაცო, შენ მაგას ნუ კითხულობ! – ვანომ ისევ გადადგა რამდენიმე ნაბიჯი და შეჩერდა.

– ტელევიზორიანი, ხომ?!

კიტამ თავი დაუქნია.

– ლუქსი იყოს? ქე მაინც დაისვენებ, რავარც საჭიროა.

კიტამ ისევ ღიმილითა და თავის დაქნევით ანიშნა, რომ საწინააღმდეგო არაფერი ჰქონდა.

მერე გაიმართა ჩვეულებრივი, მოსაწყენი საუბარი ვანოსა და სათვალთან, ინტელიგენტური იერის მქონე ადმინისტრატორს შორის.

– ადგილი? აბა, რას უცდის ეს ხალხი აქანა!

ვანომ გამოიხედა და მოაჯირს ფარდაგვივით გადაეყრდნო, არ უნდოდა ეს საუბარი კიტას მოესმინა. თან ადმინისტრატორს ხმადაბლა რაღაც უთხრა.

– ვიცი, ბატონო, მარა რომ არ მაქვს? პროფესორი უგლავა დირექტორის კაბინეტში მენვა წუხელის.

ვანო კიდევ უფრო გადაიხარა და იდუმალი ჩურჩულით კარგა ხანს უხსნიდა რაღაცას თავმოებზრებულ ადმინისტრატორს.

– რავა გეკადრება, ჩემო ვანო, შენ მაინც ვერ უნდა გამიგო ბიჭო? – ადმინისტრატორი თითქოსდა განგებ, ირგვლივ მყოფთა გასაგონად ლაპარაკობდა. – რა სიკვდილად მიხდა ცარიელი ნომერი. ვის შევუნახო, სასტუმრო იმისია, რომ კაცმა იცხოვროს შიგ. არ ყოფნის ამხელა ქალაქს ეს ორი კინკილა სასტუმრო. ყველას აქანა უნდა მაინც, გოდუაძესთან არავინ მიდის. ცარიელია მთელი სასტუმრო. წაიყვანე, ორი ფეხის ნაბიჯზეა. რითაა ის სასტუმრო ამაზე ნაკლები?

– გოდუაძესთან წასაყვანი კაცი არაა-თქვა, გაგიმეორო მეთავეჯერ? ჩახედე კარგად საქმეს. ვანო მატარაძე ვარ მე, არ დაგავინწყდეს! – რაკი აქედანაც უარით ისტუმრებდნენ, ხმას აუნია ვანომ, – გავივლ-გამოვივლით ჩვენ პატარას და გაგინთავისუფლდება ამასობაში, რაღაც გამოჩნდება. მთლად ნუ გადაგვინურავ წყალს.

– თუ რამე გამოჩნდა, აგერაა, ბატონო, სახლში არ წავიღებ, – დაანია ადმინისტრატორმა კარისკენ წასულებს.

გარეთ ახალი უსიამოვნება ელოდათ.

რამაზის „ჟიგულთან“ სქელკისერა, დათვივით მრგვალი ავტონისპექტორი ჩამუხლულიყო და არასწორი დგომისათვის წინა ნომერს ხსნიდა.

– სად გაჩნდა ეს წიფურია, ასე ხელად, ეს უპატრონო! – ჩაილაპარაკა მანქანის პატრონმა, – სხვა მაინც იყოს, გამოდი აქეთ, ვანია, მოხსნას, სულ ერთია, მაგას მაინც ვერაფერს შეაგნებინებ.

მაგრამ ვანო უკვე ავტონისპექტორის გვერდით იდგა და ესაუბრებოდა:

– ნუ შეგვარცხვენ, წიფურია, ახლა. სტუმარი გვახლავს, ერთ წუთს შევირბენთ სასტუმროში. არ მოხსნა თუ ღმერთი გწამს.

წიფურია ამოხედა, ცოტა ხანს უყურა ვანოს და ისევ განაგრძო დაწყებული საქმე.

– არ გესმის, კაცო, შენ? – ვანოს ხმაში ტირილი გაერია, – ეს კაცი პირველადაა ძელქვიანში. რას იტყვის, რა ამბავს წაიღებს. მეტი არა ვართ ჩვენ ერთმანეთისთვის?

წიფურია უხმოდ მოხსნა ნომერი, გაიმართა და მოტოციკლეტისკენ რომ შეტრიალდა, სწორედ მაშინ მოხვდა საბერველივით დაჩუტულ უკანალზე ვანო მატარაძის გამეტეხული პანდური.

* * *

ძელქვიანში ყოფნის ორი დღის მანძილზე კიტა სალუქვაძეს სამჯერ ჩამოართვეს ჩვენება – კიტამ სამჯერვე სხვადასხვანაირად უამბო გამოძიებელს, თუ რა იცოდა სასტუმროს წინ ვანო მატარაძესა და ავტონისპექტორ წიფურიას შორის „მომხდარი ინციდენტის“ თაობაზე.

წინასწარმოფიქრებულად კი არ სცვლიდა ჩვენებებს. ამაზე არც უფიქრია. უბრალოდ, რაც ნახა, ყველაფერს ამბობდა, მაგრამ რატომღაც ჩვენება სამივეჯერ სხვადასხვანაირი გამოუვიდა.

ვანო მატარაძე მხოლოდ თხუთმეტი დღით ჩასვეს.

ნამუსის ქული

ყვავილების მაღაზიის კუთხეში ობობასავით მიყურულმა მესაათემ დარაბები რომ ჩამოუშვა, ნოე კაკაბაძემაც აალაგა თავისი „დუქანი“ – სკამი დაკეცა და სპორტლოტოს ყუთი ილღიაში ამოიჩარა.

– რა ჰქენი? – უხალისოდ ჰკითხა მესაათემ, ყუთი ჩამო-ართვა და მიწისძვრაში მოხვედრილივით დაღენილი კარადის ხახაში შეაგდო.

– არ ყიდულობენ, აღარ უნდა ხალხს. აღარც შენი ლოტო უნდათ და აღარც ლატარია. უნინ გეგმას მაინც ვასრულებ-დი. ახლა ესეც აღარაა. არ გეთამაშება ის კაცი. არ ლატარი-ობს შენთან და ძალაა?!

მესაათემ ხმა აღარ გაიღო. ამ ბოლო დროს სპორტლოტოს ბილეთების გამყიდველი ნოე კაკაბაძე წუნუნს მიეჩვია.

– მთელი დღე ხომ აქ ვიყინები, სახლში მივალ და მერე იქ მელის ერთი პანაშვიდი.

– რავა?

– გამწარებული იქნება ჩემი დედაბერი. შინ თუ შემიშვა, აღარაფერს დავეძებ. ისე კი არ ვამტყუნებ, რავარი დასაჯ-დომია ცივ ღუმელთან დილიდან საღამომდე.

– რატომ?!

– არ მომიტანა. ეს მეშვიდედ მომატყუა პარმენია თავსივ-ამ. ორი კვირაა შეშას ვეხვეწები, თუ არ მოგაქვს, რას მპირდ-ები, შე კაი კაცი. ტყვილად ხომ არ მინდა, ფულს გაძლევ ეს ოხერი და მუდრეგი-მეთქი.

– შეშის იმედზე ხარ კიდევ, ნოე? – დაინტერესდა მესაათე, – ვინლა ხმარობს შეშას ახლა, შე მამაგანათლებულო?

– რა ვქნა, აბა. ქვანახშირს ვერ მივეჩვიე, სუნი აქვს, იმ ოხერს. რალა სიცივეს მოვუკლავარ და რალა გაზს გამოვუხ-უთივარ.

– ნავთის?

– ნავთის ღუმელზე ამბობენ, არა უშავსო, მარა, ჯერ ერთი, – არ იშოვება არსად და მეორეც, – მეშინია რალაცა. კატუ-შას ამბავი არ იცი? ზეზეურად სძინავს ხანდახან ცხენივით, რომ ჩაკიდოს თავი და გამომენვას ეს ბებერი ქალი თავივით სახლში, სირცხვილს სად წავუვალ, სხვას ყველაფერს რომ თავი დავანებო.

ვერც ამ მუსაიფში იპოვა რამე ჭკუისთვის სახეირო მე-საათემ, კარს ურდული დაადო და მესპორტლოტოე ქუჩას შეატოვა.

ცივი, უგემური ამინდი იყო.

ისე თეთრად და გრძლად ცრიდა, რომ ვერ გაიგებდი – თოვდა თუ წვიმდა.

ცა რუხ-შავი ღრუბლებით ისე იყო თავიდან ბოლომდე ამოლესილი, რომ იფიქრებდით, მზე ამ წელიწადში გამომხე-დავი არ არისო.

ქუჩისპირა კედლები ცხენიანი კაცის სიმალლეზე საიმედოდ იყო დამბალ-დანესტიანებული, ლეყები და ხავსი მოდებოდა ჭიშკრებს და ეზოებს.

სოკოებივით ჩანდნენ ქუჩაში თავზე ქოლგაჩამომხობილი, მობუზული მგზავრები.

კარგა ხანს იდგა ნოე გაჩერებასთან. ორჯერ ჩამოიარა ავ-ტობუსმა და არც ერთჯერ რომ არ გაჩერდა, დაასკვნა: სულ ერთია, აქ კაცი ვერ ჩაჯდება, სტალინის მოედანზე გავალ და იქ უფრო თავისუფლად ვიშოვი ადგილსო, ყურებზე ომი-დან ჩამოყოლილი დაბამბული ქუდი ჩამოიფხატა და ოპერის თეატრის წინ გზა გადაჭრა.

ნოე კაკაბაძე წელში მოხრილი, კაფანდარა მოხუცი იყო. წვეტიანი გრძელი ცხვირი მზიან ამინდშიც სულ მოწითლე-ული და მოსველებული ჰქონდა. ბრტყელტერფასავით განგან დგამდა ფეხებს და შორიდან რომ შეგეხედათ, გეგონებოდათ, ამ კაცს ორზე მეტი ფეხი აქვსო.

განუყრელი მოლურჯო მოსასხამი ისე მორგებული და ჩამომდნარი ჰქონდა ბეჭებზე, იფიქრებდით, ამ ტანსაცმელს ლოგინშიც არ იცილებსო.

ნაფრონტალ ქუდს ვარსკვლავი კარგა ხნის წინ ააძრო, მაგრამ გამოხუნებულ ქსოვილს ხუთქიმიანი ანაბეჭდი უფრო ეტყობოდა.

თეატრის გვერდით, პარკის კოლონებთან შეჯგუფულ ხალხს მოჰკრა თვალი და იქით გადაუხვია.

ხარხარ-ლორლოცი რომ მოესმა, აპამპულავებენ ალბათ ვილაცასო, გაიფიქრა და უკან დაბრუნება დააპირა, მაგრამ ცნობისმოყვარეობამ სძლია და მოზრიალე ბრბოს შეერია.

ამ ქალაქისათვის უჩვეულო და გაუგონარი რამ არც ახლა ხდებოდა. ლერი იოსებაშვილისთვის ქუდი წაერთმიათ და მეძველმანის თავნესვა ბიჭი სამ „მწვალებელს“ შორის ბუზ-ლუნითა და ხვეწნით მიმოდიოდა.

უცნობები არც ისინი იყვნენ. ხარლამპია გოგავას, მურთაზ ცუცქერიძეს და კიჭია უჩანეიშვილს მთელი ქალაქი იცნობდა. ნოეს შეტყობით, ლერის ქუდით მოთამაშენი შეზარხოშებულები უნდა ყოფილიყვნენ.

– მომეცი, კიჭია, ჩემი ქუდი! – ლერი იოსებაშვილი სიცივისგან აკანკალებული, გასავათებული იდგა ორმოცდახუთიოდე წლის კაცის წინ, რომელსაც შავი, ხელოვნური კრაველისაგან შეკერილი ბოხობი ეჭირა და უაზროდ იცინოდა.

კიჭიას ყავისფერი ტყავის სერთუკი ეცვა. შავი, სქელი წარბები და ქვემოთ ჩამოვარცხნილი შეთხელებული ქალარა თმა ორ ადგილას გაჩეხილ შუბლს უფარავდა. საშუალოზე ოდნავ დაბალი ტანისა იყო. მსხვილი კისერი და ბზიკის ნაკბენივით დასიებული, წყალმანკიანივით მოყვითალო სახე ჰქონდა. უფერული, მსხვილი ტუჩებიდან დროდადრო საზარლად გამოაჩენდა ხალვათად ჩალაგებულ, თოხივით შავყვი-თელ კბილებს.

ბოხობის პატრონიც არ იყო მთლად ბავშვი, მაგრამ ასაკი, ჭკუაზე რომ არაფერი ვთქვათ, საბერველივით დაბერილ თეთრყირმიზ ლოყებზეც არ ეტყობოდა. სიმსუქნე ისე მორეოდა, რომ ფეხსაცმლის თასმებს სხვის დაუხმარებლად კარგ ნიძლავზეც ვერ შეიკრავდა. იმოდენა ლაბაბი ედგა ნიკაპს ქვემოთ, რომ პერანგის მეოთხე ღილს თუ დახედავდა,

თორემ პირველი სამი ღილის დანახვა მისთვის შეუძლებელი რამ იყო.

– მომეცი, კიჭია, ქუდი! – წაინია ლერი, მაგრამ კიჭიამ ბოხობი თავს ზემოდან აიქნია და შადრევნის კიბეზე შემდგარ მურთაზ ცუცქერიძეს ესროლა.

ლერი ახლა მურთაზისკენ წავიდა.

– გეყოფათ ახლა, მურთაზ ბიძია, მომეცი ქუდი!

– რომელი ბიძაშენი მე ვარ, ლერიკონა მუდუ, სამი წლით ხარ ჩემზე უფროსი. – დაიღრიჯა მურთაზი და ბოხობი საჩვენებელ თითზე დაატრიალა.

– მომეცი ჩემი ქუდი, მურთაზია! – ტირილი გაერია ხმაში იოსებაშვილს.

– მითხარი, ვის შეაკერინე და, კი. – შეევაჭრა მურთაზი.

– მომეცი ჩემი ქუდი! – ბუტბუტებდა ლერი.

– რად გინდა ქუდი? – ჰკითხა საცოდავ ბიჭს ვილაცამ.

ნოემ ხმა ვერ იცნო. შეკითხვის მიმცემი უკანა რიგში იდგა.

– მცივა თავზე. – განმარტა ლერიმ.

– მიეცი, მურთაზია, ტვინი არ გოუცივდეს, თვარა დაილუპა ქვეყანა. – სვეტს მიყრდნობილმა ხარლამპია გოგავამ დაიძახა.

– ჩემნაირი გამოგეზარდა შვილი, – დალოცა ხარლამპი ბოხობის პატრონი. – მომეცი, მურთაზია, ქუდი!

– უთხარი, ბიჭო სად შეაკერინე და მოგცემს. – ურჩია კიჭია უჩანეიშვილმა.

– არ მომიპარავს, ლიას გეფიცები, ბაბაიამ მიყიდა.

– ლია ვინაა, ბიჭო? – დაინტერესდა მურთაზი.

– არ იცი, ვითომ. – თავი გვერდზე შეაბრუნა და მორცხვად ჩაიციხა ლერიმ.

– კიდო გიყვარს ლია, ლერიკო? – ძალად დასერიოზულდა ხარლამპი.

– კიე, – ამოიხვნეშა ლერიმ.

– რომ გათხოვდა, მაინც გიყვარს?

– მიატოვებს ახლა მალე ქმარს და ჩემთან მოვა. – ღრმა რწმენით თქვა უბედურმა ბიჭმა.

ბრბო ახარხარდა.

– როდის მივატოვებო, რა თქვა? – სიცილისაგან ცრემლს ძლივს იკავებდა კიჭია.

– უშაფათო კვირეში. მომეცი, მურთაზია, ქუდი თვარა, ნავალ ასე სახლში და ნახე მერე შენ! – დაემუქრა ქუდის წამრთმევს ლერი.

სელაპს რომ თავზე სქელი, უხეში თმა ჰქონდეს, მურთაზ ცუცქირიძის ტყუპისცალი გეგონებოდათ. სელაპის პირი ხომ გინახავთ, ზუსტად ისეთი პირი ჰქონდა და ხმაც სელაპს მიუგავდა. მაღალი იყო, უწარბო, ნაქისფერი თვალები ისე ბოროტად უელავდა, მსახიობი რომ ყოფილიყო, განგსტერების და სამშობლოს გამყიდველების როლებს არ მოაცილებდნენ.

აბღავლებული ლერი იოსებაშვილი წრეს მიაწყდა, მაგრამ გააკავეს.

– ჰა, კარგი, წაიღე! – უთხრა მურთაზმა და ქუდი გაუნოდა.

– არ მომცემ შენ, მატყუებ. – მუშტით შეიმშრალა ცრემლი სისხლგამშრალმა.

– არ გატყუებ, ჰა, წაიღე, დამელალა ხელი, – სთხოვა ცუცქირიძემ.

გახარებული ბიჭი ხელებში ეცა, მაგრამ ველარ მოასწრო, ბოხობი ხარლამპისკენ გაფრინდა.

– მომეცი ჩემი ქუდი! – სასონარკვეთით იყვირა იმედდაკარგულმა ბიჭმა.

– გადაშენდი იქით. ნუ გააწყალე გული, თვარა გაგაყოფიებ იმ რკინებში თავს. – ლობე დაანახა მურთაზმა. – მე მაქვს შენი ქუდი? გაიგე, ვისა აქვს და იმას ეღრიჯე.

ლერიმ ხარლამპს გახედა და თვალის დახამხამებაში მასთან მიბლაცუნდა.

– მომეცი, ხარლამპია, ქუდი!

– რომელი ქუდი? – მზრუნველი კაცის იერიით ჰკითხა ხარლამპმა.

– რომელიცხა გიკავია ხელში, – არ დაიბნა ლერი.

– შენია მერე ეს ქუდი?

– ჩემია, აბა, შენია?

– რაზე ატყობ?

– სიფართეზე, – წამოეშველა ლერის ვილაც. – მაგხელა თავი სოფრომადის ბულდოგსაც არა აქვს.

ისევ გაირბინა სიცილმა სვეტებს შორის.

– ცხელია ეს ბოხობი წამეტანი, შენ არ გამოგადგება, თავს გაგიხურებს. – ურჩია ხარლამპმა.

ხარლამპ გოგავას წითურ ტურას ეძახდნენ. მსუქანი და დაბალი იყო. ნაყვავილარი, ჩოფურა სახე და წვრილი, თაფლისფერი, ერთმანეთს ზომაზე მეტად დაშორებული თვალები ჰქონდა. გატეხილი, ბრტყელი ცხვირი ძლივს აჩნდა სახეზე. ღიპზე შემონკვილი მეზღვაურის მაისურს ნეილონის ქურქი უფარავდა. ჯინსის უკანა ჯიბეში სანახევროდ ამონეული „პრიმა“ უჩანდა.

– მომეცი, ხარლამპია, ჩემი ქუდი, კაცი არა ხარ? – შეევედრა ლერი.

– სად გიყვარს ღია გვითხარი და მოგცემთ, – უთხრა ხარლამპმა და ასეთი ულტიმატუმი წაუყენა.

– აქანა! – სახე გაებადრა ბოხობის პატრონს და ყელზე მოიკიდა ხელი.

– იმას სად უყვარხარ?! – ჰკითხა კიჭიამ.

– გულში, – საერთოდ, როცა ღიაზე ლაპარაკობდა, ლერის გასაოცრად სერიოზული და ჭკვიანური გამომეტყველება ჰქონდა.

– თუ ნახულობ, რაც გათხოვდა მის შემდეგ? – ჩაერია მურთაზი.

– კიე.

– სად ნახულობ?

– სიზმარში.

– სიზმარში გითხრა, ქმარს ვშორდებიო?

– კიე.

სეირის მაყურებელთა ღრიანცელი მუზეუმის ფანჯრებს მიაწყდა და საფიჩხიის აღმართზე გაიშალა.

ლერიმ ქუდის დაბრუნების უფრო აქტიურ მეთოდს მიმართა, გადაწყვიტა, ქუდი წაერთმია ხარლამპისთვის, მაგრამ გოგავა ისე ოსტატურად უცვლიდა ბოხოსს ადგილს, ისე სწრაფად გადაჰქონდა ხელიდან ხელში, რომ იოსებაშვილის დათვური ბაჯბაჯი და უშედეგო კონწიალი სიცილის მეტს არაფერს იწვევდა.

უეცრად წრეში ვიღაც შევარდა. ხარლამპს ბოხობიანი ხელი დაუჭირა, ძირს დაანევირა და მკაცრად აუწყა:

– მიეცი ახლავე ქუდი, შენ გელაპარაკები!

ხარლამპმა გადაწყვეტილების მიღება ვერც კი მოასწრო, ნებით თუ ძალით დაშვებულ ხელში ლერი ეცა, ქუდი გამოგლიჯა და გაუჩინარდა.

სამარისებური სიჩუმე ჩამოვარდა.

გაოგნებული გოგავა შემოტრიალდა, რათა არამკითხე ჩამრევისთვის ჭკუა ესწავლებინა, მაგრამ მის წინ სიბრაზისგან აკანკალებული ჩია მოხუცი რომ დაინახა, გესლიანად ჩაიცივნა და ჩაილაპარაკა:

– ნოე ბატონო, შენ ხარ? რა შეგვაშინე, შე კაცო!

და როდესაც ნოე ნასასვლელად გატრიალდა, ხარლამპმა თვალის დახამხამებაში ააძრო ქუდი თავიდან და კიჭიას ესროლა.

ამას კი აღარ ელოდა ნოე კაკაბაძე. თითქოს ვიღაცამ ყელში წაუჭირაო, სული ველარ მოითქვა, ასი ფუთი ქვა დააწვა გულზე და ნელში გაიდრიკა. ყურებმა შუილი დაუნყო და თვალეზე მრუმე, ნისლიანი სიბლანტე აეფარა.

უკანდახევა გვიან იყო.

იგი წრეში იდგა და თუ რამეს არ იღონებდა, სულ მალე ჩავარდებოდა ლერი იოსებაშვილის დღეში.

ცოტა ხანს გაჩერდა, იქნებ ამდენ ხალხში ერთი ქომაგი მაინც გამოიჩინდესო, მაგრამ „შესანიშნავ სამეულთან“ ურთიერთობის გამწვავებას ვერავინ ბედავდა.

ნოემ შუბლიდან ცივი ოფლი მოიწმინდა და კიჭიას მიუახლოვდა.

– კიჭია, პატარა ჭკუას ჩახედე, ნუ აყვები იმ ხვადაგს (ხარლამპისკენ გაიშვირა ხელი), არ ვარ თქვენი ტოლი მე.

– ჩემთან რა გინდა, ნოე ბიძია? – მეჩხერი კბილები გადმოეყარა და გულისამრევად ხითხითებდა კიჭია.

– მომეცი ჩემი ქუდი. ნუ აგლახავებ ჩემზე ამ ხალხს, არ ვარ მე შენგან მაგის ღირსი.

– მე წაგართვი ქუდი? ვინცხამ წაგართვა, იმას მოკითხე. შენ რომ რამე ჩაგაბაროს კაცმა, მიცემ სხვას?

ამასობაში ნოე თანდათან უფრო უახლოვდებოდა კიჭიას და როცა გაიფიქრა, ახლა კი მივწვდები ქუდს და წავართმევო, კიჭიამ მშვიდად მოისროლა ქუდი მურთაზისკენ და ნახტომგაცუდებულ, ხელებგაშვერილ ნოეს ხმამაღლა ჰკითხა:

– რას შვრები, ნოე ბიძია, ლოცულობ?

– შენც ამგენის ჭკუის ხარ, მურთაზ?

ახლა ნოე მურთაზ ცუცქირიძესთან ეძებდა გზებს.

– არა, მე უფრო ჭკვიანი ვარ ამგენზე. – გაიცინა სელაპ-ადამიანმა და ბრბოდან რამდენიმე სუსტი ნერვების პატრონიც აიყოლია.

– არ ისროლო, გელაპარაკები, მომეცი ჩემი ქუდი!

მურთაზმა ქუდი ხელში შეატრიალა.

– ვარსკვლავი გასარემონტებლად ხომ არ მიგიტანია?!

ნოემ იცოდა, ვისთანაც ჰქონდა საქმე, მაგრამ სერიის მოყვარულთა ყოველი ახარხარება ხანჯალივით ესობოდა გულმეუცვლეში.

– მომეცი ქუდი, გირჩევნია!

– რეჰანით რომ გამოგიგზავნო დილას, არ მიიღებ? – ვითომ გაიხუმრა მურთაზ ცუცქირიძემ.

– ერთხელ მაინც იყავი კაცი, შე საწყალო! – ხმა აუკანკალდა მოხუცს. – რა გინდა ამ ძველ ბიჭებს რომ ეტორლიალები. ვინ ხარ, ვინ გამოგგზავნა, ვის ადგილზე ხარ, რას იბოხებ ხმას, ხომ ხედავ, არ გიხდება ძველბიჭობიას თამაში.

– მე დამანებე, ბატონო, თავი. მე წაგართვი ქუდი, ა?!

– მურთაზმა ქუდი ხარლამპს ესროლა, – მიდი და იმას ელაპარაკე. არ გინდა ჩემთან მასეთი ლაპარაკი, მე არავის არაფერს ვუშავებ. ჩემთვის ვარ, ნუ დამაჯექით ყველა თავზე. – მურთაზის ხმაში სასონარკვეთის სიმი აჟღერდა.

ნოე ამასობაში ხარლამპია გოგავას დაუბრუნდა.

– გეყოფათ ანი... გევიცინეთ ხომ? მომეცი ახლა ქუდი.

– ქუდი რომ გდომოდა შენ, იქნებოდი წყნარად შენთვის. – ნიშნის მოგებით უთხრა გოგავამ.

– ვის რა დაეუშავე, ხარლამპია, მე?

– აბა, რას ჩამიხტი ბუზანკალიან ძროხასავით შუაში, ვინ გკითხავდა ლერიკონა შტერის ამბავს შენ?

– რომელი ლერიკონა არ ჯობია შენნაირ პარაზიტს! – იყვირა ნოემ.

ხარლამპმა გაიცინა.

– როდიდან გახდი ასეთი მყრალი, ნოე ბიძია, შენ? ომი ხვარ დეინყო? ვის ეშინია თვალების ქაჩვის აქანა?

– ახლა იმალება მილიცია მაინცდამაინც, ახლა არ ჩანს არც ერთი... – ატირებას ცოტა აკლდა ნოეს.

– მილიცია ჩვენთან გამოწერიტაა. დღეს თუ გამოიწერ, ხვალ მოვა, ისე, სადმე სამართალი რომ იყოს, ერთი მომცრო მილიციელი ქე გეკუთვნის შენ წამყოლ-წამომყოლად.

– მომეცი, შე პარაზიტო, ჩემი ქუდი!

ნოეს ადამიანის ფერი აღარ ედო.

– ჰა, კიჭია და, მიეცი ამ კაცს მისი ქუდი, მე სუსტი გული მაქვს და მეშინია, ქუდის დაბრუნების დროს გლახა არაფერი ვაკადრო, – ხარლამპმა კიჭიას ესროლა ქუდი და ნოეს ზურგი შეაქცია.

– კიჭია, არ მაძლევ ქუდს? – სანამ ახლოს მივიდოდა, კიდევ ერთხელ მოსინჯა ნოემ კიჭიას პოზიცია.

– მოდი ახლოს და ვილაპარაკოთ.

– რა უნდა გელაპარაკო, ბიჭო, შენ?

– რაც გაგეხარდება.

– გამაგებინე, სად გაიზარდე. ვინ აგიშვათ ასე. რამ გაგათამამათ.

– ხალხო, – მიუბრუნდა კიჭია ბრბოს მართალი კაცივით, – ჩვენ და ლერია იოსებაშვილი ვთამაშობდით ჩვენთვის. მევიდა ეს კაცი და კბენა დაგვიწყო. ვართ ახლა ჩვენ რამეში დამნაშავე? „ხალხმა“ კიჭიას გულწრფელი კითხვა უპასუხოდ დატოვა.

– კიჭია! – ნოე ციებიანივით ცახცახებდა, – შე გამყიდველო, კიჭია. არ ხარ ახლა შენ ღორივით დასაკლავი?

– რაის გამყიდველი ვარ, რა გაგყიდე? ეგება „სპორტლოტოს“ ვასუხარებ შენსავით და ხალხს ვატყუებ

– სპორტლოტოს მე, ქე მაინც ჩემს დაბეჭდილს არ ვყიდი, მადლობა ღმერთს, და შენ შენი ძმაკაცების ცოდვა გადაეცა.

– რომლების? – ხმას აუწნია კიჭიამ.

– რატომ სხედან, აბა, ახლა ხინგავა და მარლანია ციხეში და შენ რატომ ხარ გარეთ?

– არ ვიყავი იმ საქმეში და იმიტომ...

– ხომ ყველამ იცის, ამდენმა ხალხმა, მთელმა ქალაქმა, შენ რომ იქ იყავი, მარა გამოძვერი თუ გამოგაძვერინეს. ახლა კაცი ხარ ვითომ შენც და ჭკუა გეკითხება?

– კი მარა, ამდენი ბოღმა თუ გქონდა გულში, გამარჯობას რატომ მეუბნებოდი, ნოე ბიძია?

– ბიძაშენობას ბიჭო, გველის ქვისლობა სჯობია. გამარჯობას მტერს არ დაუკავებენ.

– რატომ მეჭიდები, ხომ იცი, ვერ მომერევი, ნოე ბიძია, შენ. – ამ უკანასკნელ სიტყვებს გამომწვევად ამბობდა კიჭია.

– მორეული არ ვარ? ჩაიხედე სარკეში. შეხედე შენს თავს, ხომ ხედავ, არც ღმერთი გაყრის კარგ დღეს მაინცდამაინც.

– იმედი გაქვს, ხომ? ამ ხნის კაცს რომ ვერ ჩამოგკიდებთ სარზე, ხელს რომ არ გავისვრით, ამიტომ უნდა მოდგე და ანთხიო ბაღლაში წინ და უკან, ხომ? ნუ გამოგვიყვან მოთმინებიდან, თვარა მოგინევს ბანაობა ცივ რიონში, მამაჩემსა აქვს ცხონება! – წონასწორობას კარგავდა კიჭია.

...ნოე კაკაბაძემ წრე გაარღვია და ქუჩას მიაშურა. თამაში უადგილო ადგილას შეწყდა. ბრბოს აშკარად არ უნდოდა ეს დიდებულად დაწყებული ომი ასე უბრალოდ დამთავრებულიყო. ბევრი უძახეს ხარლამპმა და მურთაზმა მოხუცს, დაბრუნდი, წაიღე ქუდიო, მაგრამ ნოე კაკაბაძეს უკან აღარ მოუხედავს.

გაჩერებასთან მისულს ცუცქირიძე წამოეწნა და ქუდი ძალით ჩამოამხო თავზე, მაგრამ ნოე კაკაბაძემ ცეცხლმოკიდებულივით იშვლიპა თავსაბური და ტალახში მოისროლა.

თარჯიმანი

– გადავრჩით? – ჩაულაპარაკა მინისტრმა ლევან ხვედელიძემ თავის თარჯიმანს, გია ყუბუსიძეს, როცა დამსწრეთა ტაშის გრიალში ტრიბუნას მოშორდა და კულისებში სული მოითქვა.

– დღეს კი. – გაულიმა მთარგმნელმა.

– სადაც გინდა გამომიყვანე და ასეთ ჯამათში ნუ გამომიყვან. საქმეზე აქ ვერ ილაპარაკებ, სტუმარი ხარ. რაღაცა ისე ხომ უნდა თქვა, რომ ხალხს თავი დაახსოვო.

– რასაკვირველია.

– შენ წარმოიდგინე, თავმჯდომარემ ჩემი გვარი რომ გამოაცხადა და რომ წამოვდექი, ერთი სიტყვაც არ მახსოვდა, რა უნდა მეთქვა.

– ხომ გითხარით, სიტყვას წინასწარ გადახედეთ-მეთქი.

– გადავხედე კი არა, მთელი ღამე ვიზეპირებდი, მაგრამ... ბავშვი კი აღარა ვარ. მე მგონია, მაინც მოვაბი რაღაცას თავი.

– კარგი იყო, არა უშავდა!

– მეტი რა უნდა მეთქვა. თუმცა სადღეგრძელოსავით გამომივიდა, მაგრამ არც ესაა სწორი, ჩემ წინ გამოსულმა პროცენტებით რომ წაილო ტვინი.

– რა თქმა უნდა, დანვრილებით ლაპარაკს აზრი არა აქვს, მაგრამ ერთი უნდა შეგნიშნოთ.

– მითხარი, აბა! – მინისტრმა ყურს ხელი მიახმარა.

– დანყებისას არ გინდათ ეს ერთნაირი ფრაზები. მე მზიური რაიონიდან ჩამოვედი და მზე ჩამოგიტანეთო, თუ დააკვირდებით, ვინც სამხრეთიდანაა, თითქმის ყველა ასე იწყებს, ან მზიურ ქვეყანას ახსენებენ პირველად, ან თოვლიან-ყინულიან მწვერვალებს.

– მერე ეს ცუდია?

– ცუდი როდია, მაგრამ მზით გავაკვირვებთ ჩვენ ამათ? თქვენ უფრო ორიგინალური სიტყვა შეგფერით. სხვათა შო-

რის, მზე და ზღვა, ან თოვლი და მწვანე ხოდაბუნი ჩვენი დამსახურება სრულიადაც არ არის – ბუნების მადლია. თავი იმით უნდა მოგვეკონდეს, რაც ჩვენ შეგვიქმნია, რითაც სხვებისაგან გამოვირჩევით.

– სწორი ხარ.

– მე მგონი, არც ის იყო საჭირო, ეს ამდენი ხალხი შინ რომ დაგვიპატიჟეთ.

– ვიხუმრე, შე კაცო!

– იხუმრეთ. რასაკვირველია, მაგრამ ხომ ნახეთ, ყველას გაოცება გამოეხატა სახეზე. ნუ დაგავინწყდებათ, ვისი სტუმრები ვართ: მუმუმუმიის კუნძულებზე ბოლო ადამიანი ოთხმოცი წლის წინათ შეჭამეს, კი, მართალია, ახლა კულტურული განვითარების გზას ადგანან, მაგრამ იუმორის გრძნობა ჯერ კიდევ შორსაა მათგან.

– ერთი სიტყვით, შენ უფრო იცი ამათი ამბავი და როცა ისეთს ვიტყვი რამეს, არ თარგმნო, თუ კაცი ხარ, გამოტოვე. გაგიჭრდა თარგმნა?

– სრულიადაც არა.

– ჩქარა ხომ არ ვლაპარაკობდი?

– არა, ბატონო.

– ყველაფერი თარგმნე?

– თითქმის. მარტო ერთი ადგილი გამოვტოვე, გითხრათ სიმართლე, – გემიდან რომ ჩამოვედი და თქვენს კლდეებს რომ შევხედე, გულმა რეჩხი მიყო, რომ თქვით.

– რატომ?

– „გულმა რეჩხი მიყო“ ვერაფრით ვერ ვთარგმნე. მინისტრს გაეცინა.

– მართლა, რა სასწაული ენა გვაქვს. რას უნდა ნიშნავდეს ახლა ეს „გულმა რეჩხი მიყო“, ვერაფრით ვერ თარგმნე, ხომ?

– ეს სიტყვები მუმუმუმიის ენაზე კი არა, მე მგონი, არც ერთ სხვა ენაზე არ ითარგმნება.

– ჰოდა, კარგი გიქნია, რომ გამოტოვე. ხმამაღლა რომ გაიცინეს, რაზე გაიცინეს, თუ გახსოვს?

– სცენაზე ხვლიკმა გაირბინა და რეპროდუქტორის ხახაში შეძვრა.

– არ გამაგიჟო!

- ნამდვილად.
- კიდევ კარგი, რომ არ დამინახავს, თორემ ბრინჯივით დავიბნეოდი.
- ??
- ხვლიკის მეშინია ძალიან. ახლა რა უნდა ვქნა. აქ ვიდგე?
- არა. შებრძანდით ახლა პრეზიდენტში.
- ახლა, ამ წუთას?
- ორატორი რომ დაამთავრებს, ტაშის დროს შებრძანდით და მესამე რიგში დაჯექით. ა, იმ სათვალისანი ზანგის გვერდით.
- შენ სად იქნები?
- მე აქ დაგელოდებით.
- კარგი, აბა. შორს არ წახვიდე, გია, თუ კაცი ხარ.
- არა, ბატონო.

როცა მარტო დარჩა, გია ყუბუსიძემ ერთხანს კულისებში დაჰყო, მერე დახვეულ კიბეს ჩამოყვა და ქუჩაში გავიდა, მიტინგი ჯერ არ დამთავრდება და თვალს წყალს დავალევიანებო. მუმუმუმიის დედაქალაქში ცხელოდა.

ქუჩაში კანტიკუნტად თუ გაივლიდა თეთრ მიტკალში გახვეული მოქალაქე, რომელსაც თავზე წყლით სავსე უზარმაზარი ჭურჭელი ედგა.

გიამ პიჯაკი გაიხადა, ჰალსტუხნაჭერილ ყელს ცოტა შვება მისცა და მაგნოლიის ხეს შეეფარა.

თარჯიმანი ბედს არ უჩიოდა. მართალია, იგი პირველად იყო საზღვარგარეთ, მაგრამ მუმუმუმიის ხალხის ცხოვრების თაობაზე იმდენი იცოდა, რომ ამ უთავბოლო ქალაქშიც უმეგზუროდ გაიკვლევდა გზას, თავისუფალი დრო რომ ჰქონოდა.

იცოდა გიამ, რა საპასუხისმგებლო საქმისთვის ეკიდა ხელი. ამ უცხო ქვეყანაში მინისტრის თარჯიმნობა ხუმრობა საქმე ხომ არ იყო.

ყუბუსიძე ოცდაათს მიღწეული, სანდომიანი სახის, წელში მოხრილი, გამხდარი, სათვალისანი კაცი გახლდათ. ზუსტად ისე – კინოფილმებში ზედმინევიტ პატიოსანი, მაგრამ ოდნავ დაბნეული, თავისი საქმის ღრმად მცოდნე, მაგრამ გაუბედავი პერსონაჟები რომ გამოჰყავთ.

ინგლისური ენისა და ლიტერატურის ფაკულტეტი დაამთავრა, მაგრამ კარგა ხანს იარა უმუშევრად, რადგანაც იმ ქა-

ლაქში, სადაც გია ცხოვრობდა, ყოველმა მეორე კაცმა იცოდა ინგლისური და თუ რომელიმე ენის მთარგმნელი სჭირდებოდათ, ყველაზე ნაკლებად ეს ინგლისურის სპეციალისტი გახლდათ.

ერთხანს აბითურიენტები ამზადა, მაგრამ მალე მიხვდა, რომ რეპეტიტორობა მისი მონოდება არ იყო. ოთხი მონაფიდან სამს მაინც ცოდნის შეძენა კი არა, მისაღებ გამოცდებზე დახმარება უნდოდა. გიას კი ეს არ შეეძლო და რომც შეძლებოდა, არ ჩარგავდა თავს ამ საეჭვო და ბინძურ საქმეში.

რეპეტიტორობას თავისი შნო და მარიფათი უნდა.

სამსახურის საძებნელად ინსტანციებში ამაო ხეტიალით დაღლილს, ვილაც ღვთიან-მადლიანმა ურჩია, ქალაქში მუმუმუმიის ენის მცოდნე არავინაა, ისწავლე ეს ენა და პურს გაჭმევსო.

შექსპირის ენამ ვერ მიშველა და მუმუმუმიის ენა რა ხეირს დამაყრისო, ხელი ჩაიქნია გიამ, მაგრამ როცა იმ კეთილმა კაცმა დააიმედა: რა გინდა, კაცო, შენ ოლონდ ეს ენა ისწავლე და სამსახურში მონყობის პირობას მე გაძლევო, ყუბუსიძეს ჭკუაში დაუჯდა, ერთი წლის თავზე მუმუმუმიური ურთულესი ენა ისე დასძლია, რომ არა მარტო კითხულობდა და თარგმნიდა, რადიოგადაცემებსაც უსმენდა და ამ განვითარებადი ტომის დიალექტებშიც გაიწაფა ენა.

მუმუმუმიის კუნძულებთან ურთიერთობას დიდი მომავალი უჩანდა და, ერთ მშვენიერ დღეს, გია ყუბუსიძე ტაშისკვრით დანიშნეს კანცელარიის მოხელედ კი არა, მიმონერის განყოფილების სტილისტად კი არა, – მინისტრის თარჯიმნად.

დანარჩენს მკითხველი უკვე ხვდება.

მინისტრი ბავშვივით დამჯერე და ტკბილი კაცია. გიას ნიჭს ძალიან აფასებს და მუმუმუმიის ტომის თავისებურ ხასიათზე თავისი თარჯიმნის აზრებს ანგარიშს უწევს.

ხომ ხედავთ, რა უფლება მისცა ახალგაზრდა მთარგმნელს – რაც არ მოგეწონება, ნუ თარგმნიო.

თეატრის შენობიდან გამოვიდა თუ არა, გიამ შენიშნა, რომ ვილაც გამოჰყვა. ახლა იგი, შავ კოსტიუმში გამონყობილი, უზარმაზარი მუმუმუმიელი შორიახლო დააბიჯებდა შენუხებული სახით ხან თარჯიმანს შესცქეროდა, ხანაც კისერზე ოფლს ინმენდდა თეთრი ცხვირსახოცით.

გიამ გაუღიმა. ეს ღიმილი მუმუმეილმა გასაუბრების ნებართვად ჩათვალა, მიუახლოვდა და ბოდის მოხდით ჰკითხა გამოსვლის მიზეზი.

თარჯიმანმა აუხსნა, გულის უკმარისობა მაქვს და ერთი წუთით გამოვედი, ჰაერს გადავყლაპავ და შევბრუნდებიო.

თუ სხვა არაფერი გნებათ, შენობაში ყოფნა გირჩევნიათ, იქ კონდიციონერული ჰაერია და გრილა კიდევ, მორცხვად აუნყა მასპინძელმა.

გიას შერცხვა. რა ღმერთი გამიწყრა. უფრო დამაჯერებელი მიზეზი რად ვერ მოვიგონეო, თავის თავს გაუწყრა, პიჯაკი ჩაიცვა და თავაზიან გამყოლს შეჰყვა პარტენონის სტილზე აშენებულ, მუმუმეის ოპერისა და ბალეტის თეატრის შენობაში.

ის იყო კულისებში შერგო თავი და შეფს გახედა, რომ სხდომის თავმჯდომარე – ქრელი ხილაბანდით თავნაკრული, დაბალი კაცი წამოდგა და დარბაზს მიტინგის დამთავრება აუნყა.

ტაშის გრიალი და ფეხების ბაკუნი კარგა ხანს არ დამცხრალა.

გია კულისებიდან გასცქეროდა: მუმუმეის მოქალაქეებს არაჩვეულებრივი სიხარული და კმაყოფილება ეხატათ სახეზე.

თარჯიმანს მოეჩვენა, რომ დარბაზს სხვა რამეზე უფრო მეტად ამ გაჭიანურებული და მოსაწყენი სხდომის დამთავრება უხაროდა.

გასასვლელეებში და პარტერის წინა რიგში თეთრხელთათმნიანი პოლიციელები იდგნენ და დარბაზს იდუმალი ყურადღებით ათვალთვლებდნენ, რათა ამ აჟიოტაჟსა და ღრიანცელში ვინმეს სიყვარულით სცენისაკენ ქვა არ ესროლა.

პრეზიდენტში მსხდომნი სათითაოდ, დარბაზისთვის ზურგისუჩვენებლად, ჰაეროვანი კოცნის გზავნიდა და ყურებამდე ღიმილით გამოლაგდნენ კულისებში.

მინისტრმა გიას უხმო და ოთხად გაკეცილი ქალაქი გადასცა.

– რა წერია, ერთი ნახე.

გიამ უსტარი გაშალა და ჩაიკითხა:

„ბატონო მინისტრო, სალამოს შვიდ საათზე თქვენ მიწვეული ბრძანდებით მუმუმეის კულტურისა და შავი მეტალურგიის მინისტრთან მიღებაზე“.

– კი, მაგრამ, ეს ხვალ არ იყო? – შეიცხადა ლევან ხვედელიძემ.

– პროგრამით ხვალ იყო გათვალისწინებული, შეცვალეს ალბათ.

– რომელ საათზე?

– შვიდზე.

– ეს ჩვენი დროით რომელია?

გიას გაეცინა.

– ბატონო ლევან, ჩვენი დროითაც შვიდი საათია.

– რანაირად?

– ხომ გითხარით, ჩვენსა და ამათ დროში განსხვავება ოცდაოთხი საათია. ჩვენ ოცდაოთხი საათით წინ ვართ.

მინისტრმა საათზე დაიხედა.

მზე კარგა ხნის გადასული იყო და ქუჩის ორსაჟენიანი თერმომეტრი მხოლოდ ორმოცდაცხრა გრადუსს უჩვენებდა, როცა მინისტრი და თარჯიმანი ბამბუკის ხუთსართულიანი სახლის კიბეს მიუყვებოდნენ.

გიამ დათვალა: გრძელ დერეფანში ერთიმეორის მიყოლებით შვიდი კარი გაიღო. თითოეულ კართან მიახლოებისას ორი ფრაკიანი მუმუმეელი გამოსტებოდა, სტუმრებს თავს დაუკრავდნენ და შემდეგი კარის გასაღებად ტყაპატყუპით გარბოდნენ.

თარჯიმანს გაეცინა. ლაქიებს ფეხებზე ხის ქოშები ეცვათ. იმისათვის ხომ არა, გრძელ დერეფანში მათს თავანწყვეტილ დოღს მეტი ხმაური რომ გამოეწვია?

როგორც იქნა, მიაღწიეს კულტურის და მეტალურგიის მინისტრის კაბინეტამდე.

მასპინძელი კარშივე შეეგებათ. გიას გაუკვირდა. მუმუმეის მთავრობის წევრს ყვითელი აბრეშუმის გრძელი სარაფანი ეცვა. წითურ, ხუჭუჭა თმაში ლურსმნისხელა ბრჭყვიალა ქინძისთავები ჰქონდა გარჭობილი, ხოლო ტუჩები ხუთჯერ უფრო სქელიც რომ ჰქონოდა, მაინც ვერ დაფარავდა მის ჯანმრთელსა და ბასრ კბილებს, ავის მაუნყებლად წინ გამოშ-

ვერილთ. გიას მოეჩვენა, რომ ეს კაცი პროვინციულ თეატრში ოტელოს როლის შემსრულებელს ჰგავდა.

თარჯიმანი უკუდგა და ლევანი წინ გაატარა, ერთმანეთს რომ მიუახლოვდნენ, მასპინძელმა გულზე ხელები აიფარა და თავი მუხლებთან მიიტანა, „კოცნა არ გინდათ“, – წასჩურჩულა გიამ ხვედელიძეს, მაგრამ უკვე გვიან იყო, ლევანს კისერზე შემოეხვია ხელი დაბნეული მასპინძლისთვის და გაშმაგებით კოცნიდა ხან მარჯვენა და ხან მარცხენა ლოყაზე.

კულტურისა და შავი მეტალურგიის მინისტრი უხერხულობისგან იშმუშნებოდა. ვერაფრით აეხსნა სტუმრის გულაჩუყების მიზეზი. უშველებელი ტუჩებით რალაცას ბურტყუნებდა და ხანდახან თავის გვერდზე შებრუნებით აგრძობინებდა სტუმარს, რომ იგი ამდენი ფერებისა და გულში ჩახუტების ღირსი სრულიადაც არ იყო.

მისალმების ცერემონიალი რომ დამთავრდა, ლევან ხვედელიძემ თარჯიმანს ხელი დაუქნია.

მასპინძელმა ირგვლივ ოთხი ბალიში შემოიწყო და სტუმარს ერთ-ერთ თავისუფალ ბალიშზე მიუთითა.

მინისტრმა შენიშნა, ფართოტუჩება დამხვდური სულს ძლივს იბრუნებდა.

თუ მეტი გამძლეობა არა აქვს, ვინ დანიშნა ამოდენა უწყების უფროსადო, გაიფიქრა ხვედელიძემ და გვერდზე აწყობულ თარჯიმანს ჩუმად (ისე რომ მასპინძელს არ გაეგონა) ჰკითხა: რა ვქნა ახლა?

– დაბრძანდით ამ შემოთავაზებულ ბალიშზე. კედელთან რომ ორი მუთაქაა, ერთით ზურგი გაიმაგრეთ, მეორე მუხლებზე დაიდეთ, რათა იდაყვებით დაეყრდნოთ.

მინისტრმა თარჯიმანის რჩევა უშეცდომოდ შეასრულა. მერე, ბალიშზე მოკალათებულმა, თავის ქკვიან მთარგმნელს ამოხედა და ჰკითხა:

– სწორად ვზივარ?

გიამ თავი დაუქნია.

მუმუმის მხარის წარმომადგენელმა ხელის მტევნები ერთმანეთს მიატყუბა, თვალები ქერს მიაპყრო და სიტყვა წარმოთქვა.

იგი შეუჩერებლად ლაპარაკობდა, მაგრამ გია ყუბუსიძე

თარგმნას თავისუფლად ასწრებდა, რადგანაც კულტურისა და შავი მეტალურგიის მინისტრი ყოველ მესამე წინადადებაში პირველ წინადადებას იმეორებდა.

„თქვენი ჩამოსვლით უალრესად ბედნიერი ვარო. გზაზე ხომ არ დაიღალეთ, კუჭის მოქმედება ხომ ნორმალური გაქვთო, თქვენი ჩამოსვლა ახალ ფურცელს გადაშლის ჩვენი ხალხების ისტორიაშიო, ძალიან გვიჭირს, მაგრამ თქვენი დახმარების იმედი გვაქვსო. მუმუმის კაცი უღალატო და გამტანია, მაგრამ როგორც კი შეატყობს, რომ ატყუებენ, მართალსაც კი აღარ დაიჯერებსო. ერთცოლიანობის ლიკვიდაცია უკვე მოვახდინეთ, მალე საყოველთაო დაწყებით განათლებაზე გადავალთო. შავი მეტალურგია, მართალია, ჯერ არა გვაქვს, მაგრამ თქვენი სახელმწიფო დახმარების ხელს გვინვდის და, იმედია, მალე მეტალურგიული ქარხნების კომპლექსი გვექნებაო. შავი მეტალურგია მრეწველობის პურიანო. შავ მეტალურგიას და საფეიქრო მრეწველობას თუ თავი მოვაბით, მერე ფერად მეტალურგიაზეც ვიფიქრებთო“.

ჯერი ლევან ხვედელიძეზე მიდგა. სტუმრის საპასუხო სიტყვა მოკლე და დაბნეული, მაგრამ გულწრფელი იყო.

ორ მარტივ წინადადებას რომ იტყოდა, ღრმად ამოისუნთქავდა და იმედიან მზერას ესროდა თავის თარჯიმანს. სანამ ყუბუსიძე იმ ორ წინადადებას თარგმნიდა, მინისტრი ახალ ფრაზას აკონინებდა თავში. კაცმა სიმართლე უნდა თქვას და, გიას ცოტა ჯაფა როდი ადგა ლევან ხვედელიძის აბდაუბდა ნათქვამში ლოგიკის ნაპერწკალი შეემჩნია და ასატან ღონემდე მაინც შეელამაზებინა.

მუმუმის ყურადღებით უსმენდა. ხანგამომავებით კმაყოფილებით ჩაიკრუსუნებდა და მინის თხილს დაწვდებოდა.

სიტყვათა ოფიციალური გაცვლა-გამოცვლა რომ დამთავრდა, მასპინძელი გაიზმორა და განმკლავმიღებულმა ხვედელიძეს გაუღიმა, რითაც აგრძობინა, ჩვენი შეხვედრის ეს პირველი ეტაპი ხომ წარმატებით დავამთავრეთ, ახლა შინაურულ მუსაიფზე გადავიდეთო.

– რა უნდა? – ჰკითხა თარჯიმანს მინისტრმა.

– თავისუფლად ვიყოთო. რაზეც გინდათ, ვისაუბროთო. შემიკითხეთ, რაც გაინტერესებთ და სიამოვნებით გიპასუხებთო.

– აგაშენა ღმერთმა-თქო, – გული მიეცა მინისტრს, – შენ ეს მითხარი, გია, ხომ შეიძლება ეს მინის თხილი რომ ავიღო?

– კი, ბატონო.

– რომელი თეფშიდან, თვითონ რომ იღებს იმიდან, თუ აქეთ რომ დგას?

მასპინძელი, თითქოს ნათქვამი გაიგო, თეფშს დაწვდა და მინისტრს გაუწოდა.

ხვედელიძემ ერთი ცალი აიღო და თეფშთან ნახევრად მოკეცილი ხელის მიტანით გულუხვ მასპინძელს მადლობა გადაუხადა.

– ჰკითხე ერთი პროტექციონიზმი თუ არის თქვენში-თქო, – სერიოზული სახით უთხრა მინისტრმა თარჯიმანს.

გია განითლდა.

– უხერხულია, ბატონო ლევან, ჯერ ესენი ამ დონემდე არ მისულან. შეიძლება ამ სიტყვის მნიშვნელობაც არ იცოდეს.

ლევანი შეიშმუშნა.

– მაშინ ასეთი რამ ჰკითხე: ჩვენ პირველი რომანი ათას ხუთასი წლის წინ გვქონდა და თქვენ რომელი საუკუნიდან გაქვთ-თქო. კულტურის მინისტრია, უნდა იცოდეს.

გიამ არც ეს შეკითხვა მიიღო სათარგმნელად.

– ბატონო ლევან, ამათ რომანი ახლაც არა აქვთ.

– ვიცი, რომ არა აქვთ. – მინისტრი აიმრიზა, – სწორედ მაგიტომ ვეკითხები, რომ გავაგებინო, ჩვენ ვინა ვართ და რას წარმოვადგენთ.

– ძალიან გთხოვთ, ბატონო ლევან, – ყურებამდე განითლებულ თარჯიმანს ტუჩები უთრთოდა: – შეურაცხყოფად მიიღებს ამ შეკითხვას. უხერხულ მდგომარეობაში ჩავარდება. თქვენ გგონიათ, ძალიან ესია მოვინება, ჩვენ რომ ათას ხუთასი წლის რომანი გვაქვს და, ესენი რომ გუშინ გამოვიდნენ ჯუნგლებიდან?

– კი მაგრამ, აბა, რაზე ველაპარაკო შენი ჭკუით? – ნყრომა გაერია ხმაში ლევანს.

– რაზეც გნებავთ, თქვენი ნებაა. მე, თუ მიბრძანებთ, ამ კითხვებსაც ვთარგმნი, მაგრამ უხერხულია. – თავი დახარა ყუბუსიძემ.

კულტურისა და შავი მეტალურგიის მინისტრი ხან ლევანს

შეჰყურებდა და ხან გიას. იგი ხვდებოდა, რომ მინისტრი და მისი თარჯიმანი რალაცაში ვერ რიგდებოდნენ.

– ჯამნომუმოკივოპუტა? – სიჩუმე დაარღვია მასპინძელმა.

– რაო? – ყუბუსიძეს მიუბრუნდა ლევანი.

– ხომ არ დაიღალა ჩვენი სტუმარი? ხომ არ სურს, ყავა მოვატანინო, ან ბალში გავისეირნოთო.

– გმადლობთ, ახალი ნავახში ვარ-თქო, მოახსენე.

– ბუბუტოჩანოკანა – დაუმარცვლა თარჯიმანმა მუმუმიელს. მასპინძელი დამშვიდდა.

ცოტა ხანს სიჩუმე ჩამოვარდა.

– ისტორიული ძეგლების რესტავრირებისა და მოვლა-პატრონობის საქმე რა დონეზე გაქვთ დაყენებული-თქო, კითხე ერთი, თუ კაცი ხარ, – მორიგი შეკითხვა მოიფიქრა ლევან ხვედელიძემ.

გიას სიჯიუტეს ბოლო არ უჩანდა.

– ვერ ვკითხავ ასეთ რამეს, ბატონო ლევან!

– რატომ ვითომ?! – ცოტა არ იყოს, ხმამაღლა მოუვიდა ნათქვამი მინისტრს.

– ამათ ისტორიული ძეგლები საერთოდ არა აქვთ და, რა რესტავრირებაზეა ლაპარაკი!

მინისტრს ყელში ბურთივით რალაც მოაწვა. მესამე შეკითხვაც უვარდება. ამის მოთმენა უკვე აღარ შეიძლება.

– კაცო, შენ რასაც გეუბნები, ის უთარგმნე და ჩემს ჭკუის სწავლებას დაანებე თავი, ბიჭო!.. – ვითომ თავისთვის ჩაილაპარაკაო, განზე გაიხედა ლევანმა.

* * *

გია ყუბუსიძე მუმუმიიდან დაბრუნებისთანავე გაანთავისუფლეს სამსახურიდან. თარჯიმანი ვერაფრით ვერ მიხვდა, რა შეეშალა მუმუმიის კუნძულზე თავისი სამსახურებრივი მოვალეობის შესრულებისას.

თუ მკითხველიც ვერ ხვდება, მაინც აღარ ყოფილა საშველი და ეგაა.



ბზა

იღბალი არ გინდა? ამ დედაბერმა წელან ვაგონის ნომერი მკითხა, სათვალე არ მივარგა და ვერ ვხედავო. იმ ერთი წუთის განმავლობაში, სანამ კიბეზე ამოჩოჩდებოდა, მოასწრო ეთქვა ჩემთვის: დასთან ვიყავიო ულგოროდში სტუმრად, ქალიშვილი გაათხოვა და დაბრუნების პურ-მარილი გადაიხადაო. ჩემმა კაცმა ლამის მორიგეობა მოიმიზეზა და არ წამოვიდა. აღარაფერი აღარ უხარია, ოღონდ სახლიდან ნუ გაიყვან და, რა გინდა შენო. კაცი ასე დაგლახავებულებო, არ მინახავსო. ავდექი და მარტო წამოველ, აბა, რას ვიზამდიო. ტანია ჩვენს ხელში გაიზარდა სანახევროდ, ქორწილში ვერ წავედი და ახლა დაბრუნებისას შევირცხვენდი თავსო?

ბოდიში მომიხდია ყველა ამ ხნის ქალის წინაშე, მაგრამ, სამოციის ახლომასლოს რომ ეძახიან, იმ ასაკის ქალბატონებს, ვილას დავუმალე და, ბევრი ლაპარაკი უყვართ, ღვთის წინაშე, თუ გულდაგულ მსმენელი შეხვდათ. ნეტავ იმას, ვის კუპეშიც შენ მოხვდები-მეთქი და მაინცდამაინც ჩემს კუპეში არ აღმოჩნდა?

მეთერთმეტე ადგილი ჩემია, მეცხრე ამ დედაბრისა, დათვისქურქიანმა ყმანვილმა შემოიხედა. იქნებ ცოდვას ჩავდივართ, მაგრამ შეზარხოშებული ნამდვილად იყო. ჩვენთვის ყურადღებაც არ მოუქცევია, ზედა სანოლზე შეხტა და ქურქგაუხდელად დაიძინა, ფშვინავს გემრიელად. ბედნიერი კაცია, აბა, რა არის.

ვაგონრესტორანში მონამვლის თავი არა მაქვს. მე შენ გეტყვი, სუფთა თეფშზე დასხმულ წესიერ კერძს მოგანვდიან. დერეფანში გავიდე? რამდენ ხანს ვიდგე მერე ფეხზე ცხენით? სხვა გზა არა მაქვს, უნდა ვუსმინო. თითქოს საკულტო რიტუალს ასრულებდეს, რა კარგად ეწყობა, როგორ ემზადება სამუსაიფოდ, ეს დალოცვილი. ლეიბ-საბანი გაშალა, წელზე

თავშალი შემოიხვია. ბალიშს ზურგით მიეყრდნო. პირსახოცი ოთხად გაკეცა და ლეიბქვეშ ამოძო. ჩანთიდან შალის წინდები ამოიღო და ჩაიცვა. მერე ჩემკენ გამოიხედა და წყნარი, მშვიდი ხმით, თითქოს ძველთაძველ ნაცნობს ელაპარაკებო, დაიწყო:

– საკუთარი ქმრის ძვირს როგორ უნდა ვამბობდე, მაგრამ გავმწარდი, შვილო, და წამომცდა. სიბერის ბრალია ალბათ. აღარც ჩემიანი უნდა და აღარც მისიანი. გამომიშვა ეს ინვალიდი ქალი. ბრმაზე საცოდავი არის რამე, ბატონო, ამ ქვეყანაზე? ბრმა ვარ, აბა, რა ვარ! ამ თვალთ სულ ვერ ვხედავ და აქეთა თვალში მარტო ოცი პროცენტი მაქვს მხედველობა. გართულებული კატარაქტიაო, თუ რაღაც ჯანდაბა, საოპერაციოდ მაქვს საქმე. ა, თქვენ ახლა ბუნდოვნად გხედავთ. შავი უღვაში გაქვთ, მგონი, და აქცენტზე გეტყობათ, რუსი არ უნდა იყო. ბრმა კი არა, თვალახელილი ძლივს აგნებს ახლა, ამ ორომტრიალში. ზოგ კარს მარტო „შესასვლელი“ აწერია, ზოგს – „გამოსასვლელი“. კარი იმიტომაა კარი, რომ თუ ღიაა – გინდა შეხვალ და გინდა გამოხვალ. არაო, მაინცდამაინც აქედან უნდა შეხვიდე და იქედან უნდა გამოხვიდეო. სალაროს მე ვერ მივაგენი. მიაგენი, თორემ ერთბაშად ურიგოდ არ გაგიშვან. ბრმა ვარ, ინვალიდი ვარ-მეთქი, მართლა ინვალიდი ვარ მესამე ჯგუფის, პირველი მეკუთვნის, მაგრამ შეგნებულად არ ვღებულობ. ვმუშაობ ჯერ კიდევ, პენსიაზე გახლავართ, მაგრამ მაინც ვმუშაობ, ლამის ტელეფონისტად ვარ ფოსტაში. პირველი ჯგუფისას რომ ავიღებ, მერე მუშაობა აღარ შეიძლება. სახლში ჯდომას მე ვერ გავუძლებ. მაშინვე მოვკვდები. მთელი ცხოვრება შრომაში და წვალეებაში გავატარე. თუ ბრმა ხარო, აქამდე როგორ მოხვედიო. არაფერი ბრმა შენ არა ხარ, ნუ მაიმუნობ, თვარა მილიციაში მიგაბრძანებთ ახლავო. ბრმები ქალაქიდან ქალაქში უპატრონოდ არ მოგზაურობენ, სახლებში სხედანო. ჩამოვწყდი ფეხზე. ჩვენი რიგის ამბავი ხომ იცი. წამომყევი, შე კაცი, თვალი მაინც გიჭრის, კაცი ხარ, რაც არ უნდა იყო. მეტი გამავლობა მაქვს, მეტ ყურადღებას მოგაქცევინ-მეთქი,

არა! არ უნდა და მოკალი. მთელი ცხოვრება ასე სიჯიუტეში გაატარა. მის ჭკუაზე უნდა ყველაფერი. ქმრის ძვირს როგორ უნდა ვამბობდე, მაგრამ ოცი წელიწადია მაგის მოტანილი მანეთი არ მინახავს. სვამს. თავისი ხელფასი ფლანგოს არაყში, ჯანდაბას მაგის თავი და ტანი, მაგრამ ჩემსასაც რომ ზედ აყოლებს?! რალაც ორ კაპიკს მოვიჩუმათებ კუთხეში შავი დღისთვის. რა იცი, რა დღე გელის ადამიანს, სიბერემდის სიქაჩლეო. ველოდი დაბრმავებას? ქორის თვალები მქონდა, ახლა ვაგონის ნომერსაც ვერ ვხედავ. ესეც არ იყოს, ხან გზა შეგხვდება კაცს, ხან ჭირი, ხან ლხინი, მომსვლელ-წამსვლელი. ვერსად ვერ დავუმაღე! მიაგნებს და მომპარავს. მომპარავს და მოვა გაღეშილი. შეაყარე კედელს ცერცვი, არ მეჩხუბოსო და, აქეთ იბღვირება, მერე ლაპარაკის საღერლელს აიშლის და ლაქლაქებს გაუთავებლად. რალაცას მედავება, რალაცით უკმაყოფილოა, რალას მემართლება, ვერ გავიგე. დავიცობ ყურებში თითებს, გავალ სამზარეულოში, იქნებ რამეს გული გადავაყოლო-მეთქი. მოგეშვება? ფეხდაფეხ მოგდევის. ყურში ჩაგჩხავის ყვავივით. სანამ თვითონ არ გასავათდება და შენ ჭკუიდან არ შეგშლის, თავს არ დაგანებებს. ერთი ვერ მიპატიებია ჩემი თავისთვის: როგორ შემიყლია, როგორ გამაბრეყვა: შვილი არ მოგვცა გამჩენმა, ავიყვანოთ და გავზარდოთ-მეთქი. დღეს-ხვალ, დღეს-ხვალ და ამასობაში ქე დავბერდით. ახლა რალა დროსია. ჩემი ბრალიც არის. არ უნდა დამეჯერებინა.

მე თვითონ ულგოროდში ვარ დაბადებული. მართლმადიდებელი გახლავარ. საეკლესიო გლეხები ვიყავით. სანყალი მამაჩემი მინის მუშა იყო, ჩვენი ხუტორი – ოგოროდნაია უკვე გავიარეთ. ბოლო დროს ცხენების მომვლელად დანიშნეს მამაჩემი. კანტორის ცხენებს უვლიდა. კოლმეურნეობის და საბჭოს თავმჯდომარეები გვერდიდან არ იცილებდნენ. იმ ღამესაც იმათ წაჰყვა, მერე თვალთ აღარ მინახავს. შემოვიდა, მაკოცა და მითხრა, კატია, არ შეგეშინდეს, ხვალ, შეიძლება, გერმანელები მოვიდნენ და მე უფროსებს მიყვებითო ტყეში, პარტიზანებთან. შენთან იმათ საქმე არ ექნებათ,

იყავი შენთვის. კარტოფილი და პურის ფქვილი ცოტა ხანს გეყოფა, ამასობაში ჩვენც შემოვალთო. ჩემი დები (ხუთნი ვიყავით) უკვე ევაკუირებულები იყვნენ. სულ თორმეტი წელია, რაც ერთმანეთი ვიპოვეთ გაზეთებით. მე ცოცხალი აღარ მეგონა არც ერთი. მე რატომ არ წავედი? ჩემი სიარული არ შეიძლებოდა. ახალი ნამშობიარევი ვიყავი. ქმარი, რა თქმა უნდა, ფრონტზე იყო. ვინერვიულე თუ რა მომივიდა რა ვიცი, უდღეური გოგო გამიჩნდა და ერთ კვირაზე მეტ ხანს ვერ იცოცხლა იმ უბედურმა. მე ვთქვი, მგლები ხომ არ არიან, შემოვლენ, წაიღონ, რაც უნდათ, მე რა საქმე მაქვს გერმანელებთან, მე რა დავუშავე ბოლოს და ბოლოს, ხომ არ შემეჭამენ-მეთქი.

დილით მოვიდნენ. მოტოციკლეტის ხმა რომ გავიგონე, გული ამიფართხალდა. ორი ჯარისკაცი და ოფიცერი შემოვიდა. კარი გავაღე და ლოგინში ჩავნექი, არ შემიძლო ფეხზე დგომა. ჩანოლილი რომ მნახეს, სიცილი აუტყდათ, ერთმანეთს რალაც გადაულაპარაკეს, მელოდებიან. ოფიცერმა ჯარისკაცები გაისტუმრა, თვითონ ჩემს სანოლს მოადგა, საფეთქელთან ორი თითის მიტანით მომესალმა და მითხრა: „უჟე ვრემია, ვსტავაი, ვსტავაი!“ ავუხსენი ავად ვარ, ჩემი ადგომა არ შეიძლება-მეთქი. ვერ დაგტოვებ, უფლება არა მაქვსო, ჩანთიდან ქალაღი ამოიღო და ცხვირწინ ამიფრიალა. თვითონ გამოაქვს კარადიდან ჩემი ტანსაცმელი და ლოგინზე მიყრის, ეს ჩაიცვი, ეს ჩაიცვი, დაბამბული შარვალი ჩაიცვი, თბილად იქნები და ნუ გეშინიაო.

კოლმეურნეობის კანტორის სარდაფში შეგვრეკეს მე, ტელეფონისტი გოგონა ნატაშა და საბჭოს თავმჯდომარის ცოლი – ვერა. ამ ვერას, ამ უბედურს, ბარგის ჩალაგება და გაქცევა ვერ მოესწრო. სოფლის ბოლოს დაეჭირათ. ნატაშა სად წავიდოდა, დღედაღამ ტელეფონთან უნდა მჯდარიყო, ასეთი ბრძანება ჰქონდა. მთელი ღამე დაკითხვაზე გავატარეთ. გამომძიებელს და მის რუს თარჯიმანს თვალი არ მოუხუჭავთ. სად არიან პარტიზანებიო, მე თვითონ არ ვიცოდი და რომც მცოდნოდა, როგორ ვეტყოდი, შვილო. რომელი

სულელი ეტყვის – ეგერაა მამაჩემი და დაიჭირეთო. ვერასა და ნატაშასას ვერაფერს გეტყვი. სარდაფში რომ შემოგვაბრუნეს, ორივე იმას ამბობდა – არ ვიცი, ღმერთი, რჯულო. მერე, ეტყობა, დაკითხეს სხვებიც. სოფელში ვინც იყო, ყველას გამოჰკითხეს ჩვენზე. ყველა კი არ ებრძოდა, შვილო, გერმანელებს. ზოგი პურ-მარილით ხელდამშვენებული ეახლა, ხომ იცი, დათვი თუ მოგერია, ბაბა უნდა უთხრაო, ასე ფიქრობს ზოგიერთი. მოკლედ, მესამე დღეს ნატაშა და ვერა ჩამოახრჩეს, მე გამანთავისუფლეს. ალბათ, გაიგეს რომ მეჯინიბის ქალიშვილი ვიყავი და მთავრობის საქმეები ნაკლებად მეკითხებოდა. გამათავისუფლეს, სახლში ღამის გათევის უფლება მომცეს. დილით უნდა გამოვცხადებულყავით ყველა – მოხუცი თუ ახალგაზრდა, ვისაც ფეხზე დგომა შეგვეძლო. გერმანელი გაგვანაწილებდა: ზოგს სამზარეულოში გვიკრავდა თავს, ზოგს – სამრეცხაოში, სხვებს გზაზე თოვლს გვანმენდინებდა. ორი თვე ამ ყოფაში ვიყავით, ორი თვის თავზე გამთენიისას, გამოგვრეკეს სახლებიდან, ხაზზე გაგავამწკრივეს, გადაგვარჩიეს და დახურულ, შავ მანქანებში ჩაგვსხეს. დანარჩენებს უბრძანეს, სახლში შებრუნდითო. სად მივყავართ-მეთქი, თარჯიმანს ვკითხე: ნუ გეშინიათ, სამუშაოდ სხვა რაიონში გაგანაწილეს, იქ უკეთეს პირობებში იქნებითო.

რა ვიყავი მაშინ? ოცი წლის გოგო. თვრამეტი წლისა გავთხოვდი. შესახედავადაც არა მიშავდა, მაგრამ ცოდვას ვერ დავიდე, შვილო, ორი თვე ხომ ასე ვიყავით, სამი წელი და ხუთი თვე მაგდებურგში, კონცლაგერში გავატარე. კონცლაგერიო, მერე გავიგე ეს სიტყვა ომი რომ დამთავრდა, თორემ რა ვიცოდი, რა იყო. მტერს ნუ ანახოს ის დღე, რაც ჩვენ გავიარეთ. მუშაობა ვირის. ჭამა – ბელურისა. გაძელი თუ ბიჭი ხარ. რას მოვაცოლე ახლა ეს? ჰო, ოცი წლის გოგო ვიყავი-მეთქი, და რატომღაც ყველამ ასე ვიცოდით ქალებმა: გერმანელები რომ შემოვლენ, თუ ცოცხალი დაგვტოვებს (რაც ძალიან საეჭვო იყო), ნამუსის ახდა ხომ ხელში გვაქვს დიდიან-პატარიანადო. ჩვენ, ქალები, კონცლაგერში, რა თქმა

უნდა, ცალკე ყაზარმაში ვყავდით, ჩვენს მეთვალყურეებად ძირითადად ხეიბარი ოფიცრები და ბებერი გერმანელები იყვნენ. ვისაც ჯანი და სიმრთელე ჰქონდა, ფრონტზე იბრძოდა. იყო ჩვენთანაც, როგორ არ იყო, გაუპატიურების რამდენიმე შემთხვევა, მაგრამ, ახლა რომ ვუფიქრდები, იქ არც მთლა ჩვენი დაი იყო მამა აბრამის ბატკანი.

ომის დამთავრებისას გაცოფდნენ უფრო გერმანელები. კრანებზე იკბინებოდნენ. ღორებს და მუქთამჭამელებს გვეძახდნენ. სამი წლის განმავლობაში გარჩინეთ, შეგინახეთ და მადლობელიც არა ხართო. შიმშილით დაწყებულად იყო. წარმოგიდგენია? მადლობელი თურმე ჩვენ უნდა ვყოფილიყავით. ომის დამთავრების შემდეგ კარგა ხანს ქექეს ჩვენი საბუთები. გვეკითხებოდნენ: ტყვედ რანაირად ჩავარდით და გერმანელებს რა სამსახურს უწევდითო. რა სამსახურს ვუწევდით, ვირის მუშებად ვიყავით. ვუთხარი ყველაფერი, რაც ვიცოდი და რაც გადამხდა. ტყუილის მოფიქრების თავი მაქვს კი არა, მართალსაც ვერ ვამბობ ხშირად. ერთი წელი გერმანიაში გვამსახურეს, მერე აქეთ დაგვებრუნეს.

ჩემი ქმარი ომის ქარცეცხლს გადარჩენოდა, დაბრუნებულიყო სოფელში. ჩემი ასავალ-დასავალი გაეკითხა. ვინ ეტყოდა? ვინ რა იცოდა. ომი რომ დამთავრდა და არ გამოვჩნდი, დალუპული ვეგონე და ცოლი შეერთო. რომ ჩამოვედი, უკვე შვილიც ჰყავდა. ორი თვის ბიჭი ეჭირა მის ცოლს. რას ვიზამდი? ახალმა ცოლმა თავში წაიშინა ხელი, ნუ გეშინია, არ წაგართმევ ქმარს, ცოტა ხანი გამომყვეს სალაპარაკოდ-მეთქი. არყიანში გავედით სოფლის ბოლოს. დავჯექით და ვიტირეთ ორივემ. ღილები დაიგლიჯა და დაჭრილი ნადირით ბლაოდა. გავამხნევე, დავამშვიდე, კოცნით ამოვუშრე ცრემლი და გაუშვი სახლში. ახლა მივხვდი, არ უნდა გამეშვა. ჩვენ ერთმანეთისთვის ვიყავით დაბადებულნი. სიყვარულში დათმობა არ შეიძლება. ჩემთან რომ მყოლოდა, ახლა ცოცხალი იქნებოდა. ორი წელია რაც აღარ არის. მთვრალი მოსულიყო და ცოლს გარეთ გაეგდო – გამოფხიზლდები და შემოგიშვებო. კიბეზე ჩამომჯდარიყო, ჩამოსძინებოდა და

ასევე მიეზარებინა ღმერთისთვის სული. დასაფლავების მესამე დღეს, შუალამისას მივედი საფლავზე, ვიტირე და ვიტირე, მეტს რას გავუკეთებდი, სხვა რა შემეძლო.

ეს ჩემი ქმარი ათი წლით უმცროსია. უცოლო ბიჭი იყო, მე კარგა ორმოცს მიტანებული ვიყავი. გადამეკიდა. საშველი არ მომცა. თუ არ გამომყვები, თავს მოვიკლავო. ავდექი და გავყევი. განა მიყვარდა? ხათრის გულისთვის გავყევი. თავს არაფერი მოსწონს-მეთქი, შემეცოდა და გავყევი. კარგა ხანს იყო ჭკვიანად. ამ ბოლო დროს აურია, კი არაფერს ამავეებს, მაგრამ სმა უყვარს. ეს მომგონდაწყველილი არაყი კი ისეთი რამაა, მშობელ მამას დაგავინყებს.

ორი დღის წუთისოფელი დამრჩა და ღმერთს სამდურავს როგორ ვკადრებდი, გავაჩოჩიალებდი ჩემს წუთისოფელს, მაგრამ ამ ბოლო დროს გული გამიტყდა, შვილო. ოთხი წელია საოპერაციოთ მაქვს თვალი. ოთხი წელია მატყუებს ჩვენი საავადმყოფოს მთავარი ექიმი. არადა, ჩემი თვალი არ იცდის. დღითი დღე უარესდება. ოთხი წლის წინათ რომ გაეკეთებინათ ოპერაცია, ჩემს ბედს ძალლი არ დაჰყეფდა. ჯერ მიძახა: არ გჭირდება ოპერაცია, თავისით გაივლისო. მერე რიგში უნდა ჩადგე, სტაციონარში ადგილები არა გვაქვსო. ოთხი წლის განმავლობაში აღარ მოვიდა ჩემი რიგი? ავდექი და რაიონის ცენტრში ვიჩივლე. მე, ომის მონაწილეს, ასე აბუჩად მიგდებენ, საავადმყოფოში ადგილი ვერ მომიძებნეს-მეთქი. რაიონის ჯანმრთელობის განყოფილების გამგემ ჩემი საჩივარი იმასვე გამოუგზავნა, ვისაც ვუჩიოდი. ხომ გაგიგონია, ვის უჩივი და ბატონსაო, ვისთან ჩივი და ბატონთანაო. მივედი: ოჰ, შე ასე და ისეთო, საჩივრების წერა დამინყეო? ინტრიგანი და დამსმენი გახდით? რა ოპერაციას და მკურნალობასაც შენ მაგ ჩივილით მიაღწიო, ჯალაბში დაიტრაბახეო. პრინციპის გულისთვის არ გიკეთებ ოპერაციას, ურტყი თავი კედელსო. ნერვები მომეშალა, ავკანკალდი, მე ვთქვი, თავში სისხლი არ ჩამექცეს-მეთქი და გავეცალე. ის დღე და ის დღე, ექიმთან აღარ მივსულვარ. რავარცხა იქნება, გავძლებ, სანამ მთლად დავბრმავდებოდე გული მიგრძნობს, მალე წავიღებ

წერილს. მისვლით კი, ტკივილით ხორცს რომ ვიგლეჯდე, იმ ექიმთან არ მივალ.

მოგანყინე, ალბათ, ჩემი ლაქლაქით თავი. შენ შენი საფიქრალი და გასაჭირი გეყოფა, ყველას თავისი საქმე აქვს. რამდენჯერ დავიფიცე, არ მოვყვები ამ ჩემს ამბავს-მეთქი, მაგრამ რომ დავინყებ, თავს ველარ ვიკავებ. სიბერის ბრალია, ზოგი რომ მოყვება, გულზე მოეშვება, მე პირიქით ვარ, გადმოვალაგებ ჩემს გასაჭირს და მერე მთელი ღამე ველარ ვიძინებ. ყურები მიშუის და თავის ქალა მიხურს. მაპატიე, შენი ჭირიმი. გავჩუმდები. ხმას აღარ ამოვიღებ. ძილი ნებისა.

* * *

გათენებისას რალაც უსიამოვნო გრძნობამ გამომადღიდა, პერანგის საყელოში ჩაუვლია ჩემთვის ხელი და მანჯღრევს. წამოვხტი.

– ცუდად ვარ. ბოდიშს ვიხდი. პალტოს ჯიბეში ვალიდოლი მაქვს! – მითხრა მილეული ხმით.

სინათლე ავანთე, ადამიანის ფერი აღარ ადევს. ვალიდოლი რომ მოვუძებნე, გავვარდი და წყალი მოვურბენინე. არ დალია. სუნთქვა უჭირს. ეტყობა, წამალმა არ იმოქმედა. შუბლზე და ცხვირის ნესტოებთან ოფლმა გამოჟონა.

მაჯა ხელში მიჭირავს, ხელის ზურგს ვუსრეს. ასე ჩემს ცხოვრებაში არ დავბნეულვარ.

– ნუ გეშინიათ, ქალბატონო.

– ჯანდაბას ჩემი თავი. მე იმას ვწუხვარ, თქვენ რომ შეგანუხებთო. არ უნდა წამოვსულიყავი, ჩემი ნონიალი აღარ შეიძლებაო.

მობოდიშების დროა ახლა?

ხელი რომ გაუცივდა და სუნთქვას მოუხშირა, ვაგონის გამცილებელთან შევვარდი. ორმეტრიანი, ზონზროხა ქალი იყო.

– მერე რა ვქნა მეო. მატარებელზე ექიმი არ გვყავს, ერთ საათში კალინინსკაიაში ვიქნებით და სანიტარულ სამსახურს

ვაცნობებო. – ამით ჩემთან საუბარი დამთავრებულად ჩათვალა და კედლისკენ გადაბრუნდა.

– ძალიან ცუდად არის. იქნებ ერთ საათს ველარ გაატანოს! – გავცოფდი.

წამოჯდა და დამიბღვირა.

– რამდენი მგზავრიც ავად გახდება, მატარებელი გავაჩერო? ხომ არ მიბრძანებთ, ასე მოვიქცე?

ამასთან ლაპარაკს აზრი არა აქვს.

აქეთ ვეცი, იქეთ ვეცი, კარს ბრახუნი ავუყენე. სხვებმაც გაიღვიძონ. იქნებ ჩვენ შორის ექიმია, იქნებ რამე ვუშველოთ ამ უბედურს.

...კალინინსკაიაში საკაცით რომ ჩაყავდათ, მატარებელი დაიძრა და ავადმყოფი კინალამ მატარებლის ბრობლებში ჩაუვარდათ.

ფრთხილად-მეთქი ისე ვიყვირე, რომ მთელი სადგური მომაჩერდა.

– Чтож вы выступаете, кто вам она такая? – უკან ვაგონის გამცილებელი მომდგომია.

– Мать! – უკანმოუხედავად მივუგე და თვალის ფსკერზე მონოლილი ცრემლი რომ შემეკავებინა, ტუჩზე ვიკბინე.

ქვეპრი

სიღამონ ხერხაძე მანქანის ღმუილმა გამოაღვიძა.

თავი ასწია. ერთხანს მოტორის გუგუნს უსმინა და მერე კედლის საათს შეხედა.

ახალგაღვიძებული კაცი ხომ გინახავთ, ძილ-ბურანში რომ არის და საგნებს ყეყერივით დიდხანს რომ აკვირდება.

ექვსის ნახევარი იყო.

– გადაგიშენდა გამომგონებელი. ეს მაკლდა ახლა! დღეს კაცად აღარ ვივარგებ, მე ვთქვი, წავიძინებ პატარას-თქვა!

მანქანის ხმა ცოტა ხნით შეწყდა და მალე, გაორმაგებული, ზედ ყურის ძირში გაისმა.

– ჩემს ეზომია, მგონი, ეს უპატრონო!

სიღამონმა თასმები წვივებთან შეიკრა და ფეხშიშველა გამოვიდა აივანზე, საბარგოს ცხვირს მოჰკრა თვალი და როდესაც მანქანა შემობრუნებისას ღობის მესერს მიაწვა, სიღამონი აივნიდან გადაფრინდა და ყვირილი მორთო.

– ოუ! ოუ! რას შვრები, დაგექცა ოჯახი! არ დამლუპა კაცი?! არ ამომადლო?!
შოფერმა ყვირილი გაიგონა თუ ღორღონჯივით მოფარფატე კაცი შენიშნა, ძრავი გამორთო და გადმოხტა. მონგრეული ღობე და გაგიჟებული მასპინძელი რომ დაინახა, ისევ კაბინაში შეხტა, მანქანა ეზოს მოაშორა და დამდულრულ სიღამონს მიუახლოვდა.

თქმით არაფერი უთქვამს. დოინჯშემოყრილი შეჰყურებდა ფეხშიშველა გლექს, საბურავის მიერ გასრესილ ყვავილებსა და ქლიავის ნერგებს ფეხზე რომ აყენებდა.

დამნაშავე რომ დაინახა, სიღამონმა რალაც ჩაიბუტბუტა, ორი ნახტომით შევარდა სამზადში, იქედან ნამგალმომარჯვებული გამოვარდა შოფერს წინ დაუდგა.

– არ უნდა წაგაცალოს ახლა ამ ნამგლით კაცმა თავი?!

სტუმარი მიხვდა რომ ნამგლიანი არ ხუმრობდა და მოჩვენებითი სიმშვიდით მიუგო:

– რა მოხდა, შე კაი კაცო, ამ დამპალ ღობისთვის და ორი-ოდე ნერგისთვის მკლავ? ძალით ხომ არ მიქნია, შემთხვევამ მოიტანა.

– რას ჰქვია შემთხვევა! – სიდამონს სიბრაზისაგან ადამის ვაშლი აღმა-დაღმა უხტოდა და ნამგლიანი მარჯვენა უკან-კალებდა.

– მითხარი რამდენად გიღირს ეს ზარალი და აგინაზლაურებ, ბატონო, ყველაფერს, გამქცევი ხომ არა ვარ!

– რას ამინაზლაურებ, ბიჭო შენ? ამ ქლიავს დამირგავ და გამიხარებ თავიდან? იაპონურ გეორგინას დამითესავ და მომირწყავ დღეში ორჯერ? ზარალი და ოხრობა არ მოშორდა, ვინც შენ მანქანა განდო. თუ არ იცოდი, ნაყვანა, გდებულის-ყავი სახლში!

პირველმა ელდამ გაიარა. შოფერს უკვე აღარ ეშინოდა, მაგრამ ყოველ შემთხვევისათვის რამდენჯერმე მიიხედა უკან, თუ გამოძევიდა, ამ თხრილზე გადავხტები და გავიქცევიო.

ჯახზე გამოსული მოზვრებივით ერთმანეთის პირისპირ იდგნენ. სიდამონი პატარა ტანის იყო, სამოცს მიტანებული, ფეხებგაფარჩხული, ნასხვისარივით სრულ პერანგში ჩაკარ-გული საფრთხობელას ჰგავდა. ახალამონვერილი მზის სხივი ელამ თვალელებში ურტყამდა და ნამწამებს კონტუზიანივით ახამხამებდა. შოფერი ორმოცი წლისა არც კი იქნებოდა. ნაკაპინებულ სახელოებქვეშ მსხვილი, ტატუირებული მკლავები უჩანდა. შავგვრემან სახეზე უძილობის კვალი აჩნდა. დოინჯი არც მაშინ მოუცილებია, გამწარებული სიდამონი ნამგლი-ანად რომ მიეახლა და შექმა დაუპირა.

– რა ეშველება ახლა ამას?! – მასპინძელმა ნამგალი ნაქცეულ ღობეს და გადათქერილ ეზოს მიაშვირა.

– შენს მტერს დაემართა უსაშველო. რა იყო, შე კაცო, დავიანგარიშოთ აგერ და გავსწორდეთ. შენ რომ დაგმართოდა ეს ამბავი, რას იზამდი?

– ზარალზე არ მაქვს მე საქმე. საქმე შენს სიგლახეზეა. ვერ მიხვდი, აქ რომ ვერ მოაბრუნებდი ამხელა მაშინას?

– ვერ მოვზომე, მომკალი ახლა. – შოფერმა გაიცინა. – დაუძახე მეზობლებს, ერთ-ორ კაცს, გავსწორდებით და ნავალ ჩემს გზაზე.

სიდამონმა არ უპასუხა. ამრეზილად ახედ-დახედა, ხელი ჩაიქნია, შეტრიალდა და ნალიას მიაშურა. ცოტა ხანში ბოსტნის ალაგესთან გამოჩნდა მისი მელოტი თავი – ქამარში ნალდი გაერჭო და გაშლილ მკლავებში რომ დაეტევა, იმდენ თხმელის წკნელს მოათრევდა. მონგრეულ ღობეს მიაყარა წკნელი და შოფერი ძველ ადგილზე რომ დაინახა, უფრო გაბრაზდა.

– კიდევ აქ ხარ, ბიჭო, შენ?! სანამ ცოდვას არ შემამთხვევ, არ მომშორდები თავიდან?!

შოფერმა კაკლის ხეს ფოთოლი შეაწყვიტა და ფოთლის ყუნწი კბილით გაკვნითა.

– მითხარი რამდენია საჭირო და ვიზამ ჩემს ანგარიშს. მერე, შეიძლება, აქეთ გზა აღარ დამირჩეს.

– ნადი ძმაო, გადადი გადაღმა. არ მინდა შენი არაფერი. – სიდამონმა კუნძი მოაჩოჩა და ჯოხებს წვერს უთლიდა.

– არსად არ ნავალ. რალაცა ორი კაპიკის გულისთვის მე შენ მკვდარ დედას არ შეგაგინებინებ, – გაჯიუტდა შოფერი.

– არ გაგინებ, ძმაო, არაფერს. შარზე ხომ არა ხარ შენ ამ დილით? ღობე დამინგრეე და არ ვიყო ნაწყენი? ნადი, მიყევი შენს საქმეს. მოვუვლი მე ამას როგორმე!

შოფერი ნავიდა კი არა, უფრო ახლოს მივიდა, წვერ-ნათილილი ჯოხები აიღო და გადათელილ ნერგებს დაურჭო, შემოლობვამიც ნაუკრა მასპინძელს ხელი.

მთელი ამ ხნის განმავლობაში სიდამონი სდუმდა, სტუმარს კი ენა არ გაუჩერებია.

შროშელი ვარო, კოლმეურნეობის შოფრად ვმუშაობო. ქვევრები მაქვსო გასაყიდად ნამოღებული. მამაჩემი ძველი მექვევრეა და არ იშლის თავისას, თორემ გაკეთებად და ნამოღებად არ ღირს ახლა ეს საქმეო. მე ვთქვი, გავუყიდი ბერიკაცს ერთ-ორ ქვევრს-მეთქი, მაგრამ სულ ტყვილად დავალამე ხაშურში გუშინო. სადაა ქვევრის მყიდველი. ვინლა ყრის ახლა ქვევრებს. ფასიც კი არ უკითხავს არავისო. გამოპარული ვარო, ჩვენი თავმჯდომარე (ერთი თავქარიანი კაცია), იბდღვნის ახლა თმა-წვერს, ალბათ, ჩემს ძებნაშიო. სად მქონდა ამის დრო, მაგრამ მოხუცი კაცის ამბავი მოგეხსენება,

მოწყვება ნუნუნს, არაფრად არ მიგაჩნვიარ, თავკერდა კაცი ხარ, ამხელა ამაგს წყალში მიყრიო. ნუხელის ღამის თორმეტ საათზე გადმოვედი ხაშურიდანო. ადრე შემეძლო წამოსვლა, მაგრამ გზაზე ინსპექცია დამიჭერდა, არც საგზური მაქვს გამოწერილი და არც ქვევრების საბუთები მაქვს რამეო. ჩემნაირი კაცი აღდგომაა ახლა ინსპექტორისთვის, ერთ ას მანეთს ისე ამაფცქვინს, რომ სიტყვას არ შემაბრუნებინებსო. გომის გადასასვლელით წამოვედიო, გორისასთან ნავუძინე ერთი საათი, თვარა მეტი თვალი არ მომიხუჭავსო. ამ თქვენს სოფელში ადრიანად იმიტომ შემოვედი, რომ სანამ ხალხი ყანაში გაიკრიფებოდეს, ეგება ერთი-ორი ქვევრი მაინც გავყიდოვო. სამი ქვევრი მაქვს წამოღებული. შვიდ-შვიდ კოკიანებია. ისეთებია, მამა შვილს არ დაუთმობსო, ხუთი თითის დადება მარტო კედლის სისქე აქვთო. ქვევრის მოხელეა მამაჩემი და ველარ ისვენებს, თვარა მე მილიონი რომ მომცე, ამის გამკეთებელი არ ვარო. რაც იმას თიხის ზელვა და ჩარხის ტრიალი ჭირდება, სად მაქვს დასაწყვეტი მკლავებო. ახირებული მამა მყავს, თორემ ორი რეისი ხრეშის ფული ღირს თითო ქვევრი, მეტი კი არაო. თუ გნებავთ ქვევრი, აგერ მოტანილი მაქვს ბარელამო. ამ ზარალის ფულს გამოგიბრით და რაც მეტი იქნება, გადამიხადეთ, ჩამოვილოთ ბარემო. უმაღლესი ქვევრებია, სამ შვილს გეფიცები, კაკული შველიძის ქვევრი მთელს იმერეთში ცნობილიაო.

სიღამონი არც ახლა გაეპასუხა. მეურნე კაცისთვის ამდილანდელი მარცხი ასე ადვილი მოსანელელებელი არ იყო. გულს ურევდა ამ უხეირო შოფრის გაუთავებელი ლაქლაქი. „არც ამის მოხმარება მინდა და არც დანახვა, რას მეჩხირება თვალში, ჩაიგდოს მუცელში ენა და გაუტიოს თავის გზასო“.

ნერგები სარებს მიამაგრეს, ეზო სახელდახელოდ შემოლობეს და საქმეს რომ მორჩნენ, ხელების ფერთხვით და აშკარა გაგულისებით უპასუხა სიღამონ ხერხაძემ მექვევრე შველიძის ვაჟის წელანდელ შეკითხვას:

– რათ მინდა ქვევრი?! რა ჩავასხა შით! – მეტი არაფერი უთქვამს, წალდი და ნამგალი ერთმანეთს გაუსვ-გამოუსვა და აივანზე ააბიჯა.

შოფერი კარგა ხანს იდგა ეზოში. სიღამონის გამოსვლას საშველი რომ არ დაადგა, ჭიშკარი ფრთხილად გაიხურა და მანქანას მიაშურა. ძრავი რომ აათუხთუხა, კიდევ ერთხელ გაიხედა აივნისაკენ, ერთხანს ამაოდ ელოდა მასპინძელს, მერე ნელ-ნელა დაძრა მანქანა და მონაცრისფრო ბული გაიყოლია.

სიღამონმა მჭადი და ყველი წაიტეხა, თიხის დიდი ჯამი წყალღვინით გაავსო, დალია, იმერული ქუდი შუბლზე აიკეცა, შარვალ-ხალათი ჩაიცვა და ეზოში ჩამოვიდა. კიბის ქვევიდან ცელი გამოიტანა, კარგა ხანს ლესა ქლიბით და მხარზე ცელგადებული ჭიშკრამდე რომ მივიდა, სათიბში წასვლა უკვე საბოლოოდ გადაფიქრებული ჰქონდა. „მოვიშალე ნერვებზე. სულ ერთია თიბვას გულს ველარ დავუდებ დღესო. ბადეს ავიკიდებ და მდინარეზე ჩავალ. ნუხელის მთებში გრგვინავდა, ინვიმებდა კიდევ, ეგების ჩამოჰყვა თევზიო“. ცელი კახაბლის გამხმარ ტოტზე დაჰკიდა, სამზადის სხვენიდან რეზინის ჩექმები ჩამოიღო, ძველი, გაუქმებული სანნახელიდან ბადე ამოათრია, კონდარზე გაშალა, რათა შლამ-ლორღის მიერ დაწყვეტილი ადგილები ძაფით ამოეკემსა.

სოფლის ბოლოში, ნაკალოვართან ჩაუხვია და მდინარეზე რომ ჩადიოდა, მანქანა შენიშნა, მძლოლს ძარასთვის ბრეზენტი აეხადა, გზის პირას თავდაღმართში ისე გაეჩერებინა, რომ გამვლელი უსათუოდ ქვევრებს დაინახავდა. თვითონ ცაცხვის ჩრდილში მოწოლილიყო და მუშტარს ელოდა.

* * *

ისე შემოეფცქვნა დღე ხელში, არ გაუგია.

ლაქაშებში ღამემ რომ დაიბუდა, მაშინ გაახსენდა, რომ მთელი დღის მშვიერი იყო.

ღიღებინად დამბალ-დასველებული ამოვიდა წყლიდან, ჩექმები გაიხადა, და წყალი გადმოღვარა, შარვალი ტანზევე გაიწურა, ბადე დაფერთხა, მხარზე გადაიგდო და აღმართს შეუყვია.

რა შორს წამოსულა, ამ ჩამოტეხილში მაინც რაღამ ჩამოიყვანა. ამ მეჩხერზე რა გააჩერებს თევზს. ახლა თადას ნასახ-

ლარზე აუხვევს და ნავენახარზე ბილიკს აჰყვება, ასე უფრო ახლოა სახლამდე.

ქარაფზე რომ ამობობლდა და ბილიკი მოძებნა, მუხლებს ცოტა ქარი ამოაღებინა, ბადეს მხარი შეუნაცვლა და უკან, ნაკალოვარისაკენ წამოვიდა.

„ასე მძიმეა ვითომ ეს ბადე და ოციოდე წვერა, მონადირის დაჩვრეტილ ჩანთაში რომ ხვანცალებენ? ამ მუხლებს რაღა წისქვილის ქვა მოეკიდა, ძლივს რომ მოვათრევ? არა, არა ვბერდები ნამდვილად, თავს არ ვუტყდები, თორემ ვბერდები. რა იყო აბა, რა ამბავი დავათიე ორი ძირი ნერგისთვის ამ დილით იმ კაცს. იფიქრებდა, ვინაა ეს დამთხვეულიო. რა ჰქნა ნეტავი, გაყიდა? გამიგონია? ვინ იყიდდა ქვევრს ჩვენს სოფელში. სადაა ქვევრში ჩასასხამი ღვინო. ხელში გაჭყლიტავენ ყურძენს. ჭაჭამ და წყალ-შაქარმა დანამლა ხალხი. ამდენ ხანს რას მოუცდიდა, წასულია ალბათ, წავიდოდა, არ უნდა ამას ლაპარაკი“.

სერზე შემდგარს სიხარულისაგან გული აუტოკდა, მანქანის ფარები გაღმა, ჩლაიძის ალვის ხეებს ურტყამდნენ შუქს. შოფერი ძარაზე ასულიყო და ბრეზენტს ჭიმავდა.

სიდამონმა ფეხს აუჩქარა, სანამ ჩავალწევდე, არ გამასწროსო.

– სალამო მშვიდობისა!

მექვევრის ვაჟმა ჩამოხედა და ხელი აუნია.

– იცოცხლე.

– რა ქენი?

შოფერი გადმოხტა, კაბინის კარი გამოალო და ჩვრით ხელები გაიწმინდა.

– ვერაფერი, სადაა ქვევრის მუშტარი!

– ხომ გითხარი – სიდამონმა მხრიდან ბადე ჩამოიღო და ხელში ისე დაიჭირა, რომ ტყვიის გირჩები ბალახს ეხებოდა.

– არის რამე? – შოფერმა ბადეზე ანიშნა.

– ცოტა, რაცხა. იმდენი სადაა, რომ იყო. მარა მაინც დავიჭირე პირის გასასველებელი რაღაცა. წამლავენ, რომ არ წამლავენ, ქე იქნება. რას იზამ აბა ახლა?

– რა ვქნა, თავს ზევით ძალა არაა. – შოფერმა გაიღიმა – ნავალ ახლა, ასე, აღმა შევუყვები, ამაღამ ჭალაში გავათევ

ლამეს, ყვირილის პირას, თუ ხვალ შუადღემდე ვერაფერი გავანყე, მეტი მე აღარ მცალია. ჩავუტან ამ ქვევრებს მამაჩემს უკან და რავარცხა უნდა, ისე ჰქმნას.

– რას ჰქვია ჭალაში გაათევ, ამონყვეტილები კი არ ვართ. – სიდამონ ხერხაძემ ბადე ძარაზე მოისროლა და კაბინის კარი გამოალო.

– მაღლობელი ვარ, ჩემო ბიძია, მარა არ ენყობა ჩემს საქმეს ეს ამბავი. ხვალ შუადღემდე რაღაც უნდა ვიღონო.

– დაჯექი, დაჯექი, ნუ გამამწარებ მეორეჯერ. აგერ ამ თევზს შევანვევინებ ოჯახობას. ვივასშმებთ და ნახვალ შენს გზაზე, აბა რას იზამ. კი არავინ დაგაკავებს ძალით.

ისე კატეგორიულად იყო ნათქვამი, რომ შოფერი მიხვდა, ახლა აქ თავპატიჟის გადების ადგილი არ იყო.

...შუალამე კარგა ხნის გადასული იყო, თამადამ საყოვლათ-წმინდო რომ დალია და სუფრა დამთავრებულად გამოაცხადა.

სტუმარს სასტუმრო ოთახში გაუშალეს ლოგინი, მაგრამ იუარა: თუ შეიძლება აივანზე დავიძინებ, მიჩვეული ვარო. მთვრალი იყო, მაგრამ იმის აზრი კი ჰქონდა, აივანზე დავწვები, ასე აჯობებს, ნამეტანი დავლიე და არ შევრცხვე ჩემს მასპინძლებთანო.

ბოლო სიმღერა ხერხაძემ და შველიძემ აივანზე თქვეს ხელიხელგადახვეულებმა. მათ სიმღერას ეტყობოდა, ფხიზლებიც რომ ყოფილიყვნენ, თქვენს მოსაწონს ვერც მაშინ იმღერებდნენ.

* * *

...დილაუთენია გაბურბუსალებული სიდამონი აივანზე რომ გამოვიდა, სახტად დარჩა: სტუმრის საწოლი ალაგებული იყო, ჭიშკართან მანქანა აღარ იდგა, ეს კიდეე არაფერი – მსხლის ძირში, კოინდარზე ულამაზესი, ნარინჯისფერი, შვიდკოკიანი ქვევრი მოჩანდა.



ურჩი

ხონის გადასახვევთან წრე დაარტყა და სტალინის ქუჩას გამოუყვია თუ არა, მაშინვე მოესმა:

– გოგია ბიძია!

მოიხედა, ბიჭები უგამყიდველო მალაზიის წინ იდგნენ და ხელს უქნევდნენ.

– არ მცალია ახლა, უფროსი გარეთაა!

– ერთ წუთს მოინი, საქმე გვაქვს! – არ მოეშვნენ ბიჭები.

ტროლეიბუსმა გაბმული საყვირი მისცა და მისალმების ნიშნად შოფერმა ტროტუარზე აახტუნა ეს ამოდენა მანქანა.

ასეთ ხუმრობას ვერ იტანდა გოგია, მძლოლს მუქარის ნიშნად მუშტი დაუქნია და მოტოციკლეტი დაძრა.

გოგია კი არა გრიგოლი ერქვა, მაგრამ ნათლობის სახელს კარგა ხანია არავინ ეძახდა. მთელს ქალაქში „გოგია ინსპექტორის“ სახელით იყო ცნობილი. მეხუთე წელი გადაიოდა, რაც ორწლიანი კურსები დაამთავრა და ავტონსპექციაში დაიწყო მუშაობა. ამ ხნის განმავლობაში მის სამხრეებს თუ არაფერი მიმატებია, მიზეზი თავად იყო: დღეს რომ ათი კაცის საქმეს შეეჭიდებოდა და მწყობრის წინ მაღლობას გამოუცხადებდნენ, ხვალ ისე მოიქცეოდა, ან ისეთ საქმეს ჩაიდენდა, რომ ყველაფერს წყალში გადაყრიდა. „არაა ინსპექტორობა ჩემი საქმეო, აქ სხვანაირი კაცია საჭირო, ნამეტანი რბილი ვარ მეო“, – იტყოდა ხანდახან, მაგრამ წასვლით კი, ორგანოდან წასვლა არასოდეს უფიქრია, ეტყობოდა, სხვა საქმეს მაინც ეს ერჩივნა.

ქალაქის ავტონსპექციის ქვეგანაყოფის უმცროს სერჟანტს – გრიგოლ აბაკელიას, დათვის ტორები და მეტრიანი ბეჭები დაჰქონდა. ყოფილ მოჭიდავეს ამ ბოლო დროს სიმსუქნე მოძალეობდა და კი არ დადიოდა, დაგორავდა. ტყავის შარვალი და სერთუკი ტანზე ასკდებოდა. წვივ-ბარძაყში თანაბრად მსხვილ ფეხებს სკაფანდრიანივით აბიჯებდა. მაჯაზე გამობმულ

საჩვენებელ ჯოხს ერთთავად დააკონწიალებდა. რად უნდოდა ჯოხი, მე შენ გეტყვი, ურჩობას გაუბედავდა შოფერი.

სანამ უგამყიდველო მალაზიასთან მიაღწევდა, ნინოშვილის ქუჩიდან გამომხტარ „მოსკვიჩს“ კინალამ დაეჯახა. სასტვენს ისე მაგრამ ჩაბერა, საკონსერვო ქარხნის საყვირი შემირცხვენია.

მანქანიდან ოციოდე წლის, თმანვერიანი ბიჭი გადმოვიდა და მოტოციკლეტამდე ორჯერ აინია ჯინსი გაფერთხილ მუცელზე.

– რაზე გამაჩერე, გოგია?

– ისე, ტყვილად, მომწყინდა მარტო დგომა და დამელაპარაკე პატარა ხანს.

– არა, მართლა?

– გადააყენე გვერდზე მანქანა და საბუთები მომიტანე, ნუ ინმარნები გლახად. – ცოტა არ იყოს მკაცრად გაუმეორა გოგიამ, არ ესიამოვნა ამ უცნობი ყმაწვილის გაშინაურებული, შეთამამებული კილო, თორემ სხვას იქნებ ასე არ მოქცეოდა.

– მასე ჩვენ შორის გოგია? – არ დაიბნა „მოსკვიჩის“ პატრონი.

– მიცნობ შენ მე? – ასეთი უცნაური კითხვა დაუსვა ავტონსპექტორმა განზილებულ ბიჭს.

– რავა არ გიცნობთ.

– მასე მე ამერიკის პრეზიდენტს ვიცნობ, მარა თვითონ კი არ მიცნობს.

ჯინსიანმა გაიცინა და წვერები ააცანცარა.

– ვისია ეს მანქანა? – საქმეზე გადავიდა წესრიგის დამცველი.

– ვალოდია ზარნაძის.

– მერე, შენ?

– რა მე, სიძეა ჩემი. დეიდაჩემი არ ითხოვა მეორე ცოლად ამ ორი კვირის წინ ვალოდიამ?

გოგიას სახე გაებადრა. თვალეები მოჭუტა და გვერდულად გახედა მძლოლს.

– ნარგიზა შენი დეიდაა, აბა?

– აბა რაი! – ამაყად ასწია თავი წვერცანცარამ.

– ნადი და ფრთხილად იყავი. მანქანა ბიძია „მოსკვიჩი“, შენ ასე კი ნუ უყურებ. რომ გამოვარდი ქუჩაზე კურდღელივით, რა ილბლის იმედი გქონდა? „პრავა“ გაქვს?

– ახლა მინდა ავილო.

ავტონისპექტორს ეს ბოლო სიტყვები არ გაუგონია, მოტოციკლეტს გადააჯდა და უგამყიდველო მალაზიასთან მობუზულ ბიჭებს გახედა.

ოთხნი იყვნენ. უფროსი მათ შორის თორმეტიოდე წლის თუ იქნებოდა. ჩანთები მკერდზე აეხუტებინათ და ფეხებს აბაკუნებდნენ. მოტოციკლეტს შემოეხვივნენ და ყოველ შემთხვევისათვის ფეხები შემოაწყვეს.

– თქვენ დღეს გაკვეთილები არ გაქვთ? – აშკარად ჩანდა, ავტონისპექტორი, ამჯერად, მათს გასეირნებას არ აპირებდა.

– გაგვიცდა. – სერიოზული სახით განუცხადა ქერათმიანმა, მალაღმა ბიჭმა და მისაბმელის სავარძელში მოკალათდა. სხვებმაც მიბაძეს.

– ხელი მაგრად მოკიდეთ, იმ დღესავით მაიმუნობა არ დაიწყეთ. თქვენი გულისათვის მთელი ქალაქი დამცინის. მანჭვა-გრეხა არ უხდება მოტოციკლეტს. გადმოვარდებით და თქვენ კი არაფერს გეტყვიან; ჭკვიანმა რატომ ჩასვავო, იკითხავენ.

– შენ ხარ ჭკვიანი? – წამოცდა მეჩხერკბილება, ცხვირგაბუმტულ მგზავრს და თავში გემოიანი წათაქებაც მიიღო.

გოგიამ განზე გადაზნექილი მოტოციკლეტი დაძრა თუ არა, მოესმა, ვიღაც ეძახდა. მუხრუჭს ხელი მოუჭირა. ავტონისპექციის „ჟიგულიდან“ უხმობდნენ.

– აბაკელია, მობრძანდი აქეთ!

ძველთაძველი ვილისი გაატარა, წრე გადაჭრა და ურჩი მგზავრებით დახუნძლული მოტოციკლეტი „ჟიგულს“ მიაყენა.

– რა იყო, რა გაბლავლებს?! – ჩასძახა ფანჯარაში სიცილშეგუბებულ ლეიტენანტს.

– სალდაძე გეძახის.

– რა უნდა?

– არ ვიცი, ამ წუთში აქ გაჩნდესო, – დაუგდო კოლეგამ და მანქანა დაძრა.

ბიჭებმა იგრძნეს, რომ გოგიას რაღაც აუცილებელი საქმე გაუჩნდა, არც უკითხავთ, მოტოციკლეტიდან გადახტნენ, „ქრონიკასთან“ დაგიცდითო მიაყოლეს მოწყენილ ავტონის-

სპექტორს და ასკინკილით დაადგნენ ტროტუარს.

მოტოციკლეტი ავტონისპექციის შენობასთან მიაგდო და კიბე აირბინა.

– მარტოა? – ჰკითხა ქალაღებში თავჩარგულ მორიგეს და ხელისგულზე ჯოხის ტყაპუნით უფროსის კარებისკენ წავიდა.

– კიე, – თავი დაუქნია მორიგემ.

– რაზე მეძახის თუ იცი?

– ჩჩევემთვის არ უუუუთქვამს. – ამაოდ გაიწვალა მორიგემ თავი, გოგია აბაკელია უკვე უფროსის კაბინეტში იყო.

– მე დამიძახე უფროსო?

საღდაძეს ყურადღება არ მიუქცევია, რაღაცას წერდა, ქიმიურ ფანქარს წვერს ენით უსველებდა და რასაც წერდა, ბუტბუტებდა კიდევ.

უმცროს სერჟანტს ფეხზე დგომა მოსწყინდა, სკამი გამოსწვია და მაგიდას მიუჯდა.

– ერთს გეტყვი, აბაკელია, მე შენ! – როდის-როდის აიღო თავი საღდაძემ, ცხვირსახოცი ამოიღო, სათვალე მოიხსნა, და განმენდას შეუდგა.

გოგია სმენად იქცა.

– ბაბუა მყავდა მე – ბაჭულია საღდაძე, იქნება გაგიგონია. ბალახვანში თავის დროზე იმაზე ლამაზი კაცი არ გამოდიოდა. კაი მოქეიფე, კაი პურის მჭამელი, ქალებს და დროსტარებას გადაყოლილი. მის ცხოვრებაში არ უმუშავნია. თოხი დასანახავად ეზარებოდა, ქე გვარჩენდა მაინც. ხუთი შვილი დაზარდა და ჩვენც მოგვწვდა მისი პატივისცემა, შვილიშვილებს. რა მაქინაციით შოულობდა სარჩოს, ამას მე ვინ მეტყოდა, და არც ვიკითხავდი. მე რაც მახსოვს, იმას გეტყვი. ომამდე იყო ეს ამბავი, რვა წლის ბავშვი ვიყავი; ბაბუაჩემმა ეზოში, გზის პირას პატარა ჯიხურს ჩადგა და დიდი თეთრი ასოებით დაანერა – „მეულვაშე“. როგორ ფიქრობ, რას აკეთებდა? შენ გგონია სამართებელი დაიჭირა ხელში და პარიკმახერობა დაიწყო? შენ არ მომიკვდე. ჯიხურს პატარა ფანჯარა გაუკეთა. შეყოფდა კლიენტი თავს, ბაბუაჩემი ერთს დახედავდა მის ცხვირ-პირს და ეტყოდა: „ბუდიონი!“ ე. ი. შენს სახეს ბუდიონის ულვაშები მოუხდებო. ყველამ კი არ იცის რანაირი ულვაში მოუხდება.

ხან გაიპარსავს, ხან ასე მოუშვებს, ხან ისე – არის ერთ წვალე-ბაში. ბაბუაჩემმა თავისი ახალი ხელობით ქვეყანა აალაპარაკა. მახსოვს უშველებელი რიგი იდგა ჩვენს სახლთან. საიდან არ მოდიოდნენ – ცხენით, ფეხით, ურმით, რა მოსაკითხი არ მოჰქონდათ. დადიოდა მთელი ქუთაისი მაშინ ბაბუაჩემის ნარჩევი ულვაშებით. ხალხს ნერვები დაუწყნარდა, ბაბუაჩემმა კი ხუთი შვილი გამოზარდა.

გოგიას ერთი სული ჰქონდა გაეცინა, მაგრამ თავს იკავებდა. ვერაფრით ვერ მიხვდა, რატომ უამბო უფროსმა ბაბუამისის ამბავი;

– რატომ მოგიყევი ახლა ეს ამბავი თუ იცი შენ? – ჰკითხა სალდაძემ და პასუხი რომ ვერ მიიღო, განაგრძო – რატომ მოგიყევი გოგი, ბიძია და – ფულის შოვნა ათასი გზით შეიძლება. იმ ათასი გზიდან ავტონისპექტორობა ყველაზე ნაკლებსარფიანი გზაა. ეს საქმე თუ არ გიყვარს, ტყვილად თავს გაიწვალე.

„ახლა მაინც რა დავაშავე, დაგვიანებით არ დამიგვიანია, შოფერი არავინ ამიყვირებია, რომ ეჩივლა“ – ამოდ ცდილობდა გოგია გამოეცნო უფროსთან მისი დაბარების მიზეზი.

– რაღა მამა აბრამის ბატკანივით მიყურებ. არ იცი ვითომ, რაზე დაგიბარე? ან დანერე განცხადება და წადი, ან იმუშავე, ძმაო, წესიერად. ქვეყანა შენ მოგჩერებია, ავტონისპექტორი, ხომ იცი სცენაზე გამოსული კაცივითაა, დაანებე ამ ბავშვებს თავი. მოიშორე რამენაირად. შენ გგონია სხვებს არ აწუხებენ? უნდა დაუბღვირო ერთხელ და მერე აღარ მოგეკარებინან. სამმა კაცმა მაინც დამირეკა დღეს – „გოგია მორიგეობის საათებში მოტოციკლეტით ბავშვებს დაასეირნებსო“, მერამდენე შემთხვევაა ახლა ეს? შენ რომ გგონია, ვერავინ მიყურებსო, მაშინ გხედავენ სწორედ. რატომ გვჭრი თავს, ათასი ლაზლანდარა და ოხერი დადის ამ ქვეყანაზე. მერე ჩემზე გული ნუ დაგწყდება, ბავშვი აღარა ხარ. მე ჩემი მხრივ გამიფრთხილებინარ და შენი საქმე შენ იცი. წადი ახლა...

მორიგემ პირი დაალო, რალაც უნდა ეკითხა, მაგრამ გოგიას მოღრუბლულ სახეს რომ შეხედა, ხელი ჩაიქნია.

უმცროსმა სერჟანტმა კიბე ორი ნახტომით ჩაათავა, ჭიდან

წყალი ამოქაჩა და რომ დალია, ხელისგულები დაისველა და შუბლზე მოისვა. ხელთათმანები გაიკეთა და ისეთი ღმუილით გამოახტუნა მოტოციკლეტი ავტონისპექციის ეზოდან, რომ შუაგზაზე გამწკრივებული იხვები საშინელი ვიხვიხით მიანყდნენ ლობეს.

„ისე სწორი კია ეს ხალხი, ვინ გაიგონა ბავშვები და ავტონისპექცია. დაუბღვირე ერთი-ორი და მოგცილდებიანო. სწორია სალდაძე. მე რომ ვიყო მაგის ადგილზე, ასე არ ვიზამდი მეეც?“

– გამიჭირვეს საქმე ამ ბავშვებმა. ხათრი – ხათრია და სამსახური – სამსახურია. საკატაო მეტი ვერაფერი ნახეს? ათასი ლადო და ჯაშუში დადის ამ ქვეყანაზე. ნეტავი ახლა „ქრონიკასთან“ არ დამხვდებოდნენ და რა უნდა გამჩენს. დოუბღვირე და მოგშორდებიანო. კი, მასე ვიზამ“...

„ქრონიკას“ ისე ჩაუქროლა, მარჯვნივ არც გაუხედავს და რომ ეგონა სამშვიდობოს ვარ გასულიო, სწორედ მაშინ მოესმა:

– გოგია ბიძაა!

ოთხი პატარა ბიჭი, ოთხი ალალი კაცი, ერთგულად უცდიდა.

თვალში ცრემლი მოაწვია, გული შეეკუმშა და არ იყო ქვეყანაზე ისეთი ძალა, ახლა რომ გოგიას თავის განზრახვას გადაათქმევინებდა.

სამჭედლოსთან მოუხვია, მიიხედ-მოიხედა, ხომ არაფერი მოდისო, თეთრი ხაზი გადმოჭრა და „ქრონიკის“ კარებთან მობუზულეებს გაუღიმა:

– მოდით.

ბიჭები უთქმელადაც გამორბოდნენ.

ყაყანი

საპნის ქარხნის სკვერში საქანელა სკამზე საპნის გამშვები ლეო მახათაძე იჯდა და მშვენიერი ქალებით სავსე ზღვის პლაჟზე ფიქრობდა. თვალები მიელულა, და ფეხებს არც კი ამოდრავებდა, რომ არ გამორკვეულიყო და ლამაზი ფეხებით სავსე პლაჟიდან საპნის ქარხნის ეზოში არ გადმობარგებულიყო. სხვა დროს ამ ადგილას მჯდომი ლეო მახათაძე თეთრ სპილოზე უფრო იფიქრებდა, ვიდრე ზღვაზე, მაგრამ ამჟამად იგი მეთაურაკეთა სანუკვარ ოცნებასთან ყველაზე ახლოს იყო. ჯიბეში დედათა და ბავშვთა პანსიონატის საგზური და შვებულების ფული ედო. ხვალიდან იგი ოცდაოთხი დღით ემშვიდობებოდა საპნის ქარხნის სპეციფიკურ, მაგრამ ადვილადმისაჩვენებელ სუნს. ლეო მახათაძე სამოცს მიღწეული, დაბალი, ჯანსაღი მამაკაცი იყო, არასოდეს არ ავადმყოფობდა. ავადმყოფობა მის სხეულზე ფეხს ვერ მოიკიდებდა, რადგანაც ლეოს ყველაფერი ახლოს ჰქონდა; კიდურები ტანის შესაფერისად მოკლე, მხრებზე პირდაპირ უკისროდ დადებული, ლამაზი, მელოტი თავი და კეფაზე საგულდაგულოდ აწებებული ყურები. ლეო ერთიანი, შეკრული კაცი იყო. მას ყელ-კისერი და წელი არასოდეს არ ატკივდებოდა, იმ უბრალო მიზეზის გამო, რომ ეს ორი უკანასკნელი საერთოდ არ გააჩნდა. რაც შეეხება სახადს, მაინცდამაინც არც ამის საშიშროება ემუქრებოდა, რადგანაც საპნის გამშვები უაღრესად ფაქიზად და წესიერად ცხოვრობდა. ამ მიზეზთა გამო ახლობლები ვარაუდობდნენ, რომ ლეოს სულ მცირე ასი წელი მაინც უნდა ეცხოვრა.

უეცრად ლეო მახათაძე საეჭვოდ ახვანცალდა. ჯერ ჯიბეები მოიქექა, მერე საქანელადან ჩამოხტა და ბალახი გადაქექა. ერთხანს სალაროს ჯიხურში გაუჩინარდა. იქედან აქომინებულმა მოიბრინა, ერთხელ კიდევ მოიქექა ჯიბეები, ერთხელ კიდევ გადაქექა ბალახი, მერე სათვალე მოიხსნა და

ისე საგულდაგულოდ ჩაჩურთა გულის ჯიბეში, თითქოსდა აღარასოდეს დასჭირდებოდა. დოინჯი გაიკეთა და წყნარად, თავისთვის ჩაილაპარაკა:

– გასამდა.

არეული ნაბიჯით გაემართა ქარხნის გასასვლელისაკენ, მეკარეს განწირული კაცის იერით თვალეში ჩააშტერდა და მრავალმნიშვნელოვნად აუნყა:

– ნელ-ნელა მივდივართ, ნელ-ნელა ბოლო გვეღება.

არასაუნყებო დაცვის წარმომადგენელმა შუაზე გახლეჩილი ქლიავი მაგიდაზე დატოვა და ლეო მახათაძეს თავი ისე მიმხვედრიანად დაუქნია, თითქოს საიდუმლო შეთქმულებაში მონაწილეობის დასტურს აძლევდა.

საპნის გამშვები ქუჩაში არ გასულა, ჭიშკრიდანვე უკან დაბრუნდა, თავის სამუშაო ოთახს მიადგა, ჯიბიდან ხელეხისამოუღებლად, ომნაგებული სარდალივით გაიარა კაბინეტი, მაგიდასთან მსხდარ მოსადილე პერსონალს გადახედა და სააქაოდან დაბრუნებული კაცის ხმით ამოილაპარაკა:

– გასამდა.

გამშვები საამქროს მუშა-მოსამსახურებს ლუკმა პირში შეაცივდათ, ყველამ ერთბაშად იგრძნო, რომ ლეო მახათაძის საქმე მთლად კარგად ვერ იყო.

სამარისებური სიჩუმე ჩამოვარდა.

ლეომ შეკითხვას არ დაუცადა, არც შესვენების ოქრო წუთები მოახმარა თავის ერთგულ თანამშრომლებს, ჯენტლმენობისთვის დრო აღარ რჩებოდა.

– გასამდება-მეთქი და გასამდა. დღეს დილიდან თითქოსდა ვილაც დამსდევს. სახლში ცოცხალი მივიდოდე, თორემ არაფერს დავეძებ. ცუდ ფეხზე ვარ ამდგარი. განგებას არ უნდა ჩემი დასვენება, ან რაღაც საშინელებაა ჩემს თავს. ამ დილით, ათის ნახევარზე გამოვედი სახლიდან. ხელფასი და შვებულების ფული უნდა ამელო. მოლარე თორმეტამდე ფულს მაინც არ გამოიტანს ბანკიდან, მოდი ერთი კინოში შევიდეთო, დაიჭინა შორენამ (შორენა ლეოს ცოლს ერქვა), როდის იყო კინოში დამყავდა, მაგრამ დავთანხმდი, საქმე მაინც არაფერი მქონდა. ავიღეთ ბილეთი, ჩემო ბატონო, დავჯექით

ამფითეატრში, კარგად, მშვენივრად. მთელი ჟურნალი ტაშის კვრა იყო. რალაცას დღესასწაულობდნენ, აღარ მახსოვს, მომეშალა ნერვები. ეგებ ფილმმა მაინც გაამართლოს-მეთქი. გათავდა ჟურნალი და ეს ჩემი კნეინა მეუბნება: ლეო, მე ამ დილას უთო გამოვრთე თუ გახსოვსო? მე რა ვიცი, შენ არ გახსოვს-მეთქი? ჩემს პერანგებს აუთავებდა. მივაჩერდით სულელებივით ერთმანეთს. მგონი გამოვრთეო, პატარა ხნის მერე მითხრა. „მგონის“ მოუკვდა პატრონი. „მგონი“ მინდა ახლა მე? მტრისას ხანძარი. შენი რაცაა, კარგი, დაინვას, მაგრამ სხვებს რალას ემართლები. ჩვენს სახლში ოთხმოცდაათი ოჯახი ცხოვრობს. დავტოვე შორენა კინოში და გამოვიძურნე გარეთ. სად მიხვალო, კარისკაცმა მომაძახა. მოვალ პატარა ხანში, ცოტას გავისეირნებ-მეთქი, აბა შენ იცი, აბა შენ იციო, მომაძახა. ავადმყოფი ვეგონე და შევეცოდე ალბათ, არიქა, ტაქსი, კიდევ კარგი, ახლა ტაქსში თუ ძალიან არ გაუჭირდა, კაციშვილი არ ჯდება.

გარეკე, მე ვუთხარი, მგონი სახლი მენვება, უთო დარჩენია ჩემს ჭკუის კოლოფს-მეთქი. აშენდა მისი ოჯახი, მართლა მოუმატა სიჩქარეს. ვზივარ და შიშით ვკანკალებ. არის ალბათ ჩვენს სახლში ახლა ნივილ-კივილი. სასწრაფოები და სახანძრო მანქანები, გაგიჟებული მეზობლების ყვირილი – მახათაძეებმა, მახათაძეებმა დაგვლუპეს! შორიდან რომ შევხედე სახლს, ცოტა დავმშვიდდი, ეტყობა ჯერ ყველაფერს არ მოდებია ცეცხლი, მთლად დაღუპული არ უნდა ვიყო-მეთქი. სანამ ლიფტით მეათე სართულზე ავიდოდი, ჩემი დამემართა. ვეცი უთოს – გამორთულია. გადავრჩენილვართ. ჩამოვედი, ისევ ტაქსს ველოდები. ტაქსის ფულს დავეძებ? ისე ვარ გახარებული, თითქოს ეს ჩემი ბინა, თავის ყველაფრიანად ახლა, ამ წუთში, ეჩუქებინოს ვილაცას. ბევრი რომ არ გავაგრძელო, შევედი კინოში, სიბნელეში ძლივს მოვძებნე ჩემი ცოლი. მაყურებელთა სააღერსო სიტყვებს წაუყურე და ის იყო გვერდით მოვუჯექი, რომ „დასასრულიც“ გამოჩნდა. „ნუ იდარდებ, ფილმი კაპიკად არ ვარგოდაო“, მანუგემა შორენამ. ეს ჩემი ნერვების გლეჯა ვითომ არაფერი. ახლა მეორე: ჩამოვდივართ კიბეზე. რაც მე კინო „სინემას“ კიბეებზე დაშვება მეზარება, გააკეთე

კიბე ქრისტიანული. თავბრუ დაგეხვევა წინ და უკან ტრიალით. ქვედა სალონს რომ გამოვცდით, ვასილ ამაშუკელის ბიუსტი რომ დგას, ზუსტად იმ ადგილას, ფეხი ფეხს გამოვდევი და ცხვირით ნავედი თავდაღმართში. შორენამ იკივლა. ასე უხერხულად და გამეტებით ჯერ არ ნავეცეულვარ. თითქოს ვილაცამ ფეხი შემობორკა და რაც ძალი და ღონე ჰქონდა გადამაგდო. მივფრინავ და ვფიქრობ: „რას შერები ახლა? ეს კი ნამდვილად ბოლოა“. დავეცი. ხელები კი მოვასწარი ცემენტის იატაკს, მაგრამ ხელები გიშველის?

ვნევარ, მაშველად გამოქცეული ფეხების ბრაგუნი მესმის. ესე იგი ცოცხალი ვარ-მეთქი და სანამ ჩემამდე მოაღწევდნენ, თვითონ ავდექი, სასწაულით გადავრჩი. არც მოტეხილობა, არაფერი, ცოტა მუხლები ავიღლიტე და იდაყვი შემიშინდა, რაც მთავარია, თავი არაფერს მივარტყი. თქვენ წარმოიდგინეთ, სათვალე ორ მეტრზე გადავარდა და ისიც მთელი აღმოჩნდა. გასამდება-მეთქი და ა, გასამდა. ისე აგიხდათ ყველაფერი კარგი. პორტმანი მეჭირა ხელში, ჩემი საბუთები – მესაპნეთა კავშირის ნიგნაკი, პირადობის მოწმობა, საგზური, ფული, რაც მქონდა. დღეს ფული რომ ავიღე, ვთქვი პატარა ხანს სკვერში დავჯდები-მეთქი, ესეც ჩემი სისულელე, წადი თურმე სახლში. როდის იყო, სკვერში რომ ვიჯექი. წყალი მომწყურდა. გაზიან წყალს დავლეე-მეთქი და ნედლეულის საწყობთან რომ ავტომატებია, იქ მივედი, თურმე დალიე უბრალო წყალი, როდის იყო გაზიან წყალზე რომ სული მიმდიოდა. ავტომატებთან, როგორც ჩანს, ხელცარიელი მივედი, ეს იქედან ვიცი, რომ კაპიკიანს ვეძებდი ჯიბეში და კარგა ხანს ვერ ვიპოვე. ესე იგი პორტმანი სკვერში დამრჩა. დავბრუნდი, ისევ იმ ადგილას დავჯექი და ასე დაახლოებით ნახევარი საათის მერე გამახსენდა პორტმანი. აქეთ ვეცი, იქეთ ვეცი, მარა შენც არ მომიკვდე. ჩემი წყლის დალევამ გააქრო ვილაცამ. დავრჩი ასე უსაბუთოდ და უკაპიკოდ.

– საბუთები არაფერია, – ყრუდ ჩაილაპარაკა მხარშავმა, თხელცხვირა შავტუხა ბიჭმა, – დანერ განცხადებას და ახალს მოგცემენ, ფულია საქმე.

– ფული რამდენი იყო? – იკითხა მესაპნე მერაბ კვანაძემ.

– რაც მქონდა ერთად – შვებულების ფული და ხელფასი ოთხას რალაცა იყო.

გამოჩნდება, ვილაცა იპოვნიდა. ვინ არის ახლა ისეთი უსინდისო, ბოლოს და ბოლოს, ქუჩაში ხომ არ იპოვა. შენს გვარს და სახელს რომ ნახავს, არაფრით არ წაიღებს. ლეო მახათაძე ამ ქარხანაში ყველამ იცის – ცოტა წაიოპტიმისტ-წაიმილიქვნილა ნორმადარმა შურა კობახიძემ.

– მე ფული მაფიქრებს, ცოტა რომ ყოფილიყო, შეიძლება დაებრუნებინა, მარა ოთხასი მანეთი ერთად ძნელი დასაბრუნებელია. შეაცდენს კაცს. – განუცხადა მხარშავმა.

– ახლა ამას დაყოვნება არ სჭირდება, სანამ თონე ცხელია, ლავაში უნდა ჩაიკრას, ჯერ ეგება არც კი გასულა თქვენი პორტმანი ქარხნის ტერიტორიიდან. ჩავიდეთ ადგილკომში, მილიციამდე დავრეკოთ და რადიომდე უნდა გამოვაცხადოთ. „ვინც იპოვა ამა და ამ ადგილას მოიტანოსო“ – ერთმანეთს მიაყარა მერაბ კვახაძემ, სტაცა დაზარალებულს ხელი და თითქმის სირბილით გაიყოლია.

მილიციის სამორიგეოდან უპასუხეს: „ქურდობის შემთხვევასთან რომ გვექონდეს საქმე, სხვა ამბავია – ახლავე ოპერჯგუფს გამოვგზავნითო. თქვენ თვითონ დაგიკარგავთ და თქვენს თავს დააბრალებთო. თუ ეჭვი ვინმეზე გაქვთ, გვითხარითო. ლეოს ეჭვი არავისზე ჰქონდა და ამიტომაც მილიციის მხრივ მხოლოდ იმის იმედილა დარჩა, რომ დაკარგვის აქტს შეადგენდნენ და საბუთებს ალადგენდა. რამდენიმე წუთის შემდეგ ქარხნის რადიო წამდაუნუმ აცხადებდა – ლეო მახათაძის ფული და საბუთები ვინც ნახა, ადგილკომში მოიტანოსო, გავიდა საათზე მეტი, მაგრამ მიმტანი არ ჩანდა და ლეო მახათაძეს იმედის წყალი საბოლოოდ რომ გადაეწურა, სწორედ იმ დროს შემოიტანა დამლაგებელმა საპნის გამშვების დიდი შავი პორტმანი. ლეო უკითხავად ეცა დაკარგულ ავლა-დიდებას. პორტმანში ყველაფერი თავის ადგილას იდო (საგზურცი კი), ფულის გარდა, დამლაგებელმა ქალმა დინჯად ახსნა: საპარიკმახეროს გვერდით, სანაგვე ყუთს ვასუფთავებდი და შიგ ალმოჩნდაო. რადიოს ხმა არც კი გამიგონია, ბატონი ლეო სურათით მაშინვე ვიცანი და ძებნა დავუწყეო.

ფულის შესახებ რომ გაიგო, შეშინდა და ტირილი დაიწყო. ნეტავ მე არ მეპოვა. შეიძლება ვინმემ ჩემზე იფიქროსო, მაგრამ დაამშვიდეს და მადლობით გამოისტუმრეს.

* * *

საამქროში ლეო მახათაძეს მერაბ კვახაძეზე ახლობლები სხვები ჰყავდა, მაგრამ საპნის გამშვების ზარალი გულთან ყველაზე ახლოს მერაბმა მიიტანა. სანამ ლეო ადგილკომში სინდისის ქენჯნისგან შენუხებულ თავის დამლუპველს ელოდებოდა ოთხასი მანეთით ხელში, მერაბი საამქროს შინაურ მიტინგზე საპნის გამშვების სასარგებლოდ პროპაგანდას ეწეოდა.

– ყველას შეიძლება ასეთი რამ მოუვიდეს, – ამბობდა მერაბი, – შემთხვევისგან დაზღვეული არავინ ვართ. ლეოს ამბავი ყველამ იცით, კაცი ხელფასით ცხოვრობს. არამია ვინც ის ფული ჩაიჯობა. არ შეერგება, არ უნდა ამას ლაპარაკი, მაგრამ იგი უკვე ფულის დამბრუნებელი აღარ არის.

– რა იცი შენ! – გაანწყვეტინა ვილაცამ.

– რა დიდი ცოდნა უნდა. ხომ ხედავთ, საბუთები იპოვეს. ურნაში იდო. ესე იგი ფული ამოღებულია პორტმანიდან.

– იქნებ ფული სხვა ურნაში ჩაყარა – ისევ ის ხმა იყო.

– კაია მასხრობა, მაგრამ ახლა ლეო მახათაძეს ვკითხოთ, ემასხრება?

– ნამდვილად არა, – გამოეპასუხა ხუმრობის მოყვარული, მაგრამ მესაპნეთა მოკუმულ ბაგეებზე შეატყო, რომ ეს ნომერი არ გამოუვიდა და სანამ ძალით გამაჩუმებდნენ, ჩემით გავჩუმდებო, გაიფიქრა.

მერაბმა პაუზით ისარგებლა და საქმეზე გადავიდა.

– შევაგროვოთ ფული, არ დაიქცევა ქვეყანა. დავდოთ ყველამ. შევეშველოთ კაცს. დასვენებას რომ თავი დავანებოთ, უბრალოდ, მის ცოლ-შვილს ამ ზაფხულზე რჩენა ხომ უნდა. მე ასე მოვიფიქრე. კაცებმა თუმან-თუმანი დავდოთ. ქალებმა ხუთ-ხუთი მანეთი. ანდა ისე, როგორც თქვენ გადანყვეტთ. როგორც სჯობია, მე თქვენ საამქროში ახალი კაცი ვარ. ყველგან ასე აკეთებენ. მე ასე მგონია.

– რა ამბავია ხუთი მანეთი! – ქვაბის სარქველზე ჩამომჯდარი სამი ქალიდან ერთ-ერთმა დაიძახა.

– ვისაც რამდენი შეუძლია, ვისაც როგორ უღირს აქ, ძალას არავინ გვატანს, – დაიბნა მერაბი.

– ახლა რამდენიც დაკარგა, იმდენს ვერ შევუგროვებთ. ამ საამქროში ორმოცდახუთი კაცი ვართ. ქალებს რომ თავი დავანებოთ, ყველამ რომ თუმან-თუმანი დავდოთ, კაი ოთხასორმოცდაათი მანეთი გამოვა.

– ვუყიდოთ მაშინ ერთი ჟიგული და ის იქნება. – ხელსაყრელ შემთხვევას ხუმარა მესაპნე ხელიდან როგორ გაუშვებდა.

– ყველა კი არ მოიგანს. ნახავთ აგერ, ორასამდეც ვერ მოვაგროვებთ – უკან არ იხევდა მერაბი.

– თუმანი ნამეტანია, ცხრა თუმანს ვღებულობ, მეტს კი არა მე! – გამოაცხადა ახალგაზრდა კაცმა, რომელსაც შუბლზე ბერეტი ჩამოეფხატა და თვეში მართლა ცხრა თუმანს აძლევდნენ.

– არ დალევ ერთ ბოთლ კონიაკს და ეს იქნება. რა ბევრია, შე კაი კაცო! – მერაბს პასუხი თვითონვე ესიამოვნა, მაგრამ ვერ წარმოიდგინა რა ხალხში ჰქონდა საქმე და რა სიტყვა ელოდა.

– თუ მასეა, ორ ბოთლ კონიაკს არ დავლევ, და ოც-ოცი შევკრიბოთ – დასძახა ბერეტიანმა და მუშების ხარხარში ბერეტი შეატრიალა.

– მოკლედ, რა ვქნათ, გინდათ ამ კაცს დავეხმაროთ თუ არა? – ილაჯი გაუწყდა მერაბს და გაიფიქრა, ვინ მავალებდა, რა ხათაბალაში შევრგეო თავი.

– გვინდა! გვინდა! – ერთხმად დაიძახეს.

– აბა მოვიტანოთ, ხვალ დილით, რავარც ვთქვით ისე, და ჩავაბაროთ ვინმეს. ჩამონეროს სია ერთმა რომელიმემ.

– რომელმა?

– ვთქვათ, ქალბატონმა შურამ.

– არა, გენაცვალე, მე მოვიტან ჩემ წილ ხუთ მანეთს და ჩაბარებით სხვამ ჩაიბაროს – ქვა ააგდო და თავი შეუშვირა შურა კობახიძემ.

– რატომ? – გულუბრყვილოდ ჰკითხა მერაბმა.

– არ მინდა ფულთან მქონდეს საქმე. შენ ახალგაზრდა ხარ, შვილო, ჯერ, და არ იცი, რას ჰქვია ფულთან საქმის დაკავება.

– კარგი, ბატონო, მაშინ კალე ჩაფიქემ ჩამოკრიბოს, ბრიგადირია მაინც – გამოსავალი იპოვა მესაპნემ.

– ერთხელ გავყავი ამნაირ ხათაბალაში თავი და დაბადების დღე ვინყევლე. მაგის თავი მაქვს მე? – სხვამ ითავოს და ჩემსას გავაკეთებ.

– კი მარა, ასე ძნელია ახლა ვითომ ეს საქმე? არ ვენდობით ერთმანეთს, თუ რაი? შენ ვერ აკრიბავ, ბიჭო, მაგალითად? – მიუბრუნდა მერაბი შავტუხა მხარშავს.

– ვერა, ვერა, დამეხმევა ფული და ხლაფორთში გავებმები. ვიცი ჩემი უბედური თავის ამბავი. რათ უნდა ამას ამდენი ჭიჭყინი. შენ წამოიწყე ეს საქმე და ფულიც შენ უნდა ჩამოკრიბო.

– კაი, ბატონო, რაკი დაიქცა ქვეყანა, მე ჩამოვწერ სიას, – კეფა მოიფხანა მერაბმა და ღვთის წინაშე სიმართლე უნდა ვთქვა, ფულთან საქმის მიცემა მერაბსაც არ უნდოდა.

– კი მარა, ერთს ვიტყვი, ახლა მე. ამ ფულს რომ ვკრიფავთ, იცის იმ კაცმა? – იკითხა შურა კობახიძემ.

– არ იცის – თქვა მერაბმა.

– აბა თუ არ იცის, ეგება არაა თანახმა. ყველა კი არ მიიღებს ასე ჩამოკრეფილ ფულს. თქვენ ლეოს ხასიათი არ იცით. არ ეწყინოს, კაცო, შეურაცხყოფად არ მიიღოს.

– ახლა წინასწარ ვერ ვეტყოდი, შურა დეიდა, ფულს გიკრიბავთ-მეთქი. ლეო თავმოყვარე კაცია. მივცემთ ისე მოხერხებულად, დაუმაღლებლად. ასეა ყველგან, არა მგონია უარი თქვას – განუმარტა მერაბმა.

– არ ვიცი მე. მე, მაგალითად, ასე შეგროვილ ფულზე უარს ვიტყოდი. მტრის ვალს დავიდებდი და სამონყალოდ არ გავიხდიდი საქმეს – თავისი თქვა შურა კობახიძემ და წამოდგა.

წამით სიჩუმე ჩამოვარდა.

– არ უნდა აჩქარება ამ საქმეს. მილიციამ იცის უკვე. იქნება დაიჭირონ, ვინც ლეოს ფული მოიპარა – დაიწყო მხარშავთა ბრიგადის თავმა, კალე ჩაფიქემ.

– მოიპარა კი არა, იპოვა – გაუსწორა მხარშავმა.

– მოიპარა, მოიპარა, დიახაც. პოვნა ჰქვია, რომ იპოვი და ირგვლივ რომ არავინაა. აქ, შე კაი კაცო, ჩვენს ოჯახში, პორტმანი დარჩა კაცს სკამზე, გახსნა ვილაცამ, ნახა ვისიც იყო. საბუთებს ურნაში გადაუძახა და ფული ქე დაიტოვა. მოპარვაა, აბა რა ჯანდაბაა ეს. მილიცია თუ მოინდომებს, ერთ საათში იპოვის იმ ფულს.

– როგორ, მაინც, რანაირად? – არ მოეშვა ბრიგადირს შავტუხა.

– რა ვიცი მე რანაირად, მაგენს სპეციალურად ასწავლიან, როგორ უნდა მოიქცნენ ასეთ შემთხვევაში. მე, მაგალითად, ჩემი მოკლე გაგებით, ასე ვიზამდი: ჯერ შემოსასვლელში გავარკვევდი, ვინ შემოვიდა დღეს უცხო კაცი. მაგრამ აქედანვე ვიცი, რომ ეს საქმე შინაურის გაკეთებულია. გარედან მომსვლელი, სკვერში არ გავა. იმას ან ღირეცქიაში აქვს საქმე, ან პარტკომში. ბაღში ჩვენ გავდივართ. ახლა წესიერი, ღმერთო შეგცოდნე და, მაგის გამკეთებელი არ არის. ის ფული წაიღო ცოტა იმნაირმა კაცმა, ლოთმა, უბედურმა, ან მთლად ახალგაზრდამ და უჭკუომ. ასეთი ახლა ბევრი არაა ჩვენს ქარხანაში, ისედაც რა ვართ, ცოტა ვმუშაობთ. პორტმანის დაკარგვა თორმეტიდან პირველამდე – შესვენების დროს მოხდა. კარისკაცმა ხომ იცის, ვინ გავიდა იმ დროს კარებში. უმეტესობა, ხომ სწორია, აქვე ვსადილობთ. ერთი ხუთი კაცი თუ გავიდოდა. იქედან ოთხი მართლა სასადილოდ გავიდა, ერთმა კი შეიძლება ფული გადაამალა, აქ არ მიპოვონო. ხუთივეს უნდა უთხრას გამომძიებელმა, დაგინახეთ პორტმანი რომ იპოვე და ჩუმად დააბრუნე, არ დაგიჭერ-თქვა. უეჭველად დააბრუნებს.

– კი, კი იმ წუთას – სასაცილოდ არ ეყო ეს ვარაუდი შურა კობახიძეს – იმას, ვისაც ფულის წაღების თავი აქვს, იმის მნოც აქვს, უარი თქვას.

– არა, ქალბატონო შურა, – დინჯად განაგრძო ბრიგადირმა, – გააჩნია რანაირი გამომძიებელი იქნება და რანაირად ეტყვის. ახლა ხომ ფაქტია, რომ ეს საქმე პროფესიონალი ქურდის გაკეთებული არ არის. პროფესიონალი ქურდი საპნის ქარხანაში არ დაგინყებს მუშაობას.

– ვთქვათ, გარეთ არ გაუტანია და აქვე აქვს ფული, მაშინ რა ვქნათ? – იკითხა მერაბმა.

– მაშინაც ეშველება რალაც. გამომძიებელმა უკეთ იცის, ის რამდენიმე ეჭვმიტანილი ცალ-ცალკე უნდა გაიყვანოს საამქროდან, ვითომ სალაპარაკოდ, და ამასობაში იმათი სამუშაო ადგილი ან ტანსაცმლის კარადები უნდა გაჩხრიკოს ვილაცამ.

– შენ ხომ არ გაგიჟდი! – არ დაეთანხმა კედელს მიყრდნობილი უზარმაზარი შავწვეროსანი მესაპნე, – კაცის გაჩხრეკა შენ ხუმრობა ხომ არ გგონია. უსანქციოდ თავს ვინ გაგაჩხრეკინებს.

– მე იმ გაჩხრეკას კი არ ვამბობ. მე ვიძახი ისე, ჩუმად, გაუფრთხილებლად კარადებში შეხედვას. შე კაი კაცო, ყველა დამლაგებელს აქვს ჩვენი გასაღები და დილას რომ მოვდივარ ამოყირავებული მხვდება, ჩემი უჯრები. გაჩხრეკა არ არის ეეს? აბა რაია!

– მერე ამდენი თუ იცით, ვერ დაუძახეთ მილიციას? – ნოდარმა კვლავ მიიქცია ყურადღება.

– დაუძახეს, მაგრამ ასე უბრალო საქმეზე ჩვენ არ დავდივართო. მაგი თქვენ თვითონ გაარკვიეთო. ეჭვი თუ გაქვთ, ვინმეზე, გვითხარით და კი ბატონოვო – ჩაერია მერაბი.

– ესე იგი, თუ მოძებნით თქვენ თვითონ ქურდს, მერე დაჭერა ჩვენზე იყოსო, არა? – გაიცინა შავტუხა მხარშავმა.

მოკლედ, იმ დღეს საპნის მხარშავთა საამქროს საქმე გაუჩნდა. სხვაც ბევრი რამ ითქვა, მაგრამ ნოველის ავტორს მიაჩნია, რომ დანარჩენი მოსაყოლადაც არ ღირს. კიდევ მეტი, მას ეჭვი ეპარება, განა რაც აქამდე გიამბოთ, ასე მნიშვნელოვანი იყო ამ პატარა ნოველისათვის?

* * *

მეორე დღეს მერაბ კვახაძე ქალაქ-კალმით ხელში საამქროს ხან ერთ კუთხეში გაიეღვებდა და ხან მეორეში. ფული ძალიან ნელა გროვდებოდა. ზოგიერთი ჯერ სიას ჩამოართმევდა, მაჩვენე აბა რამდენმა მოიტანაო, მერე ცოტა ხანს

დაფიქრდებოდა და მშვიდად ეტყოდა: ხვალ მოგიტანო. – მე კი ნუ მომიტან, ჩემთვის კი არ მოგაქვს, ლეო მახათაძეს ვუგროვებთ და ამაღამ მატარებლით მიდის ის კაციო. – განინმატდებოდა მერაბი. – არ გამომყვა ჯიბეზე და ჩამომკიდე ახლავ – შარზე იყო მესაპნე, – თუ გაქვს დადევი ჩემ მაგივრად შენ და როცა მექნება, გაგისწორდებიო. ფული ძალღი არ არის, მისით რომ გამოგყვეს. უნდა წამოგელო და გექნებოდავო, – ამ ცოტა არ იყოს გაცვეთილი ფრაზით ნესტრავდა უპასუხისმგებლო მესაპნეს მერაბი და გაეცლებოდა.

შესვენებამდე წუთები იყო დარჩენილი, შურა კობახიძემ მაგიდასთან თავდახრილ მერაბს მხარზე რომ დაადო ხელი და განზე გაიყვანა.

– რა იყო, შურა დეიდა?

– მერაბ, გენაცვალე, შენ დარწმუნებული ხარ, რომ ლეო მახათაძემ მართლა დაკარგა ფული?

მერაბი შეცბა.

– როგორ გეკადრებათ, შურა დეიდა!

– რა იცი? მე კი არ მეკადრება მარა, დღეს კაცი არ ინდობა. გაფუჭდა ხალხი. ვინ იცის იქნებ დასასვენებლად ფული დაჭირდა და...

– მე იქ ვიყავი, დამლაგებელმა პორტმანი რომ შემოიტანა.

– ჰოდა, დაგდებულს ჰგავს ის პორტმანი.

– ვის დაგდებულს?

– პატრონის, რა ამბავია ოთხასი, შე კაი კაცო, იქნებ ორასი დაკარგა და ოთხასს ამბობს. შემიგროვებენ მაინცო. შვილებს ვფიცავარ, მე რომ დამეკარგა, ხმას არ ამოვიღებდი. ვითომც არ მექონია, მორჩა და გათავდა.

– კი მაგრამ... ეს რანაირად... მე ახალი კაცი ვარ... ასე იცნობთ თქვენ ლეო მახათაძეს?

– ჩვენ ძალიან კარგად ვიცნობთ, მაგრამ ხომ გითხარი დეიდა, გაფუჭდა ხალხი, აღარაა ის ძველი სინდის-ნამუსი.

– გუშინ ვერ თქვით ასე?

– მე არც დღეს არ უნდა მეთქვა, გენაცვალე მაგრამ ყურები გამომიჭედეს. მთელი საამქრო ასე ლაპარაკობს: არაფერი ფული არ დაკარგულა, მახათაძემ თავი მოისაწყლაო.

შურას პასუხისთვის არ დაუცდია, ვილაცას ჰკიდა თვალი და მერაბს სწრაფად გაეცალა.

თეთრ, ქათქათა საპირფარეოში, შესვენებისას ხელს რომ იბანდნენ, მერაბი შავტუხა მხარშავმა დაიმარტოხელა.

– ნეტავი შენ არ გარეულიყავი ამ საქმეში.

– რა საქმეში? – ჰკითხა მესაპნემ.

– მახათაძის ფულის საქმეში. დღეს ერთ-ორს ქე ვაგინე შენი გულისთვის და ვილაცას იქნება მოვუქცევ ყბას გვერდზე.

– რა უნდათ?

– რა და, ხომ იცი, ბნელი ხალხია, რას ხტუნავს მაგიო, ერთმა თქვა, ვითომ თავს აყვარებს ახლა მახათაძესო? ვითომ ეგ გამოგვივიდა ყველაზე კეთილი და ყველაზე კაი ბიჭი ამ საამქროშიო. ლეოს აქ უფრო ძველი ძმაკაცები ჰყავს და იმათთვის უნდა ეცლიაო. ვინ ჰკითხავს მაგას, ჩვენ ფულს შევუგროვებთ თუ ყავარს მივუტანთ სახლშიო.

– მთელი საათი არ ვყვიროდი გუშინ, ვინ შეაგროვებს, ვინ ჩამოწერს სიას-მეთქი? იქ არ იყო სუყველა?

– უბედური ხალხია. გაგება არა აქვს ნახევარს. ეგ კი არა, ასე მითხრა ერთმა, მაგ რალაცა ისე წრიალებს, თვით ხომ არ იპოვა ის ფული ნეტავიო.

მერაბს ჯერ გაეცინა, მერე ერთბაშად მოიღუმა და შავტუხას სახელოში სტაცა – მითხარი ვინ გითხრა და, რუმბივით გავუხდი ცხვირ-პირს! ეს ყიამყრალები! კაცმა კაი საქმე არ უნდა გააკეთო? ისე ნახა ხეირი მაგის გვარმა და ჯილაგმა, რავარც მე ის ფული ვიპოვე.

– ყოფილიყავი შენთვის. არ გამოდის, წინ გამოსვლა და ცანცარი ამგენთან. იმიტომ იყო, ფულის შეკრებაზე ყველამ უკან რომ დავიხიეთ. რა უნდოდა მაგ საქმეს, მაგრამ ვიცი მე აქაური ამბავი.

ნაშუადღევს ლეო გამოჩნდა, მერაბმა ფული გადათვალა, ას სამოცდახუთი მანეთი შეგროვილიყო. დაღონებული საპნის გამშვები დერეფანში გამოიყვანა და სიიანად ჩაუჩურთა ფული ხელში. ლეომ ბევრი იუარა, მაგრამ ბოლოს მაინც მიიღო „მეგობრული დახმარება“ (მერაბმა ასე აუხსნა). კარგა-

დაც მოიქცა. მის მდგომარეობაში კუდაბზიკობა და „ღმერთო კი მომკალის“ თამაში სისულელე იყო.

საპნის ქარხანაში კიდევ ერთი საინტერესო დღე ჩაბარდა წარსულს.

საშვთა ბიუროს რომ გამოცდნენ, კალე ჩაფიქემ ხელი გამოსდო მერაბს.

– რომლით მიდიხარ?

– ოთხი ნომრით.

– ჰო, ერთი გზა არ გვქონია, მე იქით ვარ წასასვლელი. რა ქენი, მიეცი ფული?

– კი.

– რამდენი იყო?

– ას სამოცდახუთი.

– თქვა რამე?

– დიდი მადლობაო.

– სიაც მიეცი?

– აბა რას ვიზამდი.

– სიაც გამოგართვა?

– კი.

– კაია, ნახავს ვინ რა კაცია. ვის ყოფნის კაცობა, გასაჭირში მყოფს ხელი გაუწოდოს.

– სწორია.

– ასე რომ იცოდე, ვინც არ მოიტანა, არც ისაა გასამტყუნარი. ეგება გულით უნდოდა დახმარება, მაგრამ არ ქონდა და რა ექნა.

– ჰო, – თავი დაუქნია მერაბმა და გაიფიქრა, ბრიგადირს რაღაც უფრო მნიშვნელოვანი აქვს სათქმელი, ამისთვის არ გამომყვებოდაო. არც შემცდარა.

– ჩვენ შორის დარჩეს და ვინც მოიტანა, არც ისაა ყველა ერთნაირი. გლახა იმათშიც ურევია. რა თქვა ერთმა თუ იცი?

– რაო?

– მერაბ კვახაძემ ფული გადაულუნა ლეო მახათაძესო. სია არ მიუცია და ვინ გაიგებს რამდენი შეგროვდაო.

მერაბი რაღაც უსიამოვნოს ელოდა, მაგრამ ასეთ საშინელებას თუ დასწამებდნენ, ვერ წარმოედგინა.

– აგერ მაქვს სია! მეორე ცალი გადავწერე, ყოველ შემთხვევისათვის! ეს რამ აფიქრებინათ! ფულის გადამლუნავს ვგავარ მეე? ხვალ მოშავდებიან სამსახურში და გავარკვევ ყველაფერს. მოდი, თუ კაცი ხარ, შენ დაურეკე ლეოს ამაღამ ნუ წავა და იმ სიიანად ხვალ მოვიდეს.

– კაი კაცო, სალაპარაკოდ არ ღირს.

– რა თქვი?! – გალურჯდა მერაბი – ამას მოვითმენ მეე?! ახლავე ჩემ თვალწინ დაურეკე, თუ ჩემი სიკვდილი არ გინდა! ორკაპიკიანი მოძებნეს და ტელეფონის ჯიხურისაკენ წავიდნენ.

* * *

მეორე დღეს ყველაფერი გაირკვა. შესვენებაზე ლეო მახათაძემ წაიკითხა სია და იკითხა: ხომ არავინ ხართ შემთხვევით გამორჩენილიო. მერე მერაბ კვახაძემ წაიკითხა თავისი სია, ერთი სიტყვით, როგორც მოსალოდნელი იყო, მერაბი ყველაფერში სწორი აღმოჩნდა.

– დიდი მადლობა დახმარებისათვის, მაგრამ ფული უკვე ვისესხე და გთხოვთ ამ სიით ყველამ უკან დაიბრუნოთ, – თქვა ლეო მახათაძემ, ფული მაგიდაზე დადო და გავიდა.

– ჩემდა თავად თქვენს გვერდით მე აწი ველარ ვიმუშავებ, სხვა საამქროში გადავალ, ან სულ წავალ აქედანო, მტკიცე გადანიყვეტილებით თქვა მერაბ კვახაძემ და საპნის მხარმავს მიჰყვა.

ახლა ჩვენ ვიკითხოთ – მთელ ამ ამბავში ყველაზე მეტი დამნაშავე კალე ჩაფიქე არ არის? კალეა, დააჭირე ენას კბილი, იყავი შენთვის. რაღაზე უმღერევ გულ-მუცელს ამ ისედაც დაღლილ ხალხს.



ფათუშა

კიბე ჯეირანივით მოხდენილმა ქალმა ჩამოირბინა. მიწას ფეხი დაადგა თუ არა, თითქოს ბალახის სირბილემ შეაკრთო, შედგა. დარაია ნიკაპქვემ ამოიკეცა. ეშმაკებითა და სიხარულით სავსე თვალელებში სიმკაცრე ჩაიგუბა და ისე, ნელა, ღირსეულად გააბიჯა, თითქოს არაფერი ჰქონდა საერთო, იმასთან, წუთის წინ კიბეზე კისრისტეხით რომ ჩამორბოდა.

აივანზე კლუბის გამგე ვანო აბაკელია გადმოდგა და ჭიშკარში გასულს დაადევნა:

– ფათუშა, მოინი ერთი აქეთ.

ქალი შედგა, თითქოს დანაშაულზე წაასწრესო. ერთ წამს გაუნძრევლად იდგა შემკრთალი შველივით. მერე მობრუნდა და აივნისაკენ წელმონწყვეტილივით წამოვიდა. კიბეზე არ ასულა. კლუბის გამგეს ეზოდანვე ჰკითხა.

– რა იყო, ვანო?

– სულ დამავინცდა მეკითხა, შენმა ქმარმა თუ იცის ეს ამბავი?

ფათუშას გაეცინა ანგელოზის უცოდველი და სუფთა სიცილით.

– იცის.

– მერე?

– რა მერე?

– შარში არაფერში გადამავდო, თუ ქალი ხარ, ხომ იცი შალიკო ვანაძის ფხუკიანი თავის ამბავი.

– ასე გეშინია?

– შიში რა შუაშია, – ხმა დაიბოხა კლუბის გამგემ – არ ეწყინოს კაცს. ეს ჩემი ცოლი კონცერტზე რომ გამოგყავს, ეგება არ მსიამოვნებს მეო. ხომ იცი, კაცია და გუნება.

– შენ მაგის ჯავრი ნუ გაქვს, პატარაზე ქე ახტა პირველად მარა, რომ აღარ მოვეშვი, ჩათრევას ჩაყოლა არჩია.

– აბა, ხვალ რვა საათზე, რავარც მოვილაპარაკეთ.

– კი, ბატონო.

– ბავშვებს ვის უტოვებ? – აშკარად ფეხს ითრევდა კლუბის გამგე, თორემ, კაცმა რომ თქვას, რაში აინტერესებდა, ვის დაუტოვებდა ხვალ სალამოს ბავშვებს ფათუშა ვანაძე.

– დედამთილს. არაფერი უჭირს. ერთ სალამოს მიხედოს თავის შვილიშვილებს, მე ცხრა წელიწადია სახლიდან ფეხი არ გამომიდგამს.

– უმცროსი რა ხნის გყავს?

– წლის არაა ჯერ.

– მერე, გოგო? – მოიღუშა კლუბის გამგე.

– შვიდ საათზე ვაჭმევ და დავაძინებ. ნეტავი მაგაზე ადვილი მოსავლელი ის დიდი ვირები იყვნენ.

– ძუძუზე გყავს?

– აბა რას იზამს, სამ-სამი წელიწადი სწოვდნენ მაგის უფროსი ძმები. სისხლი გამიშრეს, ჯიში აქვთ ასეთი თურმე.

– კაი აბა. კარგად იყავი. – ვანო აბაკელია მოაჯირს მოშორდა.

– კარგად, ჩემო ბატონო.

– ერთი სიტყვით, შალიკოს მხრიდან ყველაფერი გარკვეულია.

– რავა გეკადრება. აბა შალიკოს უმისოდ გავბედავდი კონცერტზე გამოსვლას?

ვანო აბაკელიას წასვლა მაინც არ უნდოდა.

– კი მარა, შენს დედამთილს რომ ტოვებ ბავშვებთან, თვითონ არ უნდა კონცერტზე წამოსვლა?

– გადაირიე, ჩემი მტერი? საწყალი ჩემი მამამთილის მერე აგერ ოცი წელი გავიდა, შავები არ გაუხდია.

– აბა, მშვიდობით ახლა, ხვალამდე.

ფათუშა ვანაძემ შეატყო, რომ გამგე უსაქმოდ ენას ისველებდა და ისე გამორდა კლუბის ეზოს, როგორც ლამაზმა ქალებმა იციან ხოლმე, როცა თავიანთი მოხდენილი ტანისა თან ეამაყებათ და რცხვენიათ კიდეც, რადგანაც მათრახივით გრძნობენ ზურგში დამიზნებულ უტიფარ მზეერას.

იქნებ სისულელეს სჩადის? რალა დროს ფათუშას სიმღერაა, ოთხი შვილის დედამ კონცერტისთვის და ხალხის გასარ-

თობად სად მოიცალაო, ხომ არ იტყვის ხალხი? ჭორიკანა დე-დაკაცების ყბაში არ ჩავარდეს, შალიკოს ვინმემ აღმაცერად არ შეხედოს, თორემ რალად უნდა მერე სიცოცხლე, ბევრი ებრძოლა თავს ფათუშა. ათასჯერ გადაწყვიტა და დაიშალა, მაგრამ წლების მანძილზე გულის კუნჭულში მიძინებულ და ამ ბოლო დროს საბედისწეროდ ახმაურებულ სურვილს ველარ მოერია, ხელოვნების სამსახურის დაუოკებელი გრძნობაა ეს თუ შინაგანი მონოდება – ამქვეყნად თავისი სათქმელი მარტო დედობით კი არ თქვას, სიმღერითაც გააოცოს დღეს სოფელი.

ცხრა წლის წინათ დაამთავრა ფათუშამ კულტმასობრივი სასწავლებელი. სასწავლებლის დამთავრება და გათხოვება ერთი იყო. სანამ ოჯახის უღელს შეიდგამდა, ხვალინდელი დღე სულ სხვანაირად ესახებოდა, აბსოლუტური სმენა, რბილი, ხავერდოვანი ხმა და ესტრადის ცნობილ მომღერალთა მიბაძვის არაჩვეულებრივი უნარი ჰქონდა. სასწავლებელი ყველაზე მეტ იმედს ფათუშაზე ამყარებდა, გავამხელ და ხშირად დასიზმრებია თავი გრძელ კაბაში, გაჩახჩახებულ, უზარმაზარ სცენაზე „ორერას“ ბიჭებს შორის. მურმან ნიკუშაძემ გიტარაზე დაკვრაც ასწავლა და საქალაქო კონცერტებზე (დეპუტატთან შეხვედრა, საზეიმო სხდომა, ტუნგოს პლანტაციების ვეტერან მუშებთან შეხვედრა, ქალთა ემანსიპაციის დღე) ხშირად გამოდიოდა. ფათუშას ყველა იცნობდა. ყველა აფასებდა მის ნიჭს და უფრო მეტად მის ლამაზ ყვავილობას.

ფათუშას გათხოვება ქალაქში მეხის გავარდნასავით გაისმა. შეიქმნა ერთი მითქმა-მოთქმა. ზოგი ამბობდა, – მოიტაცეს და ცხრაკლიტულში ჰყავთო, სხვანი ამტკიცებდნენ, ამხანაგმა გოგომ უღალატა, ვიღაც შოფერს შეატოვა ხელში და დაღუპა საწყალი გოგოო, ქალაქს პირს ვერ აუკრავ. არცაა გასამტყუნარი, ქუთაისის თვალი – ლამაზი ფათუშა გასათხოვრად და დასაკარგავად არავის ემეტებოდა. მერე ვიღაცამ ამბავი მოიტანა, ოკრიბელ ვანაძეს გაყოლია თავისი სურვილით, სიმღერას თავი გაანება და აკვანს უზისო. ეს უკანასკნელი ხმა მართალი იყო. თუმცა, ფათუშა თავისი შემოქმედებითი კარიერის ასე უცბად დამთავრებას არ ელოდა, მაგრამ ჭკვიანმა

და მრისხანე ქმარმა ქორწინების მესამე დღესვე გაუცხადა – სცენობია და ჯღანაობა არ დამინყო აქანა, ფილარმონია სადაცაა, იქ მეზარება, მე ბოვშები მინდა და ცოლი მინდაო. ანი სხვის კონცერტზე ვიაროთ, შენი კონცერტი შენი სახლიაო, დაჯდები სოფელში და კერიას მიხედავო.

მეტი რა გზა ჰქონდა. ხელოვნების ნაკვეთჩხლები კარგა ხანს ღვიოდა ფათუშას გულში, მაგრამ როგორც კი დედა გახდა, არტისტობის ჟინი ნელ-ნელა მიინავლა მის არსებაში. კედელზე ჩამოკიდებულ ფოჩიან გიტარას, თვე გავიდოდა, ზედაც არ შეხედავდა.

ცხრა წელიწადმა ცხრა დღესავით გაიარა. ფათუშამ ოთხი ბიჭი აჩუქა ვანაძეების ოჯახს. მუყაითი, გამრჯე, შვილებზე გადამკვდარი დედა შეიქნა. სოფლის თვალის რომ იტყვიან, სწორედ რომ ფათუშაზე იყო ზედგამოჭრილი. ღმერთო შეგცოდე, გათხოვებამდე რომ ვინმეს ეთქვა, ოთხი შვილი გეყოლებო, წყალში გადავარდებოდა, თავი ხელოვნებისათვის შენირულ არსებად წარმოედგინა და მრავალშვილიანი დედის როლი პროვინციული ქალების საქმედ მიაჩნდა.

ოთხივე ერთმანეთს მიჰყვა. ოთხი სიცოცხლე, ოთხი სიხარული. უნეტარესი წლები იყო ფათუშასათვის ეს ცხრა წელიწადი. მისი თვალები, მისი სისხლი, მისი პატარა ანგელოზები, მათი პირველი სიტყვა, პირველი ნაბიჯები, დედიკოს ჩასახუტებლად გამოშვერილი პატარა ხელები. ღამეებს როგორ არ გაათენებდა, გულს როგორ არ ამოიგლეჯდა თავისი ბიჭებისათვის.

ეს რამდენიმე თვეა ავი ფიქრები მოეჯარა. წონასწორობას კარგავს, სცენა ეძახის. ტაში მოენატრა. რისთვის მინდოდა ან ეს სიმღერის ნიჭი, ან ეს დიპლომი, თუ სახლში უნდა ვმჯდარიყავი მთელი ჩემი ცხოვრებაო. სადღაც გამოქექა – ლოლიტა ტორეზსაც ოთხი შვილი ჰყოლია, მაგრამ სიმღერისთვის თავი არ დაუნებებიაო. რალა მე შევიქენი ასეთი უიღბლო. ათასში ერთხელ კონცერტზე ჩემი გამოსვლა ვის შეუშლის ხელსო. იქნებ, რა ნიჭს ვმარხავ ჩემი ნებით, მაქვს ამის უფლება მეო?

იმდენი უჩიჩინა ქმარს, რომ, როგორც იქნა დაიყოლია და ხვალ საღამოს, რვა საათზე, მოსავლის უდანაკრგოდ აღების აღსანიშნავ კონცერტზე, ხანგრძლივი შემოქმედებითი შეს-

ვენების შემდეგ, ფათუშას ნიჭის თაყვანისმცემლები კვლავ იხილავენ თავიანთ საყვარელ მომღერალს. ვანო აბაკელიას პროგრამაში სამი სიმღერა ჩაანერინა – „ციცინათელა“, „ბოშური რომანსი“ და „ავე მარია“.

* * *

კონცერტი კარგა ხანია დაიწყო.

მამალაძის პანტომიმზე ხალხმა ტაშით ჭერი კინალამ ჩამოანგრია, თვით ფათუშასაც კი ეცინებოდა, მიუხედავად იმისა, რომ ეს პანტომიმა (კაცი რომ ქლიავის კურკას გადაყლაპავს და კუჭი რომ აეშლება) სცენის უფრო გამოჩენილი ოსტატების შესრულებით ათასჯერ ჰქონდა ნანახი სხვადასხვა კულტურის სახლის სცენაზე.

ხანდახან ფარდას გასწევს და „პარტერს“ ათვალიერებს.

შალიკო მესამე რიგში ზის გაქვავებული, დანა პირს არ უხსნის. არც იცინის და არც ტაშს უკრავს.

„რა ვქნა, ჩემო შალიკო. ათასში ერთხელ ჩემიც უნდა გაიგონო. ჩემი ახირებაც უნდა აიტანო. ოთხ ვაჟუკაცს ხომ გიზრდი. თავს მირჩევნიხარ და შენს ღალატს სიზმარშიაც კი არ გავიფიქრებ. რა მოხდა ასეთი? არ გაჭმევ სირცხვილს, ნუ გეშინია. სიმღერისათვის ვარ გაჩენილი. ნიჭის დაკარგვა ღმერთის წინაშე ცოდვად ითვლება. ათასში ერთხელ გამოვალ ასე კონცერტზე და ჩემს ჭიას გავახარებ. გახსენი წარბი, ნუ იღრუბლები, თუ კაცი ხარ“.

ახლა დეისაძე და ქავთარაძე იცეკვებენ ქართულს, მერე ვაჟა ალხაზიშვილი წაიკითხავს „ბაკურს“ და ფათუშას ჯერია.

რა ემართება ამ გიტარას. გაიტანს დერეფანში ააწყობს, შემოიტანს და მესამე სიმი ისევ აშლილია.

ეტყობა ხრახნია მოჟანგული და ნელ-ნელა იშვებს.

ღმერთო გადამარჩინე!

რა ღმერთი გამიწყნარებს, ამათ მოსაწონს როგორ ვერ ვიმღერებ, რა ესმის ახლა ამათ „ავე მარიის“ და „ბოშური რომანსის“. აქ ძირითადად, სკეტჩის მოყვარულები არიან. რა ვქნა ახლა, მე ჩემსას ვეცდები და თუ არ დაუკრავენ ტაშს, ნუ დაუკრავენ.

შუა სიმღერის დროს ვინმემ რომ დაუსტვინოს?

არა, ღმერთმა დამიფაროს. ამას ვინ გაბედავს. შალიკოს შიშით მაინც ვერ გაბედავს ვერავინ.

ის იყო ვაჟა სცენაზე გავიდა, ჩაახველა და რიხით დაიწყო: „გვიამბე ელიზბარო, რა ამბავ მოხდა ელოსაო“, რომ სცენის სიღრმიდან ბავშვის ტირილი გაისმა. დეკლამატორი შეჩერდა, რადაგანაც ბავშვის თავგანწირულმა ჭყვირილმა ხალხი გააცინა.

ფათუშამ კულისებიდან გაიჭყიტა. ბავშვი გვარამაძეების იყო. ლეილას დედამთილს გულზე აეხუტებინა ჩვილი და ტუჩებმოკუმული, გაკერპებული არწევდა. ეტყობა მოხუც ქალს თან რცხვენოდა თავისი შვილიშვილის „ხულიგნური“ საქციელისა და თან კონცერტის მიტოვებაც ენანებოდა.

„ამ ერცახე ბავშვის წამოყვანა კონცერტზე გამიგონია? რანაირი ჭკუისაა მაინც ზოგიერთი“ – გაიფიქრა ფათუშამ.

„გვიამბე ელიზბარაო,
რა ამბავ მოხდა ელოსა.
როგორ დაეცნენ ლეკები
ბაკურის ციხე-ეზოსა“.

ეს ერთი სტროფიც მოამთავრა ვაჟამ და ისევ ატირდა ბავშვი. დეკლამაციის ოსტატი კვლავ შედგა და კულისებისაკენ გამოიხედა. ამით პროგრამის წამყვანს ანიშნა, „თუ შეგიძლია დაამყარე დარბაზში წესრიგი, თორემ მივანებებ ლექსის კითხვას თავს და იყავი მარტო ამ უნიჭო ცეკვა-სიმღერის და უხეირო სკეტჩების იმედზეო“.

ფათუშამ თავისი სახელი რომ გაიგონა, თვალი დახუჭა და ტანზე ბუსუსები დააყარა. გულმა უგრძნო – რალაც კარგი ამბავი ვერ იყო მის თავს. მოიხედა. ვანო აბაკელიას მუდარით სავსე თვალეხს წააწყდა.

– ფათუშა უნდა გვიშველო!

– მერე ჩემი ნომერი?

– გადავწევ იქით. ვიღუპები, კონცერტი მეშლება. ბაბალიკაშვილის სპორტული ნომრის მერე გამოვაცხადებ.

– კაი აბა.

ფათუშამ დერეფანი გაირბინა. მარცხენა კარებიდან შევარდა დარბაზში. ლეილას დედამთილს ბავშვი გამოართვა, გვერდით მიუჯდა, მკერდზე თავსაფარი ჩამოიფარა და აღნავლებულ თოთოს ძუძუ ჩასჩარა პირში.

რა შელოცვა გააჩუმებდა ასე პატარა გვარამაძეს!

„დისციპლინის დამრღვევი“ დამარცხებულია. კონცერტი გრძელდება.

„მაინც რა ღონიერია ეს გასაზრდელი. ძუძუს პატარა თითები შემოაჭდო და სულმოუთქმელად თქლაფავს. არ უჭმევიათ დღეს ნეტავი არაფერი?“

ფათუშამ ორჯერ სცადა მოეშორებინა ბავშვი ძუძუზე და ბებიამისისათვის დაებრუნებინა, მაგრამ ბავშვმა ისეთი ბლავილი მორთო, რომ მაყურებლების წყრომით სავსე შეძახილები დაიმსახურა და ფათუშამ თავი ჩაქინდრა.

„არ ვიცოდი ჩემი იღბალი მეე?“

ბაბალიკაშვილმა ბოლო გირი რომ მოისროლა კულისებში, ფათუშა აკანკალდა, „ახლა მე გამომაცხადებენ, გიტარა სად მივჩურთე ნეტავი? ბავშვს ნელა გამოუცურა ძუძუ პირიდან და ის იყო წამოდგომა დააპირა, რომ ღონეზე მოსულმა გვარამაძეების ნაშიერმა იქაურობა გააყრუა.

– სად გეჩქარება ფათუშა, შე ქალო, გააჩუმე ეს ბოვში, პატარა ხანს, ღმერთი არა გწამს?! – მოესმა ფათუშას ვიღაცის უკმაყოფილო ხმა.

უკან არ მოუხედავს.

კონცერტი დასასრულს უახლოვდებოდა.

ესთეტიკურად დამტკბარ მაყურებელთა დარბაზში ერთადერთი უკმაყოფილო ქალი იჯდა.

ფათუშას გულზე აეხუტებინა ჯიუტი გვარამაძე და თავსაფრის ბოლოთი ცრემლებს იწმენდდა.

რა ატირებდა?

ნაღია

ტელეფონმა მამლის მესამე დაყოვლებაზე დარეკა. დავით ისაკაძე, მისი ცოლი და სიდედრი ერთად შემოცვივდნენ ტელეფონთან „ახლავე ბატონო“ – ჩასძახა სიდედრმა, ყურმილი დადო და თავისი ოთახისაკენ გაიქცა. „ვინ უნდათ“ – დაადევნა ცოლმა, სიდედრმა შეკითხვა უპასუხოდ დატოვა. ეს იმას ნიშნავდა, რომ დავითს ურეკავდნენ. იმ დღეებში დავითი სიდედრს ხმას არა სცემდა, ამიტომაც მისი სატელეფონო აფრთხილება გულზე შემოეყარა, ყურმილი დაახეთქა და დაიქუხა: „ხოვ ვთქვი მე, როცა სახლში ვარ, ტელეფონთან არ მივიდეს, არავინმეთქი! ისე, კაცმა რომ გკითხოთ, ავადმყოფები ხართ და ძლივს დადისხართ ორივე! ტელეფონთან ჩემპიონი მეხანძრე ვერ მიგასწრებთ სად სიკვდილში წავიდე! არ მეცხოვრება ამ ჩემს სახლში და ეგაა. აქ ჩემი არაფერი გადის. ვის მივადგე კარზე, სადმე წასასვლელი მქონდეს თორემ, თქვენთან გამჩერებელს გაუთენდა, ჩემდა თავად, შავად და ბნელად!“ დავითი ხელმეორე ზარის მოლოდინში სასტუმრო ოთახში ბოლთას სცემდა.

ტელეფონი ისევ აწკარუნდა. „გაგიმარჯოს, კარგად, რომელი ხარ? რასი ნამთვრალევი, თვე-ნახევარია ხელში ჭიქა არ ამიღია, რომელი ხარ? სიდედრმა მომკლა, თორემ ვიცოცხლებდი ცოტა ხანს, რომელი ხარ? შვიდს უკლია თხუთმეტი წუთი, რომელი ხარ? რა საქმე გაქვს ამ დილაუთენია, რომელი ხარ? რა ჩაცმა მინდა, ათ წუთში ქვევით ვიქნები, კაცო, არ იტყვი რომელი ხარ, რომელი?.. შენ გადაგიშენდა თავი, რას დაგვაფეთე ამ სისხამზე, რა გინდა? კაი ხო, ჩამოვალ“.

შოთა დეისაძე ურეკავდა. სასწრაფო საქმე მაქვს და ძირს ჩამოდიო.

სანამ დავითი პირს დაიბანდა და ჩაიცვამდა, შოთა უკვე მოსულიყო და თავისი კვამლისფერი ჟიგულით ჭიშკართან ელოდებოდა.

– გამარჯობა, ხომ მშვიდობაა? – დავითმა მანქანის კარი გამოალა, მოსასხამის კალთები აიკეცა და ჩაჯდა.

უიგული დაიძრა. შოთა დეისაძე პასუხს აგვიანებდა.

- სერგოს საქმე ვერ არის კარგად.
- სერგო?
- ჩვენი.

სერგო ცინცაძე საყოფაცხოვრებო მომსახურების სახლში მომნიკელებლად მუშაობდა. ბალახვანში, აბრეშუმკომბინატთან ცხოვრობდა, ფარცხანაყანებელი ცოლი ჰყავდა, დავითი, შოთა და სერგო განუყრელი მეგობრები იყვნენ,

- რა მოუვიდა? - შოფრისკენ მთელი ტანით შემოტრიალდა დავით ისაკაძე.

- ნადიამ დამირეკა ნუხელის, მიშველეთ, მემეხმარეთ, თუ მიჭირს ახლა მიჭირს მეო, რა მოგივიდათ, ბავშვი ხომ კარგადაა-მეთქი, შევეკითხე. ბავშვს რა უჭირს, სერგო მეღუპე-ბაო. რა იყო, რა მოხდა? ცეცხლი წამეკიდა. მაგან ამ ბოლო დროს „ლევი“ ნიკელი მიიღო, და ხომ არ ჩავარდა-მეთქი, გული გამისკდა. არაფერი მაგის მსგავსი, მეცლება კაცი ხელიდანო, ავადაა? - გავუმეორე შეკითხვა, მეტი ავადმყოფობა რა იქნება - გალოთდაო. პატარა მომეშვა გულზე მარა, რომ მომიყვა ნადიამ მაგის ამბავი, გელაპარაკები, არაა კარგად საქმე, რა ცოლი მოითმენს შენ გენაცვალე, ორი თვეა თურმე ყოველდღე მთვრალი მოდის. ბევრი უჩიჩინეს ცოლმაც და შვილმაც მაგრამ არ მოიშალა, ახლა არც ერთი ხმას არ სცემს. დადის თურმე თვალეზდასიებული, თუ ძაან არ შეანუხა, პერანგს არ გამოიცვლის და ფეხს არ დაიბანსო, ნადიამ. რა ბიჭი მერე, ჩვენი სერგო, რა მოსიყვარულე, რა ტკბილი კაცი.

- რამ გადარია ნეტავი? - დავით ისაკაძეს მეტი არაფერი უთქვამს.

- ჩემთან იცოდა საღამოობით შემოვლა, ეს ერთი ხანია არ გამოჩენილა, თურმე რას გამოჩნდება, წასულა კაცი ხელიდან.

- ეშველება ვითომ რამე? - ყრუდ იკითხა დავითმა.

- რა ვიცი, თუ ვინმესას დაიჯერებს, თქვენსას დაიჯერებსო, ნადიამ. უნდა მიშველოთ რამეფრადო. თქვენი შერცხვება, ვიცი მეო.

- კი, თუ გალოთებულა მოგჭამა ჭირი, მაგას არავისი არ შერცხვება.

- ჯერ არ იქნება მთლად ხელიდან წასული, ადრეც სვამდა, მაგრამ ლოთი არასოდეს ყოფილა, ეს ორი თვის ამბავია. უნდა მოვკიდოთ მაგრად ხელი და შემოვებრუნოთ კაცი, ხომ იცი ჩვენ მეტი პატრონი მაგას არა ჰყავს.

- თუ რამეს ვუშველით, თავს როგორ დავზოგავ, მაგრამ ეჭვი მეპარება. ჩვენსას მაგი აღარ გაიგონებს, თავისი წრე ეყოლება, ხომ იცი, ლოთებმა ერთმანეთის მოძებნა იციან.

- ჰოდა, იმათ უნდა გამოვგლიჯოთ.

- თუ მოგვყვა ხელში კი.

- ჭკვიანურად უნდა მივუდგეთ, შუაში უნდა ჩავიყენოთ, არც აქეთ მივცეთ გასაქანი და არც იქეთ. დავკარგოთ დღეში ორი საათი. არაფერი გვიშავს, სამაგიეროდ დიდ სამადლო საქმეს ვუზამთ მაგას და მის ოჯახს.

- კაი დაგემართოს, კაი საქმეა. თუ შევძელით. ხომ გახსოვს ხუთ თვეს ყავდათ შარშან მაშიკოს ბიჭი- გიგლაია ლოთების და მორფინისტების საავადმყოფოში, მარა ზედ მეხუთე თვეზე ისე დამთვრალიყო, ექიმებს და ექთნებს აივნიდან ყრიდა.

- გიგლაია სხვა ამბავია, შე კაცო, გიგლაია „იქ“ მიეჩვია სიგლახეს. მაგი მორფსაც უნდა იკეთებდეს ჩუმ-ჩუმად.

- ჩუმ-ჩუმად ხო, აბა, შენი რცხვენია.

ამ ლაპარაკში ბალახვანში აუხვიეს და სერგოს მწვანედ შეღებულ ჭიშკარს მიადგნენ.

აპრილი ახლად დაწყებული იყო, ციოდა.

- რა ვქნათ ახლა, ჩავიდე, დავუძახხო; ამ რიბირაბოზე რაზე მომადექითო, არ იტყვის?

- არ უნდა დაძახება. თვითონ ჩამოვა, კი არა იმის შიში მაქვს ხომ არ გაგვასწრო-მეთქი. შვიდ საათზე გამოდისო ნადიამ სახლიდან, თუ დილით სახლთან არ დაიჭერთ, მერე ფხიზელს ველარ ნახავთო.

- დილიდან სვამს, დილიდან? დავლუპულვართ აბა და ეგაა.

- დილიდან რომ სვამს ისაა ლოთი, თვარა აბა ნამუშევარი კაცი საღამოს ორ-სამ ჭიქას რომ გადაკრავს, ის რა ლოთია, შე კაცო, მაგნაირი ლოთები ყველა ქე ვართ.

– დანე აბა მანქანა ცოტა უკან, თორემ ჩვენ რომ დაგვი-
ნახავს, შეიძლება შერცხვეს და დაგვემალოს.

შოთა დეისაძემ მანქანა უკან დასწია და კაკლის ხეს ისე
მოხერხებულად მიაყენა, რომ სერგოს ჭიშკარი მშვენივრად
ჩანდა, იქედან გამომსვლელი კი ეჭვსაც ვერ აიღებდა, რომ
ხის ქვეშ, ჟიგულში მსხდომნი მისი სტუმრები იყვნენ.

ლოდინი დიდხანს არ დასჭირდათ. სერგო ცინცაძემ ჭიშ-
კარი გაალო და აქეთ არც გამოუხედავს, პირდაპირ წერეთ-
ლის ქუჩისაკენ გაუყვა გზას, გვერდით მანქანა რომ დაუ-
მუხრუჭეს, არც მაშინ მოუხედავს, თავის ფიქრებში იყო.

– სერგო! – კარი გაალო დავითმა.

სერგო შეჩერდა, მინებთან დაიხარა, ჯერ დავითი იცნო,
მერე შოთას მოუბრუნდა.

– სად იყავით ამ სისხამზე, რა გინდათ აქ?! – ისე თბილად
უთხრა სერგოს, რომ აქ იგულისხმებოდა „გამარჯობათ, რო-
გორა ხართ, სად დამეკარგეთ, მომწყინდა უთქვენოდ, ხომ
არაფერი გიჭირთ“.

შოთამ უკანა კარი გამოალო.

– დაჯექი.

სერგო შეყოყმანდა.

– საით მიდირხართ? მე სამსახურში მაგვიანდება.

– დაჯექი, დაჯექი მიგიყვანთ!

სერგომ ერთხელ კიდევ საეჭვოდ შეათვალიერა ორივენი
და ჩაჯდა.

ერთხანს ჩუმად იყვნენ.

მანქანა დაიძრა. შოთა სარკიდან გახედავდა უკანა სავა-
რელში მობუზულს, სერგომ პირწმინდად თეთრი, გვერდზე
გადავარცხნილი, ლამაზი თმები ჰქონდა. გაუპარსავი იყო და
იქნებ ამის გამოც ცოტა მობერებული ჩანდა. თითქოს რაღა-
ცას ხვდებო, უპეებდანიტლებულ, ნაქისფერ, ფართო თვა-
ლებს ხან შოთას მიაპყრობდა, ხან დავითს. დავითს მისკენ
არც გამოუხედავს, ქუჩას გაჰყურებდა.

– სერგო, საქმე გვაქვს შენთან – ხვნეშით დაინყო შოთამ,
ეტყობოდა ძალიან უჭირდა საუბრის დანწყება. მეგობრებს
ასეთ თემაზე არასოდეს ულაპარაკიათ.

სერგომ თავი ასწია.

– ცუდად იქცევი, სერგო, შენს თავს ვფიცავარ. არ მოგვ-
წონხარ არც მე და არც დავითს.

– შენგან ამას ველოდით? – ვითომ ნააშველა დავითმა სი-
ტყვა, მაგრამ იგრძნო, რომ არ გამოუვიდა და კვლავ ქუჩას
მიუბრუნდა.

სერგო ხაფანგში მოხვედრილივით აწრიალდა, სახელუ-
რი დაატრიალა და მინა დასწია, თავი გაჰყო და ღრმად
ჩაისუნთქა, შემოჰყო თავი და მინა ისევ ასწია.

– რა გჭირდა შენ გასალოთებელი, სერგო? საქმეს არ ადგ-
იხარ, ოქრო ცოლ-შვილი არ გყავს, სახლი არა გაქვს თუ
კარი? – განაგრძობდა შოთა.

– ნადიამ გითხრათ ხომ? – ყოვლისმცოდნის იერით თქვა
ლოთმა – არ შემეყარა ქვეყანა? მოგვკლა ეგ უპატრონო, ციხე-
ში წავიდე მაგის გულისთვის ამ სიბერეში?!

ნადია ჩვენ არც გვინახავს, რად უნდა ნადია, შე კაცო,
მთელი ქალაქი შენს გალოთებაზე ლაპარაკობს.

– ვის რას ვუშავებ? – თავი მოისაწყლა სერგომ – მაგენის
ნამუშევარს ვსვამ თუ რაი? არ გამოდის! აბა იმუშავე ჩემს
ადგილზე და ნახავ, თუ გამოდის, გული ხელით მიკავია; შენ
გგონია, მინდა დალევა? მე ხელოსნებში მაქვს საქმე, თქვენი
ხელობა სხვანაირია, თქვენ მარტო მუშაობთ. დალილები,
გასავათებულები ვკეტავთ საამქროს; დავდოთ ხუთ-ხუთი მა-
ნეთი და გადავკრათ თითქო ჭიქაო, იტყვის ვილაცა, რა ვთქვა
მე, ნადიამ დამაბარა არ დალიო-თქვა, ვერ მოვაკლებ ცოლ-
შვილს ხუთ მანეთს-თქვა, დევნიხურო ქუდი და გამოვიძურნო?
რას ეძახიან ხომ იცი, ამნაირ კაცს.

ისე დამაჯერებლად ჩამოაყალიბა სერგო ცინცაძემ თავისი
გალოთების მიზეზები, რომ მეგობრებმა ცოტა ხანს აზრიანი
ვერაფერი დაუპირისპირეს.

– რას ვსვამ, კაცმა რომ თქვას? რა დავლიე ამისთანა?
ქუჩაში წავიქეცი, ქვეყნის საქილიკო გავხდი თუ რა? – ისევ
სერგომ წამოიწყა – სამი-ოთხი დღე გადავაბი, ერთხელ,
წაენყო ერთმანეთს. ხომ იცი, შეგხვდება, მივედი სახლში
და ცოლმა დანყნარების და მოფერების მაგივრად სისხლი

გამომწოვა ყელიდან, გავბრაზდი და მეხუთე დღეს ჯინაზე დავლიე, კიდევ არ გამცა ხმა, მეექვსე დღესაც დავლიე... შეიძლება? მითხარი, სახლში შედიოდე დ ცოლი ხმას არ გცემდეს? ნორმალური ამბავია? მითხარი ერთი, თუ კაცი ხარ, გამიჩერე ერთ წუთს!

– რა გინდა? – შოთამ სიჩქარეს უკლო.

– საქმე მაქვს აგერ პატარა.

– კაცო, სალობიე გვინდა ჩვენ ამ დილას? ამის გულიზა მევედით აქანა? შენ ხომ არ გადაირიე, სერგო! – შეიცხადა დავითმა.

– სადაა ლობიო, ვინ გაძალებთ ლობიოს, ჩავალ ერთ წუთას, საქმე მაქვს, გითხრათ ყველაფერი? ვალი მაქვს ამ კაცის და უნდა მივცე. ისე ნასაუზმევი არც თქვენ იქნებით ასე ადრიანად, გადმოდით და თითო ხაში შევჭამოთ.

– ჩვენ არაფერი გვინდა – სულმოუთქმელად მიაყარა შოთამ. – გადადი და ამ წუთში გამობრუნდი, თორემ შენ რომ ახლა რამე დალიო, თუ აქედან პირდაპირ მილიციაში არ წაგიყვანო და ლოთების კოლონიაში არ ამოგაყოფინო თავი, ცოლ-შვილს ვფიცავარ! – მტკიცედ გააფრთხილა დავითმა.

– რა დალევა, რისი დალევა, თქვენ ჭკუაზე აფრაკად ხომ არ ხართ? ამ დილას თუ დავლიე, ვინ გამიკეთებს ჩემს საქმეს.

– აშკარად იცრუა სერგომ და მანქანის კარი გაიჯახუნა.

ყიგულში დარჩენილებმა ერთმანეთს შეხედეს.

– დალევს, – სიჩუმე დაარღვია შოთამ.

– არ უნდა გაგვეშვა.

– ჩავიდეთ ჩვენც და დავადგეთ თავზე. პატარა ხანს ასე თუ არ ვუდარაჯეთ, მაგის გამოსწორება არ იქნება! – შოთა მართალი იყო.

სერგო დახლთან იდგა და მეზუფეტეს რალაცას უმტკიცებდა. სალობიე ნივრის სუნით გაჟღენთილიყო. ხალხს ფეხს ვერ აუქცევდი, მაგრამ გასაოცარი სიჩუმე სუფევდა. ისინი შეთქმულებივით ჩუმად ისხდნენ და ხაშს შეექცეოდნენ.

– სამი ხაში! – გასძახა სამზარეულოს ფანჯარას მეზუფეტემ, როცა სერგოს დავითი და შოთა აქეთ-იქით ამოუდგნენ.

– თითო-თითოც! – მუდარის კილოთი თქვა სერგომ.

– რა ვთქვით ჩვენ! – თითი დაუქნია დავითმა.

– კაი, ბატონო, რავარც გინდათ. უხდება ამ უპატრონოს გადახუხვა, თვარა თუ არ გინდათ, ვხვრიპოთ ეს აქოთებული ნიორწყალი და ვიყოთ – ლამის ტირილით თქვა სერგომ.

დახლის ბოლოს მიდგნენ. ცხელმა ხაშმა ყელი ჩაუნმინდა და დავითი ლაპარაკის ხასიათზე დადგა.

– ამას ყოველ დილით უნდა ჭამდეს კაცი. კუჭ-ნაწლავისათვის მისწრებაა, ხაშის ფასი არაფერი არ არის.

სერგო, პირისახეზე ეტყობოდა, უგემურად ჭამდა. ხაშის სამკურნალო თვისებებზე საუბარი სრულებითაც არ აინტერესებდა, უარაყოფ რჩებოდა და ლამის გაგიჟებულიყო.

– ხაბურზანია მოართვა დავით ისაკაძეს! – მეზუფეტემ ერთი ბოთლი არაყი ჩამოდო დახლზე.

დავითმა თავი ასწია. დუქნის კუთხიდან პაპიროსის ბოლში გახვეული ხაბურზანია ხელს უქნევდა.

– გმადლობთ, ჩემო ლერი, მარა რომ არ ვსვამთ?

– ნუ დალევთ, ბატონო, დატოვეთ. ღმერთმა წალმა გატართო. მაგი მწარეა, თქვენ ტკბილად დაგაბეროთ გამჩენმა! – შაქრად დადნა ხაბურზანია და თავის მაგიდას მიუბრუნდა.

სერგო სიხარულისაგან ფეხზე აღარ იდგა. ილუზიონისტის სისწრაფით მოაძრო თავი ბოთლს და სამი ჭიქა პირთამდე შეავსო.

– მხოლოდ ას-ასი, მეტი არ დავლიოთ. რალაცა მუცელი ამატკივა ამ ხაშმა. არ რეცხავენ წესიერად, მონამლავს კაცს, პატარა დეზინფექცია უნდა კუჭს. – იხვეწებოდა სერგო.

ცდუნება დიდი იყო. შოთამ და დავითმა ერთმანეთს გადახედეს. „მართლაც ასე პირველ დღესვე ხომ არ გამოსწორდება კაციო. ჩვენ რომ არ ვიყოთ, ერთ ჭიქაზე მეტს გადაკრავდა, და აქამდე რომ დავიყვანთ დღეს, ესეც საქმეაო“, თითქოს უსიტყვოდ გააგებინეს ერთმანეთს ეს აზრი მეგობრებმა და გადაკრეს.

ხატზე დავიფიცებ, მეტი არ დაუღვევიათ.

სერგოს სახელოსნოს რომ მიუახლოვდნენ, შოთა დეისაძე მოტრიალდა და მენიკელეს საჩვენებელი თითი ცხვირწინ გაუქნია – ხომ გესმის, ახლა სერგო, სიტყვა სიტყვაა. ჩვენ ბავშვები არ ვართ, შენი გასაჭირი ჩვენი გასაჭირია. წვეთის

დალევა და სამუდამოდ დაგვკარგავ იცოდე. რომელ საათზე ამთავრებ მუშაობას?

– ექვსზე – განწირულივით ჩაილაპარაკა სერგომ.

– ექვსზე მოგაკითხავ და ჩვენ წაგიყვანთ სახლში.

დაგველოდე, ფეხი არ მოიცვალა:

– კაი, ბატონო, დაგიცდით, – ხაფანგში მომწყვდეულივით ამოღერდა სერგომ, რაკი სხვა გამოსავალი არა ჰქონდა.

ექვსი საათი რომ გაიჭიმა, შოთა და დავითი დაუგვიანებლად მოგრიალდნენ. სერგო ქუჩაში გამოსულიყო და სამ უცნობ მამაკაცთან იდგა.

ჟიგული რომ დაინახა, ხელი ასწია და გამოიქცა.

– დავით, ერთი წუთით გადმოდი.

– რა იყო? – კარი გამოაღო დავითმა.

– გადმოდი ერთ წუთას, შენც გადმოდი შოთა. კაი ბიჭებია, ჩემთან მუშაობენ. ლატარიაში მაცივარი მოიგო იმ მაღალმა გუშინწინ, ფულად გამოიტანა და მაღარიჩს კისრულობს. ვეუბნები, წვეთს არა ვსამ-თქვა და არ მიჯერებენ. გადმოდით თქვენ და დაელაპარაკეთ, ხალხი არა ხართ? უთხარით ასე და ასე მაგის საქმე-თქვა, ფეხდაფეხ დავსდევთ, რომ არ დალიოს-თქვა.

– შენ ვერ უთხარი ეს ყველაფერი? – იკითხა შოთამ.

– რავა არ ვუთხარი, მარა სჯერათ? თქვენ უცხოები ხართ და თქვენსას უფრო გაიგონებენ.

– კარგი, შენ აქ ჩაჯექი, ჩვენ მივალთ – თქვა დავითმა და მანქანიდან გადმოვიდა.

შოთა და დავითი რომ მიუახლოვდა, სამივე „ბიჭი“ უკუდგა და მონინებით შეაჩერდა მოსულთ. სალამ-ქალამის შემდეგ საუბარმა დაახლოებით ასეთი მიმართულება მიიღო:

– არ შეიძლება, მაგისტვის წვეთი არ შეიძლება.

– არც ჩვენთვის შეიძლება, ბატონო. ჩვენ აქ ლოთები კი არა ვართ.

– თქვენ, ღმერთმა ჯანი მოგცეთ, ახალგაზრდები ხართ. თქვენი გული ყველაფერს გაუძლებს.

– ისე წამოვიდეს, ბატონო. გულს ნუ ჩაგვგლიჯავთ. პურ-მარილზე ფეხს ნუ გვიკრავთ.

– დღესაც რომ მთვრალი მივიდეს სახლში, მაგის ცოლი თავს ჩამოიხრჩობს.

– მაცივარს მოუკვდა პატრონი, ეს კაი ხალხი რომ გააცივანით, არ უნდა აღვნიშნოთ? სერგო წამოვიდეს და ისე ტყვილად დაჯდეს, ჩვენ ჩვენი ვუთხრათ ერთმანეთს და რაც მოგვიხერხდება, ფხიზლად დავიშალოთ.

– კაი აბა, ორ-ორი ჭიქა, იცოდეთ.

– მაგდენსაც ნუ დავლევთ, ბატონო.

– საით? – გეგუთში.

– წამობრძანდით აბა.

– ჩავეტევი?

– კი, ორი წინ და ოთხი უკან.

ხუთივენი მანქანისაკენ რომ წამოვიდნენ, სერგო ცინცაძე ყველაფერს მიხვდა, სარკეში თავის სახეს მოჰკრა თვალი და გაუცინა.

იმ ღამეს გვიანობამდე სვეს. შუალამე გადასული იყო, ერთმანეთი რომ ძლივს აიტანეს სერგოს კიბეებზე.

ყველაზე ფხიზელი შოთა ჩანდა. დერეფანში გაიხმო შეძრწუნებული ნადია, ტუჩზე თითი მიიღო და მთვრალი კაცის დანჯღრეული ჩურჩულით აუწყა:

– სსსუ, ახლა ჩხუბი არ დაუნყო. საქმე კარგადაა, დღეს მთელი დღე ჩვენთან იყო. პირობა მოგვცა, აღარ დალევს, ჩვენ, ჩვენდა თავად, ნაბიჯზე არ მოვშორდებით, საშველს არ მივცემთ. სერგოია ჩვენი ძმია. რავა გავუჭირვებთ რამეს, სადაა გასალოთებელი ძმაცაი. მაგენს სერგოია ცინცაძე ის ჰგონიათ შენ არხეინად იყავი, აგერ ვართ ჩვენ.

დილით სახაშესთან შოთამ თვითონ გააჩერა მანქანა, – გუშინდელ გამოყოლილებს, თუ სადმე სამართალია, თითო ჭიქა მაინც უნდა დაელიათ.

იმ საღამოს სახელოსნოს მშვიდობიანად გამოაღწიეს, მოდით ბაზარში გავიაროთ და თითო საზამთრო გავიძვანოთ. სახლში, რავარც წესიერი ოჯახის კაცებს გვეკადრებაო, – აჩივდა დავითმა. ბაზარში გავლა საბედისწერო აღმოჩნდა, საზამთროს, მუზიანელი მელიტონ დეისაძე, შოთას ალალი ბიძაშვილი ჰყიდდა.

– შენთან უნდა წამოვსულიყავით ახლა. რა? შენ არა სვამ, ამ ხალხმა რა დააშავა. ავადმყოფები ვართ ჩვენ ყველა, თითო

რალაცა ყველას გვტყვიან დღესო. ნახვალ და თუ ქუჩაში არ გადავყარო ეს ფული და ეს ხაბურზაკი, მე არ ვიყო კაციო: რა შავქვად მინდა ან ეს ნვალეა და ან ეს საზამთროში აღებული ფული, ბიძაშვილებთან თუ არ დავჯდები და არ ვიჭუქ-ჭუქებ ჩემ გემოზეო.

...გაფითრებული ნადია ეზოში შეეგება მოსულთ. სერგო და დავითი ერთმანეთს საბიჯგელებივით მიჰყუდებოდნენ და გაურკვეველ სიმღერას მონდომებით გაჰყვიროდნენ.

შოთა დეისაძემ განზე გაიხმო ნადია და, თითქოს დიდ საიდუმლოს უმხელსო, უჩურჩულა: – კარგადაა საქმე. აგერ ვართ ჩვენ. შენ ახლა ჩხუბი არ დაუნყო. ჩვენთან იყო, სხვაგან კი არ დაუღვია. სხვაგან ძალიანაც რომ უნდოდეს, ველარ დაღვეს, ნაბიჯზე არ ვშორდებით... სერგო ცინცაძე ხელნამოსაკრავი კაცი არავის ეგონოს, ლოთებთან შენს ქმარს აღარაფერი ესაქმება. სადაა გასალოთებელი სერგოცა ცინცაძე. შენ ახლა ჩხუბი არ დაუნყო, გჯეროდეს, საქმე კარგადაა, აგერ ვართ ჩვენ...

ნადიამაც დაიჯერა, რომ საქმე კარგად იყო.

* * *

ორი თვის შემდეგ გაქვავებულივით იჯდა შუშაბანდში და ორი აღელვებული ქალის ლაპარაკს ისმენდა. შოთა დეისაძეს და დავით ისაკაძის ცოლები საიდუმლოდ ჰხლებოდნენ. „შენი ჭირიმეო, შენი იმედი გვაქვსო. შენ თუ არ გვიშველე, ვიღუპებითო. როგორმე სერგო უნდა დაიყოლიო, რომ ჩვენს ქმრებს ჩამოსცილდესო. რაც ყოველდღე მაგასთან სიარული დაიწყეს, იმ დღის შემდეგ ფხიზელი არც ერთი არ გვინახავსო. შენ ქალი ხარ, შენ გაგვიგებ, ნუ ჩადგება სერგო ჩვენს ცოდვაშიო. თუ ჩვენი აქ მოსვლის ამბავი შეიტყვეს, ჯვარზე გაგვაკრავენ ორივესო“.

ნადია ხედავდა ამ ორი უმწეო ქალის მაგიდაზე საცოდავად დაყრილ ხელებს და არაფერზე არ ფიქრობდა.

ნადიას რა შეეძლო.

ამ ქალაქს თავისი რკინის კანონები ჰქონდა.

პანაშვილი

ვალოდია შემოვიდა და გამოაცხადა:

– შვიდი საათია, ბატონო უკვე, დაინყო ხალხმა მოსვლა!
– შოსანი ქალები ერთბაშად ნამოიშალნენ და სასტუმრო ოთახში გამოლაგდნენ.

ოჯახის მამა კედლის გასწვრივ ყვავებივით ჩამომსხდართ ფეხდაფეხ გამოჰყვა. მიცვალებულისთვის არც კი შეუხედავს.

– ასე დაჯექით? ასე იქნებით? კაი ბატონო, მაგრამ შენ თამარა (ვალოდიას უფროსი ქალიშვილი) ნამეტანი კიდეში ხომ არ ზიხარ? შუაში არ უნდა იჯდე? დედაშენი არ ადგება და აღარ გასწავლის ანი, შენით უნდა მიხვდე ყველაფერს. კაცი რომ შემოვა, ერთბაშად ნუ აჟღივლდებით ყველა. სათითაოდ იტირეთ, რა ვქნათ, ასე მოხდა, – მივიდა სამივე ქალიშვილს ერთად მოხვია ხელები – დედათქვენი ოთხ დღეს კიდევ გვეყოლება სახლში, ბავშვებო, და მერე ნავა თავის გზაზე.

ძაძით მოსილი შვილების ზღუქუნს ვერ გაუძლო, ცხვირ-სახოციტ ცრემლი მოინმინდა, ერთხელ კიდევ შეავლო ჭირისუფალთა განლაგებას თვალი და ოთახის კუთხეში გაჩერდა.

პანაშვიდი დაინყო.

კარის მეზობელი კაკო ჭოლოშვილი შემოვიდა და ვალოდიას უჩურჩულა:

– მომღერლები შემოგვიყვანო?

– მოვიდნენ უკვე?

– რა ხანია აქ არიან.

– შემოიყვანე, კაკო, თუ კაცი ხარ... შემოიყვანე და სად დასვამ შენ ახლა მაგენს.. გმადლობთ მამია, გენაცვალე... შუშაბანდში? სკამები გაუტანეთ და ადგილი გაუნთავისუფლეთ... დიდი მადლობა, ჩემო ირაკლი... თუმცა სკამები რად უნდათ, ფეხზე უნდა იდგნენ... ერთი სიტყვით მიხედე შენ მაგ ამბავს.

– ახლა დაინყონ პირდაპირ სიმღერა? – კაკომ თვალი მოჭუტა.

– ჰო, რა ვიცი... თვითონ იციან... მადლობა კირილე, ხომ ხედავ, რა მჭირს?.. მოგროვდება პატარა ხალხი და დაიწყონ. რვა საათზე მოაწყდება მომსვლელი.

კაკომ უსიტყვოდ დაუქნია თავი და გავიდა.

ვალოდამ ნიკაპზე მოისვა ხელი: „ახლა არ იზრდება მაინცდამაინც ეს წვერი, ეს უპატრონო“. კედელს მოშორდა, ფანჯარასთან მივიდა და ეზოში გადაიხედა. კაციშვილი არ ჭაჭანებდა... „სად გაქრა ეს ხალხი, ახლა არ შემოვიდნენ ამ წუთში? არა, არა რალაც ჭირს ამ ქვეყანას, სად გარბიხარ, შე ოჯახაშენებულო, პანაშვიდზე მოხვედი, დადექი ცოტა ხანს ეზოში, დაილაპარაკე, გარბი-გამორბიან, ყველაფრის მოსწრება უნდათ, ვითომ (მკვდარს გახედა) ყველაფრის ბოლო ეს არ იყოს. ვითომ მაგენის სიკვდილს სხვა წაიღებს“.

მიცვალებულისკენ წამოვიდა, ლანგარში ჩაწყობილი წითელი მიხაკები ამოიღო და სუდარაზე გაანაწილა. უკან დაიხია და ერთხელ კიდევ შეავლო თვალი. ეს მართლაც კარგად მოიფიქრა – შავ სუდარას მოუხდა წითელი მიხაკები.

ამასობაში ცოლ-ქმარი სინაურიძეები შემოვიდნენ და ვალოდამ ხარაბაძე თავის ადგილს დაუბრუნდა, რომ სამიძიმარზე მოსულთათვის ხელი დროზე ჩამოერთმია.

„ნეტავი მე ვინვე ახლა შენს ადგილას, ჩემო ფაცია. ახლა ლალატი იქნებოდა, შე ქალო? სამოცდაათი წლის კაცს ახლა მინდა ცოლი მე, პატარა მიგველაგებინა აქაურობა და თუ წასვლა იყო, მერე ერთად წავსულიყავით, ამ ძღაბების გამთხოვებელი ვარ და ამგენის ქორწილის გადამხდელი ვარ მეე? ვითომ არ იცოდე ჩემი ამბავი, ჩაი არ დამისხამს ჩემი ხელით მისდღემჩი, რა იმედი გქონდა, შე ცხონებულო, ჩემი ამნაირი, რომ შემატოვე ეს ამხელა ოჯახი და მიდიხარ?“

ოთახი კიდევ ერთხელ მოათვალიერა, კედელზე გაკრულ ნაოჭებიან შავ ფარდას გააყოლა თვალი და მიცვალებულის სურათს შეხედა.

კარგად მოიქცა, რომ ეს სურათი გაადიდებინა, მართალია, შვილები წინააღმდეგი იყვნენ, ოცდაათი წლის წინათ გადაღებული სურათი სირცხვილიაო, მაგრამ ვალოდამ თავისი გაიტანა და სწორადაც მოიქცა.

ეკიდოს ამ კედელზე, არაფერი უჭირს, ფაციას ცოტა ადრინდელი სურათი, ლამაზი დედა გაიხსენონ შვილებმა, თორემ სამოცდაათის და ოთხმოცის ყველა ერთმანეთს ჰგავს.

„კუბოსი რა ჰქნეს ნეტავი? დაიჟინა მაქსიმემ, თორემ მე უნდა მივსულიყავი იქაც, სადაა, ვინ გაგიკეთებს შენს გემოზე კუბოს ახლა. მე რომ ავუხსნიდი, ასე ჰქენით, ისე ჰქენით-თქვა, იქნებ უფრო მოექციათ ყურადღება, კუბოა ახლანდელი კუბო? შექედავენ ქალაღის ფურცელივით თხელი ფიცრიდან, გააპრიალებენ და მოგართმევენ, სამ დღეში ჩატყდება“.

შავი სატინის ხალათი უნდა შეიკეროს, მკერდზე ფაციას შავფოჩიანი სურათი უნდა მიიბნოს და წვერი მოუშვას.

„ეს წვერი მაინცდამაინც ახლა არ იზრდება, ეს უპატრონო... ათასი უღირსი დადის ქვეყანაზე და რალა ფაციას დაადგი თვალი, ღმერთო, დაილოცა შენი სამართალი“.

ვალოდამ ერთი ანეკდოტი გაახსენდა და კინალამ გაეცინა: მღვდელი კვდება და თავის მრევლს უხმო. მთელი სოფელი მოგროვდა მომაკვდავის სარეცელთან, ავადმყოფმა მიიხედ-მოიხედა, ხელები ცად ალაპყრო და დაიყვირა: „ღმერთო! ამდენი კაცია შენთვის ურგები და მე მკლავ?! მღვდელს მკლავ მაინცდამაინც?!“

ფაციას გახედა.

„ასეთ დროს ყველაფერს მნიშვნელობა აქვს, ყველაფერს აკვირდება კაცი, ხომ უბრალო ამბავი გგონია შენ, მარა კუბოში რა ჩავაცვათ მიცვალებულს ესეც კაი თავსამტვრევი საქმეა“.

აქ ვალოდამ სიყმანვილის დროინდელი ერთი სასაცილო ამბავი გაახსენდა და ცოტა განყდა, კინალამ გადაიხარხარა.

ეს ამბავი ამ ორმოცდაათი წლის წინათ მოხდა. მაშინ ვალოდამ უნივერსიტეტის სიბრძნისმეტყველების ფაკულტეტის სტუდენტი იყო, თანაკურსელს რაჭაში ბაბუა გარდაეცვალა. დასაფლავებაზე მეგობრები თან წაჰყვინენ, ცოდვა გამხელილი სჯობს, იმდენად ბაბუას ჯავრი არ აწუხებდათ, რამდენადაც რაჭის დათვალიერება სურდათ. კუბოს რომ მიუახლოვდნენ, ვალოდამ სიცილი წასკდა. რა აცინებდა? მიცვალებულს კუბოში ფეხბურთელის ბუცები ეცვა, თურმე

სოფლის მაღაზიაში მოხუცის სარგო ფეხსაცმელი ვერ ეშოვათ და ვილაცას ეთქვა, უფროსი შვილიშვილის (ფეხბურთელი იყო) ფეხსაცმელი ჩაეტევაო, ადგნენ თურმე და არც აცხელეს, არც აციეს, ოთხმოცდაათის ბერიკაცს ახალთახალი ბუცები ჩააცვეს და ასე სპორტულად გამოწყობილს ისტუმრებდნენ იმ ქვეყნად. სხვებს ყურადღება არ მიუქცევიათ, ვალოდია კი მისკენ მიშვერილ „შიპებს“ მოჰკრა თუ არა თვალი ჰომერული ხარხარი ატეხა და ამის გამო მისი თანაკურსელი სამ თვეს არ ელაპარაკებოდა.

რამ გაახსენა ახლა ეს?

სიცილი მუცლიდან დაეწყო და სადაცაა მოედებოდა, ბუცებიანი მიცვალებული ვერაფრით ვერ მოიცილა თავალთაგან. თვალეზზე ცხვირსახოცი აიფარა და აბაზანის ოთახისკენ გაიქცა. სახეზე ცივი წყალი შეისხა, ცოტა დამშვიდდა, სარკეში ჩაიხედა, მწუხარე სახე მიიღო და თავის ადგილს დაუბრუნდა.

პანაშვიდზე მომსვლელებს ხელს ინსტინქტურად უწვდის და გაზეპირებულივით ერთსა და იმავეს ჩიფჩიფებს: „გმადლობთ, ჩემო ბატონო“, „ხომ ხედავთ, რა მიქნა ფაცვიამ?..“ „დავიღუპე და დავიქეცი კაცი“...

ფიქრით კი ისევ თავის ფიქრებშია. ყოველ შემომსვლელს აკვირდება და სანამ თანამგრძობი სტუმარი ცხედარს შემოუვლის და თვალს მიეფარება, ვალოდიას ფიქრიც მიაცილებს.

„კლიმენტი მარტო წამოსულა. მართა ველარ დადის ალბათ. მიკვირს ამდენ ხანსაც რომ იცოცხლა. კიბო არ იქნება, თორემ კიბო ამდენ ხანს არ აცოცხლებდა. ეს ახალგაზრდა ქალი ლავროსის რძალია, ალბათ, მეორე ცოლი ითხოვა მისმა ბიჭმა (ამ ჩემებს არ დაადგათ საშველი). გერვასი არაა ეეს? როგორ დაბერებულა, რას დამსგავსებია. ეს დღე მელის მეც ნეტავი? ადამიანისშვილს თურმე ვერ გაუგებ ვერაფერს. ა, ფესტვენიდის ბიჭი, ამისგან თუ კაცი დადგებოდა, მამამისსაც არ ეგონა. ქე ჩახვდა ჭკუას! ისე გამარჯვდა და გამოიჩოკნა, სახლის აშენებასაც აპირებს თურმე“...

ხანდახან თანამეცხედრეს გახედავს და ამოიოხრებს. ვე-

რაფრით ვერ შეურიგდა გონება. ვერ იქნა და ვერ დააკავშირა ერთმანეთს ორმოცდაათი წლის მანძილზე თანშეზრდილი ცოლი და ეს გალიგვებული ცხედარი. მის განუზომელ მწუხარებას გაბრაზების გრძნობაც ახლავს. ამკარად ნაწყენია ფაცვიამზე.

შუშაბანდიდან მოგუდული სიმღერა მოისმა.

ნუ, ნუ სტირი, ნუ, ნუ ჰგოდებ, დედაო,
ნუ მინამავ თვალეზს საფლაგზედაო,
ავადა ვაარ, თვალით ვერა გხედავო,
ქვა და ლოდი მაფარია ზედაო.

სიმღერის გაგონებაზე სასტუმრო ოთახში ზღუქუნმა იმატა, ვალოდია ხარაბაძეს კი (ძველ მომღერალს და ქუთაისში ერთ-ერთ განთქმულ პურისმჭამელს) ეკალივით უჩხვლიტა გულზე – ბანი ამკარად ურევდა.

„დამღუპა კაკოია ჭოლოშვილმა. მოვიყვანდი, როგორც სხვა შვრება ისე, მაგნიტოფონის დამკვრელს და მუსიკა უფრო მოუხდებოდა პანაშვიდს. ამგენის არეული სიმღერა მინდა მეე? გავიხედო ერთი, რა ხალხია (ვალოდია მლოჯის კარებში გაჰყო თავი. ოთხი ბიჭი იყო. ოცდაათზე მეტის არც ერთი არ იქნებოდა. სუფოროვის სურათის ქვეშ, კედელს აჰკვროდნენ და ცოდვას ვერ ვიტყვი, მონდომებით მღეროდნენ). აჰ, ასე როგორ შეიძლება. მომეჭრა თავი და ეს არის. ბანი განზე მიდის, ცალკე მიერეკება, ბოლოში მაღლა უნდა ადიოდეს და ეს... გამჩენძალლი პირიქით, დაბლა ჩამოდის“.

ვალოდია მწონასწორობა დაკარგა. ჯერ ხელების ფშვნიტას მოჰყვა, და მერე წინ და უკან სიარული დაიწყო. შეძრწუნებული სახით გაიხედავს შუშაბანდისაკენ, თავს გადააქნევს და უკან ბრუნდება.

სამძიმარზე შემოსულ მოხუც ფინაგენტს – მიხეილ ჭინჭველაშვილს ხელი ჩამოართვა და მწუხარედ, მაგრამ დაბეჯითებით ჩასძახა:

- ბანი ურევს!
- რას იზამ, ჩემო ბატონო, – ანუგეშა მიხეილმა.
- ბანი ურევს! – მრისხანედ გაუმეორა ჭირისუფალმა.

– რა ბრძანე? – ფინაგენტს შიშისაგან თავისფერი დაედო, ხელი გაინთავისუფლა და უკან დაიხია.

– გაგვატარე, ბატონო – ზურგსუკან მოესმა შემცბარ ჭინჭველაშვილს, მხრები აიჩეჩა, ერთხელ კიდევ შიშით გახედა ვალოდიას და გასასვლელისკენ გაემართა.

ჭირისუფალმა ვილაცას გამონვდილი ხელი ჰაერში შეატოვა და ჩქარი ნაბიჯით ოთახიდან გავიდა. მომღერლები მის დანახვაზე ორ-ორად დანყვილდნენ და გარდაცვლილის თანამეცხედრეს შუაში ადგილი გაუნთავისუფლეს. ვალოდიამ სწრაფად აღმოაჩინა ბანის მიმცემი. ჯერ ყური მიუტანა პირთან და ერთხანს უსმინა, მერე მხარზე ხელი დაადო და ტუჩებით მის მარჯვენა ყურს თითქმის შეეხო.

– ოოოო... – ჩასძახა ყურში და თან ხელით ანიშნა. ესაა სწორი ამ ხმაზე გადმოდიო, იღბლად მობანეს ვალოდიას მიცემულ ხმაზე გადმოსვლა არ გასჭირვებია (იგი სულ რაღაც ნახევარი ტონით იყო აცილებული სწორ ხმას), მაგრამ ფაციას გულდამწვარმა მეუღლემ შუა გზაზე როდი მიატოვა მომღერლები, მათ შორის კედელს აეკრა და ბოლომდე იმღერა.

„ვალოდია მღერისო“ შუშაბანდი თვალის დახამხამებაში ცნობისმოყვარეებით გაივსო. მეზობლები მდუმარედ, მაგრამ თვალეებში დაურევებელი ათასი ეშმაკით (რომ არ გასცინებოდათ) შეჰყურებდნენ ახირებულ და უცნაურ ჭირისუფალს.

სიმღერა რომ ჩათავდა, ვალოდიამ, თითქოს გამოერკვაო, შერცხვენილ ბანის მთქმელს უსიტყვოდ და მრავალმნიშვნელოვნად დაჰკრა მხარზე ხელი, მერე ცხვირსახოცით შუბლზე ოფლი მოიწმინდა და თავის ადგილს დაუბრუნდა.



ზარი

დასასვენებელ სახლ „კომეტაში“ შორეულ ქალაქ დათვეთიდან ინჟინერი ჩამოვიდა. „კომეტაში“ ყველანი ერთმანეთს იცნობდნენ, რადგანაც წლების განმავლობაში თითქმის ერთი და იგივე მოქალაქენი ისვენებდნენ. ორმოცდაათს მიღწეულ, ნარმოსადეგ, წითურ ინჟინერს, თან თვრამეტი წლის მოხდენილი ქალიშვილი ჩამოჰყვა. დამსვენებელთაგან მამაშვილი მალე გამოირჩა. ჯერ ერთი იმიტომ, რომ ისინი პირველად იყვნენ „კომეტაში“, მეორეც დათვეთისთვის დამახასიათებელი თმისა და სახის ფერის გამო, მესამეც – ეტყობოდათ, რომ ძალიან შეხმატკბილებული მამა-შვილი უნდა ყოფილიყვნენ, სულ ერთად დადიოდნენ ხელგადახვეულნი, ჩამოსვლის მეოთხე დღეს ინჟინერმა ზღვაში შესცურა და დაიხრჩო. ნაპირიდან სულ რაღაც ექვსიოდე მეტრზე ერთი ამოტრიალდა და სწრაფად ჩაიძირა. ქალიშვილი ამ დროს „კომეტას“ მთავარ კორპუსში წყლის დასაღვეად იყო წასული. დამსვენებლებმა ყველაფერი ილონეს, რაც შეეძლოთ. მშველელთა ჯგუფმა ათი წუთის შემდეგ იპოვა გვამი. გვამს ასე დაბეჯითებით იმიტომ ვამბობ, რომ ინჟინერი უკვე მკვდარი იყო და საათიან ხელოვნურ სუნთქვას და „სასწრაფოს“ ნემსებს შედეგი არ მოჰყოლია. ამ ყოფაში რომ იყვნენ, მიცვალებულის ქალიშვილი გამოჩნდა. იგი შეგროვილთაკენ გამოიქცა. დამსვენებლები შეჩქვიფდნენ. ინჟინრის მოხდენილი ქალიშვილი პირდაპირ მათკენ მოდიოდა. ვისაც სუსტი ნერვები ჰქონდა, ვერ გაუძლო ამ სურათს და უკან დაიხია თითქოს რაღაც იაზრაო, ნიმფასავით თმაგამლილი გოგონა, ისე ენერგიულად და გაფითრებული სახით მოაბიჯებდა, როგორც არაბულ ან ბერძნულ ფილმებშია. გეგონებოდათ სადაცაა ხელებს ცისკენ აღაპყრობს და საშინელ კვიილს ამოუშვებსო. „ჯერ, ასე უცებ ნუ ეტყვით, ელდა არ ეცეს!“ მოიფიქრა ვილაცამ. სანამ უბედური კაცის პირმშო წრეს გაარღვევდა, ერთმა მსუქანმა ქალმა ხელი სტაცა, განზე გაიყვანა და გულმოდგინედ აუხსნა – „არ შეგეშინდეს, მამაშენი ცოტა

შეუძლოდ გახდა. ნემსს უკეთებენ და მალე კარგად იქნებაო“, – რამე სერიოზული ხომ არ არის? ხომ არ მიმაღავთ? – ტირილი გაერია ქალიშვილს ხმაში. – არა, სერიოზული არაფერიაო – დაამშვიდეს.

სანამ ცხედარს სასწრაფოთი წაასვენებდნენ, ქალიშვილი ვიღაც ღვთიან-მადლიანმა „ჟიგულით“ წაიყვანა, ფსიქოლოგიურად მოამზადეს, დაამშვიდეს და როცა პროზექტურის კარებს მიაყენეს განსვენებული ინჟინერი, ქალიშვილმა ერთი კი შეჰკივლა, მაგრამ თავი ღირსეულად დაიჭირა და ლოყების ხოკვას ან კედელზე თავის ხათქუნს არ შედგომია.

მეორე დღეს, დილით დათვეთისაკენ გააფრინეს თუნუქის სახელდახელო კუბოში ჩასვენებული ინჟინერი. ცხედრის გადასვენების ხარჯი (ბილეთი ჩვეულებრივზე ორჯერ ძვირი ღირს) დასასვენებელი სახლის – „კომეტას“ დირექციამ გაიღო.

უბედურმა შემთხვევამ დამსვენებლებს გუნება გაუფუჭა. გაუგონარი კი არაფერი მომხდარა, ზღვა იმიტომაა ზღვა, რომ ათასში ერთხელ კაცსაც ახრჩობს, მაგრამ მაინც საშინელება იმის გაფიქრება, რომ შორეულ ქალაქიდან დასასვენებლად, როგორც გაზეთები იტყვიან, ჯანმრთელობის გასაკაჟებლად ჩამოვიდა კაცი და ყველაფერი ერთბაშად დაკარგა.

საექიმო ექსპერტიზის დასკვნას მე ვინ წამაკითხებდა. ზოგი ამბობდა, ნაინფარქტარი ყოფილა და გული გაუსკდაო, ზოგი ამტკიცებდა სასულეში გადაცდენია წყალი, სული ვერ მოუთქვამს და გაგუდულაო. ამას მნიშვნელობა მხოლოდ ცოცხლებისთვის აქვს. კაცი მკვდარია – მორჩა და გათავდა.

მეორე დღეს, როგორც მოგახსენეთ, ცხედარი გაასვენეს, მესამე დღეს დილით კი გაუგონარი ამბავი მოხდა: „კომეტას“ სასადილოში გარდაცვლილის ქალიშვილი გამოჩნდა. მშვიდად (თითქოს არაფერი მომხდარიყო) გაიარა მან დამსვენებელთა მაგიდებს შუა, ნაცნობებს მიესალმა, თავისი სკამი გამოსწია და დაჯდომისთანავე მენიუ აიღო ხელში, რომ სადილის შეკვეთა მიეცა. „კომეტაში“ ასეთი წესი იყო (მე მგონი სხვაგანაც ასეა), საუზმეზე უნდა აღგენიშნა მენიუში, თუ რას მიირთმევდი სადილად, არჩევანი რასაკვირველია, მდიდარი არ იყო, მაგრამ კატლეტსა და შნიცელს შორის შეგეძლო თავისუფლად გეჯირითა.

ახალშემოსულმა მენიუს საქმე მოაგვარა, ჩაი დაისხა, პურის ნაჭერს თავისი წილი კარაქი წაუსვა და ჭამას შეუდგა.

მთელი სასადილო მას შეჰყურებდა. დამსვენებელთა მდუმარე, განცვიფრებულ სახეებზე ათასი რამის ამოკითხვა შეიძლებოდა.

როგორც ჩანს, ინჟინერი იმ დღესვე დაასაფლავეს, ქალიშვილმა კი დრო არ დაკარგა, დაჯდა მატარებელზე და მეორე დილით უკვე აქ იყო. საგზური ოცდაოთდლიანი გახლდათ. მამის დამკარგავს წინ დასვენების მთელი ჩვიდმეტი შინაარსიანი დღე ელოდა.

* * *

ზიგფრიდ არველაძე (ქალაქში ზიპრიტიას სახელით ცნობილი) „კომეტაში“ შემთხვევით მოხვდა. ჭაჭებმა შეაწუხა და საირმის საგზური ითხოვა, მაგრამ ხოხბეთის მეიხვეობის საბჭოთა მეურნეობას ამ წელს ხელმძღვანელობამ საირმის საგზური ვერ გამოუყო. რაკი საირმის საგზურით ვერ „აკმაყოფილებდნენ (იმ ადგილკომის ხელმძღვანელთა ტერმინი გახლავთ), კომისიამ პირი მთლად არ შეირცხვინა და „კომეტის“ საგზური „გამოუყო“ (ესეც იქაური ტერმინია). „იყოს მაშინ, არ მინდა არც ერთი, გულ-სისხლ-ძარღვებს არ ვუჩივი მეო“, ამტკიცებდა ზიგფრიდი. „ნადი, ნადი, მამაჩემსა აქვს ცხონება, ესეც არ დაკარგო, „კომეტას“ გულისთვის ხალხი თავს იკლავს. ერთხელ ვინც ნავიდა, აღარ მეშვება „კომეტას“ გარდა აღარაფერი უნდათო“, აუხსნა ადგილკომის თავმჯდომარემ და დაიყოლია.

ხუთი დღეა ჩამოვიდა ზიგფრიდი და თვალი გაქცევისკენ უჭირავს. ვერ შეეგუა. ვერ ისვენებს. ოთახში ვიღაც მშვილდოსან მეირმესთან შეასახლეს. მეირმეს წვრილი თვალები აქვს და სმით გახეხილი ყელი, საიდანაც უსიამოვნო, ჩახლეჩილი ხმა ამოდის. ჩამოუჯდება ზიგფრიდს სანოლზე და ღამის სამ საათამდე შესჩივის – „ცოლი მღალატობსო. მე რომ ირმებს დავსდევ, საყვარელი მოჰყავსო სახლში. დარწმუნებული ვარ ახლა ამ წუთში, იმ უნამუსოს, ჩემს ლოგინში თავისი კურო უწევსო. შევცდი, არ უნდა წამოვსულიყავიო. მე როცა შინ

ვარ, ჩემი მეუღლე ასეთ რამეებს ვერ ბედავსო“. ზიგფრიდი, რაც გაეწყობა, ამშვიდებს, „იქნებ გეჩვენება, იქნებ მთლად ასე არ არისო“, მაგრამ რა შეუძლია ზიგფრიდს, რა ქმედითი დახმარება უნდა აღმოუჩინოს მან სვეგამწარებულ მიერმეს, რომელიც რაკი თავის ბედთან ვერაფერს აწყობს, ნაღვლის გასაქარვებლად ყოველდღე სვამს და უწმინდურ სიტყვებს აბო-დებს. მიხვეობის წარმომადგენელმა მალე აულო ალლო თავის თანამეოთახეს. თითქმის აღარ ელაპარაკება. ოთახში, ამ ბოლო დროს, მაშინ შეიპარება, მიერმეს რომ დაძინებულს დაი-გულეებს, მაგრამ მის უგუნებობას ვერც ეს შეეღობა. ზიგფრიდი მარტოა. არავის არ იცნობს, საქმე არაფერი აქვს, სადილი-სა და ვახშმის მოლოდინში „კომეტას“ ირგვლივ დააბიჯებს. ზღვა ხშირად ღელავს და დამფრთხალი მშველელი რუპორს წამდაუნუმ ჩაჰყვირის – „ბანაობა სასტიკად აკრძალულიაო“. დრო ჩვეულებრივზე უფრო ნელა გადის.

ინჟინრის დაღუპვამ და მისი მოხდენილი ქალიშვილის საქციელმა ხომ სულ გააოგნა ზიგფრიდი. ადგილს ვერ პოუ-ლობს. წამდაუნუმ თითებს ატკაცუნებს და სანატორიუმის თეთრი შენობის ირგვლივ სწრაფად დააბიჯებს. თავის თავს ელაპარაკება, ხელებს შლის, თითქოს სურს აბეზარ ფიქრებს გაეცესო, თავს გადააქნევს და შემოტრიალდება, მაგრამ ამა-ოდ. უამური ფიქრი ქინქლასავით ახვევია და ვერ იცილებს. ზიგფრიდი საშუალო ტანისაა. უპეებჩამობერილი, ნაღვლიანი თვალები და თოხივით კბილები აქვს. ვერტიკალურად დაშ-ვებულ ფართო შუბლს ხუჭუჭა ქოჩორი კარგა ხანია აღარ უფარავს. თმამ ეს ერთი ხანია უკან გადაინია და მოპრიალე-ბული ნახევარი თავი მზეს შეატოვა. ზიგფრიდი როცა იცინის, ისე აბრიალებს თვალებს და აელვარებს თეთრი სიმინდის მარ-ცვლებივით უზარმაზარ კბილებს, რომ საქმეში ჩაუხედავი იფ-იქრებს, ეს კაცი კი არ იცინის, ვილაცას ამინებსო. თერძივით მოკლე და მსუქანი ხელები აქვს. ცალი ხელი (მორიგეობით მარჯვენა ან მარცხენა) ყოველთვის ფართო ქამარზე უდევს, ცალ ხელს რომ ქამარზე ასვენებს, სამაგიეროდ, მეორეს ისე ჩქარა და თანაბრად ამოძრავებს, გეგონება ცელს იქნევსო. ლოკოკინას ნიჟარებივით პატარა და დახვეული ყურები აქვს. მიზეზს რომ ჰკითხავენ, პასუხი მზადა აქვს, ბავშვობაში სამ-

ბოს ვსწავლობდი და ყურები დამამტვრიესო. სინამდვილეში სამბოს სექციაზე ზიგფრიდს არასოდეს უვლია, დაბადებით ასეთი ყურები დაჰყვა, ფეხის ტერფები ოდნავ შეტრიალებ-ული აქვს, ამიტომაც გან-განზე დადის. დაახლოებით ჩარლი ჩაპლინის სასაცილო კაცუნას მსგავსად, ოღონდ გაცილებით უფრო ნელა.

ზიგფრიდს გული გაუსკდება ახლა რომ ვინმეს არ დაე-ლაპარაკოს. შინაარსიანი სადილის შემდეგ კვიპაროსების ხე-ივანში ბამბუკის გრძელ სკამზე მთვლემარე კაცს გვერდით დაუჯდა და ყურადღება რომ მიექცია, ჩაახველა. მთვლემარემ თავი ასწია, ზიგფრიდს უოცნებო, ზღვისფერი თვალები მიაპყ-რო და ისევ კარგად დანყებულ თვლემას უნდა დაბრუნებოდა, მაგრამ მიხვევმ არ დაანება.

– ჭრელია ქვეყანა! - აჯახა ზიგფრიდმა და მთვლემარე კა-ცის რეაქციას დაელოდა.

– მე მითხარით რამე? – უხალისოდ ჰკითხა მასპინძელმა და ამკარად შეეტყო, მარტო ყოფნა ერჩია.

– ნახე, კაცო, რა მოხდა?

– სად? – დაინტერესდა დამსვენებელი, ფეხი ფეხს შეუ-ნაცვლა და კოტიტა თითები ერთმანეთში ისეთი ძალით შეხ-ლართა, რომ უცბად განთავისუფლება, გაუჭირდებოდა.

– ინჟინრის ამბავზე ვამბობ.

– რომელი ინჟინრის?

– რომ დაიხრჩო.

– კიდევ დაიხრჩო ვინმე, კაცო? – გამოცოცხლდა კოტიტა თითებიანი.

– არა, იმაზე ვამბობ.

– ახალი სხვა არაფერი გაგიგია?

– არ იცი შენ? – ზიგფრიდი გაიზმორა და ისეთი სახე მი-ილო, ახალი ამბის მთქმელმა რომ იცის ხოლმე, სენსაციის შეტყობის სიამოვნება რომ გაგიხანგრძლივოს. – ამ დილით იმ ინჟინრის ქალიშვილი ჩამოვიდა.

– რა მინდაო?

– არაფერი არ უნდა, დასასვენებლად ჩამოვიდა.

– კაი, თუ ღმერთი გწამს.

– დედის სული არ წამინყდეს.

– ასე უცებ დაასაფლავეს? თვითმფრინავიდან ხომ არ ჩამოაგდეს ნეტავი, ის სანყალი, სასაფლაოზე?

– ეგ კი არ მიკვირს, მე. ამ გოგოს საქციელი მაგიჟებს.

– რომელი გოგოს?

– რომელიც ჩამოვიდა.

– სად ჩამოვიდა?

ზიგფრიდი მიხვდა ვისთანაც ჰქონდა საქმე, მაგრამ მას ახლა სხვა გამოსავალი არ გააჩნდა. ჰაერივით სჭირდებოდა მოსაუბრე.

– ინჟინრის გოგომ გუშინ მამა დამარხა და დღეს დასასვენებლად ჩამოვიდა.

– ეგ არაფერი, კაცი არ უნდა დამხრჩვალყო, თორემ დასვენება, რა ვუყოთ, შე კაცო. ცოტა ინერვიულა ეს დღეები? ადამიანია და უნდა დაისვენოს.

– მერე?! – ყბა აუკანკალდა ზიგფრიდს – მაინცდამაინც იქ უნდა ჩამოსულიყო, სადაც გუშინ მამამისი დაიხრჩო? მე ხომ კაცი ვარ და მე ვერ შევიდოდი კაი ხანს ზღვაში, მამაჩემი რომ აქ დამხრჩვალყო.

– იქნებ პირიქითაა, მამამისის ხსოვნას სცემს პატივს და უნდა კარგად დაიმახსოვროს ეს ადგილი.

– რა ადგილი?

– სადაც ინჟინერი დაიხრჩო.

– ზღაპარს ნუ ჰყვები, თუ ძმა ხარ. შენ არ გინახავს როგორ ცეკვავდა ნუხელ ბარში.

– კარგად ცეკვავდა? – დაინტერესდა დამსვენებელი.

– მალაყებზე გადადიოდა. კარგად ცეკვავდა თუ უბედურად, რას გაუგებ ამგენის ცეკვას. იმანჭებოდა, იგრინებოდა, გული ამერია, მივატოვე ორი ბოთლი შამპანური და გამოვიქეცი.

– შენ, მარტო შეხვედი?

– სად?

– ბარში.

– ჰო, მარტო შევედი. შეიძლება ვინმე ნაცნობი გამოჩნდეს-მეთქი და ადგილი დავიკავე. აქანა ასეთი წესი ყოფილა, თუ ერთი-ორი ბოთლი შამპანური მაინც არ იყიდე, სკამზე არ დაგსვამენ.

– მერე?

– რა მერე. გული ამერია-მეთქი. ამისთვის ვწვალვობთ, ამისთვის ვზრდით შვილებს, კაცო?

– რომელ შვილებს?

– ჩვენ – ჩვენ შვილებს, ნუთუ ერთი ფიორი ხათრი, სიყვარული, პატივისცემა არ ჰქონოდა მამამისის, აქ როგორ ჩამოვიდა, ამ ადგილას. აქოთებული კატლეტის და ბორშჩის საჭმელად. სხვაგან ნავიდოდი სადმე.

– აძლევდნენ სხვაგან საგზურს და არ ნავიდა? იმათთან სხვანაირადაა საქმე. იმათ ზღვის საგზური პრემიასავით ეძლევათ. ასე ადვილი საშოვარი კი არ არის.

– რავა, ჩვენთან ადვილია თუ?

– ყოველ შემთხვევაში, ჩვენ „კომეტაში“ დასვენებისთვის თავს არ მოვიკლავთ, წელს არ იქნება, გაისად მოგვცემენ.

– რომ გაივლიდნენ, ერთ ნახვად ღირდა. მეხარებოდა პირდაპირ. აი, ტკბილი მამა-შვილი-მეთქი გულში ვამბობდი. ისე ეხუტებოდნენ და კოცნიდნენ ერთმანეთს.

– შეიძლება ასეც იყო. იქნებ მართლა ძალიან უყვარდა ამ გოგოს მამამისი.

– უყვარდა და მეორე დღესვე მინაში ჩატენა, ხოლო მესამე დღეს სატანცაოდ და დროის გასატარებლად ჩამოვიდა? რალაცა არ ენყობა ერთმანეთს, არ გამოდის, ამნაირი სიყვარული არ არსებობს.

– მე გეტყვი აბა შენ, მსოფლიოს უამრავ ქვეყანაში და მათ შორის ევროპისა და ამერიკის მაღალკულტურულ ქვეყნებში დილის 9 საათზე რომ მოკვდება კაცი, 12 საათზე უკვე გასვენებულია. დამკრძალავი ბიურო მოდის და ასვენებს. შეიძლება კარის მეზობელმაც კი ვერაფერი გაიგოს. კულტურული ხალხია. ჩემი მწუხარება სხვას რატომ უნდა მოგახვიო თავზეო.

– კაი, სხვას არა, მაგრამ მეტი არ უღირთ ადამიანი, კაცო? დაიბნა ზიგფრიდი – ერთ-ორ დღეს არ უნდა გააჩერო შენი მკვდარი სახლში? რა დაგიშავა ასეთი. ეგება ქე ცოცხლდება. არ მომხდარა თუ?

– მეტი არ იქნა ჩემი მტერი, მკვდარი არ გაცოცხლდეს. რად გინდა გვამს – გაყინულს, გაციებულს, სამ დღეში სუნნი რომ მიეცემა, იმნაირს რომ უყურო. გულის ხეთქვის მეტი რა ყრია ამაში.

- რა და სიყვარული ყრია. აბა რავა გინდა. პატარა უნდა შეგანუხოს ახლობლის სიკვდილმა.

- მიაბარე მინა მინას და მე რე ითავცემე რამდენიც გინდა.

- გაცივდა ხალხი. ამ ქალაქმა არია ყველაფერი. აღარ უნდა... აღარც მამა უნდა ახლა კაცს და აღარც დედა.

- არაა მთლად ეგრე, შენ გგონია ყველაზე მეტად ჩვენ გვიყვარს დედ-მამა?

- რაში ჩანს თუ უყვართ?

- შენ გგონია, ვინც ერთ წელიწადს რადიოს და ტელევიზორს არ ჩართავს, კინოს არ უყურებს და გაზეთს არ წაიკითხავს, ნამდვილი მგლოვიარე ის არის!

- აბა მეორე დღესვე ტანცი უნდა ვქნათ, რავარც ინჟინრის გოგო შვრება?

- არც ეგაა კარგი, მაგრამ არ შეიძლება დარდს გადაყვე ადამიანი. შენს თავს უნდა მოერიო. ის გოგო, როგორც ჩანს, მოერიო.

- რას?

- თავის თავს.

- როგორც ჩანს, არც ნამეტანი „თავის მორევა“ ვარგა, თავმორეული კაცი მამამისის სიკვდილის მეორე დღეს ცეკვას იწყებს?

- მე თუ მკითხავ, იქნებ არც იყოს საჭირო ისეთი გადარევა, ჩვენ რომ ვიცით ახლობლის სიკვდილზე. დღეს ის წავიდა, ხვალ ჩვენ წავალთ. ერთი დღით გვიან წახვალ თუ ერთი დღით ადრე, რა დიდი მნიშვნელობა აქვს. საბოლოოდ ხომ ყველანი სიკვდილის შვილები ვარ.

- რა იოლად ამბობ, შე კაი კაცო, კაცი მიდის ამ ქვეყნიდან. ადამიანი, რომელსაც ელაპარაკებოდი, ხელს ჰკიდებდი, ეფერებოდი, რომელსაც შენზე ამაგი აქვს, ან შენა გაქვს ამაგი იმაზე - სამუდამოდ გმორდება, აღარასოდეს მობრუნდება, ველარასოდეს იხილავ ცოცხალს. ეს პატარა საქმეა?

- ყველანი მივდივართ.

- ეგ პასუხი არ არის. მკვდარი კი ვერაფერს გავიგებ, მარა ცეცხლი წაკიდებია ახლავე ყველას და ყველაფერს, რასაც ჩემი სახელი ჰქვია, თუ ჩემი შვილი ჩემს კუბოსთან არ დადგე-

ბა და მეორე დღესვე დამივინყებს. მე ისინი ტროლეიბუსში კი არ გამიცვნი. მე შევექმენი, სიცოცხლე მივეცი და გავზარდე. დიახაც რომ მოვითხოვ ცრემლებს მათგან.

- აფრიკაში ერთი ტომია.

- სად?

- აფრიკაში, კაცი რომ მოკვდება, ტამ-ფანდურას მართავენ. მთელი ღამე როკავენ და სიხარულის ყიჟინით იქაურობას აყრუებენ. რა უხარიათ? განთავისუფლდა კაცი საამქვეყნო ტანჯვისგანო. ეტყობა იმდენი დაიმსახურა, რომ ღმერთმა ზეცაში წაიყვანაო. იგი ახლა ჩვენზე ბედნიერიაო.

- ველურების ამბავი გაქვს, იმანო? მასე, შე კაი კაცო, სწორედ იმ შენს აფრიკაში ველურები ადამიანის ხორცსაც კარგად გეახლებიან.

- მე ახლა სიკვდილზე ვამბობ, ღრმად რომ დაფიქრდე კაცი, სიკვდილის შეფასებაში, შეიძლება ის ველურები გვჯობდნენ.

- შენ თვითონ ღმერთმა გაშოროს იმ ინჟინრის ბედი, მაგრამ ის გოგო რომ შენი ქალიშვილი იყოს, ისურვებდი?

დამსვენებელი გაჩუმდა.

- იმისათვის გამოვიარეთ ადამიანის სიყვარულის, სწავლის ასი საუკუნე, რომ ველურების მაგალითზე გველაპარაკნა და პაპუასების მაიმუნობა სამაგალითოდ გაგვეხადა ერთმანეთისთვის? შე კაცო, ერთმანეთის სიყვარულია, რასაც უნდა ჩავებლაუჭოთ, რაც გადაგვარჩენს, მშობლიური გრძნობა გამოაკელი ადამიანს და ნახავ რა დაგრჩება. იცი, რას იზამს ინჟინრის გოგოსთანა ფეხებზემკიდია და დროჭამია ადამიანი? იცი რას იზამს? მტრისას. ვაი ჩვენ მაშინ, თუ იქითკენ მიდის კაცობრიობა, ვაი ჩვენ მაშინ...

ზიგფრიდი პასუხს არ დაელოდა. თავის გულში მას უკვე ყველაფერი გარკვეული ჰქონდა და უცნობთან კამათი ნერვების აშლის მეტს არაფერს უქადდა. ნამოდგა და ზედა ფიჭვების ტყეს მომდგარ, უშველებელ, სავსე ზღვისკენ წავიდა.

* * *

ამ ამბის შემდეგ არ გასულა ხუთი თვე და ზიგფრიდს მამა გარდაეცვალა.

სამოცდაათსგადაცილებული კაცი იყო. უავადმყოფოდ, ჩიტვივით მიიკვალა, დილით სანოლში მკვდარი იპოვეს.

დეკემბრის სუსხიანი ხუთშაბათი იდგა.

გასვენების დღეს ზიგფრიდის ეზოში ტევა აღარ იყო. შაოსანი ქალები კუბოს ირგვლივ შემოსხდომოდნენ და მორიგეობით მოთქვამდნენ. ზიგფრიდი და მისი ძმები (და ერთი-ორი ახლო ნათესავი) მარცხნივ, კედელთან ჩამწკრივებულიყვნენ ხელდაჭდეულნი. სამძიმარზე მოსულთ ქვითინით ართმევდნენ ხელს და ჭირის გაზიარებისთვის მადლობას უხდიდნენ.

მოკლედ რომ ვთქვათ, ასაფლავებდნენ მამაპაპურად, ყოველგვარი წეს-ადათის დაცვით.

ზიგფრიდს პირი გაუშრა. ჩამონყდა ფეხზე. საშინლად მოსწყურდა. საათს დახედა, ექვსი სრულდებოდა, „ზუსტად ექვსზე არ გაასვენებენ, იქნებ პირის გასველება მოვასწროვო“ – გაიფიქრა და ქურჩაში გამოვიდა, იქვე, მესამე სახლის პირველ სართულზე სასადილო იყო.

მიცვალებულის გამოსვენების დრო რომ დადგა, ზიგფრიდი მოიძიეს, კუბოს შვილებმა უნდა მოკიდონ პირველად ხელიო, ვილაცამ თქვა: ახლახან სასადილოში შედიოდაო. ორი კაცი გაიქცა. შევარდნენ სასადილოში და თვალს არ დაუჯერეს, ზიგფრიდს ქარვისფერი ბლის კომპოტით სავსე ჭიქა ეჭირა და დინჯად მიირთმევდა.

– ზიპრიტია, მამაშენს წუთი-წუთზე გამოასვენებენ და შენ აქანა, კომპოტს წრუპავ, შე კაცო?

– ამ წუთას, – უპასუხა ზიგფრიდმა, მაგრამ ჭიქა მაშინვე კი არ დადგა, კომპოტი ბოლომდე დალია, ქალაღის ხელსახოცით ტურჩები მოინმინდა და წინ წასულთ გამოუდგა.

– მომეჭრა თავი, რალა ახლა ავიტეხე კომპოტის დაღვევაო, – ფიქრობდა ზიგფრიდი და მამამისის კუბოსკენ გზას მიიკვლევდა.

ზიგფრიდს ცხოვრებაში პირველად შერცხვა საკუთარი თავისა.

სპირილონი

როგორც მინდოდა, ისე მოენყო საქმე, მანქანა ქვევით, გზის პირას გავაჩერე (იმ აღმართზე მისი ამყვანი არ ვიყავი) და ჭიშკარს მივადექი თუ არა, სპირიდონის ხმაც შემომესმა.

სანამ ვუპასუხებდი, მიმოვიხედე, ხმა ნამდვილად მისი იყო. ამ ხმას რა დამავინწყებდა, ბოხი, ოდნავ ჩახლეჩილი, მაგრამ გასაოცრად ძლიერი, ხაფი ხმა ჰქონდა სპირიდონს. ვერაფრით ვერ გავიგე, საიდან მეძახდა.

– მოინი აქეთ! – ყურის ძირში ჩამესმა უცებ.

მივბრუნდი, ბიძია სპირიდონი ღობეს მოსდგომოდა, ლელვის ფოთლებში თავი გამოეყო. შუბლი ხაკისფერი ხილაბანდით წაეკრა და საბავშვო ჟურნალებში ერთ დროს გამოცანა-სურათებს რომ ხატავდნენ (უნდა მოგეძებნა – ხეზე სად იჯდა მონადირე, რომელ ტოტზე იმალებოდნენ ციყვი, ჩხართვი, სინდიოფალა და ფარშავანგი), დაახლოებით იმას ჰგავდა მთელი ეს სურათი.

– თამაზი ვარ მე, სპირიდონ ბიძია, ვაშაკიძე, სოსოს ძმა-კაცი.

შემემინდა, ვაითუ ვერ მიცნოს-მეთქი, მხოლოდ ერთხელ მყავდა ნანახი. შარშან, სოსოს დღეობა თბილისში გადაუხადა. თვითონ გვითამადა და ამ ხნის კაცმა ისე დაგვათრო ბიჭები, ერთმანეთს ძლივს ვცნობდით.

ხელებით ფოთლები გასწია, აინია და გადმოხტა, ჩემთან მოირბინა, გადამეხვია, ხელი არ გაუშვია, ღობესთან მიმარბენინა, მოფარებულში მორზე დამსვა და თითქოს გულის გაგლეჯას აპირებესო, პერანგის ღილები გაყარ-გამოყარა.

– გლახა ამბავია, ხომ?

– არაფერი ისეთი, სპირიდონ ბიძია, დამშვიდდით.

უეცრად მის შიშველ ფეხებს დავაჩერდი. ეტყობა ფეხშიშველა თოხნიდა, შარვალი მუხლებამდე აეკაპინა და მუხლებთან გრძელი ნიფხვის თეთრი თასმები ეკიდა. არასოდეს მინახავს

ასეთი დიდი, თითქოს უფორმო, უხეში ფეხები. ზოოპარკში ნანახი ბებერი არწივის ქვანგები მომაგონდა. შავი მინა წვივებამდე მოსდებოდა. ტერფამდე ჩამოყოლებული, გაბერილი ლურჯი ძარღვი ფეხის ზურგზე შავ მტვერში ისე იტოტებოდა, გეგონებოდათ, ფეხზე ტყავის თასმებით შეკრული ფეხსაცმელი აცვიაო, ძველგვიპტელი მხატვრების ნახატებში რომ მინახავს, ისეთი. ახლა, ჩემ წინ რომ იდგა, სპირიდონის ფეხები თითქოს ამ მინიდან იყო ამონაყარი, მისი ფერი ჰქონდა და ნახტომისათვის შეკუმშული თითები ბებერ ფეხებს უგავდა.

– ცოცხალია? – ჩამძახა მასპინძელმა და ოდა სახლისკენ გაიხედა. თითქოს იქედან უფრო საინტერესო და ახალ ამბავს ელოდა.

– კი, – თავი დავუქნიე და შემრცხვა, რომ ამდენ ხანს მისი ფეხების თვალყურებით გავერთე და ჩამოსვლის მიზეზი ვერ ავუხსენი.

წელში გავიმართე და ხახაგამშრალ მასპინძელს წვრილად ვუამბე ყველაფერი. რაც შემეძლო, ვალამაზებდი საქმეს და ჩემი დამამშვიდებელი კომენტარებით მსურდა სპირიდონის თვალელებში დანთებული ცეცხლი გამენელებინა. მალე შევატყვე, რომ მასპინძელს ჩემი აზრები ნაკლებად აინტერესებდა.

– შენ ეს მითხარი, – გამაჩერა, – ოჯახში ატყდა ჩხუბი?

– არა, ქუჩაში.

ამ კითხვას არ ველოდი. რა მნიშვნელობა ჰქონდა, ოჯახში იჩხუბეს, თუ ქუჩაში, მაგრამ შევატყვე, რომ ჩემმა პასუხმა ცოტა დაამშვიდა.

– როდის მოხდა ეს ამბავი?

– წუხელის.

– სხვა ხომ არავინაა დაჭერილი?

– არა.

– მაგრადაა ნაცემი?

– „მსუბუქი“ ჩაუნერიათ. მე არ ვიცი, არ მინახავს, მაგრამ წინა ორი კბილი აქვსო ჩამოღებული.

– კი მარა, არავინ გამოჩნდა, ე ჩემიც რომ ეყუყუ ხეირიანად? ვერ დაესიეთ ყველა და ვერ გაუხადეთ სიგრძე სიგანედ?

გაჩუმება ვარჩიე.

– არ ვარგინხართ, არა. გითხარით მე იმ ღამეს, მარა არ შეუშვით ყურში არც ერთმა. არაფერი თქვენი არ უქნია ღმერთს. კაცმა ოჯახში მიგილოთ, დაგპატიჟათ, გაქეიფათ, გასვათ, გაჭამათ, გამოხვედით და კბილები ჩამოუღეთ ერთმანეთს? რა კაი ამხანაგები ყოფილხართ? ასე უნდა, აპა არა!

– სოსოს ბრალი არ იყო ის არ მოეშვა, შენაო, სუფრაზე „შპილკებს“ მესროდიო.

– რას მესროდიო?

– „შპილკებს“.

– რა „შპილკებს“?

– დამცინოდიო, ერთი სიტყვით.

– ჰო, ვიცი მე... ასე იქნებოდა, ამ ჩემს ვირს ჰგონია, ყველასთან შეიძლება ხუმრობა და ღლაბუცი. იჯექი შენთვის. დამინყებდა გლახა მამალივით ფაფხურს იქანა და არ მოეწონა ალბათ, იმ კაცს. კიდევ კარგი, სუფრაზე რომ არ დაუშვა ბოთლი თავში და ოჯახი რომ არ შეარცხვინეთ, კაცს სუფრა რომ არ ჩააშხამეთ!

კარგა ხანს ილაპარაკა სპირიდონ ბიძიამ ჩვენს სიგლახეზე. არ იქნებოდა სუფრა წესრიგში, თორემ „შპილკების“ სასროლად სად ეცალა ჩემ გადარეულსო. არ იცით არაფერიო. თამადა არ გივარგოდათ ალბათ, ან საერთოდ გყავდათ თუ არა თამადა, ღმერთმა იცის ისიცო. არაფრის სწავლა თქვენ არ გინდათო. თქვენხელა რომ ვიყავით, ქვეყნის საქმეს გვენდობოდა მთავრობაო, ბავშვებივით საპატრონო ხართ ეს ამხელა კაცებიო. მეოთხე კურსიდან ქე დაანებეს ილიამ და ვაჟამ უმაღლესს თავი და სახალხო ბრძოლის ბედი შეიდგეს მხრებზეო (აქ მთლად მართალი არ იყო, მაგრამ არ ჩავერიე). უეცრად შეჩერდა, მომიბრუნდა და მკითხა.

– მე რა ვქნა ახლა?

– უნდა წამოხრძანდეთ თბილისში. იმ ბიჭის მშობლებთან უნდა მიხვიდეთ. ხომ იცით, დაზარალებული როგორც იტყვის, მილიციაც ისე იმოქმედებს. ამ დილით მივედით სამი ბიჭი, სოსოს კურსელები, მაგრამ არ მიგვილო მამამისმა – უფროსი თუ ჰყავს და პატრონი თუ ჰყავს ვინმე, ის მოვიდესო.

– სწორია ის კაცი. პატრონიც მაგისნაირი ხვადაგი იქნებაო, ფიქრობს ალბათ. არა, ბიძია, მე იქ წამომსვლელი არ ვარ!

– გაასამართლებენ და მერე გვიან იქნება! – ჩავილაპარაკე და ცერად გაფხედე.

სპირიდონ ბიძიას სახე გათეთრებოდა. შავ წვერზე ნერვიულად ისვამდა ხელს.

– რა უყუო ახლა. გაასამართლებენ და გაასამართლონ.

– გარიცხავენ! როგორი მოსაწყობია მერე თავიდან კაცი ჩვენს ფაკულტეტზე, ხომ იცით თქვენ?

– გარიცხონ, ყველა კი არაა საკაცოდ გაჩენილი, მე ვერ დამემდურება: მე რაც შემეძლო, ყველაფერი გავუკეთე, აწი თავის თავს დააბრალოს.

– როგორ გეკადრებათ, სპირიდონ ბიძია, შვილია თქვენი. რა უყუოთ, პატარა მარცხი მოუვიდა. მისი ბრალი რომ ყოფილიყო, კიდევ ჰო...

– რა მარცხი, ბიჭო, პატარა მარცხია ეეს?! მე მაგის გულისათვის აქ მინაში მივძვრები, ა, ჩემი ხელები, რავარია დღე და ღამე გასწორებული მაქვს, პერანგს ვიხდი და მაგას ვუგზავნი, არ გყავს შვილი, ბიძია, და არ იცი, გეყოლება და გაიგებ. აწი აქეთ ვარ მოსავლელი და საპატრონო. ახლა მილიციას ვსდიო მე? ამ ხნის მოვიყარე და მილიციის კარები არ ვიცი. შვიდი გაგვზარდა მამაჩემმა. მაგის მეათედი ხელშეწყობა არ გვქონია არც ერთს. ვერ წამოვალ, მორჩა და გათავდა! რაც იქნება, იქნება!

– შვილია თქვენი, – ხმა ჩამიწყდა და ესლა ვთქვი, იქნებ მშობლიურმა გრძნობამ მაინც მოაბრუნოს-მეთქი.

– უბედური და ქვეყნის შემანუხებელი არც შვილი მინდა და არც ძირი!

ცოტა ხანს ჩუმად ვისხედით. ვიფიქრე, ამ ცხელ გულზე კამათის გაგრძელება არ ღირს, დაფიქრდება და თვითონ მიხვდება, რომ წამოსვლა აუცილებელია-მეთქი, არც შემეცდარვარ.

– შემოდი, ბიძია, ეზოში, შენ რას გერჩი, გავმწარდი კაცი თვარა, შენთან საჩხუბარი რა მაქვს, მაღლობის მეტი რა მეთქმის. – ჭიშკარი გაალო და ხელით დაიჭირა, თან შესაგე-

ბებლად გამოქცეულ ქათმებს აუქშია, – ხომ არავინ გინახავს? – შიშით გაიხედა სახლისკენ.

– არა, იმ წუთის ამოსული ვიყავი. თქვენს გარდა როგორ ვეტყოდი ვინმეს.

– ქალებს არაფერი აგრძნობინო, თუ კაცი ხარ. მაგენის ვაი-ვიშის თავი არა მაქვს, ტყვილად ინერვიულებენ და მოხმარებითაც ვერაფერს მოგვეხმარებიან. რას ეტყვი, რაზე ჩამოვედი-თქვა, თავი კი აღარ მუშაობს, ეს ოხერი?

– მოვიფიქრებ რამეს, ყამირზე გვგზავნიან ზაფხულში და სოსოს გასანთავისუფლებლად დეკანს მამამისთან მოლაპარაკება უნდა-თქვა, ასე ვიტყვი.

– ოო, მაგი მშვენიერია, – გაეცინა, – რაკი დედისერთა ვითომ, მე შეველმერთები დეკანს, ზაფხულში უმაგისოდ მოსავალს ვერ მოვიყვანთ-თქვა. ასე აჯობებს, კი!

* * *

იმ ღამეს სუფრაზე ჩამომეძინა, არ ვიცი, ვინ გამხადა და ვინ ჩამანვინა ლოგინში. დილაუთენია გამომეღვიძა და პირველად იატაკს მოვაველე თვალი, ხომ არ შევრცხვი კაცი-მეთქი. კიდევ კარგი, ამჯერად, ღვინო დედის რძესავით შემრგებოდა, ცოტა თავი მტკიოდა და ყურებში შუილს ვგრძნობდი. ფეხსაცმელებში ფეხი წავყავი და ნიფხავ-პერანგისამარა გამოვედი აივანზე, საგარეოდ გამონყობილი სპირიდონი ბოძს მიყრდნობია და მელოდება.

– ადექი? ხომ არ განყინა, ბიძიკო ღვინომ? გულზე წვა იცის, მეტი არაფერი, ჩვენებური ღვინო ცოტა მჟავე დგება, სხვამხრივ წამალია.

ქათმის ბულიონმა და გუშინდელმა კუჭმაჭმა გამომაკეთა. ქვევით რომ ჩამოვედით და მანქანის კარს გასაღები მოვარგე, სპირიდონის გაკვირვებას საზღვარი არ ჰქონდა.

– შენია მანქანა?

– არა, სპირიდონ ბიძია, ვინათხოვრე, ბიძაშვილმა მათხოვა. ეჭვიანად შემომხედა. მაგრამ სხვა რა გზა ჰქონდა, ჩაჯდა.

სანამ ადგილიდან დავძრავდი, ყოველ შემთხვევისათვის მკითხა:

– იცი წაყვანა?
 – ნუ გეშინიათ, თბილისამდე მშვიდობით ჩაგიყვანთ.
 – მე რაის მეშინია, ბიძია, მე შიში და ამისთანაობა კაი ხანია გავათავე. ახლა თქვენ უნდა გეშინოდეთ. ერთ წამისაა კაცი. ხომ ხედავ, რავა წააგო ჩემმა სულელმა თავი.
 – ღმერთმა მაგაზე დიდი გასაჭირი ნუ შეგვამთხვიოს, ხდება, რას ვიზამთ, აი, ნახავთ, ჩახვალთ თქვენ, მოელაპარაკებით და ყველაფერი რიგზე იქნება.
 – ჯერ ერთი, ეგება არც მიმიშვას იმ ხალხმა სალაპარაკოდ და მეორეც, ნუხელი გითხარი, იმისი არ იყოს, ჩემო თამაზ, თუ გლახა საქმე აქვს ჩადენილი, ჩემი იმედი ნუ გექნებათ. მე თავს ვერ გვევითურებ, შეიძლება იქით დავამატებინო, ბინძურ საქმეზე ღრეჯვას ვერავის დაფუნყებ.
 – რაა ბინძური, ბატონო, ახალგაზრდობაში არ გიჩხუბიათ? სპირიდონი გაჩუმდა, მანქანა ტინის ხიდს ქვემოთ ფონს მივაყენე.
 – ხიდზე ვერ გაიყვან? – მითხრა.
 – რომელ ხიდზე?
 ნიკაპით მანიშნა.
 – ამ ხიდზე რა გაიყვანს მანქანას?
 – კი, ბიძია, თავისუფლად გადის. აქეთობას წყალში გამოხვედი?
 – დიახ?
 – არა, შენ არ მომიკვდე. ეს ჩვენი წყალი არაა სანდო. ასი წლის მაინც იქნება ეს ხიდი. ამან არც რემონტი იცის და არაფერი. მუხის მორებითაა გაჭედილი. მართალია, საურმე ხიდი ჰქვია, მაგრამ მანქანები თავისუფლად გადადიან, მიდი თამამად, არ შეგეშინდეს.
 მანქანა მოვატრიალე და სანამ ხიდს გავლევდი, ჩემი დამემართა.
 ერთხანს ვილაპარაკეთ, მერე სპირიდონს ჩასთვლიმა და მეც აღარ შევანუხე. შორაპანს გამოვცდით და სანამ სურამის უღელტეხილი დაიწყებოდა, სამოცდაათზე დაბლა არ ჩამოვსულვარ. გზა თავისუფალი იყო და მივერეკებოდი.
 ხანდახან გავხედავდი და ვფიქრობდი: „ამისთანა მამებია, ყველაფერს რომ იტანენ. მამაჩემს რომ ჩემი დაჭერის ამბავი

გაეგო, ხელი აუკანკალდებოდა, ენა ჩაუვარდებოდა და წნევა აუნევედა. თვითონ გახდებოდა მოსავლელი, რა ოსტატურად ითამაშა ნუხელის, ამ ხნის კაცმა, გახარებული მამის როლი! სიმღერით და ცეკვით სიქა ამოგვართვა. ან რა ენერგია აქვთ, როგორ უძლებენ. კარგა ბლომად დავლიეთ და არაფერი ეტყობოდა. მე კი ისე გავსავათიდი, რომ ნიკაპის ჩამოსადებად მაგიდაზე ადგილი ვერ ვიპოვე. გუშინ ამბავში ჩემთვის ახალი ის იყო, რომ სპირიდონი, ცოტა არ იყოს, გულქვა კაცად მეჩვენა. ერთი პირობა უარიც მითხრა წამოსვლაზე. ამას ჩემს გულში ვერასოდეს ვაპატიებ. როგორ? შვილს უჭირდეს და შენ რაღაცა ბავშვური სიამაყის თუ პატივმოყვარეობის გულისთვის უარს ამბობდე შევლაზე? რა მოასვენებდა, რა დააძინებდა ახლა რომ არ წამოსულიყო? არა, ეტყობა, რაღაც პირველყოფილი, ველური, მკაცრი ჯერ კიდევაა შემორჩენილი სოფლელთა მშობლიურ გრძობაში. ქალაქელები ამ მხრივ უფრო მგრძობიარენი არიან“. – მერე ოთარაანთ ქვრივი გამახსენდა და ჩემი ეს უკანასკნელი ფილოსოფიური დასკვნა ყირაზე დადგა. ამასობაში შრომის ბოლო აღმართზე წყაროს მივადექით და კაცობრიობისათვის ამ უსარგებლო ფიქრებისაგან თავი გავინთავისუფლე.
 ამ ადგილს მანეთიან ბაზარს ვეძახი. ფულზე განუწკებული ბავშვები მანქანაში გაჩრიან ჭყინტ სიმინდს, ლელვს, ახალ კაკალს, მჟავე კიტრს, ცხელ მჭადებს, ჭყინტ ყველს. აქ ყველაფერი მანეთი ღირს, ისე აქვთ ჯამებზე გაზომილ-განაწილებული და ისე ენერგიულად გაჰყვირიან „მანეთი, ბიძია, მანეთი“, რომ შევაჭრებას ვერ გაბედავ, და კიდევ რომ შეევაჭრო კაპიკს არ დაგიკლებენ. მე შენ გეტყვი, ვერ ასალებენ. რაღაც სერიოზული უნდა ჭირდეს შოფერს. ამ ადგილს რომ არ გააჩეროს და, სხვა თუ არაფერი, მჟავე კიტრით მაინც არ გაისველოს პირი.
 მანქანა გზიდან გადავაყენე. სპირიდონს ტკბილად ეძინა და აღარ გავალვიძე. ვაჭრობით გული რომ ვიჯერე და ლობიანი ჭადით დატვირთული მოვბრუნდი, სპირიდონი მანქანაში აღარ დამხვდა, მწვანე ტოტებით დაწულ კალათიან ორ ბავშვს წინ დასდგომოდა და რაღაცას ხმამაღლა უხსნიდა. მოკამათეთა ირგვლივ სწრაფად ჩნდებოდა ცნობისმოყვარე მგზავრთა რკა-

ლი. მივედი, სოკოს გამყიდველები და-ძმა უნდა ყოფილიყვნენ, ისე ჰგავდნენ ერთმანეთს, ბიჭი თოთხმეტ წლამდე იქნებოდა, გოგონა უმცროსი ჩანდა. ბიჭს წინ წამონეული შუბლი და გამოკვეთილი, მამაკაცური ყბები ჰქონდა, ლარივით სწორ მხრებზე სანვიმარი ლაბადა შემოეჭირა და ჯიბეში ხელჩაყოფილი გულმოსული შეჰყურებდა სპირიდონს. გოგონა დიდრონ ცისფერ თვალებს აბრიალებდა, ხელით თავის ქერა, ღონიერ ნაწნავს ათამაშებდა და გაკაპასებული ლაპარაკობდა.

– დამიჯერეთ, ბიძია, მე თქვენი ინტერესი კი არ მაქვს. მესმის ეს საქმე და იმიტომ გეუბნებით, – მერამდენედ იმეორებდა სპირიდონი.

სოკოს გამყიდველებს გაგონებაც არ სურდათ.

– რა ღირს სოკო? – იკითხა ხანშიშესულმა შარვლიანმა ქალმა, რომელიც უბოდიშოდ შეექცეოდა მუავე კიტრს და ჭამის დროს კიტრის წვენიდან პერანგის მოსარიდებლად წინ სასაცილოდ იხრებოდა.

– ეს დიდი კალათა ხუთი მანეთია, დეიდა, ეს (პატარაზე ანიშნა) სამი.

– არ იყიდო, ქალბატონო, შხამიანი სოკოა, მოგნამლავს. – არ დააყოვნა სპირიდონმა.

და-ძმამ მოსისხლე მტერივით შეხედა, არამკითხე მგზავრს.

შარვლიანი ქალი, ეტყობა, სპირიდონის ამ სიტყვების გარეშეც არ აპირებდა სოკოს ყიდვას, მას, უბრალოდ, ფასის გაგება სურდა.

– რა არი, ბიძია, შხამიანი? ესაა შხამიანი? – ტირილი გაერია ხმაში გოგონას.

– დამიჯერე, ბიძიკო, – თავისას არ იშლიდა სპირიდონი – ქამა სოკოს ასეთი ყვითელი ზურგი არა აქვს. შენ კი არა, შენზე უფროსებსაც ბევრს ეშლება. თქვენ ეს სოკო, გაიხსენეთ აბა, ხის ქვეშ კი არ მოგიკრეფიათ, მშრალ ადგილზე, ჭონჭყოზე აკრიფეთ. ჭონჭყოზე უფრო ხშირად ამ ოხერმა იცის მოსვლა. ხომ ხედავთ, ძირი რომა აქვს მოშავებული, ქამა სოკოს ძირი არ უშავდება.

– არ არი შხამიანი, შხამიან სოკოს მოვიტანდით აქანა? – პოზიციას არ თმობდა გოგონა.

ბიჭი ჩუმად იყო. მას, ეტყობა, რალაცაში ეჭვი ეპარებოდა.

სპირიდონის მზერა რომ დავიჭირე, მაჯის საათზე თითი დავიკაკუნე, ვანიშნე, – გვაგვიანდება-მეთქი. ხელი ჩაიქნია და ჩემკენ წამოვიდა, მაგრამ შუაგზა არც კი ჰქონდა გამოვლილი, რომ შებრუნდა და სოკოთი მოვაჭრე და-ძმას რალაც უთხრა. ბავშვები მორჩილად გამოჰყვნენ მანქანისაკენ, სპირიდონმა გაზეთები გაშალა, ორი კალათა სოკო მანქანის საბარგულში გადააპირქვა, სოკოს გამყიდველებს ფული მისცა და თან დაადევნა: – შხამიან სოკოს ვყიდულობ, იცოდეთ, და თქვენს კისერზე იყოს ჩემი ცოდვა, მეორეჯერ ამნაირი სოკო არ გაყიდოთ, ბიძია, თვარა თავს დაილუპავთ.

ხელის დაცლით გახარებული და-ძმა უკანმოუხედავად გარბოდა თავდაღმართზე.

– რად გინდოდა სოკო, სპირიდონ ბიძია, ვინაა მაგის გამკეთებელი? – ვკითხე ჩემს უცნაურ თანამგზავრს.

– ახლავე გაიგებ, – ეშმაკურად მოჭუტა თვალები, – ერთი ქვევით რომ ჩავალთ, ძირულას პირას გამიჩერე.

გავუჩერე.

მანქანიდან გადმოვიდა, საბარგული გააღო, სოკო გულმოდგინედ ამოკრიფა და თავის გაზეთიანა გადაუძახა ხრამში.

მერე ხელი გაიფერთხა, გვერდით მომიჯდა და სანამ მანქანას დავძრავდი, ღიმილით მითხრა:

– შხამიანი სოკოა. შეშლიათ ბავშვებს, ვასწავლე, მაგრამ ჩემი არ გაიგონეს. არადა ამდენი მტკიცების დროც არ იყო. იყიდდა ვილაცა და მოინამლებოდა. ასე არ სჯობია? მართალია, რვა მანეთი გადავადე, მარა ვილაცას ხიფათი ავაცვილე, ვილაცა გადავარჩინე, საქმე არაა ეეს?

– აგაშენა ღმერთმა.

მივდივარ და ჩემს თავს ვეუბნები: „ეჰ, ჩემო თამაზ, რამდენი რამ არ იცი, რამდენი გეშლება ჯერ კიდევ. შენ გულქვაობაც კი დასწამე. კაცის გასაჭირში მიმტოვებელია სპირიდონი? ხომ ხედავ რა გააკეთა. ზის ახლა და თვლემს, მისთვის ეს არაფერია. შეიძლება არც კი გაახსენდეს“.

ხაშურს რომ გამოვცდით, განვიმდა.

მწვრთნელი

ონისიმე ლეკვს წვრთნიდა.

გადააგდებდა ონისიმე ჯოხს, დაოთხილი გაიქცეოდა, პირს დაავლებდა, მოარბენინებდა, და მთქნარებისაგან ყბაატკივე-ბულ ლეკვს წინა ფეხებთან დაუგდებდა. ლეკვი იდგა და თავისი ლეკვური თვალებით შესცქეროდა, როგორ გადააგდებდა ონისიმე ჯოხს, მერე როგორ გაიქცეოდა დაოთხილი, რათა პირი დაეველო და მოერბენინებინა.

ონისიმე დაილალა.

ერთხელ კიდევ გადააგდო ჯოხი, ერთხელ კიდევ გაიქცა და, რადგან ოთხზე დგომა ველარ შეძლო, ხოხვით მოუტანა თავის ერთადერთ მონაფეს.

მონაფე კი სრულიად ჩვეულებრივი ლეკვი იყო და ვერაფრით ვერ გაეგო, რომ მას წვრთნიდნენ, რათა გადააგდებული ჯოხის მოტანა ესწავლებინათ. ლეკვს უკვირდა კიდევ; რა საჭირო იყო ჯოხის გადააგდება, თუ ისევ უკან უნდა მოეტანა.

ონისიმემ ერთხელ კიდევ მოისროლა ჯოხი და მუდარით სავსე თვალებით ლეკვს შეხედა. ონისიმე ნანობდა, რომ ლეკვის განვრთნა დაუგვიანდა. იგი ფიქრობდა, რომ მისი ლეკვი სალეკვო ასაკს მალე გადაცდებოდა და მერე და მერე უფრო გაძნელებოდა მისთვის გადააგდებული ჯოხის მოტანის რთული ილეთების სწავლება; მაგრამ მოხდა საოცრება: ლეკვი ჯოხისკენ გაიქცა, პირი დაავლო, ორფეხზე შეიმართა, ტაატიტ მოუტანა სიხარულისგან ენაჩავარდნილ პატრონს და ფეხებთან დაუგდო.

მხოლოდ ძალღების ღმერთს ეცოდინებოდა, რატომ ჩაიდინა მისმა უმრწემესმა ლეკვმა ყოველივე ეს. ნუთუ საბოლოოდ გატეხა მისი ნებისყოფა წვრთნის ენერგიულმა გაკვეთილებმა? მაგრამ თვალსაჩინოების აქტს ონისიმე ხომ ოთხზე მდგარი ასრულებდა; ლეკვმა რატომღა დააგდო თავისი მამა-

პაპური წესი და მისთვის საკმაოდ უხერხული – ორფეხზე სიარული არჩია?

ფიქრის დრო არ იყო. ონისიმემ სწრაფად გაიკრა ჯიბეზე ხელი და ლეკვს ნახალისების ნიშნად შაქრის ნატეხი გაუწოდა.

ლეკვმა შაქრის ნატეხს პირი არ ახლო.

განბილებულმა ონისიმემ გაიფიქრა, ლეკვს შაქარი ეცოტავაო, და წვრთნისათვის ნამოღებული შაქრის მთელი მარაგი გადმოიპირქვავა ხელისგულზე.

ლეკვმა უარის ნიშნად თავი გააქნა.

ონისიმემ ჯოხი ცხვირთან მიუტანა ლეკვს, – მიდიო, უთხრა და გადააგდო.

ლეკვმა კვლავ წინანდებული ერთგულებით მოარბენინა ჯოხი.

ონისიმემ ისევ გაუწოდა შაქრის ნატეხი.

ლეკვმა ისევ არ ახლო პირი.

ონისიმემ რამდენჯერმე გადააგდო ჯოხი და რამდენჯერმე შესთავაზა ნიჭიერ ლეკვს ქრთამად შაქრის ნატეხები.

ლეკვმა იმდენჯერვე მთელი სერიოზულობით მოურბენინა ჯოხი და იმდენჯერვე უარი თქვა შაქარზე.

ლეკვს რომ ადამიანური ლაპარაკი შეძლებოდა, მოურიდებლად ეტყოდა თავის პატრონს:

– განა შაქარშია საქმე, ონისიმე ბატონო?

თავისი წვრთნის შედეგებით აღფრთოვანებულმა ონისიმემ დაუძახა ცოლ-შვილს, მეზობლებს, მეგობრებს, ნათესავებს. პატრონი წამდაუნუმ ისროდა ჯოხს. ლეკვს უკვე აღარ სჭირდებოდა დამამცირებელი „მიდი“. მიდიოდა და ცირკის ძალღივით ორფეხზე შემდგარი, კუდის რხევით მოარბენინებდა ნერწყვით დამბალ ჯოხს.

ონისიმემ წვრთნა დაამთავრა და ჯოხი გადააგდო.

ლეკვმა, რა თქმა უნდა, მოურბენინა.

ცოლ-შვილს, მეზობლებს, მეგობრებს და ნათესავებს მოსწყინდათ და წავიდ-წამოვიდნენ თავიანთი მეზობლური, მეგობრული და ნათესაური საქმეების მოსაწესრიგებლად.

ონისიმემ ლეკვს კატეგორიულად განუცხადა, დღეს ამით დავამთავროთო და ჯოხი შორს გადააგდო.

ლეკვმა მაშინვე მოურბენინა.

ონისიმემ მამაშვილურად სთხოვა ლეკვს; კარგი ბიჭი ხარ, ოქრო ხარ, მაგრამ ახლა რომ ჯოხს გადავაგდე, ნულარ მომიტანო.

ლეკვმა თავი კი დაუქნია, მაგრამ ჯოხი მაშინვე უკან დაუბრუნა.

ონისიმე გაბრაზდა და ძალიან შორს გადააგდო ჯოხი.

ლეკვი ჩვეულებრივზე უფრო სწრაფად გაიქცა და ძალიან შორს გადაგდებული ჯოხი თვალის დახამხამებაში ფეხებთან დაუდო სიბრაზისგან აკანკალებულ პატრონს.

...ზის ახლა ჯირკზე ონისიმე, თვალებიდან ლაპალუპით ჩამოსდის ცრემლი, კბილებში თავისი დამლუპველი სასწავლო ჯოხი უჭირავს და ენერგიულად ღრღნის ისედაც მოფაფალებული კბილებით.



ნადირობა

– სვამ?

– არა, შენ?

– არც ერთ წვეთს...

მიაბიჯებენ ისინი ნაცნობებით სავსე ქუჩაზე. მიაბიჯებენ მონყენილი სახეებით, იცქირებიან ოდნავ მაღლა და პირდაპირ. ერთმანეთს იმაში ჰგვანან, რომ დაბერილ თვალთა უბებში ორივეს კეთილი ღიმილი უკრთის, ნიკოს უშველებელ კაშნეს შიგნით მოუჩანს თეთრი პერანგის გაცვეთილი საყელო. კოტეს – გულმოდგინედ დაჭმუჭვნილი პიჯაკის გულისჯიბიდან გაურკვეველი ფერის ცხვირსახოცი. საუბრობენ რბილი, ხავერდოვანი, ოდნავ ხრინწიანი, მაგრამ ვაჟკაცური ბარიტონით, ნაცნობებს სიყვარულით უღიმიან და გულისამაჩუყებელ სალამს აძლევენ, მაგრამ როდი უჩერდებიან. მიდიან მძიმე და გრძელი ნაბიჯებით, ერთხელაც არ გაიხედავენ მაღაზიების კოპწია ვიტრინებისაკენ. იცქირებიან წინ და ოდნავ მაღლა და ამიტომაც საუბრის დროს ერთმანეთს არ უყურებენ.

– დაინახე? – ყოველთვის კოტე იწყებს.

– ვერა.

– ლიზამ ჩაგვიარა.

– რა მნიშვნელობა აქვს, – თავს არ აბრუნებს ნიკო, მაგრამ ხმაში ეტყობა, რომ მისთვის სულერთი არ არის, ვინ ჩაიარა.

– ალბათ დგას და გვიცდის, მივბრუნდეთ?

– არა.

– დაბერებულია.

– ჰოო?

მიდიან ჩუმად, გრძელი საქმიანი ნაბიჯებით. ორივეს დამამშვიდებელი ბუნებრიობის ელფერს აძლევს უკან, კისერში ჩასული თმა და მოშვეებული მხრები. კოტეს ეჩვენება, რომ

ირგვლივ არანორმალურად ჩქარა და გულმოდგინედ დადიან. დადიან სერიოზული ფუსფუსით საოცრად წვრილმან საქმეებზე. და ამ ზრუნვით დამუხტული ადამიანების ფონზე უფრო თვალშისაცემი ხდება ორი მეგობრის ძალდაუტანებელი, მშვიდი მანერები.

- გული რას გიშვება? – სიჩუმის ეშინია კოტეს.
- მუშაობს.
- „სტუკს“ არ გაძლევს ხანდახან?
- რა მნიშვნელობა აქვს.
- არ უნდა დალიო.
- ვიცი.
- არაფერი არ უნდა დალიო.

ნიკო ერთბაშად გაჩერდა და გველნაკბენივით შემოტრიალდა.

- წუხელის... ვწევარ ფხიზელი ბულალტერივით, რამ უნდა დაგაძინოს, მითხარი. საათი ხომ მუშაობს, მითხარი. ცოლს ხომ სძინავს, მითხარი ქვეყანა ხომ ტრიალებს, მითხარი. ჩემმა ქვისლმა მეზობელს უჩივლა სარეცხის თოკს მპარავსო... რამ უნდა დაგაძინოს, მითხარი. წამოვჯექი, ათასნაირად ამუშავდა ტვინი. ყველაფერი აგერ მოვიდა; კისერში მომანვა, გულში დამიწყო ფათური და ვიფიქრე ვიგუდები-მეთქი. ასე ჩუმად არ გავგიჟდე-მეთქი და ვიყვირე, სხვა რა უნდა მექნა, მითხარი? – ამ სიტყვებს ნიკო ხმის კანკალით ამბობს, ახველებს და სამ თითში მოქცეული დაღეული სიგარეტი ტუჩებისკენ მიაქვს.

- ხომ იყვირე? – კარგა ხნის შემდეგ ეკითხება კოტე.

- კი.

- კარგი გიქნია.

- ჩემი ცოლი მეუბნება ამ დილით, მიდი და რუბენას ეჩხუბეო.

რუბენას რა ველაპარაკო, მითხარი? ძვლებს მიწონისო. მე საკატლეტე ხორცს ვეუბნები და ის საბორშეს მაძლევსო, რა გაცინებს, მითხარი. მივსულიყავი რუბენასთან და მეთქვა: რუბენ, ეს ქალი ჩემი ცოლია, თუ კაცი ხარ, ძვლებს ნუ დაუნწონი-მეთქი? მივსულიყავი, მითხარი?

- დალევ რამეს? – თითქოსდა ნებისყოფის შესამოწმებლად ეკითხება კოტე.

- არა, შენ?

- არც ერთ წვეთს...

მოსახვევიდან დაგუდული ღიღინი ისმის. ტროტუარზე ამოდის მთვრალი მოქალაქე და პირდაპირ მოირწევა. იგი კისერგაშეშებული ათვალეირებს გამვლელებს და უნდა ყველას გააგონოს გაუგებარი სიტყვები სიმღერისა, რომელსაც უაღრესი მონდომებით გაჰყვირის. იგი როდი მღერის, იგი ყურში ჩასძახის ყველას, ვისაც ავადმყოფურად ფხიზელი სახეებით და სუფთად გაპარსული ყბებით მიეჩქარება თავის წვრილმან საქმეებზე.

მეგობრები შეჩერდნენ. ისინი დიდხანს დაკვირვებით აჩერდებიან მთვრალს და თავებს აქნევენ.

- ვინ არის? – ისე კითხულობს ნიკო, თითქოსდა ბოდიშს იხდის, რომ ამ ქუჩაზე მისთვის უცნობმა მთვრალმა გაიარა.

- ეშმაკმა იცის.

- მთვრალია – დაასკვნა კოტემ.

- არ არის ახლა ის საცემი? – მითხარი! – თითქოს მთვრალს პირველად ხედავსო, გაიკვირვა ნიკომ.

- მთვრალია, – შორიდან, მშვიდად მიუგო კოტემ.

- რამ გააგიჟა, მითხარი? – არ ისვენებს ნიკო.

- მთვრალია...

- თუ არ შეუძლია, ვინ აძალებს, მითხარი.

- მთვრალია. – მსოფლიოს ყველა მთვრალი კაცისადმი არაჩვეულებრივი მოწინების და თანაგრძნობის იერით ამბობს კოტე.

- დავენიოთ და სახლში მივიყვანოთ, ცოდოა, – მოლბა ნიკო.

- ტაქსის ფული გაქვს?

ნიკომ ჯიბე მოიქექა.

- მაქვს.

და ისინი მიდიან.

* * *

ეს იყო წინა პარასკევს. მთვრალი მოქალაქე, რომელიც ნიკომ და კოტემ სახლამდე მიაცილეს (და ამით ვინ იცის, რა ხიფათს ააცილეს. იდეალურ შემთხვევაში მას გამოსაფხიზლებელში მოხვედრა მაინც ელოდა), აღმოჩნდა ლომბარდის თანამშრომელი, ბესარიონ თელია. ბესარიონი მთელ ქალაქში განთქმული მონადირე იყო და, თუმცა იმ საღამოს ფეხზე ძლივს იდგა, მაგრამ მაინც მოახერხა კვირა დილით ნიკოსა და კოტეს დაპატიჟება კურდღელზე სანადიროდ. დილის ხუთ საათზე ჩემთან იყავით, არ მომატყუოთ, სინდისს გაფიცვებთო, დაანამუსა მეგობრები ბესარიონმა. შინ რომ ბრუნდებოდნენ, ნიკოს თოფის და კურდღლის ხსენებაზე ეცინებოდა, მაგრამ კოტემ, როგორც იქნა დაიყოლია, მაინც არ ვსვამთ, რა უნდა ვაკეთოთ, მოდი წავიდეთ, ერთხელ მაინც ვნახოთ ნადირობა, ფიცში ჩასაყოლებლად მაინც გვექნებაო.

1976 წლის 11 სექტემბერი იდგა. ოდნავ შეთენებულზე ბესარიონ თელია მეგობრებს ჭიშკართან შეეგება. „ვაჟაკები თქვენ ყოფილხართ, არ მეგონა თუ მოხვიდოდითო, შეაქო დამწყები მონადირენი, თითო თოფი ხელში შეაჩეჩა, ზურგჩანთა მოირგო, გრძელყურება ბებერი პოინტერი მოკლე საბელით დაიჭირა და სადგურის გზას დაადგა.

– მატარებლით მივდივართ? – ისე გაიოცა ნიკომ, თითქოს მონადირეთათვის ტრანსპორტის სახეს გადამწყვეტი მნიშვნელობა ჰქონდა.

– კიე. თხუთმეტ წუთში გადის ახლა ფოთი. აჯამეთამდე ჩავყვებით და იქიდან ფეხით წავალთ. წუხელის პატარა ნამონვიმა და დაყრიდა მწყერს, კურდღელიც არის. სხვათა შორის, წინა კვირას წამოაგდო ამან, მაგრამ ახლოს მისდევდა ძალლი და არ ვესროლე, შენ მასე მოდიხარ? – ნაბიჯის შეუნელებლად ჰკითხა ბესარიონმა კოტეს.

– ჰო, რავა რა უჭირს?

კოტეს საგარეოდ ეცვა – შავი დაჭმუჭნილი პიჯაკი და ფირმა „სხვის“ მიერ გამოშვებული უშველებელი ჰალსტუხი.

– არაფერი, მარა ჩაგეცვა უფრო ხალვათად, სანადიროდ გალსტუკით წასვლა გამიგონია?

– გალსტუკს მაგი ლოგინშიც არ იცილებს, – ჩაიქილიკა ნიკომ, თუმცა არც მის ჩაცმულობაში იყო რაიმე სპორტული და მონადირული.

ტილოს თეთრი ტუფლები ეცვა, ჭრელი ფართხუნა შარვალი და პარუსინის თეთრი პიჯაკი, თავზე ჩაჩი არ ეხურა, თორემ სხვამხრივ ზუსტად ისე ეცვა, ორმოცდაათიან წლებში კლოუნები რომ იცვამდნენ. ხელში სანოვავის ჩანთა ეჭირა, ეტყობოდა, ჩანთა მძიმე იყო, რადგანაც ნიკოს იგი სიარულის დროს ხელიდან ხელში გადაჰქონდა.

მატარებელმა მონადირენი აჯამეთის ბაქანს შეატოვა, ბესარიონმა ძალლი აუშვა. თოფი ყოველ შემთხვევისათვის ბუდიდან ამოიღო და არხის სანაპიროს ჩაუყვა. გაღმა ნასიმინდარში უნდა გავიდეთ, თვარა აქეთ არაფერი არ არის, ყველა მოხალისე აქედანვე იწყებს თოფის ბათქუნსო. ყურმა ერთი ორჯერ გაშლიგინ-გამოშლიგინდა ნაყანევში, მაგრამ პატრონმა შეუძახა „უკანო“ და მორჩილად მიჰყვა ბესარიონს იმ იმედით, რომ სარბენი და საქიჩმაჩო დღეს საკმაოდ ექნებოდა.

კოტე და ნიკო ასე ჩქარ სიარულს არ იყვნენ მიჩვეულნი. სირბილით მიჰყვებოდნენ განთქმულ მონადირეს. მერე სუნთქვა რომ აუჩქარდათ და მუხლებში დაღლა იგრძნეს, ერთიმეორეს თვალი უყვეს და ჩვეულებრივი ნაბიჯით მიუყვებოდნენ გზანვრილს. ამაოდ ემუდარებოდა ბესარიონი, გამოადგით ფეხიო.

– კაი ახლა, ბესარიონ ბატონო, იმ ერთი კურდღლის და ხუთი მწყერის გულიზა ნუ დაგვხოცავ დღეს, რაც შეგვიძლია მოგყვებით – დაანია კოტემ.

ბესარიონი წინ გაიჭრებოდა, მაგრამ კოლეგებს ხომ ვერ მიატოვებდა და მოსახვევთან კბილების კრაჭუნით უცდიდა ჩამორჩენილებს.

– რა გაცინებს? რა გიკვირს, შე კაი კაცო. როდის იყო, რო დავრბოდით, ამას რომ თავი დავანებოთ, ბავშვები კი აღარ

ვართ, ორმოცდახუთის გავხდი, მე, ახლა ოცდაორ გიორგობისთვის. კოტე უფროსია ჩემზე ორი წლით – ქოშინით და ცოტა საყვედურითაც უთხრა ნიკომ ნადირობის ტრფიალს, როცა ამ უკანასკნელმა კიდევ ერთხელ მოუწოდა ახალბედა მონადირეებს ნაბიჯის აჩქარებისკენ.

– მე რალა უნდა ვთქვა მაშინ. ორმოცდამეთვრამეტეში გადავდექი.

– შენი ამბავი სხვაა. შენ ამ საქმეს ადგიხარ შენი დღე და მოსწრება. ჩვენ თოფი მარტო ახალ წელს თუ გვისროლია აივნიდან. ვის ქონდა ნადირობის დრო და თავი. თითო ცისტერნა ღვინო გვაქვს დალეული.

– „სუხოი ზაკონზე“ არც მე ვარ მარა, ეს ნადირობა ძან მშველის. მუხლს გავმართავ კაცი. სუფთა ჰაერს გადავყლაპავ. თვარა დაუღვევლად ვინ გაგაჩერებს.

– სვამთ თქვენც? – გაიოცა კოტემ.

– აბა რას შვრება – კვერი დაუკრა ნიკომ მონადირე-მასპინძელს და ამით კოტეს აგრძობინა – „შენც ეკითხები რალა. ამის დალევა და ჩვენი დალევა ერთიანო? ჩვენ რო გადავაბამთ ორთვიანს ხანდახან, იმის გამძლეობა ესო?“

სველი მიწის სუნი ცხვირში უღივინებდა მიმავალთ. ნიავი არ იძვროდა. მზე ჯერჯერობით არ იკბინებოდა, მაგრამ ეტყობოდა, რომ დღეს გვარიანი სიცხე იქნებოდა.

არხზე გადებულ ორ მორზე პირველად ნიკომ გადაიარა და პირდაპირ შუა ყანაში განმარტოებით მდგარი ცაცხვისაკენ გაემართა. როცა დანარჩენები მოახლოვდნენ, ნიკო პირაღმა იწვა ბალახზე და ლურჯ, სუფთა ცას შეჰყურებდა.

ბალახზე კოტეც მოწყვეტილივით დაეშვა. ბესარიონმა ყურებიდან ბირკა ჩამოაცილა აქლოშინებულ ძაღლს და ჩაილაპარაკა, – შეიკლავს ეს ბირკა ამ საწყალს ხელში დღეს. არა და ისე გემოიანად ეხვევა ბალახში, რომ ვაი დედას აძახებინებს.

ძაღლმა, თითქოს პატრონის სიტყვებს მიხვდაო, ვაჟკაცურად აიტანა ბირკის გამოცლის ტკივილები და ხმა არ ამოუღია.

– ჰე, რავა წამოგორდით მხარ-თეძოზე, რამ დაგლალათ ჯერ. წოლის დროა ახლა? – ბესარიონმა რეზინის ჩექმის თასმები შეიხსნა და მუხლს ზემოთ შუა ბარდაყებზე შეიკრა.

– სამოთხეა გელაპარაკები, რამე სჯობია აქ ყოფნას? – ცისტვის თვალი არ მოუშორებია ნიკოს.

– შევუყვით ახლა, თვარა დაგვაგვიანდა ისედაც. მზე რომ მაღლა აიწევა, კეტი რომ ურტყა ვერ ააგდებ მწყერს.

– რატომ? – ზარმაცი კაცის ინტონაციით იკითხა კოტემ.

– ვერ იპოვის ძაღლი. ახლა დილაა და ყველაფერს ღამინდელი სუნი ასდის. ძაღლი კვალს ადვილად აგნებს. მზე რომ გაახურებს და გამოაშრობს ყველაფერს, მერე სუნი ისე აღარ იგრძნობა. ძაღლი ადვილად კარგავს გემს.

– რას ლაპარაკობ? – სიტყვის მასალად იკითხა ნიკომ და დაკვირვებული ყური ადვილად შეატყობდა, რომ მწყრის აფრენის პრობლემით იგი ნაკლებად იყო დაინტერესებული.

– ახლა არ გეწყინოთ არც ერთს და უნდა დამიჯეროთ. მე მეტი კი არაფერი ვიცი. თოფთან გვაქვს საქმე და თოფს, გაგონილი გექნება, შეთამაშება არ უყვარს. სამივემ ერთ მწკრივზე ვიაროთ. გვერდი-გვერდ, ასე სჯობს. მარცხის საშიშროება ნაკლებია. ერთი მეორეს ოთხი-ხუთი მეტრით დავშორდეთ. ჩახმახი ფეხზე გქონდეთ. ვის მხარეზეც გააკეთებს ძაღლი ნაბულს, პირველად იმან უნდა ესროლოს. ნელა ვიაროთ. ძაღლს დევნა არ დაუნყოფთ. იცის იმან თავის საქმე. ჯერ პატარა შორს გავარდება, წრეს დაარტყამს და მერე თანდათანობით ჩვენს ახლოს შემოიტყუებს მწყერს. ეშმაკს თვალი არა აქვს. აფრენისთანავე არ ესროლოთ. მაღალი სიმინდია. სათოფე მანძილი კარგად არ ჩანს. აცადეთ, ცოტა, აიწიოს მწყერმა მაღლა და მაშინ ესროლეთ. მე უფრო კურდღლის მეშინია. კურდღელმა ხანდახან უძაღლოდაც იცის გამოვარდნა. თუ მოხერხებულ ადგილზე არ ხართ, არ ესროლოთ ჯობია. მარცხი ერთ წამსაა – დამოძღვრა ბესარიონმა მონადირენი, სავაზნედან ოთხ-ოთხი ვაზნა ამოიღო და წამოწოლილებს ბალახზე დაუყარა, ჯიბეში ჩაიწყვეთ, უცებ გამოცვლამ რომ მოგიწიოთ, მზად იყავითო.

ამ ლაპარაკში რომ იყვნენ, ნიკო უკან გადაიხარა, წამოუდგომლად მიწვდა ცაცხვის ძირში დადგმულ სანოვაგეს, ახლოს მოაჩოჩა და არყით სავსე გრაფინი ამოიღო.

– რას შვრები?! – ელდა ეცა ბესარიონს.

– ბესარიონ, ბატონო, – შეევედრა ნიკო – თითო ყლუბი არ გადავკრათ?

– რავა გეკადრება. ნადირობის წინ დალევა ჯერ კაცს არ გაუგია. ჩადევი მაგი უკან და ნავიდეთ ახლა, დადგება მაგის დროც.

ნიკოზე ამ სიტყვებს დიდი გავლენა არ მოუხდენია. იგი მრგვლად მოხარშულ დედალს გაზეთს აცლიდა და სათითურის მსგავს ჭიქებს ბალახებში მოხერხებულად დგამდა.

– ახლა თუ მე ვარ უფროსი დამიჯერეთ. თვარა და ნავიდეთ სახლში. არაფრით არ გამოვა მაგ ამბავი!

– რა არ გამოვა? – გულწრფელად იკითხა ნიკომ.

– დალევა.

– ვინ სვამს მერე? – ჩაერთო კოტე – რას უძახი შენ ბესარიონ ბატონო, დალევას? თითო სათითურით ჩვენი დღევანდელი ნადირობის სადღეგრძელო რომ დავლიოთ. პატარა ხასიათზე მევიდეთ. დალევას ეძახი ამას შენ?

– მე ნავედი აბა და, რავარც გინდათ თქვენ! – ყანისკენ გააბიჯა ბესარიონმა.

ნიკომ და კოტემ ერთმანეთს შეხედეს.

– ნუ გვიზამ ამას, ბატონო. შენი ხათრით და პატივისცემით, თვარა, მწყერი ვნახე დამწვარი და ამოდაგული. მწყრის სადევნად წამოვიდოდით ჩვენ?

– არ შეიძლება-თქვა გელაპარაკებით. იარაღთან გვაქვს საქმე.

– რა არ შეიძლება? – საჭიროზე უფრო მიამიტად იკითხა კოტემ.

– დალევა. – მწყრალად მიუგო ბესარიონმა და განზე გაიხედა.

– ვინ სვამს მერე? სმა და უბედურება რომ გვდომოდა, აქ წამოვიდოდით? ვისაც დალევა უხარია, შავად ექცეს ეს დღე. ლოთობა და გადარევა სხვისი მეზარება.

– დალიეთ, აბა, თითო ყლუბი და ადექით. წამევიდა შუადღე. მე წვეთს არ გავსინჯავ ტყვილა. ვფიცავარ გამჩენს! – მტკიცედ განაცხადა ბესარიონმა.

– ვინ გასმევს კაპლს, ბატონო ბესარიონ? – გაეცინა ნიკოს. – სადაა ჭიქებით სასმელი კაპლი. თუ დაგაღვიო დღეს კაპლი, ცოლ-შვილი გამინყდეს.

– დალიეთ და მორჩით ჩქარა. წამევიდა შუადღე! – ხუმრობის გუნებაზე სულ არ ჩანდა ბესარიონი.

ნიკომ სათითური გაავსო და ბესარიონს გაუწოდა.

ბესარიონმა ხელები გაასავსავა და ზურგი შეაქცია.

– ბატონო ბესარიონ, – წინიდან შემოუარა კოტემ – რავა გეკადრებათ, ბატონო ბესარიონ, გამოწვდილ ჭიქას მტერს გამოართმევენ.

– გითხარით, არ დავლევ-თქვა.

– რას ეძახით დალევას, გადავირევი ახლა, ბატონო ბესარიონ, ეს ერთი სათითური, გინდა იქით ყოფილა, გინდა აქეთ. ამაზეა ლაპარაკი?

– წესი არაა, წესი!

– დამელალა ხელი, ბატონო ბესარიონ, – ლამის ტირილით უთხრა ნიკომ.

ბესარიონი გულმოსული შემობრუნდა. ნიკოს ჭიქა გამოგლიჯა, ჩვენ შეხვედრას გაუმარჯოსო, თქვა და გადაჰკრა. არაყი მაგარი გამოდგა. ბესარიონი მარჯვენა ხელით ჭიქას უბრუნებდა ნიკოს, ხოლო მარცხენას ღია პირთან მარაოსავით იქნევდა.

– მიაყოლეთ რაღაცა, – უთხრა ნიკომ და დაასხა.

– არ მინდა.

– ნეიტეხე პური, თვარა დაგწვავს, სამნახადია – გაუღიმა კოტემ და ჭიქას სამი თითი შეაგება.

– კოტემ მალლა აიხედა და სადღეგრძელო დაინყო.

– ადამიანი გუნებაა – მეტი არაფერი. ისე, რომ დავუკვირდეთ, ის ჩიტი გვჯობია, ეგერ ე, ხის წვერზე რომ ზის. „ცხოვრება გაილამაზეო“ ომარ ხაიამი იტყოდა. რა ვართ? მეტი არაფერი. რა ცოდვა მიგვიძღვის ასეთი? ვინ დაგწყევ-

ლა ასე? დედამინაზე მცხოვრები ოთხი მილიარდი კაციდან სამი-ოთხის გარდა დილიდანვე იწყებს ფიქრს იმაზე, რითი გაიმწაროს ცხოვრება. გამოვუგონეთ ჩვენს თავს ათასი სატკივარი; კარიერა, ბინა, პოლიტიკა, ფული, რა უსუსურები, რა მასხრები გამოვჩნდებით, ალბათ, სხვა პლანეტიდან ჩამოსული კაცის თვალში. ჩამოჯექი ერთ წუთს, ბატონო ბესარიონ, ნუ გეჩქარება ყოველთვის. არსად წაგივა, ნუ გეშინია, შენი მოსაკლავი კურდღელი. იცოცხლოს ერთი ნახევარი საათით მეტი, არ დაიქცევა ქვეყანა. ამ სიჩქარემ დაგვლუბა ჩვენ. სად გავრბივართ, სად მივერეკებით ისედაც დაწყვეტამდე მისულ ნერვებს? იცოდეთ ყველამ – ერთადერთი ხასიათზე ყოფნაა. მოდით ამდილანდელ ჩვენს კარგ გუნება-ხასიათს გაუმარჯოს.

– გაუმარჯოსო, – დაუდასტურა ნიკომ და დალია.

ბესარიონს გულის სიღრმეში ძალიან მოეწონა სადღეგრძელო, მაგრამ არ შეიმჩნია, ცაცხვის ძირიდან მაყვლის ბუჩქებამდე ნერვიულად მიმოდიოდა.

ძალღი დაიღალა ლოდინით, ბალახებში წამოწვა და დიდი, ნითელი ენა გადმოაგდო.

კოტემ ქათამი ოთხად გახლიჩა.

– ერთს მე ვიტყვი და წავიდეთ. – საქმიანად თქვა ნიკომ და სავსე ჭიქა ბესარიონისკენ გაიშვირა.

ბესარიონმა მოიხედა და მისკენ გამონვდილი ჭიქა რომ დაინახა, ყანაში შეჯლიგინდა. კოტე ელვის სისწრაფით მონყდა ადგილს, გაქცეულს გამოუდგა, დაენია და თითქმის ძალით მოაბრუნა.

– ისე გამომართვი, ნუ დალევ.

– რა არის ახლა ეს. არ შეიძლება-თქვა, რომ გეუბნებით, ძალღი ვარ მე? თუ ამ საქმეზე წამოხვედით, მე რაზე მაცდენთ, შე კაი კაცო.

კოტემ ჭიქა მიანოდა და კიდევ ერთხელ დაბეჯითებით გაუმეორა. სიტყვა გვითხარი, მარტო, დალევით ნუ დალევო.

ნიკომ დაიწყო:

– ჩვენ ახლა შუახანს გადაცილებული გვეთქმის. რას ვეღვით, რალას ვეიმედებით? დაყაჭდნენ უკვე ჩვენი პეპლები.

ახლა მალე დაგვეწყება სიბერის გრძელი ღამეები. ეს ყოფილა, რაცაა. ჩვენ რომ სხვა რამ გვეგონა ცხოვრება, ა, ეს ყოფილა სულ. ახლა ქე ვიცით, ახლა ქე ვხვდებით. ბევრმა ჩვენზე უარესადაც იცხოვრა, იმგენმა რალა თქვან მაშინ. კი, მართალია, ჩემგანაც ბევრი დავაკელი, მარა არც ჩემმა წილმა ილბალმა ამაყვავა მაინცდამაინც, რა მოვასწარ? ვერაფერი. მე ჩემს სიბერესაც კარგად ვხედავ. ნუ გეშინია, არავინ ამიტალახებს კარს, აგერ ბრძენი მოხუცია და ჭკუა ვკითხოთო. თურმე რაც ახალგაზრდა ხარ, იგი ბერდები. ჭკუას არავინ გამოგიცვლის. მარა, კაცი იმიტომ ჰქვია, რომ იმედით ცოცხლობს თურმე, მოლოდინით უდგია სული. რალაცა კაი მოჩანს იქეთა მხრიდან, რალაცა კაი გეჯღანება. მოდი, ჩვენს ხვალეს, ჩვენს იმედებს, ჩვენს მოლოდინს გაუმარჯოს.

სადღეგრძელოს წყალი არ გაუვიდოდა. „გენაცვალე სიტყვაშიო“, თქვა კოტემ და დასცალა. ბესარიონიც ააღელვა ამ სადღეგრძელომ, სხვა გზა არ ჰქონდა, უსიტყვოდ დალია, კბილებში ქათმის ფრთა გამოისვა და წამოდგა.

– ახლა ერთი შენ გვითხარი, ბატონო ბესარიონ. სამობითაა ღმერთი. გვითხარი, რაც გაგეხარდება და მერე, თუ გინდა, ჯოჯოხეთის კარამდე ვდიოთ კურდღელს. ასე არ ჯობია? – თვალეში არაჩვეულებრივი შუქი ჩალვროდა ნიკოს.

ბესარიონმა ძალღს ძვალღი გადაუგდო და ჭიქას მიწვდა.

– დაბრძანდით.

– არა, ასე ვიტყვი.

– სადღეგრძელოს სიჩქარე არ უყვარს. დაბრძანდი და ერთად ავდგეთ სამივე – არ მოეშვა კოტე.

ბესარიონმა ასეთი სადღეგრძელო თქვა:

– ახლა, ამ წუთში სადღაც გემის ბოლო ფიცარს ებლაუჭება სასწაულით გადარჩენილი მეზღვაური და კაცმა არ იცის დაადგება თუ არა საშველი. ახლა, ამ წუთში, სადღაც, უბედური დედა ზის მომაკვდავი შვილის სასთუმალთან და თავისი უმწეობის გამო ძუძუს იხოკავს, გაურკვეველი მოლოდინით, უდიდესი ტკივილის თმენით მუშტისხელა თვალეში ჭერისთვის მიუპყრია მშობიარე ქალს და კენესის. ახლა, ამ წუთში

რომელიღაც პლანეტას კომეტა უახლოვდება და საშინელი ჯახხანი გააყრუებს კოსმოსს. ჩვენ აქანა ვერაფერს გავიგებთ, მარა ადვილი შესაძლებელია შუაზე გახლეჩილ პლანეტაზე ცოცხალი არსების ნატამალი ერთ ნუთში გაქრეს. ღმერთო! შენ მოუმართე ხელი ყველა გაჭირვებულს, ღმერთო, შენ შეენიე ყველა ნყალნაღებულს. ღმერთო, შენ მოჰგვარე სანაღმართო ჭკუა ყველა გონდაკარგულს და გზასაცდენილს.

ბესარიონმა თანამესუფრეებს შეხედა. კოტე და ნიკო საოცარი მონინებით და სიყვარულით შეჰყურებდნენ.

განთქმულმა მონადირემ დალია და ჰორიზონტს გახედა. არემარე ესხვაფერა. ძალს პურის ნაჭერი გადაუგდო. სანადირო ბადე მოიხსნა და ბალახზე დადო.

სანამ მზე გადაიხრებოდა, ცაცხვის ძირიდან ულამაზესი სადღეგრძელოები ისმოდა. როცა ხვატი განელდა და ცოტა დაუბერა, სიმღერა აგუგუნდა. მონადირეთა პირობაზე მღერითაც გვარიანად მღეროდნენ.

* * *

აჯამეთის ბაქანს რომ მოადგნენ, ახალი შეღამებული იყო. ფეხზე ძლივს იდგნენ. დროდადრო ერთმანეთს მკლავებს შეაგებებდნენ. ფერხულის მოცეკვავეებივით წრეს შეკრავდნენ (ამით ერთმანეთსაც ამაგრებდნენ) და მღეროდნენ.

– თოფებს მოკიდეთ ხელი. აბა ჰე... ერთად... ცას დოუმინზეთ და გავისროლოთ სამივემ. აბა ჰე. სირცხვილია, სუფთა თოფებს ვერ მივიტან სახლში. აბა ჰე... ერთი, ორი... სამი!..

აჯამეთის ბაქანზე სამმა თოფმა ერთდროულად დაიგრილა.

ახლომახლო არავინ იყო, რომ გაკვირვებით მაინც გაკვირვებოდა.



სტუმარი

ომარ ჯეჯელავამ ჯერ ჭუჭრუტანაში შეიხედა და რაკი დარწმუნდა, რომ კარი შიგნიდან იყო დაკეტილი, ზარის ღილაკს თითი დააჭირა. გვერდით მდგომ შუახანგადაცილებულ გრუზათმიან ათლეტს გაუღიმა და თვალი ჩაუკრა.

– შინ არის.

– რას შვრება? – დაბნეულად იკითხა სტუმარმა.

– შინ არის-მეთქი?

– ვინ?

– ჩემი ცოლი.

სტუმარი დამშვიდდა. ომარს მოეჩვენა, რომ კარის გაღება დაუგვიანეს და გრძელი, გაბმული ზარი დარეკა.

– რომელი ბრძანდებით? – მოისმა შიგნიდან და ქალბატონმა კირამ კარი იმხელაზე გამოაღო, რა საშუალებასაც რკინის მოკლე ჯაჭვი აძლევდა.

– რა მოხდა, ხანძარია? – ჰკითხა ცოლმა, – აბაზანაში ვიყავი შესული ერთნამს.

– კაცი მახლავს, გააღე ჩქარა, – საქმეზე გადავიდა ომარი.

– უი, ჩემი სიკვდილი, ახლავე ხალათს მოვიცვამ! – იყვირა კირამ და გაუჩინარდა.

– რაო, რას ამბობს? – დაინტერესდა სტუმარი.

– ახლავე ჩაიცვამს და გააღებს. ბოდიშს ვიხდით ძალიან შილიფად იყო. ცხელა, ხომ იცით... – მოიბოდიშა მასპინძელმა.

– არა უშავს, არა უშავს. მე ვთქვი ჩემი მოსვლა ხომ არ ეწყინა-მეთქი, – თქვა გრუზათმიანმა ათლეტმა, მხრიდან ზურგჩანთა მოიხსნა და ხელში დაიჭირა.

– თქვენთან კოლოები არის? – ჰკითხა სტუმარმა ომარს და გაეხარდა, რომ სანამ კარს გაუღებდნენ, საუბრის ასეთი საინტერესო თემა მოძებნა.

– საერთოდ კი, მაგრამ წელს რაღაც ნაკლებად ჩანან. ისე, ნუ გეშინიათ, ჩემს ცოლს, ყოველ შემთხვევისათვის, ფანჯარაზე მარლას ჩამოვაფარებინებ.

– თქვენ წარმოიდგინეთ, მაგ მხრივ თავი ქუდში მაქვს.
– გაიღიმა ათლეტმა, – კოლოები ახლოსაც არ მეკარებიან, რეზუს უარყოფითი!

– აგაშენა ღმერთმა, – დალოცა მასპინძელმა, თუმცა გადაჭრით ვიტყვი, რომ სტუმრის სისხლის ხარისხი (თუ მიმართულება) ომარს შეხარბებით არ შეხარბებია.

ომარი ნახევრადტექნიკური ინსტიტუტის უახლესი ისტორიის კათედრის წევრი იყო და თან საზოგადოებრივი მეცნიერების შემსწავლელ მეორად ფაკულტეტზე, დეკანის უხელფასო მოადგილედ მუშაობდა. თავისი ლექციები და კათედრა იმდენ დროს არ ართმევდა ომარს, რამდენსაც საზოგადოებრივ საწყისებზე დეკანის მოადგილეობა, მაგრამ პროფესორი ვინც ამ ფაკულტეტის შექმნას გადაყვა, ომარის ახლობელი კაცი იყო და მისი ახალგაზრდა ასისტენტი გარდაცვლილის ხსოვნას არ ღალატობდა. თანაც ამოდ ფიქრობდა უახლესი ისტორიის სპეციალისტი, რომ ამ მეორად ფაკულტეტს ოდესმე ნამდვილ ფაკულტეტად გადააკეთებდნენ, ხოლო ომარის და მისი მსგავსი ენთუზიასტთა ღვანლი მაშინ მაინც სათანადოდ დაფასდებოდა.

ომარი შეთხელებულ თმას კარგა ხანია მალლა აღარ ივარცხნიდა. ნანობდა კიდეც, რომ სკოლიდანვე უკან გადავარცხნას მიაჩვია თმა. „თმა საითაც თვითონ მიდის, იქით უნდა გამეშვა, მიმართულება რომ შევუცვალე და ძალით ავქაჩე მალლა, სწორედ მაგან გამაცვინა, მეტმა არაფერმა“, ფიქრობდა ომარი და ვინ იცის, იქნებ მართალიც იყო. ცისფერი ფართო თვალები ჰქონდა, სწორი, ლამაზი ცხვირი და წინ წამოწეული, ცოტა არ იყოს, დიდი პირი. საშუალოზე ოდნავ მაღალი იყო, ლამაზი და წვრილი, შავი წარბები ჰქონდა, გაბზარული ხმით, უმეგრულაქცენტოდ ლაპარაკობდა. მშობლიური ენის გარდა, არც ერთ ენას არ ფლობდა საფუძვლიანად. წესიერი ჯინსი ვერ იშოვა და რომელიღაც უპატენტო ფირმის მიერ შეკერილი ფართხუნა ჯინსი ეცვა, ოდნავ წამოებრილ ლოყებზე და ჯიუტ ღიბზე ეტყობოდა, რომ ფიგურას მაინცდამაინც არ უფრთხილდებოდა და დიეტით თავს არ ინუხებდა.

– მობრძანდით, ბატონო, მობრძანდით! – კარის გაღები-სთანავე ისეთი გაბადრული სახით და დაშაქრული ხმით (ცოტა არ იყოს ხმამაღლა) თქვა ქალბატონმა კირამ, რომ უცნობს ჯერ შეეშინდა, რა მოხდა ნეტავი, პირველად ომარს შეხედა და უკან დაიხია, მაგრამ ომარმაც რომ ხელები გაშალა, თავი დახარა და შესასვლელისაკენ მიუთითა, ეტყობა კარგადაა საქმეო, ივარაუდა ათლეტმა და დიდხანს და გულმოდგინედ უსვამდა ფეხებს მავთულის ბადეზე დაფენილ სველ ტომარას.

ზურგჩანთით ხელში სასტუმრო ოთახში შევიდა, მასპინძელი ნამეტანი არ შევანუხოვო, სკამზე შემოუთავაზებლად ჩამოჯდა და ზურგჩანთა ფეხებშუა ჩაიდო. ომარმა ძალიან სთხოვა, თუ შეიძლება ამ ზურგჩანთას შემოსასვლელში დავკიდებ, ხელი რომ არ შეგიშალოთო და სტუმარიც დათანხმდა. შემობრუნებისას მასპინძელმა ტელევიზორი ჩართო, გრუზათმთან ათლეტს თვალი ჩაუკრა, ერთი წუთით გამანთავისუფლეთ, ახლავე ყველაფერი იქნებაო და რაკი სტუმარი ამ უკანასკნელ თხოვნას ვერ მიუხვდა, სახეგაბადრული გავარდა სამზარეულოში. იქ კი ღიმილი ელვისსისწრაფით მოიცილა და უსერიოზულესი სახე მიიღო.

– მთელი საათი თავდაღმა იდგა, ბალახზე თავქვეშხელამოდებული, აგერ ზევით, ტბაზე რომ გამოველაპარაკე, ხმა არ გამცა. ვუყურე კაი ხანს და წავედი ჩემს გზაზე. ვხედავ, აგერ არ მორბის? ბოდის ვიხდი ბატონო, წელან ხმა რომ არ გაგეცით, მარა იოგის ვარჯიშს როცა ვაკეთებ, ლაპარაკი არ შეიძლებაო. არა უშავს, მე ვუთხარი. თუ შეიძლება მითხარით ცისქვეშ მუზეუმი რომ გააკეთეს, რანაირად მივიდე იქო. მოსული ხართ და ესაა, მე ვუთხარი, მარა ახლა დაკეტილია, ექვსი საათია უკვე და ვინლა შეგიშვებთ ანი-თქვა. ამხელა კაცმა კინალამ იტირა, არ ვიცოდი ექვსზე რომ იკეტებოდა, თორემ ვიჩქარებდიო. შე კაი კაცო, გულში ვთქვი, ერთი საათი თავდაღმა რომ იდექი, ჯერ მუზეუმი გენახა და მერე გეკეთებია ეს იოგი-მეთქი, თითქოს მიმიხვდაო, ტყიბულიდან მოვდივარ, მატარებელი გვიან ჩამოვიდა, თანაც ვარჯიშის გადაწევა არ შეიძლება, თორემ დღესვე ვასწრებდი დათვალეირებასო.

– ტყიბულელია? – ჰკითხა ცოლმა ქმარს.
 – ტყიბულელს რა უგავს. ვერ ხედავ რა ხუჭუჭა ფაფარი აქვს და ცოცხივით სქელი უღვაშები? ყვავეთიდან არის.
 – აუჰ, – შეიცხადა ცოლმა – იმ სიშორიდან რამ ჩამოიყვანა, არ გაილახებოდა გზაში საწყალი? – ქალბატონმა კირამ ფარდა ოდნავ გადასწია და სტუმარს შეხედა. გრუზათმიანი ათლეტი სავარძელზე თითებს ათამაშებდა, ტელევიზორს თვალს არ აცილებდა და სულ არა ჰგავდა გზისგან გალახულს.
 – მოგზაურობს, დადის, აბა ჩვენსავით კი არაა მიბმული სახლზე. ჭკვიანი ხალხია. თავის ორი დღის ნუთისოფელს შინაარსიანად ატარებს.
 – რა უნდა ნახოს მერე, რაა იმ მუზეუმში. ცარიელი სახლებია, მეტი ხომ არაფერი.
 – რატომ არაა, ათასი საინტერესო რამეა. ჯერ სახლები მარტო. სად ნახავს სხვადასხვა კუთხის უძველეს საცხოვრებლებს ასე ერთად თავმოყრილს. ასეთი მუზეუმი თურმე მსოფლიოში ცოტაა.
 – ა კაცი, იმ სიშორიდან ჩამოვიდა და მე, ჩემდა სამარცხვინოდ, ჯერ კი არ ვარ ნამყოფი. დღეს ვნახავ, ხვალ ვნახავ-მეთქი და ქე მიმრჩა ისე.
 – არ გაამხილო, ქე მაინც, ამ უცხო ადამიანთან შენი სიგლახე. რას იჭვრიტები, კაცი არ გინახავს? ჩქარა ახლა, საქმეს მიხედე, მშვიერი იქნება, მთელი საათი თავდაღმა იდგა.
 – რა ვქნა ახლა? – შეშფოთდა კირა, – რა გვაქვს ამ უცხო სტუმრის გასაბედი.
 – ჭადი გამოაცხვე, შაშხი მოხარშე, უყვართ მაგენს შაშხი, ლობიო გაათბე, ბადრიჯანი უნდა იყოს ქვევით ერთი ქილა, გაგვიხსენი, ჩემო ბატონო, ყველი, მწვანელი... თქმა გინდა? რაც მოახერხო, ყველაფერი. ბოლოს კვერცხი და კარტოფილიც შეგვიწვი, რა ვქნათ აბა. ფული მომეცი და მე გავვარდები, ღვინოს მოვიტან.
 – რა ფული მაქვს? – გაიკვირვა ცოლმა, – იმას მოვაკლო?
 – მოაკელი აბა რავა, ხელფასამდე მოითმენს. თვრამეტში ევიღებ და დავამატოთ. არ ეჩქარება ახლა, არა აქვს ისე საქმე.

ქალბატონი კირა საწოლ ოთახში გავარდა და ფული გამოიტანა. ამასობაში ომარს ბოთლები ჩაელაგებინა და ჭუჭრუტანაში სტუმარს შესცქეროდა. ახლა იდგა ყველაზე რთული მომენტი. ომარი ბოთლებიანი ბადურით ხელში ისე უნდა გაპარულიყო სახლიდან, რომ სტუმარს არ დაენახა. კირამ კარი ოდნავ გამოაღო, მასპინძელი კედელს აეკრა და გამოცდილი დეტექტივით გაჩოჩდა კარებისაკენ. სახელური ფრთხილად გადასწია და წამში უკვე სამშვიდობოს იყო. სტუმარი ტელევიზორს თვალს არ აშორებდა, მიუხედავად იმისა, რომ ადგილობრივი დიქტორი ლაპარაკობდა და გრუზათმიან შავგვრემან ათლეტს აბსოლუტურად არაფერი გაეგებოდა. რაც მთავარია, სტუმარს მასპინძლის წასვლა არ შეუმჩნევია. ომარი მალე დაბრუნდა. შეუმჩნევლად დაბრუნების ოპერაციამაც კარგად ჩაიარა.

ქალბატონი კირა ცომს ზელდა. ხანდახან თითქოს რაღაც გაახსენდაო, თითოთ ფრთხილად გადასწევდა ფარდას და სტუმარს შეხედავდა. სტუმარს ძირს დაშვებული კეხიანი არწივისებური ცხვირი ჰქონდა. დაძარღვული ხელები ნიკაპქვემ ამოედო და ლომის მაჯებიდან ძალა იღვრებოდა. ნეილონის თეთრი პერანგი ასკდებოდა ბეჭებზე. ფართო მოხმარების მალაზიაში ნაყიდი ძველმოდური შეკერილი ბორდოსფერი შალის შარვალი ეცვა და შარვალზე ორფერში დაწნული ქამარი ეკეთა. ფეხზე უწინდებოდ ეცვა იაფფასიანი სამამულო რეზინის სპორტული ნალები, რომლის თეთრი თასმები საგულდაგულოდ ბანტისებურად გაენასკვა და ფეხის ზურგზე, იქეთ-აქეთ, კოხტად, თანაბრად გაენანილებინა.

ომარი ღვინოს ბოთლებიდან პატარა კერამიკულ დოქში ასხამდა. იგი სამართლიანად ფიქრობდა, სუფრაზე დოქით მიტანილ ღვინოს სხვა ეშხი და ლაზათი აქვსო.

– მერე? – ნელან დაწყებული საუბარი განაგრძო კირამ.

– მე ვთქვი, სტუმარი კაცია, კაი საქმეზეა ჩამოსული, შენი ქვეყანა აინტერესებს. ზოგს ფეხებზე ჰკიდია შენი მუზეუმი. ჩამოვა და „შაშლიკს“ იძახის მაშინვე. მე ვთქვი, წამევიყვან სახლში და დაველაპარაკები ცოტას-თქვა, ამის გაფიქრება და თვითონ მკითხა, თუ იცი სასტუმროში ადგილს ვიშოვიო?

რად გინდათ, სასტუმრო, მე ვუთხარი, წამობრძანდით ჩემთან-
თქვა. ბავშვები სოფელში მყავს, არავინ შეგანუხებთ, მარტო
ვართ სახლში-თქვა. გაეხარდა, სხვათა შორის, თავპატიჟი არ
გაუდვია, ა, ეს იყო სულ.

– რა მოხელე ვარო?

– არ მიკითხავს.

– რა ჰქვია?

– არც მაგი მიკითხავს, ხომ იცი შენ!

– კი მარა, სახელი არ კითხე კაცს? აბა „იმანო“ ვუძახოთ
ახლა მთელი საღამო? არ იცი მაინც, არაფერი შენ არ იცი.
ჯერ მე რომ კარი გაგიღეთ, ვინ ვგონივარ ანი. არ უთხარი
ცოლია-თქვა?

– როგორ არა.

– მაგენს ასე უყვართ: უნდა წარმადგინო, გააცნო ჩემი
თავი. მეუღლეა ჩემი-თქვა. მე ჩემს სახელს ვეტყვი და იქნებ
იმან თავისი სახელი მითხრას. აბა, ჰე, გავედით.

კირამ წინსაფარი მოიხსნა და სასტუმრო ოთახში შეაბიჯა,
სტუმარმა მისკენ წამოსული გაღიმებული ცოლ-ქმარი რომ
დაინახა, ეტყობა რაღაც რიტუალს ასრულებენო და ფეხზე
წამოხტა.

– გაიცანით, ჩემი მეუღლეა! – თავაზიანად უთხრა ომარმა
და მარჯვენა ხელით ქალბატონ კირაზე ანიშნა.

– კირა. – ხელი გაუნოდა და თავი დაუკრა დიასახლისმა.

– სასიამოვნოა, სასიამოვნოა, – მასპინძლის ცოლს ხელი
ღონივრად ჩამოართვა სტუმარმა.

ცოტა ხანს ერთმანეთს ღიმილით შესცქეროდნენ. ვინ იცის
რამდენ ხანს იქნებოდნენ ასე რომ, მდგომარეობიდან გამო-
სავალი თვით კირას არ ეპოვა.

– დაბრძანდით, – სთხოვა მან სტუმარს.

ათლეტმა სკამი ოდნავ უკან დასწია და მორჩილად დაჯდა.

ცოლ-ქმარი ზურგმებრუნებულად და ღიმილმოუშორე-
ბლად დაბრუნდნენ სამზარეულოში. სტუმრის სახელის გა-
გების ამ ხერხმა არ გაჭრა.

– რა ვქნა ახლა, სუფრაზე რომ დავჯდებით მერე ვკითხავ,
რა მნიშვნელობა აქვს რაცხა ჰქვია. მაგენს უმეტესობას თითქ-

მის ერთნაირი სახელები აქვთ, – საბა, ამბროსი, კვირიანე,
ფოცხვერა და შავლეგო. ამ სახელებიდან ერთ-ერთი ერქმევა.

– ვარდუა მკითხავთან ხომ არ გავიქცე? – იხუმრა ცოლმა.

– მაგი ქენი, მაგი. დაუჩქარე ცოტა, დაღამდა კაი ხანია.

მასპინძელთა შიში ამო გამოდგა. ქალბატონმა კირამ
სანაქებო სუფრა გაშალა. გაზი ბჟუტავდა და მართალია,
სარეკორდო სიჩქარით ვერ დაამზადა კერძები, მაგრამ რაც
გააკეთა, ყველაფერი გულმოდგინედ და მაღალხარისხოვნად.

ზუსტად ათის ნახევარზე სტუმარს სუფრასთან უხმეს.
სტუმარი წამოდგა და პირდაპირ სასადილო ოთახისაკენ
გამოიქცა, მაგრამ „ხელის დაბანას ხომ არ ინებებთო“, ომარმა
რომ ჰკითხა, მასპინძლის რჩევა ჭკუაში დაუჯდა, აბაზანაში
შევარდა და ისე სწრაფად გამოვარდა, რომ ვეჭვობ, იმ მოკლე
ღროში ხელების საპნით საფუძვლიანად დაბანა მოესწრო.

სუფრასთან ყველაფერი გაირკვა. სტუმარი ენაწყლიანი აღ-
მოჩნდა. მასპინძელთაგან მოულოდნელად მას აბლოთი რქმეო-
და. ორმოცდაცხრამეტი წლისა ვარ, მაგრამ ორმოცზე მეტს
არასოდეს არ მაძლევნო. სისტემატური წვრთნით და წესრი-
გიანი კვებით მივალწიე ამ ამბავსო. ესთეტიკის ინსტიტუტის
უმცროსი მეცნიერ-თანამშრომელი ვარო, საკანდიდატო უკვე
მზადა მაქვს და რიგს ველოდებიო. სტატიები კი მაქვს დაბე-
ჭდილი, მაგრამ წიგნის გამოცემა ჯერ ვერ მოვასწარიო. არც
ვჩქარობ, სხვათა შორის, ჩემი თავის მიმართ ძალიან მომ-
თხოვნი ვარო. ცოლს ამ წელიწად-ნახევრის წინ გავშორდი.
ძალიან კარგი მეუღლე მყავდა, მაგრამ სეირნობა უყვარდა
და თავისი დაჟინების გამო ბევრჯერ ამომავდო ფორმიდანო.
საერთოდ ადამიანი დამოუკიდებელი უნდა იყოვო. დილით
ადგომისას, პირველ რიგში, ნახევარ ჭიქა ცივ წყალს ვსვამო.
მერე ვვარჯიშობ, ტანს ცივი ტილოთი ვიზელ და ვსაუზმობო.
ერთი კვერცხი, ერთი ჭიქა მანონი, ერთი ნაჭერი შავი პური
და ცოტაოდენი ნაღულია ჩემი საუზმეო. ზუსტად თორმეტ
საათზე ერთ ჭიქა მანონს გეახლებითო. შუადღისას ბოზბაშით
(წვნიანი), ზეთში მომუშული კომბოსტოთი, დღეგამომვებით
თევზის კერძით, ორი ნაჭერი შავი პურით და კომპოტით ან
კისელით ვსადილობო. ხორცს კვირაში ერთხელ მივირთმევ და

ისიც მხოლოდ ძროხის ხორცს ცივად მოხარშულსო. ექვს საათზე უშაქრო ჩაის ვსვამ კარტოფილის ან ნადულის ღვეზელით და ექვსი საათის მერე საკვებს არ ვეკარებო. მაგარ სასმელებს არ ვსვამ, არ ვენწევი და ღამეს არასოდეს არ ვათენებო. დანოლილი კითხვა თვალებისათვის მავნებელიაო. პეტიტის კითხვის დროს ასპროცენტიანი მხედველობის პატრონებმაც კი ოდნავგამადიდებელი სათვალე „+05“ უნდა გაიკეთონო. ძილი ენერჯის აღდგენის უპირველესი საშუალებააო – ეს და სხვა ათასი რამ სასარგებლო უამბო აბლოთიმ იმ ღამეს მასპინძლებს. ღმერთმა შეარგოს, მაღიანად ივანშმა და დაღვეითაც კარგად დალია, რომ შეზარხოშდა, სიმღერაც წამოიწყო, კარგა ხანს წამოწმობდა, ხმამაღლა მარტომ იმღერა, მაგრამ მასპინძლებმა მის ხმას გასაღები რომ ვერ მოუძებნეს, ხელი ჩაიქნია და გაჩუმდა.

ვანშამა, როგორც ასეთ შემთხვევაში იტყვიან ხოლმე, გულთბილ, მეგობრულ ატმოსფეროში ჩაიარა. როცა დღიური შთაბეჭდილებებით გადავლილმა სტუმარმა პირველად ჩაჰკიდა თავი, ომარმა თვალთ ანიშნა და ქალბატონმა კირამ სასტუმრო ოთახში ლოგინი გამალა. მასპინძლები მხარში შეუდგნენ და სტუმარი მისთვის განკუთვნილ საწოლზე ჩამოსვეს. სასთუმალთან სკამი მიუჩოჩეს, სკამზე „ბორჯომი“ და ჭიქა დაუდგეს, სინათლე ჩაუქრეს და თვითონ ვალმოხდილები საწოლ ოთახში გაიკრიფნენ.

აბლოთი ცოტა ხანს უაზროდ მისჩერებოდა გამორთულ ტელევიზორს, მერე სწრაფად გაიხადა და საბანი თავზეც წაიფარა. ცოტა ხნის შემდეგ სასტუმროში ომარი შემოვიდა. საბანში ჩაკარგული სტუმარი არ დაიხრჩოსო, ცხვირპირი გამოუჩინა, ზენარი ზურგთან შეუკეცა და გავიდა.

– გძინავს? – კარგა ხნის შემდეგ ჰკითხა კირამ ქმარს.

– რა იყო? – ომარმაც ვერ დაიძინა.

– მაინც უცნაური კაცი ხარ, რომ გითხრა გენყინება.

– რა მოხდა? – ომარი თავდაღმა იწვა და ცოლისთვის პასუხი რომ გაეცა, ტუჩები გვერდზე სასაცილოდ უნდა მოეღრიცა, თანაც დარწმუნებული იყო, რომ ამ შუალამეგადასულზე მუსაიფის დრო სრულებითაც არ იყო.

– რომ მოგყავს ეს უცნობი კაცი ოჯახში, ეგება ბანდიტია, ადგეს შუალამისას და გამოგვჭრას ყელი ორივეს, არ ყოფილა შემთხვევა თუ?

– კაი, შე ქალო, რა უგავს ყელის გამომჭრელს, ხომ ხედავ რა წესიერი და კულტურული კაცია.

– სანყალი. ყაჩაღი კი ვერ მოგაჩვენებს თავს ორი საათით წესიერად.

– რალაცაში მაინც გაიყიდება. ხომ ხედავდი, რა კარგად ერკვეოდა ხელოვნებაში. ზეპირად ჩამოთვალა მიქელანჯელოს და ლეონარდოს ნახატები.

– და აქედან დაასკვნენ, რომ დიდი მომზადებული კაცია?

– არა, ახლა, ქურდი, მეტი არა აქვს საქმე, შენი გაძარცვის გულისთვის მსოფლიო ცივილიზაციას ეზიარება.

– რავა ჩამორჩი მთლად. შენ ქურდი მარტო კალისტრატე მამაგეიშვილი გგონია, სარდაფებში რომ დაძვრებოდა და კვერცხს იპარავდა საბუდრიდან.

– ერთს ვიტყვი ახლა მე. – გადმობრუნდა ომარი.

– თქვი.

– რატომ თვითონ არ შეეშინდა? მე, უცხო კაცს, რომ მომყავს სახლში და მომყვება ცხვარივით, ეგება მე ვარ ბანდიტი და მე ვჭრი ყელს.

– შენ ბანდიტიც რომ იყო, რისი ხათრით გამოჭრიდი ყელს. – კირას გაეცინა – დანწული ქამარი რომ უკეთია? თუ კედლები რომ აცვია უწინდებოდ?

– ნუ იკრიჭები. კაცია ქვეყანაზე და იმიტომ გვენდო. ხალხის ცნობა იცის და იმიტომ წამომყვა. იცის მაგან – ჩვენმა კაცმა სტუმრად თუ მიგიღო, თავს განაცვალე.

– მაინც არ შეიძლება ასე, უცხო კაცის შემოშვება სახლში, რომ რამე მოუვიდეს! ეგება ბნედიანია. ეგება ღვინომ აწყინოს და ჩაგვაკვდეს ხელში, მერე? ამტკიცე შენი სიმართლე.

– კაი ქალო. დამაძინე. საქმე არაფერი გაქვს? არ წამჭამა ყურები? – ომარი ისევ მუცელზე დაწვა, რითაც ცოლს აგრძნობინა, საუბრის საათი დამთავრებულიაო.

ოჯახის მამას მალე ჩაეძინა. კირამ კი ერთხანს იწვია ლოგინში. მერე როცა დარწმუნდა, რომ ქმარს ღრმად ეძინა,

ფრთხილად, ფეხაკრეფით წამოდგა და საწოლი ოთახის კარები ყოველ შემთხვევისათვის, შიგნიდან გადაკეტა.

დილით ცოლ-ქმარს ადრე გაეღვიძა, მაგრამ კაი ხანს არ ამდგარან, სტუმარს კარის ჭრიალზე არ გაეღვიძოსო. ცხრა დაწყებული იყო, კირამ რამდენადაც მოუხერხდა, შეუმჩნევლად რომ შეაღო სასტუმრო ოთახის კარი, რაშია საქმე, რომ არაფერი ისმისო. სტუმარი საწოლსა და სერვანტს შორის კედელთან თავდაღმა იდგა. მან მორცხვად გაუღიმა დისასახლისს, აქაოდა ბოდის ვიხდი, რომ ასეთ უხერხულ პოზაში შემომისწარით, მაგრამ რა ვქნა, მეტი გზა არა მაქვსო. შეცვლით კი, რაც მართალია თავისი სხეულის მდგომარეობა არ შეუცვლია. კირამ ბოდიში მოიხადა და კარი გაიხურა. რაკი ყველაფერი რიგზეა და სტუმარიც კარგად არის, რა ვქნა, ახლა, როგორც გაეხარდება, ისე იდგესო.

კირამ ახალი ხორცი მოარბენინა. სუკები შეწვა. გუნინდელი მონარჩენიც შეათბო-შეალამაზა და გემრიელად ისაუზმეს. სტუმარმა ნასაუზმევს ომარის ბინის გულმოდგინედ დათვალიერება გადანიშნა. ომარს სამოთახიანი დაბალქერიანი საუნწყებო ბინა ახალი მიღებული ჰქონდა. აბლოთი კმაყოფილი დარჩა. რა სჯობია ცალკე ბინას, ამდენი წელია ყვავეთში ვცხოვრობ და იზოლირებულ ბინას ვერ ველირსე, ოთახი მაქვსო. როგორ მსიამოვნებს, რომ თქვენ ასეთი კარგი ეკონომიური პირობები გაქვთო, როცა კაცს ბიუჯეტი საშუალებას აძლევს, სტუმარიც მაშინ უხარია, თორემ გაუთვალისწინებელი ხარჯები ოჯახს წელში ტეხავსო. ამაზე მასპინძელს გაეცინა და თავის მხრივ მიუგო, მართალია ბინას არა უშავს, მაგრამ ქუჩის პირასაა და ხმაური ძალიან გვანუხებსო. სტუმარს სახე გაუნათდა, ხმაურის პრობლემა უკვე გადაიჭრაო, თქვა მან. ჩვენთან, ყვავეთში, ყველა მაღაზიაში შეიძლება იყიდოთ ყურსაცობი. ეს გახლავთ რბილი, ხმაურგაუმტარი ქალაღი, ოცდაათობმეტი კაპიკი ღირს ორმოცდაათი ცალი. დაწოლის დროს შეიტენეთ ყურებში და გარეთ ბომბიც რომ გავარდეს, ვერ გაიგონებთო. ცოლ-ქმარს გაკვირვება და მუდარა ერთად რომ გამოეხატათ სახეზე, აბლოთმა მაშინვე დაუმატა: ერთ კვირაში ყვავეთში ვიქნები.

ჩავალ თუ არა, მაშინვე გამოგიგზავნითო. მასპინძლები ამ დაპირებით უაღრესად კმაყოფილნი დარჩნენ.

ომარმა სამსახურიდან თავი გაინთავისუფლა და მთელი დღე არ მოშორებია ძვირფას სტუმარს. რისი ჩვენებაც ერთ დღეში შეიძლებოდა, ყველაფერი აჩვენა, მოატარა მუზეუმები, საგამოფენო დარბაზები, მატერიალური კულტურის ძეგლები. გოგირდის აბანოებშიც ჰყავდა. მზე კარგა გადასული იყო, როცა შინ დაბრუნდნენ, ისადილეს. სტუმარმა ერთ საათს წავიძინებო, განაცხადა და მასპინძელს სთხოვა, რვა საათზე გამაღვიძეთ, ყვავეთის მატარებელს უნდა მივუსწროვო.

გამომშვიდობებისას ქალბატონმა კირამ მისამართი და ყურსაცობის ფული გამოუტანა სტუმარს, აბლოთმა მისამართი გამოართვა, ფულზე კი უარი თქვა, რაღაც კაპიკები ღირს, ერთი სამი ცალი ჩემს ხარჯზე იყოს, თუ მოგეწონათ, მერე გამოგზავნეთ ფული და რამდენიც გაგეხარდებათ, იმდენს გიყიდითო. ომარმა ლიფტით ჩააცილა სტუმარი და როცა ამობრუნდა, ცოლი კარებთან ელოდებოდა.

– კი მარა თავისი მისამართი არ დატოვა? – იკითხა კირამ.

– არა.

– ვერ უთხარი?

– თვითონ არ გაახსენდა და მე ხომ არ ვეტყვოდი. ყურსაცობებს რომ გამოგიგზავნის, ალბათ მისამართსაც მაშინ გაგვაგებინებს.

კირამ გაიფიქრა, რაკი ფული არ გამოგვართვა, მეტი არაა ჩემი მტერი, მაგან ყურსაცობი არ გამოგზავნოსო, მაგრამ თქმით არაფერი უთქვამს, იქნებ ვცდები და რატომ დავიდო ცოდვა, რატომ გავლანძლო ეს პატიოსანი კაციო.

* * *

ამის შემდეგ ორი წელი გავიდა.

– მომკლა პირდაპირ ამ ხმაურმა, აღარ ვარ ქალი – ლოგინში წამოჯდა სისხამ დილით ქალბატონი კირა – ჩაკეტავ ყველაფერს და უჰაერობა მოგკლავს, არადა ეს გრუხუნი გაგაგიჟებს. გადავცვალოთ, გადავიდეთ აქედან, თუნდაც ამის ნახევარი ბინა იყოს, ოღონდ წყნარად, ჩემს გემოზე დავიძინო.

– გახსოვს, კაცი რომ მოვიყვანე და რომ დაგვპირდა, ყურსაცობს გამოგიგზავნითო?

– კი.

– რა ერქვა?

– აღარ მახსოვს, ისე შეურცხვა ცხვირი, მაგი კაცი იყო და ქუდი მაგას ეხურა?

– სულ ვფიქრობ, ალბათ, რალაციით არ მოვენონეთ, ალბათ, რალაცაში შევცდით. ვერ ვეცით იმ კაცს ისეთი პატივი რავარც ეკადრებოდა და გულნაკლული ნაჟიდა-მეთქი.

– რაც შეგვეძლო, არ დაგვიკლია და თან ვერ გადავყვებოდით.

– არა, რატომ მოიქცა ასე ღორულად? იმ წუთში მივხვდი ყველაფერს, თავისი მისამართიც რომ არ დატოვა.

– რა მისახვედრი ეგ იყო, შე კაცო. იფიქრა იმ კაცმა – გადამაყოლებენ ახლა ამ ერთ პატივისცემასო. რამდენჯერაც ყვავეთში ჩამოვლენ, მე მომაკითხავენ და გაიხდიან ჩემს ბინას სასტუმროდო. არ უნდა დღეს შემწუხებელი, არავის არ უნდა.

– ვინ იყო, ქალო, მაგის შემწუხებელი. პირიქით, იქით ვცემდი პატივს. სასტუმრო განყდა ყვავეთში, მაგის ერთ ოთახში რომ არ შევტენილიყავით? მეტი არ გვესმის ჩვენ?

– იმან რა იცის შენ რა გესმის, იმ კაცს ასე ეგონა.

– ჩვენ მაინც ჩვენი საქმე გავაკეთეთ, ჩვენ ასე უნდა მოექცეულიყავით. დღეს რომ შემხვდეს ჩამოსული, უბინაო კაცი დღესაც ასე არ ვიზამ? აბა რაი, სად ვარკვიო, ვის ეკუთვნის და ვის არა, ღმერთმა ყველას თავის ჭკუაში და გაგებაში მოუმართოს ხელი.

პერანგისამარა ქალბატონი კირა იჯდა სანოლზე და ტანსაცმლის კარადის თავზე დადგმულ ღვთისმშობლის ხატს შეჰყურებდა. იგი ღრმად იყო დარწმუნებული რომ უსაზღვროდ კეთილი, მაგრამ მაინც ცოტა გულუბრყვილო და უცნაური ქმარი ჰყავდა.

დარდი

– თქვენი რომელია? – ჰკითხა კარლო კილურაძეს ბორდოს-ფერთმიანმა, ცისფერთვალემა, ლამაზმა ქალმა, რომელსაც ხელში ბავშვის მოსასხამი და ბოტები ეჭირა.

– კუთხეში, სკამთან რომ დგას.

– მწვანეშარვლიანი? რა კოხტა ბიჭია!

– არა, ჭრელსვიტრიანი.

კარლო ისე ლელავდა, რომ არც კი შეუმჩნევია, როდის დაჯდა ეს მომხიბვლელი ქალი მის გვერდით. სოცდაზღვევის აგენტი უყურადღებო კაცი არ იყო და სხვა დროს ასეთ შემთხვევას ხელიდან როგორ გაუშვებდა; თუ უცნობი გულცივი აღმოჩნდებოდა, კარლო თავისას მაინც ეცდებოდა, მაგრამ ახლა კილურაძეს სხვა ცეცხლი სწვავდა. პიონერთა სასახლის გრძელ დერეფანში, ხის ლურჯ მერხზე ჩამომჯდარ მშობლებს იგი სხვა თვალთ უცქეროდა. კონკურენციის უძველესი კანონი კარლოს თავის თავზე ასე მწვავედ არასოდეს გამოუცდია. ცეკვის წრეში ჩანერის მსურველი ბევრი იყო. ამ პატარა ანგელოზთაგან ქორეოგრაფ ტრისტან მანჯგალაძეს ხელოვნებისათვის დაბადებული რამდენიმე ბავშვი უნდა შეერჩია.

– თქვენი გოგონაა თუ ვაჟი? – ისე, ზრდილობისათვის ჰკითხა კარლომ გვერდით მჯდომს.

– გოგონა, აბა თუ გამოიცნობთ, რომელია? – თვალები ააჟუჟუნა ქალმა.

„გამიჩნდა საქმეო“, გაიფიქრა კარლომ და უხალისოდ დაუნყო დარბაზს თვალიერება. აგერ დგას მისი გოჩა, მისი იმედი. სახლში დიდი რომ ეჩვენებოდა, აქ ამ ბავშვებში, ერთი ციციქნა ჩანს. თანაც რა უმწეოა. სხვები ვერცხლისწყალივით იცვლიან ადგილს, გოჩას კი ჩაუვლია სკამისთვის ხელი და დგას. მამამისისკენ ისე სანწყლად გამოიხედავს ხანდახან, თითქოს თვალებით ეუბნება: „შენ რა გითხრა მამაჩემო, სად მომიყვანე, რა მჭირდა ამგენის გამოსაცდელი მეო“.

მიღებით უსათუოდ მიიღებენ. გოჩასთანა აზრიანი და ნიჭიერი აქ ვინ იქნება, ნეტავ ჩქარა დამთავრდეს ეს მძიმე წუთები. შენ წაიყვანე, კაცი ხარ და ყურადღებას მოგაქცევინო. ზედაც ვინ გიყურებს. მშობლებს შიგნით არ გვიშვებენ და არაფერი. წამოეყვანა თვითონ. კაცი რომელია ახლა აქ, ჩემ გარდა.

ერთი სიტყვით, კარლო კილურაძე ამ ახალ ამპლუაში თავს უხერხულად გრძნობდა.

– ვერ მიხვდით? – გამოაფხიზლა ცისფერთვალეზამ. „ნეტავი შენ, თამაშის ხასიათზე ხარ“, – გაიფიქრა კარლომ.

– ახლავე, ქალბატონო, ჯერ ვეძებ, ბიჭია?

– ხომ გითხარით, გოგონაა – გაბუტული ხმით შეახსენა ლამაზმა დედიკომ.

– ოჰ, უკაცრავად, მე ბიჭებში ვეძებდი, თქვენი შვილი, ქალბატონო, მე თუ რამე მესმის, ეს წითელფეხსაცმლიანი ჩიტი უნდა იყოს.

– რომელი? წითელფეხსაცმლიანი იქ ორია, – დატკბა ქალი.

– წინ რომ მიდის, ბანტიანი.

– სწორია! – ტაში შემოჰკრა ქალმა.

მშობლებმა მოიხედეს.

კარლოს შერცხვა და თავი ჩაქინდრა. გამოსაცნობი აქ, კაცმა რომ თქვას, არა იყო რა, გოგონა გაჭრილი ვაშლივით ჰგავდა დედამისს.

დარბაზში დოლი აბრაგუნდა.

ცნობისმოყვარე მშობლები წამოხტნენ და კარს მიცვიდნენ, მაგრამ წყალგადასხმულივით უკანვე გამოტრიალდნენ და თავიანთ ადგილებს დაუბრუნდნენ. კარში მდგომმა ქორეოგრაფის თანაშემწემ თავი გამოჰყო და გამოაცხადა: „მშობლებს ვთხოვთ კართან წუ გაჩერდებით, თორემ იძულებული გავხდებით შევწყვიტოთ კონკურსი. წუ გეშინიათ, ნიჭს არავის დაუუკარგავთ, ჩვენთვის ყველა ბავშვი ერთია!“ თანაშემწემ პასუხისმგებლობა თავის თავზე სულ ტყუილად აიღო, ტრისტან მანჯგალაძე მას ბევრს არაფერს ეკითხებოდა. ამ მზარდი ქორეოგრაფის მოვალეობა გახლდათ კარში მდგარიყო და აღტყინებული მშობლებისათვის გზა გადაეღობა.

– რა ხდება შიგნით, ქალბატონო? – მიუბრუნდა კარლო ცისფერთვალეზამ მზეთუნახავს, რომელიც ეს-ეს იყო, კარზე

მორიგი შეტევიდან მობრუნდა და უკმაყოფილო ბუზღუნით მოკალათდა ძელსკამზე.

– ათ-ათად ამწკრივებენ. ჩემსას, როგორც გადავთვალე, მესამე ფეხუფში უწევს, თქვენი, შეიძლება, ამის შემდეგ გავიდეს, უფრო ახლოსაა. აღარ შემიძლია ამდენი ნერვიულობა, ა, ნახეთ, ხელები გამიცვიდა.

კარლომ თითებში მოიმწყვდია ქალის თეთრი, ფუნჩულა ხელი და მანამ არ გაუშვა, სანამ თვით ცისფერთვალეზას არ გაახსენდა, რომ უცხო მამაკაცთან ასეთ მდგომარეობაში ყოფნა სხვა თვალისათვის ცოტა უხერხული იყო.

– „ახლა გაფასებთ მამაჩემო და დედაჩემო, – ფიქრობდა კარლო კილურაძე, – რანაირად გაგვზარდეთ ეს ოთხი შვილი. მე ერთი კინკილა ბავშვისთვის ვერ მომივლია, ამის გამძლები ვარ მე? ყელი გამიმრა დარდისაგან. ჯერ სირცხვილი სირცხვილად. ამხელა კაცი ვგდივარ და იმაზე ვიხეთქავ გულს, მოენონება თუ არა ტრისტან მანჯგალაძეს ჩემი შვილი. კაი, ჩემი თუ გინდა, ნიჭიერია და მიიღებენ, მარა სხვები? ყვავსაც თავისი ბახალა უყვარს. ყველას თავისი ჰგონია ქვეყნის უკეთესი. არ გინდა ამგენის ბოლმით სავსე თვალეზს შეხედო, როცა გამოაცხადებენ – კილურაძე მიღებულია, ხოლო ამას და ამას უარი ეთქვაო? რა დაამავეს ბავშვებმა? აქ ცეკვაზე კი არაა საქმე. დღევანდელი აქ დამარცხებით საკუთარი შვილისადმი და საკუთარი თავისადმი რწმენას ჰკარგავ. რავარ ჭკუაზე მივა ის მშობელი სახლში, ცხოვრებაში პირველად რომ გამოიყვანა არენაზე თავისი პირმშო და პირველ დღესვე რომ დაუბრაკეს. აქ ძაღლების გამოფენა კი არ არის. თუ მედალი ვერ მიიღო, მეორე დღესვე რომ გაყიდი და უკეთესი ჯიშისას შეიძენ. აქ, ჩვენ, ჩვენი შვილებით ვართ მოსული. ტრისტან მანჯგალაძეს ალბათ ყელში აქვს ამოსული ბავშვები. რა ცივი ხმით უღრიალა წელან კედელთან თიკნებივით მობუზღუნებს, აქეთ გამოდითო, ერთი აბა ჩვენ გვკითხოს? ესენი ჩვენი ბარტყებია, ყველაზე სუფთა, ყველაზე ძვირფასი, რაც კაცს გააჩნია ამ ქვეყანაზე, ტრისტანის დაღრიალება და წაჯიკავება მინდა ახლა მე? იმნაირს წავუჯიკავებ, რომ დედამისმა ვეღარ იცნოს!“ – კარლომ თვითონვე იგრძნო, რომ ნერვებს აჰყვა და ღრმად შეტოპა, ამიტომაც უკან დაიხია და სხვა არხში გადააგდო ფიქრთა მდინარეობა.

– ნუ იჭიმები გლახათ, – უსაყვედურა თავის თავს. – არა, ახლა, რაკი შენი შვილია, ხელის გულზე დაისვამენ. ნუ გეშინია, კიდევ თვალეებს გადმოუქაჩავენ და თავშიც კარგად წაუტყყაპუნებენ, როცა საჭიროა. წინასწარ რად ითხრი თვალეებს თხუნელასავით. ჯერ გითხრა უარი ვინმემ? ჯერ სადა ხარ! არ გახსოვს, საბავშვო ბაღში მიღებაზე შენმა ცოლმა ცა და ქვეყანა რომ აანრილა? შენ მაშინ თავი არ შეგინუხებია, ვერ მოიცალე, ა, იჯექი ახლა და იწვნიე რას ნიშნავს შვილი. ამნაირ დღეში ბევრჯერ აღმოჩნდები. ჯერ პატარაა, წამოიზარდოს და მერე ნახე, თუ მეტი ვაჟკაცი არ ხარ და მეტი თავდაჭერა არ შეგიძლია, რად გინდოდა შვილი? ყოფილიყავი ქვეყნის სასაცილო „ხალასტიაკი“, რავარც იყავი ოცდათვრამეტ წლამდე“.

სოცდაზღვევის აგენტმა თავი შეაკანკალა, ამ უსიამოფიქრთაგან რომ განთავისუფლებულიყო. ბოლოს თავისი თავი დაარწმუნა: „მიღებით ჩემს შვილს კი მიიღებენ, მაგრამ მე ახლა იმაზე ვწუხვარ, გამარჯვებული სახით აქედან როგორ გავიდე, ამ უსათნოესი დედების შურით ავსებულ თვალეებს სად დავემალო, დამარცხებული მშობლები ხომ უსათუოდ იფიქრებენ, კაცია და ჩაანყო, ალბათ, თავისი შვილის საქმეო“.

– ოჯახობამ არ მომასვენა თორემ კი არ მინდოდა ჯერ მაგის ცეკვა, კონკურსში გასვლა – განაღებული კაცის იერით უთხრა კარლომ მუჭის სარკით გართულ მეზობელს.

– რატომ, რამდენი წლისაა? – სარკე ჩანთაში ჩადო და საკეტი დაატკაცუნა ცისფერთვალეებამ.

– ექვსისაა ჯერ, გაისად ნოლ ჯგუფში მიდის. მეშინია, არ დაიჩაგროს ამდენი დატვირთვით.

– არა, რატომ? – ყოვლისმცოდნის იერი მიიღო ქალმა, – სწორედ რომ დროა – საერთოდ, ცეკვას ბავშვი, რაც ადრე ისწავლის, უკეთესია. მერე საბალეტო სკოლაში არ გაუჭირდება. ჩემიც ექვსისაა...

– თქვენი დიდია ტანად, ქალბატონო, და ჩემი რალაც დაკონინებულივითაა.

– ჩემი მამისკენაა, მამა ყავს მაღალი.

კარლოს ძალიან აინტერესებდა, ვინ იყო და რა მოხელე იყო ამ მშვენიერი ქალის ქმარი, მაგრამ ამ ხაზით საუბრის

გაგრძელება ეუხერხულა და ისევ ბავშვების მომავლის ნაცად თემას დაუბრუნდა.

– საბალეტო სკოლაშიო, თქვენ ბრძანეთ?

– დიახ.

– ბალერინად აპირებთ თქვენი ქალიშვილის გაზრდას? – სინანულგარეული ხმით, დინჯად ჰკითხა კარლომ.

– აბა რა, როგორ, თქვენი არ გაჰყვება ცეკვას?

– არა, ქალბატონო, გოგოსთვის კიდევ ჰო და ბიჭს ბალეტში ვერ მივიყვან. ეს ერთი მყავს, სხვაც რომ მყავდეს, კიდევ ჰო. ბალეტისთვის გავაცდენ ბავშვს?

– თქვენ რა იცით, რას იზამს. იქნებ ისეთი ნიჭი აღმოაჩნდეს, რომ ქვეყანა გააოცოს. ნიჭს წინ რა დაუდგება! იქნებ დღეს თქვენი შვილის სახით დიდი მოცეკვავე იზადება! – პათეტიკურად თქვა ქალმა.

კარლო, ცოტა არ იყოს, შეფიქრიანდა, ნეტავ ფეხი მომტეხნოდა და აქ არ მომეყვანა. ვაითუ, ბალეტის მოცეკვავე გამომივიდეს და დავლუპო ბავშვიო.

მართალია, ამ საუბრიდან მკითხველს კარლო კიღურაძე ჩამორჩენილი კაცი ეგონება, მაგრამ დაბეჯითებით ვარწმუნებ, რომ მხოლოდ და მხოლოდ ბალეტის საკითხშია კარლო, ცოტა არ იყოს, გაუნათლებელი, სხვა მხრივ, მისი მდგომარეობის შესაფერისად, კულტურულიცაა და განათლებულიც.

ცისფერთვალემა ვერ ისვენებს. ადგება, კართან მივა, ერთხანს მომავალ მოცეკვავეებს ათვალეირებს, თავის გოგოს მოუხმობს, ცხვირს მოსწმენდს, თმას გადაუვარცხნის, ერთ-ორ გასამხნეველ სიტყვას ეტყვის, წელს ქვემოთ ხელს მოუტყაპუნებს და ისევ არენაზე დააბრუნებს. მერე ხელების ფშვნივით ვილაცას გამოელაპარაკება, ამასობაში თითქოს რალაც აუცილებელი საქმე აქვსო, კარლოსაკენ გამოიქცევა და გვერდით მოუსკუპდება.

კარლოს თავი ისე ღრმად დაუხრია, თითქოს გრძელ, გამჭვირვალე ცხვირს უბემი მალავდეს. ერთმანეთზე გადაბმულ ხშირ, შავ წარბებქვეშ შემუდრულ თაფლისფერ თვალეებს ხანდახან მზვერავივით, თავის აუნეველად მოავლებს იქაურობას, მერე ისევ თავის წალმის მსგავსად თხელ და მოქნილ თითებს დაუბრუნდება.

როცა მცირე შესვენების შემდეგ, დოლი ახალი ძალით აბრაგუნდა, მზეთუნახავმა ხელი სტაცა – ახლა თქვენი ბავშვის რიგიაო, ჩაჰყვირა და გაოგნებული კარლო დარბაზისაკენ გაარბენინა.

ქორეოგრაფის თანაშემწის კატეგორიულ უარს ყურადღება არ მიაქციეს, ნახევრად ღია კარში ჩადგნენ და ყურადღებად იქცნენ.

გოჩამ მამამისი შენიშნა, გაუცინა და ხელი დაუქნია.

– რატომაა ასე გამხდარი? – დაინტერესდა ცისფერთვალება მშობელი.

– არ ჭამს არაფერს – განზე გაიხედა კარლომ. რადგანაც ეს ყურადღებიანი დედიკო წინ, საკმაოდ საშიშ მანძილზე ედგა და მისი რბილი, საყვარელი თმების სურნელი პირდაპირ ტვინში სცემდა.

– იცის ბავშვმა ასე ხანდახან. ჩემი გოგო ზამთარში სუქდება და ზაფხულში ისე გახდება ხოლმე, რომ ლოყებში ლანდი გასდის.

ვერც მოზარდის გასუქება-გახდომის თემით დააინტერესა ქალმა კარლო, ლამაზი ყელი გაბუტულივით მოიღერა და კვლავ დარბაზს დაუბრუნდა.

ტრისტან მანჯგალაძემ „შემდეგი ათი“ გამოიყვანა, ხაზზე ჩაამწკრივა, თვითონ რამდენიმე ნაბიჯით დაიხია, მედოლეს ხელი აუქნია და შეშინებულ პატარებს ილეთი უჩვენა. ილეთი, კაცმა რომ თქვას, ძნელი არ იყო. ქართული ცაკვის რიტმზე გაშლილი მარჯვენა მკლავით და მკერდთან მოხრილი მარცხენით, ცეკვის ხვალინდელ ჯადოქრებს წრეზე უნდა ევლოთ.

– მივიღოთ ყველამ სანყისი მდგომარეობა! – ბრძანა ქორეოგრაფმა და დოლს ისევ აუქნია ხელი – სამამდე რომ დავითვლი, დავიწყებთ!

„სანყისი მდგომარეობა“ ყველამ მოხდენილად ვერ დაიჭირა. მარჯვენა ხელის საკითხი შედარებით იოლად გადაწყდა, მარცხენა კი ზოგს მაღლა ეჭირა, ზოგს კი ნაშურდულევი ბელურას ფრთასავით ჩამოეგდო ძირს.

– ერთი! ორი! სამი! – დაიღრიალა ტრისტან მანჯგალაძემ და ბავშვები ერთბაშად მოსწყდნენ ადგილს.

გოჩა მამამისს შესცქეროდა და დოლის უეცარმა ხათქა-

ხუთქმა თითქოს თავზარი დასცაო, დააბნია. ჯერ მარცხენა ხელი აინეპა მკერდზე და მარჯვენა მიაყოლა. ბოლოს ორივე ხელი უმწეოდ აიხუტა გულზე და ამასობაში წინ საკმაო მანძილზე წასულელებს დაედევნა. გაქცევა ვერ მოზომა და უკანა ბავშვს დაეჯახა. დოლი შეუბრალებლად ბრაგუნობდა. გოჩა თავისი პატარა ნაბიჯებით თავდაუზოგავად მისდევდა მოცეკვავეებს და თან მამამისს თვალს არ აცილებდა, მაგრამ უეცრად ტრისტან მანჯგალაძის ღონიერი ხელი მოხრილ მკლავში სწვდა და შეაჩერა. გოჩამ ღიმილით ამოხედა ქორეოგრაფს და თავისი ფართო, ცისფერი თვალები მაღლიერებით მიაპყრო.

– დაისვენე! – მკაცრად უთხრა მანჯგალაძემ და კედლისაკენ წაიყვანა. კონკურსის ცხრა მონაწილე კიდეც დიდხანს დარბოდა წრეში. გოჩა კი ბედნიერის იერით იდგა კედელთან და მამამისის გაფითრებულ სახეს რომ ხედავდა, უკვირდა.

* * *

...თავზე დოლჩამოხეული ქორეოგრაფი, ტრისტან მანჯგალაძე – „მილიცია“, „მილიციას“ ბლავილით კიბეზე კისრისტეხით რომ ჩარბოდა, მშობლები საშინელმა პანიკამ შეიპყრო. იმდენად ტრისტან მანჯგალაძე არ ეცოდებოდათ, რამდენადაც კონკურსის ჩაშლის ამბავი აშფოთებდათ.

გულადუღებულმა კარლო კილურაძემ კი ყველას თვალწინ, თითქოს უჩვეულო არაფერი ჩაედინოს, აუჩქარებლად ჩააცვა თავის შვილს და უკანა გასასვლელით ქუჩაში გაიყვანა.

მისთვის ახლა სულერთი იყო, რა ელოდა ამ „ხულიგნური საქციელისათვის“. გოჩასთვის ხელი მაგრად ჩაეველო და ფერწასულ ბავშვს თითქმის ძალით მიათრევდა. გოჩას ხელი სტკიოდა, მაგრამ თავის ახირებულ მამას შიშით ვერაფერს ეუბნებოდა.

კარლო კილურაძეს ბოლმისაგან გულ-მუცელი ეწვოდა.



გუჯუ

გუჯუ მაისურაძე ალაყაფის კართან იდგა და ღრიჭოდან მწვანეში ჩამჯდარ, თეთრ, ოთხსართულიან შენობას შეჰყურებდა. გაბარჯულ ჭადრებს შორის რას დაინახავდი. დაკეტილ ფანჯრებს მიღმა კაციშვილი არ ჭაჭანებდა. გუჯუს ცნობის-მოყვარეობა ჰკლავდა. ერთი სული ჰქონდა გაეგო, რა ხდებოდა იმ სახლში. ნახევარი წელი მალე შესრულდებოდა, რაც დობორჯგინიძის ქუჩაზე ეს ახალი დაწესებულება გაჩნდა და დანამდვილებით ვერავინ უთხრა გუჯუს, რა დაწესებულება იყო. დღეს შესვლაც სცადა, პირდაპირ, უცერემონიოდ შეაღო ჭიშკარი, მაგრამ ჯიხურიდან ხაკისფერშარვლიანი, სათვალ-იანი მოხუცი გამოვიდა და საშვი მოსთხოვა.

– უსაშვოდ არ შეიძლება?

უკან გაბრუნებას არ აპირებდა გუჯუ.

– არა, ბატონო. საიდან ბრძანდებით?

– ამ ქუჩაზე ვცხოვრობ, მეხუთე მოსახლე ვარ აქედან.

კარისკაცი დამშვიდდა.

– კეთილი და პატიოსანი, მაგრამ უსაშვოდ მაინც არ შეიძლება.

– სამჯს ვინ იძლევა? – დაინტერესდა გუჯუ.

– დირექტორი, ან მოადგილე. თქვენ ვისთან მიბრძანდებით?

– ჩემთვის სულერთია. საქმე კი არაფერი მაქვს, ისე მაინტერესებდა, რა ხდება შიგნით.

– შე კაცო, – ყურებიანი, დაბამბული ქუდის ქვეშ კეფა მოიფხანა დარაჯმა, – ფარსაგი არ მეგონა? მაგის გასაგებად მოხვედი ამ ყიამეთში?

მართლაც რომ უსიამო ამინდი იყო. თებერვალი ხვამლეთში საერთოდ თბილი იცის, მაგრამ, თუმცა ზამთრის ეს ბოლო თვე დღეებს ითვლიდა, თვით ზამთარი კი გვერდის შექცევას არ

აპირებდა. მზე მხოლოდ შუადღისას გამოიჭყიტებოდა და ისიც ნახევარი საათით, ქარი ძვალ-რბილში ატანდა. მართლაც და, თუ აუცილებელი საქმე არ ჰქონდა, ახლა ჭკუათამყოფელი კაცი თბილ ღუმელს არ მოშორდებოდა. ამიტომაც ქუჩაში იშვიათად თუ გაირბენდა ქარსიცივისაგან ლოყააღწილი მგზავრი.

– აბა, ვერ უნდა გავიგო, რა კეთდება ამ ჩემს ქუჩაზე? – გულწრფელად იკითხა გუჯუმ.

– რად გინდა, ჩემო იმანო, ამის გარდა ყველაფერი იცი ამ ქვეყანაზე? – დაამშვიდა კარისკაცმა მოცლილი მეზობელი.

– რაც არ ვიცი, არ ვიცი, მარა მთლად ასეც ხომ არ შეიძლება. თუ არ შეიძლება, ესეც გვითხრან და გვეცოდინება, რომ არ შეიძლება და არ ვიკითხავთ, ბატონო. აგერ ვცხოვრობ-თქვა, ქე გითხარით, მეხუთე მოსახლე ვარ.

– რა მოხელე, ბრძანდებით?

– რა მნიშვნელობა აქვს. უბრალო კაცი ვარ მე, მენაღე გახლავართ. იმისი არ იყოს, ოთხი მოსახლე აყარეს ამ ადგილას. ბინა გლახა ადგილას კი არ მიუციათ, მარა ჩვენ გული დაგვწყდა. ხომ იცი, რას ნიშნავს შეჩვეული მეზობლები. მერე, ჩემო ბატონო, ჯერ ეს უშველებელი ჭიშკარი მოიტანეს და დადგეს. რა საჩქარო იყო ჭიშკარი. ჭიშკარს ჩვენში სახლს რომ ააშენებენ, მერე შეჭედავენ ხოლმე, თვალისწამას ააშენეს ეს შენობა და შეიბუდრნენ შიგ ქათმებივით. არც ამბავი, არც ხაბარი. ვილაც პორთფელიანი კაცები მოგრიადებიან დილას ავტობუსით, ერთმანეთს ასწრებენ კარში, მოვა ხუთ საათზე ისევ ის ავტობუსი და წაიყვანს უკან. კითხვა ხომ არაა სირცხვილი? ამდენი ხანია ვყარაულობ და აქედან გამოსული ვერავინ გამოვიჭირე, რომ შეკითხვა მივცე, ლოთიანად რას შვრებით, რა ხდება შიგნით-მეთქი.

– არაფერი საინტერესო არ ხდება, შიგნით, ბატონო. ოთხ შვილიშვილს ვფიცავარ, თუ რამე ვიცოდე და დაგიმალო. დასათვალთვლებელი ნამდვილად არაფერია.

– მაინც, მაინც? – ყურს ხელი მიახმარა გუჯუმ.

– ოთახებია პატატრვანი. მაგიდებს უსხედან. ზოგი ახალგაზრდა, ზოგი ასე, ჩემი ხნისაც ქეა და წერენ. რას სწერენ,

რა ვიცი. მე ვინ მეტყვის. რაცხა კვლევითი ინსტიტუტიაო, მეცნიერები მუშაობენ შით. ესაა სულ.

– აგაშენა ღმერთმა, – გუჯუმ ტყავის ჯუბაჩა გაიხსნა, გალიფეს შარვლის ჯიბეში მარცხენა ხელი ჩაიყო და მარჯვენათი ბოხობი შუბლზე ჩამოინია, – მერე ამას დარაჯობ ეს თოფიანი კაცი?

– მეც მიკვირს, სიმართლე გითხრა. უსაშვოდ არ შეიძლება შესვლაო და რა მენაღვლება მეც.

გუჯუმ ნაქისფერი თვალეები ჯერ ფართოდ გააღო, მერე მოჭკუტა და ირონიული ღიმილით გახედა დარაჯს.

– დავიჯერე ახლა ყველაფერი, რავარც იტყვი, იმ წუთში. – ბოხობი იშვლიპა, – შემხედე თავზე, არც მე ვარ გუშინდელი ბუიტი, კაი ჩოჩორი ვარ მეც. ნუ გეშინია.

– ოთხი შვილიშვილი დავიფიცე, ბატონო, და ჩემს ბოვშებს შემოევლო ეს ინსტიტუტი თავის დირექტორიან-მეცნიერებიანად. ამგენის გულისთვის ჩემს ჩიტებს დავიფიცებ ტყუილზე?

– შემიშვი, აბა. მივივლ-მოვივლი პატარას და გამოვალ გარეთ.

– აიღე საშვი და შებრძანდი, – ცოტა არ იყოს ნაწყენი კაცის იერით უთხრა მოხუცმა.

– საშვს ვინ იძლევა? – უკან დაიხია გუჯუმ და ჭიშკრის რკინის მოაჯირს ტალახიანი ჩექმა დაუსვა.

– ხომ გითხარი, დირექტორი ან მოადგილე.

– მერე? მომცენ, აბა.

– რომელს იცნობ შენ?

– არც ერთს.

– ჰოდა, გამარჯობა შენი. ჯერ ერთი, პასპორტი გაქვს?

– რათ მინდა პასპორტი? – გუჯუმ დოინჯი გაიკეთა.

– ასეა წესი, ბატონო. ეს წესი ჩემი მოგონილი კი არაა. ჯერ უნდა დაურეკო დირექტორს ან მოადგილეს. თუ არ იცნობ, უნდა უთხრა, ვინ ხარ და რა საქმეზე. რომ დაუშვებენ საშვს, პასპორტს წარადგენ ეგერ იმ ფორტოჩკაში და გამოგიწერენ ქალაქს, იმ ქალაქს მაჩვენებ მე და მიბრძანდი-თქვა გეტყვი.

გუჯუს გაეცინა.

– არ გეკადრება ამხელა კაცს. შენი ლაპარაკიდან ხომ ჩანს ახლა, რომ ჩემისთანა უბრალო კაცი ამ ზღურბლს ვერ გადააბიჯებს.

– რა შუაშია უბრალო და ბრალიანი?

– რავა რა შუაშია. ჯერ ერთი, გითხარი, არავის ვიცნობ-თქვა. შენ მეუბნები, დაურეკეო. რომ დაურეკო და ვუთხრა: მე, მენაღე გუჯუ მაისურაძეს მაინტერესებს, რასაკვირველია, რა ხდება ჩემს ქუჩაზე ამ თქვენს შენობაში-თქვა. არ მეტყვის ის კაცი – შეაყოლე, კუტუნია აქედანო? მითხარი, ხომ მეტყვის?

– რა ვიცი მე! – მხრები აჩიჩა კარისკაცმა.

– გასაგებია, ბატონო, ყველაფერი. თქვენ ყოფილხართ, აბა აქანა და თქვენი ყოფილა ეს ქვეყანა. მოგეხასიათებათ – ჩვენც აგვეარეთ და გადაგვასახლეთ სადმე. ჩუმად ვიყოთ, არაფერი ვიკითხოთ, არაფერი ვიცოდეთ. ვუცადოთ ასე, ბრმა ქათამივით, როდის გვესვრიან ჭოლოკს ან როდის დაგვიგებენ ილინჭას?!¹ – ამ სიტყვებს გუჯუ ჭიშკრის გადაღმა, ქუჩაში ამბობდა. იგი აღელვებული იყო და ხმას უწევდა, მაგრამ ქუჩაში არავინ იყო, რომ მენაღის აღშფოთებისთვის ყურადღება მიექცია.

გუჯუმ ერთხელ კიდევ მოიხედა ჭიშკრისკენ. გულში ლაზათიანად შეუკურთხა ამ „საიდუმლოებით მოცული“ დაწესებულების ამ ქუჩაზე ჩამომთესლებელს, ჯუბაჩის შიგნით, ზურგზე შემოინყო ხელები და დობორჯგინიძის ქუჩას აღმა, ხიდისკენ გაუყვა.

* * *

კარიკაცმა მალე დაივიწყა ეს ახირებული მთხოვნელი.

ჯერ გაზეთები ათვალიერა, მერე ცოტა ნაუძინა კიდევ და მზის ჩასვლას მტკაველიდა აკლდა, როცა კვლევითი ინსტიტუტის ბუფეტიდან დამლაგებელ ქალს ძეხვი, პური და ლიმონათი მოატანინა. შავ პურს ქერქი შემოაცალა (კბილები ლალატობდნენ), ძეხვი წვრილად დაჭრა, ლიმონათს თავი უწყა და სადილობას შეუდგა. იღმურძლებოდა სვენებ-სვენებით, უგემურად.

¹ ილინჭა – მახე.

დოლ-გარმონის ხმა ყურის ძირში რომ მოესმა, ვინ მოცლილი ქეიფობს ამ ყინვაშიო, გაიფიქრა და ფანჯრის დაძონძილი ფარდა გადასწია.

ეტლი ალაცაფის კართან გაჩერდა.

კოფოზე, მეეტლის გვერდით, გახეთქილი მთვრალი გუჯუ მათურაძე იჯდა. სავარძელში მედოლე და მეგარმონე მოკალათებულიყვნენ.

„აბადა ბიჭო აღმასხანაა

ხან კაცი ხარ, ხან მასხარაა!“ – იჭაჭებოდნენ დამკვრელები. გუჯუ კი თითქოს ცაში აფრენას ლამობსო, ორივე ხელით მალა იწვედა და შიგადაშიგ გასამხნევებლად ჩაურთავდა: „რამპატა, რამპატა, რამპატა, რამპატა...“

გუჯუმ ჭიშკარს რომ შეხედა, კოფოდან ისკუპა და ცხვირის გატეხვას სასწაულებრივად მხოლოდ იმან გადაარჩინა, რომ მთვრალი იყო და სასხლავივით იკეცებოდა.

– გადააყენე გვერდზე და ფეხი არ მოიცვალო, – შეუბღვირა მეეტლეს, წამით ჩამოვარდნილ სიჩუმეში თეთრ სახლს გაუშტერა თვალი, მედოლე-მეგარმონე წინ გაიგდო და დასჭყა:

– შევედით! შენ დაუკარ!

დამკვრელებმა გაუბედავად გადააბიჯეს ზღურბლს. რა მეტი გზა ჰქონდათ, სათვალთანმა დარაჯმა, ესენი არ ხუმრობენო, ჭამა შეწყვიტა, თოფს სტაცა ხელი და მოქეიფეთა სამეულს წინ გადაუდგა:

– არ შეიძლება, მიადგით ფეხითქვა!

მუსიკოსები შედგნენ და ჯიუტ დამქირავებელს საწყლად შეაცქერდნენ.

გუჯუმ შუბლზე ხელი მოისვა. კარისკაცისკენ ნაბარბაცდა, იდაყვით განზე გასწია და გამეტებულად ჩაახვნემა:

– გადაშენდი იქით!

დამკვრელებს იქეთ-აქეთ ჩასჭიდა საყელოში ხელები, ჩაბნელებულ დერეფანში სული მოითქვა, ამაყად გახედა ინსტიტუტის ჩამქრალ ტალანებს და რაც ძალი და ღონე ჰქონდა დაიყვირა:

– შენ დაუკარ, თვარა მევიდა ვითოჟირი!

ატკრაცუნდა დოლი, აჭიკჭიკდა აკორდეონი.

„სასიდედრომ დამინუნაა!“

„რამპატა, რამპატა, რამპატა, რამპატა“, – მოხდენილად ჩაურთავდა გუჯუ და ხელებს მალა ისროდა.

„დამინუნა და მითხრა ვარი!

ჩემს შვილს არ გამოადგება

შენისთანა-და, ლოთი ქმარი!“

მოულოდნელი არაფერი მომხდარა. ერთიმეორის მიყოლებით იღებოდა კარი და დერეფანში გამოლაგებულ მეცნიერებს ჯერ სასონარკვეთა ეხატებოდათ სახეზე, მერე გაოცება და ბოლოს გაუბედავი, შემკრთალი ღიმილი. სათვალთანმა და უსათვალო, წვერიანი და უწვერო, ახალგაზრდა და ბებერი, სატინის სამკლავიანი და ლურჯხალათა – ყველა, ხარისხიანი თუ უხარისხო, გუჯუსკენ მოინეცდა. რკალი ნელ-ნელა ვინროვდებოდა.

დამკვრელები კარს დაჟინებით შესცქეროდნენ. თითქოსდა იმის თქმა სურდათ, რომ რაც ახლა კვლევით ინსტიტუტში ხდებოდა, მათი ბრალი სრულიადაც არ იყო. გუჯუ კი, ექსტაზში შესული გუჯუ, წრეში დააბიჯებდა და ცეკვის დანყებად ცოტალა აკლდა.

„ნეტავ იმ დღეს მოვსწრებოდე,

სასიდედრო მოკვდებოდეს,

სასიმამროც მიყვებოდეს,

ქალიშვილი-და, დამრჩებოდეს!“

„რამპატა, რამპატა, რამპატა, რამპატა“ – ტაშით დაქროდა გუჯუ.

გრიანებდა დოლი, იჭაჭებოდა აკორდეონი.

ამაოდ ირჯებოდა ინსტიტუტის კაფანდარა დირექტორი; იგი „ამხანაგო, ამხანაგო“ ძახილით უკან დასდევდა ექსტაზში შესულ გუჯუს. მეექვსე წრეს რომ ურტყამდა, ფეხი წამოჰკრა ნოხს და კინალამ გაიშოტა, ამიტომაც ხელი ჩაიქნია და ადგილკომის თავმჯდომარეს შეუძახა:

– სწრაფად აღკვეთე ეს უმსგავსობა, რას მიკეთებ, აბა, მეტს!

ადგილკომის შეფი, პეპელაჰალსტუხიანი, ქოსა მამაკაცი ენ-ერგიულად შეუდგა საქმეს. ჯერ დამკვერელებთან მივიდა და საჩვენებელი თითი ცხვირწინ გაუქნია, მაგრამ დამკვერელებმა თითქოსდა უსიამო სუნი ეცათო, მალლა და შორს გაიხედეს. მერე გუჯუს მივარდა, ვერც მუქარით გაანყო რამე და ვერც ხვეწნა-მუდარით.

ინსტიტუტის თანამშრომლები სიცილით იგუდებოდნენ და ახლა ადგილკომის თავმჯდომარეს დირექტორის რისხვა იმდენად არ ამინებდა, რამდენადაც თავის დაკარგულ ავტორიტეტს სტიროდა.

ბოლოს თვით „მთავრი დამნაშავე“ მოეგო გონს. დამკვერელები კარისკენ შეაბრუნა, ახლა თვით გაუძღვა წინ, ჭადრის ძირში ერთი საპატიო წრეც შემოატარა და მუსიკის შეუნყვეტლად ეტლისაკენ გააბიჯა.

კვლავინდებურად კოფოზე მოკალათდა, დოლ-გარმონის ოსტატები რბილ სავარძელში ჩაასვენა, ხელები ალაპყრო, ჭიმკარს მომდგარ მეცნიერულ პერსონალს მოხედა და დაიჭექა:

– ხეირი თქვენს საქმეს. ნავედით!

ეტლი თვალს რომ მოეფარა, კვლევითი ინსტიტუტის დირექტორი ტელეფონს ჩააციებულ დარაჯს თავს წაადგა:

– რეკავთ?

– ვერ გავედი ვერაფრით, სად სიკვდილში გაიკრიფა სუყველა.

დირექტორმა ყურმილი გამოართვა და თავის ადგილას დადო.

– არ ღირს. არ გვინდა. ნუ გავახმაურებთ. ბოლოს და ბოლოს, რა დაგვიშავა. ქეიფობდა კაცი, მეტი ხომ არაფერი.

– კი, ბატონო, რავარაც თქვენ გაგეხარდებათ, – დარაჯმა თოფი, რომელიც რატომღაც ჯერ კიდევ მუხლებს შორის ედო, კედელზე ჩამოჰკიდა.

დირექტორი კიბეზე ადიოდა და ფიქრობდა – „ნეტავ მსოფლიოს სამართლებრივ კოდექსებში თუ არის სადმე ისეთი მუხლი, რომელიც ამგვარ სიტუაციაში დამნაშავეს დასჯას ითვალისწინებს და თუ არის, რატომ უნდა იყოს“.

ქველი

1980 წლის 18 ივნისს, დაახლოებით ასე თერთმეტ საათზე, ერმინე სახამბერიძის ჭიმკარს შუახანსგადაცილებული, შავმოსასხამიანი კაცი მიადგა. ჯერ ეზოში გადაიხედა და კარგა ხანს უყურა ბატის ჭუკებს, რომლებიც კოინდარს ციცქნიდნენ და თავიანთ ბატურ ენაზე თავისმომბებრებლად ყიპყიპებდნენ, მერე მზის მხრიდან, კისერზე ტყავის საქალაღდე მიიფარა და თითქოს თავისივე ხმისა ეშინიაო, გაუბედავად დაიძახა:

– მასპინძელო!

ნაქცევებაზე მისული, კარმოლლეტილი ჩეჩმიდან ხუთიოდე წლის თავბურძგლა ბიჭი გამოვიდა და ჭიმკართან, უცნობის შორიახლოს, უხმოდ გაჩერდა. სარდაფიდან ნიფხვისამარა კანჭებჩაშავებული გოგო გამოხობდა და ბიჭს გვერდით დაუდგა. გოგონა დიდი-დიდი ორი წლით იქნებოდა უფროსი ძმაზე (უცნობმა ძმად იმიტომ მიიჩნია, რომ ბავშვები გაჭრილი ვაშლივით ჰგავდნენ ერთმანეთს). ყავრით დახურულ საქათმეზე წითური, ჭორფლიანი, ათიოდე წლის ბიჭი გადმოდგა. ერთხანს შორიდან ზვერაგდა უცნობს, მერე კატის ნაბიჯებით მოახლოვდა და შუაში ჩადგა. სამივენი კარგა ხანს უნდობლად, შიშნარევი მზერით, თავიდან ფეხებამდე ათვალეიერებდნენ შავმოსასხამიან კაცს. ბოლოს, ისე რომ უცნობისთვის თვალი არ მოუცილებიათ, სამივემ ერთდროულად დაიყვირა:

– დედააა!

ამ ძახილმა ერმინე სახამბერიძის მეუღლეს – პისტის სხვენზე მოუსწრო. ძველთაძველი სკივრი ეს-ესაა ამოასუფთავა და ჟანგისგან შეჭმულ, მამაპაპურ იარაღს სხვენზე ალაგებდა.

– მოვდივარ! – კრამიტის ღრიჭოს გასძახა, უშველებელ კაჟიან თოფს დაეყრდნო და სხვენიდან ჩამოხტა.

სტუმარმა მისკენ წამოსული, თავნაკრული, თოფიანი ქალი რომ დაინახა, გაეცინა.

– ნუ გეშინიათ ქალბატონო, მტერი არა ვარ. – იარაღს დააკვირდა, – ამის იმედზე ხართ? რაღა დროის კაჟიანი თოფია!

ბავშვებმა მრისხანედ ტუჩებმოკუმულ დედას შეხედეს და ერთად გადაიხარხარეს.

– მაპატიეთ, ბატონო, – თოფი გამხმარ ბალს მიაყუდა პისტიმ, თავსაფარი მოიხსნა და ყბებქვეშ ამოიმაგრა, – სხვენზე ამქონდა და ხელში შემრჩა.

სტუმარი ვერ იცნო, მაგრამ ჭიშკარი მაინც ფართოდ გაუღო და შინ შეიპატიჟა.

– ხომ მშვიდობაა, პატივცემულო?

– კი, ბატონო, მშვიდობაა. თქვენ ერმინე სახამბერიძის მეუღლე ბრძანდებით, ალბათ?

– კიე, ფარსაგი ხომ არაფერია?

– არაფერი-თქვა, ხომ გითხარით. სალაპარაკო მქონდა პატარა თქვენთან, თუ გცალიათ. თუ არა და სხვა დროს მოვალ.

– მოცლილი კუბოში წევს, ბატონო. ვინ მოგაცლის დღეს. შემობრძანდით.

პისტიმ შემოგებებულ ბებერ ძალს ნიხლი ნაჰკრა და უცნობს მორყეულ ხის კიბეზე აუძღვა.

გაზეთებაკრულ ხის ფარლალა ოთახში შმორის სუნი იდგა. სანოლები ისე იყო ახირხლული, რომ დევების ნაომარი გეგონებოდათ.

– გვაპატიეთ, ბატონო. ამათ ხელში დაალაგებ რამეს? – ბოდიშობდა პისტი და ოთახის მოწესრიგებას ამაოდ ცდილობდა.

– იყოს, ქალბატონო. ამ წუთში გეახლებით მე. – სტუმარი ჭილოფისძირიან სკამზე დაეშვა, მაგრამ საეჭვო ჭრაჭუნმა შეაშინა და ისევე წამოდგა.

– ლოგინზე დაბრძანდით, არა უშავს, ჩემო ბატონო. – შეაშველა მასპინძელმა.

მაღე დედა-წულნი შეზლონგზე გამწკრივდნენ და ერთნაირად იდაყვდაყრდნობილები უცნობს მიაჩერდნენ.

– თუ არ გენყინებათ. მარტო მინდა დარჩენა თქვენთან, – ძლივს ამოღერდა მოსულმა, მაგრამ ქალბატონ პისტის გაფითრებულ სახეს რომ შეხედა, სწრაფადვე დაუმატა: – ნუ გეშინიათ, ქალბატონო. მე გიგა ხაჩიძე გახლავართ, მხარეთმცოდნეობის მუზეუმში ვმუშაობ. ბალახვანში ვცხოვრობ, ხიდს

რომ გახვალ, იქვე, მარჯვნივ, პურის მაღაზიასთან მესამე მოსახლე ვარ. მავნეს და უბედურს ვგავარ მე?

– უშანგი გეცოდინებათ, აბა ჭეღია. – ჩაილაპარაკა პისტიმ, მაგრამ ეჭვის ნაპერწკლები არ გამქრალა მისი თვალებიდან.

– როგორ არ ვიცი, ცალთვალა უშანგი – მექუდე. გოგო გაათხოვა ახლა, ერთი კვირის წინ.

– ქვისლად მეკუთვნის უშანგი. ჩემი ქმრის გარე მამიდაშვილია, – ცოტათი დამშვიდდა პისტი, – არ უნდოდათ ეგ საქმე. არ არიან მაინცდამაინც კმაყოფილი სიძის. – ჩამოხტა და ბავშვებს შეუძახა:

– გადით გარეთ, ერთნამას!

ბავშვების მოცილება არც ისე იოლი აღმოჩნდა. დიდი ჩხუბის და ქაქანის შემდეგ ისინი, მართლია, კარს მიღმა აღმოჩნდნენ, მაგრამ სტუმარს არავითარი გარანტია არ ჰქონდა, რომ ჭუჭყურუტანიდან არ უთვალთვალდნენ.

– აქეთ მოინით, ქალბატონო, ბოდიშს ვიხდი, თქვენი სახელი?

– პისტი, – ოჯახის დიასახლისმა ოდნავ გამოაჩოჩა შეზლონგი.

გიგა ხაჩიძემ ტყავის საქალაღდე გაშალა, ქალაღდის შეკვრა ამოიღო, მიიხედ-მოიხედა და გაუწოდა.

– აქ ორი ათასი მანეთია, ქალბატონო პისტი.

პისტიმ დაუფიქრებლად გამოართვა.

– დათვალეთ თუ შეიძლება, ფულს დათვლა უყვარს. – გაუღიმა გიგამ.

სახამბერიძის მეუღლე დიდხანს, ბუტბუტით, ტუჩების ცმაცუნით, არაჩვეულებრივი გულმოდგინებით ითვლიდა. ერთი შემლა შეეშალა. თავიდან დაიწყო. ოცდახუთმანეთიანები და თუმნინანები ცალ-ცალკე დაალაგა თვლის გასაადვილებლად, სტუმარს მუხლისთვის თითები შემოეჭდო და შეჰყურებდა. ქალს კენიანი ცხვირი და ფოსოებში ღრმადჩამჯდარი, წაქისფერი თვალები ჰქონდა. ძველი, გაცრეცილი თავსაფრიდან (რომელსაც ბოლოებზე რატომღაც ღუზები ეხატა) ალაგ-ალაგ დაუვარცხნელობისგან აჩეჩილი თმა გამოსჩროდა. ფეხზე ყელწაჭერილი ჩექმები ეცვა და მღელვარებისგან, პირწმინდად ფრჩხილებმიჭრილი, უხეში თითები უკანკალებდა.

თვლას რომ მორჩა, ფული ისევ იმ გაზეთში შეახვია, ლეიბის ქვეშ საიმედოდ შეჩურთა, თავსაფარი შუბლზე ჩამოიქაჩა და სტუმარს მიაჩერდა.

– ქალბატონო პისტი, – გივას ხმა უკანკალებდა, – ეს ფული თქვენია და მოიხმარეთ როგორც გაგებარდებათ. ჩემი არ იყოს, არც თქვენ ყოფილხართ მაინცდამაინც ხელმომართული. ცოტათი მაინც წინ ნაგწევთ ეს ფული.

– არ დაიჯეროთ, ბატონო, მაგ ამბავი. ორი ათასი მანეთი უშველის ჩვენს გაჭირვებას? – პისტი განზე იხედებოდა და ისე ხმადაბლა და მღელვარებით ლაპარაკობდა, გეგონებოდათ, სტუმარს ჰბაძავსო, – ხუთი შვილი როგორი გასაზრდელია დღეს. ჩვენ პატიოსანი ხალხი ვართ. რვა წელი ვიმუშავე აბრეშუმსაქსოვში. რვა წელინადი მდულარეში მენყო ხელები და ყაჭს ვფურცენიდი. ა, ნახეთ რას ჰგავს ჩემი ხელები. ახლა, ვიმუშავებ კი არა, პურზე რომ გავალ, ბავშვებს სახლი თავზე აქვთ ნამოცმული. ჩემი ქმარია და გეცოდინებათ, ალბათ, რაც ავარია შეემთხვა, მანქანას აღარ ანდობენ და არასაუნყებოში კარისკაცად მუშაობს. ორი ათასი მანეთი კი, რასაკვირველია, ცოტას შეგვეწევა, მაგრამ გვეყოფა-მეთქი რომ გითხრათ, არ იქნება მართალი. შეხედეთ, რას ჰგავს ჩვენი ჭერი? წვიმა რომ მოვა, საბანზე გვასხამს პირდაპირ.

გიგამ პირი გაალო და რალაც სურდა ეთქვა, მაგრამ მასპინძელი ისე ჩქარა ლაპარაკობდა, რომ ველარ გაანყვეტინა.

– ის ავარიაც, გეცოდინებათ ალბათ, ჩემი ქმრის ბრალი კი არ იყო. მაგერ, კაცხის გადასახვევთან, აღმართზე გააჩერა მანქანა, თქვენთან ბოდიში მომიხდია, თავის კაცურ საქმეზე მიეფარა ხეს ერთნამს და მოგეხსენებათ მარცხის ამბავი, მანქანა მისით დაგორებულა, ეს უპატრონო, და ხრამში გადავარდნილა.

სტუმარი ნამოდგა, ჯიბეში ხელები ჩაიწყო და ფანჯარასთან მივიდა. შავ მუყაოსაგან გამოჭრილივით მოჩანდა უკნიდან მისი სუფთად გაპარსული, ლამაზი თავი და კეფაზე ანებებული ფართო ყურები.

– გაგიკვირდებათ, ალბათ, ქალბატონო პისტი, ამ ფულის ამბავი. – ყრუდ გაისმა ოთახში.

პისტი თავჩაქინდრული იჯდა და ხმას არ იღებდა. გივას

მოეჩვენა, რომ ერმინეს მეუღლეს გაკვირვებითაც მაინცდამაინც აღარაფერი უკვირდა.

– ეს ფული, – განაგრძო გიგამ, – ჩემი საჩუქარია. თქვენს ოჯახს ვაჩუქე. ისე, უბრალოდ, ხელისგასამართავად. მეტი არ მექონდა, თორემ მეტს მოგართმევდით. განა არ ვიცი, ეს ფული არაფერი არ არის დღევანდელ დღეს. – შემობრუნდა, საქალაღე აილო და კარისკენ გაიქცა, შეჩერდა, დიასახლისს ღონივრად ჩამოართვა ხელი, ღმერთმა მშვიდობით მოგახმაროსო, უთხრა და ეზოში გააბიჯა.

წვერწამახული ნაგვერდულების ღობეზე ოთხი თავი გამოეკიდა. პისტი და მისი შვილები დიდხანს შეჰყურებდნენ უცნაურ სტუმარს, რომელსაც პლაშის ქამარი მინაზე მისთრევდა და აბაშიძეების დელისკენ ისე მიეფარა თვალს, რომ ერთხელაც არ მოუხედავს.

* * *

გადასახლებიდან რომ დაბრუნდა, ორმოცდასამი წლის იყო. ისევ მუზეუმში დანიშნეს ექსკურსიათმძღოლად. მამაპაპეული ოროთახიანი სახლიც დაუბრუნეს. თითქოსდა არაფერი მომხდარიყო. თითქოსდა არც არსებობდა ის ცხრა ჯოჯოხეთური წელი მის ცხოვრებაში. შეცდომა იყოვო, უთხრეს და ურჩიეს, მაინცდამაინც აღარ დაინტერესებულყო იმ შეცდომის მიზეზებით. მამა ბავშვობაშივე ტვინის ანთებით დაელუპა, დედა – დაპატიმრების მეორე წელს. და-ძმა არ ჰყავდა. ამ გაღლეტილ სახლში ვინ მოვიყვანო, ცოტა ფულს დავაგროვებ და ცოლს შევიერთავო, იმთავითვე გადაწყვიტა. ხელფასზე გადარჩენილ მანეთებს პატიმრის გაკეთებულ ცხენისთავიან ყულაბაში ყრიდა. ისე შემოეფცქვნა წლები ხელში, რომ არც გაუგია. გუმინწინ ორმოცდათვრამეტის შესრულდა. შაბათი იყო, იჯდა შუშაბანდში და საოჯახო ალბომს ათვალთვრებდა. ნერვები მოეშალა. ფოტოსურათებზე თავის გაღიმებულ სახეს რომ დახედავდა, ეგონა, რომ იმ გულუბრყვილო ყმანვილს აღარაფერი ჰქონდა საერთო ორმოცდათვრამეტი წლის გიგა ხაჩიძესთან, გაგულისებულმა ყულაბას ბლაგვი დანით წაღიჯნა თავი და იატაკზე გადმოაპირქვავა. ორი ათას თერთმეტი მანეთი და

რვა კაპიკი შეგროვილიყო. რატომღაც უფრო მეტის იმედი ჰქონდა. ფულის დანახვამ სიხარული კი არ მოჰგვარა, თავის უმწეობაში დაარწმუნა. პირველი, რამაც გაუელვა გონებაში, – ის იყო, რომ ამ ფულით სახლს ვერ აიშენებდა და მანქანას ვერ იყიდდა. ცოლის შერთვის ხალისი მაინცდამაინც აღარც ჰქონდა. მარტო მყოფს მოეჩვენა, რომ ახლა ყველაფერი გვიან იყო. თითქოსდა ფუჭად, ზედმეტ კაცად ეცხოვრა ამ ქვეყანაზე და ახლა აზრიც აღარ ჰქონდა ყველაფრის თავიდან დაწყებას. მკლავებზე ხელის სმით და უცნაური ლულულით დააბიჯებდა წინ და უკან. კატას რძე რომ დაუსხა, ერთი აზრი დაეუფლა – ამდგარიყო და ეს ფული ერუქებინა იმისთვის, ვისაც წვრილშვილი ჰყავდა და ხელმოკლედ ცხოვრობდა. ვისაც ზუსტად ეცოდინებოდა, რაში დაეხარჯა. ამ ფიქრმა ისე გაახალისა და გაამხნევა, სტვენაც კი წამოიწყო. ეგონა, რომ ყველაზე ჭკვიანური გზა ახლა უპოვა წლების განმავლობაში კაპიკ-კაპიკ ნაგროვებს. ტანში აყრყოლებდა იმ სიამოვნებისაგან, რასაც ორი ათასი მანეთის ჩუქებით გახარებული კაცის სახე მოჰგვრიდა. წვრილშვილიანი და ხელმოკლე კაცის მოძებნა არც ისე იოლი აღმოჩნდა. ორი დღე იარა ქალაქის განაპირა უბნებში. არ უნდოდა ნაცნობისათვის მიეტანა. წელან პისტის რომ არ შეშინებოდა, არც თავის ვინაობას გაუმხელდა, უცნობისთვის უცნობისგან ორი ათასი მანეთის ჩუქებას მეტი ეფექტი ექნებაო, ფიქრობდა. დავუტოვებ ფულს, კარგად ყოფნას ვუსურვებ და გავეცლებიო. ამ დილით ვიღაცამ მიასწავლა, ერმინე სახამბერიძე ცხოვრობს ხიდსგალმა, ანდრია სინაურის ქუჩის ბოლოში და ხუთი შვილი ჰყავსო. გვერდზე გადაქაჩულ, ხის, ფანჯრებჩაშავებულ სახლს რომ შეხედა, მეზობლებში გამოკითხვა აღარ დაუნყია, მაშინვე მიხვდა, რომ იპოვა, ვისაც ეძებდა, დანარჩენი მკითხველმა უკვე იცის.

გახარებული და ნასიამოვნები როგორ არ იყო, ფრთაშესხმული მიაბიჯებდა თავისი სახლისკენ გიგა ხაჩიძე, მაგრამ გულს მაინც რაღაც აკლდა. თითქოსდა ყველაფერი ისე არ მოხდა, როგორც მოელოდა. „მადლობა მაინც ეთქვა ამ მამაცხონებულსო“, – ფიქრობდა პისტის მისამართით. ბოლოს დაასკვნა, ალბათ მოულოდნელმა სიკეთემ, სიხარულის ელდამ დააბნია ქალიო და თავისი თავიც დატუქსა, მე ხომ იმისთვის

არ გადამიდგამს ეს ნაბიჯი, სამაგიეროდ ხელზე საკოცნელად გამოშვერილი ტუჩები და მასპინძლის ყბებამდე გახეული ღიმილიანი პირი მენახაო. მინდოდა ხელმოკლე კაცს დავხმარებოდი, მორჩა და გათავდაო. დღეს თუ არა ხვალ ხომ გაიგებს, არაფრისთვის რომ ჩავიდინე ეს სიკეთეო.

ერთი სიტყვით ჩვენი გმირი ვალმოხდილი კაცის იერით, დამშვიდებული და სულდამცხრალი დაბრუნდა შინ და იმ ღამეს რომ ეძინა, რაც თავი ახსოვს, ისე ტკბილად არ სძინებია.

დილით ნასაუზმევი და ჩაცმულ-დახურული ეზოში რომ გამოვიდა, ონკანთან სარზეჩამოცმულ პატარა სარკეს ჩაჰკრა თვალი, შეჩერდა, ნიკაპზე ხელი ჩამოისვა, გასაპარსი ვყოფილვარო, დაასკვნა და შუშაბანდში შებრუნდა.

პიჯაკი ლოგინზე მიაგდო, ჩაიდნით თბილი წყალი გამოიტანა, ყელთან პირსახოცი ჩაიფინა და საპნის ქაფვას შეუდგა. ელექტროსაპარსს ვერ იქნა და ვერ მიეჩვია. მანქანის ლულუნი ნერვებს მიშლისო, მამაპაპური სამართებლით უფრო ჩქარა და საფუძვლიანად ვიპარსავო. თავლრანჭიანად გასაპნულმა აივნის ბოძზე სამუდამოდ მიჭედებულ ძველ ქამარს სამართებელი რომ დაუსვა, შენიშნა, რომ ჭიშკარს ზემოდან გადმოუყო ვიღაცამ ხელი და ასასხლეტს დაუნყო ძებნა.

– ქვევით! უფრო ქვევით და მარჯვნივ! – შეეხმიანა მასპინძელი.

ღია კარში მარჯვენა თვალზე შავი ტყავის რიდეაკრული, დაბალი, თითქმის უკისრო კაცი იდგა, რომელსაც თავზე ულაზათოდ გრძელკეპიანი ბუკლეს ქუდი ეხურა.

– ამობრძანდით ზევით! მე ბოდიში, ვერ გეახლებით ერთ-ნუთს!

სტუმარი დაუპატიჟებლადაც მშვენივრად მოიკვლევდა გზას. პარმალს რომ მოადგა, გიგამ მაშინვე იცნო უშანგი ჭედია და ბავშვობიდანვე ვერც ერთი შემთხვევა ვერ გაიხსენა, რომ ეს ბუსთავა მექუდე მის ეზოში შემოსულიყო.

– მაპატიე, უშანგი ბატონო, ამ ნუთში ჩამოვიბან, – გიგა წამოდგა, მაგრამ სტუმარმა ორივე ხელით დაიჭირა და თითქმის ძალით დასვა სკამზე.

– რვა გეკადრება. შენ მშვიდად იპარსე. რაღაცა ორი სიტყვა მაქვს სათქმელი, დამჯდარს გეტყვი თუ გაქცეულს, სულ-

ერთია ჩემთვის, – გიგამ ფანჯარაში გადაიხედა, – ისე, ხეხილი შენც დაგბერებია, ჩემი არ იყოს, ის გადაბელილი – ქლიავია? ონკანთან, მარჯვნივ.

– კორკიმელი. – გიგა პარსვას განაგრძობდა.

– გახმა?

– სანახევროდ. გადაბელიო მირჩიეს.

– რაია კორკიმელი, არაფერი არაა. მე შენ ადგილას ამოვძირკვავდი და თეთრ ბალს ჩავრგავდი, ან ატამს. მარა ატამიც გლახა მოსავლელია, ეს ოხერი. სამი ძირი მიდგას და ტანი ვერ აიყარეს, დაკონდა სამივე.

– მოვლა უნდა, უშანგი ბატონო. სულ აქ უნდა ტრიალებდე და სასხლავ-სარწყავი გეჭიროს ხელში. ახლა ისეა წამხდარი მინა, რომ უპატრონოდ ბალახიც კი აღარ იზრდება. დრო გინდა კაცს და ხალისი. მე, სიმართლე გითხრა, არც ერთი მაქვს და არც მეორე. – ნელ-ნელა სამართებლის ჩამოსმასა და ჩამოსმას შუა, ნაწყვეტ-ნაწყვეტად მიუგო მასპინძელმა, თუმცა მშვენივრად ხვდებოდა, რომ მისი გადაბელილი კორკიმელის ბედი ამჯერად უშანგი ჭედიას ყველაზე ნაკლებად აინტერესებდა.

– უკანაც ხომ გაქვს შენ ეზო?! – კვლავ შორიდან უვლიდა სტუმარი.

– არა, კაცო, სადაა, უკანა ეზო ახლა წაიღეს?!

ცოტა ხანს ჩუმად ისხდნენ. გიგამ პარსვა რომ დაამთავრა და წამოდგომა დააპირა, სტუმარმა მოსამზადებელი პერიოდი დამთავრებულად ჩათვალა და საქმეზე გადავიდა.

– ფულის დარიგება დაგინცია, გიგა ბატონო, – ამ კითხვაში ბევრი რამ იგულისხმებოდა და სხვათა შორის ისიც, რომ მე შენ მხარეს ვარ და ამ საიდუმლოს ჩემგან ვერავინ გაიგებსო.

გიგას გაეცინა.

– კი დავინყე, უშანგი ჩემო. რა მექნა აბა.

– გამოდის რამე? – მექუდემ ცალი თვალი მოჭუტა და წინ გადმოიხედა.

– ძალიან სარფიანი საქმეა, – გიგამ სიცილს უმატა, და პირსახოცი მხარზე გადაიგდო, წამოდგა და სტუმრის შეთქმულივით დაყურსულ სახეს რომ შეხედა, სწრაფადვე დასერიოზულდა.

– ხომ ვთხოვე იმ ქალს, არ გაახმაურო ეს ამბავი თქვა.

– ჩემი იმედი გქონდეს, გიგა ბატონო, – გულზე ხელი მიი-

დო მექუდემ, ირგვლივ მიმოიხედა და ხმას დაუნია, – სახამბერიძეები ჩემი შორებლები კი არ არიან. ერმინეს და მე ერთი ძუძუ გვაქვს ნაწოვი.

– რა მნიშვნელობა აქვს, მაგრამ არ მინდა ქვეყანამ გაიგოს. არ მიყვარს გახმაურებული საქმე, – გიგა ფანჯარას გადაეყუდა და ხელისგულზე ჩაიდნის წყალი დაისხა. უშანგი წამოხტა და ჩაიდანა გამოართვა.

– იყოს, იყოს, მე თვითონ... რაზე ნუხდები... დიდი მადლობა... – მასპინძელმა პირისახე შეიმშრალა, პიჯაკი ჩაიცვა და კიროვის სურათს მიშტერებულ მექუდეს გვერდით დაუჯდა.

– რასაკვირველია, ერთხელ ვთქვი იმისი არ იყოს... გახმაურებული საქმე ეშმაკისაა... მაგრამ ერთი კაცი მაინც გჭირდება ამ საქმეში. მარტო გაგიჭირდება... მე ასე ვფიქრობ, ჩემი ჭკუით, – უშანგის ხელები ბარძაყებში ჩაენწყო და გაქვავებულივით იჯდა.

– რა კაცი?

– შენიანი... ვინმე... ერთგული... უღალატო... ვთქვი მისი არ იყოს.

– ხუმრობ, უშანგი?

უშანგიმ ხმა არ გასცა.

– რად მინდა კაცი. მე ფულს კი არ ვჭრი, შე კაი ადამიანი იშვილო!

უშანგი ჭედიას არც ამ პასუხმა შეუცვალა იერი. იცოდა, რომ მასპინძელი ასე ადვილად არ ენდობოდა.

– დამიჯერე, გიგა, ჩემზე ერთგულ კაცს ვერ იშოვი. არ გინდა ჩემთან მასეთი ლაპარაკი.

– რა ლაპარაკი! შენ ხომ სრულ ჭკუაზე ხარ, თუ ძმა ხარ, ამ დილით! – გიგას სიბრაზისაგან ცივმა ოფლმა დაასხა.

– რა გაყვირებს? – უშანგიმ ჭიშკრისკენ გაიხედა, – მე შენთვის გეუბნები. რომ ჩავარდე, ხომ უნდა გყავდეს კაცი... ჭირისუფალი ვინმე... პერედაჩის მომტანი. თუ გინდა წილშიც არ გამოვალ, სამ პროცენტზე ვიქნები.

– რა წილი, რის წილი... – გიგას ჭიანჭველებმა დაურბინეს სხეულზე, ყელში ბურთივით რაღაც მოაწვავდა და თითები ერთბაშად გაუცივდა, – რა მაქვს საწილო. შე კაი კაცო. შენ იცი, რომ მე ის ორი ათასი მანეთი თხუთმეტი წელი ვაგროვე?

– ვისთვის? – უშანგიმ სხვათა შორის ჩაუგდო.
 – ჩემთვის.
 – თხუთმეტი წელი შენთვის აგროვე და მერე სახამბერიძეს მართავი საჩუქრად, ხომ? – მექუდემ საზარლად ჩაიცინა და ხელები მუხლებზე დაიწყო, – ვინ ჭამს ამას, ჩემო გიგა. რალაც მართალს ხომ უნდა ჰგავდეს, ვთქვი მისი არ იყოს.
 – მკვდარი დედის სულს გეფიცები, თუ ასე არ იყოს. – გიგას ხმაში მუდარა ისმოდა და ცალთვალამ მთელი საუბრის მანძილზე პირველად შეხედა მასპინძელს.
 – რავა გინდა, აბა ანი?
 – რა ანი?
 – ხვალდან ისევ დაინყებ ფულის შეგროვებას? თუ შეეშვები ამ საქმეს. დიდი დრო კი უნდა, მართალი ხარ, ახლა ერთი თხუთმეტი წელი უნდა ელოდოს ერმინე სახამბერიძე სანამ კიდევ ორი ათას მანეთს მიუტანდე, ხომ?! – გიგას არასოდეს არ სმენია ასეთი სიცილი. მექუდე კი არ იცინოდა, თითქოსდა ყეფდა. თოხივით კბილებს აელვებდა და მთელი ტანით ძიგძიგებდა.
 – არ გჯერა, ხომ? – ლამის ტირილით ჰკითხა მასპინძელმა.
 – რავა არ მჯერა. მაგისტანები მჯერა? მჯერა, აბა, არა?... შენ თუ გჯერა, მეც მჯერა... – უშანგიმ თვალთან ორი თითი მიიტანა, ჯერ უპეები მოიფხანა, მერე მსხვლი დაფანჩული წარბები გაისწორა და წამოდგა.
 – მე ჩემი გითხარი და ანი შენ იცი. კარგად იყავი, აბა... თუ რამე გადანყვიტო, ისევ იქ ვმუშაობ, მწვანეყვავილაზე. იცოდე, კარგი მინდა შენთვის, – ამ ლაპარაკით ჩავიდნენ ეზოში და ჭიშკარს რომ მიადგა, მექუდემ სინანულგარეული ხმით ერთხელ კიდევ ჩაუტაკუნა მასპინძელს... – ამხელა საქმეს მართოკაცი ვერ მოერევა... ვთქვი მისი არ იყოს; შენ ახლა ბავშვი აღარა ხარ. სანერვიულო საქმეა ეს... არ მეგონა, თუ მეტი არ ვიყავით ჩვენ ერთმანეთისთვის. მეტს არ მენდობი, შე კაცო?
 გიგა ხაჩიძეს ჭიშკრის მიგდებაც დაავინყდა, ერთხანს გადებელილ კორკიმელს დაეყრდნო სულის მოსათქმელად, სახეზე წყალი შეისხა და ქუჩაში რომ გამოვიდა, თავიც არ აუნევია მუზეუმამდე.
 მთელი დღე უგუნებოდ გაატარა. დანა პირს არ უხსნიდა. თორმეტ საათზე ორ ბებერ გერმანელს მოემსახურა და ისე

ჩქარა გარბოდა ექსპოზიციიდან ექსპოზიციისაკენ, რომ სტუმრები ძლივს ენეოდნენ. მოხუცი ცოლ-ქმარი უბოდიშოდ მიატოვა და თავის მაგიდას რომ მიუჯდა, მაღალმა, სახედამჭკნარმა სათვალთანმა გერმანელმა დამტვრეული რუსულით გააგებინა: დიდი მადლობა ასეთი საინტერესო საუბრისთვის, მაგრამ, თუ ნებას დაგვრთავთ, ცოტა ხანსაც დავრჩებით მუზეუმში. ზოგ რამეს უთქვენოდ დავათვალთვალავთ. გიგას შერცხვა, წამოდგა და ტურისტებს ბოდიში მოუხადა, უქეიფოდ ვარ და მაპატიეთ, რომ ვჩქარობდი, რა თქმა უნდა, რამდენ ხანსაც გაგეხარდებათ, შეგიძლიათ აქ ბრძანდებოდეთო. კაფანდარა გერმანელი დიდხანს ართმევდა ხელს და მადლიერი სახით ეგერმანულდებოდა. კიდევ კარგი მთელი დღის განმავლობაში სხვა არავინ შემოსულა. დოსტოვესკის „იდიოტი“ გადმოიღო, მაგრამ გული ვერ დაუდო.
 ხუთიოდე გვერდი წაიკითხა და, რაც არასოდეს დამართნია, მისი საყვარელი მწერლის კითხვისას, სიბრაზემ შეიპყრო, ყველაფერი, რაც იქ ეწერა, ავადმყოფურად და გაჭიანურებულად, ცოტა არ იყოს ყალბადაც მოეჩვენა.
 აღარც კი ახსოვს, შინ როგორ მოვიდა. დახუთული საღამო იყო და ადრე დავნებები, იქნებ, ჩამეძინოსო, გადანყვიტა. როგორც იქნა, ჩაეძინა, მაგრამ მაშინვე გამოელვინა.
 – გიგა! გიგა-თქვა! არ გესმის შენ! – ჭიშკართან ვილაც იძახდა.
 – ახლავე!
 ფოსტლებში ფეხი ტუცა და ფანჯარას ხელი ჰკრა:
 – ამ წუთში, ბატონო. რომელი ხარ?!
 – გვნახე ერთი აქეთ, თუ შეიძლება.
 გარეთ ბნელოდა და კოკისპირულად წვიმდა, ნიფხავ-პერანგზე სანვიმარი წამოიხურა და ეზოში ჩაფშლატუნდა. მალე თავიდან-ფეხებამდე განუმპულ, მაღალ-მაღალ, თავისფერსვიტრიან, წვერულვამგაბურძნულ კაცს შემოუძღვა. სინათლეზეც ვერ იცნო და შარვალს რომ იცვამდა, ერთხელ კიდევ მოუბოდიშა.
 – ჩამძინებია, ეს ოხერი. ვერ ვარ რალაც კარგად, დიდხანს იძახეთ? დაბრძანდით, – სკამი მიუჩოჩა.
 უცნობმა გრუზა თმანვერიდან წყალი ჩამოიწურა და ტაბურეტის სკამზე ცალმხრივ ჩამოჯდა.

– ერმინე გახლავართ მე, სახამბერიძე.
– რას ლაპარაკობ?! – გიგას თვალეები გაუბრწყინდა და ხელი ღონივრად ჩამოართვა, – კეთილი იყოს ჩვენი გაცნობა, ბატონო ერმინე.
– მადლობელი ვართ გუშინდელი ამბის, რასაკვირველია, – ღერღავდა ერმინე და ხელეებს იფშენებდა – მაინტერესებდა რაღაც ჩემთვის... ვითომდა ბოდიშს კი ვიხდი ასე გვიან შენუხებისთვის. მე ვთქვი... ასე გვიან რავა დანვებოდა-თქვა.
– პატარა თვალს მოვატყუებ-მეთქი და მიმძინებოდა, ბატონო. რაღაცა ვერ ვიყავი ხასიათზე, თორემ სადაა ძილი. გამოვყრუვდი ამ სახლში მარტო. ე, იმ კატის მეტი არ მიჭყავის არაფერი.
– ჰო... რა ვიცი... ზოგი, აბა, მე გეტყვი შენ, პირიქითაა, ერთი მარტო დამტოვა და ამ ბოვშების ჯიჯლინი არ გამაგონა და არ მინდა არაფერი-თქვა, ჩემთვის ვიტყვი, ხანდახან.
– რავა გეკადრებათ, ხუთი ბავშვის ფასი რაა ოჯახში, – მასპინძელმა იგრძნო, რომ იმას მაინც არ ლაპარაკობდნენ, რაც უნდა ეთქვათ და ერთბაშად მოიწყინა.
– გიგა, ბატონო, თქვენ რომელი ხაჩიძის ხართ? – სტუმარმა ისე ამოიხვნეშა, თითქოს გული ამოაყოლაო.
– არ გეცოდინებათ. მამაჩემი ადრე დაიღუპა. რაში გაინტერესებთ, ერმინე ბატონო?
– არაფერი... ისე... – ერმინემ ცხვირსახოცი ამოიღო და შუბლზე გაისვა.
– სულ არაობას, რად უნდა ლაპარაკი, ორი ათასი მანეთი სჯობია, მაგრამ...
– რა მაგრამ, ერმინე ბატონო? – მასპინძელი სმენად იქცა.
– რა და... კი არ უნდა ვამბობდე, მაგრამ, გითხრათ სიმართლე, ცოტა მეტს ველოდი.
– რატომ ელოდით ცოტა მეტს? – გიგა აიძრიზა.
– მეკუთვნის და იმიტომ. ჩემი ცოლი რვა წელიწადი ძაფსაღებში ჯახირობდა. რავარი ჩასანყობია, აბა, ნახეთ ერთი, ცხელ მდულარეში ხელები. საკეცესაც ვერ იკავებს წესიერად ახლა ნაკვერცხლის ასაღებად. მე ვარ და კარში დამაყენეს საღ-საღამათი კაცი. თუ მაგენი მანქანაზე დასმას არ მიპირებენ, მეტი უნდა გამოეგზავნათ.

– ვინ მაგენი?
– მთავრობა.
– რა შუაშია მთავრობა?!
– კი, ახლა ასე ითქმის. კაცის გადაგდებაზე ადვილი არაფერია. ორი ათასი მანეთი მირჩენს ხუთ ბავშვს?
– ჩემგან რა გნებავთ, ბატონო ერმინე? – გიგა ხაჩიძეს კეფა აენვა და ყურებმა შუილი დაუნყო.
– შენგან არაფერი. მე იმასთან მაქვს საქმე, ვინც ფული გამოგატანა. მე, შე კაი კაცო, ყრუ კი არა ვარ, ახლა რაკი შოფერი ვარ, არ მეცოდინება ვითომ ამ ქვეყნის არაფერი? ვინ სულელი გააჩერებდა სიჩქარეში ჩაუგდებლად აღმართზე მანქანას. სიჩქარეშიც იყო და ხელის მუხრუჭიც ამოჭიმული მქონდა, იქვე არ სწერია ექსპერტის დასკვნაში? იღბალია ყველაფერი ამქვეყანაზე. რაღა მე უნდა მომსვლოდა მაინცდამაინც.
– ჩემო ერმინე. მე არაფერი არ ვიცი. მე მთავრობასთან საქმე არა მაქვს. ჩემი ფული მოგიტანე და გაჩუქე. ჩემი ნაგროვები ფული. არ გითხრა მეუღლემ?
– კი, ბატონო, ჩვენ ასე გაუგებრები კი არ ვართ. გვესმის ყველაფერი, მაგრამ მე იმაზე მწყდება გული, რომ რატომ, კაცო, სხვას უარესი ემართება და ახალ მანქანაზე სვამენ. მე რა ქვა გავტეხე. მე თვითონ გავარემონტებდი. რამა მთელია და ძრავასაც არაფერი სჭირს ისეთი. რადიატორია მარტო გამოსაცვლელი.
– რატომ. რატომ... ალბათ, ცოტა ხანს კარისკაცად გამუშავებენ და მერე მოგცემენ მართვის უფლებას. თვითონ იციან თავის საქმე. კი არ ვიცი, როგორია წესი.
– მე რაკი ახლა ამ ორი ათას მანეთს დამაჯერეს, მაგენი ჩემთვის საბუთების დამბრუნებლები და საჭის მნდობლები აღარ არიან.
– რატომ არ გინდათ გაიგოთ, ამ ორი ათას მანეთს არავისთან არა აქვს კავშირი. ჩემი ჯიბიდან მოგეცით. ღმერთმა ალაღად მოგახმართო.
– ერთს ვიტყვი მე. – მცირე პაუზის შემდეგ თავი ასწია ერმინემ.
– ბრძანეთ.
– იმ ორი ათას მანეთს არ უნდა მოყოლოდა რამე საბუთი?

კვიტანცია, სიტყვაზე, მაგალითად? ხელი არაფერზე იყო მოსანერი? – ისევ თქვენსას ამბობთ?! – გიგას ნერვები მოეშალა, – თქვენ ჩემი სიკვდილი ხომ არ გინდათ. რა კვიტანცია. ჩემი ჯიბის ფული მოგართვით. წადით და იკითხეთ სადაც გინდათ!

– რას მიყვირი, თუ ძმა ხარ, შენ?! – ერმინე წამოდგა – თვალში ხომ არავის ვეპატარავები აქანა. ჯერ წესიერად გელაპარაკებით და მერე ვიკითხავთ, აბა, რას ვიზამთ. ჩვენ გზაც ქე ვიცით და კვალიც. ტყიდან გამოვარდნილი არავინაა დღეს.

– ვირო მადლიო, ასეა, ხომ, ბატონო ერმინე? – გიგა ძლივს სუნთქავდა. ნესტოები დაბერვოდა და ცხვირი გათეთრებოდა.

– კი ნუ გწყინთ, პირდაპირი ლაპარაკი, თქვენ, ნასწავლ ხალხს. ნერვები ჩვენც გვაქვს. ნუ გეშინიათ, ანგელოზები არა ხართ არც თქვენ. მე არაფერს არავის ვაბრალებ, მაგრამ არის შემთხვევები, არ არის?

– რა შემთხვევები?

– რა და ოთხასი მანეთი რომ გამოუყვეს კაცს და ორასი მომტანმა რომ გადაღუნა. ფული მწარეა. მე თქვენ კი არაფერს ვაბრალებთ, მაგრამ გარკვევა უნდა ყველაფერს, კი არ გეწყინოთ. ძმებშიც კი მოდის ანგარიში და ჩვენ რა ვართ ერთმანეთისთვის? არაფერი.

– მიბრძანდით და გაარკვიეთ, სადაც გაგეხარდებათ! – გიგამ თავისი ხმა ვერ იცნო. საფეთქლის ძარღვები უხტოდა და ნესტოები დასკდომაზე ჰქონდა.

კიბეზე რომ დაეშვნენ, ერმინე შეჩერდა და სიბნელეში ცხვირი ყურთან მიუტანა მასპინძელს.

– ერთი ეს მითხარი. ჩემს ცოლს იცნობდი ადრე?

– რომელ შენს ცოლს?

– რომელსაც მიუტანე ფული. აბა, სხვა არ მყავს მე.

– პისტის?

– ჰო.

– არ ვიცნობდი, პირველად ვნახე, – გიგა ხაჩიძე მიხვდა, საითკენ გადაუკაკუნა სტუმარმა, – არ გრცხვენია, ერმინე? კაცი მგონიხარ შენ მე.

– ვინცაა ჩვენ შორის კაცი, იმას გაარკვევენ, სადაც ადგილია. მე კაცი ვარ თუ პროპკა, არავის საქმე არაა მაგი. არაფერი არ დაიმალება ქვეყანაზე, იცოდე ეს... არ დაიმალება

არაფერი, – გაცრით, სისინით, დაქადნებით ჩაილაპარაკა ერმინემ და სიბნელეს შეერია.

თავსხმაში თავის ჭიშკართან დიდხანს იდგა გიგა ხაჩიძე და წყვდიადს გაჰყურებდა. გული ხელით ეჭირა. ცრემლი და წყალი ჩამოსდიოდა ღანვებზე.

ქუჩაში კაციშვილი არ ჭაჭანებდა.

ერთ კვირას აღარავის შეუწუხებია.

იმ დღეს მუზეუმის თანამშრომლები ჩაის საკრეფად წაიყვანეს და ვახშობა კარგა ხნის გადასული იყო, შინ რომ დაბრუნდა.

ეზოდანვე შენიშნა, შუშაბანდის კარი ღია იყო. შეშინებით არ შეშინებია (რა ჰქონდა მოსაპარავი), მაგრამ ღრმად დარწმუნებულმა იმაში, რომ დილით კარი გამოიკეტა (გასაღები მოეშალა და ახლის შექენა შეუგვიანდა). სიბნელეს შესძახა.

– რომელი ხარ?!

წყვდიადს ლანდი გამოეყო და კარს შიგნიდან მოადგა.

– სტუმარი ვარ, არ შეგეშინდეს, თუ კაცი ხარ.

ახალგაზრდული, უცნობი ხმა იყო.

გიგამ კიბე სწრაფად აიარა და სიბნელეში ხელის ფათურით, ძლივს მოძებნა ღილაკი.

მის წინ ლამაზად თმაგადავარცხნილი გამხდარი, ცხვირნი-სკარტა, ტანმორჩილი სათვალისანი ბიჭი იდგა. ოცდახუთიოდე წლის იქნებოდა. თეთრ პერანგზე მსხვილად განასკვული კოპლებიანი ჰალსტუხი ეკეთა და პიჯაკის გულის ჯიბეშიც ჰალსტუხისფერი, განგებ ამონეული ცხვირსახოცი ედო.

– არ გეწყინოს, თუ გიყვარდე, ხუთი საათია გიცდი, ჩამოვწყდი ფეხზე ეზოში. პატარა რომ წამოწვიმა, მე ვთქვი, გადახურულში კიბეზე დავდგები-მეთქი. ზურგით მივანექი კარს და არ გაიღო? ეტყობა ღია დაგრჩენია ამ დილით. ქე შემოგვდი და ვდარაჯობ აგერ შენს სახლს, პატარა საქმეა?

– კარს არ ვკეტავ საერთოდ. ვის დაუჭკეტო? ქურდს, ჩემთან ქუდი რომ შემოუგდო არ შემოვა.

– სწორი ხარ. ქურდმა იცის, ვის მიადგეს კარზე.

გიგას არ მოეწონა ღამეული სტუმრის გამინაურებული კილო, მაგრამ ყმანვილმა პირადობის მოწმობა რომ აჩვენა, გაუკვირდა, ხელის დაბანაც კი გადაიფიქრა, ოთახიდან დაწნუ-

ლი სკამი გამოიტანა და სტუმარს დაუდგა. თვითონ ტაბურეტზე ჩამოჯდა და სმენად იქცა.

– მიხვდებოდით, ალბათ, რა საქმეზე ვარ მოსული. – ყმანვილმა სათვალე მოიხსნა, დაიორთქლა, ცხვირსახოცით გულმოდგინედ განმინდა და გაიკეთა.

– ვერა? – მასპინძლის უარში უფრო მეტად კითხვა ისმოდა.

– ერმინე სახამბერიძე იყო ჩვენთან.

– მიჩივლა?

– ჩივილი რა შუაშია. აინტერესებს იმ კაცს, რა, რატომ, რანაირად. შენ რომ იყო მის ადგილას, შენც ასე არ იზამდი?

– რა აინტერესებს?

– არ გინდა ახლა ჩემთან ასეთი ლაპარაკი. გუშინდელი არც შენ ხარ და, მაღლობა ღმერთს, ჩვენს საქმეშიც კარგად ერკვევი. მე პატარა კაცი ვარ, ქე იცი შენ. დამავალეს გაარკვიეო და ხუთი საათია ვყურყუტებ შენს კიბზე. ძალიან კარგად იცი, რაც აინტერესებს სახამბერიძეს.

– ხომ ავუხსენი ყველაფერი. თქვენთან რა უნდოდა?

– ჩვენთან რომ მოვიდა, უნდა გიხაროდეს. აბა, ის გირჩევნოდა, მილიციაში და სასამართლოში წასულიყო? გავარკვევთ აგერ ყველაფერს, მოვახსენებ უფროსს. დაიბარებენ სახამბერიძეს, აუხსნიან საქმის ვითარებას და მორჩება საქმე. ასე არ სჯობია? – სათვალეანმა ეს ბოლო სიტყვები არაჩვეულებრივი ექსტაზით წარმოთქვა და გახარებულმა ტაშიც კი მოაყოლა.

– მე გასარკვევი არაფერი მაქვს. ჩემი დანაზოგი, ხელფასზე გადანარჩენი ორი ათასი მანეთი მიუტანე წვრილშვილიან, ხელმოკლე კაცს ერმინე სახამბერიძეს და ვაჩუქე. არ შეიძლება?

– რა?

– ჩუქება.

– ვთქვი მე, არ შეიძლება-მეთქი? რა ნიშნისმოგებით მელაპარაკები, შე კაცო. რატომ გაქვთ ყველა რეაბილიტირებული ერმინე ტონი.

– თუ მიცნობთ მე თქვენ, მაშინ ისიც გეცოდინებათ, რისთვის ვარ რეაბილიტირებული.

– კი მაგრამ, რატომ გგონიათ რეაბილიტირებულებს, რომ ხელმეორედ თქვენი დაჭერა არ შეიძლება, თუ რამეს დაამავებთ, რასაკვირველია.

– ჩვენ უკვე ვიჯექით სხვის მაგივრად კაი ხანს და შენ ცოტა სიტყვებს დაუკვირდი, თუ ძმა ხარ. შენნაირი კაგებს ინსტრუქტორებიც მინახავს ოთხზე გაკრული.

– რა ვთქვი ახლა მე ისეთი, – ინსტრუქტორმა ჩაიცინა და ფეხი ფეხს გადაადო, – ჩემი შეცდომა რა არის იცი? მე რომ მოვედი ჩემი ფეხით. უნდა გამომეგზავნა მანქანა, უნდა ამომეყვანე იქ და მაშინ სხვანაირ ხმაზე ილაპარაკებდი.

– შენ კრუხის თავი ხომ არ გიჭამია, თუ ძმა ხარ, დღეს. შარს არაფერს შემამთხვიო, საშენო ნერვები კაი ხანია დამანყვიტეს. თქვი, რა გინდა და გაათავე! – თავი ვერ შეიკავა გიგამ და იმწამსვე დაასკვნა, არ ვიქცევი კარგად, ამ ლანჩარაკს ლაპარაკში არ უნდა გავყვე, ვინ იცის, რა უდევს გულშიო.

– ესე იგი დანაზოგი ფული მიუტანე ერმინეს?

– დიახ.

– საჩუქრად?

– საჩუქრად.

– თუ იცნობ სხვას ვინმეს, ვისაც ასე შენსავით ფული ეგროვებინოს და მერე სხვისთვის ერუქებინოს?

– არა.

– შენი ძმაკაცებიდან ხომ არავინ აპირებს ამის გაკეთებას?

– არ ვიცი.

– აბა, კარგად გაიხსენე.

– ვერ ვიხსენებ.

– შენ თვითონ გადანყვიტე, სახამბერიძეს დახმარებოდი, თუ გირჩია ვინმემ?

– მე თვითონ.

– რალა ერმინე ამოარჩიე.

– ვერ გავიგე?

– რალა ერმინე სახამბერიძეს მიუტანე მაინცდამაინც ფული და არ მიუტანე ვთქვათ, ვასო ხურცილავას. შენგან მეხუთე მოსახლეა ამ ქუჩაზე. იმასაც ხუთი შვილი ჰყავს.

– არ მინდოდა ნაცნობთან მიმეტანა. თანაც ვასო ხურცილავას ღმერთმა მისცეს და არაფერი უჭირს ჩემი დასახმარებელი.

– ერმინეს იცნობდი ადრე?

– არა.

- მის ცოლს?
- არც მის ცოლს.
- ვინ მიგასწავლა ერმინესთან?
- არ ვიცნობ. ქუჩაში მიმავალს ვკითხე, თუ ცხოვრობს აქ ვინმე წვრილშვილიანი, ხელმოკლე კაცი-მეთქი.
- რას ეძახი ხელმოკლეს?
- ერმინე სახამბერიძისთანა ოჯახს.
- რომ მიხვედი, მისმა ცოლმა თვითონ გითხრა გვიჭირს და დაგვეხმარეო?
- არ უთქვამს.
- არ გვიჭირსო გითხრა?
- მე არ მიკითხავს.
- აბა? მიიხედ-მოიხედე, რაკი შეატყვე, რომ ქერზე ძვირფასი წალი არ ეკიდა, დაასკვენი, ამ ოჯახს უჭირსო, შეუკუშნე ორი ათასი მანეთი ლეიბსქვეშ და გამოიქეცი?
- ლეიბსქვეშ თვითონ შეკუშნა. მე ხელში მივეცი.
- დათვალა?
- კი.
- ნაჩუქარ ფულს რა დათვალა უნდოდა. ვთქვათ ათი მანეთი აკლდა, არ მოკიდებდა ხელს?
- არ ვიცი.
- არც იმ კაცის სახე გახსოვს, ვინც ერმინესთან მიგასწავლა?
- მახსოვს.
- ?!
- ცხვირზე მეჭეჭი ჰქონდა და ცალი ულვაში მწვანედ შეღებილი.
- მე სერიოზული კაცი მგონიხარ, რას გლახაობ.
- არ დავკვირვებივარ... რა ვიცი... ხელმეორედ რომ შემხედეს, შეიძლება ვიცნო.
- რატომ უთხარი, მარტო მინდა თქვენთან დარჩენაო?
- ვის?
- პისტის.
- არ მინდოდა, ბავშვებს ფული დაენახათ.
- მადლობა გითხრა პისტიმ?
- არ უთქვამს.

- რატომ არ უთქვამს თუ იცი?
- არ ვიცი. ეს მისი საქმეა.
- თუ გაინტერესებს, მე გეტყვი. რაც შენ გააკეთე, სიკეთე არ არის. ან, უფრო სწორად, გულუბრყვილო, სულელური სიკეთეა. მე ძალიან მინდა, დავიჯერო, რომ შენ მართლა და მართლა უბრალოდ, არაფრის გულისთვის ხელისგასამართავად აჩუქე ფული სახამბერიძეს, მაგრამ ვერ ვიჯერებ. შენ კარგად იცი რატომ. ეს ყველაფერი შეთხზულს და მოგონილს ჰგავს. ადამიანები კარგა ხანია გადაეჩვივნენ ასეთი „სიკეთების“ ჩადენას. შენ თუ სახამბერიძის პატივისცემა გინდოდა, რაღაც სხვა ფორმით უნდა გეცა. მე ახლა ისე გელაპარაკები, თითქოს შენ რაც მითხარი, ყველაფერი მართალი იყოს. არ გიფიქრია იმაზეც, რომ პისტის და ერმინე ჩათვლიდნენ, თითქოს შენ ეს ფული კი არ აჩუქე, არამედ მთავრობამ დააჯილდოვა და შენი ხელით გაუგზავნა?
- არ მიფიქრია.
- ჰოდა, ის კაცი, ვერაფრით დავარწმუნეთ, რომ შენ მისი ფულის ნაწილი არ მიგითვისებია.
- ეგ ყველაფერი მის კისერზე იყოს. მე არ მაინტერესებს, რას იფიქრებს ჩემზე ერმინე სახამბერიძე.
- არა ხარ მართალი. შენ მას ფული სწორედ იმიტომ მიუტანე, რომ ძალიანაც გაინტერესებს, რას იფიქრებს შენზე ერმინე სახამბერიძე.
- ეგ თქვენი აზრია.
- რა ხნის ბრძანდებით?
- ორმოცდათვრამეტის.
- მერე ამ ხნის კაცმა როგორ არ იცით, რომ თქვენს უაზრო ხელგაშლილობას დღეს ვერავინ გაიგებს. ახლა სხვა დროა.
- რა დროა?
- რა დროა და ხალხოსნური ქველმოქმედება მოდაში აღარ არის. კაცისთვის ორი ათასი მანეთის ჩუქებას დღეს დამცირების, შეურაცხყოფის ელფერიც ახლავს.
- ეგეც თქვენი აზრია, სიკეთეს მოდა არ გააჩნია.
- აბა, კარგად დაფიქრდით. ხომ შეუძლია თავმოყვარე კაცს – ერმინე სახამბერიძეს – გითხრათ, ვინ არის შენი ორი ათასი მანეთის მათხოვარიო.

გიგა გაჩუმდა. მან ჩათვალა, რომ ამ ენაჭარტალა ყმანვილთ-
ან კამათს აზრი არ ჰქონდა. თუ რამეს მკითხავს – ვუპასუხებ,
თუ არა და ვიქნები ჩემთვისო.

სტუმარი წამოდგა.

– საერთო სურათი ჩემთვის ნათელია. ცოტა რალაცებია
კიდევ დასაზუსტებელი და შეიძლება ჩვენთან შემოვლამ მო-
გინიოთ ერთხელ. კარგად ბრძანდებოდეთ. – თქვა მან, კარს
უკან კუთხეში მიდგომული პატარა, შავი ჩემოდანი აიღო და
კიბე მსუბუქად ჩაირბინა.

რამდენადაც წელან იმ კაცის ფამილიარული ტონი არ მოე-
წონა, იმდენადვე არ ეხამუშა ახლა მასპინძელს მისი უეცარი
გაუცხოვება და „თქვენობაზე“ გადასვლა.

* * *

ღამის სამ საათზე თეთრ ხიდს წულუკიძის ბაღის მხრიდან
კაცი მოადგა.

ქარის სისინი და რიონის ღრიალი ერთმანეთში ისე არეული-
ყო, რომ სხვისას კი არა, საკუთარ ხმასაც ვერ გაიგონებდი.

ქალაქი მიტოვებულს ჰგავდა.

აბანოს კარის თავზე ბუჭტავდა მარტო ერთადერთი ყვი-
თელი ნათურა და იქვე, ასფალტზე ფეხებწაშვერილ, თავზე
ყაბალახჩამოფხატულ, უთოფო დარაჯს ეძინა.

კაცი დიდხანს, ძალიან დიდხანს ჩაჰყურებდა რიონს.

მერე წელში გაიმართა.

ქუდი მოიხადა და გადააგდო.

სწრაფად მიაყოლა მოსასხამი, პიჯაკი, ჰალსტუხიცი კი.

მოაჯირს გადააბიჯა და...

თითქოს ვილაცამ დაქაჩაო, შემოტრიალდა, უკან გადმოიწია
და გადმოხტა. შუახიდაზე გაიქცა და კარგა ხანს ისმოდა სიბნე-
ლეში მისი ფეხების ტაკატუკი.

ის უხილავი ძალა არ მოგეშალოს, ძვირფასო მკითხველო,
შენი ცხოვრების ყველაზე მძიმე წუთებში...

ლუიზა

ახალგაზრდა გინეკოლოგი ბახვა კანთელაძე სამსახურში
მიდიოდა. ცვლა ოთხზე ეწყებოდა. ამ ერთ საათში, იქნებ ბენ-
ზინის ჩასხმა მოვასწროო, ელბაქიძის დაღმართზე ჩაუხვია.
„ივერიასთან“ გოგონამ გამოირბინა გზაზე და ხელი დაუქნია.
ექიმს ნაცნობი ეგონა, ჯერ სარკიდან გახედა, მერე უკანს-
ვლით დაძრა მანქანა და გოგონას ცხვირწინ დაამუხრუჭა.
დიდად არ გახარებია ნაცნობის გამოჩენა, ბენზინის ჩასხმას
ველარ მოვასწრებ, ვინ იცის, სად ცხოვრობსო. ქალიშვილმა
უკანა კარი რომ გამოაღო და დაჯდა, ბახვა დარწმუნდა, რომ
პირველად ხედავდა, ინანა, რატომ გავაჩერეო.

– გამარჯობათ.

– გაგიმარჯოთ?! – კითხვა გაურია სალამში ბახვამ.

ქალიშვილი სავარძელში არხეინად მოკლათდა და ბახ-
ვას მოეჩვენა რომ დაუპატიჟებელმა მგზავრმა სარკეში ენაც
გამოუყო. ლამაზი იყო. მრგვალი მუხლისთავეები, ცისფერი
თვალები და ცისფრადვე ამოღებილი, მაღალი ქუთუთოები,
სწორი ცხვირი, პომადანასმული ვნებიანი ტუჩები და გრძელი,
სწორი, ყვრიმალეებზე დაშვებული ფერფლისფერი თმა ჰქონ-
და, იაფფასიანი ბუკლეს ქრელი პალტო და ალუბლისფერი
ჩექმები ეცვა.

– მაპატიეთ, ნაცნობი სახე გაქვთ და კი ვერ მოგიგონეთ.

– როგორც ჩვეულებრივად იწყებენ ხოლმე საუბარს უცნობ
ქალიშვილთან, ბახვამაც ისე დაიწყო.

– არაფერიც, მე თქვენ პირველად გნახეთ. – ქალიშვილმა,
ცოტა არ იყოს, ყალბი კეკლუცობით უპასუხა და გაუცინა.

– რაკი ასეა, ვიცნობდეთ ერთმანეთს, ბახვა. – ბახვამ მარ-
ჯვენა ხელი უკან გადასწია და გოგონას მუხლებზე დაადო. –
ლუიზა, – ბახვამ თავის ხელში ქალის გრილი, რბილი თითები
იგრძნო და მოუჭირა.

„არაგვთან“ მაღლა ამოუხვია და გმირთა მოედანს წრე
დაარტყა.

– საით წავიდეთ, ლუიზა?
 – გცალიათ? – ლუიზა წინ გადმოიხარა.
 – ახლა რომელია?
 – მე არ მაქვს საათი.
 ბახვამ ჯიბიდან საათი ამოიღო და გაუნოდა.
 – ნახე. მოსამართს თითი დააჭირე და გაიღება.
 – ოთხის თხუთმეტი წუთია.
 – ოთხზე სამსახურში უნდა ვიყო, ლუიზა, თორემ რა სჯობია შენთან გასეირნებას.
 ლუიზამ მოიწყინა.
 – თუ დათვლილი წუთები გქონდა, რა ძალა გადგა, რას მიჩერებდი მანქანას, შე კაცო.
 – ნაცნობი მეგონეთ.
 – ნაცნობებზე მეტი ვიქნებოდით დრო რომ გქონდეს.
 ბახვას ჯერ გული აურია ლუიზას კდემამოცლილმა პირდაპირობამ. მერე, კაცმა რომ თქვას, მოეწონა კიდევ ქალის შეულამაზებელი სითამამე. „არ მაღავს, რაც არის; მორჩა და გათავდა. მაინცდამაინც მთვარეზე უნდა დაგინყოს ჯერ ლაპარაკი, ნერვები მოგიშალოს და მერე შეცდენილი ქალის ნიანგის ცრემლები ღვაროს?“ – გაიფიქრა მან.
 – სხვა დროს, სად შეიძლება შენი ნახვა, ლუიზა?
 – სხვა დრო რად გინდა, ჩემს შეყვარებას ხომ არ აპირებ?
 – არა. ისე... ტელეფონი თუ გაქვს-მეთქი.
 – ტელეფონი კი არა, ბიჭო, ღამის გასათევი არა მაქვს. ხან ერთ დაქალთან ვათევ და ხან მეორესთან.
 ხომ ასე ჰაიჰარად, უდარდელად პასუხობდა ლუიზა, მაგრამ ბახვამ მაინც შეამჩნია მის გამოხედვასა და საუბრის იერში შეფარული ღრმა სევდა.
 – „ივერიასთან“ მიმიყვანე ისევ, თუ არ შენუხდები, და ნავალ ჩემს გზაზე, – ბოლო სიტყვები გოგომ თითქმის ტირილით თქვა.
 ბახვას შეეცოდა იგი და გაიფიქრა, მოდი, სოსო კვახაძეს მივუყვანო.
 – ჩემს ძმაკაცთან რომ მიგიყვანო, ლუიზა?
 – სიმპათიურია? – ლუიზამ სხვისი ხმით იკითხა.
 – შენთვის რა მნიშვნელობა აქვს, კაი ბიჭია, პატივს გცემს.

– პატივისცემაში ხომ არაა საქმე, ადამიანი ცოტა ხომ უნდა მოგეწონოს. მე ისე არ შემეძლია.
 – მოგეწონება, მოგეწონება.
 ჩელუსკინელების ხიდს გასცდნენ და წერეთლის პროსპექტზე, მარჯვნივ, ვორონინის შესახვევში, ქუჩის პირას მდებარე ერთსართულიან სახლთან გაჩერდნენ. ბახვამ ფანჯარაზე დააკაკუნა.
 თითქოს დაკაკუნებას ელოდაო, იმ წამსვე გადმოყო თავი წითური სახის, თმაჭალარა, გრძელცხვირა, ოცდაათიოდე წლის ბიჭმა. სოსო უცოლო იყო და ნაქირავებში ცხოვრობდა.
 – რა იყო? – უცერემონიოდ ჰკითხა სოსომ.
 – გოგო მიზის მანქანაში, რომ გაგეხარდება, ისეთია შესახედავად.
 – რა გიყო ახლა, მონაფეები რომ მყავს. ორი მონაფე ძლივს ვიშოვე. იმ კვირაში გამიცდინეს, ერთი საათის მერე მოდიოდა და გავალ. – შენუხდა სოსო.
 – ჩემთვის კი არ მინდა, შენ მოგიყვანე. სამსახურში გავრბივარ.
 სოსოს გაეცინა და ცალი თვალი მოჭუტა.
 – როდის იყო, ჩემზე ზრუნავდი, შენ მატყუებ რალაცას.
 – მართლა, ბავშვს გეფიცები.
 სოსო დასერიოზულდა.
 – ერთი საათის მერე რომ მომიყვანო?
 – კი, ბებიაშენისამ, ერთ საათს გაგირთობ სადმე და მერე სინით მოგანვდი ფანჯარაში, არ გინდა? დასვი მან სადმე, სანამ მონაფეებს გაისტუმრებდე.
 – გაგიყვდი, ბიჭო? იმ წუთას მიხვდებიან ყველაფერს. თავი გინდა მომჭრა?
 – ნავედი აბა, არ მცალია ამდენი.
 – ერთი საათის მერე! – ყველის ვაჭარივით დაეღრიჯა სოსო მეგობარს.
 – გადაშენდი იქით! – ბახვამ მანქანა სიჩქარიდან ამოუღებლად დაქოქა და წითელი პარტიზანების ქუჩაზე გავიდა. გაახსენდა, გივი ბაჩაძეს ცოლ-შვილი ფასანაურში ჰყავდა გაგზავნილი და თუ შინ დამხვდა, გავახარებო, გაიფიქრა.
 კიბე აირბინა და აქლომინებულმა დარეკა ზარი.

გივის გრძელი ხალათი ეცვა. მოტვლეპილ თავზე ჩაჩი ეხურა.

- ვაჰ, ბახვა? შემოდი.
- შემოსასვლელად არ მცალია. სახლში ხარ დღეეს?
- აბა, სად უნდა ვიყო, შაბათია.
- ბედნიერი ხალხი ხართ. ჩვენთვის შაბათი კი არა, კვირაც არ არსებობს, კვირასაც გვამუშავენ. გივი, გოგო მოგიყვანე, ა, ასეთი, - ბახვამ ცერი მალლა აიშვირა.
- სსს, ნუ ყვირი, - გივიმ უკან გაიხედა, - რა გოგო?
- გოგო, ჩვეულებრივი.
- მაგას რა სჯობია, მაგრამ, - გივიმ ხელები ერთმანეთს გაუსვ-გამოუსვა - სიდედრი რომ მყავს სახლში? რალაცას მოვუგონებ და სადმე გავგზავნი. ერთი საათის მერე ვერ მოიყვან? ჰქენი სიკეთე.
- ერთ საათს რომ მეცალოს, შენ მოგიყვანდი? ოღრაშობა კი არ დამიწყია. ოთხზე საავადმყოფოში უნდა ვიყო. ჩაიცვი ახლა, გაატარ-გამოატარე ქუჩაში და მიხედე საქმეს.
- კარგი, - გივი ოთახში შებრუნდა და დაფაცურდა. მალე გამობრუნდა, კვლავ ხალათი და ჩაჩი ეხურა.
- არ გამოდის არაფერი. არ ნავა არსად, ვიცი მაგის ხასიათი მე.
- კარგი, აბა, ნავედი! - ბახვამ კიბე ჩაირბინა.
- ბახვა! - გივი მოაჯირს გადმოეკიდა.
- ჰა.
- ისე... ჩემთვის... ან კი აღარ შეიძლება, მაგნაირი რამეები, - თვალების სრესით გაუტყდა გივი.
- ნუ მასხარაობ რალაცას. - დატუქსა ბახვამ ძმაკაცი.
- ერთი თვეა, რაც გივი რაისაბჭოს აღმასკომში ინსტრუქტორად გადაიყვანეს და მორალს რომ დაანებოდა, როგორ ვერ ვიფიქრეო, თავის თავზე ბრაზობდა ბახვა.
- რაო? - მონყენილად იკითხა ლუიზამ.
- სიდედრი ჰყავს სახლში, ამ უპატრონოს.
- „ივერიასთან“ გამიჩერე და ჩამოვალ. შეგანუხე დღეს, - ჩაილაპარაკა ქალიშვილმა და თავი ჩაქინდრა.
- მოიცა, კიდევ ერთ ძმაკაცთან მივალ, ნახე, აბა, რომელია? - საათი გაუნოდა.
- ოთხს თხუთმეტი აკლია.

- არა უშავს, ცოტას დავაგვიანებ.
- კამოს ქუჩაზე კახა მეძველია ცხოვრობს, გამოუსწორებელი უცოლო. ორმოც წელს კარგა ხანია გადაშორდა. რომ ჰკითხავენ, უშვილძიროდ რატომ ბერდებიო, პასუხი მზადა აქვს: - ვინც მომწონა, ყველა გათხოვილი აღმოჩნდა და ჩემნაირი უბედური რად მინდა ავიკიდო. ჩემი ხნის ქალი გაუთხოვარი რომ დარჩება, ის ივარგებს რამედო?
- „პლაზმებში“ მუშაობს. საკანდიდატო შარშან, ოქტომბერში დაიცვა.
- ჯერ ფანჯარასთან უძახა, კახა პირველ სართულზე ცხოვრობს, რომ ვერ გააგონა, სადარბაზოში შევიდა და კარს აუტეხა ბრახუნი.
- ამ წუთას! ვინ არის? - იკითხა კახამ.
- მე ვარ, ბახვა ვარ. გძინავს?
- კახა ნიფხავპერანგისამარა იდგა კარში.
- გძინავს ამ შუადღეზე? იმიტომაა შენი საქმე წინ.
- შენს ხმას მივამსგავსე. ვინეტი ისე, ფანჯარაში გამოვიხედე, არა ხარ, ვერც მანქანას მოვკარი თვალი.
- ბევრი ლაპარაკის დრო არა მაქვს, - ბახვა ადგილზე ხტოლდა, - გოგო მოგიყვანე.
- ახლა რა დროსია. ასე გაბურძგნული ხომ არ ვნახავ, ჩავიცვამ, გავიპარსავ და გამოვალ, სადაც გინდა.
- გადასასინჯად კი არ მომიყვანია.
- აბა?
- იმნაირი გოგოა. ახალ გამოვიჭირე ქუჩაში. ისე არ უნდა იყოს ცუდი გოგო, ლამაზი თვალები აქვს და კაი ლაპარაკი იცის.
- ოჰ, შენ რა გითხრა. მე სხვა რალაც მეგონა, თორემ ერთი მაგნაირი ქე მიწევს ეგერ ლოგინში. არც მაგაში ყრია არაფერი. მომწყინდა. ან ცოლი უნდა ვითხოვო.
- ფილოსოფიას მოეშვი ახლა. შენ ეგრე ამბობ ყოველთვის. არაფერი ცოლის მთხოვნელი შენ არ ხარ. რა ვუყო ამ გოგოს? კახამ კეფა მოიფხანა.
- რა ვქნა, ბიჭო. ესეც ახლა მოვიდა. რომ გავაგდო, ნავა და სულ დაიკარგება. ხანდახან წამლად რომ გჭირდებოდეს,

განყდებიან ეს ოხრები. ხანდახან დაიყრებიან. ერთი საათის მერე რომ მოვიდეს?

– ნავედი, დამაგვიანდა სამსახურში! – ბახვა კარისკენ გაიქცა.

– ბოდიში, ბახვა, არ გენყინოს, – დაადევნა კახამ და გასაღები ორჯერ გადაატრიალა, კიდე ვინმემ არ შემანჯხოსო.

„ილბალი მაქვს ახლა მეო? – ფიქრობდა ბახვა, – რაღა ახლა დაჭკვიანდნენ ეს ჩემი ძმაკაცები ყველაო. ოქროს წვიმა რომ მოდიოდეს, მე რკინა დამეცემა თავში, ხომ ვიცი მეო. ხომ იფიქრებს ახლა ეს გოგო; რას მაგლახავენს ამდენ ხანს ან გაჩერებით რაზე გამიჩერა, ან რას დამაპროწიალებს კარდაკარო“.

სანამ „ივერიასთან“ გავიდოდნენ, ბახვას მურმან ნაცვალაძე გაახსენდა. კოჭლი ბიჭია, მერეტუშედ მუშაობს სადღაც, რედაქციაში. სოსომ გააცნო ერთხელ სახინკლეში. ბავშვისთვის შარშან კედლის გაზეთი გააფორმებინა. აქ უნდა ცხოვრობდეს, ნაღვარევის შესახვევში.

ჭიშკართან უზომოდ გასუქებული ქალი ხალიჩას ფერთხავდა.

– ქალბატონო, მურმანი ცხოვრობს აქ სადღაც.

– მურმანი? – ქალმა ჯოხი დაუშვა და მალლა აიხედა, თითქოს ჰაერს ყნოსავსო.

– ჰო, კოჭლობს ცოტას.

– აგრე გეთქვა, შე კაცო. მურმანი ჰქვია მაგას? ასე გადით, ეზოს ბოლოში, პირდაპირ კარებია.

– სახლშია თუ იცით?

– ვერ გეტყვით, ისე დღეს გამოსული არ მინახავს.

– გმადლობთ, – ბახვამ პარმალს გადააბიჯა და ქვაფენილით მოკირწყლულ ეზოში გაიქცა.

მურმან ნაცვალაძე შინ იყო. სახეზე შეეტყო, რომ ბახვას მოსვლა გაეხარდა. სტუმარმა ამოსუნთქვა არ აცალა; „კიდევ კარგი, რომ სახლში ხარ, მანქანაში გოგო მიზის და შემოვიყვან ახლავე, მე გავრბივარ, დამაგვიანდა, მომხსნიან სამსახურიდანო“, პასუხს არ დაელოდა, გატრიალდა.

– მოიცა, გამაგებინე, ვინ გოგოა, რა გოგო?! – უკან მისდევდა მურმანი და კითხვებს აყრიდა.

– გოგოა რა. მე კი არ ვიცნობ წესიერად. „ივერიასთან“ ჩამიჯდა.

– გასაგებია. მარა მე, დამელაპარაკება იმ საკითხზე? მონილომებს ჩემთან? როგორ ფიქრობ? – მურმანი ცდილობდა დასწეოდა.

– შენ ფიქრი ნუ გაქვს. არ ჩანს წუნია გოგო.

– ნუ შემარცხვენ, თუ ძმა ხარ. არ ვარ მაგის კაცი მე. სხვას მიუყვანე ვინმეს.

– კაცო, მე გეუბნები – ნაღდი ამბავია. ნათქვამი მაქვს წინასწარ; ასეთი და ასეთი ბიჭია თქვა, – იცრუა ბახვამ.

– მერე?

– კიო. თანახმაა. გაბრუნდი შენ, ოთახში დაგველოდე.

მურმანმა ასკინკილით გამოირბინა ეზო.

შემოვიდნენ. გოგონა კარებთან გაჩერდა თითებგადაჯვარედინებული. ბახვა ალაპარაკდა.

– გაიცანი, ჩემო მურმან, ლუიზა. ჩვენ რომ გვიყვარს, ისეთი გოგოა, – ლუიზას მიუბრუნდა, – მურმანზე უკვე საკმაოდ გელაპარაკე. დიდი მხატვარია!

– რეტუშიორი, – გაუსწორა მურმანმა.

– რაი? – იკითხა გოგომ.

– სურათებს რეტუშს ვუკეთებ. თქვენ არ გეცოდინებათ. ერთი სიტყვით, თუ მკრთალი ხაზია ვამუქებ. გაზეთში დასაბეჭდად რომ გამოდგეს.

– მოკლედ, კარგად იყავით. არ აწყენინონთ ერთმანეთს! – ეს ბოლო სიტყვები ბახვამ ღია კარებში თქვა და უკანმოუხედავად გაიქცა.

– პალტო გაიხადე.

მურმანმა პალტო ჩამოართვა და იქვე, ლურსმანზე დაკიდა.

– დაჯექი, – სკამზე მიუთითა, – ახლოს მოინი ლუმელთან.

– გმადლობთ, არ მცია, – გოგოს ხელები კალთაში ეწყო და იატაკს დასცქეროდა.

– ეს... ახლა არ გცივა, გარედან შემოსული რომ ხარ. პატარა ხანში გაიყინები, – თუნუქის ლუმელს ხელი დაადო – ესეც გაცივებულა, ეს ოხერი.

გავიდა. შეშა შემოიტანა. ლუმელთან ჩაცუცქდა და შეუკეთა.

– რამდენი გრადუსი იქნება ახლა გარეთ?
 – ნოლზე მეტი არ იქნება.
 – მერე ასე უნდა ციოდეს? ძვლები გამეყინა.
 – აქ ნესტიანი ჰავაა და იმიტომ, – აუხსნა გოგომ, – ჩვენთან, აბა, ათ გრადუსს ყინვაშიც არ ცივა ასე.
 – სად თქვენთან?
 – ხაშურს ზემოთ სოფელია, ბრეში.
 მურმანმა იგრძნო, რომ საუბარი სხვა მიმართულებას იძენდა და არც გაკვირვებია. „სხვებს რა იოლად გამოსდით ყველაფერი. ნეტავ ისინი როგორ იწყებენ! არ შემოძლია გოგოსთან ლაპარაკი. რას მივედებ-მოვედებო“, – გაიფიქრა.
 – აქ, თბილისში სწავლობ, ლუიზა?
 – ვსწავლობ? – ლუიზას გაეცინა, – სულ ჩემთვისაა ღია უმაღლესები. ოღონდ მივბრძანდე და ვისწავლო.
 – რატომ? საშუალო ხომ გაქვს დამთავრებული? – მურმანმა ტურჩზე იკბინა, ვინ მკითხავს მეო.
 – რად გინდა მერე. ვაშლიჯვარში ვმუშაობდი მეურნეობაში და დილოში პატარა ოთახი მქონდა დაქირავებული. მამაჩემს სოფელში ფილტვების ანთება გაურთულდა და დამაგვიანდა ჩამოსვლა. სამუშაოდანაც ბრძანებით მოვუხსნივართ და ჩემს მასპინძელს ამ ერთ თვეში იმდენი უმარჯვია, ბინიდან ამოვუნერივარ. ჩამოვედი და ჩემი ბარგი კიბის ქვეშ დამხვდა.
 – ახლა სადა გაქვს?
 – დაქალთან მივიტანე გუმინინ. ჩვენებური გოგოა. ხილიანზე, ისიც ნაქირავებში ცხოვრობს.
 ცეცხლი აგუგუნდა. ლუიზას ლანვები შეუწითლდა. ხელები, როგორც იქნა, დააშორა ერთმანეთს და ლუმელს მიუშვირა, იჯდა ლუმელთან ღვთისმშობელივით ლამაზი და უმწეო. მურმანს მუხლზე შემოედო ხელი და ქალს დაჟინებით შესცქეროდა. ლუიზა გრძნობდა მზერას და ხან ჭერისკენ ააპარებდა, ხან კი მურმანს გაუსწორებდა თვალს ერთი წამით, რათა ისევე ჩაეჩინდრა თავი და იატაკს ჩამტერებოდა.
 – ლუმელს მაინც სხვა ძალა აქვს. რადიატორთან ასე ვერ გათბები, – ყრუდ ამოილაპარაკა ქალმა.
 – სწორი ხარ, მაგრამ ამ ოთახში სითბო არ ჩერდება. სულ ბამბა და დანა მიკავია ხელში. ვითომ დავგმანე ყველგან

ყველაფერი. ჩაქრება თუ არა ლუმელი, განსაკუთრებით როცა მძინავს, ფეხები მეყინება.
 – ეს კედლები კაპიტალური არაა ხომ?
 – არა, კაცო, ცალფა აგურის კედელია. თავიდან საკუჭნაოდ ჰქონიათ ჩაფიქრებული და მერე გააქირავეს.
 – ჰოდა, კიდევ იმიტომ ცივა. ფარღალა კედელი სითბოს ვერ ინახავს.
 „ახლა მე უნდა ვთქვა, – „ოღონდაც, ოღონდაც, ჩემო ლუიზა, ფარღალა კედელი სითბოს ვერ ინახავს“ და ერთი ფილოსოფიურად ამოვიხვნიე. რა მშვენიერი თემაა გოგოსთან სალაპარაკოდ? არ უნდა გაჩნდეს, არა, ჩემისთანა უნდელი და უგერგილო ამ ქვეყანაზე. ადგება ახლა ეს გოგო, პალტოს ჩაიცვამს, დიდი მადლობა, ლუმელთან რომ გამათბეო, მეტყვის და წავა. კი, ასე იზამს“.
 მაგრამ ლუიზა წასვლას არ აპირებდა. თავის თითებს დასცქეროდა და მურმანს მოეჩვენა, რომ ქალიშვილი თვლემდა კიდევ.
 – სხვა. და-ძმები, ლუიზა?
 – მყავს. მაგ მხრივ მდიდარი ვარ. სამი ძმა და ოთხი და.
 – სულ შვიდნი ხართ?
 – რვა.
 „დასწყევლოს ღმერთმა, რვამდე თვლაც დამავინყდა“.
 – შენ?
 – ნაბოლარა ვარ.
 – დები დიდები იქნებიან.
 – გათხოვილია ოთხივე.
 „ახლა არ ჰკითხო, ისინი ხომ კარგ ბედ-იღბალში არიან ჩავარდნილიო, თორემ ნამოვიდა ნაკვერჩხალი ენაზე“.
 კარგა ხანს ჩუმად იყვნენ.
 – ლუიზა, – მურმანი წამოდგა, – სულ ველარ მოვიფიქრე. მოშიებულები იქნები. ჩავალ, ძეხვს და პურს მაინც ამოვიტან. ქალს არაფერი უთქვამს.
 აღარ ახსოვს, როგორ ჩაირბინა გასტრონომამდე. თითქოს ფეხებში ქარი ჩაუდგაო, აღმართიც ხელად ამოათავა.
 ლუიზას ტაფა გაენმინდა და ლუმელზე დაედგა.
 – ხორცი სადაა. უშველებელი რიგი უკვე დგას. მოიტანენ –

არ მოიგანენ, ღმერთმა უწყის. მანდ კარადაში კვერცხი უნდა იყოს. შენ მაცალე. ამ წუთში შევწვავ. კვერცხი და ძეხვი შემწვარი კარგი გამოდის. გიყვარს, თუ არ გიყვარს – ეს უნდა ვჭამოთ, ღარიბი კაცის სადილი ეს არის. – კვერცხები თეფშზე დააწყო და ლუიზა რომ წამოდგა, შემკრთალმა გახედა, წასვლას ხომ არ აპირებსო.

– ხელს სად იბან ხოლმე?

კაცმა განჯინიდან სუფთა პირსახოცი ამოიღო და მხარზე გადააფინა.

– პირდაპირ და მარჯვნივ.

– ახლავე მოვალ, – ლუიზამ გაუღიმა, – შენ მოეშვი, მე შევწვავ. მარილი მომიმზადე.

მხარზე რომ აკოცა, ლუიზამ კვერცხის თქვეფა წუთით შეწყვიტა და გაყუჩდა. მურმანი ლუმელთან იჯდა და მაგიდას მიმდგარი ქალის სწორ ფეხებს და ლამაზ ზურგს შესცქეროდა. იყო რაღაც ენით აუხსნელი, გასაოცრად თბილი და უჩვეულო ამ წუთში და მურმანს უნდოდა დიდხანს გაგრძელებულიყო ასე. მარტოობით გამწარებულ კაცს შეეძლო ვილაცასთან ელაპარაკნა. ეთქვა, თუნდაც ათასი სისულელე, მაგრამ დიდსულოვნად ეპატიებინათ. მერე დამდგარიყვნენ ასე მაგიდასთან და ერბოკვერცხი ეკეთებინათ. ასეთი რამ სხვა დროს არ დამართნია; ლამის ტირილი დაიწყო; სახლში ქალი იყო.

უხმოდ ისადილეს.

კაცი ფიქრობდა იმაზე, თუ რა ეთქვა სადილის შემდეგ, ქალიც ამას ფიქრობდა. ქალს ეშინოდა, ვაითუ დაირღვესო ის იდილია, სული რომ გაუთბო და სადღაც ნანახი თუ წაკითხული ოჯახური ცხოვრების ერთი ჩვეულებრივი დღე მოაგონა.

მთელ სიცოცხლეს მისცემდა ქალი, ოღონდ ყველაფერი ისე არ დამთავრებულიყო, როგორც ჩვეულებრივ მთავრდება ხოლმე.

სადილის შემდეგ ქალმა თეფშები დარეცხა, ოთახი მიალაგ-მოალაგა და ისევ ლუმელს მიუჯდა.

მურმანს გაეცინა.

– რა გაცინებს? – ლუიზა მთელი ტანით შებრუნდა მისკენ.

– ხელში საქარგავი გაკლია. თითქოს მთელი ცხოვრება ერთად გაგვეტარებინოს.

ქალი, ეტყობა სხვა პასუხს ელოდა და ერთბაშად დამშვიდდა. ლუმელში შემა ტკაცუნობდა. ვინრო ფანჯრიდან დაღვრილ სხივს ნელ-ნელა აკლდებოდა ძალა.

– ქმარს რატომ გამოორდი, ლუიზა?

– ვინ თქვა?

– ყველა ასე ამბობს.

– ვინ ყველა? – შეშფოთება გაისმა ქალის ხმაში.

– რა ვიცი, – მურმანი დაიბნა, – საერთოდ... გოგონებს უყვართ ხოლმე თქმა; ქმარს ახლა გავშორდი, იმიტომ რომ მომიტაცა და არ მიყვარდაო. პირველი კაცი, რომელიც ქმართან განშორების შემდეგ გავიცანი, თქვენ ხართო... ასე იციან ხოლმე თქმა.

მურმანმა იგრძნო, რომ სისულელე წამორომა. მაგრამ უკვე გვიან იყო.

– არა, მურმან. მე ქმარი არასოდეს მყოლია. არც იმის თქმას ვაპირებდი: „გოგონებმა რომ იციან ხოლმე თქმა“.

ლუიზა წამოდგა და ფანჯარასთან მივიდა. მხრები უცახცახებდა, ცხვირსახოცი ამოიღო და თვალებზე მიიფარა.

– კარგი ახლა, შე ქალო... ისე ვთქვი... ხუმრობა არ იცი?...

მურმანმა გადაწყვიტა; აწი აღარაფერს ვიტყვი, არ გამოდის ჩემგან რომეო, თვითონ თუ რამეს მკითხავს, ვუპასუხებ და ის იქნებაო.

...შუალამე წამოვიდა. ისხდნენ ლუმელთან უსიტყვოდ.

მერე ლუიზა წამოდგა.

– რა დრო გასულა, – გამშრალი ხმით თქვა, – ხომ ხედავ: რა უსინდისო გოგო ვარ. ჩემით ვერ ვხვდები წასვლას. რატომ არ მეუბნები, წადიო. გამაგდე, გეხვეწები, წადი-თქო, მითხარი! აქამდეც უნდა გეთქვა, ხომ ხედავ, რა სულელი გოგო ვარ! – ლუიზა თანდათან ხმას უმატებდა და ეს ბოლო სიტყვები ანტიკური ტრაგედიის გმირის მონოლოგივით ხმამაღლა და კატეგორიულად თქვა.

მერე ერთბაშად მოეშვა, სახე ხელებში ჩამალა და ისევ ატირდა.

მურმანს მუხლისთავებისთვის ხელები არ მოუცილებია. ჯერ ტირილი აცალა გოგოს და, მერე, როდის-როდის, ამოილაპარაკა.

– დარჩი, სად წახვალ ანი. გვიანაა. სძინავს, ალბათ, შენს დაქალს.

წამოდგა. კარადის უკნიდან შეზლონგი გამოათრია, ძველთაძველ, მაუდგაცვეთილ დივანს თავი ახადა, ლეიბი და საბანი ამოიღო და დივანის თავი ფრთხილად დაუშვა, თითები არ მოვიჭყეჭყო.

– მე შეზლონგზე დავწვები, შენ დივანზე. დავეტივით როგორმე.

ფანჯარას მუქლურჯი ბურუსი ადგა, მურმანს თავზე რომ დაადგა ლამის პერანგში, თეთრად, სინათლესავით ჩამოშვებული, თმაგაშლილი ქალი და მკლავზე შიშველი მუხლით შეეხო: – გძინავს? დავწვები რა შენთან? შემცივდა.

მურმანს, რა თქმა უნდა, არ ეძინა.

* * *

საუზმის შემდეგ მურმანმა ხელში მწვანეყდიანი საქალაქადე დაიჭირა და კედელზე მიკრულ მრგვალ სარკეს გაუსწორდა.

– ლუიზა... მე სამსახურში გავვარდები. ერთი-ორი საათი დამაგვიანდება. შენ, თუ სადმე გახვიდე, გასაღები, კართან რომ ფეხსაცმლის ტილოა, იმის ქვეშ დადე. საერთოდ... ყოველთვის მანდ ვინახავ გასაღებს. ვეცდები, უფრო ჩქარა დავბრუნდე. შეიძლება საქმე არაფერი დამხვდეს.

სარკეში თავის თავს არც უყურებდა, მაგრამ არ შეეძლო თვალი გაესწორებინა და ისე ეთქვა ლუიზასათვის ის, რაც უთხრა.

ლუიზა კი არა, გულუბრყვილო ბავშვიც იგრძნობდა, რომ მურმანს ტკივილამდე სურდა, სამსახურიდან დაბრუნების შემდეგ ლუიზა კვლავ შინ დახვედროდა, ლუმელთან უხმოდ მიმჯდარი და ლოდინით დაღლილი.



ურო

გუძღვნი ალექსანდრე ებანოიძეს

გაერთიანება „ობუჯის“ ალყაფის კართან მოწყენილი სახის, იხვისცხვირა, მწვანეპერანგიანი კაცი შეჩერდა. კარგა ხანს იდგა იგი ჭიშკართან და ქარხნის ეზოდან ერთმანეთის მიყოლებით გამოღრიალებულ, მძიმედ დატვირთულ მანქანებს შეჰყურებდა.

ნითელსახვევიანმა დარაჯმა, ვისთან ხარო, რომ ჰკითხა, უცნობი ერთბაშად გამოერკვა და დარაჯს კეთილი თაფლისფერი თვალები შეანათა.

– უფროსი მოსულია?

– აქ არის, შედი, – დარაჯმა ბამბუკის ჯოხი გამოსწია.

– რა მინდა, რომ შევიდე. – თავი ჩაღუნა სტუმარმა და განზე გადგა.

– კაცო, ასე არ მკითხე, უფროსი თუა მოსულიო? რა ვიცი მე, რა გინდა. – დარაჯს გაეცინა და ბამბუკის გრძელ ჯოხს მოაწვია.

– ვიცი, უარს მეტყვის. ტყუილად ვარ მოსული, – იხვისცხვირამ ჯოხს გადააბიჯა და კარისკაცს სევდიანად დაუგდო, – არ მიმართლებს, მორჩა და გათავდა.

დარაჯს თავისი საფიქრალი და სანუხარიც ბლომად ჰქონდა და აღარაფერი უკითხავს.

საზოგადოებრივი კვების ტექნიკუმის კურსდამთავრებულს გივი ბილიხოძეს, რომელიც ახლა „ობუჯის“ დირექტორის კაბინეტისკენ მიაბიჯებდა, მართლაც არ გაუმართლა.

მიდგომ-მოდგომის ნიჭი არ აკლდა, ენერგიული ყმაწვილიც იყო, მაგრამ რა საქმესაც დაადგა, ყველაფერში ხელი მოეცარა.

ჯერ იყო და ტექნიკუმი რომ დაამთავრა, სწავლის გაგრძელება უნდოდა, მაგრამ სწორედ იმ წელს, მისდაიღბლად, პოლიტექნიკური ინსტიტუტის ფილიალს სამი ახალი ფაკულტეტი დაუმატეს და ერთი გააუქმეს. სწორედ ის მუხუდო-სოიოს დამუშავების ფაკულტეტი გააუქმეს, სადაც გივი

აპირებდა საბუთების შეტანას. ბილიხოძემ პროტესტის ნიშნად საკონსერვო ქარხანაში დაიწყო მუშაობა, მაგრამ დამპალი პამიდვრის სუნზე ალერგია დაემართა და ექიმების რჩევით თავი გაითავისუფლა.

ამ ხუთი წლის წინ, შემოდგომაზე, თავის ეზოში ყველა ხე ამოძირკვა და დაფნის ნერგები ჩაყარა, ორი წლისთავზე დაფნამ რომ ტანი აიყარა, საფიჩხიაზე ხმა დაირხა, დაფნას აღარ იბარებენ, ვატიკანმა უარი გვითხრაო. გვიმ ქორს არ დაუჯერა, დაკრიფა, დაახმო და მეექვსე წელი ჩამოდის, რაც თოთხმეტი ტომარა დაფნა აივანზე უწყვია. გაგულისებულმა დაფნაც ერთხელ და სამუდამოდ ამოფესვა თავისი პატარა ნაკვეთიდან და ამ გზით გამდიდრების ფიქრიც, რასაკვირველია, სამუდამოდ დაასამარა.

იმედს მაინც არ კარგავდა. ერთხელ სახეგაბადრული დაბრუნდა სახლში და, – ვიპოვე, რასაც ვეძებდიო, სარკეში თავის თავს ახარა. მეორე დღესვე სამი ქალი დაიქირავა და საიდუმლო სახაჭაპურე გახსნა. ორი აცხობდა ოთხკუთხედ, იაპონურ ხაჭაპურებს, მესამე – თეთრ ხალათში გამოწყობილი, ურიკით ქურჩა-ქურჩა დაატარებდა და ასალებდა. ურიკა თვითონ გვიმ შეჭედა, ლურჯად შელება და ეჭვი რომ არავის აეღო; თეთრი, ბატიფეხური ასოებით „საზკვების გაერთიანება № 2“ წააწერა. სახაჭაპურემ გაამართლა. გივი ბილიხოძემ, ცოტა არ იყოს, ფეხი წამოიდგა და წელში გაიმართა. არც ფინგანს დაუბეგრავს და არც მილიციას შეუწუხებია. ხაჭაპურის გამყიდველი ქალის თეთრ ხალათს და ურიკაზე წარწერილს იმ ქალაქში მცხოვრებთათვის დამაჯერებლობის მაგიური ძალა ჰქონდა. ერთ მშვენიერ დღეს ორმანეთიანი ყველი ერთბაშად გაქრა ქალაქ ძელქვიანის მალაზიებიდან, ბაზრის ფასად ყველის შეძენა კი მიწისქვეშა არტელის პატრონისთვის სარფიანი საქმე არ გახლდათ და სახაჭაპურემ არსებობა შეწყვიტა.

ოპერაცია „ხაჭაპურის“ კრახის შემდეგ გივი ბილიხოძემ ერთხანს უსაქმოდ იარა. მისი მაძიებელი გონება ახალ სვლებს ეძებდა გამდიდრების რთულ გზაზე და ალბათ კიდევ კარგა ხანს ივლიდა უსაქმოდ, იმ საბედისწერო დღეს ფოსტაში რომ არ შეევლო და პალიკო ცერცვაძეს არ შეხვედროდა.

ძმას უნდა დალაპარაკებოდა ოკრიბაში. ძმა კბილის ტექნიკოსი ჰყავდა და ცოლ-შვილით ოკრიბაში ცხოვრობდა. გივის ძალიან უყვარდა ძმა და ორ კვირაში ერთხელ მაინც მოიკითხავდა ტელეფონით.

ფოსტაში ხალხმრავლობა იყო. გივი „ლელოს“ კითხულობდა და ელოდა ნაცნობ ხმას – „ოკრიბა მეორეში!“ ოკრიბა დღეს რატომღაც იგვიანებდა. ფეხებზე მაღალმა, თეთრშლაპიანმა კაცმა გადააბიჯა და №3 ჯიხურში ტყუა თავი. ჯიხურის კარი ღია იყო და ხმა გარკვევით ისმოდა: „პალიკო ვარ, პალიკო, კი. ათ დღეში მზად იქნება. პარპრიზზე ნიკელები დაუყენო? როგორც გაგეხარდება, რაი? რას ჰქვია, ფული არ გვყოფნის. შენი გულისთვის მმართველის საქმეზე მოვაცდინე ხალხი. ხომ იცი, მუშას ფული მაშინვე უნდა მივცე. მე იმ ხალხთან პირს ვერ შევირცხვენ. არა, არა, არავითარ შემთხვევაში! გავყიდი დღესვე! ვინ არ იყიდის განკრიალებულ „ვოლგას“ სამი ათასად. ასე ვიზამ. დღესვე ვყიდი, იცოდე. არ ყოფილხარ შენ პირიანი კაცი!“

პალიკომ კარი გამოიფახუნა, გივის ფეხებზე ისევ გადააბიჯა და გასასვლელისკენ გაემართა.

ბილიხოძემ ფოსტის მორიგესთან მიიღბინა. არ დააჩქარო ოკრიბა, ერთი საათის მერე შემოვივლიო და პალიკოს დაედევნა. საყვავილესთან დაენია.

– ბოდიში, ერთ წუთს!

პალიკომ მოიხედა, ასანთი მიაწოდა და გზა განაგრძო.

– გმადლობთ, ასანთი არ მინდა, – გივი მისდევდა და ყურში ჩასძახოდა, – ძალიან გეჩქარებათ?

– მეჩქარება, რა იყო? – პალიკომ პლაშის საყელო აიწია და უცნობი აათვალიერ-ჩაათვალიერა.

– ფოსტაში ვიყავი წელან, რა მანქანაზეა ლაპარაკი?

– შენ რა, სხვის ლაპარაკს უსმენ? საქმე არა გაქვს მეტი არაფერი? – პალიკომ გაიღიმა, ასანთი გამოართვა და გზა განაგრძო.

გივი არ მოეშვა.

– მაპატიეთ, ყური მოვკარი, მანქანას ვყიდიო და ვთქვი, იქნება მოვრიგდეთ-თქვა.

– დამანებე თავი თუ კაცი ხარ, – პალიკომ ნაბიჯს შეუწელა

– რამდენი უპირო და უნამუსოა ამ ქვეყანაზე. გულზე ვარ გამსკდარი. ისე, ღირსი კია, რომ გავუყიდო მანქანა, მაგრამ ვერ ვიზამ. გლახას სიგლახით ვერ გადავუხდი.

– მისია?

– რა არის, იცი? სათქმელად არ გეუბნები. მუშები მყავს დაქირავებული ხაშურში და ჩამონერილ ტაქსს კაპიტალურ რემონტს ვუტარებთ. იმ ჩამონერილსაც ფული უნდა. თვეში სამ-ოთხ მანქანას ვასწრებთ, ვაახლებთ თავიდან ბოლომდე. ახალ ძრავს ვუდგამთ, ახალ საბურავებს, ვღებავთ. ერთი სიტყვით, ახალი მანქანაა, აბა, რა არის. ვყიდით სამი ათას მანეთად. არ წამოგცდეს, თუ კაცი ხარ, არსად.

– ჩამონერილი ტაქსი მოპარულია?

– როგორ გეკადრებათ. მაგას ვინ სულელი იზამს. ოფიციალურად გამოგვყავს. პასპორტი, ყველაფერი როგორც წესი და რიგია. მუშებიც სახელმწიფოსაგან მყავს მომაგრებული. შარის თავი ვის აქვს. შინაურულად იმიტომ გეუბნები, რომ რემონტი მანქანიანად სულ ორი ათას შვიდასი მანეთი გვიჯდება და ჩვენ სამად ვყიდით. უცხო კაცს ამას ვერ ეტყვი. რა ვქნათ, ცოლ-შვილს დიდი პირი აქვს, მოგეხსენებათ, ასე თუ არ ვინვალეთ, ვინ რას მოგვცემს. ხომ იცი – მწოლარე ლომს მანანნალა მელამ აჯობაო. ახლა ჩემს ქვისლს ვურეკავდი. შემეხვეწა, გამაკეთებინა სასწრაფოდ მანქანა. ხომ იცი, ქვისლისთვის როგორ მოვინდომებდი. ხვალ დილით ფული უნდა მივცე მუშებს. მე მარტო რომ ვიყო, ჯანდაბას ჩემი თავი. რას მეუბნება იცი? ფული არ მყოფნისო. გავბრაზდი. შე კაი კაცო, სამი ათას მანეთად ახალთახალ მანქანას გაძლევ და კიდევ აქეთ მელაპარაკები? რას ჰქვია, ფული არ გყოფნის. ისე რავა უნდა გაფუჭდე, სამი ათასი ვერ მოისესხო კაცმა. ერთი სიტყვით, კია ღირსი რომ გავუყიდო ის მანქანა, მაგრამ ქვისლია, ხომ იცი, ვერ ვუზამ მაგას.

ამასობაში ჯაჭვის ხიდთან ზევით აუხვიეს. გორკის ქუჩაზე აგურის ორსართულიან სახლთან შეჩერდა პალიკო, კარგად იყავი, ამ ლაპარაკში ქე მოვსულვარ სახლშიო, დაემშვიდობა გივის და ჭიშკარს რომ ხელი გადაუყო, მუდარით სავსე ხმა მოესმა.

– მომყიდე მე ის მანქანა, თუ კაცი ხარ.

პალიკო შეჩერდა.

– ვერა, შენი ჭირიმე, ქვისლისაა.

– აბა, გამიკეთე ერთი ტაქსი.

პალიკოს გაეცინა.

– ასე რომ იყოს, ჩემო, შენი სახელი?

– გივი.

– ასე რომ იყოს, ჩემო გივი, რა გვიჭირდა მაშინ. სადღაა ჩამონერილი ტაქსები. შარშანწინ იქეთ ვეხვეწებოდი ხალხს. ახლა იმდენი მომანყდა, რომ ორი წლის რიგი უკვე ჩამონერილი მაქვს. მერე როგორი ხალხი – სულ დოცენტები და აღმასკომის მუშაკები. კარგად იყავით.

– არ გამანბილო თუ კაცი ხარ, ჩემზე უკეთეს მეგობარს ვერ იშოვი. მეცი პატივი.

– როგორ გავუკეთო ქვისლს ეს ამბავი? – შეყოყმანდა პალიკო.

გივიმ შეატყო, რომ საქმეს კარგი პირი უჩანდა და არ მოეშვა.

– სამი ათას ხუთასს გაძლევ.

– როგორ გეკადრება. ვინ გგონივარ მე შენ. სამი ათასზე ძვირად თუ გამეყიდოს, ოთხ შვილს ვფიცავარ. ისიც, ხომ გეუბნები, წესით ორი ათას შვიდად უნდა გაძლევდე, მაგრამ სამასი მანეთი წვრილ-წვრილ ხარჯებს მიაქვს.

როგორც იქნა, დაიყოლია გივი ბილიხოძემ პალიკო ცერცვაძე. იმ სალამოსვე მიუტანა სიმწრით ნაგროვები სამი ათასი მანეთი და ტაქსის შემკეთებლისაგან ხელწერილი მიიღო. „მე, პალიკო ცერცვაძე ვალდებული ვარ გივი ბილიხოძისგან მიღებული სამი ათასი მანეთის საფასურად გადავცე მას ავტომანქანა ვოლგა, ჩამონერილი ტაქსი კაპიტალურად გარემონტებული“.

გივიმ განცხადება ჩაიკითხა და მორცხვად იკითხა:

– ნიკელები?

– არა, ძმაო, ნიკელებს ვერ დაგპირდები. საერთოდ, ჩვენ ნიკელებს არ ვაკეთებთ. მარტო ქვისლისთვის ვშოულობდი. მე თვითონ ხელზე უნდა მეყიდა.

ნიკელებისთვის ასი მანეთი დაუმატა გივიმ და ჭიშკრიდან რომ გადიოდა, მასპინძელმა შეაჩერა.

– როგორც ვთქვით, შვიდ დღეში მიიღებ განკრიალებულ ვოლგას. ეს მისამართი ხომ სწორია? სახლში მოგაყენებს კაცი კართან. დღეს რა დღეა?

– ოთხშაბათი, – შეაშველა გივიმ.

– მოკლედ, იმ ოთხშაბათს. დღეის სწორ ოთხშაბათს. სახლში იყავი დილიდან. მე ვერ ჩამოვალ, საქმეები მაქვს. სხვა ჩამოგიყვანს მანქანას და მოგცემს ხელში გასაღებს. თუ კაცი ხარ, ჩამომყვანთან სირცხვილი არ მაჭამო. ხომ იცი, მაგენი ქართლელებია – სხვანაირი ხალხია. პატარა პატივი ეცი. უსადილოდ არ გამოუშვა, თორემ შევრცხვებით ძელქვიანელები. ფული არ შეაძლიო, თორემ გაბრაზდება. ფულს არ კიდებენ ხელს ჩემი მუშები. პატარა წაახემსე – ერთი ბოთლი ღვინო, ჭადი, ყველი. არ გაგიჭირდება მაგი შენ, თავი არ მომჭრა იმ უცხო კაცთან...

– რავა გეკადრება, გვეშლება მაგი ჩვენ, ძელქვიანელებს? – გაუღიმა გივიმ.

ხელი ჩამოართვეს, გადაკოცნეს ერთმანეთი და ღვიძლი ძმებივით დაშორდნენ.

პალიკომ ქუჩაში მიმავალს ერთხელ კიდევ მიაძახა.

– ჩამომყვანი მშიერი არ დამიტოვო, თუ კაცი ხარ! – ხელი დაუქნია და ჭიშკარი მიიკეტა.

მესამე თვე გადის ამ ამბის შემდეგ. ათი დღის თავზე შინ მიაკითხა გივიმ პალიკოს, მაგრამ სახლის პატრონმა სანუგეშო ვერაფერი უთხრა: ზედა პატარა ოთახი დაიქირავა, ერთ კვირაზე მეტი არ უცხოვრია. ერთი თვის ფული წინასწარ მომცა. პასპორტი არ გამომირთმევია. თბილისიდან ვარ, წყალსადენის მუშაობას ვამონებ და სასტუმროში იმიტომ არ გავჩერდი, ღვინოს ვერიდებო. რა ვიცოდი, აფერისტი თუ იყო. პასპორტშიც რომ ჩამეხედა, რას მივხვდებოდი, „აფერისტი“ პასპორტში არავის უწერიაო.

შენ ახლა მეხუთე კაცი ხარ, ვისთვისაც მანქანის ფული აუღლეთიაო.

რა ექნა გივის? სიმწრისგან ტუჩზე იკბინა, მაგრამ თავს ზევით ძალა არ არის. „არ მიმართლებს და ეგ არიო“, – ერთხელ კიდევ დაასკვნა და უქიმერიონზე წელმონყვეტილივით დაეშვა.

– ახლა კიბეზე კაცი არ შეგხვედრია? – უთხრა „ობუჯის“ გენერალურმა დირექტორმა, საშუალო ტანის, კითხვისნიშანივით მოხრილმა, წრიპა, სათვალთანმა კაცმა, იმის შემდეგ, რაც გივი ბილიხოდის სათხოვარი მოისმინა.

– არა? – უპასუხა გივიმ.

– ახლა გავიდა, ა, ამ წუთში. სამი წუთიც არაა. გეტყვი გვარსაც, – ქალაღდს დაწვდა, – წერეთელია ჭომელი; ახლა დავწერე ბრძანება. სად იყავი აქამდე? ორი თვეა მომმარაგებელს ვეძებ. შენნაირ კაი ბიჭს უარს ვეტყვოდი? ის წერეთელი დონდლოა ვილაცა. ივარგებს? ეშმაკმა უწყის.

– ვიცოდი, ასე იქნებოდა. – ყრუდ ჩაილაპარაკა გივიმ.

– რაი?

– არ მიმართლებს საერთოდ. კიბეზე რომ ამოვდიოდი, უკვე ვგრძნობდი, რომ სხვა გეყოლებოდათ დანიშნული და სიმართლე გითხრათ, უკან გაბრუნება მინდოდა. კარგად ბრძანდებოდე.

– მოიცა, – დირექტორს გული აუჩუყდა, – არ მინდა შენი გაშვება ასე. რაღაცა მომეწონე, ხომ იცი, კაცია და გუნება. რა მაქვს ახლა ისეთი... ჰო... სპორტის ინსტრუქტორ-ორგანიზატორის ადგილი მაქვს. მოდი აქ იმუშავე ცოტა ხანს. მერე გამოჩნდება რაღაცა, სპორტის გესმის რამე?

– ზოგადად კი, – დაუფიქრებლად მიუგო გივიმ, – ახლა ისე... როგორც ყველას ესმის, არაა სპორტი ჩემი საქმე. მაღლობელი ვარ. კარგად იყავით.

– მოიცა. არ წახვიდე! – გენერალური დირექტორი ლამის უკან გამოდგომოდა, – წესიერი ბიჭი ჩანხარ. პატარა ხანს იყავი სპორტში. სულ არაობას ქე სჯობია. მერე გადაგიყვან. კვირაში ორჯერ ფეხბურთს ითამაშებენ მუშები და შენ იჯექი და უყურე. ფეხბურთი ვის არ ესმის. მართალია, ხელფასი ცოტაა, მაგრამ არც საქმეა ბევრი. ხანდახან პრემიასაც გამოგიწერ. დამიჯერე, არ წააგებ, იცოდე.

გივი ბილიხოდემ განცხადება დაწერა და დღეს პირველად დაიჭირა თავი იმაში, რომ საერთოდ დამყოლი ხასიათი ჰქონია.

პარასკევს, პირველი ცვლის შემდეგ, ოთხ საათზე გაერთიანება „ობუჯის“ ცალკარიან სტადიონზე (მეორე კარი თა-

ვის ბადიანად მოეპარა ვილა(ცას) სავარჯიშოდ ბარე ჩვიდმეტი მუშა-ფეხბურთელი მოგროვდა. მეორე კარის ნაცვლად ქვები დაანყვეს თვითონვე, ტანსაცმელი ძელსკამზე მოაქურჩეს და ბურთის მოსატანად ნასულ ინსტრუქტორს ელოდებოდნენ. გივი ბილიხოძე მალე გამოჩნდა. დარცხვენილი ჩამოდიოდა კიბეზე და ბურთის ნაცვლად სპორტულ უროს მოათრევდა.

– დღეს უროს ტყორცნაში ვივარჯიშებთ. – განუცხადა მან ცნობისმოყვარე მუშა-სპორტსმენებს, ურო ძელსკამთან მიაგდო და სტადიონის ლობეზე ეულად მოსეირნე მამალს გახედა.

მძლეოსნური სპორტის სახეობათაგან თუ რამეში სრულე-ბითაც ვერ ერკვეოდა გივი ბილიხოძე, ეს უროს ტყორცნა გახლდათ, მაგრამ ამჯერად სხვა გზა არ ჰქონდა, მთელი დარბაზი გადაქეჩა და ბურთი ვერ იპოვა. წინა ინსტრუქტორს მოხსნისადმი პროტესტის გამოსახატავად ბურთი (და სხვა სპორტული ინვენტარიც, რაც აბგაში ჩაეგია) შინ წაელო. სასონარკვეთამდე ცოტა აკლდა გივის, რომ კარს უკან ურო შენიშნა და პირველი მეცადინეობის ჩაფუშვისაგან ხსნის იმედი ჩაესახა. უროს ხელი დაავლო და დანარჩენი მკითხველმა უკვე იცის.

მუშა-ფეხბურთელთაგან უროს ტყორცნის მოყვარული მხოლოდ ერთი აღმოჩნდა – გეგუთელი ზაზა სინაურიძე. უკისრო, ჩაფსკვნილი ბიჭი იყო ოციოდე წლის. მსხვილ მკლავებზე ლურჯი მაისური ასკდებოდა, კორიდაზე გამოსული მოზვერით გაუნძრევლად იდგა განზე და მუჭისსისხო ნესტოებითლა სუნთქავდა.

თექვსმეტი მუშა-სპორტსმენი, მიუხედავად ახალი ინსტრუქტორის საყვედურისა, უსიტყვოდ იცვამდა და გასასვლელისაკენ დაუმშვიდობებლად გარბოდა. შეგნებულობის ხელყოფით და დამამცირებელი მზერით მეთექვსმეტე „სპორტსმენი“ რომ გააცილა, გივი გეგუთელ გოლიათს მიუბრუნდა.

– უროს ტყორცნის გესმის რამე?

– კი, – თავი დაუქნია ზაზამ.

– გისვრია? – მწვრთნელმა ყოველ შემთხვევისთვის კითხვა დაუზუსტა საეჭვო სპორტული ინტელექტის მქონე თავის აღსაზრდელს.

– არა, – ზაზამ სიმართლე ვერ დამალა.

– სხვისთვის თუ გიყურებია? – ამასობაში გივიმ სცადა თვითონვე მოეგონებინა, სად ენახა უროს სროლა, ნანახი რომ ჰქონდა, ფაქტი იყო, რადგანაც ცხადად ახსოვდა უცნობი უროს მტყორცნელი, რომელსაც გამართულ ხელებში ეჭირა მავთული და ორჯერ შემოტრიალებით ისროდა უროს (რომელიც „ობუჯის“ ინსტრუქტორს, ასე მძიმე თუ იყო, არ ეგონა).

– ტელევიზორში. – სინაურიძემ თავზე ჩამოისვა ხელი, ურო აიღო და გივის მიუახლოვდა.

– იდექი მანდ, – გივიმ წკირი აიღო და სპორტსმენის ირგვლივ დიდი წრე შემოხაზა, – ამ წრეს არ უნდა გადაცდე.

– ვიცი, – დაბეჯითებით მიუგო ზაზამ.

– აბა, ჰე.

– ვისროლო?

– ისროლე. ვნახოთ ერთი რანაირად ისვრი.

ზაზამ დათვის ტორებში მოიმწყვდია სახელური, დატრიალდა და შხუილით მოისროლა. ურო კარგა შორს, საჯარიმო მოედნის სიახლოვეს დაეცა.

გივი ბილიხოძემ გაიცინა. ეს გაცინება თავიდანვე ჰქონდა ჩაფიქრებული. აქაოდა, ჯერ კიდევ რამდენი ხარვეზი აქვს უროს ტყორცნაში თქვენეულ ტენქიკას, ყმანვილოვო.

– წადი ახლა, მოიტანე ურო და გაზომე რამდენ ნაბიჯზე გადაგიგდია, – მშვიდად უთხრა მწვრთნელმა.

ზაზამ ქოშინით მოარბენინა ურო და მორჩილად დადგა წრეში.

– რამდენია?

– სამოცდაერთი.

– ასეც ვიცოდი, – მწვრთნელს იდუმალი ხმა ჰქონდა და ყოვლისმცოდნის იერი, – დაიმახსოვრე, რასაც გეტყვი. ურო ოდნავ მოხრილ მკლავებში უნდა დაიჭირო. ხელები მხრების სისწორეზე უნდა გქონდეს, არც მაღლა და არც დაბლა. ტყორცნის დროს ურო ცოტა მაღლა უნდა აიქნიო. გამიგე?

– კი, – ზაზამ თავი დაუქნია.

– აბა, ჰე.

ზაზამ თითქმის ზუსტად შეასრულა მწვრთნელის დავალება, მაგრამ ამჯერად ორმოცდაჩვიდმეტ ნაბიჯს ვერ გადააცილა ურო.

– არ ვარგოდა, – დატუქსა გივი ბილიხოძემ დებიუტანტი და თავისი ახსნა-განმარტებითა და პედაგოგიური ტაქტით თვითონვე კმაყოფილი დარჩა.

– ბრუნი არ გივარგა. პირველი ბრუნი ნელა უნდა გააკეთო, მეორეზე სიჩქარეს უნდა მოუმატო. მეორეა მთავარი. თუ შეატყვე, რომ მეორე ბრუნმა საკმარისი ინერცია არ მოგცა, წადი მესამეზეც, ორი ტრიალი დოგმა კი არ არის. უროს პირდაპირ ნუ უშვებ. რაც მალლა ნავა, მით მეტ ტრაექტორიას მოხაზავს.

– რას იზამს? – ზაზა სინაურიძე რთულ, უცხოურ ტერმინებს შეჩვეული არ იყო.

– ტრაექტორიას მოხაზავს, შორს გადავარდება.

– მესმის, – თავი დაუქნია ზაზამ და წრეს მიაშურა.

– ჩემს კამანდას უსმინე – მწვრთნელმა ხმას აუნია, – გაისწორე ხელებში, ამოისუნთქე თავისუფლად, პირველი წრე, ორი და სამი, ნავიდა!

გივი ბილიხოძემ თვალი მოჰკრა, ტარაბუასავით რომ დატრიალდა მისი აღსაზრდელი და უეცრად მუცლის არეში საშინელი ტკივილი იგრძნო. თითქოსდა მეხი დაეცა და გულმუცელი შეუნგრია.

საკაცით სასწრაფო დახმარების მანქანისაკენ რომ მიარბენინებდნენ, გონს მოვიდა, ზაზა სინაურიძის ათლეტურ, დაძარღვეულ-დაბერილ ზურგს მოჰკრა თვალი და მიხვდა, რაც სჭირდა. „იმ სიფართე სტადიონია, რალა მუცელში დამიმიზნა ამ უპატრონომ“ – გაიფიქრა ბადროს ტყორცნის „სპეციალისტმა“, თავქვეშ მარჯვენა ხელი ამოიძო და სიმწრისაგან ტუჩზე იკბინა: „არ მიმართლებს, მორჩა და გათავდა“.

თვითმკვლელობა

ჩხრეკა დიდხანს არ გაგრძელებულა. შავ კოსტიუმსა და თეთრ პერანგში გამონყობილ „ოპერატორებს“ ჰალსტუხებიც კი ერთნაირი ეკეთათ. სერიოზული სახეებით დააბიჯებდნენ ისინი ოთახში, და ჯიმის მოეჩვენა, რომ სევდაც კი ეხატათ სახეზე. უხეშად არ იქცეოდნენ. უჯრას რომ გადმოაპირეკავებდნენ იატაკზე, ერთს გადაჰკრავდნენ თვალს, გულმოდგინედ ჩაალაგებდნენ ისევ და უჯრას თავის ადგილას რომ შეაცურებდნენ, სამივენი ერთად გამოხედავდნენ მასპინძელს. ჯიმი მშვიდად და გულგრილად შეჰყურებდა სტუმრებს. არც მაშინ გატოკებია წარბი, ქალღმერთის უთავბოლო ჯღრღეში უბის წიგნაკები და ძველი დღიურები რომ ამოჩხრიკეს, თითქოს ბოდიშს იხდიანო, მონაფეხებით გარსემოენწყვნენ მასპინძელს და სთხოვეს, ესენი უნდა გვათხოვოთო ცოტა ხანს. ჯიმის არაფერი უთქვამს. თვითონაც უკვირდა; ისეთი გრძნობა დაეუფლა, თითქოს ეს ყოველივე მას არც კი ეხებოდა, თითქოსდა შემთხვევით შემოესწრო ვიღაცის ოთახის ჩხრეკას და ახლა ზრდილობის გულისთვის იდგა კარში. „თუ ყველაფერი ასე იწყება, სულ არ ყოფილა ძნელიო“, გაიფიქრა, როცა ჩხრეკის ოქმზე ხელი მოანერინეს და ხაზგასმული მონივნებით სთხოვეს, მართალია ცოტა გვიან არის, მაგრამ ერთი საათით ჩვენთან უნდა წამობრძანდეთ, შერიფი გიბარებთო.

ისე გამოენყო, როგორც ექსკურსიაზე წასვლისას იცოდა. ხავსისფერი სვიტერი, ლაჯებში ტყავგამოკერებული ჯინსის შარვალი და ბუკლეს ქრელი პიჯაკი ჩაიცვა. საბუთები და ოცი დოლარი ჩაიდო ჯიბეში. ფეხზე – მაღალყელიანი ფრანგული „შიბლეტები“. გასვლისას სარკეში ჩაიხედა, თმა გადაივარცხნა და ბიჭებს გაუღიმა, – თუ შეიძლება, გასაღებს მეზობელს დავუტოვებ, ვინ იცის, როდის დავბრუნდებიო.

ორმა ბიჭმა, მესამეს, ჰალსტუხმორჯალეულ, გრძელხელება პოლიციელს შეხედა.

– უხერხულია ამ შუალამისას მეზობლის შენუხება. გასაღებო თქვენთან იყოს, – განზე გაიხედა.

მანქანის უკანა კარი გამოალო. თითქოსდა სულ ამ ტრანსპორტით მგზავრობსო, კიბეც თვითონვე გადმოსწია, ავიდა და კუთხეში მიჯდა. კარი გარედან დაუკეტეს და სამივენი კაბინაში მოკალათდნენ.

„ახლა კი ყველაფერი დამთავრდა“, გაიფიქრა და გასაოცარი შეება იგრძნო. თითქოს ძელიდან ჩამოხსნესო. ამ დღეს ერთი კვირაა ელოდა. უკვირდა კიდეც, რომ ასე დაგვიანებით „გაიხსენეს“. ზუსტად ერთი კვირის წინ, იმ ოთხშაბათს კარლი დააპატიმრეს. დედამისმა დაურეკა გამთენიისას აკანკალებული ხმით. მთელი დღე ყურებში უწიოდა მოხუცი ქალის შემფოთებული ხმა: „შვილო ჯიმი, რა მოხდა, მე რატომ დამლუპეთ?“ მეორე დღე პერკინს კლერი წაიყვანეს სამსახურიდან. ღამით მისი ბინაც გაჩხრიკეს, ვილი სან-ფრანცისკოდან დააბრუნეს, სადგურიდანვე აიყვანეს ჩემოდნით და ბავშვის ველოსიპედით ხელში. ეს ერთი კვირაა სახლიდან არ გამოსულა, ელოდა რომ მოაკითხავდნენ და ეს მოლოდინი ნერვებს უშლიდა. ოთახში ადგილს ვერ პოულობდა. მის ფანჯარასთან ფეხათრევით ჩავლილ უცნობს გაუღიმა კიდეც ერთხელ, პასუხად უცნობმა ნაბიჯს აუჩქარა და თხუთმეტ წუთში სხვა კაცი „დასეირნობდა“ ჯიმის ფანჯრებთან.

„მაშ, ასე, ღმერთო, რა მალე გაირკვევა ყველაფერი. მზად როგორ არა ვარ, მაგრამ ის საზარელი სიმართლე მაშინებს, გამცემის თვალებს რომ წავანყდები. დანარჩენი ყველაფერი ჩვეულებრივად წავა. როცა ამ საქმეზე მივდიოდი, მე ხომ უკვე ვიცოდი, რაც მელოდა. ალბათ ამიტომ ვარ ასე მშვიდად. ავად თუ კარგად მე ჩემი გავაკეთე. დამწყების ბოლო ხშირად ასეთია. ახლა ალავერდი თქვენზეა. მანქანამ ამსტრონგის ქუჩაზე არ შეუხვია, ეტყობა ორმოცდამეორე ავენიუზე მივყავართ, პოლიციის მთავარ სამმართველოში.

საათს დახედა. ორს წამები აკლდა. მძღოლის ზურგიდან გაჰყურებდა ცარიელ ქუჩას. ყვითლად გაჩახჩახებულ ტროტუარებზე მარტო მენაგვეები და სამ-სამად მოსეირნე პოლიციელები ჩანდნენ.

მძღოლის გვერდით მჯდარმა ახალგაზრდა პოლიციელმა მიკროფონს ჩასძახა და უნარწერო, შავი ალაყაფის კარი მეყვსეულად გაიღო. მერე დიდხანს მიდიოდა მანქანა პოლიციის ჩაბნელებულ ტალანებში. საპატიმრო ჯიმის სხვაგვარად წარმოედგინა. მას ეგონა, რომ ბორკილდადებულს მოუწევდა გავლა გრძელ დერეფანში და იქეთ-აქეთ რკინის გალიებს მომდგარ პატიმართა მისალმებებში ამაყად თავანული მივიდოდა თავის საკნამდე. მსგავსი არაფერი მომხდარა. მესამე კიბეზე ჩადიოდნენ ახლა ის და მისი გამყოლი და ჩამიჩუმიც არ ისმოდა, კაციშვილი არ შეხვედრიათ, ავად დაგმანულ გისოსებიდან კვნესა რაა, პატიმრის ერთი ამოოხვრაც კი არ გაუგონია. ჯიმის ეჩვენებოდა, რომ ეს ამოდენა პოლიციის დეპარტამენტი ცარიელი იყო და ცოტა არ იყოს რცხვენოდა კიდეც თავისი თანამგზავრისა, რომ ასე უდროო დროს აიძულებდა მასთან ერთად ევლო ულიფტო შენობაში აღმა-დაღმა.

– სერ! – პირტიტველა პოლიციელმა, როგორც იქნა, ხმა ამოიღო.

ჯიმმა ქამანდნასროლივით მოღრიჯა კისერი.

– მგონი, მოვედით, ერთ წუთს დამელოდეთ, – ტყავგადაკრულ კარს მიანვა.

ჯიმი კედელს მიეყრდნო, დოინჯი გაიკეთა და მოცლილი კაცივით ფეხიც კი შეუბიჯგა სხეულს.

ხუთიოდე წუთში იგი ხანშიშესული ზანგის წინაშე იჯდა. ზანგს ჯიუტ, ხუჭუჭა თმაში ჭალარა შერეოდა. მოკლესახელოებიანი თეთრი პერანგი და ემპაიერ ბილდინგის გამოსახულებიანი ჰალსტუხი ეკეთა. გამხდარი იყო და ჯიმის მოეჩვენა, რომ ზანგისთვის სრულიად უჩვეულო, წვრილი მაჯები ჰქონდა.

– მე ფოკლენდი მქვია, – უცერემონიოდ დაიწყო ზანგმა, როცა მარტონი დარჩნენ, წამოდგა, კარადა გამოალო, „ომი და მშვიდობაზე“ უფრო სქელტანიანი წიგნი დაითრია და მაგიდაზე დაატყაპუნა, – ეს კი თქვენი საქმეა.

– ოჰო?! – გაიკვირვა ჯიმმა, – კარგად გიმუშავნიათ.

– მინდა იცოდეთ, მისტერ ჯიმ, რომ ირონია ჭირივით მძულს. ამ დეპარტამენტში მე უფრო დიდი თანამდებობა მი-

ჭირავს, ვიდრე თქვენი ტომის შედგენა გახლავთ. მე ეს საქმე (გაილიმა) – თქვენი მოღვაწეობის ნუსხა მხოლოდ გუშინინ გადმომეცა.

– შეიძლება, გკითხოთ? – ჯიმი ნინ გადაიხარა და ხელები მუხლებზე დაიწყო, – რამდენი დრო დაჭირდათ?

– მე ამის თქმის უფლება არა მაქვს, მაგრამ ჩვენ შორის თუ დარჩება, გეტყვით, თქვენ დამუშავებაში ხართ უკვე ორი წელია. მაპატიეთ „დამუშავებაში ხართ“ მთლად გამართული ინგლისური ვერ არის, შინაურული, პოლიციური ტერმინია.

– ჩემგან რაღაა საჭირო?!

ჯიმი იგრძნო, რომ შეკითხვების მიცემის ინიციატივა იგდო ხელთ და ეუხერხულა თავისი საქციელი.

– გეჩქარებათ სადმე? – ზანგმა ყანაოთივით თეთრი, ქათქათა კბილები გააელვა.

– არა, სერ, ჩვენი შეხვედრის აზრს ვერ ვხედავ. მე ხომ ვიცი, თქვენ როცა აპატიმრებთ კაცს, მისი საქმის გამოძიებაც დამთავრებული გაქვთ და მისი ბედიც გადაწყვეტილი.

– სახელდობრ?

– ზუსტად იცით, რამდენი უნდა მისცეთ. ასე, რომ, მადლობა პოლიციას ასეთი გულმოდგინე მუშაობისათვის ჩემი მოკრძალებული ორი წლის გამო. ჩემს ჩვენებებს აზრი არა აქვს. თუ რაიმე ხელმოსაწერი გაქვთ, მოგინერთ. რაც შეეხება დანარჩენს, თუ არ შენუხდებით, ჩემი კამერა მიჩვენეთ, გამოვიძინებ და ხვალ ვილაპარაკოთ.

– ნუ ცხარობთ, – მისტერ ფოკლენდი წამოდგა და ფანჯარასთან მივიდა, – თქვენ პოლიციის დეპარტამენტში ბრძანდებით და ნება გვიბოძეთ თქვენი ძილის საათებში ჩავერიოთ.

– ოჰ, უკაცრავად, გარეთ მყოფი კაცის თვისებები, ალბათ, ცოტა ხანს კიდევ გამყვება და არ გაგიკვირდეთ, თუმცა განვალებით არ გაგანვალებთ. მალე გამოვსწორდები.

– ?!

– თქვენ კარგად იცით, მისტერ ფოკლენდ, რომ „თავისუფალი“ კაცი პატიმრისაგან ჩვენში მხოლოდ იმით განსხვავდება, რომ ამ უკანასკნელს, როცა მოეხასიათებათ, მაშინ გააღვიძებენ.

– თქვენ გინდათ თქვათ...

– დიახ, მე ბავშვობიდანვე პატიმარი გახლავართ ამ პოლიციურ სახელმწიფოში, მარტო ის მიკვირდა, ორმოც წლამდე როგორ მოვედი ისე, რომ ჩემი ოთახის გასაღები მე მედო ჯიბეში.

– თქვენ შეგეძლოთ მთელი ცხოვრება გარეთ გაგეტარებინათ.

– რა მნიშვნელობა აქვს. თქვენ გარეთ ყოფნას რას ეძახით? დატკობას ხომ არა იმ თავისუფლებებით, ამერიკის ქარტია რომ სთავაზობს თავის მოქალაქეს. ხომ ხედავთ, თურმე მე რომ ობსლენდის პლაჟზე მზეს ვეფიცხებოდი, ან ჩიკაგოს ტრასაზე მივქროდი მოტოციკლით, მარტო არც მაშინ ვყოფილვარ. თქვენი შტატიანი თუ უშტატო თანამშრომლების მზრუნველობა და ყურადღება განსაკუთრებით ამ ბოლო ორი წლის მანძილზე ნუთითაც არ მომკლებია. ვერ გეტყვით, რომ არ ვგრძნობდი პოლიციის ზურგში დამიზნებულ მზერას.

– უნდა გითხრათ, რომ მაინცდამაინც არ გეტყობოდათ, ყოველ შემთხვევაში თქვენ, ამ წიგნის მიხედვით თუ ვიძისჯვლებთ, ყველაზე არაფრთხილი კაცი ჩანხართ იმ პოლიტიკურ დამნაშავეთაგან, ვისაც მე შევხვედრივარ.

– ნება მომეცით, არ ვუნოდო ჩემს თავს პოლიტიკური დამნაშავე, მაშინაც კი, როცა ჩემი სასამართლოს ფარსს ჩაატარებთ და გაზეთებს ააჭრელებთ ჩემი „ძირგამომთხრელი საქმიანობის“ დამამტკიცებელი დეტექტიური სიუჟეტებით.

ზანგი მაგიდას დაუბრუნდა და მშვიდი, ხორხისმიერი ბარიტონით ჩამოლერდა:

– ხომ არ გინდათ, თქვათ, რომ დანაშაული არ მიგიძღვით ამერიკის ხელისუფლების წინაშე? მე მგონი მე და თქვენ ბავშვები არა ვართ.

– ხელისუფლებას სახელმწიფოს მნიშვნელობით ხმარობთ? მისტერ ფოკლენდი დაიბნა.

– ეგ სულერთია.

– მთავრობის წინააღმდეგ უკმაყოფილების გამოთქმა თქვენ რომ ქვეყნის ღალატად მიგაჩნიათ, ეგ გასაგებია. თუ ამ პოზიციიდან გამოვალთ, ალბათ, დამნაშავე ვარ. მაგრამ ყოველ

შემთხვევაში იმდენად არა, როგორც ამ ოცკილოგრამიანი წიგნიდან ჩანს.

– თქვენ რა იცით, რა წერია ამ წიგნში?

– ვხვდები, იცით რა, მისტერ ფოკლენდ. მე კონსპირაციის საბურველით არ ვფარავდი ჩემს საქმეებს, თორემ არც ისეთი ჰოტროველა ვარ, თქვენს ბიჭებს ბულკივით ჩავვარდნოდი პირში. რას ვაკეთებდი მე? გაფიცულების დასაცავად პეტიციას ვუგზავნიდი მთავრობას, მამხილებელ სტატიებს ვწერდი, მიტინგებზე სიტყვებით გამოვდიოდი ადამიანის უფლებების დასაცავად, ხელმონერებს ვაგროვებდი უდანაშაულო „დამნაშავეთა“ დასახსნელად, შემონირულობებს ვაგროვებდი აფრიკის ჯუნგლებში დაღუპულთა ოჯახებისათვის. ვიბრძოდი ისე, როგორც ყველა პატიოსანი კაცი უნდა იბრძოდეს.

– და თქვენ მიგაჩნიათ, რომ ეს არ არის მთავრობის საწინააღმდეგო ქმედება?

– არავითარ შემთხვევაში, მე დივერსიებს არ ვაწყობდი, ტერორს არ მივმართავდი და უცხოეთის დაზვერვასთან კავშირი არ მქონდა.

– შორიდან დავინწყით, – მისტერ ფოკლენდმა კონდიციონის ღილაკს თითი დააჭირა, – თქვენ ჩვენი მთავრობა გიყვართ?

– რომელი ჩვენი მთავრობა?

– ამერიკის.

– მთავრობა ძალიან ფართო ცნებაა, სერ. შეკითხვა კი თუმცა ცოტა ბავშვური გახლავთ, მაგრამ ბავშვურადვე გიპასუხებთ, – არ მიყვარს, უფრო სწორად მთავრობის ზოგი წევრის საქმიანობა რადიკალურად არ მომწონს.

– მაინც?

– გრძელი ისტორიაა. მეც იმიტომ არ მომწონს, რატომაც თქვენ არ მოგწონთ. თქვენ რომ არ მოგწონთ, ეს იმაზე გეტყობათ, რომ ბრიყვი არ ჩანხართ. თუ სიმართლე გინდათ, თქვენ ჩემზე მეტი ოპოზიციონერი იქნებით გულის სიღრმეში, რადგანაც პოლიციაში მუშაობთ და მეტი საბუთი გაქვთ იყოთ უკმაყოფილო.

– მადლობელი ვარ გულახდილობისათვის, მაგრამ, თუ არ შენუხდებით, ერთი სიტყვით მაინც მითხარით თქვენი გაარჯლების მიზეზი.

– მიზეზი? – ჯიშმა გულხელი დაიკრიფა და გამომძიებელს თვალეში შეხედა. – თუკი ეს ოქმისთვის საჭიროა, გეტყვით, დავლპით. დიდი ხანია რღვევა და დაშლა დავინწყით.

– საექვოდ დიდი ხანი ხომ არ არის?

– არა, ყველაფერი კანონზომიერად მიდის. რღვევის პროცესი მხოლოდ იმიტომ ჭიანურდება, რომ ერთი მხრივ უნიგნური ადამიანების გარემოცვაში ვართ, მეორე მხრივ თქვენნაირი შენიღბული და გაორებული მოხელეების.

– კარგი იქნება, თუ შიგადაშიგ პირად შეურაცხყოფას არ გაურევთ, – ჩაიდუღუნა ზანგმა.

– ყველა სალად მოაზროვნე ამერიკელი ხედავს, რაც გვჭირს, მაგრამ პირში წყალი აქვს დაგუბებული.

– ნება მომეცით, გკითხოთ. თქვენ „სალად მოაზროვნე ამერიკელების“ რომელ ელიტას წარმოადგენთ?

– ვინც პირში წყალი არ დაიგუბა. ვინც დაინახა და თუ ქმედითი ვერაფერი გააკეთა, თქვა მაინც.

– გამოსავალი?

– დახავსებულ ცხოვრების წესზე უარი უნდა ვთქვათ. მოყირჭებულ „იდებს“ უნდა შევეშვათ და ახალი ცხოვრება უნდა დავინწყით.

– სამიტინგო ბრტყელ-ბრტყელ სიტყვებს ხომ არ ხარჯავთ, იქნებ ცოტა უფრო პრაქტიკულად ილაპარაკოთ?

– უფრო პრაქტიკულად? მაღალ მატერიებს მოვეშვათ, ნურაფერს ვიტყვით ჩვენს საარჩევნო სისტემაზე და პიროვნების თავისუფლებაზე, რისთვისაც მთელი ქვეყანა დაგვცინის. ნუთუ არაფერს გეუბნებათ ის ფაქტი, რომ მეოცე საუკუნის ოთხმოციან წლებში ჩვენს ქვეყანაში ბენზინის ფასი ყოველწლიურად იზრდება და ამხელა სახელმწიფოში ენერგეტიკის უიმედო კრიზისი სუფევს?

– კლიმატს გამორიცხავთ?

– ეგ გაზეთური მაიმუნობა აქ რა მოსატანია.

– ბრძოლის მომხრე ხართ? იქნება მითხრათ; შეიარაღებულ ბრძოლის თუ შეხედულებების ჯანაჯუხის?

– მე თქვენ სერიოზული კაცი მგონიხართ, მისტერ ფოკლენდ, სახუმროდ სულაც არა გვაქვს საქმე. ბრძოლა სინდისის თავი-

სუფელბისათვის დიდი ხანია დაწყებულია და ყველა პატიოსანი ამერიკელის ვალია, როგორც შეუძლია შეენიოს ამ ბრძოლას უკეთესი ცხოვრებისათვის.

ცოტა ხანს ჩუმად იყვნენ. ზანგი სპილოს ძვლის დანით ფრჩხილებს ინმენდდა და თან ჯიმის გამჭოლ მხერას არ აცილებდა. მერე საბრალდებო დასკვნის ნიგნი შუაზე გაშალა, ერთხანს იკითხა თავისი სქელი ტუჩების ცმაცუნით, ერთბაშად დახურა და მარჯვენა ხელი დაადო:

– თქვენ წელან „იდეები“ ახსენეთ, იქნება არ მოგწონთ ის ზნეობრივ-სამართლებრივი პრინციპები ჩვენს კოდექსებსა და ამერიკის კონსტიტუციაში რომ წერია?

– საქმე იმაშია, რომ თეორიული საფუძველი ურიგო როდი გვაქვს, მაგრამ ეგ ყველაფერი ქალაქზე დარჩა, ჩვენ კი სხვა გზით წავედით.

– მაინც?

– ჩვენი უბედურების თავი და თავი სწორედ ეგ არის. უპრეცედენტო დაშორება სიტყვასა და საქმეს შორის.

– ?!

– ერთს გავყვირით და მეორეს ვაკეთებთ, ამიტომაცაა, რომ, თუ ხედავთ, ხელისუფლების წარმომადგენლები თანდათან მარტო რჩებით, მასამ კარგა ხანია ზურგი შეგაქციათ.

– მაგრამ ჩვენ ხომ მსოფლიოში თავისუფლებისა და დემოკრატიის ქვეყნის სახელით ვართ ცნობილი.

– ამაზე მხოლოდ თქვენ და თქვენი მარიონეტები გაჰყვირიან. ისინიც მხოლოდ მაშინ იწყებენ გლახა ძალღივით ყეფას, როცა ოსპის წვენს დაუდგამენ. გულის სიღრმეში მათაც გაქცევაზე უჭირავთ თვალი. ბრმა უნდა იყო, რომ ვერ ხედავდე, როგორ მცირდება დღითიდღე შეერთებული შტატების ერთგულთა რიცხვი?

– მიზეზი?

ჯიმის გაეცინა.

– თქვენ ხომ არ დამცინით, მოწყალეო ხელმწიფე, განა მთელი საათი მიზეზზე არ გელაპარაკებით?

– ეგ ზოგადი მსჯელობაა. ზოგადად თქმა ადვილია.

– ისევ კონკრეტულად გნებავთ? კი ბატონო, პოლოვჩაკების

ოჯახი ცხოვრობს ვაშინგტონში. ერთ მშვენიერ დღეს ამ ოჯახმა მოისურვა მოსკოვში გამგზავრება, ე. ი. სამშობლოში დაბრუნება მუდმივ საცხოვრებლად. თქვენ როგორ მოიქეცით? 1980 წლის 13 ივლისს პოლოვჩაკებს მოსტაცეთ 17 წლის ქალიშვილი ნატალია და 12 წლის ვაჟი ვლადიმერი. ბავშვების მოტაცება სანქციონირებული იყო ამერიკის შეერთებული შტატების ოფიციალური ხელისუფლების, მათ შორის სახელმწიფო დეპარტამენტის მიერ.

– ეს თქვენ რუსულ გაზეთში ამოიკითხეთ. ეჭვი არ დაგებადათ ამ სენსაციის სიზუსტეში?

– სხვათა შორის ამაზე რვა აგვისტოს მსოფლიოს რამდენიმე დიდმა გაზეთმა დაწერა და უნდა გამოგიტყდეთ, არაკომუნისტურმა გაზეთებმაც.

– როცა ამას ამბობთ, რატომ არ ფიქრობთ ორ გარემოებაზე: ჯერ ერთი, ჩვენ საყოველთაო კეთილდღეობის ნანატრი დღეები ჯერ წინა გვაქვს, მეორეც, განა ვერ ხედავთ, ადამიანის სულის გაჯანსაღების გზაზე მომხდარ გასაოცარ ძვრებს. დღეს ხომ მთელი მსოფლიო ლაპარაკობს ამერიკული ცხოვრების წესზე.

– ო, მისტერ ფოკლენდ, – ჯიმმა ასანთის კოლოფი გააგორა მაგიდაზე, – ნეტავ, ამ პრობლემას სულ არ შეხებოდით. ყველაზე ადვილი დასამარცხებელი სწორედ სუპერმენზე კამათის დროს ხართ.

– რატომ?

– ალიბის უქონლობის გამო. სტატისტიკა თუ დაინტერესდება; ამერიკის მოქალაქეთა უმეტესობა ბიზნესმენობს ამ სიტყვის უკიდურესი მნიშვნელობით, ესე იგი ან თაღლითობს, ან იპარავს, ან თავისი ჯანმრთელობის საზიანოდ ზედმეტად ტვირთავს თავის ტვინსა და კუნთებს. გახსოვთ, რა დიდის ამბით გავყვიროდით ახალი ამერიკელის, სუპერმენის აღზრდაზე. მოდით და იხილეთ ჩვენი აღზრდის პროდუქტი. აბრამ ლინკოლნი რომ გაცოცხლდეს ახლა და გადახედოს შეერთებულ შტატებში დანაშაულობათა ზრდის ნუსხას, უეჭველად თავს მოიკლავდა. საზოგადოების დიდი ნაწილი რწმენამერყეულია, ხოლო საგრძნობი ნაწილი ამკარა დანაშაულობათა

გზას ადგას. შორს რომ არ წავიდეთ და რიგითი ამერიკელები არ შევანუხოთ, უკანასკნელი დღეების ორ მაგალითს შეგახსენებთ, როგორ უცქერით იმ ფაქტს, რომ პრეზიდენტის ძმა – ბობი კარტერი ლიბის ხელისუფალთაგან ქრთამად იღებს მეოთხედ მილიონ დოლარს და სანაცვლოდ თავისი გავლენიანი ძმის მფარველობას ჰპირდება? ხოლო თვით პრეზიდენტი ჯიმი კარტერი ერთ-ერთი არაბული ქვეყნის ელჩისაგან ძღვნად იღებს ოქროთი ინკრუსტირებულ, ორმოცდაათი ათას დოლარად ღირებულ უნაგირს?

– სწორედ ჟურნალისტთა მონაჭორზე ბრძანებდით ახლახანს. ამ „ფაქტებს“, როგორც თქვენ უწოდებთ, ჯერ კიდევ დამტკიცება სჭირდება.

– გამოძიებამ კორექტივი შეიძლება მხოლოდ უნაგირის ზუსტ ფასში და ბობი კარტერის მიერ ქრთამის აღების თარიღში შეიტანოს.

მისტერ ფოკლენდმა თითები ერთმანეთში გაუყარა და ერთბაშად მოიწყინა.

– თქვენ საშიში კაცი ხართ!

– მხოლოდ იმათთვის, სერ, ვისაც სიმართლის ეშინია.

– ხსნა?

– კვლავ დაჟინებით გიმეორებთ, ისტორიის ჩარხის უკუღმა დაბრუნებას ნუ შეეცდებით. ჩვენმა სახელმწიფომ თავისი მისია ამოწურა.

– იქნებ ერთხელ კიდევ დაფიქრდეთ, ჯიმ. ჩვენ შეგვიძლია დრო მოგცეთ. ამერიკის სასამართლო ჰუმანურია.

– ოღონდ ჰუმანიზმზე ნუ ილაპარაკებთ. მე უკვე მზადა ვარ მორალურადაც და ჩაცმულობითაც. თქვენი ბიჭების ვიზიტს რომ ველოდი, ამ ერთ კვირაში, ყველა ვალი გავისტუმრე, ბინისა და გაზის ხარჯებიც გადავიხადე, ბიზნესმენები უხერხულ მდგომარეობაში რომ არ ჩამეყენებინა, რაც შეეხება დაფიქრებას, ჩემი აღზრდა უკვე გვიან არის, მე ხომ ზოგი ჩვენი საერთო ნაცნობივით ისე სუსტი არა ვარ, ათ წელიწადს საკანში დავფიქრდე და მერე საჯაროდ გამოვაცხადო – ღრმად ვცდებოდიო. ჩემს შეცდომაში კიდევ რომ დავრწმუნდე, რაც არასოდეს არ მოხდება, ჩემი ლაჩრული უკანდახევით მაინც არ გაგახარებთ.

– რატომ არ ფიქრობთ იმაზე, რომ ჩვენ გარდა ასეთი მშვიდი დარწმუნებისა, სხვა საშუალებებსაც ვფლობთ.

– ნება თქვენია.

ზანგი წამოდგა. ფანჯარასთან მივიდა, ზურგზე ხელები დაიწყო და მოუხედავად ჰკითხა პატიმარს:

– ჯიმ, თქვენ ჩემ ადგილას როგორ მოიქცეოდით?

– შემრცხვებოდა იმ სკამზე ჯდომისა, რაზეც ახლა ზიხართ. გააჩნია, ვის იცავთ და ვისგან იცავთ. მე თქვენ ადგილას როგორც გაკოტრებული სახელმწიფოს დამქაში გადავდგებოდი სამსახურიდან.

– ცოლ-შვილი?

– ცოლ-შვილის რჩენა, გარდა პოლიციაში სამსახურისა, სხვა ათასი გზითაც შეიძლება.

მისტერ ფოკლენდი ერთბაშად შემობრუნდა და ენერგიული ნაბიჯით წავიდა კარისაკენ. ღია კარში შეჩერდა:

– თუ შეიძლება, ცოტა ხანს დამელოდეთ.

– სიამოვნებით არ დაგელოდებოდით, რომ შემეძლოს, – ჯიმის გაეცინა.

პოლიციის მთავარი გამომძიებელი დაახლოებით ერთი საათის შემდეგ დაბრუნდა. ჯიმის იგი უფრო ნალვლიანი და დამძიმებული ერჩენა. სტუმარს ბოდიში მოუხადა და გვიანებისათვის და სავარძელში მძიმედ ჩაეშვა.

– აი, რა ჯიმ, თქვენმა საუბარმა დაგვარწმუნა, რომ თქვენს დაპატიმრებას აზრი არა აქვს. ციხე იმისთვისაა, ვისი სწორ გზაზე დაყენება ჯერ კიდევ შეიძლება. თქვენ კი არ გაგაბედნიერებთ ციხეში ჩასმით. მე ვიცი ციხეში ყოფნა ახლა თქვენთვის ჯილდო იქნებოდა. თქვენ – პოლიტიკურ დამნაშავეებს გიყვართ ნამებულის ნათელში თავის გაყოფა და გაზეთის გმირად ქცევა. ეს არ მოხდება, ამაში ხელს არ შეგინებთ.

– კი მაგრამ, მე ხომ დამნაშავე ვარ, – ჯიმიმ სქელტანიან წიგნზე მიუთითა, იგი აშკარად შეძრწუნებული ჩანდა. – თქვენ კანონის ძალით უფლება არა გაქვთ, არ დამაპატიმროთ!

– დიახ, თქვენ დამნაშავე ხართ და უფრო მეტადაც ვიდრე სხვა თქვენი მეგობრები, ვისაც ხვალ-ზეგ სასამართლოს ზარი ელოდება, თქვენ ხომ ფაქტობრივად მოთავე ბრძანდებით

მათი. მაგრამ ჩვენი პოლიციის დეპარტამენტის ხელმძღვანელობის გადანყვეტილებით, – მისტერ ფოკლენდი დაიხარა, – საიდუმლოდ უნდა გაუნყოთ, რომ ჩვენს საუბარს ამაღამ ოცამდე კაცი ხედავდა და ისმენდა, – ჩვენი პოლიციის დეპარტამენტის ხელმძღვანელობის გადანყვეტილებით თქვენი დაპატიმრების ორდერი ძალაში არ შევა. თქვენ თავისუფალი ხართ.

– მისტერ ფოკლენდ, ღვთის გულისათვის! – ჯიმის ხმაში მუდარა გაერია, ასეთ დასასრულს იგი აკშარად არ ელოდა.

– დიახ, სერ, სამწუხაროდ, მე არაფრის შეცვლა არ შემძლია. თქვენი წრეგადასული პოლიტიკური თავხედობისთვის დაისჯებით გამცემის მანტიით. ძმათა გამყიდველად თქვენი გამოცხადებისათვის ჩვენ არ ვიზრუნებთ, თქვენს გარეთ ყოფნას საზოგადოება თვითონ მონათლავს ჯაშუშისა და გამყიდველის სახელით. თქვენ თავისუფალი ხართ.

ზანგი ღილაკს მისწვდა და მიკროფონს ჩასძახა:

– მოქალაქე ჯიმი თომასი გააცილეთ, გეთაყვა.

გამშრალი, გაფითრებული, სასონარკვეთილი მოაბიჯებდა დილის ექვს საათზე ჯიმი კაცთაგან მიტოვებულ ქუჩაზე, როგორც ერთი ვინმე ბოგანო და ამბოკარი.

* * *

არ გასულა ორი კვირა ამ ამბიდან, ნიუ-იორკის საღამოს გაზეთის 1980 წლის 25 სექტემბრის ნომერში, მეოთხე გვერდზე ასეთი განცხადება დაიბეჭდა: „გუშინ თავის საცხოვრებელ სახლში თავი ჩამოიხრჩო ორმოცდაერთი წლის უცხოლო მამაკაცმა ჯიმი თომასმა, რომლის სოციალური მდგომარეობა და საქმიანობა პოლიციის დეპარტამენტის ქვეგანყოფილებისათვის უცნობი იყო“.



მამა

გიყვართო? თქვენგან მაინც არ ველოდი ამ შეკითხვას, ბატონო. რას ჰქვია, გვიყვარს. გვიყვარს კი არა, ხანდახან, რომ დავფიქრდები, შიში გამკრავს გულში – ჩემს საკუთარ შვილებზე მეტად ხომ არ მიყვარს-მეთქი. მაინც ცუდად ვთქვი – შვილია, აბა რა არის. რომ მოვიყვანე, იმ წუთიდან ჩემ წინაშე არ დამდგარა კითხვა – ჩემი სისხლი და ხორცი რომ არ არის-მეთქი? თქვენ არ გამოგიცდიათ, ალბათ, ეს გრძნობა და ამიტომ მკითხეთ – საკუთარი შვილები უფრო გიყვართ, თუ ომარიო. სხვისგან არ გამიკვირდებოდა ეს კითხვა. სხვამ შეიძლება ვერ გაიგოს, ვერ დაინახოს. ხომ ცოდოს ვამბობ, მაგრამ, მე მგონი, იმათზე უფრო თუ მიყვარს, თორემ ნაკლებად არა. სიმართლე გითხრათ, ჩემი ცოლისა მეშინოდა, განსაკუთრებით იმის შემდეგ, რაც ორი ბიჭი გაგვიჩნდა. ერთ დღეს არ გავაჩერებდი სახლში, ოდნავი სიცივეც რომ ეგრძნობინებინა. გადამკვდარი დედაა. ამას წინათ ავად გაგვიხდა ომარი და, იცით, რა მითხრა ნანულომ (ჩემს ცოლს ჰქვია)? ხანდახან ისეთი ჭკვიანური თვალებით გადმომხედავს ლოგინიდან და ისე ეფერება ჩემს ხელს, ასე მგონია იცის, რომ მისი დედა არა ვარ და გულ-მუცელი მენვისო. ამას რომ რამე დაემართოს, ერთ დღეს არ ვიცოცხლებ თავსო. ეს რაღაც სასწაული გრძნობაა, თქვენ ნუ მომიკვდებით. ხანდახან გაფუჯავრდები და მერე სინანულით პირი მიშრება. ჩემს შვილებს, რომ იეშმაკებენ, ყურს ავახევე. მოგეხსენებათ, ბავშვი იმისია, რომ ხანდახან გაგაბრაზებს, აბა რა იქნება. ომარი რომ დააშავეს, გასალახავად აღმართული ხელი ჰაერშივე მიშეშდება. ლაპარაკიც არ შემძლია ამ საკითხზე, ასე მგონია, უფლება არა მაქვს რომ ვცემო-მეთქი. რამდენჯერმე წამომცდა ახლაც, თუ დააკვირდით, ჩემი შვილები და ომარი-მეთქი. რად უნდა იყოს ასე? ეს ხომ სიცრუეა. გულისამრევი სიტყვებია. ჩემი შვილია, აბა

რა არის. თუ დაფიციცებაა, პირველად ომარს ვიფიციცებ. მე სამი შვილი მყავს – სამი ბიჭი, მორჩა და გათავდა. ახლა ხომ თორმეტი წლის არის? ისე გამორჩეულად ვუყვარვართ მშობლები, რომ ვერ წარმოიდგენთ, ხანდახან წავალთ სადმე, აბა რა იქნება, ისე მოიწყენს ეს ამხელა ბიჭი, რომ საჭმელს არ ეკარება. თვითონაც რალაცნაირი ბუნებისაა, საოცრად თბილი და დამჯერე ბავშვია. ისე მეშინია, რომ იზრდება; დაკაცებას რომ იწყებენ, უცხოვდებიანო, წინანდებურად ალერსიანი არ არიან და მედიდურები ხდებიანო. ათასი ყრანტალა კაცია ქვეყანაზე; ვინმემ რომ ჩაულაპარაკოს; – შენ მაგათი შვილი არა ხარო, სახლკარს გადავუნვა. ჯერ ერთი, თვითონაც არ დაიჯერებს, მე ხომ მოხარულს ვიცი, ომარი სხვა ტიპის ბავშვია, მაგრამ მაინც რატომ უნდა გაუფუჭდეს გუნება, რატომ უნდა შეეპაროს ეჭვის ქია. სიცოცხლეს მირჩვენია-მეთქი, რომ გითხრათ, ცოტა იქნება. მე შვილის სიყვარული, მამობრივი გრძნობა პირველად მან მაგრძნობინა. არ დაიჯერებთ, რა მადლობელი ვარ მისი. ომარი რომ არ გაჩენილიყო ამ ქვეყანაზე, შეიძლება, ცოლიც არ შემერთო. ათასნაირია კაცის ხასიათი. მე ამ ბუნებისა ვარ. ორი წელიწადი ჩემს გულზე ვზარდე. ერთი წუთითაც არ დავლლილვარ. წუთითაც არ მომწყენია. ბოლოს, ლაპარაკს რომ სწავლობდა, სახლში შემოსულ ყველა ქალს „დედას“ ეძახდა და ამან დამაჩქარებინა ცოლის შერთვა. მე ვთქვი, რომ გაიზრდება და „დედას“ მკითხავს, რა ვუპასუხობ მეთქი. საერთოდ, ამ თემაზე ლაპარაკი ჭირივით მძულს, მე არც კი მახსოვს, რომ იგი ჩემი ღვიძლი შვილი არ არის და არც არავის ვუყვები, რაც მოხდა. სხვა სხვის ომში ბრძენია, ხომ იცით, მაგრამ მე სულ აღარ მაინტერესებს ამ საკითხზე სხვისი აზრი. მე ჩემი ჭკუით ვცხოვრობ და ამ ქვეყანაზე ჩემი ფუნქცია ნაპოვნი მაქვს. რაკი ასე ძალიან გაინტერესებთ, გიამბობთ, ოღონდ ეს ყველაფერი ჩვენ შორის უნდა დარჩეს. დრო ხომ გაქვთ? ცოტა გრძელი ისტორიაა.

ოცდაოთხი წლის ვიყავი, უნივერსიტეტი რომ დავამთავრე და ამ დაბაში მილიციის ქვეგანყოფილების უფროსად გამამწყენეს, ოცდაოთხი წელი რა არის, მაშინ დიდი მეგონა ჩემი

თავი და ახლა რომ ვუკვირდები ოცდაოთხი წლის ბიჭებს, ბავშვებად მეჩვენება ყველანი. თქვენ ბრძანდებოდით ჩვენი განყოფილების შენობაში. ჯერ ახლა რა არის და მაშინ რა იქნებოდა. ახლა ოთხმოც კაცამდე ვართ, მაშინ ცხრანი ვიყავით მდივან ქალიანად. ის იყო სანყალი (ტანია ერქვა) კანცელარიის გამგეც, მბეჭდავიც და თუ დაგვჭირდებოდა, ოპერატიულ საქმეზეც ვგზავნიდით. ჩვენ – მიქელთაძეები სოფელ სარეკელადან ვართ, აქედან საათ-ნახევრის სავალია მანქანით. მაშინ ჩემი უფროსი და გათხოვილი იყო (ვეტექიმ სიხარულიძეს ჰყავს აბაშაში) და ბებრები მარტო ცხოვრობდნენ. შემეძლო სახლიდანაც მევლო სამსახურში – ახალთახალი ვილისი მემსახურებოდა, მაგრამ ხომ იცით ახალგაზრდა, უცოლო კაცის ამბავი, შენი ოთახის გასაღები რომ შენს ჯიბეშია, იმას არაფერი გირჩენია. ნაქირავებში ვცხოვრობდი. ათმეტრიანი ოთახი იყო. მე ქე მყოფნიდა, თანაც დიასახლისი მყავდა, აცხონოს ღმერთმა, უკრაინელი ქალი იყო, მოხუცებული, შვილივით მივლიდა, კვართ-შარვალის დარეცხვა-დაუთოვებას თავი დაანებე; ჩაი არ დამისხამს ჩემი ხელით იმ ორი წლის განმავლობაში.

ერთ საღამოს (რა დამავიწყებს, 9 ოქტომბერი იყო) გვიანობამდე შემოვრჩი სამსახურს. კაბინეტში ვზივარ და შეტყობინებებს ვათვალთვლებ. ჩვენი საქმე, მოგესხნებათ, ცოტა სხვანაირია. არ დაიტრაბახოს არავინ; რვა საათს წავიმუშავებ და გავიქცევი სახლში. თუ ნამდვილი იურისტი ხარ და გული შეგტკივა, ღამესაც კარგად გაათევ ტალახიან ორლობეში, ცხენივით, ფეხზე.

ცხრა საათი ჯერ არ იქნებოდა და არც არაფერი უკლდა, კარს დაუკაკუნებლად მოანვა ვილაც. თავპირშეხვეულმა დედაბერმა შემოყო თავი. ათასი უპატრონო, ლოთი დედაბერი დაეხეტებოდა მაშინ მილიციის ირგვლივ. ზოგი ისეთ დიპლომს და ისეთ საბუთს გიჩვენებდა, რომ თმა ყალყზე დაგიდგებოდა, მაგრამ რად გინდა, იმათი არც ჩანერის ნება გექონდა და არც დასასაქმებლად გამოდგებოდნენ. თავთავიანთ სახლებიდან ათასი მიზეზით გამოქცეულნი ისე იყვნენ გალოთებულ-

გაუბედურებულნი, რომ ორ ბატს ვერ ჩააბარებდი. ხელში ძველთაძველი, დაძონძილ შალის ზენარში საგულდაგულოდ გახვეული ბავშვი რომ არ სჭეროდა გავაგდებდი, ისე ვიყავი დაღლილი, რომ მანანწალასთან კი არა, მამაჩემთან ლაპარაკ-საც ვერ შევძლებდი.

სანამ ჩემს მაგიდასთან მოვიდოდა, ორჯერ ისე დაბარბაცდა, რომ კინაღამ სკამზე ჩამოარტყმევინა ბავშვს თავი. აშკარად მთვრალი იყო. ბავშვი მაგიდაზე დამიდო და ალულულადა:

– ჩაიბარეთ, მე ამის მოვლა აღარ შემიძლიაო, ჩემ მეზობლად, თავშესაფარში, ერთი გათახსირებული ნადია ცხოვრობდაო. მოსვენება არ გვქონდა პატიოსან მდგმურებს მისი „სტუმრებისაგანო“. რას აკეთებს მილიცია, რატომ უშვებს თავისუფლად ქუჩაში ნადიასთანა ლოთებს და ბოზებსო – ვითომ თვითონ მამა აბრამის ბატკანი მყავდა.

თავშალი მოიხსნა, მარჯვენა ხელზე გადაიკიდა, სული მოითქვა და განაგრძო:

– სამი თვის წინ შეეძინა ეს ბავშვი. რათ უნდოდა? საავადმყოფოდან მაინც რაღას გამოყავდა? დავტოვებდი იქ, როგორც, ალბათ, არაერთხელ გაუკეთებია. ვინ გკითხავთ თქვენო, თვალები გადმოგვიქაჩა. ბაღის საცოდაობით ვინ ვებოდით ყველანი. ხანდახან ტირილით იჭაჭებოდა ეს უბედურ დღეზე გაჩენილი და დედამისი ამ დროს არყით გაღეშილი ეგდო იატაკზე. გუშინწინ, დილით ასე შეხვეული, როგორც არის, მომიყვანა; თუ ქალი ხარ, ერთ საათს მიმიხედეო. უარის თქმა ვერ მოვასწარი, ხელში შემომაჩეჩა და გაიქცა. გავიდა ერთი საათი, ორი, სამი, თქვენც არ მომიკვდეთ, ვინ მოდის. არადა მე ჩემი გასაჭირი მაქვს. ბავშვის მოვლა შემიძლია მე? მეორე დღეს, ესე იგი გუშინ, მეზობლებს დავუძახე და მისი ჯიხურის კარი შევანგრეით. რა შენგრევა უნდოდა, ხვანჯრით იყო გაკრული. ლოგინზე ეს წერილი იდო.

უბეში ხელი ჩაიყო, დიდხანს ეძება, დაჭმუჭვნილი ქალადის ნაგლეჯი ამოიღო და გამომიწოდა.

„დუსია ბიცოლა, მე გავთხოვდი. იურას მიხედეთ თუ შეგიძლიათ, თუ არა და მილიციას ჩააბარეთ“, – ჩავიკითხე და

გული შემეკუმშა. არის ახლა ეს ძუკნა დედობის ღირსი? დაილოცა, ღმერთო, შენი სამართალი.

– ოთახი მივათვალეო-მოვათვალეო, – განაგრძობდა დედაბერი, – ყველაფერი ნაულია. ასანთის ღერიც არ დაუტოვებია, გაყვა ალბათ მასავით მანანწალას, ვინ იცის, სად არიან. სდიე ქარს ტრამალზე. ა, ბატონო, მოგიყვანე ეს ბავშვი, მე ბავშვები რომ მდომებოდა, საკუთარი მეყოლებოდა. ორი დღეა გადიად გადავიქეცი. ვისაც მივუყვანე, არავინ ხელი არ მოკიდა. ვერავის შევატოვე, ჩემსავით შტერი და გულუბრყვილო არავინ აღმოჩნდა.

გატრიალდა და კარისკენ გაიქცა. გზა გადაუჭერი, რას მერჩითო, ხმას აუნია და მერე ისტერიკა დაემართა; მეყოფა, მე რაც მჯიჯგნეთო. მე პატიოსანი ქალი ვარ, უდანაშაულოდ ვიჯექიო. სანამ უნდა მსდევნიდეთ, საფლავის კარამდე ხომ არ ჩამყვებითო. კენიგსბერგის უნივერსიტეტის ფილოსოფიის ფაკულტეტი მაქვს ფრიადზე დამთავრებული. რა თქვენი ხელნამოსაკრავი ქალი ვარო. რა ვუყოთ, დღეს რომ ასეთ დღეში ვარ, სიბერეში ვის რა ელის, არავინ იცისო.

ძლივს დავამშვიდე, თქვენ არავინ გერჩით, უბრალოდ, ამ ბავშვის დედის სახელი და გვარი ჩაგვანერინეთ-მეთქი. გვარი, რასაკვირველია, ვერ გაიხსენა, ჩვენ გვარითა და მამის სახელით კარგა ხანია აღარ მივმართავთ ერთმანეთსო. მისამართი ჩავინიშნე. აქტი შევადგინე, ხელი მოვანერინე და გავუშვი.

გავიდა თუ არა, ბავშვს ვეცი. პირზე აფარებული ჭუჭყიანი მიტკლის ნახევი გადავუწიე და დავხედე, ისე უცოდველი და მშვიდი ძილით ეძინა, თითქოს რომანოვების კანონიერი მემკვიდრე იყო და თავზე ცხრა მომვლელ-გადია დაჭოფივებდა.

ლილაკს თითი დავაჭირე, არავინ გამომეპასუხა. საათს დავხედე, ტანია, რა თქმა უნდა, წასული იქნება. გარეთ გამოვვარდი და ყვირილი ავტეხე. მილიციაში ჩვენ გარდა კაციშვილი არ ჭაჭანებდა. სულელი მორიგეც სადღაც გაპარულიყო.

შევშინდი. რა ვუყო ახლა ამ ბავშვს? სხვათა შორის პირველად ავიყვანე მაშინ სამი თვის ჩვილი ხელში. არ დამძრახოთ, ბავშვის დაკავებაც არ ვიცოდი. ეტყობა იგრძნო, ტლანქმა

ხელმა უხერხულად რომ აიყვანა და ტირილი მორთო. თავქვემ ამოფუდები მეორე ხელი და რომ როგორმე გამეჩუმებინა, კაბინეტში სირბილი და გაუგებარი ჩიფჩიფი დავიწყე. შეისმინა ჩემი თხოვნა და დამშვიდდა. გარეთ გამოვედი, ჩემი მანქანაც არსად ჩანს. რა დაემართათ? მთელ დაბაში რაღაც შემადრწუნებელი, მკვდრული სიჩუმეა. ოღონდ სახლამდე მივიდოდე და არაფერი მინდა. დიასახლისს ჩავაბარებ და დილამდე გააძლებინებს. დილით მოვუძებნი გზას. ბავშვთა სახლს ჩავაბარებ, ან რაიონის ცენტრში ჩავიყვან და ბავშვთა ოთახის გამგემ იმტვიროს თავი.

რა ღვთისნიერი ქალი იყო, რანაირი სიხარულით შემხვდა კიბეზე. ბავშვი გამომართვა კი არა, ეს ამ ხნის ქალი ჯარასავით დატრიალდა. არც არაფერი უკითხავს, თავის ოთახში შეარბენინა, გაზზე წყალი შედგა გასაცხელებლად. ჯერ დაბანას ნუ იჩქარებ, მშვიდობა, რა ვაჭამოთ-მეთქი. რა დასაძრახია და არ ვიცოდი, რით იკვებება სამი თვის ბავშვი დედის რძის გარდა. სახლიდან მოვიყვანე მეზუფეტე ქალი, გავაღებინე მალაზია და მანონი ხელად მოვარბენინე. ამასობაში ჩემს დიასახლისს ბავშვი დაებანა და თბილ ღუმელთან იატაკზე გაეშალა ლეიბი. დავხედე. ბადრი მთვარე რომ გინახავს სავსე და ქათქათა, თვალს ვერ მონყვეტდი.

რომ დავაპურეთ და დავაძინეთ, როდის როდის შემოვიდა ჩემთან დიასახლისი, სანოლთან ახლოს მოაჩოჩა ტაბურეტი და მკითხა, როგორც დედა ჰკითხავს შვილს: – რას აპირებ ახლა, შვილო, როგორ გინდა მომავალში. მე არაფერი მიკვირს. რა ვუყვით, ხდება. რაკი ბავშვი გაგიჩნდა, ანი ღმერთს მადლობა შესწირე და მამობა გაუწიეო. ვინ არის, რა ქალია, არ გირივლოს იმ მინაგასახეთქმა, თორემ, ხომ იცი, შენი სამსახურის კაცისთვის ასეთ საქმეზე ნახდენა აფსუსიაო.

ძლივს დავარწმუნე, რომ ბავშვი ჩემი არ იყო და დედამისიც თვალთ არასოდეს მენახა. ასე და ასე მოხდა-მეთქი. ვილაცხლოთმა დედაბერმა მომიყვანა დღეს, ხვალ დილით საბავშვო სახლს ჩავაბარებ და მოგაშორებ-მეთქი.

ახლაც თვალწინ მიდგას მისი სახე. თქვენ როგორ ფიქრობთ, ეწყინა, სადღაც გულის სიღრმეში, რომ ბავშვი ჩემი არ აღ-

მოჩნდა. მე თუ მატყუებ, შვილო, ეგ ძალიან ადვილი საქმეა, მაგრამ, თუ ბავშვი შენია, ცოდვა არ ჩაიდინო და გულიდან არ ამოილოო. კარგად ვხედავ, დედამისი რა ცხოველიც ყოფილა, ბავშვი მთელი კვირის დაუბანელი იყოო. მე რა მესაქმება, მაგრამ ღვთის გაჩენილი ანგელოზია და შენ ისე მიყვარხარ, კიტა, გენაცვალე, რომ შენი ხათრით ყველაფერს მივატოვებ და მიგიხედავო.

ამ სიტყვებმა ისე გამითბო გული, ცრემლი მომადგა. არა, დედილო, მე ვუთხარი, ჩემი რომ იყოს, რატომ დაგიმალავდი-მეთქი. ეჭვიანად შემომხედა და ღრმად დაფიქრებული გავიდა ოთახიდან. რა არის მაინც ადამიანური ადამიანი. იმ უკრაინელ ქალს რომ ასე სიყვარულით არ მიელო ბავშვი და თბილი სიტყვები არ ეთქვა, მე, შეიძლება, არც კი გადამედგა ეს ნაბიჯი.

პარასკევი იყო დილით, თვითონ გამომიყვანა მოვლილი ანგელოზი და მონატრებულ მამას რომ ჩაუწვევინე პირმშოს ლოგინში, ისე გამიგორა ბალიშზე. შეხედე, რა ბიჭიაო. სამი თვის ბავშვი, კაცო, ისეთნაირად ხითხითებდა, გეგონებოდა, რაღაც ესმის, რაღაცას ხვდებაო.

ვზივარ სამსახურში, ვერ ვისვენებ, სულ ეს ბავშვი მიტრიალებს თვალწინ, რაღაცამ შემიბორკა ხელ-ფეხი. ბავშვთა სახლში, ვინ იცის, რა მოუვა-მეთქი? რა საინტერესოა, რანაირ კაცად გაიზრდება, რისი მომქმედი იქნება-მეთქი. ამნაირ ფიქრებში ვარ. მერე ჩემს თავს გავუჯავრდი. ამ არამკითხე ძიძაობას შეეშვი, და როგორც კანონია ისე გააკეთე-მეთქი. ერთი სიტყვით მოვკიდე ტელეფონს ხელი, ბავშვთა სახლის დირექტორისთვის უნდა დამერეკა, მაგრამ ხელი გამიშეშდა, თითქოს რაღაც დანაშაულს ჩავდიოდი. ტელეფონის ნომერი ვერ ავკრიბე. დღეს პარასკევია, შეიძლება, საბუთების გაფორმება ვერც კი მოვასწროთ, იყოს ეს შაბათ-კვირა ბავშვი ჩემთან და ორშაბათს წავიყვან-მეთქი.

არა, ბატონო, არა არ ვიცი, შეიძლება, მარტო მე ვარ ასეთი, მარტო მე მაქვს ასეთი საწყალი გული. ხალხი ჭრელია. იმ შაბათ-კვირამ გადამწყვიტა ყველაფერი. ვერ მოვიგლიჯე ეს ბავშვი გულიდან. თვითონ ძან იმარჯვა, გითხრათ სიმართლე.

სამი თვის ბავშვი, კაცო! შემოდინდნენ მეზობლები, ზოგი ალ-
მაცერად, ღიმილით მიყურებდა, ზოგი ეფერებოდა და იძახდა,
– რა ჯანმრთელი ბიჭია, ბუღასავით არისო. ბუღობას მე ვე-
რაფერს ვატყობდი, მაგრამ ერთი კი იყო; იმ ორი დღის განმა-
ვლობაში თუ ვინმემ მოკიდა ხელი იმნამსვე ჩხავილს იწყებდა,
ავიყვანდი მე და მაშინვე ჩუმდებოდა. ბოლოს, ისე გათამა-
მდა, დავანვენდი თუ არა სანოლზე, ტირილს მორთავდა. ასე
დავატარებდი გულზე ახუტებულს ოთახის ერთი კუთხიდან
მეორემდე. თურმე ჩვილს ერთხელ თუ შეავლებ ხელს, მერე
ვეღარ მოშორდები. თანაც, რომ იცი, შენს მეტი არავინ ჰყავს,
უმწეო და უპატრონოა და ასე მოგეჩვია. რა ნახა ჩემში ასეთი,
ვის მიმამსგავსა ნეტავი? ავიყვანდი თუ არა ხელში, სიცილს
იწყებდა და თავისი ცისფერი ჟუჟუნა თვალებით ცხვირზე
მაკვირდებოდა. ეს ცხვირი მოენონა ჩემი, ეტყობა, დიდი რომ
მაქვს, იმიტომ. ხელებს გავუხსნიდი თუ არა, ცხვირზე მტა-
ცებდა და ძლივს ვაშვებინებდი.

დიდხანს ვჭოჭმანობდი, გამემხილა თუ არა ჩემი მშობლები-
სთვის ეს ამბავი. არ ვიცოდი, რანაირად შეხედავდნენ. ხომ
მაინცაა რაღაც უცნაური იმაში, რომ შენი ერთადერთი ბიჭი,
რომელსაც ცოლი არა ჰყავს, ერთ მშვენიერ დღეს გულზე ახ-
უტებული შვილით მოგადგეს კარზე. მთავარი კინალამ დამავი-
წყდა – ათი-თხუთმეტი დღის შემდეგ აღმასკომს დადგენილება
გამოვატანინე შვილად აყვანის შესახებ და ამ ქვეყანას შეეძინა
პატარა მოქალაქე – ომარი კიტას ძე მიქელთაძე. შევიცვალე
კაცი, მაგრამ როგორ შევიცვალე, არ დაიჯერებთ. მანამდე,
თუ მიზეზს ვეძებდი, სად მომეკლა დრო და რაც შეიძლება
გვიან შევსულიყავი ჩემს „ბუნაგში“, ახლა სულ შინისკენ მიმი-
წევს გული. ხანდახან შუადღისას გამოვიქცევი, მძინარეს რომ
დავხედო და ფუმფულა, მარწყვისსუნიანი ხელები დავუკოც-
ნო. მეზობლები ვერ მცნობენ. სამსახურს რომ დავამთავრებ,
მკლავზე გადანვენდილ ბავშვს კარგა დაღამებამდე დავასეირ-
ნებ ტყის პირას. ვერ წარმოიდგენთ, როგორი სიამოვნებით ვა-
კეთებდი ამას. თუ მონიფულობისას ჩვილით მოსეირნე მამებს
ქალაჩუნებს ვეძახდი, ახლა ყველაზე ღირსეულ და ვაჟკაცურ
საქმედ სწორედ ბავშვით ხელში სეირნობა მიმაჩნდა.

ხუთი თვის არც კი იყო, სარეკელაში რომ ჩავიყვანე. დედაჩემ-
მა ჯერ შეიცხადა, მერე მოლბა და ბავშვი დიდი საჩუქარავით
ჩამომართვა. ერთ საათში ისე შეუყვარდა, რომ ტანზე გახადა
და ყველაფერი ჩაუკოცა. თანაც ხან ომარს აკვირდებოდა და
ხან მე. ბოლოს დაასკვნა – თითები, წარბები და ტუჩები შენი
აქვსო. მამაჩემი ჩუმად იჯდა, არც შემფოთება გამოუთქვამს და
არც აღტაცება. ბოლოს წამოდგა, თითი დამიქნია და როგორც
პატარაობისას იცოდა ჩემთვის – ნიშნის მოგებით მითხრა, – აი,
რა მოსდევს, შვილო, მარტო ცხოვრებასო.

პირველმა ელდამ რომ გაიარა, ორივენი დავსვი და წვრილად
ვუამბე ყველაფერი. ჩემი შვილი არ არის, დედამისი თვალ-
ითაც არ მინახავს-მეთქი. თქვენ გგონიათ, დაიჯერეს? არა
და არა. ვის ატყუებ შენო, დედაჩემმა; შუაზე გაჭრილი ვაშ-
ლივით გგავსო ბავშვი. მერე, სიმართლე გითხრათ, სადღაც,
გულის სიღრმეში გამეხარდა, რომ ბავშვი მე მიმამგვანეს და
არც მიცდია უარყოფა. გადავწყვიტე, რომ ჩემს მშობლებს
ეს ტყუილი ურჩევნოდათ. მათთვის უფრო ხელსაყრელი იყო
სცოდნოდათ, რომ თითქოს ომარი ჩემი ყმანვილური შეც-
დომების ნაყოფი იყო.

მამაჩემი მაშინაც ავად იყო. კუჭის კიბო ჰქონდა სანყალს.
ომარის მოყვანიდან ერთი წელიც არ უცოცხლია. სანახევროდ
სარეკელაში გაიზარდა. ისე შეუყვარდათ ორივეს ბავშვი, რომ
კვირაობით აღარ მატანდნენ უკან. მახსოვს, მამაჩემი სამი დღის
გარდაცვლილი იყო, დასაფლავების დღეს, დილით სასტუმრო
ოთახში თავის სამუდამო სასახლეში (იქავე იყოს) ჩავასვენეთ,
თადარიგის დასაჭერად მეორე ოთახში გავედით და ბავშვი რომ
მოვიძიეთ, აღარსად ჩანდა. სასტუმროში გამოვედით და ჭირ-
ისუფლებს კინალამ სიცილი აგვიტყდა. ომარი კუბოზე აბობ-
ლებულიყო, მიცვალეხლებულს გულზე დაჯდომოდა და ლოყებზე
ხელს უტყაპუნებდა, თანაც საქმიანად ტიტინებდა, – ადექი,
ბაბუ, ადექიო. ცრემლი მადგება ყოველთვის ამ სურათს რომ
გავიხსენებ. მაპატიეთ, ბატონო.

მამაჩემის სიკვდილის მერე უფრო გამიჭირდა. დედაჩემიც
ვერ იყო კარგად. ჩემს დიასახლისსაც კი არაფერი უგრძნო-

ბინებია, მაგრამ, ვატყობდი, ბავშვი ძალიან ღლიდა. სამ წლამდეა თუა საპატრონო და სადავიდარაბო. თვალს რომ ერთ წუთსაც ვერ მოაშორებ. თანაც დრო გადიოდა – ორი წლის ბავშვები ახლა ამბავს ყვებიან. დედა უნდა გამოჩენილიყო. სხვა გზა არ მქონდა, ცოლი უნდა შეემერთო.

არც მთლად ადვილი ყოფილა ნანატრი გოგოს შერთვა ჩემს მდგომარეობაში. მაშვალთან საქმის დაჭერა ბავშვობიდანვე მძულდა, არა და მე თვითონ ვისაც მივადექი და ბავშვი მყავს-მეთქი ავუხსენი (დამალვას რა აზრი ჰქონდა), ყველამ მაშინ-ათვე ცხვირი აიბზუა და ზურგი შემაქცია. თუ ბავშვი გყავს, მე რაღად გინდივარ, დედამისი მოიყვანეო, ასეთი პასუხით გამომისტუმრა ერთმა. მოკლე ჭკუის რომ იქნება ადამიანის შვილი.

ნანულისთან ცოტა ჭკვიანად მოვიქეცი, ჯერ ფლირტაობა დაფუნყე, თავი შევაცყვარე და ქორწილის დღე რომ უნდა დაგვენიშნა, მაშინ გავუმხილე ჩემი „ნაკლი“. ყურადღებით მომისმინა სხვათა შორის. სხვებივით არ შემხტარ-შემოტრიალებულა. მერე იტირა. რაღა მე შევიქენი ასეთი უბედურიო, ბოლოს (ვუყვარდი, რა ექნა!) დამთანხმდა, მივაცილე სახლამდე. ადამიანი შენ ყოფილხარ-მეთქი, დავუკოცნე თვალები თავის ჭიშკართან. მეორე დღეს სამსახურში მომადგა. თვალები დაწითლებული ჰქონდა მთელი დღის ნამტირალები. „კიტაო, – ტირილით მითხრა, – ჩვენ შორის ყველაფერი დამთავრდა. წარმოუდგენლად მიყვარხარ, მაგრამ ჩვენი ქორწილი არ შედეგებაო“.

„რატომ-მეთქი“.

– რატომაო და ჩემებს რომ გავუმხილე (დედ-მამის გარდა ერთი თავზეხელაღებული ძმა ჰყავდა), ქვა ააგდეს და თავი შეუშვირესო. რა გაგვიჭირდა, შუმაბანდში გაზრდილი ჩვენი ერთადერთი ქალიშვილი შვილიან კაცს არ გავატანოთ ცოლა-დო. მიუყვანოს (თუ მისი არაა) ბავშვი პატრონს, ან ჩააბაროს სადაც საჭიროა და მერე გვთხოვოს შენი ხელიო.

ავნონ-დავნონე ყველაფერი. ჩემი საშველი აღარ ყოფილა-მეთქი. რა ქვა გავტეხე ასეთი, ნუთუ არავინაა-მეთქი ჩემი გამგები ამ ქვეყანაზე. არადა უნდა გამოგიტყდეთ, ნანული

უკვე ძალიან მიყვარდა. მტკიცედ მქონდა გადანყვეტილი, ან ამას შევირთავ, ან, საერთოდ, უცოლოდ დავრჩები-მეთქი.

მოვედი სახლში გამშრალი. ჩავაცვი ომარს თბილად, ჩავანყვე მისი ტანსაცმელი (რაც ჰქონდა ყველაფერი, მარტო ტყავის წითელი ფაჩურები დავიტოვე ბალიშქვეშ, ის ფაჩურები უკვე აღარ ერგებოდა) ხელჩანთაში და წავიყვანე. ბავშვთა სახლი ჩვენს დაბაში არ არის, თეთრხევშია. დირექტორს მოველაპარაკე, ჯერ აქ იყოს, უჩემოდ არ გააშვილოთ-მეთქი. ვკოცნე, კინალამ დავახრჩვე კოცნით. გაოცებული მიყურებდა, მერე სხვა ბავშვებში გავურეი, სათამაშოები ირგვლივ შემოვუნყე, ცოტა ხანს აქ იყავი, მალე მოვალ-მეთქი და გამოვეპარე.

აღარ მახსოვს, ვილისი როგორ მომყავდა, ხევში რომ არ გადავიჩეხე, ძალიან მიკვირს. ოთახში შემოსულმა გაცვეთილი წითელი ფაჩურები გულში ჩავიხუტე და ავზლუქუნდი.

სასწრაფოდ დავნიშნე ქორწილი, რომ აღარ გადამეფიქრა ნანულის შერთვა. ბავშვთა სახლში ომარის წაყვანიდან ხუთ დღეში ქორწილი გვექონდა, ხელის მოწერასაც აღარ დაველოდე. კომმარული იყო ის ხუთი დღე ჩემთვის. ცრემლგამშრალი დავდიოდი. გახვმი და ჩამოვდნი კაცი. რა სცოდნია დარდს. ჩემი დიასახლისიც ხმას არ მცემდა, ისე მიცქეროდა, როგორც კაცისმკვლელს.

ქორწილია. ორას კაცამდე გვყავდა დაპატიჟებული. სხვაგან ვარ ფიქრებით. სხვის ქორწილზე მგონია თავი. თამადამ ჩვენი სადღეგრძელო რომ დალია, სულიერ დეპრესიას განვიცდიდი, აღარაფერი მესმოდა. შუბლზე ცივი ოფლი მასხამდა, ნანულისკენ არც გამიხედავს, გლახა არტისტივით, ყალბად ვუქნევდი თავს, ლამაზი სადღეგრძელოებით ქანცგანყვეტილ სტუმრებს.

ახლავე მოვალ-მეთქი, მგონი ნანულის ვუჩურჩულე და მაშინ გამოვფხიზლდი, როცა საჭე მეჭირა და ჯაჭვის ხიდზე მოხვევისას კინალამ გადავბრუნდი. ამტყდარა თურმე ერთი ამბავი, დაუნყიათ ჩემი ძებნა (სამადლობელი მაქვს დასალევი), ამშვიდებს თურმე თამადას ჩემი სიმამრი, ახლავე მოვაო. მეძებენ თურმე სიმამრის ერთგული კაცები მაშხალებით სა-

სიმინდეში, სხვენზე, საქათმეშიც კი შეუხედავთ. სტუმრებმა არაფერი შეიტყონო და ცეკვა-თამაში გაუჩაღებიათ.

თეთრხევთან წყალი მოდიდებულყო, ძლივს გავედი. თერთმეტი იქნებოდა, მეტი არა (იქედან მახსოვს, რომ ცხრაზე დავჯექით), ბავშვთა სახლის კარს ბრაზუნი ავუტყეხე. მორიგე გამდელი წინ გადამიდგა, ომარ მიქელთაძეს სად სძინავს-მეთქი. ვინ ხართო. მამა ვარ, იცის თქვენმა დირექტორმა ჩემი ვინაობა – მილიციის უფროსი გახლავართ, ბავშვს ერთს დავხედავ და ნავალ-მეთქი. შემეყვანა დიდ ოთახში. ავაგლიჯე ჩემი ბიჭი საწოლს; აბა, ჩააცვით სასწრაფოთ-მეთქი, ჩავაცვით მძინარე ბავშვს, ასე ახუტებული გამოვიყვანე გარეთ. „მოიყვან უკანო?“ მომადახა მორიგემ, „არასოდეს-მეთქი“, დავუყვირე. ცალი ხელით მიმყავს მანქანა. მარცხენაში მიჭირავს ბავშვი, სიჩქარის გადართვა რომ შევძლო. ხიდთან გაეღვიძა, ალბათ შესცივდა. ამომხედა და რაკი დარწმუნდა, რომ მე ვიყავი, ჩამიყო უბეში თავისი ლამაზი თავი და დაიძინა.

ა, ბატონო, ეს იყო სულ. წელან მაიორი რომ ხუმრობდა, ჩვენი მილიციის უფროსი ბავშვით ხელში გამოცხადდა თავის ქორწილზეო, ამაზე ამბობდა. იმ ღამით, დაღლილმა და დასველებულმა, მაგრამ ყველაზე ბედნიერმა კაცმა მთელ ქვეყანაზე, ბავშვით ხელში შევალე კარი და ჩემი ცოლის გვერდით დავდექი.

„ა, ჩემო ნანული, მე უამისოდ სიცოცხლე არ შემეძლია, თუ იქნები ამისი დედა, იყავი, თუ არა და არც ქორწილი მინდა და არაფერი-მეთქი“. ნანულიმ ერთ მწყრალად ამომხედა, მერე გამიცინა და ბავშვი გამომართვა. ის დღე და ის დღე, გვერდით არ მოუცილებია.

...სიამამრი როგორ შეგხვდაო? კიტას გაეცინა, რა მეტი გზა ჰქონდა. მობრუნებული სიძე ვიყავი, რაც იმ ღამეს შიში ვაჭამე, ბავშვით კი არა, ნიანგით ხელში რომ მოვსულიყავი, არ მიმიღებდა?

ამკლეუბი

ხელმოცარული მონადირენი როგორ არ მინახავს, მაგრამ ჩვენ რომ დღეს დავგვემართა, ასეთი რამ, რაც თოფი ავიღე, სხვისგანაც არ გამიგონია. იანვარი იწურებოდა. თუ როდესმეა, სწორედ ახლაა იხვების გადაფრენის, კაკბებისა და გნოლ-ხოხობის დრო. დილის ექვს საათზე უკვე ჭალაში ვიყავით მე და ჩემი მეგობარი გოგი ნაყოფია. სანამ მზე ამოვიდოდა, ჭყანტობში, ტბის პირას ვუდარაჯეთ იხვებს, მერე ჭალა მოვიარეთ და სერებსაც შევუყვებით. ქედანი რაა, ეულ ქედანსაც არ გადაუფრენია ჩვენს თავზე. ცნობისმოყვარედ კისერმოღრეცილ მელასაც არ გაუხაზავს ჰორიზონტი. კოდალას კაკუნიც არ გაგვიგონია. მკვდრული სიჩუმეო, რომ იტყვიან, სწორედ ის სუფევს ირგვლივ. სანამ შემეძლო, ვაჩუმე, მაგრამ ნადირობის იმედი რომ დავკარგეთ, მოუშვა ენა გოგიმ და გაუთავებლად ლაპარაკობს, მთასა და ბარს ედება. ტყუილია, ყბედი მუნჯმა დაღალაო, რაც მტკვარი გამოვტოპეთ და გაღმა გამოვედით, სიტყვა არ მითქვამს მისთვის, მაგრამ არც დაღლა ეტყობა და ენაზეც ჭალი არ მოჰკიდებია.

– რაშია საქმე? ფრინველის ჭირი ხომ არ გაჩნდა ნეტავ, წინა კვირას ამ დროისთვის შვიდ-შვიდი კაკაბი გვეკიდა, – ამბობს გოგი და ბირკებით სავსე, ენაგაქაფულ პოინტერს უკან აბრუნებს. პოინტერი ორიოდე წრეს დაგვარტყამს და მერე ისევ გაუნწება ხვლიკისფერ ჭალას. ეტყობა, თვითონაც შეძრწუნებულია, რომ მზე სადაცაა დაეშვება და ჯერ თოფიც არ გაგვისვრია.

– წინა კვირას ყოველთვის მეტს კლავენ. – წუნწუნი გამერია ხმაში.

– ნუ დამიმწუთხდი, – გოგი მხარზე ხელს მადებს, – ხდება. ახლა მარჯვნივ შევყვით კვადაცის ბუჩქებს. იქ რომ რამე არ იყოს, არ შეიძლება.

დაღლილობისგან მუხლები მეკეცება. ჩემი ჩალისწონა „ზაუერი“ ტყვიასავით დამძიმდა.

– არა ღირს, ჩემო გოგი. დღეს გლახა ფეხზე შეგვხვდა ვილაც ან მე და ან შენ.

– მაშინ, იცი რა, ტბასთან ჩავიდეთ. იქნებ თევზი მაინც დავიჭიროთ. ხელცარიელი როგორ გაგიშვა.

– ჯერაც არ მოვსულვარ ხელცარიელი ნადირობიდან. შეკაცო, ჩემთვის მთავარი იყო, ეს კვირა დღე მოგვეკლა და ერთად ვყოფილიყავით. ნადირობის ქალღმერთს ჯერ არ შევეყვარებივარ. შენ მაგის დარდი ნუ გაქვს. სასიამოვნოდ დავილაღე, ამაღამ მშვიდად დამეძინება და ეს ცოტაა? ახლა მანქანასთან ჩავიდეთ (მანქანა მტკვრის პირას, კბოდეზე გვიდგას) და გავუყვეთ სახლისაკენ.

– ძალიან გთხოვ. იცი რა თევზი იცის? – კიდევ კარგი ქალად არ დავიბადე, ჩემზე ხათრიანი და დამყოლი ამ ღუნიაზე არავინ მეგულება.

– კარგი, ვთქვათ ჩავედით. თევზი არაკის მგელივით კუდით ხომ არ დავიჭიროთ?

– რათა კუდით? ეგერ პატარა ჯიხური რომ ჩანს, წყალსაქაჩია. კოლონიას წყლით ამარაგებს. პატიმრები მორიგეობენ. არ შეიძლება ბადე არ ექნეთ, ვთხოვოთ, და, არა მგონია, უარი გვითხრან.

– კი მაგრამ...

– გაგვიშვებენ, ნუ გეშინია, მონკავშირის წიგნაკი ხომ თან გაქვს. ზონაში შესვლა მონადირეებს ნებადართული აქვთ.

ნამზღვლევს ჩავუყვებით, ჩავივაკეთ და გზის გასაყართან ხერგილს მივადექით.

პირტიტველა, ნითურმა ჯარისკაცმა საბუთები გაგვისინჯა და უსიტყვოდ გაგვატარა.

ჯიხურის ფარღალალა კარს მივუკაკუნეთ.

თუ შეგიმჩნევიათ, ნადირობაში გართული ცხრა მთას გადაივლის, ხოლო უმიზნო ყოყიალით მალე იღლება კაცი. მუხლებზე დოლაბები მკიდია.

ტოლით დახურულ გრძელ ჯიხურში არავინ ჩანს. ორი ძრა-

ვი მუშაობს. ტუმბოების გამაყრუებელმა წივილმა ტანზე ბუსუსებად დამაყარა, თითქოსდა ჩემი ნერვების ფანდურს უხეშად და გამეტებით აჟღერიალებს ვილაც. გაზეთებით მოჩითულ ფიცრულში შევედით. ხის ტახტი, ზედ დაცრეცილი ნაბადი და ჭუჭყიანი დაბამბული, მაგიდაზე გამხმარი შავი პური, სამი თავი ნიორი და ნახევარ ბოთლამდე არაყი, – თუ ნახევრადმემოხვეული ეტიკეტის მიხედვით ვიმსჯელებთ.

– მასპინძელო! – ჭერს ასძახა გოგიმ.

ვინ დაგიკარგავს, ვის ეძებ.

– ჩამოჯექი. აქვე იქნება გასული. ტუმბოების მიტოვების უფლება არა აქვთ. – გოგიმ სკამი გამომიჩოჩა, დაბამბული სერთუკი განზე გასწია და ნარზე ჩამოჯდა.

ლოდინი დიდხანს არ დაგვჭირდა. კარმა დაიჭრიალა და თავზე წაგვადგა მაჩვისფერ სვიტრზე უსახელოებო ფრენჩ-მოსხმული, ნიფხვისამარა ტანმორჩილი კაცი. გრუზა ქალარა თმით, შავგვრემანი, სახენაყვავილარი, ცხვირზე გარდიგარდმო ნახევრადღია იართ. ჩვენი დანახვა არ გაკვირვებია.

– გამარჯობათ უფროსებო, – შემოგვლიმა და კუთხეში მონინებით გაჩერდა – აბხოდზე ხართ? რალაც არ მეცნობით. – მონადირეები ვართ, – გოგიმ კუთხეში მიყუდებულ თოფებზე მიუთითა.

– ოო, – სახე გაეხადრა, – ყველაზე კარგი ხალხი. რა ინადირეთ?

– ვერაფერი.

– დილით აქეთ ჩაიარეთ?

– არა, გარდაბნიდან მოვედით.

– იმიტომაც არ მახსოვხართ. რომ დამენახეთ, არ გირჩევდით დღეს ნადირობას. ორი დღე საწვრთნელი ვარჯიში ჰქონდათ. გაყრუებული იყო აქაურობა. რა ფრინველი გაჩერდებოდა.

– კიდევ იმიტომ, – ნიშნისმოგებით შემომხედა გოგიმ.

– მეც არ გამიკვირდა? ფრინველი რაა, მისი ნარკტენიც ვერსად დავლანდეთ, – ჩავურთე.

ნამოდგა, ფანჯრის რაფაზე გაქონილ, ნელში გამოყვანილ ჭიქას მისწვდა, არყით ნახევრამდე გაავსო და მომანოდა.

– დაილოცეთ, შეციებულნი იქნებით, ჩემი არ იყოს. ძრავა ცხელდებოდა. პრაკლატკას ვცვლიდი და წელი გამეყინა. ჩუმი, შემპარავი სიცივეა დღეს.

ჭიქა გამოვართვი. ღმერთმა ამის დაღვევის ჯანი ნუ მოგიშალთ-მეთქი, გადავკარი და ნიორს დავწვდი.

– მაპატიეთ, ღარიბი მასპინძელი ვარ.

ჯიბიდან ჯაყვა ამოიღო, პური თხლად დაჭრა და ჩვენკენ მოსწია.

– ცეცხლია. ჭაჭაა? – გოგიმ პირთან აიქნია ხელი.

– ჰო, მოაქვთ ხანდახან ბიჭებს. ისე აკრძალული გვაქვს ძალიან.

– პატიმარი ხართ? – ვკითხე.

– კი, ბატონო, – არაყი სულმოუთქმელად დალია და ნიორი დაყნოსა, – თხუთმეტში ვზივარ. ექვსი წელიდა დამრჩა.

– რაზე, თუ საიდუმლო არ არის.

– მკვლელობა.

გოგის მეტი არაფერი უკითხავს.

– ისე, კაცმა რომ თქვას, ურიგო ადგილას როდი იხდით სასჯელს, – ვთქვი მე, – ტბა, სუფთა ჰაერი, რცხილის და კიპარისის ტყე. საქმე ის იქნებოდა, ფეროში მუშაობა რომ მიესაჯათ.

– არც ეგ დამკლებია, – გაეცინა, – აქ სტუმრად ყოფნაა კარგი, თორემ დღედაღამ ძრავის ნუნუნნი სულ არ გახლავთ შესაშური. იცით, როგორ ვარ? მონაზონი მთაზე ცეკვავდა, არც იქეთა მხარე უმადლოდა და არც აქეთაო. არც გარეთ ვნერივარ და არც შიგნით.

– ამ ტბაში თევზი არის? – საქმეზე გადავიდა გოგი.

– რამდენიც გნებავთ, – მუხლზე შემოიწყო ხელი მკვლელმა და იატაკს დააჩერდა.

გოგის მეტი არაფერი უკითხავს.

შევყურებ ჩვენი მასპინძლის სუსტ მხრებს, წინ წამოწეულ შუბლს, შეერთებულ წარბებს და სვავის ნისკარტივით მოკაუჭებულ ცხვირს, უნესრიგოდ გაზრდილ უღვაშებში არამკითხედ ჩაჩხერილს. შევყურებ და ვფიქრობ, ეს აქ ტბის პირას

არხეინად დააბიჯებს, ხოლო ამის ხელით განგმირული მინაში წევს. მკვლელი ვარო რომ თქვა, ეტყობა სხვა თვალთ და-ვუნყე ყურება და მის გარეგნობაშიც ბევრი რამ ვიპოვე მკვლელისთვის დამახასიათებელი. კი, ასეთებს შეუძლიათ კაცი მოკლან. ამ დაფანჩული წარბების, ორად გაყოფილი სქელი შუბლის და ფოსოებში მიკარგული ნაქისფერი თვალების პატრონები სიმფონიურ მუსიკას არ უსმენენ. ლექსებს არ კითხულობენ, ხელოვნებისადმი მათი ინტერესი სკეტჩის დონეს არ მორდება, სპორტი ჭირივით სძულთ და პატიება არ იციან.

– სახელი თქვენი? – გოგიმ დაარღვია სიჩუმე.

– ჟორა, ჟორა ჯინჭარაძე, ჯაყოს მეძახდნენ.

– ჟორა ბატონო, ბადე ხომ არსად გეგულეხათ?

– ბადეს ვიპოვით, თქვენ მეზადური იკითხეთ თორემ. თევზაობა გინდათ?

– ვცდიდით, თუ ღმერთმა გადმოგვხედა.

მეორე ოთახში გავიდა, სველი ბადე გამოათრია და ფეხებთან დაგვიგდო.

– ა, ბადე და მისი ჯანი. ამაზე განყენინებთ? ძეძვებთან ცოტა ფრთხილად. წმინდა ძაფია და ვერ უძლებს. წინა კვირას ჯარისკაცებს ვათხოვე და ისე დაგლეჯილი დამიბრუნეს, რომ თევზი კი არა უღლიანი ღორი გაძვრებოდა. სამი დღე მოვუნდი კემსვას. ჩექმები გაქვთ?

გოგიმ ფეხზე დაიხედა.

– ეგ მოკლეა. წყალში ვერ შეხვალთ, – ისევ გაფათურდა და წელზე შესაკრავი სათევზაო ჩექმები გამოიტანა. – საზიაროდ გვაქვს მე და ჩემს ამხანაგს ეს ჩექმები. ხომ ხედავთ, რა დღეშია. ხომ გაგიგონიათ, ზიარი ძროხა მგელმა შეჭამაო. მე მგონი, წყალი არ შედის.

– დიდი მადლობა. თუ რამე დავიჭირეთ, ლომის წილში ხარ, იცოდე, – გოგიმ მხარზე ხელი მოუთათუნა.

– თქვენ კარგად იყავით, – თეთრი, ოფიცრული ნიფხვის თასმები შეიკრა, დაგლეჯილ შარვალს დანვდა და ღილი რომ ვერ იპოვა, ალუმინის მავთულით შეიკრა, კარში გამოგვიძვდა და ალვის ხეებისკენ გაგვახედა.

– ასე აუყევით, სათიბი რომ იწყება, იქ დაჰკარით და ქვე-
მოთ ჩამოჰყევით. მარცხნივ, ბამბუკებში ამ დილით იყვნენ ვი-
ლაცები. სათიბებთან დღეს არავინ დამილანდავს.

მადლობა მოვახსენეთ და ბილიკს დავადექით. ბადეს გოგი
მოათრევს, მე ჩექმები დავიიღლიავე. ჩვენი ბებერი პოინტერი
გაკვირვებული მოგვყვება.

ლერწმიანში დავეშვით. გოგიმ ჩექმები წელზე შეიკრა და
შეჩქაფუნდა. ნაჭაობარში წყალი ააბუჭბუჭა, ბადის ზონარი
მკლავზე დაიხვია, ტყვიის გირჩი პირში ჩაიდო, „ალეე, ჰოპ“
დაიძახა და დაიქნია. ბადემ იქვე, მის ფეხებთან მოადინა ჩხ-
ლაპანი. გოგიმ სერიოზული სახით დაქაჩა თოკი, ბადეს ხელი
ჩაავლო, ნაპირზე გამოიტანა და ჩხრეკა დაუნყო. რისი თევზი,
რა თევზი. პირველი ათი „სროლა“ ვაცალე, მერე ნერვებმა
მიმტყუნა.

– ესაა ბადის სროლა ვიცით?!

– ეს სხვანაირი ბადეა. წინა კვირას ჩვენ თვითონ გვქონდა
ბადე. ბოკურჩავას გამოვართვით.

– წინა კვირას?!

– ჰკითხე ჩხეიძეს თუ გინდა.

– მერე ვერ გიცნო ჟორამ?

– მაშინ სხვა მორიგეობდა.

გოგი შეტრიალდა და ისევ გაჭყაპუნდა წყალში, ძალღმა
თვალი გააყოლა და ზარმაცად შეჰყეფა.

– შენ მაკლდი ახლა, – შეუღრინა გოგიმ.

– ძალიანაც სწორია ეს ძაღლი. რაც არ იცი, ნუ შეეპოტინებო,
გეუბნება.

გოგიმ რამდენჯერმე კიდევ მოუნაცვლა ბადეს ხელი, მე ნა-
პირიდან ძველებურად ექიდნურ ქათინაურს ვესვრი და მოთ-
მინების ფიალა საცაა ამევსება.

– რა ჰქენით?!

ვინროდ გრეხილ ბამბუკებში ჟორამ შემოჰყო თავი.
უკან სამხედროფორმიანი, შუახანსგადაცილებული, პეტრე
პირველისულვაშა, ლაბაზიანი კაცი უდგას.

– აბა, ჩემს ბედზე ისროლე?! – გოგის ჩასძახა ჟორამ.

გოგიმ მოინდომა და გააჩხლაპუნა ბადე, ზუსტად ისე, რო-
გორც იცის.

ჟორას მომყოლი ჩექმებზე წკნელს იტკაცუნებს.

მკვლელი თხრილს გადმოახტა, ზურგჩანთა ბალახებში
მიაგდო და გაღმა უმწეოდ მდგარ თანამგზავრზე მიგვითითა.

– გაიცანით, ბატონი გივი, ციხის „ნადზორია“, მაგრამ კაი
კაცი.

– არ გინდა ახლა... რად გინდა ეს ამბავი... – მორცხ-
ვად ჩაჰქინდრა თავი ბატონმა გივიმ, თხრილს შემოუარა და
შემოგვიერთდა.

– ჩვენი ძმა! – ჟორამ გოგის მიმართა, – კი არ გენყინოს,
მაგრამ აქ ცოტა სხვანაირი თევზაობაა საჭირო. გამამაძალღე-
ბულია თევზი, – ლერწმებს დაეჭიდა და დამპალ მორზე შეხტა
– დაისვენე ცოტა ხანს, მე ვცდი. ღრმად შევალ, იქნებ რამე
მოვიხელო.

გოგისაც ეს უნდოდა. ბადე მორზე გადაკიდა, ჩექმები
გაიხადა და ლამზე ისროლა.

* * *

გენიოსია გალაკტიონი, „გაცრეცილი ცა“ რამ ათქმევინა.
მართლაც რომ გაცრეცილია ახლა ცა და ღრუბელთა ნაფ-
ლეთებში უჩუმრად დაიპარება შეციებული მთვარე.

ლამის ათი საათია. კოცონის სინათლე სახეში გვირტყამს,
ტბის პირას ვზივართ ოთხნი და ვქეიფობთ. მოხარშულ
თევზს ყინვაში ოხშივარი ასდის, ორნახადმა ძვლები გაგვით-
ბო. ჟორას რა დამავინყებს. ასეთ კაცებს ხშირად როდი შეხ-
ვდები. ჯერ იყო შელამებამდე წყლიდან არ ამოსულა. სასრო-
ლი ბადით რომ არაფერი გამოუვიდა, მოსასმელი ბადე მოა-
ძუნძულა. ჭყანტობში სელაპივით ხტოდა, ბადეს მოუსვამდა,
თევზს ნაპირზე ისროდა და სანამ ჩვენ სიბნელეში ხელს ვაფა-
თურებდით, ისევ წყალს მიაღრვევდა. ერთ ადგილას ვერ მო-
ზომა, მხრებამდე წყალში აღმოჩნდა და თავიდან-ფეხებამდე
გალუმპული განაგრძობდა თევზაობას. ვეხვეწეთ, ვემუდარეთ;
გაცივდები, ნუ დაგვადებ შენს ცოდოსო, მაგრამ ყურსაც არ

გვიგდებდა. ხალხი სათევზაოდ მოხვედით და გულნაკლულს როგორ გაგიშვებთო, „არ გინდა, რად გინდა ეს ამბავი“ – წამდაუნუნე ეძახდა ციხის ზედამხედველი, მაგრამ ჟორა თავისას არ იშლიდა.

ჭანარით, მურწით და ორაგულით ვედრო თითქმის სავსე იყო და დაჭერილ თევზს ბალახებში ველარ ვპოულობდით. მკვლელი რომ წყლიდან ამოვიდა, კბილის კანკანით დარბოდა, ფიჩხიც თვითონ მოძებნა, ცეცხლიც თვითონ დაანთო, ჩექმები ლერწებს ჩამოაცვა, ბოხჩიდან ბატინკები და შალის წინდები ამოიღო, ჩაიცვა. ცეცხლთან ცოტა რომ შეშრა, თევზის თადარიგს შეუდგა. გამოშიგნა, გარეცხა, დაამარილა, ვედროში ჩაყარა, ცოტა შაბი ჩაუმატა და ცეცხლზე შედგა. ამას ყველაფერს ისე დაულაღავად, დაუმაღლებლად, გემრიელად აკეთებდა, თითქოს მისი თანშეზრდილი მეგობრები ვყოფილიყავით. თვალეში გვიყურებს, რითი გვასიამოვნოს არ იცის. სუფრას რომ მოვუსხედით, არაყსაც თვითონ გვისხამს და თევზსაც გვირჩევს, ეს მიირთვით, ეს უფრო გემრიელიაო.

შევთვერით. იმთავითვე გულს მიღრღნის ჩემი დამლუპველი ცნობისმოყვარეობა. მომენტი შევარჩიე, როგორც იქნა.

– რაზე შეგემთხვა, ჟორა ბატონო, თუ საიდუმლო არ არის, რასაკვირველია.

თავი აიღო და თვალეები გამისწორა.

– რაზე მეკითხებით?

– იმაზე. მე ბოდიში, მაგრამ, მკვლელიობაზე.

– არ გინდათ, ახლა, რად გინდათ ეს ამბავი, – ლულულეებს ბატონი გივი და ნაკვერცხლებს ჯოხით ჩინჩხლავს.

– გეტყვით, ბატონო, რატომ არ გეტყვით. ერთ პატარა სადღეგრძელოს გეტყვით და მოკლედ მოვაყოლებ ჩემ ამბავსაც.

– არ გინდა, რად გინდა ეგ ამბავი, თვარა კი... – აწყვეტინებს გივი.

– ყველას თავისი სიმართლით გაუმარჯოს, გივი ბატონო, – ჟორამ თავი ასწია, შუბლზე წითელი აბრეშუმით ახვევია ცეცხლის ათინათი, ხოლო არაყს ჭიქაში ლალისფერი დაჰკრავს, – მე ჩემი სიმართლით ვცხოვრობ ამ ქვეყანაზე. სულ არ

ვემდური ჩემს თავს, რომ იცოდეთ. მართალია, ერთი შეხედვით უბედური ვჩანვარ, მაგრამ ჩემი თავი ძალიან მიყვარს. უკისრებელი არ მიკისრია. რომ იცით ის, არასოდეს მიმიცია. ბოლმითა და შეურაცხყოფით გული არ გამიგლეჯია. რანაირი კაცი ვარ იცით? მაპატიეთ, ჩემს თავზე რომ ვლაპარაკობ, სახვალიოდ და საგაისოდ არაფერს რომ არ იტოვებს. ჩიტები ვართ ამ ქვეყანაზე, ჩიტები და ვინც ეს არ იცის, ვერაა მისი საქმე კარგად. შეიძლება კარგი არაფერი ჩამიდენია დღემდე, მაგრამ ყველაფერი გულის ძახილით მიკეთებია. მე დამნაშავე კაცს მეძახიან ამ ქვეყნად და ვარ კიდევ დამნაშავე, არ დაგიმაღავთ, მაგრამ ახლა ცოტა მთვრალი ვარ და იმიტომ გეუბნებით, თუ ვინმეს ვაწყენინე ჩემი საქციელით, მხოლოდ იმ დროს, როცა სხვა გზა არ იყო; ან იყო და მე ვერ ვხედავდი. გამოგიცდიათ ხანდახან ასეთი წუთი? ახლა თუ ამ წუთში ეს არ გავაკეთე, გული გამისკდება ყუმბარასავით. ახლა ფიქრის დრო აღარ არის, ან ასე უნდა ქნა, ან უნდა მოკვდე. ჩემს სიკვდილს, ეტყობა, დედალიც ზის ჩემს არსებაში, ყოველთვის სხვისი ვარჩიე, ჩემი გულის გახეთქვას, სხვისი. ახლა თქვენ განსაჯეთ, რა კაცი ვარ. ერთში უნდა მენდოთ, ცოლ-შვილს გაფიცებთ, სხვანაირად მოქცევა რომ შემეძლოს, გულს გარეთ ცხოვრება რომ შემეძლოს, ბედნიერი კაცი ვიქნები, მაგრამ არ შემეძლია და მომკალი თუ გინდა.

– არ გინდა ახლა ეგ ამბავი, – ბატონი გივი განზე იხედება.

– მესამეჯერ ვარ ახლა ნასამართლელი, – განაგრძობს ჟორა, – პირველად რომ დამიჭირეს, თექვსმეტი წლის ბიჭი ვიყავი. არაფერი ისეთი. ჩემს ძმაკაცს სცემდა ვიღაც უცნობი. მაშინ უცნობი იყო ჩემთვის. რად გინდათ, ვინ იყო, რა მნიშვნელობა აქვს. ორმეტრიან ახმანს მოუგდია ფეხქვეშ ეს ჩემი ძმაკაცი და წიხლებით სცემს. რა იქნებოდა გალეული მეთაუკლასელი ბიჭი. ხან აქედან მივუდექი იმ დევს, ხან იქიდან. ვეხვეწე, ვიტირე, ორჯერ იმნაირად მკრა ხელი, რომ ყირაზე გადამატარა, ძლივს წამოდგება თავპირდასისხლიანებული ეს ჩემი კლასელი, ორ ნაბიჯს გადაადგამს სანყალი განზე, მივარდება, დაარტყამს და დააგდებს. მოკლედ კლავს რა. მერე

კი ვისწავლე, რომ ასეთ დროს მილიციას უნდა უხმო, მაგრამ მაშინ, მაპატიეთ და, ასეთი რამ არ ვიცოდი. ფიქრის დროც არ იყო. მოვძებნე გადაჭრილი მილი, მოვარბენინე და ვრეკე იმ ახმახს თავში. მაშინ მე სხვა გამოსავალს ვერ ვხედავდი. მეორეჯერ „დინამოს“ სტადიონის შესასვლელში დამიჭირეს. მაშინ ბილეთებზე წყვეტა იყო. ორი თვის გამოსული ვარ ციხიდან. ნოემბრის სამი იყო. ოცდასამი წლის ბიჭი ვარ. ქუანასწავლი. მიჭირავს ჩემი ბილეთი ხელში და მივდივარ ფეხბურთის საყურებლად. ხალხის ტალღა ხან იქეთ აწყდება, ხან აქეთ. თუ გახსოვთ, მაშინ ცხენოსანი მილიციელები გამოჰყავდათ. ერთ ადგილზე ხალხი შეჩოჩოქოლდა. ერთიც ვნახოთ, ბავშვის განწირული ყვირილი ისმის. ქურთის ბიჭია ათი-თორმეტი წლის, უბილეთოდ გადადიოდა რკინის ლობეზე, დაინახა მილიციელმა და ცხენით მიანვა. მიხვდით, რას ვამბობ?! ცხენი მუცლით აწვება ბავშვს მკერდზე, სადაცაა გულ-მკერდს შეუხგრევს. იძახე ახლა იქ, „არ გრცხვენია, მოქალაქე მილიციელო?“ სად არის ამის დრო. დავადგრე ყამა და მუცელში გავურჭე ცხენს. ბავშვი სიკვდილს გადავარჩინე. ეს მეორედ გასამართლება. მესამედ, ახლა რაზეც ვზივარ...

– არ გინდა, რად გინდა ეგ ამბავი. ეგ ამბავი მინდა ახლა მე? დალიე თუ სვამ, – ნაწყვეტ-ნაწყვეტ ისვრის გივი, მაგრამ ხელს ენერგიულად აღარ უშლის, შეიძლება იმიტომ ამბობს, რომ ასე უნდა თქვას. ეს სიტყვები სამსახურებრივად ეკუთვნის.

– ამ წუთში, გივი ბატონო, ორი სიტყვა და მორჩა. მე და ჩემმა მეზობელმა სახლი ავაშენეთ საზიარო. მამაჩემს გავაყიდვინე დიდუბეში სახლი და ვეძისში მანდ, ზემოთ ვაზისუბანზე ერთი პატარა ქოხი ზიარად ვიყიდეთ მე და ერთმა კაცმა. ფული აღარ მაქვსო, მითხრა, მერე რა, ფული არა გაქვს, რა მოხდა, აგერ ფული და მერე გავსწორდეთ-მეთქი. ეს რომ მითხრა, ქოხი დანგრეული და სახლის შენება დაწყებული გვექონდა. შუა გზაზე ხომ ვერ შევჩერდებოდით. მე ვაპირებ ამ კაცთან ძმობას და ერთად ცხოვრებას. თვითონ არ ჩანდა ცუდი კაცი, ნოტარიუსში მუშაობდა სადღაც, ვასესხე ფული ორამდე, ერთი სიტყვით, და ავაშენეთ სახლი. კარის მეზობელზე უფრო ახ-

ლობელს ხელწერილს გამოართმევ? არც მიფიქრია, თუ პირს მიშლიდა. მოკლედ, სასამართლომ საქმე არ მიიღო, ხელწერილი არა გაქვსო; უბნის რწმუნებულმა ვერაფერი შეასმინა. ნათესავ-მეგობრები შეეკრიბეთ და უარი დამირტყა. ცილს მწამებს, ჩემთვის კაპიკი არ მოუციაო. ფული ჯანდაბას! ხომ გასკდი კაცი გულზე, რანაირად შეიძლება ასეთი რამ გიყოს კაცმა. ბნელა, კაცო? სალამოს გადავედი მასთან. მარტო იყო. „გერა, რატომ აკეთებ ამ საქმეს-მეთქი“ – „წადი, მიჩივლე, არ გაძლევ, მორჩა და გათავდაო“. „რანაირად, გერა, მართმევ ჩემს ფულს-მეთქი?“ „გართმევო“. „მერე, სულ არ გეშინია არაფრის-მეთქი?“ „არ მეშინიაო. „აბა, იცოდე, წყნარად გეუბნები, თუ ოც დღეში ფულს არ მომიტან, მოგკლავ, ჩემო გერა-მეთქი“. „ოცი დღე რად გინდა, ახლავე გეუბნები, არ მოგიტან და ყურებზე ხახვს ვერ დამაჭრიო“. ოცი დღე მაინც მივეცი, იქნებ გონზე მოვიდეს-მეთქი. ოცი დღის მერე მოგკალი. არ დაიჯერებთ, ბატონო, არც ერთი წუთით არ ჩამითვლია ჩემი თავი მკვლელად, სასამართლოზეც წელში გამართული ვიდექი. სხვა გზას ვერ ვხედავდი. ასეთმა კაცმა არ უნდა იცოცხლოს ქვეყანაზე-მეთქი და სრულიად ნერვებდამშვიდებულმა მოგკალი. ესაა სულ. ხომ ხედავთ, არაფერი მოსაყოლი არაა, მაგრამ შორიდან მე მაინც მკვლელი და საშიში კაცი ვჩანვარ. რომ იცოდეთ, რა სუფთა გული მაქვს. თუმცა რაებს ვჩმახავ, – თავი ჩაჰკიდა, – ამას ვინ დამიჯერებს, – თვალი ირგვლივ შემოატარა და რატომღაც მე მომიჭახუნა ჭიქა, – მოდი, ჩვენს სიმართლეს გაუმარჯოს. ჩვენ რომ სულში გვაქვს ჩვენი კანონი და სიმართლე, იმას გაუმარჯოს. ისე ყველას ვენაცვალე მე!

– არ მინდა, ეგ მინდა ახლა მე? – ლულულეებს ბატონი გივი და ჩამქრალ ლადარში ჯოხით იქექება.



ვისი იყო გზა...

ლიფტი რომ გაჩერდა, კაცმა თავი გამოყო და მიიხედ-მოიხედა.

– გამოდი.

მაღალფეხება, ხუჭუჭთმიანი ქალი კატის ნაბიჯებით მოშორდა ლიფტს და კაცს მიაჩერდა.

კაცმა გაულიმა.

– არ გაგიკვირდეს, ცნობისმოყვარე მეზობლები მყავს.

კარს გასაღები მოარგო და ქალი წინ გაატარა.

– შედი.

ქალი პირდაპირ სასტუმრო ოთახში შევიდა და „მეცხრე ტალღას“ მიაჩერდა.

კაცმა კარადას მიაშურა. გაიხადა. ბეჭებზე ხალათი მოიგდო, ქალს შეუმჩნეველად მიუახლოვდა და მხარზე ჩამოადო თავი.

– მოგნონს?

ქალმა არ უპასუხა.

კაცი საწოლ ოთახში გავიდა, ცოლის ქრელი სარაფანი გამოიტანა და სკამზე გადაჰკიდა.

– გაიხადე, ეს ჩაიცვი, ცხელა.

ქალმა კაბა გაშალა, ერთხანს უყურა ტანის რწევით, მერე ერთბაშად გადააქნია თავი.

– არ მომერგება, დიდია.

კაცმა გაიცინა.

– მე თუ რამე მესმის, შენ და ჩემი ცოლი ერთი ზომისა უნდა იყოთ.

ქალი სავარძელში ჩაეშვა.

– არც ფეხზე გაიხდი? შენ მაგივრად მე მიწებს გული ამ ლურსმნის ქუსლებზე რომ დგახარ.

ქალმა განზე გაიხედა.

– ფეხზე გავიხდიდი. ოღონდ შენი რამე მომიტანე, ძალიან გთხოვ.

– ჩემი?

კაცი მოსაცდელში გაფათურდა და ჩანთიდან „შლოპანცები“ ამოყარა.

ქალმა „შლოპანცები“ ჯერ ერთმანეთს გაუტყაპუნა და მერე ცხვირთან მიიტანა.

– შმორის სუნი ასდის.

– აუზის ჩანთაში მიდევს, დიდი ხანია აღარ ამომიღია.

– აღარ ცურავ?

– ვერ ვახერხებ ამ ბოლო დროს.

– ??

– ბავშვები, სამსახური, შენ?

– მე, რა თქმა უნდა... ამ თვეში მეორედ მხედავ...

– დაინყე?

– არა... დღეს არ ვიჩხუბებთ. ხომ დაგპირდი.

ქალი შუშაბანდში გავიდა, ფანჯარა გამოალო და მოაჯირს გადაეყრდნო. კაცმა მეორე ფანჯარა გამოალო და გვერდით ამოუდგა.

– აქედან შენი სახლი არ ჩანს.

– რა იცი? – ყრუ ხმით ჰკითხა ქალმა.

– რა ცოდნა უნდა. აქ რომ გადმოგვედით, პირველად შენს სახლს დავუწყე ძებნა.

– ახლაც, სამსახურიდან რომ დაბრუნდები, ტელევიზორის ცქერით დალლილს ტელეფონთან მისვლაც რომ გეზარება, გადმოდგები ამ ადგილს და ჩემს სახლს ეძებ არა?

– ისევ...

– კიდევ კარგი, აქედან რომ არ ჩანს „ჩემი სახლი“. არ გეშინია?

– რისი?

– ხომ შეიძლება შენს ცოლს უთხრან, ხვალ დილით რომ ჩამოვა, გუშინ საღამოს, ფანჯარასთან უცხო ქალი იდგაო.

– უცხო ქალი...

– ჰო, იმათთვის მე უცხო ვარ.

– ხომ შეიძლება კაცს სტუმრები ჰყავდეს?

– და ერთ-ერთი მათგანი ჰაერის გადაყლაპვის მიზნით ფანჯარას მოადგეს, არა?

– ჰო.

– აი, ამდენი აღარ მიფიქრია. იცი, რა შეშინებული თვალები გაქონდა, ლიფტიდან რომ გამოიხედე?

კაცმა წელზე გადასდო ხელი.

– გინდა? გაკოცებ ამ მეზობლების თვალწინ.

– არ მინდა. თორმეტი წლის თავზე ამხელა მსხვერპლს ნუ გაიღებ.

– ნუნუ!

– კარგი, კარგი... იცი, რა, რატომ მომიყვანე აქ?

– მინდოდა, გენახა, სად მძინავს, როგორ ვცხოვრობ.

– მართალი ხარ. საოცრად მაინტერესებდა. სულ სხვანაირად მქონდა წარმოდგენილი შენი ბინა. სანოლი ოთახი მიჩვენე რა?

კაცი გაუძღვა.

ჩუმად იდგნენ და აბრეშუმის მწვანე ზენარგადაფარებულ სანოლებს დაჰყურებდნენ.

კაცი გამოერკვა. სკამზე ჩამოჯდა და წინდების გახდა დაინყო.

– არა. არა, ძალიან გთხოვ...

ქალი მკლავებზე ისვამდა ხელს და სასოწარკვეთილი სახე ჰქონდა.

– რა დაგემართა? – კაცმა ხალათის ქამარი შეიკრა.

– სად არ ვყოფილვართ მე და შენ. ვის ოთახს არ მიმაყენე. მგონი, შენც აღარ გახსოვს, მაგრამ ასე უცხოდ არსად მიგრძენია თავი.

– არ მიყვარს, ხომ იცი, შენი სენტემენტალობა.

– არა, გოჩა, დედას გეფიცები, არ შემიძლია. ასე მგონია, საშინელ დანაშაულს ჩავდივარ, ასე მგონია, კედლებიდან ათასი თვალი მიცქერის. ეს კედელი ასე იყო თავიდან კარადისთვის შენეული?

– ძალიან გაინტერესებს? – კაცმა ოთახში გაიარ-გამოიარა,

– ჩვენ გამოვანგრეთ.

– ვინ თქვენ?

– მე. ყველამ ასე გააკეთა. ამოდენა ადგილი ცდებოდა. კარადაც ზუსტად ჩაეთია.

ქალმა კარადა გამოალო და ყურადღებით ჩააცქერდა. მერე ერთბაშად შემოტრიალდა, კარი ღია დატოვა და სანოლი ოთახიდან სწრაფად გავიდა.

კაცმა კარადის კარი ფრთხილად მიხურა და გაჰყვა.

ქალი კაბინეტთან უცდიდა.

– შეიძლება?

– რა თქმა უნდა.

– გენიალური მაგიდა გაქვს.

„ბაროკოს“ სტილის ძველთაძველ ფრანგულ მაგიდაზე უნეს-რიგოდ ეყარა ნიგნები, ქალაღები, მელნის შუშა, საშრობი და ქინძისთავებით სავსე მუყაოს ყუთი.

– ამ ათი წლის წინ ვიყიდე საკომისიოში კაპიკებად, ახლა თავისი წონა ფული ღირს.

ქალმა მინას ხელი გადაუსვა.

– რატომ მატყუებ?

– არ გატყუებ.

– ეს მაგიდა შენმა სიმამრმა გაჩუქა საკანდიდატო დისერტაციის დაცვასთან დაკავშირებით. უფრო სწორად, შენი ცოლის მზითევია, – ქალს ხმაში წყენა გაერია.

– ვთქვით, ეგრეა, მერე?

– არაფერი. ბავშვებს სად სძინავთ?

– წინ, თავიანთ ოთახში.

– მარტო?

– არა, დედამისთან ერთად, ამას გადამწყვეტი მნიშვნელობა აქვს?

– გოჩა, რატომ მეჩხუბები? – ქალს გაელიმა.

– არ გეჩხუბები. ბავშვების ოთახს ხომ არ დაათვალიერებდი?

– არა, აქ ვიყოთ. ეს კაბინეტი შენია. შენს ტერიტორიაზე უფრო მშვიდად ვარ.

კაცმა თმაში შეუყო ხელი და მკერდზე მიიკრა.

– რა სულელი ხარ, ნუნუ.

– მაპატიე.

ქალმა ხელები მოიცილა, მაგიდას შემოუარა და არწივისცხვირებიან სკამზე მოკალათდა.

– ახალს წერ რამეს?
 – ჰო, ვითომ... ჩემთვის ვეიყო.
 – მაინც. შეიძლება? – ქალი ნაწერს დაწვდა.
 – არ ნაიკითხო, ძალიან გთხოვ, მერე ველარ დავეუბრუნდები.
 – რატომ?
 – რა ვიცი... არ არის საინტერესო ეგ ამბავი, რაღაცას ვვლავნი, სისულელეს ვჩინავ.
 – დაგინყო ახლა კამათი, – „რას ამბობ, როგორ გეკადრებას“ მოტივზე?
 – არა. შენ რაც უნდა მითხრა, მე ხომ ვიცი: მეზღაპრე ვარ, ჭორიკანა, ტყუილებს ვიგონებ. მოვეშვათ რა, არ მიყვარს ამ თემაზე ლაპარაკი.
 – სულ მინდოდა მეკითხა: წერისას წვალობ? ბევრჯერ გიხდება გადაწერა?
 – არა. არც ერთი ჩემი მოთხრობა მეორედ არ გადაამწერია. შენ მეტყვი ახლა – ეტყობა კიდევცაო, – კაცს გაეცინა.
 – არაფერსაც არ გეტყვი. ეგ მუშაობის სტილია. შენ, ალბათ, სანამ დაწერდე, ათასნაირად სწონი.
 კაცმა არ უპასუხა, დაიხარა და კისრის სიახლოვეს, მხარზე აკოცა.
 – ტოლსტოიმ „ანა კარენინა“ შვიდჯერ გადაწერაო.
 – ვიცი, – კაცი ყურში ჩასჩურჩულებდა, – ყოველი მეორე კრიტიკოსი ამ მაგალითით იწყებს ჩვენთან საუბარს, მაგრამ, იცოდე, ეგ მტკნარი სიცრუეა.
 – ტოლსტოი, მგონი, თვითონ ამბობს.
 – მერე რა, შენ გგონია ტოლსტოი არასოდეს ცრუობდა? „ანა კარენინას“ შვიდჯერ გადაწერა ერთი კაცის ძალ-ღონეს აღემატება. „ანა კარენინას“ ორჯერ გადაწერაც არ შეიძლება.
 – რას ჰქვია, არ შეიძლება.
 – ნერვები არ გეყოფა და საჭიროც არ არის, არ წერდა ტოლსტოი ისე, რომ ერთი რომანის შვიდჯერ გადაწერა დასჭირვებოდა.
 ქალმა მაგიდას პირდაპირ ჭიკარტით გაკრულ ფანქრით დახატულ პორტრეტს დაადგა თვალი.

– ეს შენა ხარ?
 – ჰო.
 – არა გგავს. ვინ დაგხატა?
 – პარიზში, მონმარტრზე, ქუჩის მხატვარმა ერთ ბოთლ კონიაკად.
 – რა საინტერესოა, დიდხანს გხატავდა?
 – ლოთი იყო, ხელები უკანკალებდა.
 – თვალებით გგავს, იცი? მარტო თვალებით.
 – მაშინ უფრო მგავდა. ეგ ათი წლის წინაა დახატული, რაც დრო გადის, უფრო ვმორდება.
 – ჩემს თვალში შენ სულ არ შეცვლილხარ.
 – შენს თვალში... ახლა მე ორმოცი წლისა ვარ.
 – დედაა?! – გაიოცა ქალმა, – ორმოცი... ბავშვობაში რა ბევრი მეგონა.
 – ბევრია.
 – არაფერიც. შენ ორმოცი წლისა ჯერ არა ხარ. ოცდახუთ ოქტომბერს შესრულდები. სამი თვის შემდეგ.
 – დიდი შეღავათი.
 – ალბომი არა გაქვთ? – ქალმა მაგიდიდან სათვალე აიღო, გაიკეთა და სწრაფადვე მოიხსნა.
 – რა ალბომი?
 – საოჯახო, ფოტოალბომი.
 – მგონი კი იყო, სადღაც.
 – გეხვენები, მოძებნე.
 – თუ გოგის გადაურჩა.
 – ცელქია?
 – გადარეული. ჭაღზე ავა, რომ მიუშვა, – უფროსებიც არ აკლებდნენ ხელს, მაგრამ ეს ნამეტანია.
 კაცი მაგიდის უჯრებს ერთიმეორის მიყოლებით აღებდა.
 – არა უშავს, დაჭკვიანდება, – ამოოხვრით, გრძელი პაუზებით თქვა ქალმა და ალბომი მუხლებზე დაიდო.
 – ეს ვინ არის?
 კაცი სკამის ზურგს დაეყრდნო.
 – ბაბუაჩემია.
 – სამხარაძე?

– არა, დედაჩემის მამა.
 – ესე იგი გვენეტაძე.
 – ესე იგი. აბა, აქ თუ მიცნობ.
 – ვერა, ბიჭო. აი, ესა ხარ.
 – ყოჩაღ. – კაცმა ქალის ხუჭუჭა, საყვარელი თმა თითებში მოიქცია.
 – სკოლაში მაინცდამაინც არაფერი.
 – მაინცდამაინც კი არა ჭინკას ვგავდი. ყველა მასწავლებელს ვძულდი დასანახავად.
 – მამაშენს რა თმა ჰქონია.
 – მაშინ ოცდაექვსი წლის იყო. სკოლის დირექტორი გახლდათ დრანდაში.
 – სად?
 – დრანდაში. სოხუმთან ახლოს, სოფელია. იქ გაანაწილეს.
 – შენ რომ ბაბუშერაში ხარ დაბადებული?
 – ბაბუშერა დრანდის უბანია.
 – ოჰო... ესენი?
 – არ იცნობ შენ. ჩემი სიდედრის მეგობრებია.
 – შენი სიდედრი მაჩვენე, რა?
 კაცს გაეცინა.
 – რად გინდა?
 – გეხვენები, რომელია?
 – აი, ეს, ლომს რომ ჰგავს.
 – სულაც არა. სიმპათიური ქალია. შენს ცოლს ახლა სჯობია.
 – გმადლობთ.
 – აქლემი! რამხელა დრუნჩი აქვს. როგორ ახვედი?
 – არაბი, აგერ რომ დგას, ერთ სიტყვას ეტყვის და ეს ამხელა ცხოველი ოთხად მოიკეცება. მუცელზე წაწვება და სანამ კარგად არ მოკალათდები, ყურსაც არ გაიბერტყავს.
 – რა ღირს ეს სიამოვნება?
 – რა?
 – აქლემით გასეირნება.
 – ერთ დოლარამდე. მგონი. ზუსტად აღარ მახსოვს.
 – ქორწინების სურათები არა გაქვთ?

– გვეკონდა. ჩემს ცოლსა აქვს სადღაც შენახული.
 – როგორ მინდოდა მენახა, – ქალმა ერთბაშად მოიწყინა.
 – რატომ? რა სანახავია?
 – მაინტერესებს, როგორი სახე გქონდა.
 – ალბათ, როგორც ყველას. გულუბრყვილო, სულელური. ქალი წამოდგა და კარისკენ წავიდა. სამიოდე ნაბიჯი რომ გადადგა, თითქოს შებარბაცდა, შუბლზე ხელი მიიღო.
 – წავალ ახლა.
 – ნუნუ!
 – წავალ, ძალიან გთხოვ, არ გეწყინოს. ვერა ვარ კარგად.
 – წამონეკი, ვალერიანის კაპლს დაგაღვევინებ.
 კაცი ახლოს მივიდა. ასე შეწუხებული იგი მხოლოდ ერთხელ ნახა. მაშინაც ასე ჰქონდა საულვაშე და ცხვირი დაცვარული.
 – რა ხდება, გამაგებინე.
 – არაფერი. წავალ. აქ ერთ ნუთსაც რომ დავრჩე, მოკვდები, – კარი გამოაღო, შემოტრიალდა, კაცს გულში ჩაეკრა, – ძალიან მიყვარხარ, – კარი ღია დატოვა და ლიფტის ლილაკს თითი დააჭირა.
 – გაგაცილებ, მოიცა, ჩავიცვამ.
 – არ მინდა. ტაქსით უფრო ჩქარა მივალ.
 კაცი ღია კარში იდგა. „ცნობისმოყვარე მეზობლების“ უკვე აღარ ეშინოდა.
 ნახევარი საათიც არ იყო გასული, ტელეფონი აწკრიალდა.
 – შენა ხარ?
 – ჰო, როგორა ხარ?
 – ახლა არა მიშავს. არ ვიცი, რა დამემართა. გული მიჩერდებოდა და ჰაერი არ მყოფნიდა.
 – სულელი ხარ.
 – რას აკეთებდი?
 – ვქარგავდი.
 – ვისი სიცოცხლე ხარ?
 – შენი.
 – გოჩა, მომისმინე. სულ მეგონა, რომ მანდ სტუმრად ვიყავი. შენ ხომ იცი, არასოდეს არ მიფიქრია სერიოზულად იმაზე, რომ შენ სხვას ჩემზე მეტად სჭირდები. შენი ბუდე და შენი სამ-

ტრედე გაქვს. მაპატიე. არეულად ვლაპარაკობ. ვერ ავიტანე, იცი? არ უნდა მიგეყვანე მანდ. შემეშინდა, რომ ვნახე შენი ცოლის დაუთავებელი თეთრეული, მშვიდად ჩანიკნიკებული კარადაში, შენ მიერ გამონგრეული კედელი და სამუდამოდ გაკეთებული წიგნების თარო. ალბომში დიდი გულმოდგინებით, ქრონოლოგიის დაცვით ჩანებებული სურათები. შენი მშვიდი კუთხე. შემეშინდა, იცი, როგორ შემეშინდა? კინალამ გავგვიყდი.

- ხომ გითხარი, ჩერჩეტი გოგო ხარ.
- წარმოუდგენლად მიყვარხარ.
- კარგი, ხვალ დაგირეკავ.
- დილით დამირეკე რა?
- დილით არ მეცლება. ნახვამდის.
- მოიცა. აბა, როდის დარეკავ?
- თორმეტის მერე.
- წავედი, აბა.
- არ დადო, ყურმილი, ცოტა ხანს მელაპარაკე.
- წავედი, ჰოკეია.
- კარგი.

მატარებელმა ოცი წუთი დაიგვიანა.

ცოლი მეექვსე ვაგონის კიბეზე იდგა. კაცს იგი დაღლილი და გამხდარიც ეჩვენა.

- მუშას დავუძახო?
 - რად გვინდა, მარტო ეს ჩემოდანი მაქვს, გამომართვი.
- მანქანამდე უხმოდ მივიდნენ.
- რა გეჩქარებოდა?
 - ვერ მოვისვენე, გოჩა. ბავშვი აღარ ვარ ანი მე. არ შემეძლია სოფლის ჩეჩმაში სიარული. სად მიხვალ?
 - აქედან დაკეტეს. სადგურს ანგრევენ, ხომ ხედავ.
 - უი, კი აღარ დავკვირვებივარ. როგორ მიყვარდა ეს შენობა. მშვენიერი იყო? რას ერჩოდნენ. ამაზე კარგს ააშენებენ ვითომ?
 - ვნახოთ, ჭამდნენ?
 - დიდი ვირები მგლებივით, დღეში თითო ცხვარი არ ეყოფათ, რომ მიუშვა. გოგის, არ ვიცი, რა ვუყო.

- არ ჭამს?
- თუ არ მიეძალე, ლუკმას არ ჩაიდებს პირში. ფერიც არ მომწონს რალაცა.
- ნუ გეშინია.
- ჯაფარიძეებთან წყალი ხომ არ ჩაგიშვია?
- არა, - კაცმა გაიცინა, - არ გიკვირს?
- ყველაზე მეტად მაგის მეშინოდა.
- სად სადილობდი?
- რესტორანში.
- კუჭის მოქმედება როგორი გაქვს?
- ინგლისურ მარილს ვსვამდი ხანდახან.
- გშველის?
- ძალიან.
- არ შეიძლებაო ექიმმა ხომ გითხრა, ნუ მიაჩვევ ორგანიზმსო.

კაცი გაჩუმდა და სარკე შეატრიალა, რომ უკან მომავალი მანქანები უკეთ დაენახა.

- წითელია! არ გახვიდე! - იყვირა ქალმა.

გვიან იყო. პირდაპირ მიმავალმა ტაქსმა სიგნალით იქაურობა გააყრუა.

ძველ კინოსტუდიას რომ გაცდნენ, კაცმა სიჩქარე გამოცვალა.

- რა კარგად დაგყავდა უნინ. სულ გაგივიდა თავს, - უსაყვედურა ქალმა.

- ჩემი გზა იყო, - კაცმა თავზე გადაუსვა ხელი, - შეგეშინდა?

- ერთხელაც იქნება...

- ნუ გეშინია.

ელბაქიდის დაღმართზე მზე წვებოდა, თბილისური მწველი, მაგრამ მტვრიანი და ბენზინისსუნნიანი მზე.

ქურნალისტი

- ქუთაისელი ბრძანდებით?
 - კი, ბატონო, თქვენ?
 - მივლინებით მივდივარ.
 - ხომ კარგ საქმეზე?
 - კი, კარგზე, რასაკვირველია. აბრეშუმსაქსოვში ერთი ქალი მუშაობს, - უბის წიგნაკი ამოიღო და ჩაიხედა, - კვირკველია, გეცოდინებათ ალბათ.
 - არა, არ გამიგია.
 - გმირობაზეა წარდგენილი. ნარკვევი უნდა დავენერო.
 - ნარკვევი კარგია, კარგი დაგემართოს. მოისვენებთ ჯერ თუ?
 - ბრძანდებოდეთ, ბრძანდებოდეთ. მატარებელში ასე ადვილად მაინც ვერ ვიძინებ. რა მეჩქარება.
 - ქუთაისისკენ ხშირად ალბათ.
 - ახლა მეორედ მივდივარ.
 - ?!
 - პირველად ამ ოცი წლის წინ ვიყავი.
- ტანმორჩილი კაცია, სახენაყვავილარი. მარჯვენაზე ცერა თითი აკლია. ფეხსაცმელ-ტალავარი ბოდიშ-ბოდიშ გაიხადა, გულმოდგინედ დაკეცა კოსტიუმი და მაღლა შეაწყო. სპორტული პიჟამო ჩაიცვა და ფეხები ფლოსტებში წაჰყო. ხელჩანთიდან ორი ბოთლი ლუდი ამოიღო. მაგიდის ქვეშ ლურსმანს ჩამოჰკრა და გამომიწოდა.
- გმადლობთ.
 - პირი გაისველე, თუ კაცი ხარ, - მეორე ბოთლიც გახსნა და მიიყუდა - „ბორჯომი“ განყდა რატომღაც, წამლადაც ვერსად იშოვი. რაშია ნეტავ საქმე?
 - მოთხოვნილება გაიზარდა.
 - დებეტი შემცირდაო?

- ამბობენ, მაგრამ არ იქნება სწორი. ყველა „ბორჯომს“ სვამს ახლა. ამხელა ქვეყანას რა „ბორჯომი“ გაუძლებს.
 - ეს ფანჯარა?..
 - შენ არ მომიკვდე, არ იღება.
 - დავიხუთებით ამაღამ.
 - ჯერ არ ცხელა მაინცდამაინც. ზაფხულშია ამ ვაგონში მგზავრობა ჯოჯოხეთი, - დავამშვიდე.
 - ერთს ვიტყვი ახლა მე, - ლუდის ბოთლი ისევ მიიყუდა, - ყველაფერს დაადგა საშველი და ამ ვაგონებს - არა. კერენსკი რომ გაიქცა, იმ ტიპის ვაგონებით ვმგზავრობთ ახლაც. ვაგონში პატარა კომფორტი მაინც არ უნდა იყოს? ან ვენტილაციას გავაუმჯობესებ, ან რალაცას მივხედავ. „საერთაშორისოში“ ადგილი რომ არ ყოფილიყო, მე ვუთხარი, ამისი არ იყოს, ჩემს რედაქტორს, წამომსვლელი არ ვიყავი. არ მსიამოვნებს ოთხი კაცის ნასკის სუნი ერთად და მომკალი ახლა.
 - სწორი ბრძანდებით, აუტანელია ჩვენი ვაგონები. ეს მითხარით, სხვაგანაც ასეა ნეტა? ოთხკაციანია სხვაგანაც კუბები?
 - სად სხვაგან?
 - საზღვარგარეთ, მაგალითად.
 - მე მარტო ჩეხოსლოვაკიაში და ფინეთში ვარ წამყოფი და იქ ასეთი ვაგონები არ შემხვედრია. ან ორადგილიანია იქეთაქეთ სანოლებით, ან კუბებია მხოლოდ სავარძლებით. რბილი სავარძლებია. ზიხარ და მგზავრობ მშვენივრად. ეს ნარული სისტემა გულს მიკლავს. ციხეს მაგონებს ზევით-ქვევით სანოლები. ეგებ მოხუცი კაცი ვარ და არ შემიძლია ზევით-ქვევით ხტუნვა. ძალაა?
 - ჩვენთან ბევრი მგზავრობს და ასეთ ვაგონებს, ალბათ, ადგილის ეკონომიის მიზნით აკეთებენ.
 - ააა... ჰოოო... - მრავალმნიშვნელოვნად ჩაილიმა. პიჯაკის ჯიბიდან სავარცხელი ამოიღო და დიდხანს სერიოზული გამომეტყველებით გადაჰქონდა სასწაულებრივად შერჩენილი რამდენიმე ლერი თმა მარჯვნიდან მარცხნივ კეფაზე.
- სავარცხელს სული შეუბერა და ჯიბეში ჩაიღო. თაფლისფერი, სამკუთხედი თვალეები მომაპყრო და ისე მაღიანად ჩაიცივნა, რომ კინაღამ გადამდო.

– დაფიცებული მქონდა, ქუთაისში არ წამოვსულიყავი მივ-
ლინებით, მაგრამ დრო თურმე ყველაფერს ჰკურნავს.

– რატომ, ჩემო ბატონო, რა განწყობით ქუთაისლებმა?

მუთაქით ზურგი გაიმაგრა, ფეხი-ფეხზე გადაიდო და დაი-
ნყო:

– ამ ოცი წლის წინ მე ქუთაისში საქმე დამმართეს, რა
ლამაზადაც არ უნდა მოგიყვე, მაინც არ დაიჯერებ, აი, მარ-
თლა ქუთაისური რომ ჰქვია, ისეთი კი არა, სიგლახის მეტი რომ
არაფერია ხანდახან შიგ, ნიჭიერად მოფიქრებული ოინი იცი
რას ჰქვია? თან რომ გწყინს და თანაც გიხარია. გშურს კიდევ
იმ კაცისა, ვინც ეს ოინი გიყო. ახალი დამთავრებული მქონ-
და უნივერსიტეტი და პირდაპირ „კომუნისტში“ გამანაწილეს.
უკეთესს რას ინატრებს ახალგაზრდა ჟურნალისტი. იმით და-
ვინყე, რითაც სხვები ამთავრებენ. რამხელა გამოცდილება და
ცხოვრების ცოდნა გინდა კაცს, რომ ჩვენი სეფე-გაზეთის დლი-
ური მუშის ტვირთი გასწიო. იუმორი მეხერხებოდა, ცოტა არ
იყოს, და ფელეტონისტობა დავინყე. ხუთი თუ ექვსი ფელეტო-
ნი მაქვს გამოქვეყნებული „კომუნისტში“, ცა ქუდად არ მიმარ-
ნია და დედამინა – ქალამნად, ქვეყნის გასწორებას ვფიქრობ.
ოცდაოთხი წლის ბიჭი ვიყავი. მაშინ თავი დიდი მეგონა, ახლა
რომ ვუყურებ, რა არის ოცდაოთხი წლის ბიჭი! ყმანვილია და
მეტი არაფერი. რედაქტორმა (ცხოვრებული სალდაძე იყო მა-
შინ რედაქტორი) დამიძახა და ანონიმური წერილი წამიკითხა.
ქუთაისის საკონსერვო ქარხანაში დანაშაულობანი ხდება, „ლევი
საქონელი“ მზადდება, მურაბის მაგივრად კომპოტს აბარებენ,
შაქარს იპარავენ და დღისით-მზისით ჯიბეს ისქელებენო, უცნო-
ბი წერდა. აღარც მახსოვს ახლა კარგად, კონკრეტული გვარე-
ბიც იყო ჩამოთვლილი. ერთი სიტყვით, კარგა მსუყე ანონიმური
წერილი გახლდათ. ჩვენს რედაქტორს საერთოდ არ უყვარდა
ანონიმური წერილები, მაგრამ ეს ბარათი სამინისტროს მიერ
იყო კონტროლზე აყვანილი და სხვა გზა არ გვქონდა, უნდა
გამოგვეძია. აბა, შენ იციო, – სალდაძემ ცხოვრებულმა. გამბე-
დაობა და სინდის-ნამუსი არ გაკლია, გაფრთხილდი, მნიკვლი
არაფერი მოგეკაროს, შაქრის ქურდები ყველანაირად მოგიდგე-
ბიან, იმედი მაქვს, თავს არ შეირცხვენო. გაფრთხილება მინდ-

ოდა მეე? ვარსკვლავებს ვეთამაშებოდი. ისედაც, ვინც არ უნდა
ყოფილიყო, ჩემს ადგილას, არა, არა, სხვა დრო იყო მაშინ ნამ-
დვილად. ჟურნალისტს ქრთამს შეკადრებდი? გაზეთიდან კაცი
ჩამოვიდა და ქრთამი აილოო, გაუგონარი ამბავი იყო. წარმოდ-
გენითაც ვერ წარმოიდგენდა კაცი ამ ამბავს. ერთი სიტყვით,
რალა ბევრი გავაგრძელო, ჩამოვედი ქუთაისში. სადგურიდან
პირდაპირ საკონსერვოს მივაღექი. დირექტორი ჩიმაკაძე იყო,
უშველებელი, მსუქანი კაცი. ცალი თვალი ჭიქის უნდა ჰქონო-
და, ასე მახსოვს. კი აღარ ვიცი, ახლა, ცოცხალია, მკვდარია.
მთავარი ინჟინერი მათხოჯელი კვერნაძე იყო. დაბალ-დაბალი
სკვინჩასავით კოხტა კაცი. ამბავი-ხაბარი და პირდაპირ საქმეზე
გადავედი. ესა და ეს კაცი ვარ, მე ვუთხარი, მივლინების ბარათი
და პირადობის მოწმობა დაუდგე წინ (ზედაც არ დაუხედავთ), ეს
და ეს საქმე უნდა შევამოწმო, მომიტანეთ ახლავე საბუთები და
უნდა შევუდგე შესწავლას-მეთქი. მიხვდნენ რაშიც იყო საქმე.
ჯერ ფეხი აითრიეს, რასაკვირველია, დირექტორმა, როგორც
ხდება ხოლმე, ნამგზავრი ბრძანდებით, ხომ არ დაისვენებთო,
აპაპაპა, რა დროს დასვენებაა, ჯერ რა გავაკეთე, რომ ვის-
ვენო-მეთქი. ჩაის მაინც არ დალევთ, სასტუმროში მაინც არ
მოენყობითო? კვერნაძემ. მაღლობა მოვახსენე. ხომ ვიცი, რა
მუცლის გვრემა აქვთ. ასე თათარიხანად მოტანილი ქალაღები
სულ სხვაა და მე რომ ამათ დრო მივცე, ისე ჩაგიჭიკჭიკებენ
საბუთებს, რომ აქეთ დაგადებენ ვალს. რა მეტი გზა ჰქონდათ,
ჩამოყარეს ყურები. ვიჩიჩქნები ქალაღებში და ვარ ერთ ამბავ-
ში. დრო იყო და ასაკიც ისეთი მქონდა. ხომ იცი, თავზე დიდი
წარმოდგენა გაქვს ამ დროს, ქვეყნის გასწორებას ფიქრობ.
ბუმბულს ქარის დაქროლებამდე თავი მიძიმე ეგონაო, ისეა ჩემი
საქმე. მივლიან გარს დირექტორი და მთავარი ინჟინერი. ხან
ამაზე ჩამომიგდეს სიტყვა, ხან იმაზე; შენც არ მომიკვდე. ერთ
ყურში შემდის, მეორეში გამოდის. ვაჩხაკუნებ საანგარიშოს.
შუადღემდე ერთი ცალხაზიანი რვეული გავავსე ჩანანერებით.
საამქროებშიც ჩამოვიარე, მურაბიან ქილებს ვითვლი. ახლა
რომ ვყვები, მეცინება. რა საწყალი სახით მიყურებდნენ მა-
შინ. რა შეუვალი და მკაცრი იერი მქონდა. ხომ ჩამივარდით,
წურბელებო, ხელში-მეთქი, ვფიქრობდი ჩემთვის. დირექტორის

კაბინეტში ვზივარ ლუპამომარჯვებული. იმნაირი ქარსიცხება, რომ სამივენი სულს ქვიშაზე ამოყრილი თევზებივით ვითქვამთ. რაკი თქვენ არ გგკადრულობთ, ჩაის დაველევთ და გეახლებითო, დირექტორმა. თავი მედიდურად დაფუქნიე, ნება დავრთე, ერთი სიტყვით. გულში მაგინებდნენ ალბათ, წაარტყი ამ ლანჩ-რაკს თავშიო, ვინ იცის, ფიქრობდნენ. შიმშილისა და სიცხისაგან თვალთ სინათლე დავკარგე, მაგრამ იხტიბარს არ ვიტყვ. უხეირო მაყარი ლხინსაც მოცდა და ძილსაცო, ისეა ჩემი საქმე. კარი გაიღო და მწვანემანისურიანი ბიჭი შემოვიდა. ხელში გასაღებს ათამაშებს. მძლოლებმა რომ იციან, იხვევს საჩვენებელ თითზე, წაღმა-უკულმა და ილიმება. მე, ბატონო, შოფერი ვარ, არავითარი საქმე არა მაქვს დირექციასთან, თქვენი საცოდაობით დავინვი, რამე რომ დაგემართოთ, ჩვენ მოგვეჭრება თავი, გარეთ ორმოცი გრადუსი სიცხეა, ხუთი წუთით გავიდეთ აგერ და ვიბანაოთ, რიონის ტოტი ჩამოდის, გავგრილდეთ და განაგრძეთ მერე თქვენი საქმეო. წყლის ცდუნებას ვერ გაფუძელი. ყყუმპალაობა ბავშვობიდანვე მიყვარდა. მდივან ქალს გასაღები გამოვართვი. კაბინეტი დავკეციე, უჩემოდ შიგ არვინ შევიდეს-მეთქი, დავუბარე და გავყვი. მართლაც იქვე იყო არხი, წულუკიძის ქუჩის ბოლოში, ზედ ქარხნის ეზოსთან ჩამოდიოდა. ახლაც იქ გადის ალბათ. ჯერ ტროლეიბუსის გაჩერებასთან რომ ჯიხურია, იმას მივადექით, ორ-ორი ბულკით და სიროფიანი წყლით გავისველეთ პირი, მე დავპატიჟე, ღვთის წინაშე თვითონაც არ გაუკრავს ჯიბეზე ხელი. გამხმარი თუთის ძირას მიყვარეთ ტანსაცმელი და წყალში ჩავცვივდით. ერთი ხელის მოსმა არხი. გავცურეთ-გამოვცურეთ. ერთი სიტყვით, და ტანზე შემოწურულ ნიფხავზე ვიცვამთ შარვლებს. ასე უკეთესია, ცოტა ხანს მაინც გრილად იქნები კაცი. მაჯის საათი მქონდა ახალნაყიდი „პობედა“, ვიქექები ჯიბეში, სადაა ჩემი საათი. არადა აშკარად მახსოვს, შევიხსენი და შარვლის უკანა ჯიბეში ჩავიდე. მარტო საათი არ იქნება მოპარული-მეთქი, გამიელვა. ფული მოვიჩხრიკე, მივლინების ფული და კიდევ რაღაცა ორი კაპიკი ჩემი ჰონორარიც გაუყოლებია ხელს ვიღაცას. საფისტონე ჯიბეში ოცდახუთმანეთიანი მედო შავი დღისთვის, ის კი ვერ უპოვია. ხომ არაფერი დაკარგეო, მძლოლმა შემატყო

ალბათ. არაფერი, მე ვუთხარი. არა, რაღაც შეწუხებული სახე გაქვს, მითხარი, თუ კაცი ხარო. არა უშავს, ჩვენი ჭირი წაუღია, საათი და ფული ამაფცქენა ჩვენს ბანაობაში ვიღაცამ-მეთქი. შეწუხდა. გაიქც-გამოიქცა. გაღმა, ბალახზე გაკოტრიალებული ტიტლიკანა ბიჭებს დაეტაკა. თქვენი წაღებულიაო, ბიჭებმა იუკადრისეს ცილისწამება და ქვების ისეთი სეტყვა დაგვაყარეს, ძლივს გამოვასწარიო. რა ხალხია, არც სტუმარი იციან, არც მასპინძელი. ისედაც გამწარებული ხართ, მგონი, ჩვენს ქარხანაზე, გაგულისება გინდოდათ კიდევ თქვენო? მთელი გზა წუხდა ჩემი თანამგზავრი. ვთხოვე, დირექტორს და მოადგილეს არ უთხრა ეს ამბავი, გულით საყვარელს გაფიცებ-მეთქი, მაგრამ გაგიგონია, შოფერს რა დაამაგრებდა ენაზე. ახალდაბრუნებული ვიყავი, თმა ყურებთან ჯერ არ შემშრობოდა, ჩიმაკაძე და კვერნაძე გულგახეთქილები რომ შემოცვივდნენ. თქვენი გაძარცვის ამბავი გავიგეთ და მილიციას უკვე შევატყობინეთ, დღეს თუ არა ხვალ მაინც იპოვიან ქურდს და ყველაფერს უკლებლივ დაგიბრუნებენო. თქვენი ჭირიმე, ქუთაისზე წარმოდგენა არ გაგიფუჭდეთ, ხომ იცით, თითო უბედური ყოველ ოჯახს ჰყავსო. გამიკვირდა, ეს ხალხი კუდით მყავს დაჭერილი, სასწორზეა მათი ბედი და ესენი კი იმაზე სწუხან, როგორმე ქუთაისზე წარმოდგენა არ შემეცვალოს-მეთქი.

მეორე დღეს მილიციის გამომძიებელი სასტუმროში გამომეცხადა; ჯერჯერობით ვერ მივაგენით ქურდის კვალს, ბატონო, მაგრამ გამოძიება გრძელდება და უსათუოდ აღმოვაჩენთო. თუ ღმერთი განწყრა და ვერ ვიპოვეთ, არ დაგვემდუროთ, ხომ იცით, ეშმაკს თვალები არა აქვსო. როგორ გეკადრებათ, მე ვუთხარი, რა სათქმელია, ჩემო კარგო, რა იყო ახლა ასეთი საგანგაშო, ძველთაძველი საათის (ვიცრუე) და რაღაც ორი კაპიკის გულისთვის თავს წუ შეინუხებთ-მეთქი. შუადღემდე თავი არ ამიღია, არაქათი გავაცალე დირექტორს და მთავარ ინჟინერს შეკითხვებითა და ქარხნის არქივში წამდაუნუმ სირბილით. რომ აღმოვაჩინდი რაიმე დარღვევას, თან აქტზე ხელს ვანერინებდი ქარხნის უფროსებს და თან აღმზრდელით საუბარსაც ვუტარებდი – როგორ მოგივიდათ ასეთი შეცდომა, წუთუ არ იცოდით, რომ ერთ მშვენიერ დღეს ყველაფერს

გამოგიჩხრეკდნენ და არ გაპატიებდნენ-მეთქი. თავჩაქინდრულნი მისმენდნენ, რალა ეთქმოდათ. იქნებოდა ასე სამი საათი, კვერნაძემ შემომბედა, – თუ წინააღმდეგი არ იქნებით, ბალახვანში გავიდეთ, ბალდათის გადასახვევთან კარგი საბანაო ადგილი ვიცი, გზაში პამიდორი და შავი პური ვიყიდოთ, თან ცოტა წავიხემსოთ და თან ვიბანაოთ, თქვენ მაინც ბანაობა ძალიან გყვარებიათო. ვიფიქრე, მთლად ინტრიგანი არ ვეგონო ამ ხალხს, ბოლოს და ბოლოს რესტორანში ხომ არ მივყვები, საბანაოდ წასვლაზე უარი როგორ ვუთხრა-მეთქი. ესეც არ იყოს, აქტებზე ხელი უკვე მონერილი აქვთ, აწი რალა უნდა მოხდეს-მეთქი. ერთი სიტყვით, წავედით ბალდათისკენ. კვერნაძემ ბაზარში შეირბინა და, უნდა გენახათ ჩემი გაცება, როცა მართლა შავი პური და ნახევარ კილოგრამამდე პამიდორი გამოარბენინა. ახია ჩემს თავზე, გულში ვამბობ. თხმელნარს მივადექით. მართლაც რომ საუცხოო საბანაო ადგილი იყო. რიონი უხვევდა და კბოდეც გასწვრივ მდორდებოდა. წყალი საკმაოდ ღრმა იყო. ქუთაისური მხარული თუ გინახავთ? მკერდამდე ამონეული მოცურავე წყლიდან და ისე ლაზათიანად უტყაპუნებს წყალს ხელებს, რომ შხეფიც კი არა ჩანს. დაცურავდნენ მზისგან გამურული ბიჭები. თავით ხტებოდნენ ქარაფიდან და ხარხარებდნენ. მანქანას ჩრდილში შევავოფინეთ თავი, ჩიმაკაძემ და კვერნაძემ წყალში ჩასვლაზე უარი განაცხადეს, შეუძლოდ ვართო, ან რა ებანავებოდათ. გავცურე-გამოვცურე. ყელამდე წყალში ვდგავარ და ნაპირს გავსცქერი. მაღლა, მდინარის გასწვრივ მედიდურად დააბიჯებს თავზე ცხვირსახოცგადაკრული მსუქანი მილიციელი, თხმელების ჩრდილში ნაცნობ გამომძიებელსაც მოვკარი თვალი. ჯერ გამიკვირდა, აქ რა უნდათ-მეთქი, მერე მივხვდი და გამეცინა, ალბათ ქურდების ხელყოფისაგან მიცავენ-მეთქი. მერე ასეთმა აზრმა გამიელვა, ახლა ამოვალ ნაპირზე და ჩემი საათი და ფული ფეხსაცმელში დამხვდება. ამით ქუთაისის მილიცია ჟურნალისტურ მადლობასაც დაიმსახურებს და ჩიმაკაძე-კვერნაძის დუეტს ჩემს სტატიაში ჩაფიქრებულზე ოდნავ რბილად მაინც მოვეკიდები-მეთქი. გამოვედი ნაპირზე. ჯერ ხელით ჩამოვიწურე წყალი. მერე ცოტა ხანს ცალ ფეხზე ვიხ-

ტუნავე, ჩქარა რომ გავმშრალიყავ, და იმ ხისკენ წავედი, სადაც ტანსაცმელი მეწყო. ჩემს თანამგზავრებს მანქანის ოთხივე კარი გაეღოთ და მელოდებოდნენ. ბალახს ფეხები ავუსვდავუსვი და ფეხსაცმელს დავუნყე ძებნა. სადაა ჩემი ფეხსაცმელები. – ბალახებში ხელს რომ ვაფათურებდი, კვერნაძე და ჩიმაკაძე წამომადგნენ თავზე. – ხომ მშვიდობააო, – მკითხეს. – ფეხსაცმელი მომპარა ვილაცამ-მეთქი. – შეუძლებელიაო! – ერთხმად იყვირეს და ორმეტრიან კამერისკისერა მილიციელს ხელი დაუქნიეს. მილიციელი ორი ნახტომით ჩვენთან გაჩნდა და საქმეს რომ გაეცნო, საკონსერვო ქარხნის უფროსებს უსაყვედურა: – აქვე ისხედით და ქურდი როგორ გამოგეპარათო. გავშრი კაცი. რას იზამ, თავს ზევით ძალა არაა. მილიციელმა ძალღს მოვიყვანო და გზისკენ გაიქცა. კვერნაძემ გაზეთის ქალაქზე შუაზე გახლეჩილი პამიდორები დააწყო და სხვისი ხმით მითხრა: – ცოტა მაინც დანაყრდით შიმშილით გული არ წაგივიდეთო. ვინ მოკიდა ხელი პამიდორს და შავ პურს. დანა პირს არ მისხნის. ჩიმაკაძემ თავისი ორმოცდაოთხი ნომერი ტუფლი შემომთავაზა, სასტიკი უარი ვტკიცე. ფეხშიშველა ჩავჯექი მანქანაში და სასტუმროში წაყვანა ვთხოვე მასპინძლებს. მთელი გზა სწუხდნენ, ეს რა სირცხვილი ვჭამეთ; ეს რა დაგვემართაო. თქვენი დიდსულოვნების იმედი გვაქვს, ამ მცირე წყენას არ აყვეთ და ჩვენს ქალაქს ცუდი თვალთ არ შეხედოთო. ხან ერთი ამბობდა ამას და ხან მეორე. სიმწრის ოფლი გამდიოდა, მანქანიდან რომ გადმოვედი და ქალაქდებით სავსე ჩანთით ხელში ფეხშიშველი ავუყევი სასტუმრო „ქუთაისის“ მარმარილოს კიბეებს. კიდევ კარგი, თექის ფაჩუნები მქონდა ოთახში სასიარულოდ და მეშველა. იმ ფაჩუნებით ჩამოვედი თბილისში. სადგურზე, ალბათ, გიჟად მიმიჩინეს, რადგანაც ტაქსი ურიგოდ დამითმეს და მძლოლმა კინაღამ ფულიც კი არ გამომართვა.

– მერე? – ცნობისმოყვარეობამ ისე ამიტანა, რომ ხელები დამიბუჟდა, – ამით დამთავრდა ყველაფერი? არაფერი გაცნობათ მილიციამ?

– დამაცადე. მთავარი წინა გვაქვს. ჩამოვედი თბილისში და ვფიქრობ, მართალია დანაშაულს წყალი არ გაუვა და ჩი-

მაკაძე-კვერნაძე უნდა ამოიძირკვოს, მაგრამ ხომ არ იფიქრებენ ჩემი ფელეტონის გმირები, რომ მე, გაქურდვით გაგულსებულ კაცი ვწერ ამას-მეთქი. არსებობს ასეთი გრძნობა, დამერწმუნეთ. მამლაყინა ბიჭი ვარ, ვაჟკაცობაზე ვდებ თავს. მერე რა ვუყოთ, გამქურდეს, ხომ არ იფიქრებს ვინმე, რომ მე, საერთოდ, ქუთაისზე ვარ გამწყრალი-მეთქი. და თქვენ როგორ გგონიათ! არ დავწერე ფელეტონი. რედაქტორს ახსნა-განმარტებითი ბარათი ვაახლე, ანონიმურ წერილში მოტანილი ფაქტები არ დადასტურდა-მეთქი. ერთ თვეს ეჭვის თვალით მიყურებდა სალდაძე. ხედავთ, რა ხდება ქვეყანაზე? რომ არ გავქურდეთ, ის ფელეტონი უსათუოდ დაინერებოდა და ჩიმაკაძე-კვერნაძეს ყურით დაჰკიდებდნენ.

– თქვენ როგორ ფიქრობთ, მართლა „პაცნებმა“ გაგძარცვეს? – ვიყვირე.

– რომ აღარ მაცლით? – გაეცინა, – სამი თვის შემდეგ კვერნაძე მესტუმრა თბილისში, ჩემი ფეხსაცმელი, საათი და ფული დამიბრუნა და მითხრა: დაიხსომე ბიძია, ცუდ რამეზე უფრო ადვილი გასაკეთებელი არაფერია ამ ქვეყანაზე. კარგ საქმეზე გეჭიროს თვალი, კაცობის ნიშანი ეს არისო. შენ ყოჩალი ბიჭი ყოფილხარ, მაგრამ არც ჩვენ ვართ ლაფით გამომცხვარიო.

აწი დაგვიანებულია ფელეტონის გამოქვეყნება და იმიტომ გეახელითო. სხვანაირად ვერ მოგიდევით და შენს ვაჟკაცობაზე ვითამაშეთო. ვიცოდით, შენხელა ბიჭები თავმოყვარეობას ძვირად აფასებთ და ნამუსზე შეგაგდეთ. არ გვინყინო, თექის ფაჩუჩებით რომ ჩამოგიყვანეთ თბილისშიო. სხვა დროსაც შევხვდებით ერთმანეთს და დაგარწმუნებთ, რომ ცუდი ხალხი არ ვართო. ხმა რომ ხმაა, არ გამიღია, მადლობაც არ მითქვამს, ხელი ჩამომართვა და კიბეზე დაეშვა. ახლაც თვალწინ მიდგას ოფლით დაცვარული მისი სახე; მორცხვი ღიმილი და დიდი შინაგანი ლელვის მაცნე თვალეები. ორმოცდაათ წლამდე არც კი იქნებოდა კვერნაძე მაშინ.



ტვირთი

გუძღვნი რევან თაბუკაშვილს

– ეს რა არის?! – ავსტრია-უნგრეთის საბაჟოს მოხელემ, ყელშეხვეულმა, ხმა-ცხვირიანად მჭლე ჩინოვნიკმა შიშით უკან დაიხია, როცა ოთხმა გიგანტმა ზანგმა სასწორზე ხვნეშით შემოდგა უშველებელი სპილენძის კუბო.

– კუბოა. – ღიმილით მიუგო რამაზ თაყაშვილმა და ნათქვამი უფრო დამაჯერებელი რომ გამოსვლოდა, კუბოზე თითები აათამაშა.

საბაჟოს მოხელემ პენსნე დაიმაგრა და არაჩვეულებრივ ტვირთს გარს შემოუარა. დიდხანს და ბუტბუტით კითხულობდა მარჯვენა მხარეს სპილენძზე ამოტვიფრულ იტალიურ წარწერას: „მამუკა უფლისაშვილი – 1545–1597“. თავაზიან მგზავრს პასპორტი ხელში შეატოვა და უკანმოუხედავად გაიქცა.

ფრაკის ბოლოები სასაცილოდ ეყოფოდა შუაზე, ფეხებს განზე დგამდა და შორიდან პინგვინს წააგავდა.

მალე ლაქიამ საბაჟოს დეპარტამენტის ჩუქურთმიანი კარი გააღო და რამაზისკენ ექვსიოდე შავმანტიანი მამაკაცი წამოვიდა.

რომ მოახლოვდნენ, ჯგუფს ერთი გამოეყო, ქუსლები გაატკაცუნა და საფეთქელთან ორი თითის მიტანით სტუმარს მიესალმა.

– მაქვს პატივი მოგესალმოთ, საბაჟოს უფროსი ჰანც კანცვერბერგი.

დანარჩენები უკუდგნენ და თავები დახარეს.

– მიიღეთ ჩვენი გულწრფელი თანაგრძნობა, მოწყალეო ხელმწიფევ, – საბაჟოს უფროსმა ხელი მაგრად ჩამოართვა. რამაზმა მადლობა გადაუხადა და, მიუხედავად იმისა, რომ აქ დადგენილი ცერემონიალის მიხედვით, მისგან ზედმეტი სითა-

მამე იყო – უფროსის ამაღლასაც ჩამოუარა და „გმადლობთ, ჩემო ბატონო, გმადლობთ, შენი ჭირიმეს“ ბუტბუტით ყველას ჩამოართვა ხელი.

– ნება მიბოძეთ, გკითხოთ, კავკასიაში მიბრძანდებით? – საბაჟოს უფროსს რბილი, ხორხისმიერი ხმა ჰქონდა.

– დიას.

– ჩემს ცნობისმოყვარეობას მხოლოდ ერთი მიზეზი აქვს; გზაში ერთ კვირას მაინც იქნებით, მიცვალებული ხომ კარგად არის მოვლილი, უბრალოდ რომ ვთქვათ, ბალზამირებულია თუ არა?

– ვერ გეტყვით, კუბო არ გამიხსნია, – რამაზმა საბაჟოს მოხელეს თვალეში შეხედა.

– ?!

– განსვენებული, სულ მცირე, სამასი წლის მკვდარი მაინც არის.

– გასაგებია, – საბაჟოს მოხელეს სახეზე ძარღვიც არ შეტოკებია, თუმცა ერთი სული ჰქონდა გაეგო, რა იყო ეს სამასი წლის მკვდარი ამ საშუალო ტანის, მკვირცხლთვალეა, პირმრგვალი მამაკაცისათვის, ან რა მოსაზრებით შეენუხებინა ნეშტი ამხელა გზაზე საჯაჯგუროდ.

– თუ თქვენში რაიმე ეჭვს იწვევს ჩემი ტვირთი, შეგიძლიათ გახსნათ სარკოფაგი, – სიჩუმე რამაზ თაყაშვილმა დაარღვია, მაგრამ მაშინვე ინანა, ჰანს კანცვერბერგს აღელვება მხოლოდ ხმის ათრთოლებაში შეეტყო. – თქვენ ხუმრობთ, ბატონო მგზავრო. მართალია, ავსტრია-უნგრეთს მკაცრი სასაზღვრო წესების სახელმწიფოდ თვლიან, მაგრამ ჯერ იქამდე არ მივსულვართ, მიცვალებული გავჩხრიკოთ.

საბაჟოს უფროსმა თეთრი ხელთათმანები გაიკეთა და მოაჯირს მიყრდნობილ ოთხ გოლიათ ზანგს საჩვენებელი თითის მოკეცვით უხმო.

– გთხოვთ, – კანცვერბერგმა რამაზი წინ ჩაიყენა და პროცესია მატარებლისკენ დაიძრა.

რამაზ თაყაშვილი ხელდაკრეფით მიჰყვებოდა კუბოს და ზურგს უკან საბაჟოს თანამშრომლების ფრთხილ, მოზომილ ნაბიჯებს გრძნობდა.

კუბო საფოსტო ვაგონში შეაცურეს, ჭირისუფალი თავის კუბემდე მიაცილეს, ერთხელ კიდევ ჩამოართვეს ხელი რუსეთის იმპერიის მოქალაქეს და მატარებლის დაძვრის მოლოდინში ქვემოთ, ვაგონის ფანჯრებთან დადგნენ.

ეს კი მეტისმეტი იყო. რამაზს უნდოდა ეთქვა; ნაბრძანდით, არაა საჭირო, არ ვარ ღირსი ამდენი პატივისცემისაო, მაგრამ ეშინოდა, სამგზავრო ეტიკეტის ზუსტად დამცველ ავსტრიელთათვის ამითაც არ ეწყენინებინა. მატარებელი რომ დაიძრა, მარჯვენა ხელი გაარხია და მადლობის ნიშნად ერთ-ორი ჰაეროვანი კოცნაც გაუგზავნა საბაჟოს უფროსობას, რაზეც მასპინძელთა გაოცებულ მზერას ნაანყდა და თავისი თავი დატუქსა – ეს ჰაეროვანი კოცნა ნამეტანი მაუბრალოებს და როგორმე უნდა მოვიშალოო.

ცუდად ეძინა.

არც ვაგონის ჭრიალმა დააძინა და არც იმაზე ფიქრმა, რომ მალე თავის ქვეყანაში ჩავიდოდა და არ იცოდა, როგორ შეხედავდნენ მის ნაბიჯს, სწორად გაუგებდნენ თუ არა.

როგორც კი ნარზე პირალმა ამოტრიალდებოდა და გულზე ხელებს დაიკრეფდა, ეჩვენებოდა, რომ მამუკა უფლისაშვილიც ასე იწვა ახლა სპილენძის ჰერმეტულ კუბოში და ისევ მუცელზე წვებოდა, რომ უსიამოვნო შედარებისაგან განთავისუფლებულიყო.

მატარებელმა იმპერიის საზღვარს რომ მიაკივლა, ახალგათენებული იყო.

„მისი იმპერატორობითი უდიდებულესობის მიერ დამტკიცებული საბაჟოს წესების მიხედვით მგზავრებს ეკრძალებათ ვაგონიდან უნებართვოდ ჩამოსვლა!“ – მუხრუჭების ღრჭიალში ძლივს გაარჩია რამაზმა.

ერთსაათიანი მომქანცველი ლოდინის შემდეგ კუბეში ულვაშგანკეპილმა პორუჩიკმა შემოჰყო თავი.

– ბატონი თაყაშვილი?!

– დიას, – რამაზმა ლოყებს ხელები მოაცილა და წამოდგა.

– თქვენი ბარგი სულ ეს არის?! – პორუჩიკმა ტყავის ყვითელ ჩემოდანზე მიუთითა.

– არა, თან კუბო მიმაქვს, – ყურები გაუწითლდა რამაზს.
– ვიცით, ვიცით. გთხოვთ წამობრძანდეთ, – პორუჩიკმა ჩემოდანს ხელი დაავლო, შეტრიალდა და გაიქცა.

ბაქანზე კაციშვილი არ ჭაჭანებდა.

საბაჟოს მალაქერიან ოთახში შესვლისას რამაზმა ჯერ კუბოს და ჩემოდანს დაადგა თვალი, მერე სმენაზე გაჭიმულ ნაცნობ პორუჩიკს შეხედა და, ის იყო, სკამზე დაეშვა, რომ სწრაფი ნაბიჯის ხმა მოესმა და იძულებული გახდა, წამომდგარიყო.

კაბინეტში უკისრო, ვირთხისცხვირპირა ჩინოვნიკი შემოგრი-
აღდა, ზურგზე ხელებშემოწყობილმა შემოურბინა კუბოს და რამაზს წინ დაუდგა ლახტის მოთამაშესავით ფეხებგაშლილი და გადასახტომად შემართული.

– თქვენი ნოდება?!

საბაჟოს მოხელეს ცივი, ყიყინა ხმა ჰქონდა.

– ტახტის აზნაური, – რამაზს გაეცინა. – საგანგებო მინდობილობათა მესამე რანგის მოხელე ამჟამად.

– საქმიანობა?

– კომერსანტი გახლავართ. ევროპაში ფოტოსაქმის ლიტერატურის და ფოტოაპარატების შესაძენად ვიყავი წასული.

– ეროვნება?! – ხელისუფლების წარმომადგენელი სიცხიანივით ისროდა სიტყვებს, გეგონებოდათ, მგზავრის პასუხი არ აინტერესებსო.

– ქართველი. – მიუგო რამაზმა და არწივისღერბიანი პასპორტი კუბოზე დადო, – იმპერიის სრულუფლებიანი მოქალაქე.

– დაგვტოვეთ! – უკისრო მოხელე პორუჩიკს მოუბრუნდა და, როცა ეს უკანასკნელი ფეხების ბაკუნით გავიდა, თვალების ეშმაკური წკურვით მიუახლოვდა კომერსანტს.

– კიდევ კარგი, რომ ჩემი მორიგეობის დროს მოხვდით, თორემ შეიძლებოდა ეს საქმე ცუდად დამთავრებულიყო, – პასპორტი ხელისგულზე გაატყაპუნა, – რისკიანი ხალხი ხართ. ნუთუ ვერ ხვდებით, რომ კუბო ვერაფერი კონსპირაციაა კონტრაბანდის გადმოსატანად?

– მაქვს პატივი მოგახსენოთ, რომ არათუ თქვენს მონამორჩილს, ჩემი გვარის ვერც ერთ წარმომადგენელს ვერ იხილავთ ვაჭრუკანა-კონტრაბანდისტის როლში, – რამაზ თაყაშვილიწელში გაიმართა.

საბაჟოს მოხელეს აშკარად შეეტყო, რომ ეწყინა. არც მგზავრის ამაყი კილო მოეწონა და არც იმის შესაძლებლობა, რომ კუბოში მართლა შეიძლებოდა მიცვალებული ყოფილიყო.

– გაფრთხილებთ, სანამ ამ ოთახში მესამე პირი არ არის, შეგვიძლია ერთმანეთს ვენდოთ, როცა ჩხრეკას დავინწყებთ, თუნდაც უმნიშვნელო საბაჟო ცულლუტობისთვის უმკაცრესად დაისჯებით.

– მესმის.

ჩინოვნიკმა მაგიდასთან მიიღობინა და ზარი ააჟღარუნა.

ჩხრეკა დიდხანს გაგრძელდა.

ჯერ რამაზი დააყენეს ოთახის შუაგულში და სთხოვეს ყველაფერი გაეხადა.

კვართ-საწმერთულის ამარა, ფეხშიშველი იდგა ცივ იატაკზე ტახტის აზნაური და მაგიდის გასწვრივ, კედელზე, ვიტტეს ლამაზ პორტრეტს შესცქეროდა.

რომ იტყვიან, საფისტონე ჯიბიანად გაჩხრიკეს, ლანჩასაც კი უტყაპუნეს ჩაქურჩი.

მერე ჩემოდანი გადმოაპირქვავეს და საეჭვო იქაც რომ ვერაფერი იპოვეს, გულდანყვეტილმა პორუჩიკმა ხელები გაიფერთხა და უბრძანა, ჩაეცვა და ჩემოდანიც ჩაელაგებინა.

ჯერი კუბოზე მიდგა.

ფანჯარას მიმდგარ რამაზს დიდხანს ესმოდა სპილენძის ზარის რეკვა. კუბოს მოხვედრილი ჩაქურჩის ექო დიდხანს წრიალებდა ოთახში და, საჰაერო სარკმლიდან გამძვრალი, შორს, ჰორიზონტთან, თეთრი ეკლესიის გუმბათზე იშლებოდა.

ერთადერთხელ მოიხედა და ასეთ სურათს წაანყდა: საბაჟოს ვირთხისთავა უფროსი ტაბურეტზე შემდგარიყო და თავახდელ კუბოში ლუპით იხედებოდა.

რამაზი შეზარა ამ სანახაობამ. მიცვალებულის წინაშე თავი დამნაშავედ იგრძნო, ცივ მინას შუბლით მიეყრდნო და სანამ არ უხმეს, არ შემობრუნებულა.

– ვინ არის განსვენებული?! – საბაჟოს მოხელე ბატის ფრთას ჩუქურთმიან სამელნეში წამდაუნუმ ასველებდა და რალაცას წერდა.

– მეთექვსმეტე საუკუნის ქართველი მოღვაწეა, მამუკა უფლისაშვილი, – მშვიდად მიუგო რამაზმა.

– სად იყო დამარხული?

– ვენეციაში.

– რატომ?

რამაზმა შეკითხვა ვერ გაიგო.

– როგორ მოხვდა-მეთქი ვენეციაში?

– ვერ გეტყვით. მე პირადად მისი ბიოგრაფიიდან ცოტა რამ ვიცი. საეკლესიო გამოკვლევებს და საგალობლებს წერდა. სიმართლე გითხრათ, არც ვიცოდი, თუ იტალიაში იყო დამარხული. ერთ მისიონერს შემთხვევით წამოცდა, აქ, სხვათა შორის, ბოკაჩიოს მეოთხე წყალ-ქუჩაზე ქართველი კაცის საფლავიაო. დავინტერესდი, ხუთი დღე ველოდე ზღვის უკუქცევას. წყალმა რომ დაიკლო, ჯვარი გამოჩნდა. ჯვარზე, ქვემოთ ფირფიტა იყო გაკრული და „მამუკა უფლისაშვილი“ ეწერა. მამუკა უფლისაშვილის სახელი ყველა ჩემმა თანამემამულემ იცის. რაკი სამშობლოში მისი გადასვენების განზრახვა ჩავიდე გულში, არ მოვეშვი. ჩემი საქმეები განზე გადავდე და შევები. ნებართვის მისაღებად რომის პაპთან მისვლაც დამჭირდა, ბოლოს, როგორც ხედავთ, ყველაფერი კარგად დამთავრდა.

– რა ნათესაური კავშირი გაქვთ მიცვალებულთან?! – ეტყობოდა, რამაზის მიერ მოთხრობილმა ამბავმა საბაჟოს მოხელე სრულიადაც არ დააინტერესა.

– მე... – რამაზმა ხელისგული მოისრისა, – არაფერი.

– მაშ, რა მიზნით მოასვენებთ ცხედარს?

– უბრალოდ, ქართველი კაცია და...

– როგორ! – იმპერიის საზღვრის დამცველი ფეხზე წამოდგა. – დადინხართ ასე ევროპაში ქართველები და თუ სადმე ქართველის საფლავს ნახავთ, ამოთხრით და სამშობლოში მირაბენინებთ? კარგი გართობაა, ჩემმა მზემ!

– ეს უბრალო ქართველი არ გახლავთ, – რამაზს სიბრა-

ზისაგან პირი გაუშრა, – დიდი ქართველი მამულიშვილი და მეცნიერია.

– მით უმეტეს! შენ გგონია, დიდი პატივი ეცი, მიწიდან რომ ამოთხარე?! – ვირთხისთვალეზამ გაცინება სცადა და წინ გამოშვერილი სამი კბილი შემზარავად გამოაჩინა. – ვენეციაში დამარხვა ხუმრობა საქმე ხომ არ გგონიათ? ვინ მოგცათ ნება, მიცვალებულის წინაშე ასეთი მკრეხელობა ჩაიდინოთ? საქართველოში დამარხვა რომ სდომებოდა, თვითონ იზრუნებდა ამაზე სიცოცხლეში. არ მიატოვებდა თქვენს ქვეყანას და ვენეციაში არ ამოჰყოფდა თავს. დამიხედეთ ამას! ახალი პროფესიის კაცი – მკვდრების შემგროვებელი!

რამაზ თაყაშვილი მიხვდა, რომ საბაჟოს მოხელე შარზე იყო და გაჩუმება არჩია. სწორედ ამ სიჩუმემ გაჭრა. ვირთხის ნათესავმა წერა დაამთავრა, ვერცხლის ბუდეში ჩაგდებული კვერისხელა ბეჭედი დააძრო, ქალაქს სამ ადგილას გაუტკაცუნა და ოთახიდან გასვლისას ქართველ კომერსანტს ყბის კანკალით აუწყა:

– არა, არა! თქვენ თქვენსას არ მოიშლით. თქვენ თქვენსას არ მოიშლით. ჩემი საქმე რომ იყოს, ჩემი საქმე რომ იყოს!.. – შეჩერდა, ხელი ჩაიქნია და სწრაფი ნაბიჯით გაყუნცულდა ოთახიდან.

1902 წლის 16 თებერვალი იდგა.

* * *

საუწყებო საქმეთა ვიცე-გუბერნატორს რაუმ ფონ ტრაუბენბერგს დილიდანვე მოეშხამა გუნება. როცა თანაშემწემ მოახსენა, კვლავ რამაზ თაყაშვილი გეახლათ და აუდიენციას დაბეჯითებით მოითხოვსო, ხელები გაასავსავა და ჩინოვნიკს მუდარით სავსე თვალეზი შეანათა.

– უთხარით, რომ არა ვარ.

თანაშემწეს გაეცინა.

– იცის, თქვენო მაღალკეთილშობილებავ, ეტლიდან გადმოსვლისას დაგინახათ. დღესაც აქ დააღამებს. იქნებ აჯობებს, მიიღოთ და მოიშოროთ.

„მიიღოთ, მამა გიცხონდება, შენთვის ადვილი სათქმელია!“
იცის, როგორ არ იცის ვიცე-გუბერნატორმა, რა საქმეზეა მოსული თაყაშვილი. მთელი ქალაქი მამუკა უფლისაშვილის ჩამოსვენებაზე ლაპარაკობს. სამი დღეა ემალება ქალაქის თავის ამხანაგი ამ უცნაურ მთხოვნელს. ასეთი მძიმე დღე ჯერ არ დადგომია. ხუთი წელია თბილისში მუშაობს და ასეთ შემთხვევას ჯერ არ ნანწყომია. ყველაფერი დაუზუსტეს – ეროვნული მოღვაწე ყოფილა, მნიგნობარი და პატრიოტი, მერე? რა შუაშია რაუმ ფონ ტრაუბენბერგი? რაღა მან უნდა გადანყვიტოს ეს საჩოთირო საქმე? მინერს მერე ვილაც იმპერატორის კანცელარიას ამ ამბავს და კარგად მეყოლე! სამასი წლის მკვდარს უნდა გადააყოლო შენი კარიერა, ტრაუბენბერგო? არა და სანამ უნდა გადაუდოს აუდიენცია? ბოლოს და ბოლოს ხომ უნდა მიიღოს?

– სთხოვეთ. – ვიცე-გუბერნატორმა თანაშემწეს მწყრალად შეხედა. შენგან მჭირს, რაც მჭირსო, თითქოს უნდოდა ეთქვა.

კარი რომ გაიღო, ტრაუბენბერგი წამოდგა და კომერსანტისკენ ხელგაშლილი წავიდა.

– ოო, მობრძანდით, ბატონო თაყაშვილო. თქვენ ახლა ყველაზე სასურველი სტუმარი ბრძანდებით. მაპატიეთ, რომ გალოდინეთ. თანაშემწემ დროულად არ მომახსენა. დაბრძანდით, მგზავრობამ ხომ არ დაგლალათ?

მამა არ შეხვდება ასე დიდი ხნის უნახავ შვილს.

გაბადრული თაყაშვილი უხერხულობის გასაფანტავად ხელებს მუხლებზე ისვამდა, გაეგონა, ვიცე-გუბერნატორი თვალთმაქციანო, მაგრამ თუ ამხელა მელა იყო, არ ეგონა.

– ვერ წარმოიდგენთ, როგორ გაგვახარეთ. თქვენ ნამდვილი გმირი ხართ. ჩვენი დღეების გმირი. სამასი წლის შემდეგ მამუკა უფლისაშვილს თავისი სამშობლოს მიწა მიიბარებს. ეს ხომ ზღაპრის ახდომას ჰგავს. ეს ხომ ჩვენი დიდი ხნის ოცნება იყო. გაგიჭირდათ საფლავის მიღება?

რამაზმა გაიფიქრა, ამან თუ ასე ილაპარაკა, ისე გამიტყუებს კარისკენ, რომ სიტყვას არ ჩამაგდებინებსო და საქმეზე გადავიდა.

– ჩემი განვალება რა ანგარიშში ჩასაგდება, თქვენო მაღალკეთილშობილება, ჩემს ადგილზე ყველა ასე მოიქცეოდა. ახლა თქვენი შენეებით, ამ ძვირფას ნეშტს სათანადო პატივისცემა და დაკრძალვა უნდა.

ვიცე-გუბერნატორს არ ესიამოვნა, რომ ასე ჩქარა ალავერდს მისკენ გადავიდნენ.

– რასაკვირველია, რასაკვირველია... კერძოდ რა გაქვთ მხედველობაში?

– ორი მთავარი საკითხი: თქვენო მაღალკეთილშობილება: საიდან გამოვასვენოთ და სად დაიკრძალოს.

– მე რა შუაში ვარ? – ეს უკვე აღარ იყო ტრაუბენბერგისეული ეშმაკობით ნათქვამი. ვიცე-გუბერნატორმა წყენა ვერ დამალა და წამოდგა, თუმცა იქვე სცადა ავყიად წამოსროლილი სიტყვის გამოსწორება – მე, რაც შემძლია. ერთი სიტყვით, თქვენი ხმალი და ჩემი კისერი...

რამაზ თაყაშვილი მიხვდა, რომ გაიძვერა მოხელე ფონს ეძებდა და გზა გადაუჭრა:

– მოგეხსენებათ, დაკრძალვისა და ქორწინების საკითხები უშუალოდ თქვენს კომპეტენციაში შედის.

– საერთოდ კი... რასაკვირველია... მაგრამ ეს კერძო შემთხვევა გახლავთ... ეს უბრალო დაკრძალვა არ არის... სიმართლე გითხრათ, ჩემთვის ეს სრულიად მოულოდნელი იყო...

– ??

– როცა ასეთი საქმე გადანყვიტეთ, უნდა შეგეთანხმებინათ, რომ იტყვიან, საქმის კურსში უნდა ყოფილიყო ქალაქის დეპარტამენტი. თქვენ ფაქტის წინაშე დაგვაყენეთ. ეს მთლად კარგი ვერ არის, – ვიცე-გუბერნატორი წყენას ვერ მალავდა.

– მართალი ბრძანდებით, თქვენო მაღალკეთილშობილება, მაგრამ მე ხომ წინასწარ არ ვიცოდი. იქვე იტალიაში შემთხვევით გავიგე. მოგეხსენებათ, შეთანხმების და მოთათბირების დრო არ იყო. ახლა, ავად თუ კარგად, საქმის ნახევარი გაკეთებულია. უკანდასახევი გზა არა გვაქვს. – მიცვალებული მიწას უნდა მივაბაროთ.

– საქმეც ისაა, მონყალეო ხელმწიფე, რომ უკანდასახევი

აღარ გვაქვს. ამას სხვანაირი განსჯა-დაფიქრება უნდა. დაკრძალვამ საშიში ფორმები რომ მიიღოს?! ხალხს ისედაც ბუნტისკენ უჭირავს თვალი. წუმწუმის ალიც საკმარისია და დემონსტრაციად გადაიქცევა თქვენი უფლისაშვილის დაკრძალვა, მერე თქვენ განზე დადგებით, პასუხს კი მე მაგებიანებენ.

ორივენი სდუმდნენ.

– დაყოვნება იქნებ უარესი იყოს ამ საქმისათვის, თქვენო მაღალკეთილშობილება. გარწმუნებთ, დაკრძალვას საშიში მიმართულება არ მიეცემა. ქალაქი დაიტირებს თავის წმინაპარს. იქნებ უკეთესიც იყოს. სამასი წლის ცხედართან გამართული პანაშვიდი საეჭვო პირებსაც კი სამიოდე დღით დაავინყებს ეკონომიური და პოლიტიკური ბრძოლის საქმეს.

– თქვენ მხედველობიდან ერთი რამ გრჩებათ. სამაგიეროდ ეროვნულ გრძობებს გააღვივებს. ნაციონალური დროშების ფრიალს მოჰყვებიან. არ გახსოვთ, რა ამაზრზენი ამბები მოჰყვა დავით ერისთავის ბალაგანს? მაშინაც ასე უმტკიცებდნენ, თურმე, გუბერნატორს, ეთნოგრაფიული სპექტაკლია, უმტკივნეულოდ ჩაივლისო.

რამაზი დარწმუნდა, რომ გამოქექილ ვიცე-გუბერნატორს გზა-კვალი ვერ აუბნია და უკანასკნელ ხერხს მიმართა.

– დაყოვნება შეიძლება დამლუპველი აღმოჩნდეს-მეთქი, თქვენო მაღალკეთილშობილება. მთელმა ქალაქმა იცის, რომ კუბო ჩემს სახლშია. მესამე დღეა, ყოველ საღამოს ჩემს ჭიშკართან უცნობებს ვხედავ. რაც დრო გადის, ემატება ხალხი. ჩემს სახლთან დემონსტრაციას გამართვას, სჯობს, დაკრძალვას სახელმწიფოებრივი ხასიათი მივცეთ. რომელიმე დაწესებულების შენობიდან გამოვასვენოთ. პოლიციასაც მეტი საშუალება ექნება წესრიგის დაცვის.

– თქვენ მაინც რომელ უწყებებზე ფიქრობთ? – ყრუდ იკითხა ვიცე-გუბერნატორმა.

– ყაფლან სარაჯოვის პანსიონატიდან, ან კეთილშობილთა საქველმოქმედო საკრებულოს შენობიდან გამოვასვენოთ, პოლიტიკისგან თავისუფალი უწყებებია.

ვიცე-პრეზიდენტი ფეხზე წამოდგა.

– ბატონო თაყაშვილო, უფლებას გაძლევთ, თქვენი შეხედულებებისამებრ იმოქმედოთ. ჩვენი საუბარი არ შემდგარა. თქვენ ჩემთან არ ყოფილხართ და არც არავითარი თანხმობა მომიცია. ასე აჯობებს. მე ამ საქმიდან განზე გავდგები. თქვენ თვითონ მოელაპარაკეთ ყაფლან სარაჯოვს.

– მაგრამ ის უთქვენოდ, რასაკვირველია, არ გადაწყვეტს. ვერ გაბედავს.

– ეს უკვე სხვა საქმეა. როცა თვით რექტორი დააყენებს საკითხს ჩემ წინაშე, შევეცდები, ხელი არ შევუშალო. ოღონდ ცერემონიალი არ უნდა გაშორდეს საეკლესიო მოღვაწის დაკრძალვის ფარგლებს. საშიში რეციდივების შემთხვევაში პირად პასუხისმგებლობას თქვენ გაკისრებთ.

– ვემსახურებით იმპერიას! გმადლობთ, თქვენო მაღალკეთილშობილება. – რამაზ თაყაშვილი წამოდგა.

„ობერფლიდი ვინმე ხარ, მაგრამ არ გადგია კარგი დღე. სადაც შენი დაიკვებხნო, იქ ჩემიც არ დაგავინყდეს. სამი დღე სისხლი გამიშრე, მაგრამ მაინც მოგიმწყვდიე კუთხეში. შენგან სწორედ ეს ნებართვა მინდოდა. ან იმე ვიცი“, ფიქრობდა კომერსანტი და ქალაქის დეპარტამენტის ნოხიან კიბეზე მისი ასაკისათვის საკმაოდ მჩატედ ჩამორბოდა.

ყაფლან სარაჯოვი, ტანდაბალი, ცისფერთვალეა, უდროოდ გამელოტებული, ახალგაზრდა მსუქანი კაცი რამაზ თაყაშვილს დერეფანში შეხვდა. ცალ ხელში განიერი შავი ჩანთა ეჭირა, ხოლო მეორეში – წიგნების შეკვრა. დაინახა თუ არა რამაზი, ტვირთიანი ხელები მაღლა ასწია, მომიცაღე ერთ წუთსო, სთხოვა, ფანჯრის რაფასთან მიიბრინა, ბარგი ზედ დაანყო და კომერსანტისაკენ გამოფრინდა. ისე დიდხანს იკრავდა გულში ყაფლანი სტუმარს, რომ დერეფანში მათ ირგვლივ ცნობის-მოყვარეთა წრე შეიკრა.

– შენთან ვარ სტუმრად! – ძლივს მოახერხა რამაზმა და ყურში ჩასძახა გულაჩუყებულ მასპინძელს.

– აბა ვისთან იქნები. მაგას ლაპარაკი უნდა? – ვილაცხას ფანჯრის რაფაზე მიუთითა, წელზე ხელი მოხვია და კაბინეტიდან წაიყვანა.

– ეს რა გააკეთე, რომ იცოდე. რა ბიჭი ხარ, რომ იცოდე. სადაც კი მოვხვდი ამ ბოლო დროს ოჯახებში, ყველგან შენს სადღეგრძელოს სვამენ. მეხარება, ძმაო, შენი, – ყაფლანი სავარძელში ტანაჯორით ტრიალებდა.

– შენი პანსიონატიდან უნდა გამოვასვენოთ, – რამაზმა სინარულისგან ატროკებულ ყაფლანს ქამანდივით ესროლა.

სარაჯოვი გაქვავდა.

– ჩემი თავი გენაცვალოს, მაგრამ რატომ მაინცდამაინც აქედან? – ეს უკვე დამფრთხალი, გატეხილი კაცის ხმა იყო.

– სახელიანი დანესებულებაა, ეროვნული.

– მაგ საკითხზე ცოტა დაფიქრდეთ, რამაზ ჩემო, – პანსიონატის გამგე შორიდან უვლიდა და რამაზი უკვე მიხვდა, რომ ამ კაცს უარის თქმა მტკიცედ ჰქონდა გადაწყვეტილი, – არ ავჩქარდეთ და საქმე არ გავაფუჭოთ. იმ უწყებასთან, საიდანაც გამოვასვენებთ, რაღაც კავშირი ხომ უნდა ჰქონდეს.

რამაზი დარწმუნდა, რომ საუბარის გაგრძელებას აზრი აღარ ჰქონდა და, ცოტა არ იყოს, გაბრაზდა.

– როგორ? პანსიონატთან მამუკა უფლისაშვილს კავშირი არა აქვსო, შენ ამბობ, ყაფლანი ამბობ ამას?

– ახლა ასე თუ ვიმსჯელებთ, ვისაც ერთი სტატია დაუნერია, რაღაც კავშირი ყველასა აქვს ჩვენთან, მაგრამ ხომ ფაქტია, რომ ჩვენი თანამშრომელი არ ყოფილა და არც ამ პანსიონატში მიუღია განათლება.

– რას გეტყვი, იცი? – რამაზი წამოდგა და შარვლის ჯიბეში ხელები ჩაიწყო, – არ შეიძლება, ძმაო, ასე. ასე აწყობილად და თავაუტკივრად ნუ ცხოვრობთ. სირცხვილია. მაშინ გადადექი ამ პოსტიდან, თუ ერთი ბენო გაბედულებაც არ გაგაჩნია და დაჯექი სახლში. შენი ჩრდილისაც გეშინია და კაცმა რომ გკითხოს, თავს დადებ შენი ქვეყნისთვის. ეს შენი პროფესიონალობა და მსოფლიო სახელი იმიტომ უხარია ქვეყანას, რომ რაღაცაში შეენევი, რაღაცაში გამოადგები. ილიას თქმისა არ იყოს, ერთ-ორ გულმოსაფხან სიტყვას მაინც ეტყვი, შე კაცო.

ყაფლანი დატუქსვას დიდი ხნის გადაჩვეული იყო და აიმრიზა.

– შენ შენსას მიერეკები და ახლა ჩემიც მოისმინე. რომ იცოდე, არც ეგრეა საქმე, შენ რომ ფიქრობ. შენ რა იცი, რას ვაკეთებ მე და რა ცეცხლში მაქვს თავი შეყოფილი ყოველდღე. შენ რა იცი, რა კბილებით მიჭირავს ჩვენი ენა ამ პანსიონატში... გააკეთებთ პატარა რაღაცას და მაშინვე გმირის ნათელს დაიდგამთ თავზე. რა ნახე ასეთი, შე კაი კაცო, ჭკუას რომ მარიგებ, შენი ნაფიცი მონაფე ხომ არ გგონივარ? როგორ შეიძლება მამუკა უფლისაშვილის ამ კედლებიდან გამოსვენება. ათასი ბუნტოვშიკი მყავს. იტყვის რომელიღაც თავგახურებული ახალგაზრდა რამეს და სულ დაგვიხურავენ ამ პანსიონატს. შენ გაეცი მერე ქართველ ერს პასუხი.

ისეთი ექსტაზით, ისე პათეტიკურად ლაპარაკობდა სარაჯოვი, უცხო კაციც ადვილად დაასკვნიდა, რომ ქართველი ერი ამ გამოჩენილ მოღვაწეს ფეხებზე ეკიდა. კარგად ბრძანდებოდეთო, – სხვათა შორის დაუგდო და პანსიონატის გამგეს თავისი გრძელი მონოლოგი პირში შეატოვა.

მეორე დღეს რამაზ თაყაშვილს აუდიენცია ჰქონდა კეთილშობილთა საქველმოქმედო საკრებულოს მარშალთან. თავადი ნოშრევან ამილახვარი, ოთხმოცს გადაშორებული ყრუ მოხუცი სავარძელზე გადანოლილიყო, გენერლის ბრჭყვიალა ქამარი ისე ღონივრად შემოეკრა, რომ სულს ძლივს ითქვამდა, ყბებს მიჭერილ მაღალ საყელოში წამდაუნუნებულ თითს იყოფდა, რომ ჰაერი გადაეყლაპა.

ცუდ დღეში იყო გენერალი ნოშრევან ამილახვარი. იგი ტიროდა.

– პირველად რომ მითხრეს, ყურებს არ დაუფხერე. არ იქნება-მეთქი მართალი. ბატონო კომერსანტო, ამ სიბერეში ცოტა ურწმუნო გავხდი, მაპატიეთ, მე აღარც კი მეგონა, თუ ასეთი მამულიშვილები კიდევ არსებობდნენ. დღეს ყველას თავისი თავი უჭირს, რომელი ჭკუათამყოფელი წამოიღებდა-მეთქი კუბოს იტალიიდან, მაპატიეთ, ბატონო კომერსანტო (ამილახვარს რამაზის სახელი უკვე მესამედ დაავიწყდა), მე დღეს ბედნიერი კაცი ვარ. ნუთუ ეს მართალია, ნუთუ ჯერ ყველაფერი არ დამთავრებულა. სასწაული ერი ვართ ჩვენ. აი, ნახავთ ის-

ტრიის ამ მოსახვევსაც გავივლით და გაღმა გავცურავთ. ნუთუ მამუკა უფლისაშვილს თავისი სამშობლოს მინა მიიბარებს?! ეს... ეს... ეს ხომ ჩემი საშვილიშვილო ოცნება იყო!

ამილახვარს სიტყვები აღარ ეყო, თვალეებზე ჭრელი აბრე-შუმის ცხვირსახოცი მიიფარა და ისევ აქვითინდა.

– თქვენო უმაღლესობავ, თქვენი შენევნა სჭირდება ამ საქმის დაგვირგვინებას! – ჩასძახა რამაზმა მხრებაკანკალებულ თავადს.

– რა სჭირდება?! – მოხუცმა ყურს ხელი მიაფარა.

– დახმარება!

– არ დაიჯერებთ. – ამილახვარმა ჯერ გულისჯიბებზე დაირტყა ხელი და მერე მუხლებზე, – კაპიკის მოხერხებას არა ვართ, ჩვენი სალარო ასე ცარიელი არასოდეს ყოფილა.

– ფული არ გვინდა.

– რა არ გნებავთ? – მარშალმა ისევ მიიფარა ყურზე ხელი.

– ფული, თქვენი დასტური გვინდა.

– რაზე?

– ამ შენობიდან უნდა გამოვასვენოთ.

– რა უნდა ჰქნათ?! –

– აქედან უნდა გამოვასვენოთ. სამოქალაქო პანაშვიდი აქ უნდა გაიმართოს!

– ვისი?! –

რამაზ თაყაშვილს ნერვები დაანყდა.

– მამუკა უფლისაშვილის!

– ააა... ოოოო. – როგორც იქნა, გაიგო საქველმოქმედო საკრებულოს მარშალმა, მაგრამ ვაი ამ გაგებას! – არ გამოვა ეგ საქმე. თქვენ ახალგაზრდა კაცი ბრძანდებით. თქვენ არ იცით, ამას რა მოჰყვება. ძლივს ნყალობის თვალით გამოიხედა იმპერატორმა ჩვენკენ. ახლა, გაზაფხულზე ალექსანდრ მისხილოვიჩს ველით ბორჯომში. მაგ საქმეს ვერ ვიზამ. ხლაფორთში თავს ვერ ჩავიგდებ. თქვენ არ იცით, ბატონო კომერსანტო, თქვენ ოცდათორმეტი წელს დაბადებულს არ იყავით. ნუ გვინყენთ, ჩვენ სხვანაირი ცხოვრება გვქონდა. თქვენც რომ გეხებათ მეტეხის ყაზარმები, სხვანაირად ილაპარაკებდით. მე

თვითონ ათი წლის ბიჭი ვიყავი, მაგრამ ჩემი უფროსი ძმა ქაიხოსრო ელიზბაროვიჩი ამილახვარი შეინირეს. მისი საფლავიც კი დაგვეკარგა.

მარშალმა ისევ აიფარა ცხვირსახოცი და ტირილით გული რომ იჯერა, კომერსანტი მის კაბინეტში აღარ იყო.

„შენ მაინც რამ დაგაბეჩავა. შენ მაინც რისა გეშინია. შენ მაინც რამ დაგიბნელა ასე გონება. ცალი ფეხი სამარეში გიდგას. ერთხელ მაინც მოიქეცი ვაჟკაცურად, ერთხელ მაინც გაიმართე წელში, შე უბედურო. რაღა ჩინტიმლაკებს ელი კიდევ, ხვალ და ზეგ ოთხი კაცის ნასაღები ხარ. ამ შენს ორ უკანასკნელ პარასკევში მაინც იყავი კაცი“. – ფიქრობდა გულამომჯდარი რამაზ თაყაშვილი და გალავინსკზე გამშრალი მიაბიჯებდა.

ამასობაში ერთი თვე გავიდა.

რამაზი ყოველდღე გადიოდა სახლიდან და სალამოთი პირდალრეჯილი ბრუნდებოდა.

მთელმა ქალაქმა იცოდა, რომ ფოტოსაქმის კომერსანტს ერთი თვეა შინ ედგა კუბო მამუკა უფლისაშვილის ნეშტით და დამარხვის ნებართვისთავის ვერ მიეღწია.

ამის თაობაზე გაზეთებში ცნობაც დაიბეჭდა. მამუკა უფლისაშვილის დამარხვის ხელშემწყობი საზოგადოებაც შეიქმნა, მაგრამ საქმეს დასასრული არ უჩანდა. ადიოდა და ჩამოდიოდა რამაზი ქალაქის სხვადასხვა დეპარტამენტის კიბეებზე. მას ყველგან სიხარულით ხვდებოდნენ, გულში იკრავდნენ, გმირად აცხადებდნენ, მაგრამ როგორც კი თაყაშვილი დაკრძალვაზე ჩამოაგდებდა სიტყვას, ყველანი თოფნაკრავით გაურბოდნენ. არავინ აღმოჩნდა, რომ კატისთვის ეჟვანი შეება.

და ბოლოს სასონარკვეთილი კომერსანტი სახელმწიფო სათათბიროს თავმჯდომარის პირველი მოადგილის და მეფისნაცვლის რწმუნებულის კარს მიაღდა.

არ ეგონა, თუ რწმუნებულთან მოხვედრა ასე ადვილი იყო. თითქოს მის მოსვლას ელოდნენო, თანაშემწეს გვარი უთხრა თუ არა, მოხელემ თავაზიანად მიაცილა მაღალ, ტყავგადაკრულ კარებამდე და გაოცებულ რამაზს ღიმილით აუნყა.

– შებრძანდით, რწმუნებული გელოდებათ.

თაყაშვილს გაეხარდა კიდეც, რომ რწმუნებულს მის დანახვაზე ხელები არ გაუშლია და გულში არ ჩაუკრავს, საქმიანი კაცი ჩანს, ამას მაინც გავაგებინებ ჩემს გასაჭირსო, გაუელვა რამაზს და შემოთავაზებულ სკამზე არ დამჯდარა. პირდაპირ დაინყო:

– არ მინდოდა თქვენი შენუხება, მაგრამ სხვა გამოსავალი არ არის. დამნაშავესავით დავდივარ და ქვეყანაზე თავი ვერ გამომიყვია. იყო დამარხული კაცი მშვენივრად, იტალიის მიწაში. არავინ ანუხებდა, არავინ ურღვევდა საუკუნო ძილს. მე მეგონა, კარგს ვაკეთებდი. მოვისისხლფასე ორიოდ კაპიკი და მამუკა უფლისაშვილის ნეშტი თბილისში ჩამოვასვენე. ერთი თვეა შინ მიდევს კუბო. ერთი თვეა ღამეები არ მძინავს, დილის ხუთ საათზე წამით ჩათვლემილს დამადგება მიცვალებული თავზე და ხელებგამონვდილი მემუდარება: რა გინდოდა, რას მერჩოდ, ან შენი თავი რატომ ჩაიყენე ასეთ დღეში, ან მე რაღაზე ამომადგე მინიდანაო. თქვენს იქით გზა არა მაქვს. ილაჯი გამიწყდა, მოთმინება დავკარგე.

მხარზე ხელის დადება იგრძნო და გაჩუმდა. ვერც კი შეამჩნია, როდის წამოდგა რწმუნებული და როდის მოვიდა მასთან.

– შეგიძლიათ არ გააგრძელოთ – სათათბიროს თავმჯდომარის პირველ მოადგილეს გაბზარული, ნერვიული ხმა ჰქონდა, – ეს ყველაფერი უკვე ვიცი, ერთი თვეა ველი თქვენს მოსვლას. რატომღაც გვიან გაგახსენდით. გელაპარაკებით როგორც სახელმწიფო მოხელე და არც ჩემი ქვეყნისადმი სიყვარულის დამტკიცებით ვაპირებ თქვენი გულის აჩუყებას. იფიქრეთ, როგორც გსურდეთ, მაგრამ მეც მოსვენება დავკარგე ამ ერთი თვის განმავლობაში. არ გიხმეთ მხოლოდ იმიტომ, რომ მინდოდა თქვენ თვითონ გაგხსენებოდით და მოგეძებნეთ. ჩემი გაუხსენებლობა ძნელია, რადგანაც გაზეთები ყოველდღე მიხსენიებენ, – რწმუნებულს გაეცინა. – ხან კარგად და ხან აუგად. არც მოძებნაა ძნელი. უფლება მომეცით ვიფიქრო, რომ აქამდე თქვენი მოუსვლელობა მხოლოდ და მხოლოდ ჩემდამი თქვენი უნდობლობით იყო გამოწვეული. გასაგებია, თქვენ ფიქრობთ, მე საკმაოდ დიდი თანამდებობა მიჭირავს

იმპერატორის კარზე იმისათვის, რომ მამუკა უფლისაშვილის დაკრძალვაზე ვიფიქრო, ასე გადაწყვიტეთ თქვენ ყველამ. არ არის ასე, მონყალეო ხელმწიფე. ჩემი საიმპერიო სამსახური ხელს როდი უშლის საქართველოს მომავალზე ჩემს ფიქრს. შეიძლება სხვადასხვა იყოს ჩვენი ქვეყნისათვის ჩვენი სამსახურის მასშტაბები და მის მომავალსაც სხვადასხვანაირად ვჭვრეტდეთ, მაგრამ დამერწმუნეთ, მე ჩემი ქვეყნის სიცოცხლისა და ბედნიერების სურვილით ვდგები ყოველ ცისმარე. ვიცი, თქვენთვის ახლა ძნელია ამისი დაჯერება. ჩემი სიტყვები, ცოტა არ იყოს, მევე მეჩვენება პათეტიკურად. ერთი შენიშვნა მაინც უნდა მოგცეთ: თქვენ თვითონ გამოიგონებთ იქ, ქვემოთ „პრობლემებს“ და თვითონვე ხართ გულმოსულნი. რა გინდოდათ მავანისა და მავანის კარს რომ აწვებოდით? განა არ იცით, არც ერთ მათგანს უჩემოდ ამ საქმის გადაწყვეტა არ შეეძლო? ჰოდა, ჩემგან დაგეწყით, ჩემო ძვირფასო, ვინ გაავრცელა ჭორი, თითქოს სახელმწიფოს სათათბიროს თავმჯდომარის მოადგილეს ასეთი საქმეებისათვის არ ეცალოს? განა ამგვარი წინადადებით მოსული რომელიმე თქვენგანისთვის აუდიენციაზე უარი მითქვამს?

კომერსანტი და მეფისნაცვლის რწმუნებული იმ ღამეს გვიანობამდე საუბრობდნენ.

* * *

არც ამ საუბარს მოჰყოლია შედეგი.

ბოლოს დრომ გაიტანა თავისი.

დაუმარხავი მკვდრის ჭირისუფალი ერი ყალყზე შედგა.

კარს მომდგარი სახალხო ამბოხებით შეშინებული მთავრობა იძულებული გახდა დაკრძალვის ნება დაერთო პოლიციის გაძლიერებული მეთვალყურეობის ქვეშ.

...მამუკა უფლისაშვილის დაკრძალვას ზღვა ხალხი დაესწრო.

წილი

კაცმა ქოშინით ამოირბინა კიბე. გრძელი დერეფნის პირველსავე კარს ეცა, მაგრამ არ შეუშვეს. მეორე კარისკენ გაიწია, იქაც უბოდიშოდ გადაუღობეს გზა. ბოლოს, უიმედოდ აწრიალებული, ვილაცამ შეაჩერა:

– თქვენი მოსაწვევი?

კაცმა მოსაწვევი გაუნოდა. მალაღმა, სათვალთანმა, საგულდაგულოდ თმაგადავარცხნილმა ახალგაზრდამ აუჩქარებლად გაშალა მოსაწვევი, მერე სტუმარს ახედ-დახედა და თავი გადააქნია.

– რატომ აგვიანებთ, მომყევით.

ძლივს ეწეოდა. მაინცდამაინც ახლა ამოუვარდა ფეხსაცმლის თასმა. ყურადღებას არ მიაქცევდა, მაგრამ ფეხი დაადგა და კინაღამ გაიშოტა ლაქისაგან აპრიალეზულ იატაკზე. სათვალთან ბოლო კართან ღიმილით უცდიდა.

– შედით და დაბრძანდით. ორმოცდამერვე რიგია თქვენი, მეცხრე ადგილი. ფეხაკრეფით შედით. მოიცათ. მოსაწვევი აიღეთ. არ დაკარგოთ, თორემ სალამოს სხდომაზე აღარ შემოგიშვებენ.

ბოდიშ-ბოდიშით გაიკვლია გზა. კიდევე კარგი, სავარძლებს შორის გასასვლელი ფართო იყო. თავის ადგილს მიაგნო და ამოისუნთქა. ახლა შეეძლო მშვიდად ყოფილიყო. ტრიბუნასთან დაბალი, მელოტი კაცი იდგა და გულმოდგინედ კითხულობდა. ორივე ხელით ტრიბუნას ჩასჭიდებოდა და მხოლოდ მაშინ გაუშვებდა ხელს, როცა მოხსენება უნდა გადაეფურცლა, ან ჩაი მოესვა. მოსვამდა თუ არა ჩაის მომხსენებელი, კულისებიდან მოხდენილი გოგონა წამოვიდოდა, ტანის რხევით აივლიდა სამ საფეხურს, ნაკლულ ჭიქას წაიღებდა ორიოდე წუთში კვლავ გამოჩნდებოდა სავსე ჭიქით ხელში. კაცს მოეჩვენა, რომ მთელი დარბაზი სწორედ იმ გოგონას გამოჩენას ელოდებოდა.

როცა დარწმუნდა, რომ მისი დაგვიანება დარბაზში არავის შეუტყვია, ცოტა არ იყოს, გამხიარულდა კიდეც. საყურე-მიმღებს დაწვდა და თავზე ჩამოიმხო, მაგრამ მიმღები ხმას არ იღებდა და გაუკვირდა, სხვებს რომ დიდი ამბით ეკეთათ ყურზე და მომხსენებელს ისე შეჰყურებდნენ, რომ თვალსაც არ ახამხამებდნენ. საყურე-მიმღები თავის ადგილას დააბრუნა, მაგრამ ველარ დაამაგრა და ბრაგუნით დაეცა იატაკზე.

– მაპატიეთ, – ქართულად უთხრა გვერდით მჯდომ ქალს, რომელმაც ხმაურზე მოიხედა და ახალ შემოსულს მწყრაღად შეხედა. ქალმა არაფერი უპასუხა, მას სწორი ლამაზი ცხვირი, პომადით შეღებილი თხელი ტუჩები ჰქონდა და ხელები მონაფესავით ეწყო ტყავის შავ ხელჩანთაზე. ტყავისავე ალუბლისფერი ჩექმები ეცვა, წითელ სვიტერზე თავისფერი შარფი მოეხურა.

– ხელი შეგიშალეთ მოსმენაში, არა, ქალბატონო? – კაცმა ხელმეორედ სცადა ბოდიშის მოხდა.

ქალმა ორი თითით ტუჩის ბოლოები მოინმინდა და გაუღიმა.

– არა უშავს. პირველად ხართ?

– დიახ. – კაცმა პასუხი არ დაახანა. რატომღაც ეგონა, რომ ყველანი პირველად იყვნენ.

– მე შარშანაც მქონდა ბედნიერება, – ქალმა ხელჩანთას ცალი ხელი ააცალა და კაცს შეხედა. კაცმა გვერდზე გაიხედა. კედლის სარკეში თავის თავს გაუღიმა. ლომის ფაფარივით სქელი და უხეში თმა ჰქონდა, აგურისფერი კოსტიუმი ეცვა და „გელათის“ პერანგზე ნეილონის შავი ჰალსტუხი ეკეთა. თმა რანაირად გამჩერვიაო, წაილაპარაკა და ჯიბიდან სავარცხელი ამოიღო, მაგრამ ქალმა კატეგორიულად წასჩურჩულა:

– აქ არ დაივარცხნოთ, სირცხვილია.

სავარცხელს სული შეუბერა და ჯიბეში ჩაიღო.

ერთხანს წინ იცქირებოდნენ.

კაცს მოსწყინდა, ქალისკენ გადაიხარა და ტუჩები ყურთან მიუტანა:

– რომელ საათამდე უნდა ვიჯდეთ?

ქალმა მოიხედა და რაკი დარწმუნდა, სერიოზულად ეკითხებოდნენ, ისევ ჩამოისვა ტურზე ორი თითი.

– ადრე მოგწყენიათ. ორ საათამდე აქედან გასვლაზე ნუ იფიქრებთ. ორზე შესვენებას გამოაცხადებენ. დღის წესრიგის დამტკიცებაზე არ ყოფილხართ?

– არა, – დაბეჯითებით მიუგო კაცმა და ისეთი გამომეტყველება მიიღო, რომ ქალს ჰგონებოდა, აფსუსს, რომ დღის წესრიგის დამტკიცებაზე არ იყო, თორემ ეს ისეთი ჯველი ჩანს, უსათუოდ რაიმე ცვლილებას შეიტანდაო.

– ორ საათამდე მოხსენება იქნება, მერე სასადილო შესვენება ერთი საათი. სამზე კამათი დაიწყება.

– რა დაიწყება? – კაცმა ყურს ხელი მოახმარა.

– კამათი ჰქვია. გამოვლენ და ყველა თავთავის სიტყვას ნაიკითხავს. მომხსენებელმა საათ-ნახევარი მოითხოვა.

– ბევრია. – ჩაურთო კაცმა.

– კამათის მონაწილეებს ნახევარი საათი მიეცათ, განცხადებისათვის ხუთი წუთი.

– ცოტაა. – თქვა კაცმა და გაეცინა.

– შემოსვლის დროს ხომ გატარდით რეგისტრაციაში?

– რაში? – კაცმა ისევ მოახმარა ყურს ხელი.

– თუ არჩენე ვინმეს შენი მოსაწვევი?

– რა თქმა უნდა. – კაცს მაღალი, სათვალისანი, საგულდაგულოდ გადავარცხნილთმიანი ახალგაზრდა მოაგონდა, რომელმაც დარბაზში შემოიყვანა.

ისინი ტრიბუნას შესცქეროდნენ და თან მოხერხებულად, ცალი ყბით საუბრობდნენ, ამ ფრაზის ანატომიური და არა იდიომური მნიშვნელობით.

– კურდღელმა რაც იძინა, ის იხტუნაო, ჩემზეა ნათქვამი, – კაცი ჩურჩულს მიჩვეული არ იყო და ყელი უშრებოდა. – წუხელის ჯერ თვითმფრინავმა დაიგვიანა.

– რატომ „225-ს“ არ გამოყევით?

– ვერ ვასწრებდი. მატარებელი დიღის შვიდ საათზე ჩამოდის. ჩემი საქმე ისე იყო, რომ გუშინწინ ვერ ჩამოვიდოდი თბილისში. „225“ რომ გამოფრინდა, დაიკეტა აეროპორტი და სადამოს რვა საათამდე გვაყურყუტეს.

– ჩვენი დროით? – ისე ყოველ შემთხვევისათვის ჩაურთო ქალმა, თორემ რა მნიშვნელობა ჰქონდა.

– მე სულ ჩვენი დროით ვლაპარაკობ, ქალბატონო. – მრავალმნიშვნელობის გარეშე, გულწრფელად მიუგო კაცმა, – თორმეტს გადაცილებული იყო, სასტუმროში რომ მოვედი – სადა ხართ აქამდე, თქვენები ყველანი ჩამოვიდნენ, ჯავშანი უკვე გავაუქმეთო, ჩხუბი არ დამინყო ადმინისტრატორმა? ლოტოს კოჭივით მრგვალი ქალი იყო, ჩემსიმაღლე ნითელი კოსა ედო თავზე. თქვენც იმან მიგიღოთ?

– არ მახსოვს, – ქალს მართლა არ ახსოვდა.

– კი მაგრამ, რა ჩემი ბრალია, ქალბატონო. მე რა, მფრინავი ვარ, თუ შტურმანი, – მე ვუთხარი. თვითმფრინავმა დაიგვიანა. ჩამოვწყდით ფეხზე აეროპორტში და კიდევ აქეთ მდებთ ბრალს-მეთქი? მეო, ბრალს არავის ვდებო, თქვენი ჯავშანი გაუქმებულა, მორჩა და გათავდაო. ქალბატონო, მე ეს კაცი ვარ და ამ საქმეზე ვარ ჩამოსული-მეთქი. ვიცის. აბა, რა ვქნა, გავბრუნდე უკან-მეთქი? ოთხასჩვიდმეტ ნომერში შტაბია და იქ მიაკითხეო. ოთხასჩვიდმეტში ორ ქალს ეძინა, მორიგეები ვართო. ახლა იმათ დამინყეს ლანძღვა. თქვენი გულისთვის ადამიანმა წესიერად ვერ უნდა დაიძინოსო. თვითმფრინავი ხომ იცით, ჩემ გემოზე არ დადის-მეთქი. ნუ ლაპარაკობთ ბევრსო, შემომიბღვირა ერთმა. იჟღურტულეს ცოტა ხანს, მერე ერთი მათგანი ტელეფონს დანვდა, ზმორებით აუნყა ვილაცას, ესა და ეს კაცი დაგვიანებით ჩამოვიდა და როგორ მოვიქცეთო. იმან იქედან ისეთი რალაც უთხრა, რომ ყურმილისანი კარგა ხანს ხითხითებდა. სული რომ მოითქვა, თავის მეგობარს დაუნია თავი და უჩურჩულა. ახლა მეორე ქალი აძიგძიგდა. ვდგავარ ფეხზე ცხენივით. არც დაბრძანდით, არც ბოდიში. ხუთას სამოცდახუთში მიდიით, უფროსი მორიგეა და იმას მოელაპარაკეთ, კარგი კაცია, კავკასიელები უყვარს და იქნებ შევიდეს თქვენ მდგომარეობაშიო. ვფიქრობ, რა დავაშავე, რა ქვა გავტეხე ასეთი. ამასობაში ღამის ორი საათი შესრულდა. უფროსი მორიგე მართლაც ღვთისნიერი აღმოჩნდა. შევეცოდე, სადა ხარ, კაცო, აქამდეო. შენ რომ იქედან არ იყო, საიდანაც ხარ, არ

გიშველიდა არაფერიო. ჩემოდნიდან გაზეთში გახვეული ჭაჭის არაყი ამოვიღე და სულელის ღიმილით, ვითომ შეუმჩნევლად, დავუდე სანოლთან. თან მეშინია, ვაითუ გამლანძლოს-მეთქი; როგორ კადრულობ ამ საქმეზე ჩამოსული კაცი ამ ამბავსო, რომ მითხრას? შენც არ მომიკვდე. ბოთლს გაზეთი შემოახნია, შეანჯღრია და ელექტრონის შუქზე გახედა. ერთნახადი ხომ არ არისო, მკითხა. როგორ გეკადრებათ-მეთქი. დამშვიდდა. ქალაქის ნაგლეჯზე ხელი მოაწერა და ისევ ოთხას ჩვიდ-მეტისკენ მაქნევინა პირი. ჩემს ნაცნობ მორიგეებს უკვე ეძინათ. ჯერ კარგარედან მაყვირეს. ეს ვარ, თქვენთან თხუთმეტი წუთის წინ რომ ვიყავი და უფროს მორიგესთან რომ გამიშვით, ის კაცი ვარ-მეთქი. გამიღეს, როგორც იქნა. ვერ უნდა მოგიშოროთ შენ ამაღამო? ქალაქი გამომართვეს და სასტუმროში ჩასახლებების ორდერი გამომიწერეს. გაიქეცი ახლა ადმინისტრატორთან და ხვალ დილით ორი „პლიტკა“ შოკოლადი არ დაგავინყდესო. რაც ადმინისტრატორმა ისინი ლანძღა, ჩემს ორდერს რომ დახედა, თუ ჰქონდათ ნომერი, მე რაღაზე მათქმევინეს პატიოსანი კაცისთვის უარიო. ერთი სიტყვით, სამი კაი ხნის შესრულებული იყო, ბალიშზე რომ მივდე თავი და, მთელი დღის განანამებს, მკვდარივით დამეძინა. ძალიან მოვიწოდებ ამ დილით, მაგრამ მაინც დამავიანდა.

ქალი ყურადღებით უსმენდა, მაგრამ არც ერთხელ არ უთქვამს: „რას ლაპარაკობ, ნუთუ მართლაო“. ეტყობოდა, რომ ამ ნაამბობში მისთვის არც ახალი იყო რაიმე და არც გასაკვირი.

კულისებიდან ისევ წამოვიდა მოხდენილი გოგონა ჩაის ჭიქით ხელში.

კაცმა ამოიოხრა.

– ოჰ, თქვენ? – ბაგეებში შეფარული ღიმილით შეხედა ქალმა, – სახლიდან არ ხართ გამოსაშვები არც ერთი. შენს ცოლს ჰგონია ახლა, რომ საქმეზე ხარ ჩამოსული. ერთი ხართ ყველა, ერთ თარგზე მოჭრილი, რა აქვს ახლა ამოსახვენში იმას, ერთი ფიცარივით გოგოა.

კაცმა საყვედური ქათინაურად მიიღო და გაეხარდა. მოეჩვენა, რომ ქალის ამ სიტყვებით სულ სხვა ეტაპი იწყებოდა მათს

ნაცნობობაში. თითქოსდა ეს უცხო ქალი ერთბაშად დაუთბა, უხილავი მაკრატლით გადაჭრა ზონარი, რაც აქამდე კაცს მისდაუნებურად ბოჭავდა და თავისუფლად ლაპარაკის საშუალებას არ აძლევდა.

– რა ვქნა, შე ქალო. ადამიანიშვილები ვართ ჩვენც. – კაცმა ხელი გასწია ქალისაკენ, ჩანთაზე რომ ლამაზი, ფაფუკი ხელი უდევს, იმ ხელის ზურგზე მოვეფერებო, ასე ჰქონდა გადანყვეტილი, მაგრამ ხელი შუაგზიდან უკან წამოიღო და ყურის ბიბილო მოიფხანა. ვინ იცის, იქნებ სწორადაც მოიქცა. იქნებ ამ მოუზომავი საქციელით ყველაფერი წყალში გადაეყარა.

ქალმა დაამთქნარა და პირზე ხელი სამჯერ რბილად მიირტყა.

– ჩვენი ცხოვრების ნახევარი ამნაირ ფოკუსებზე მიდის, ვითომ რად უნდოდათ ახლა იმ სიშორიდან ჩვენი ჩამოყვანა? წყლის ნაყვა არ არის ახლა ეეს? რას ვაკეთებთ, გზის ფულის ხარჯვის მეტს. ბავშვები უპატრონოდ დავყარე, დავარდნილი დედამთილის ამარა.

– ქმარი? – კაცს ამ შეკითხვის მიცემა ადრე სურდა, მაგრამ ვერაფერს მოაყოლა.

– რა ქმარი? რას ეხმარები შენ შენს ცოლს? დილას გადავა სახლიდან და საღამოს შემოიძურნება, ან მთვრალი, ან ფხიზელი.

– ბავშვები რა ხნის გყავთ?

– მეშვიდეშია უფროსი. მესამე, პატარა, ნოლ ჯგუფში წავიდა წელს.

– უფროსი გოგოა?

– გოგოებია სამივე.

– აბა, არაფერი უჭირთ. უფროსი დიდი ყოფილა, მიხედავს ორივეს. გოგოების ფასი არაფერია ოჯახში, რომ იცოდე. ბიჭის ნახევარი მოვლა არ უნდა გოგოს, ტყუპები მყავს ათ-ათი წლის და შენ ისინი უნდა ნახო. ლომების მომთვინიერებელივით მათრახს ვატკაცუნებ ყოველ წუთს. ახლა წამოცმული ექნებათ ყველაფერი თავზე. დამწვარს არ დამახვედრებდნენ სახლ-კარს და სხვას არ დავეძებ არაფერს.

– ტყუპები? ყოჩაღ, ცოლი შენ გყოლია.
კაცს გაეცინა.

– მე არაფერი, ხომ? ვერ გავიგე, რატომ მიაჩნიათ ტყუპები ყოველთვის დედის ვაჟკაცობად.

– კაცი სტუმარია სახლში. დედაა ყველაფერი, არ იცი, აბა?

– ქალმა პირველად ახლა შეათვალა კაცი. ცხვირზე შეხედა, უღვაშზე, თმაზე, მერე ჰალსტუხზე ჩამოუსვა მხერა და ბოლოს მათი თვალები ერთმანეთს შეხვდნენ. მხოლოდ წამით შეხვდნენ მათი თვალები ერთმანეთს. თითქოს დანაშაულზე წაასწრესო, ქალმა სწრაფად დაინყო ხელჩანთაზე ხელები და ორატორისკენ ისე ენერგიულად გაიხედა, თითქოს მოხსენებიდან ერთი სიტყვაც არ გამოორჩენოდა.

– ახლათ ოჯახში საქმე. მე ვთქვი, პატარას მივიხედ-მოვიხედავ-მეთქი. თქვენი თქმის არ იყოს, აქ წამოსვლის დრო და თავი მქონდა ახლა მე? ზამთარში თუ არ მიხედე პატარა სახლს, სხვა დროს ვის სცალია. წელიწადში ათი თვე მინდორში და ყანაში ვყრივართ.

– რა ჰქენით ყველის და ხორცის?

– შევასრულეთ, ისე... რა ვიცი...

ქალმა მოიხედა. ტუჩებზე ხელი მიიფარა და ყურში რაღაც უნდა ეთქვა კაცისთვის, მაგრამ უკნიდან ვილაცამ ორივეს მოუთათუნა მხარზე ხელი და შემობრუნებულებს სათვალისან-მა, ჭალარა კაცმა ქვედა ყბის კანკალით სთხოვა:

– თუ შეიძლება, მოსმენის საშუალება მოგვეცითო.

ქალმა, ესეც შენო, ღიმილით შეხედა კაცს და საყურე-მიმ-ლები მოიმარჯვა.

– სწორია ეს ხალხი, – ჩაილაპარაკა კაცმა და ისიც მიმლებს დასწვდა.

ორივენი თავიანთ ფიქრებში ჩაიძირნენ.

კაცს თვლელა მოერია, თავს მხოლოდ მაშინ იწვედა, როცა ჩაის გამომცვლელი გოგონა ორატორისკენ წავიდოდა.

ქალი შეჰყურებდა ტელეიუპიტერებით განათებულ სცენას, მაგრამ მოსმენით ისიც არ უსმენდა ორატორს.

როცა დარბაზში მოსაწვევების ტყე აღიმართა, კაცს მოეჩვენა,

ნა, რომ ვილაც შეეხო მხარზე, ჯიბიდან მოსაწვევი სწრაფად დააძრო და მანამ ეჭირა თავს ზემოთ ამართული, სანამ ქალმა არ დაანევირა, კაცმა გაკვირვებით შეხედა. ახლა შენიშნა, რომ ქალს მარცხენა მხარეს, ტუჩს ზემოთ, საულვაშზე ხალი ჰქონდა და ღიმილიც ძალიან უხდებოდა.

გრძელ დერეფანში ერთად გამოვიდნენ.

– აქ... ისა... რა სათქმელია მაგრამ... სადღაც მალაზია არისო... სპეციალურად ჩვენთვის... იქნებ რამე გვეყიდა ბავშვები-სათვის. – კაცი სიტყვებს ვერ პოულობდა, გვერდით მიჰყვებოდა დერეფანში მიმავალ ქალს და ფიქრობდა: რა მალალი ყოფილა. რა ლამაზი სიარული იცის.

ქალი მოტრიალდა და თითქოს დიდ საიდუმლოს ანდობსო, იდუმალი ჩურჩულით აუწყა:

– ამ დერეფნის ბოლოშია, მეორე სართულზე, კიბიდან მარცხნივ. გამოადგი ფეხი. ახლა ყველანი იქ მივლენ.

ისინი თავანუელნი, ღირსეულად, მაგრამ მოსეირნე ნყვილზე გაცილებით უფრო ჩქარა მიდიოდნენ.

ერთიმეორის მიყოლებით იღებოდა დარბაზის კარი, სტუმრები, ცალ-ცალკე თუ ჯგუფ-ჯგუფად, დერეფანში გამოეფინებოდნენ, მიხედვ-მოხედვის გარეშე ჯერ ნელა, თითქოს გულგრილად მიდიოდნენ დერეფნის ბოლოსაკენ, კედლის უზარმაზარ სარკეს გაცილებულნი, მათი მდგომარეობის პირებისთვის სრულიად შეუფერებლად ერთბაშად იმჩატებდნენ ნაბიჯს, ხოლო კიბეს მიახლოებულნი, უკვე გარბოდნენ.



ბაბრატის ტაძარი

ნგუენ სიან სონგს ბავშვობის ოცნება აუხდა. რამდენიმე წუთიც და იგი ფეხს დაადგამს ქალაქ საფიჩხიის ბებერ მიწაზე. სისხამი დილაა. თვითმფრინავი ირაოს აკეთებს. სარკმელს მიჭიჭინებული სონგი ხარბად დაჰყურებს მწვანეში ჩაფლულ ქალაქს. სტუმარმა ბევრი რამ იცის საფიჩხიაზე. იცის, რომ იგი სამი ათას ხუთასი წლისაა, იცის, რომ არგონავტების ლაშქრობის ქალაქია, მოსალოდნელი ნეტარებისგან წამით თვალებს ხუჭავს და გონებაში ერთხელ კიდევ ჩამოთვლის საფიჩხიის ღირსშესანიშნაობებს: „გელათი“, „მონამეთა“, „ბაგრატის ტაძარი“, „ვანის ანტიკური ანსამბლი“, „გეგუთის სასახლის ნანგრევები“, „სათაფლია“... ბევრი მისი თანამემამულე ვერ ეღირსება ასეთ ბედნიერებას: ნგუენ სიან სონგს გაუმართლა, ამ ქვეყნის განსაცვიფრებელი ცივილიზაციის აკვანთან ელის შეხვედრა. მართალია, პროგრამით გათვალისწინებული სამი დღე ცოტაა, მაგრამ სონგი თავს არ დაზოგავს, ღამე არ დაიძინებს, რათა ყველაფერი ნახოს, რაც ამ უძველესი ქალაქის შესახებ გაუგონია და წაუკითხავს.

ტრაპიდან ჩამოდგა თუ არა ფეხი, მისკენ ხელგაშლილი წამოვიდა მთასავით მოსული, შავულვაშა კაცი. ისეთი კეთილი ღიმილით უბრუნებდა და მხედურს სახე, რომ ჩია, კაფანდარა სონგმა გაიფიქრა, ალბათ ხელში უნდა ამიყვანოსო. მაგრამ მასპინძელი ერთ მეტრზე შეჩერდა, ჯიბიდან პატარა ქალაქი ამოიღო და წაიკითხა:

– ნგუენ სიან სონგი ბრძანდებით, ხომ?

სონგმა ჩემოდანი და ნეილონის პარკი ასფალტზე დადო. ხელისგულები შეაერთა და წელში სამჯერ მოიხარა.

– დიას.

მთაკაცმა ხელი ღონივრად ჩამოართვა და სტუმრის ბარგს დაწვდა.

მალე მოლისფერ „ვოლგაში“ ისხდნენ და საფიჩხიის ქუჩებში მიქროდნენ. „თქვენ ალბათ, შეამჩნიეთ, რომ აეროპორტი ჩვენთან ზედ ქალაქის შუაგულშიაო“, როგორც იქნა მიახვედრა მასპინძელმა დამტვრეულ-დალენილი ინგლისურით. სონგი მიხვდა მის გასაჭირს და გამოსავალი იპოვა – „რუსულად ბრძანეთ, რუსული ვიციო“. მთაკაცს გულზე მოეშვა და რუსულზე გადავიდა, მაგრამ მალე გაიკვია, რომ ინგლისურზე ბევრად უკეთესად არც რუსული იცოდა. ყოველ შემთხვევაში სტუმარს გააგებინა: „დიმიტრი მქვიან, შინაურობაში მიტუმას მეძახიანო, სასიამოვნოა თქვენი ჩამოსვლა ჩვენს ქალაქშიო. საფიჩხიას სტუმარი ოდითგან უყვარდაო. მართალია, სამი დღე ძალიან ცოტაა, მაგრამ თქვენი აქ ყოფნის პროგრამა ისე დავგეგმეთ, რომ უკმაყოფილო არ დარჩებით და ძირითადად ყველაფერს გიჩვენებთო. თავი რომ არ მოგანყინოთ, ყოველდღე სხვადასხვა მასპინძელი გეყოლებათ, ასე გადწყვიტა ჩვენმა დირექტორმა. ხან ერთი დანესებულების სტუმარი იქნებით და ხან მეორისაო. ჯერ ერთი, სხვადასხვა ადამიანებთან შეხვედრით ქალაქის ხასიათსაც უკეთ გაეცნობით და მეორეც, მონყენისთვის დრო აღარ დაგრჩებათ“.

მოკლევხელება, თავსივა მძლოლმა ქუდის შიგნით თმა მოიქექა და ჩაილაპარაკა:

– „ნაძვებში?“

– არა! მეტი არ იცით ბიჭო, თქვენ? – დატუქსა მძლოლი მიტუმამ, – სტუმარ კაცს პირდაპირ რესტორანში უნდა უკრა თავი? შენნაირებია, თავს რომ ჭრიან საფიჩხიას. ჯერ სასტუმროში მივიყვანოთ; დავაბინავოთ, მერე ბაგრატის ტაძარი დავათვალიერებინოთ. ამას დაჭირდება საათ-ნახევარი. ამასობაში „ნაძვებიც“ გაილება და მერე მივაყენოთ რესტორანს.

მძლოლს არაფერი უთქვამს, მიტუმამ კი სტუმარს ბოდიში მოუხადა. გვაპატიეთ სანჯავის შესახებ ვმსჯელობდით, მძლოლმა რუსული არ იცის კარგად და იძულებული ვარ, ქართულად ველაპარაკოო.

– სანჯავი ჭირს თქვენთანაც? – წამით მოაბრუნა თავი სონგმა.

– როგორ გეკადრებათ. სანვავი თავზე სასხამად გვაქვს, – ნაიტრაბახა მიტუშამ და მაშინვე იგრძნო, რომ ლამაზად ვერ გამოუვიდა, მაგრამ ისე დაგრეხილი რუსულით თქვა ყოველივე ეს, რომ სტუმარს არ გაუგია.

ანკეტა რომ შეავსეს და ბარგი ნომერში აიტანეს, სტუმარმა ხელ-პირი მეყსეულად დაიბანა, ხოლო დასვენებაზე უარი თქვა, მაინცდამაინც არ დავლლილვარ, დასვენებას მერეც მოვასწრებო.

ბაგრატის ტაძრის ეზოში არავინ ჩანდა.

ჩიტები გამაყრუებლად ჟივჟივებდნენ და რიონისპირიდან თბილი, ალერსიანი სიო ჰქროდა.

ივლისის გამჭვირვალე დილა იყო. შორს, ცის კაბადონზე ლურჯ-მწვანე სივრცეში მცურავი გედივით ჩანდა გელათი.

ტაძარს ორჯერ რომ უხმოდ შემოუარეს, მიტუშას შერცხვა, რაღაც ხომ უნდა ვუთხრაო, და უბისწიგნაკომარჯვებულ სტუმარს აუხსნა:

– ეს არის ბაგრატის ტაძარი. მეათე საუკუნის ძეგლი. ბაგრატის ტაძარი იმიტომ ჰქვია, რომ ბაგრატი მეფემ ააშენა. ბაგრატი... ბაგრატი...

– მეოთხემ, – შეაშველა სონგმა.

– ბაგრატი მეოთხემ. ამჟამად ტაძარი, როგორც ხედავთ, დანგრეულია, მიმდინარეობს სარესტავრაციო სამუშაოები.

– მიწისძვრამ დაანგრია თუ შემოსევებმა?

მიტუშა ჩაფიქრდა.

– ერთმაც და მეორემაც, – იპოვა გამოსავალი.

შიგნით რომ შევიდნენ, მიტუშა ჩამონგრეული სვეტის თავზე შემოჯდა და გაოცებისაგან პირდაღებულ სონგს ხელით ანიშნა: – იქ მოსასვენებელი ოთახი იყო, იქით მხარეს სასადილო; სტუმრებს, სადაც ჩვენ ვართ ახლა, ამ დარბაზში იღებდნენ. მოკლედ კარგად ცხოვრობდნენ მეფეები, არაფერი უჭირდათ.

– კი მაგრამ, – სონგი დაბნეული ჩანდა, – ეს ხომ რელიგიური დანიშნულების ტაძარი იყო? საცხოვრებლადაც იყენებდნენ?

– ვინ დაუშლიდათ? – მიტუშა ყურებიანად განითლდა და უხერხულობისაგან თავდასაღწევად მორცხვად გაიღიმა, –

შენ მითხარი, დაუშლიდა ვინმე? მეფე თუ იტყოდა, აქ მინდა ცხოვრებაო, უარს ეტყოდნენ?

სონგმა უბის წიგნაკში რაღაც ჩაინიშნა.

– ხომ აღადგინეს ერთხელ ეს ტაძარი? – იკითხა სტუმარმა.

– კი, მეთხოვრებულთა საუკუნეში, – მიტუშამ განზე გაიხედა.

– გზამკვლევი კი შეცდომით მეთექვსმეტე საუკუნე წერია, – გაიოცა სტუმარმა.

– წიგნის ამბავი გაქვს? კიდევ კარგად წერებულა. ვინ ჩაგინერს წიგნში სიმართლეს? შენ მე მკითხე ეგ ამბავი, – მიტუშამ მხარზე მოუთათუნა ხელი ნგუენ სიან სონგს და კიდევ არაფერი მკითხოსო, ეზოში გამოაბიჯა.

სონგი დარწმუნდა, რომ მისი მეგზურიდან მეტს ვერაფერს შეიტყობდა და დაფაცურდა, სამრეკლოზე აფორთხდა, სურათი გადაუღო უპატრონოდ დაყრილ ჩუქურთმებიან ქვებს, სვეტისთავებს უბის წიგნაკში იხატავდა. ჩუქურთმებს პატარა მტკაველს აზომებდა. ხანდახან აღტაცებისგან თავის ენაზე ჩაიღიღინ-ჩაიკრუსუნებდა. მერე გარეთ გამოვარდა, სამრეკლოს ნანგრევებთან გახედა ტაძარს, კარგა ხნის შემდეგ დაღლილი მობრუნდა, მიტუშას წინ დაუდგა, ხელისგულები შეაერთა, წელში ღრმად მოიხარა და მასპინძელს გულთბილი მადლობა გადაუხადა.

მანქანაში რომ სხდებოდნენ, სონგი წამდაუნუნ თავს აბრუნებდა, რათა ბაგრატის ტაძრის ნანგრევების კიდევ ერთხელ დანახვა მოესწრო.

თორმეტ საათზე ისინი უკვე „ნაძვებში“ ისხდნენ.

დღის დარჩენილი ნაწილი რესტორანში გაატარეს. საღამოხანს მათს სუფრას მიტუშას სამი საფიჩხიელი ძმაკაცი შემოემატა და რესტორანი რომ არ დაკეტილიყო, დილაამდე იქეიფებდნენ.

ლამის ორ საათზე, მთვრალი სტუმარი ორ მასპინძელს ხელგადახვეული რომ აჰყავდა კიბეზე, სონგს ეგონა, რომ მასზე ბედნიერი კაცი მთელ დუნიაზე არ მოიძებნებოდა.

გვიან გაელვოდა. თავი სტკიოდა. პირსახოცით თავნაკრული კარგა ხანს წინ და უკან დააბიჯებდა ოთახში. რასაც კი წაანყდა

ნომერში, ტელევიზორის გარდა, ყველაფერს ძირი გაუსინჯა, ეს სონგის საყვარელი საქმიანობა იყო. აუცილებლად უნდა წაეკითხა, რა ეწერა ნივთს მეორე მხარეზე. მერე კარგა ხანს ცივი შხაპის ქვეშ იდგა და აბაზანიდან რომ გამოვიდა, სავარძელში მშვიდად მჯდომ ჩითის ჭრელპერანგიან კაცს წააწყდა, დაინახა თუ არა სონგი, კაცი ზენამოიჭრა და მწვანე ტილოს შარვალზე ორივე ხელი ჩამოისვა:

– მაპატიეთ, ვაკაკუნე კარგა ხანს და რომ არ გამომეხმაურეთ, მე ვთქვი, შეუძლოდ ხომ არ არის-მეთქი, ნუხელის, ალბათ, ცოტა დაღევა მოგიწევდათ, მორიგემ მითხრა, არ გამოსულა, შიგნით არისო. მე და მორიგე ერთად შემოვედით. წყლის ჩხრიალი რომ გავიგონე, აბაზანაში ყოფილა-მეთქი და დავმშვიდდი.

სონგი პირმორღვეული უსმენდა. რა იყო სასაცილო ამ კაცის ნათქვამში, მაგრამ ნუხელი იმდენი აცინეს სუფრაზე სტუმარი, რომ მას ეგონა, ამ ქალაქში ყველაფერს იუმორით ამბობენ და ყოველთვის უნდა იცინოდეთ.

– კოტე ბუაჩიძე გახლავართ, კვების ტექნოლოგი განათლებით. ამჟამად სკოლაში ვმუშაობ შრომის მასწავლებლად.

სონგმა სიცილი შეწყვიტა. სწრაფად დასერიოზულდა. ხელისგულები ერთმანეთს მიატყუა და ცოტა მუხლებში ჩაიკეცა კიდევ.

– ნგუენ სიან სონგი.

კოტემ სტუმრის სახელი კარგად გაიგონა, მაგრამ დიდი სირთულის წინაშე აღმოჩნდა. ვერ გაარკვია, სამივე სახელი ერთად დაეძახნა სტუმრისთვის, თუ ერთი რომელიმე. „ნგუენ“ რომ დავუძახო უხერხული გამოსათქმელიაო, „სიანზე“ ვაითუ გაბრაზდეს, ხოლო მარტო „სონგით“ იქნებ არც მოიხედოსო.

– პატივცემულო, ოჯახში რას გეძახიან?

– საად? – სონგი კინალამ გაიგუდა სიცილით.

– შინაურობაში, რასაკვირველია. ნამეტანი გძრელი სახელი გაქვთ და იქნებ შემცვლელი სახელი გვარჩუქოთ.

სტუმარი სიცილისაგან სულს ვერ ითქვამდა.

– ჩვენთან შინაური სახელი არ არსებობს. გუშინ სონგს მეძახდნენ. თქვენც შეგიძლიათ სონგი დამიძახოთ.

– აგაშენათ ღმერთმა. დიდი მადლობა.

თოჯინების თეატრამდე ფეხით მივიდნენ. იქ ნარინჯისფერი „მოსკვირი“ ელოდათ. მანქანაში მძღოლის გარდა ორი კაცი იჯდა. კოტემ გააცნო: ჩემი უახლოესი მეგობრებია. ერთი მძღოლისნობის მწვრთნელია, მეორე „საფვაჭრობაში“ მუშაობსო.

„მოსკვირი“ უქიმერიონის აღმართს რომ აუყვავა, სონგი მიხვდა, რომ ბაგრატის ტაძრისაკენ მიდიოდნენ, მაგრამ მასპინძლებმა თავისი საქმე ჩემზე უკეთ იციან, ეტყობა ასეთია პროგრამაო, დაასკვნა და ხმა არ ამოუღია.

კვირა დღე იყო. ტაძრის ეზოში, მუხის ჩრდილში, ექსკურსანტებს სუფრა გაეშალათ და დილიდანვე საქმეს შესდგომოდნენ.

კოტე მიდგა-მოდგა, იქნებ ვინმე ექსკურსიამძღოლი მაინც ვიპოვო, ამ უცხო კაცს ორი სიტყვა მაინც უთხრას ძეგლის შესახებო. მაგრამ ვერავის წააწყდა და თვითონ იკისრა ეს ძნელი საქმე. რაიმე სისულელე არ წამოვროშოო, დადგა მემორიალური დაფის წინ და პირწმინდად ჩაიკითხა.

სტუმარი უხალისოდ უსმენდა.

არც აღტაცება გამოუხატავს, შეკითხვა რაა, ერთი შეკითხვაც არ დაუსვამს მასპინძლისთვის.

ეზოში გაიარ-გამოიარა. ერთხელ შემოუარა კიდევ ტაძარს. შიგნითაც შევიდა, მაგრამ მალევე გამობრუნდა და ხელისგულების შეერთებით (რაც, უნდა ვთქვა, ლამაზად გამოსდიოდა), მადლობა გადაუხადა კოტე ბუაჩიძეს.

– ახლა ნავიდეთ და ნავისაუზმით, – შეაპარა მასპინძელმა.

მანქანაში რომ ჩასხდნენ, შემკრთალმა ნგუენ სიან სონგმა იკითხა: – მაპატიეთ, თუ შეიძლება ვიცოდე, საუზმის შემდეგ რის დასათვალიერებლად მივდივართო.

ამ კითხვაზე ოთხივემ (შოფრიანად) გულიანად გაიცინა.

– ვნახოთ, ბატონო, ვნახოთ. თუ დრო დაგვრჩა, სადაც თქვენ გაგეხარდებათ, იქით ნავიდეთო.

გამოტეხილად უნდა ვთქვა, თავისუფალი დრო არ დარჩენიათ. სასაუზმოდ შესულნი შუალამემდე რესტორან „ვენეციაში“ ისხდნენ და ქეიფობდნენ.

კარგი სტუმრით გაბედნიერებულმა მასპინძლებმა სონგი უკანასკნელად რომ გადაკოცნეს, საფიჩხიის ღამეს პირველმა სულნასულმა მამალმა უკვე მიაყვილა.

ალიონზე ქარი ამოვარდა, მაგრამ გათენებულზე ჩადგა და ისეთი ჩუმი, იდუმალი დილა იდგა, რომ სონგს ეგონა, ფანჯარა რომ გამოვალო, უსათუოდ გავფრინდებო. მაგრამ საქმე ის იყო, რომ სწორედ ფანჯრის გამოღება ეზარებოდა, ისე იყო ღვინისგან გალახულ-დაჭმუჭვნილი.

„დღეს ბოლოს დღეა. უნდა მოვასწრო ყველაფრის ნახვას“, ფიქრობდა და წამდაუნუმ საათს დასცქეროდა.

ახალ მასპინძელს შეაგვიანდა, თერთმეტის ნახევარზე მოვიდა.

რომ დააკაკუნეს, სონგი მაშინვე კარს ეცა, მაგრამ იქ არავინ დახვდა. გვერდით ნომერთან თეთრკიტელიანი სახენაყვა ვილარი, უნარბო კაცი იდგა და მოთმინებით აკაკუნებდა.

– თქვენ მე ხომ არ მეძებთ? – გაუღიმა სონგმა.

– არა, ბატონო, – უნარბომ ზურგი შეაქცია და კაკუნი განაგრძო.

– კი, მე მეძებთ ნამდვილად, – სონგი ხან პროფილში დაუდგა და ხან ანფასში.

– არა, ბატონო. ჩვენ სტუმარი გვყავს უცხოეთიდან. ბიჭო, არ გამიჭირა საქმე? – გაბრაზდა უნარბო და განზე გაიხედა.

– აბა, ჯიბიდან ქალაღი ამოიღეთ და ნაიკითხეთ, ნგუენ სიან სონგი ხომ სწერია? მე ვარ, – ტაში შემოჰკრა სტუმარმა.

თერთკიტელიანმა მართლაც ამოიღო ქალაღი და დამარცვლით ჩაიკითხა:

– „ნგუენ სიან სონგი!“ კაი ერთი, თუ ძმა ხარ. ორმოცდასამშიაო მე რატომ მითხრეს აბა?

– ორმოცდასამში ვარ! – სონგს ესეც ხუმრობა ეგონა და იცინოდა.

– აბა, მე რომელზე ვაკაკუნებდი? – კაცმა ნომერს შეხედა.

– ორმოცდახუთზე.

– აუჰ, გადაგიშენდა მომგონი, გამომტერება მეტი იქნება?! მაინც როგორ მომივიდა ეს ამბავი მე?!

სონგი იცინოდა.

არ ვიცი, ძალიან მარილიან ხუმრობად მიიჩნია კაცის უნებლიე შეცდომა, თუ ეგონა, თუ არ გავიცინე, ეროვნული ფოლკლორის უპატივცემულობაში ჩამომართმევნო და იმიტომ იცინოდა.

კიბეზე რომ ჩარბოდნენ, მასპინძელმა ბოდიში მოიხადა და გვიანებისათვის, ივლიანე მქვიაო, წყალჯომარდობის სადგურის უფროსი გახლავართო. ძალიან გაგვეხარდა თქვენი ჩამოსვლა; საფიჩხიისთვის სტუმარი, ვინც არ უნდა იყოს იგი, უმაღლესი კაციაო.

„ვილისში“ ხუთნი ისხდნენ. ჩემი თანამშრომლებია, შენ რომ გაგეხარდება, ისეთი ბიჭებიაო, ივლიანემ. ჩაიჩოჩ-ჩამოიჩოჩეს და როგორც იქნა, ჩაატიეს მანქანაში ივლიანე და უცხო სტუმარი.

– ჯერ კულტურული პროგრამა და შემდეგ საუზმე ხომ? – მეგობრულად დაჰკრა სონგს მხარზე ხელი ივლიანემ.

– რა თქმა უნდა, რა თქმა უნდა, – შეჰღიმა სონგმა თავისი ფართო, წინ წამოსული კბილებით.

როცა „ვილისმა“ უქიმერიონის აღმართი ღმუილით აათავა და ბაგრატის ტაძრის რკინის კართან შეჩერდა, სონგს თვალთ დაუბნელდა.

მწუხარე სახით გადმოვიდა მანქანიდან, ლასლასით გადადგა რამდენიმე ნაბიჯი, რომ არ ნაქცეულიყო, მოაჯირს მიეყრდნო და ბაგრატის ტაძრის თითქმის ჩაქცეულ გუმბათს შეხედა.

წყალჯომარდობის სადგურის ხუთი თანამშრომელი სწორ ხაზზე გაეწყო, ხოლო ივლიანემ სტუმარს ხელკავი გამოსდო და ტაძრის ეზოში თითქმის ძალით შეათრია.

სონგი ჯიბეში ხელჩანსობილი იდგა და თავის თეთრ ფეხსაცმელებს დასცქეროდა.

– არ აინტერესებს არაფერი, ამ ოჯახქორს, – კარგა ხნის შემდეგ გასძახა ივლიანემ ბიჭებს.

– ჩვენ მოგვწონს, ჩვენი რომაა იმიტომ ივლიანე, თორემ რა აქვს ახლა გადასარევი და დასაფეთებელი ამ დანგრეულ კედლებს, – თქვა იმ ხუთიდან ერთ-ერთმა.

– ზრდილობისათვის მაინც გავიხედ-გამოვიხედავ. სტუმარი კაცი ვარ. მეტი პატივი არ უნდა სცე მასპინძელს?! – მაღლა იხედებოდა ივლიანე, აქაოდა სხვას ვამბობო.

– აუხსენი, ივლიანე, უთხარი სად ვართ, რა ტაძარია.

– მოდი შენ აუხსენი, თუ კაცი ხარ, – დაელრიჯა ვილაცას ივლიანე.

– მეც პირველად ვარ, რა აუხსნა მე! შენ თუ გგონია აქ დავდივარ ყოველდღე, – თქვა იმავე ხმამ. და ხუთივემ გულიანად გაიცინა.

– ეგერ სწერია და წაიკითხოს. ხომ თქვა რუსული ვიციო, – დაასკვნა ვილაცამ.

ამ ხნის განმავლობაში სონგი მოწყენილი იდგა, სეტყვაში მოყოლილი ვაზივით მოშვებული, მოჩვარული, უღიმღამო.

ივლიანემ ხელი მოჰკიდა და, სამარეში ჩაშვების წინ კუბოს რომ გამოარიდებენ ქირისუფალს, ისე გამოარიდა სტუმარი ბაგრატის ტაძარს.

გოგისვანიძეების დუქანში მეშვიდე სადღეგრძელო „ექსტრად“ რომ დალიეს და ივლიანემ არღნის აკომპანიმენტით თეფშზე იცეკვა, მაშინ გახსნა წარბი სტუმარმა და გამხიარულდა. თვითმფრინავზე კინალამ დააგვიანდათ.

...წყალჯომარდობის სადგურის გულაჩუყებული თანამშრომლები ტრაპზე დამსხდარნი გამოიყვანეს ბეტონის მიწდვრიდან.

„ტუ-104“ მინას რომ მონყდა და ბაგრატის ტაძარს გადაუფრინა, ილუმინატორს შუბლმიდებულ ნგუენ სიან სონგს შეაჟრჟოლა და განზე გაიხედა.

ხიტია

შარშან პარიზში გახლდით ტურისტად. ოცდახუთი კაცი იყო ჩვენს ჯგუფში და რომ მკითხოთ ახლა, ყველაზე მეტად ვინ დაგამახსოვრდათო, ხიტია დაშნიანს დავასახელებ, სხვებისგან დიდად გამორჩეული ვინმე არ გეგონოთ. ახალ პარკში, შესასვლელთან, მარჯვნივ რომ ტირია, იქ მუშაობს. მომენატრება ხანდახან და მივალ. შემხედავს თუ არა, აუტყდება სიცილი. მე ჩემსას ვიციანი, ის თავისას. ასე სიცილ-სიცილით ჩავეხვევით ერთმანეთს. „შეისვენეთ პატარა, ხომ ხედავთ, კაცს ველაპარაკებო“, შეუბღვერს თოფმომარჯვებულ ბიჭებს და ისევ გამიცინებს. „არ წავიდეთ, ხიტია, პარიზში?“ – ვეკითხები და ვცდილობ ტუჩებს თავი მოვუყარო. „რა მინდა პარიზში? პარიზში არ ვარ დღე და ღამე? პარიზი, თორემ ტყვილად გაჭმევენ მოხრაკულს!“ მუდამ ერთნაირ პასუხს მაძლევს და მეჩხერ ყვითელ კბილებს დასათვლელად მიწვდის. „რატომ? არ მოგეწონა პარიზი, ხიტია?“ ვცდილობ დავსერიოზულდე. „რა ქირს ჩემი დასაწუნი, მაგრამ რომ ირევიან პარიზი, პარიზიო, იმნაირიც არაფერია, კაცმა რომ თქვას, რავა იტყვი შენ?“ მე პასუხად ვიციანი, ხიტიას ჩემს სიცილზე ეცინება და ავტობუსის გაჩერებისკენ რომ მომაცილებს, უეცრად შედგება და შიშით მკითხავს: – „როდის გამოივლი ახლა? არ დაიკარგო, თუ ძმა ხარ“. „მოვალ, ხიტია, მოვალ, აბა ხეირი ნახე“, – ხელს ვართმევ. „კარგად მეყოლე კარგად“, გაჩერებასთან დგას და იცინის.

პარიზში წასვლამდე არ ვიცნობდი. სიმართლე გითხრათ, მატარებელში რომ შევეგროვდით და ჩვენ-ჩვენს კუპეში გავნაწილდით, მაინცდამაინც თვალში არ მომივიდა. არც ჩაცმულობა მომეწონა მისი და არც სიტყვა-პასუხი. მაღალ, გამხდარ ხიტიას ვინრო შარვალი და ბალახისფერი მოკლე პიჯაკი ეცვა. პიჯაკის შიგნით შავი სატინის ახალუხი უჩანდა და თავზე კრაველის ბოხობი ეხურა. ფეხზე ყვითელი ლაკის დაჭრილი ტუფლები რომ არ სცმოდა, ჩვენი საუკუნის ათიანი წლების

დუქნის აბრიდან ჩამოსული გეგონებოდათ. ჩემს კუპეში მოხვდა. „პარიზში მოდიხართ ხომ თქვენცო“, არც გამარჯობა, არც ამბავი-ხაბარი, გაგიგონია?! შეაგდო მაღლა ოთხკუთხივ რკინებიანი, პატარა ჩემოდანი და გავიდა. შუალამისას მობრუნდა მთვრალი. „ჩვენ ბოდიშო“, გვანუგეშა, შეხტა მაღლა თავის ნარზე და მოსკოვში ჩასვლამდე არც გადმობრუნებულა. ღმერთო შეგცოდე და გავიფიქრე, ვინ შეარჩია საპარიზოდ, რა უნდა ამას პარიზში. თავის მოჭრის მეტს რა ხეირს დაგვაყრის ამნაირი „პერსონა“ საზღვარგარეთ-მეთქი; მაგრამ ახლა რომ ვფიქრობ, ხიტის გარეშე მოსაწყენი იქნებოდა ჩვენი მოგზაურობა; ხიტამ თავისებური შნო და ელფერი მისცა ჩვენს ჯგუფს და ახლა პარიზული შთაბეჭდილებები რომ ნელ-ნელა იშლება ჩემი მეხსიერებიდან, ხიტის ვერა და ვერ ველევი.

ხომ გითხარით, ჩემი საქმეების შემყურე, კაცი ხანდახან მოვიცლი, მივალ ტირში, ხიტის ხმის გასაგონად და მისი ფართოდ მოღებული პირის დასანახავად. ხიტია ხმით კი არ იცინის, პირს დააღებს მარტო და თვალები ისეთი ბედნიერებით უბრწყინავს, რომ მარტო ხიტის გაცინებული სახის ფოტოსურათი რომ განახათ, თქვენ თვითონვე იტყვიან – კაცი, რომელსაც ასეთი სიცილი შეუძლია, არ შეიძლება ცუდი კაცი იყოსო. მე მგონი, ხიტის უხარია შენ რომ იცინი და იმიტომ იცინის, თორემ არა მგონია სიცილის საგანი ასე ხშირად ეძლეოდეს. ისე იუმორის დიდი გრძნობა აქვს, როგორც ჭომელთა უმეტესობას.

მოსკოვს რომ ვუახლოვდებოდით, ჩემოდანი გახსნა, ერთი ბოთლი კონიაკი დადგა მაგიდაზე და სამი ცალი ხურმის ჩირი, კონიაკით თხის რქის ყანნი გააპიპინა და მომანოდა. არ ვსვამ-მეთქი. ბევრი ხვენნითაც რომ ვერაფერს მიაღწია და ყანნი ვერ შემომაჩერა ხელში, უეცრად მოიწყინა და მკითხა: „აბა, ფხიზელს რა გინდა მოსკოვშიო“. ყანნი თვითონ გადაჰკრა, მიყურა, მიყურა და თვალები ეშმაკურად აუციმციმდა. ვატყობ, სიცილს ყბებით იკავენს. „რა მოხდა, არ შეიძლება კაცი ავად იყოს? რა არის აქ დასაცინი-მეთქი“, ავიმრიზე. „არა ბატონო, ერთი ანეკდოტი გამახსენდა და იმაზე ვიცინიო“. „რა ანეკდოტი-მეთქი“, „რა და კაცმა რომ ბაქოს ბილეთი აიღო და ტყიბულის მატარებელში ჩაჯდა, იცით ესო?“ „არა-მეთქი“.

„ერთი დაბნეული კაცი იყო. ბაქოში მიდიოდა, ბილეთი აიღო, მაგრამ მატარებელი შეეშალა. ზის ტყიბულის მატარებელში და არის არხენად. შუალამისას თანამგზავს ჰკითხა. თქვენ შიგ ბაქოში მიბრძანდებითო? არა, ტყიბულშიო, რომ უპასუხეს, დაბნეულმა კაცმა კეფა მოიფხანა – რა წინ წავიდა ტყიბუკა, ერთ კუპეში ვზივართ და მე ბაქოში მივდივარ, თქვენ კი ტყიბულშიო. ასე ხომ არაა, თუ ძმა ხარ, ჩემი საქმეც. სხვადასხვა მხარეს ხომ არ მივდივართ მე და შენო“, მითხრა და ჯერ მე მაცალა სიცილი, მერე გაებადრა სახე და კარგა ხანს მიცქეროდა თავისი უხმო, სანილაზე სიცილით.

თავისებური რომ გამოვა ადამიანისშვილი. პარიზი ყველას მოგეხსენებათ და მე რომ ახლა თქვენთან პარიზის ქებას მოვყვე, შეურაცხყოფად უნდა მიიღოთ. ღამეები არ გვეძინა. ყველას უნდოდა იმაზე მეტი ენახა და გაეგო, ვიდრე ჩვენი ტურისტული პროგრამით იყო გათვალისწინებული. შუალამემდე დავდიოდით ქუჩებში. დილამდე ვუყვებოდით ერთმანეთს შთაბეჭდილებებს. პარიზი, ხომ იცით, მაინც პარიზია. ერთადერთი კაცი იყო მშვიდად – ხიტია. თავი ისე ეჭირა, თითქოს პარიზში კი არა, ქუთაისიდან სამტრედიამი იყო ჩასული: არაფერი უკვირდა, არაფერი აღელვებდა. ავტობუსში ხიტის უკან ვიჯექი. გვერდით, აღარ მახსოვს, ვინ ეჯდა, ამ შუა პარიზში ქუთაისის ამბებს უყვება. გვერდით მჯდომიც ცალი ყურით უსმენს, რა ჰქნას.

– რა იყო, რას ეფეთები, მე ვუთხარი. მთვრალი კაცი არ გინახია? შენ რომ იყო მის ადგილზე და გალახვა მოგინდომოს ვინმემ, რავარია, მე ვუთხარი. გაუშვი თავის გზაზე. ხვალ განახავს, ბოდიშს მოგიხდის. მთვრალი კაცი – კაი კაცი არ გაგიგონია-თქვა? ვიცნობდი, ბალახვნილი ბიჭი იყო. რომც არ მცნობოდა, რა უნდოდა მის მოძებნას. ბალახვანი ერცახეა, – გატაცებით ჰყვება ხიტია, მაგრამ მხარზე ხელს დავკრავ და გავანყვეტილებ:

– ხიტია! ლუვრი, გაიხედე გვერდზე!

ხიტია შემობრუნდება. ლუვრს გახედავს.

– აუჰჰ... მარტო აშენება არ გინდოდა? – იტყვის ხიტია და გვერდით მჯდომს მიუტრიალდება, – ბალახვანში რა უნდა

კაცის მოძებნას. თუ პატარა გამოსული ბიჭია, ლითოფონის კლუბში მოვა საღამოს ყველა. იქ თუ არ შეგხვდა, სახინკლე რომაა სადგურთან, იქ მაინც შემოვივლის. სად წავა, აბა, რა გზა აქვს მეტი. გაუშვი, დაანებე თავი, რას ეპორწიალები, ძლივს დგას ფეხზე-მეთქი. შენი ქიჩავი უნდა მაგას-მეთქი? ეგიც კაი უბედური ყავს, ეს ჩემი ძმაკაცი, გამჩენს.

– ხიტია! – გული არ მითმენს, არ გავანყვეტინო, – შეხედე, ხიტია, ეიფელის კოშკი!

– აუჰჰ... მარტო აშენება არ გინდოდა?! – იტყვის ხიტია და ისევ თავისას განაგრძობს, – ტანად დიდი კი არაა, მაგრამ გული აქვს იმნაირი, რომ ლომს შეუყოფს ღრანჭში თავს; ერთი სალობიე ხალხი გამოყარა შარშან, ბარბალობა დღეს, წითელ ხიდთან რომ სალობიეა, იქედან. ცოდვას ვერ ვიტყვი, მთლად ამისი ბრალიც არ იყო. მაგიდების მიდგმა რომ იციან ჩამოსულმა ქაჯებმა, მიუდგიათ ისე მაგიდები და ერთი ათი-თხუთმეტი ბიჭი მიჯდომია, ჩვენ სამი ვიყავით. ფეხბურთზე მივდიოდით და დრო არ გვქონდა, ლობიოზე შევედით ერთნამს. იმგენს სამი მაგიდა ჰყოფნიდათ. ორი მაგიდა ცარიელი აქვთ. ტყვილად აქვთ დაკავებული. ბიჭებო, თუ არ გენყინებათ, ამ ერთ მაგიდას ავიღებო, წესიერად სთხოვა. კი მარა, ჩვენ ვერ გვიყურებ აქანაო? იმან დაიძახა, სუფრის თავში ერთი მოზვერა ბიჭი იჯდა. მე მგონია ზედმეტია ეს მაგიდაო. ზრდილობიანად უთხრა. ზედმეტია თუ რალაცაა, ჩვენ ვიცით მაგი და შეაყოლე ახლა, სანამ მთელი გაქვს ცხვირიო – იმან, იმ უკისრომ, ხვადაგი რომ გამოვა კაცი. ზრდილობიანად გეკითხება ადამიანი, ზრდილობიანად გაეცი შენც პასუხი.

– ნოტრდამი, ხიტია! – კიდევ ერთხელ ხვდება ჩემი ხელი მხარზე.

– აუჰჰ! – მოწყენით გახედა ხიტია პარიზის ღვთისმშობლის ტაძარს, – ჯერ მარტო აშენება არ გინდოდა? – და მერე ისევ სალობიეში მომხდარ ამბავს განაგრძობს.

ვერ იქნა, ხუთი წუთითაც ვერ მოვაშორეთ ხიტია ჭომას, ვერ გავაოცეთ, ვერ გადმოვრთეთ სხვა ცხოვრებაში.

რა დასამალია და ვინც პარიზში მოხვდება, ყველას სურს რაიმე პარიზული იყიდოს, ჩამოუტანოს სუვენირად რამე თავის

ახლობელს. ჩვენი ჯგუფიც არ იყო გამონაკლისი. თავისუფალ საათებში მალაზიებს დავედებოდით. ხიტიასთვის ქუდი რომ შეგეგდო, მალაზიაში არ შევიდოდა. კარამდე მიგვაცილებდა და გარეთ გვიციდდა. მერე ჩვენს ნავაჭრს ათვალეიერებდა და კვებოდა სიცილით: – რა იყიდეთ ახლა ვითომ, რა ტუფლია, ან რა შარვალია ამისთანა, ქუთაისში რომ ვერ იშოვი? ესაა? ამის გულისთვის წამოხვედი პარიზში? მეტი არა მაქვს საქმე, ლუდს მოვიკლებ და პარიზულ ბინტის პერანგს ვიყიდი. ლუდი მართლა არაა ამნაირი ჩვენთან და ჭინჭებს, რანაირსაც გინდა, იმნაირს იყიდი კულაშში. ჭინჭი ვნახე დამწვარი, ჭინჭს ელაპარაკა ტიფა.

დაბეჯითებით შემძლია ვთქვა, ის საკმაოდ სოლიდური თანხა, ტურისტს რომ უხურდავებენ, ხიტია დაშინანმა პირნმინდად ლუდში დახარჯა.

ერთხელ საპარიკმახეროში შევიდა. ჩვენს სასტუმროს ქვემოთ საპარიკმახერო ჰქონდა. შევალ აბა, ერთი რანაირად პარსავენ პარიზში კაცსო. ველოდებით ავტობუსში ყველანი. ხიტია არ ჩანს. ბოლოს გამოვიდა და ჯგუფის ხელმძღვანელს სთხოვა: თუ შეიძლება დავრჩები, რალაც ვერ ვგრძნობ თავს კარგადო, – მონმარტრზე მივდივართ, მხატვრების ქუჩაზე, მერე აღარ გექნებათ იქ წასვლის დროო, გააფრთხილა ხელმძღვანელმა, რა ვქნა ახლა, აქამდე გამიძლია უმონმარტროდ და ანიც იოლად გავალო, – თავი ჩაჰკიდა ხიტია და სასტუმროში შეტრიალდა. საღამოს რომ დავბრუნდით, თავის ნომერში არ დაგვხვდა, – ოთახში არც კი შემოსულა, მთელი დღეა პარიკმახერს ჭადრაკს ეთამაშებაო; იცინოდა სართულის მორიგე. ძლივს ავაგლიჯეთ ჭადრაკის დაფას, სავახშმოდ წამოსვლაც არ სურდა.

იმ საღამოს, ვახშმის შემდეგ ერთმა პარიზელმა ქართველმა რესტორან „ოქროს საწმისში“ დამპატიჟა. არ უთქვამს მეგობრებიც წამოიყვანეო და ბუნებრივია, ვერც მე შევკადრებდი, თორემ ხიტიას წაყვანა მართლა გულით მინდოდა. „ოქროს საწმისი“ პატარა ქართული რესტორანია პარიზში – თათარხან ანთაძის და მისი ძმის კუთვნილება. ვერ დავმალავ, კარგი პურმარილი გაგვინყვეს. მწნილი, ლობიო და შავი ალადასტურიც არ აკლდა სუფრას. ასე, ერთი საათის დამჯდარი ვართ და

სიმღერა მოგვესმა. კარგი, ტკბილი იმერული მრავალჟამიერი. ხიტისას ხმაა, მაგრამ ხმას როგორ ამოვიღებ. ხიტისას აქ რა უნდა. „კიდევ კარგი, სიმღერა რომ ასე კარგად შემოგინახავთ-მეთქი, აქაურ ქართველებს“, – ჩემს მასპინძელს ვეუბნები. „კიდევ ერთი სტუმარი გვყავს და თუ ნამობრძანდებით, გაგაცნობთ“ გამიყვანეს მეორე ოთახში. ვხედავ ათკაციანი სუფრაა გაშლილი და აგერ არაა ხიტია! ჩამჯდარა პარიზელ ქართველებში, გადაუდვია ფეხი-ფეხზე და მღერის, მაგრამ რას მღერის. – „რა გინდა შენ აქ ხიტია-მეთქი“. დაალო პირი მისებურად. „შენ ვერ გაგიტყდი, თორემ ამ ხალხმა ჯერ კიდევ გუშინ დამპატიჟაო. ხიტისას საქეიფო ადგილი შეეშლება პარიზში? როგორ ფიქრობ შენო“. ერთი სიტყვით, მივადვით მაგიდები და შუალამემდე კარგა მოვულობინეთ.

პარიზიდან რომ ვბრუნდებოდით, თვითმფრინავში ჩემ გვერდით იჯდა. – როგორ მოგეწონა, ხიტია, პარიზი? – ვკითხე. ჯერ უპასუხოდ დატოვა ჩემი შეკითხვა, მერე სხვა რაღაცაზე ჩამოაგდო ლაპარაკი და მოაყოლა: – ისე, ქამი ხალხი აქანაცაა. ცხრა ხელი მოვუგე იმ პარიკმახერს, სამი ნიჩია გამიკეთა და ორი მომიგო მარტო. პარიზელი უძახე შენ.

სიცილისაგან ყბები მეტკინა. ხიტია მიყურებდა და უკვირდა, რა იყო სასაცილო იმაში, რომ კაცი მონმარტრზე არ ნამოვდა, რათა პარიზელი პარიკმახერისთვის ჭადრაკი მოეგო.

მართალია, ხიტია სამოგზაუროდ არ არის დაბადებული, მაგრამ რაცაა, ურიგო ყმანვილი არ გახლავთ. ხომ გითხარით, იმ ოცდაოთხი კაციდან (ჩემიანად ვიყავით ოცდახუთი) ყველაზე მეტად ხიტია დამამახსოვრა თავი; დამამახსოვრა და შემაყვარა კიდევ. მომენატრება ხანდახან და მივაკითხავ ტირში. შევყურებთ და შევცინით ერთმანეთს. მერე ავტობუსის გაჩერებამდე გამომაცილებს და სერიოზულად მკითხავს: – „როდის გამოივლი ახლა, არ დაიკარგო, თუ ძმა ხარ“.

ასეთია ხიტია.



ბალიაში რომ ბაბზარდე...

ეზეკიმ კარგა ხანს უყურა ქალაქებში თავჩარგულ დირექტორს, მერე კედელზე გაკრული ლოზუნგები ათვალაიერა და ესეც რომ მოსწყინდა, ყრუდ ჩაახველა.

სავლე ჟორჟოლიანმა თავი ასწია, ერთხანს უაზროდ შესცქეროდა მოსულს, ახალი გაზეთები მიუჩოჩა და ქალაქებს დაუბრუნდა.

– დამიძახე? – სიჩუმე სტუმარმა დაარღვია.

– იჯექი ერთ წუთს. ამას ჩავამთავრებ, საქმე მაქვს შენთან, – სავლეს თავი არ აუნევია.

ეზეკი შესცქეროდა ვეებერთელა მაგიდასთან მიყუნცულ კაცს, რომელსაც ამონეულ მუხლზე ორივე ხელი შემოეხვია და ხანდახან თითქოს მხოლოდ იმისთვის ნამოიქსუტუნებდა, ქანდაკება რომ არ ჰგონებოდათ.

ასეთი ახსოვს სტუდენტობაშიც. ტანმორჩილი, კაფანდარა, წაკულუმბურებული ცხვირ-პირით. ვეებერთელა სათვალე მაშინაც ნამდაუნუმ უვარდებოდა, ქოჩორი შეთხელებია მხოლოდ, სავლეს განთქმული ნითელი ქოჩორი, მეხამრიდით სიმალლეზე რომ იდგა ყოველთვის და სისხლგამშრალი პატრონი ვერც მარჯვნივ გადაანვენდა და ვერც მარცხნივ, მომტყდარა, მოთვინიერებულა, მორბილებულა „რიჟა სავლეს“ ქოჩორი. ცოტა არ იყოს, შეშავებულა კიდევ სიბერისკენ.

მასპინძელმა კითხვა დაამთავრა, ხელები ნიკაპქვემ ამოიდო და ეზეკის მიაჩერდა, მოსულიც თვალეებში შესცქეროდა და ახლა მინისაგან გადიდებული, ნაქისფერი თვალეების მეტს ვერაფერს ხედავდა.

– ეზეკი, რა ამბავია შენს თავს? – ეუცხოვა ეს ხმა სტუმარს, სავლე თითქოსდა სხვისი ხმით ესიტყვებოდა.

– არ ვიცი? – კითხვა შეუბრუნა ეზეკიმ, თუმცა, როგორ არ იცოდა, მშვენივრად იცოდა, რისთვის უხმო დირექტორმა.

– ეზეკი, ჩვენ სერიოზულად უნდა მოვილაპარაკოთ. – სავლემ მაგიდას შემოუარა და წინ დაუჯდა.

– კი, ბატონო.

– არ გინდა, არ გჭირდება ეს ამბავი, ეზეკი, შენ, არ არის ახლა იმის დრო.

– რისი დრო? – ეზეკიმ გაიფიქრა. მთლად ხომ არ გავი-
აბდლე თავიო.

– ვილაპარაკოთ გულახდილად, თუ ძმა ხარ. მიამიტობის
თამაში მინდა ახლა მე?

– პირდაპირ მითხარი, რაშია საქმე და მეც პირდაპირ გაგ-
ცემ პასუხს.

– საამქროს კრებაზე გამოსულხარ, – პაუზის შემდეგ ამოლ-
ერლა სავლემ.

– გამოვედი.

– მერე? – სავლემ სიგარეტს თავი მოუსრისა და ასანთი
გაატკაცუნა.

– რა მერე?

– სწორად მოიქეცი?

ეზეკის გაეცინა.

– ორმოცდაათი წლის კაცი ვარ, სავლე, მე და, პირველად
ვთქვი სიმართლე.

– როგორ ამბობ მაგას, არ გრცხვენია მაინც? აბა, დაფიქრ-
დი. ორმოცდაათი წლის კაცი აქამდე სიცრუით ვცხოვრობ-
დიო, ეს გინდოდა გეთქვა? მერე არ იმასხარავებ შენს თავს
ამით, წყალში არ ყრი მთელს შენს ნამოქმედარს? არის ახლა
ამის საჭიროება?

– სავლე, სწორად გამიგე, თუ ძმა ხარ, მე ვილაცხას კი არ
ვბაძავ, რასაც ჩემი სინდისი მკარნახობს იმას ვაკეთებ.

– თავი დავანებოთ იმას, რომ მართალი არა ხარ. როგორ
ფიქრობ, დაგვიანებული არ არის? ახლა რომ აკვინტილდი,
შენ არ იყავი, მთელი ცხოვრება ამას, ამას და ამას ტაშს
რომ უკრავდიო, არ გეტყვიან? ახლა რა ბზიკმა გიკბინაო, არ
გეტყვიან? მთელ შენს ცხოვრებას არ დაგიდებენ მაგალითად?

– ვინ მეტყვის?

– ვისაც ახლა ვითომ ექომაგები, ვისთვისაც ახლა გმირო-
ბანას თამაშობ.

– მე არაფერს არ ვთამაშობ, კიდეც გიმეორებ, სავლე ჩემო.
მეტი ველარ გაუძელი, ზოგი შეიძლება ისე მოკვდეს, ერთხ-
ელაც არ წამოსცდეს სიმართლე.

სავლემ იგრძნო, რომ იმ „ზოგიდან“ დირექტორამდე ერთი
ნაბიჯი იყო და ხმას დაუყვავა.

– ჩემზე სულ აღარ ფიქრობ?

– შენ რა გიჭირს?

– არ იცი ვითომ. შენ ერთი უფროსი გყავარ, ბიჭო, მე, –
შენი კურსის ამხანაგი – და მე ათასი უფროსი მყავს.

– ნუ მამადლი, თუ ძმა ხარ. შენ თვითონ რომ არ გდომე-
ბოდა დირექტორობა, კალთას არავინ დაგახევდა, ნუ გეშინია.

– მაგას არ გეუბნები. ვინც შენ საამქროს კრებაზე ტაშს გი-
კრავდა, სწორედ იმან დაგასმინა ჩემთან და ის წაიღებს ამბავს
ზევითაც.

– ატაროს და იყოს. მე ჩემი სიმართლე მაქვს. ამ სიმართლეს
გულში შენც ეთანხმები და ზევითაც ბევრი მიჭერს მხარს.

– მით უმეტეს, ეზეკი, თუ თვითონვე იცი, ახალს რომ
არაფერს ამბობ და ჩვენც მაგ აზრის ვართ, რატომ იგდებ
თავს საფრთხეში და რატომ გვაგდებ უხერხულ დღეში?

– რა მოგივიდათ, რაშია საქმე? იქცევა ქვეყანა? რამ შე-
გაშინათ ასე. როდის იყო ეზეკი ბარდაველიძის სიტყვა ასე
გაშინებდათ? ვიტყვი ხვალ ჩემს სიტყვას. მერე გამოვლენ და
გამაკრიტიკებენ. შეაჯამებ შენ კრებას, იტყვი, ცდება, ამხ-
ანაგებო, ეზეკი ბარდაველიძეო. დაინერება ოქმი და გათავდა.
შეიძლება უკეთესიც იყოს. ამხელა კრებაზე ერთს განსხვავე-
ბული აზრი ჰქონიაო, იტყვიან. სირცხვილია, სავლე, ამდენი
წლის განმავლობაში ყველა ერთნაირად ვფიქრობდეთ, ერთ-
ნაირად მოგვწონდეს, ერთნაირად გვიხაროდეს.

– რატომ გინდა წამოგესიოს ჩემიანად ეს ამდენი კაცი და
არ ხარ მართალიო, გიძახონ?!

ეზეკიმ გაზეთი გაშალა, სათაურებს თვალთ გადაურბინა
და ოთხად გაკეცა.

– შენ ჩემი დარდი კი არ განუხებს, იმის გეშინია, რომ მართალი ვარ.

– დავუშვით, ასეა.

– არც იმის ჯავრი გკლავს, რომ საყვედურს გეტყვიან, საამქროს უფროსი წინამასწარა გყოლიაო.

– ჩემს თავს არ დავეძებ. აზრი რომ ჰქონდეს სასწორზე შენ შედგომას, პირველი მე გამოგყვებოდი.

– არ გინდა ახლა ჩემთან თხა თხაზე ნაკლების ქარაგმა. შენ ვერ გამომყვებოდი.

– რატომ გგონია, შენ იფიქრე პირველად იმაზე, რაც საამქროს კრებაზე გითქვამს?!

– სულაც არა გგონია, შენ მაღლა ხარ და ჩემზე უკეთ ხედავ, რაც ხდება მაგრამ... ხომ გაგიგონია, „ქოფაკმა ძაღლმაც კაი ძებნა იცის, მაგრამ ცხვირში ეკალი ეჯავრებაო“.

– მაგით რა გინდა თქვა?

– შენ შენს სკამს გაუფრთხილდები.

– ეშმაკს წაუღია სკამი. მე შენ გიფრთხილდები ეზეკი, და...

– სავლემ ღრმად ჩაისუნთქა, – ჩემ თავსაც.

– ჩემი გაფრთხილებისთვის დიდი მადლობა. ნუ გეშინია, ბოლოს და ბოლოს მომხსნი და ეგ იქნება.

– შენს ცოლ-შვილს რა პასუხი გავცე?

– დღეს მშვიერი არავინ მოკვდება. გულის გასივებით კი ბევრი კვდება, იცოდე.

სავლე წამოდგა, ფანჯარასთან ზურგმექცევით დადგა, მერე ნერვიულად დაუბრუნდა თავის დირექტორულ სკამს და თქვა:

– ეზეკი, ხვალ არ გამოხვალ შენ კრებაზე.

– მაგის პირობას ვერ მოგცემ. – პასუხი არ დააყოვნა საამქროს უფროსმა.

– ეზეკი, შოლტი ისე უნდა მოიქნო, რომ შენვე არ მოგხვდესო.

– სწორედ მაგ სიფრთხილემ და შიშმა დაგვამონავა და დაგვაცვედნა ჩვენ.

– დაფიქრდი, ეზეკი, ცეცხლს ეთამაშები.

– მე საკმაოდ ვიფიქრე, მეტი აღარ შემიძლია. ხომ შეიძლება, მეტი აღარ შემეძლოს?!

– გითხრა, რამ შეგასხა ფრთები და რამ წაგათამამა?

– აბა? – ეზეკიმ თითები თითებში გაუყარა.

– ჩემმა დირექტორობამ. იცი, რომ მიყვარხარ და უკანასკნელ წუთამდე დაგიცავ.

– პირიქით, შენმა დირექტორობამ დიდხანს მაგუბებინა პირში წყალი.

– იცი, რისი იმედი გაქვს?

– რისი.

– შენ გგონია, იშხუვლებს მთელი კრება და ეზეკი მართალია! მართალიაო! ხელში აგიტაცებს. შენც არ მომიკვდე. ტაშს არავინ დაგიკრავს, ხალხი ისეა დამფრთხალი, რომ შენს მხარდასაჭერად არავინ გამოვა.

– ვიცი.

– მარტო დარჩები, იცოდე.

– შეიძლება დღეს მარტო დავრჩე, მაგრამ თავის გულში ყველას ეცოდინება, მართალი რომ ვიყავი და ამ ეტაპზე ესეც საკმარისია.

– ეზეკი, – სავლე უკანასკნელ იმედს ჩაებლაუჭა.

– გისმენ.

– შენთვის ხომ არაფერი მითხოვია. გაიხსენე აბა, ამ ოცი წლის განმავლობაში კარგის მეტი რამე გამიკეთებია?

– ??

– ნუ გამოხვალ ხვალ კრებაზე, სულ ნუ მოხვალ. ვითომ არ იცოდე. ვითომ ეს კრება არც ყოფილა.

– ჩემი თავი შემძულდება, ასე რომ მოვიქცე და დრო რომ გავა, შენც შეგზიზღდები.

– დამიჯერე, ეზეკი, არაა ვაჟკაცობა, რასაც შენ აკეთებ.

– მერე ვინ გითხრა, რომ ვაჟკაცობაზე ვდებ თავს? სავლე, რატომ არ გინდა გაიგო. დავიღალე, სხვანაირად აღარ შემიძლია.

– ახლა თუ ჯოხი ჩემზე გადატყდება, არც შენ დაგისვამენ ხვალ თავზე ხელს. დაფიქრდი კარგად და თითზე საკბენად არ გაიხადო საქმე.

ეზეკი წამოდგა, სკამი მაგიდისკენ შესწია და სავლეს დაღლილი ღიმით გაუღიმა.

– ბაბუაჩემი იტყოდა: ვირს რომ საპალნე მოუნდება, ნისქვილში შეიხედავსო.

სავლემ ხელკავი გამოსდო და კართან ერთხელ კიდევ შეაჩერა.

– მქონდეს შენი იმედი?

– ყველაფერში.

– სიტყვა სიტყვაა, არ გამოხვალ ხვალ კრებაზე.

ეზეკის შეეცოდა ეს კაცი. საამქროს უფროსს შუბლზე ცივ-მა ოფლმა დაასხა.

– არ ვიცი, სავლე, ახლა ვერაფერს გეტყვი. ყოველ შეთხვევაში, მე შენთვის სიტყვა არ მომიცია. მე ჩემი გზა მაქვს და ნუ გადამიდგები წინ, თუ ძმა ხარ.

ეზეკი რომ გავიდა, დირექტორი დიდხანს იდგა კართან. მერე ნელა, კატის ნაბიჯით გაიარა თავისი კაბინეტი და სავარძელში მონყვევით ჩაეშვა.

კრება დასასრულს უახლოვდება.

ჯერჯერობით ყველაფერი მშვიდად მიდის.

წინასწარ გაფრთხილებული მოკამათენი სწორედ ისე გამოდიან, როგორც უნდა გამოდიოდნენ. ცალკეული უბნების შრომით მიღწევებზე ლაპარაკობენ, ხაზს უსვამენ თავიანთ წვლილს საერთო-სახალხო აღმავლობაში და ბოლოს თვითკრიტიკის წესით, ორიოდ უმნიშვნელო შენიშვნასაც მოაყოლებენ.

კრებამ კარგა ხანია ინტერესი დაკარგა „კამათისადმი“. ორ-ორად და სამ-სამად თავთავიანთ საქმეზე ლაპარაკობენ. კლუბში მილიონი ფუტკრის ზუზუნის ისმის.

ერთადერთი კაცია დარბაზში, რომელსაც მთელი კრების მანძილზე კისერი არ გაუტოკებია. თავალებული ზის მეოთხე რიგში (მარჯვნიდან მეშვიდე) და ყურადღებით უსმენს გამომსვლელთ. ეს კაცი ეზეკი გახლავთ.

დირექტორი ხანდახან შიშით გაიხედავს მისკენ, მაგრამ საამქროს უფროსის გაქვავებულ სახეზე ვერაფერს ატყობს.

„არ გამოვა. რასაკვირველია, არ გამოვა. ალბათ საამქროს კრებაზე გამოსვლასაც ნანობს. მეც კარგად ველაპარაკე. ასე უნდა, უნდა ჩააფიქრო კაცი. გუშინლამ აწონ-დაწონა ალბათ

ყველაფერი და მიხვდა, რომ სისულელეა, რასაც ფიქრობს. ჩემი დარდიც რომ არ ჰქონდეს, თავისი ცოლ-შვილის ხათრი ხომ ექნება. თავის მომავალზეც ფიქრობს. ასე ადვილი არაა გაბედავა. ჩვენ ათასი ჯაჭვით ვართ მიბმული ჩვენს ყოველდღიურობაზე. ეტყობა, ეზეკის სურდა ყურადღება მიექცია და მიიქცია კიდევ. თავისი მიზანი შეასრულა, ხალხი ალაპარაკა. ხალხს თავი შეახსენა. მისთვის ესეც საკმარისია. ცნობილია ჩვენთვის ეს ხერხი – ეს უმარტივესი ავანტიურული ნაბიჯია, რომ ანგარიშს გინევდნენ და შენი რიდი ჰქონდეთ.

დაფიქრდა ალბათ ნუხელ და დაასკვნა, რომ მარტოა. იცის, ჩიტი ცალი ფრთით რომ ვერ გაფრინდება. იქნებ არც აპირებდა დღეს კრებაზე გამოსვლას და ზედმეტი სიფრთხილე გამოვიჩინე? არა, არა, სიფრთხილეს თავი არა სტკივა, მაინც, რაც უნდა იყოს, საკუთარ გულში ჩავახედე. ცოტა დავაშინე კიდევ მგონი. ესეც საჭირო იყო“...

თავმჯდომარე ნამოდგა და გამოაცხადა:

– ამხანაგებო, კამათში ჩაწერილი იყო ცხრა ამხანაგი. გამოვიდა ცხრა. არის წინადადება შეწყდეს კამათი!

თავმჯდომარის ამ წინადადებას კრება სიამოვნებით დაეთანხმა.

და უეცრად დარბაზი შეჩოჩოლდა, დირექტორს ელდა ეცა და ყურმა შუილი დაუწყო.

„ახლა რაღა დროსია, კრება უკვე დამთავრდა, რაღა დროს სიტყვაა, გაგიჟდა?!“

ეზეკიმ ღრმად ჩაისუნთქა და გასუსულ დარბაზს თვალი მოავლო:

– თუ შეიძლება, სიტყვა მაქვს განცხადებისათვის.

ახლა ყველაფერი თავიდან დაიწყება.

ალალი

ვინ მითხრა, კი აღარ მახსოვს, მგონი, შენ მითხარი: მთელი ცხოვრება ყველასთან მართალი თუ ილაპარაკე, შენზე სანყალი არავინ იქნება დუნიაზეო. ხანდახან სიცრუეც უხდება საქმესო. რა ვიცი, შენი ჭირიმე, მე არ გამომდის მაგ ჭკუაზე სიარული. მაშინ ტყუილსაც ისე უნდა ხმარობდე ხანჯლად, როგორც მართალს. მთელი ცხოვრება ბენვის ხიდზე უნდა იარო და ან გაგიმართლებს, ან არა. ათასნაირი უნარის კაცი იბადება ამ ქვეყანაზე. ზოგიერთი უდაბნოში ქვიძას გაყიდის და ზოგის ბამბაც ჩხრიალებს. წარმოიდგინე, ერთ მშვენიერ დღეს ყველანი გულწრფელნი ვიყოთ, ყველამ სიმართლით გავზომოთ და გავჭრათ. პირში ვუთხრათ ერთმანეთს, ვისაც რა ეკუთვნის, მტრისას, ქვეყანა აირევა. ადამიანს ძილი და მოსვენება დაეკარგება. მეორედ მოსვლა რასაც ჰქვია, ის დადგება სწორედ. რამდენი საუკუნე დაჭირდა გამოქვაბულის კაცს, თავის გრძნობების შენიღბვა და ტყუილი რომ ესწავლა. სიცრუე კულტურული ადამიანის თვისებაა, თორემ ველური, გამიგონია, რომ მოკლა, ტყუილს ვერ გეტყვისო. არ შეუძლია, მის ტვინში არაა სიცრუის ადგილი და რა გინდა უთხრა. მე ან ძალიან ადრე ვარ დაბადებული, ან ძალიან გვიან. არ დამიჯერებ, არ გამომდის, სხვა ვიფიქრო და სხვა ვილაპარაკო. იმნუთას შემეტყობა. რა ვიცი, იმ ჩემი ცოდვით სავსე მამაჩემმა გამზარდა ასე თუ ასეთად გავჩნდი ქვეყანაზე. ასე მგონია, თუ რამე ვიეშმაკე, მთელი დუნია გაიგებს-მეთქი, ახლა გამიჩნდა ეჭვის ჭია, თორემ ყოველთვის ყველასი მჯეროდა. რანაირად შეიძლება-მეთქი, ვამბობდი, კაცი თვალეში გიყურებდეს და გატყუებდეს-მეთქი. ისე, გულუბრყვილოდ და სულელურად მონათლავენ, თორემ, კაცი ის უნდა იყო, რაც ხარ. რატომ უნდა ითვლებოდეს ნამეტანი გულწრფელობა სიმტყერედ? ერთ პატარა ამბავს მოგიყვები. ერთხელ ვიცრუე ჩემს ცხოვრებაში და რა დამემართა: მწყრის ხეზე შეჯდომისა არ იყოს. მომე-

წონე რალაც ამ ხალხში და გიყვები, თორემ რა მოსაყოლია. შენ მაინც არ დამცინო, თუ ძმა ხარ.

საქარიაში მიწისძვრა რომ მოხდა, ჩვენი საპროექტო ინსტიტუტიდან მე მიმავლინეს. მართლა დიდი საქმე გაკეთდა მაშინ. მთელი ქვეყნიდან დაიძრნენ სპეციალისტები, რომ ამ უძველესი და კოპნია ქალაქისათვის ეშველათ. ნახევრად დანგრეულ სასტუმროში ვცხოვრობდით. ვის არ შეხვდებოდით ჩამოსულთაგან – მშენებელი ინჟინერი, არქიტექტორი, სეისმოლოგები ხომ იყვნენ და იყვნენ, ექიმი, ბულალტერი, კალატოზი თუ დურგალი. ერთი სიტყვით, ვის როგორ შეეძლო, ისე გაუწოდა საქარიას ხელი.

ჰო, ჩემო ბატონო და, მე აბანოს დაპროექტება დამავალეს. არ დამიჯერებ და, მართლა გულით მოვეკიდე. მინდოდა, ისეთი აბანო გამეკეთებინა, თან აღმოსავლურიც ყოფილიყო და მიწისძვრისთვისაც გაეძლო. სასტუმროში ვიჯექი და დღე და ღამეს ვასწორებდი. ჩვენი კაცის სიგლახის ამბავი მოგეხსენება, სამ დღეს რომ მონყდება ცოლ-შვილს, სამოთხეშიც რომ იყოს, შინისკენ მოუწევს გული. თანაც ამ უსახლკაროდ დარჩენილ ხალხს რომ ვხედავდი, ასე მეგონა, არც ჩვენს ქალაქს ადგას კაი დღე-მეთქი და მთელი ღამე, რა ჯანდაბამ შემეყვარა არ ვიცი, დანგრეული ლომბარდი მეჩვენებოდა. ვითომ მიწისძვრა მომხდარა ქუთაისში, ლომბარდი დაუშვია ძირს, გარბი-გამორბის ხალხი. ვინც რას წაენევა, მოჰკიდებს ხელს და მიაქვს. არ გრცხვენიათ?! – ვყვირი სიზმარში, – სად მიგაქვთ ეს სხვისი ქონება! კაცმა ლომბარდში იმიტომ მიიტანა, რომ უჭირდა. ასე უნდა დაეცეთ და დაგლახავდეთ-მეთქი? – ვინ მისმენს. მიაქვს და მიაქვს ხალხს მთელი ლომბარდი. ა, ამნაირ სიზმარს ვხედავდი ყოველღამე. სიზმარიც რომ უბედური ვიცი, კაცური რამე დამსიზმრებოდა, კაცურ საქმეზე მეგლიჯა სიზმარში ნერვები. ლომბარდს გადაუშენდა მომგონი. არ გამიხდა საპატრონო და სათავცემო ორი ათასი კილომეტრიდან?

მოკლედ, ღამე ამნაირ სიზმარს ვხედავ, დღე აბანოს პროექტზე ვმუშაობ და, რა დაგიმალო, თვალი გაქცევაზე მიჭირავს. მითხრეს, ჩაგვაბარე ეს პროექტი და გაგიშვებოთ. რა

დასამალია და, ცოტა არ იყოს, მიწისძვრისაც ქე მეშინია. რომ გაიმეოროს? ჭკუა დაუშლის თუ რაი. შუა ოთახში ვწვებოდი, ასე მასწავლეს, თუ მთლად არ დაინგრა ქვეყანა, ვინც შუა ოთახში წევს, გადარჩებაო. კაცმა კაცის ძვირი რატომ თქვაო. როგორ არ ვთქვა, თუ კაცი ხარ, ერთმა ჟურნალისტმა რომ თავი შეირცხვინა მაშინ. ქალაქი ნახევრად დანგრეულია, ტრანსპორტი არ მოძრაობს, სინათლე არ არის, ხალხი ქალაქგარეთ კარვებში ცხოვრობს და საღამოს გაზეთში წაიკითხავდი: – მიწისძვრამ საქარია უმნიშვნელოდ დააზიანაო, მშრომელთა სურვილით აღმასკომმა ნება დართო მოქალაქეებს, ქალაქგარეთ კარვებში იცხოვრონო. ეს კიდევ არაფერი, ახლა გეტყვით სასწაულს: კაცმა რომ თქვას, სასიამოვნოც კია ზაფხულის ცხელ დღეებში ქალაქგარეთ გრილ კარავში ცხოვრებაო. აბა ეს სისულელე არ არის? რა მოგივიდა, შე კაი კაცო, თქვი მართალი. ვის უხვევ თვალს: შენი ბრალი ხომ არ არის – ქალაქი მიწისძვრამ დააზიანა. სტიქიას რაღას ერიდები? რატომ გინდა, შენთვის სტიქია კეთილთვისებიანი იყოს და სხვისთვის უბედურების მომტანი. ქალაქგარეთ კარავში ცხოვრება კაია, ექსკურსიაზე რომ ხარ ორი დღით წასული, თორემ, როცა სახლი დანგრეული გაქვს, მომაკვდავი სიდედრი შეზლონგზე გინევს, შენი საყვარელი კატა უგზოუკვლოდ გადაიკარგა და ტაბურეტის სკამზე პირსაც იპარსავ და სადილობ კიდევ – მე მგონია (არ ვიცი, შეიძლება ვცდები), სასიამოვნო და გადასარევი ასეთ ყოფაში არაფერი უნდა იყოს.

რალა გავაგრძელო, ოთხი დღის ჩამოსული ვარ საქარიაში და ასე, ახალშელამებულზე, ვილაცამ დამიკაკუნა. ვის გავახსენდი, მე ვთქვი, ამ უცხო ქალაქში. გავაღე, წვრილთვალებიანი და ბრტყელსახიანი კაფანდარა კაცი დგას. მაგათ წლები ძნელად ეტყობათ, მაგრამ, ჩემი ჭკუით, ასე, ორმოცის უნდა იყოს. თეთრ კბილებს აელვებს და დამტვრეულ რუსულს ლაპარაკობს.

– ქართველი ბრძანდებით?

თავი დავუქნიე.

– თუ შეიძლება, შემოვალ ცოტა ხანს. – თან ისე უხერხუ-

ლად და სანყლად გაიღიმა, გეგონება, ისეთი რამ მთხოვა, რის შესრულებასაც ჩემი ნახევარი ქონება მაინც დასჭირდებოდა.

– მობრძანდით.

მადლობა გადამიხადა. კუთხეშივე კონწიალა სკამზე ჩამოჯდა და ერთხელ კიდევ გამიღიმა. ერთი გლახა თვისება გვაქვს, თუ დაუპატიჟებლად ვინმემ მოგვაკითხა და ისიც ასე შორს, ჩვენ გვეგონია, მაინცდამაინც არაყზეა მოსული. ამ გუმანმა ბევრჯერ სწორად მიმახვედრა, მაგრამ ახლა შემარცხვინა. ქუთაისიდან წაღებული ანწლის არაყი მქონდა. მე თვითონ არაყი წამლადაც არ მინდა, ასე შემოვა ვილაცა და დავალე-ვინებ-მეთქი. გავუვსე ჩაის ჭიქა და გავუნოდე – უგაშჩაიტეს-მეთქი. შენ არ მომიკვდე, არ დალია. წვეთს არ ვსვამო, არც არაყს, არც ღვინოს, ვერაფრით ვერ მივეჩვიე, გემოს ვერ ვიტანო. რა ასმევს ხალხს ამ საძაგლობას, ზოგიერთს სული რომ მისდის შიგო. ჭიქა დავდგი და ცნობისმოყვარე ბავშვივით მივაჩერდი. რაზე შემოვიდა, რა უნდა აბა, თუ არაყს არ სვამს – ვფიქრობ. ასე მაქვს ტვინი უკუღმართად აწყობილი, თორემ რა მოხდა. კაცს კაცთან მუსაიფი უნდა და შემოვიდა. მაინც-დამაინც საქმეზე უნდა შემოსულიყო? შემრცხვა, სიმართლე გითხრა, შემოსვლისთანავე არაყი რომ ვაჯახე. არ ვართ, არა, უცხო კაცთან ყოველთვის სწორი. მანსური მქვიაო, ყაზანელი თათარი ვარო, კალატოზი. თქვენსავით მეც მივლინებაში ვარ და ამ რიგზე თქვენგან მესამე, №321 ოთახში ვცხოვრობო. ჩემი ოთახი №318 იყო.

ერთი სიტყვით, იმ ღამეს კაი გვიანობამდე ვიმუსაიფეთ. თავისი მითხრა, მე ჩემი ვუთხარი. მშვენიერი მოსაუბრე კაცი ჩანდა, სხვათა შორის. მეორე დღეს, ასე ექვს საათზე მომიკაკუნა და კარებშივე მკითხა, ბუღბუღლის გალობა თუ გიყვართო.

ჩემთვის ასეთი შეკითხვა არავის დაუსვამს. საერთოდ, არ მგონია, მოიძებნოს სადმე კაცი, რომელიც ხელიდან გაუშვებს მისი მუსიკალურობის და რომანტიკულობის დამტკიცების საშუალებას და განაცხადებს, ბუღბუღლის გალობას ვერ ვიტანო.

ვგიჟდები-მეთქი.

აბა, რაკი თქვენ გყვარებით, აქ ახლო პარკია. პარკის ბოლოში წალაა, რომელსაც ბულბულების წალას ეძახიან, წამოდი, თუ კაცი ხარ და, ერთად დავტყბეთ ბულბულის გალობითო.

რას ეტყვი. კაცი ბულბულების წალაში გეპატიჟება... მივატოვე ჩემი პროექტი და გავყევი.

კალატოზი უძახე შენ, ხელები იმ ოჯახაშნებულს ნიჩბებით ჰქონდა, მაგრამ ბულბულის გალობის გიჟი ყოფილა, ვიფიქრებდი ოდესმე? ორი საათი გატრუნული იჯდა მორზე და უსმენდა. მეც მსიამოვნებდა, რად უნდა ლაპარაკი, მაგრამ ორი საათის მოსასმენი არაფერი მგონია ბულბულის გალობაში. მით უმეტეს, რომ სულ ოთხნაირი მელოდია აქვს ბულბულს და გაფუჭებული პატეფონით იმეორებს ერთსა და იმავეს. მე იმდენად ბულბულის გალობამ კი არ გამაოცა, არამედ სიმშვიდემ, ირგვლივ რომ იდგა. წალაში ისეთი სიწყნარე იყო და იმგვარი იდილია სუფევდა, თითქოს მიწისძვრა კი არა, წვიმაც არასოდეს მოსულიყოს ამ შემოგარენში.

ყოველდღე დათქმულივით მაკითხავს ექვს საათზე მანსური და ბულბულების წალაში მივყავარ. პატივს გცემს კაცი, უნდა რაღაცით გასიამოვნოს, რა სჯობია ამას, მაგრამ ჩემი საქმე, გითხარი, მისი არ იყოს, სხვანაირადაა. ბულბულის მოსასმენად მცალია? პროექტი საჩქაროდ უნდა დავამთავრო და მოვუსვა სახლში, დანგრეული ლომბარდი ღამით მოსვენებას არ მაძლევს.

დღე თათბირზე ვართ, საღამოსკენ გამოვიქცევი სახლში და მოვიმარჯვებ თუ არა სახაზავს, მანსური დამიკაკუნებს. ბულბულის გალობა ყელში ამომივიდა, მაგრამ რაკი შევტოპე, უკან ველარ ვიხევე, მრცხვენია.

ბოლოს გადავწყვიტე, ყელს შევიხვევ და რომ მოვა, ვეტყვი, ავად გავხდი და დღეს უჩემოდ მოგიწევს ბულბულთა კონცერტის მოსმენა-მეთქი.

ასეც მოვიქეცი.

კარი რომ გავუღე და ყელშეხვეული დამინახა, ნახდა კაცი, ფერი ეცვალა; რა მოგივიდა, გუშინ მშვენივრად იყავი და ასე უცებ რა ქვა გეცაო.

მგონი ანგინა მაქვს-მეთქი.

ხელი მომკიდა, სკამზე დამსვა, სინათლე აანთო, პირი გააღეო, მთხოვა და ყელში ჩამხედა, ნათურა ოდნავ ბუუტავდა და ვერაფერი დაინახა, შენუხდა, თავი გადააქნია.

შენთვის მუშაობა არ შეიძლება, წამოწევი, ახლავე მოვალო, – მითხრა და სახაზავი მოწყობილობა აალაგა.

რა მიშავს, წადი, ჩემი გულისთვის საქმეს ნუ მოცდები, მაინცდამაინც არ მტკივა, წავიმუშავე და გამივლის-მეთქი.

როგორ გეკადრება, ანგინას ნუ ეხუმრები შენო, დასაწყისში არაფერია, მერე იცის გამწარებაო. – დააგლო სიტყვა და გაიქცა.

ხუთ წუთში მობრუნდა, საჭმლის სოდა და სტრეპტოციდი შემომირბენინა. ერთი კოვზი სოდა ერთ ჭიქა ადუღებულ წყალში გახსენი და გამოივლეო. სტრეპტოციდი დალეჭე და პირში ცოტა ხანს გქონდესო.

სასტუმროში ადუღებული წყალი არ აღმოჩნდა, გაიქცა და რესტორნიდან მოარბენინა.

ციბრუტით ტრიალებსო, რომ იტყვიან, ისე იქცევა.

ასე დედა არ მოგივლის, მე რომ მან მომიარა.

მეგონა, ჩემს ავადმყოფობას უცდიდა, თავისი კაიკაცობა რომ გამოეჩინა-მეთქი.

დანეკი და საბანი დაიფარეო, – მეხვეწება, მე ჭირვეული ბავშვივით ვჯიუტობ, ასე მირჩვენია-მეთქი.

ერთი გავარდნა კიდევ გავარდა და რომ დაბრუნდა, მუჭი სავსე ჰქონდა ტაბლეტებით.

ჯერ ეს დალიე, მერე ეს და მერე ესო.

შავ დღეში ჩავვარდი.

წამლით გაჭყეპვა მინდა ამ საღ-საღამათ კაცს? აბაზანაში შევედი და ორი აბი წყალში ჩავუშვი, რამდენიმე ტაბლეტს ბალიშქვეშ მოვუძებნე ადგილი.

არ გაუვლია ნახევარ საათს, მნახველებმა დაიწყეს დენა.

როგორაა ჩვენი ავადმყოფიო, ხომ არაფერი გჭირდებათო, ერთმა თქვა, გაცივებული იქნებით და მდოგვის საფენები მოგიხდებათო.

მანსური კარგი ჭირისუფალივით იქცევა. მნახველებს კარს უღებს, სკამს აწოდებს, მადლობას უხდის.

ეს რა ვქენი, რა კლოუნადა გავითამაშე, რა ეშველება ამ საქმეს.

ჯერ რვა საათიც არ არის, ჩემი მკურნალობა თუ ასე პროგრესულად წარიმართა, შეიძლება ხვალ დილით საავადმყოფოში ამოვყო თავი.

მნახველები რომ გააცილა, მანსურმა საათზე დაიხედა, გავარდები, ექიმს მოვიყვან, ახლა სამსახურიდან მოსული იქნებაო.

სიტყვით რომ ვერა გავანყე, ლოგინიდან წამოვხტი, ყელსახვევი მოვიგლიჯე, ფეხზე ჩავიცვი და მანსურს კატეგორიულად განვუცხადე, ბულბულების ქალაში წავიდეთ-მეთქი.

პირდაღებული მომჩერებოდა.

რას უდგებარ, წავიდეთ, დაღამდება, ველარ მივუსწრებთ-მეთქი.

თავი გააქნია, შენტვის ახლა არაფრით არ შეიძლება, გაცივდებიო.

ვდგავარ და ვეხვეწები. რას არ დავპირდი, ოღონდ წამყოლოდა. ბოლოს, როგორც იქნა, დავითანხმე, ერთი პირობით – ყელი მაინც შემახვევინა.

სამი-ოთხი დღე კიდევ მეკითხებოდნენ მეზობლები, ყელი როგორა გაქვთო, მერე, რაკი ზეზე მხედავდნენ, დამშვიდდნენ და შეკითხვები შეწყვიტეს.

ბულბულების ქალაში კი კვლავინდებურად დავდიოდით მე და მანსური.



დალაქი

ყინულის თვალუნვდენელ მინდორზე ერთადერთი შავი წერტილი მოჩანს. თვალმა იქით გამიტყუა. ორი დღის წინ მინსკის ზღვა ლურჯად ლივლივებდა. გუშინ საღამოთი მოუჭირა ყინვამ და ნაპირები შეუთეთრა. არ მეგონა ერთ ღამეში ყინული თუ დაფარავდა ამოდენა წყალს. კაშკაშა მზეზე თვალისმომჭრელად ეღვარებს თოვლი. ჰორიზონტზე ეულად მოჩანს ბუზისტოლა შავი წერტილი. რა უნდა იყოს? ჯერ გაუბედავად შევდგი მინდორზე ფეხი. ყინულის სიმაგრეში დასარწმუნებლად ერთი ორჯერ შევხტი კიდევ, მერე საყელო ავინიე და წავედი.

გივლიათ ყინულის ზღვაზე?

თხელი ფიფქით დაფარულ ყინულზე ფეხი გისხლტებათ, ქარი ყურებში წივის. სიცვიემ კრიჭა შეგიკრათ, ირგვლივ გაქვავებული ტალღები და წყალქვეშა დინებებით ალაგ-ალაგ დახაზული ყინულის ველი ჩანს.

დაახლოებით ერთი კილომეტრი რომ გავიარე, შავი წერტილი ხის კუნძად მომეჩვენა და უკან დაბრუნებას ვაპირებდი, ცოტაც და, დავრწმუნდი, რომ ყინულზე კაცი იჯდა. ახლა ნათლად ვხედავ ბრეზენტის ზურგს, ხელებსაც ამოძრავებს. კი, ნამდვილად მეთევზეა.

თავზე რომ წავადექი, მხოლოდ მაშინ გამომხედა, საღამზე ისე უგემურად მიპასუხა, თითქოს გული ჰქონდა ცნობისმოყვარეთაგან განწყალებული ამ უკაცრიელ ველზე.

– რალაც ხასიათზე ვერა ხართ, არ მოდის? – ვკითხე და ჩვარგადაფარებულ ბადურასთან ჩავიმუხლე.

ბადურა თოვლზე გადმოაპირქვავა, ხუთიოდე ციცქნა სვია ასხმარტალდა ყინულზე.

– ა, ესაა ჩემი ნადავლი. არ ეკარება. ახალი ყინულია და არც ღირს ჯერ თევზაობა.

– ახალი ყინული?

– ჯერჯერობით სიღრმეებს არჩევს თევზი. მოშივდება და ამოვა. ანკესიც არ მივარგა. უნდა გამოვცვალო, დაჟანგულა. თოვლზე რაღაცას ძებნა დაუნყო.

– სადღაც აქ დავაგდე, ანკესი გამიტეხა ლოქომ. თევზი რომ გატეხავს, ის ანკესი ანკესია? ჟანგმა შეჭამა.

– რა იცით, რომ მაინცდამაინც ლოქომ გაგიტეხათ?

ამხედ-დამხედა, ეტყობა შემატყო, რომ თევზის ჭერისა ბევრი არა გამეგებოდა რა.

– ანკესს მხოლოდ ლოქო ტეხავს. თუ მომცრო ლოქოა, კბილებით დაუნყებს ჯაჯგურს. მაგარი კბილები აქვს. სვია და ორავული უკანმოუხედავად ყლაპავენ, ანკესი ლაყურების ნაცვლად ხშირად კუჭში აღმოაჩნდებათ და თუ მუცელზე არ გაჭერი, ვერასდობებით ვერ ამოაცლი.

პკეს რომ ამოხაპავს ჩვენებური კაცი, ისე მოაშორა ჭურისთავისხელა ორმოებს ყინულის საბურველი. ხაპი გვერდზე მიაგდო, პლასტმასის ტარს დანვდა, შიშველი ანკესი მიჩვენა და გაიცინა.

– თევზი რომ თევზია, ნახე, როგორ გაემაკდა? ანკესს როდი ყლაპავს, ჭიას ციცქნის და კარგად მეყოლე. ჩემ გარდა ყველამ რაღაც გამოსავალი ნახა. რაღაცა მულამს მიაგნო ცხოვრებაში.

– სომეხი ხარ?

– ქართველი.

– იცი, რატომ გკითხე? – როგორც იქნა, ჩამოაცვა ანკესს ჭია და ხაპს დასწვდა, – ყინულის სარქველი ყოველ წუთს თუ არ ავაცალე, გამაგრდება და სახათაბალო გახდება. ახლა რამდენი გრადუსი იქნება? რადიოსთვის ხომ არ მოგისმენია?

– მინსკში თხუთმეტიანო, ამ დილით გამოაცხადა.

– აქ მეტი იქნება. მინსკში თხუთმეტი როცაა, აქ თვრამეტი მაინც არის. თვრამეტი გრადუსი ამ გამლილ ზღვაზე არაა ხუმრობა. მეც არა ვთქვი? მუხლმა ტეხა დამინყო. მე რომ მუხლი ტეხას დამინყებს, ყინვა თხუთმეტს გადაშორებულია.

ბადურას გაზეთი გადააფარა და ჩემკენ გამოაჩოჩა.

– დაბრძანდით.

– გმადლობთ, არა მიშავს, – თავპატიჟი გავიდე.

– დაჯექი, თორემ ქარი წაგვართმევს გაზეთს! – ბადურაზე დავემვი და ყინულზე დაყრილი თევზების მოგროვება დავინწყე.

– მინსკში პირველად ხართ?

– პირველად.

– ცუდ დროს კი ჩამოსულხართ. ახლა ძალიან ცივა, რა უნდა ნახოთ. ჩვენთან გაზაფხული იცის მშვენიერი. ახლა ყველაფერი მკვდარია, ყველაფერს სძინავს. მივლინებით ხართ?

– დიახ.

– მერე რაღა ამ „იუნოსტში“ გაჩერდით, ცენტრში სასტუმრო არ იყო?

– ეგ მართალია, – უეცრად თითქოს რაღაც გაახსენდაო, გამოცოცხლდა, – რას გეტყვით, იცით? იყიდეთ ხვალ ანკესები. მანეთ-ნახევარი ღირს ასეთი, სამთავა. არაა ძვირი. გამოდით და ითევზავეთ, დამიჯვრეთ, ნაღდი საქმეა, გულს გადააყოლებ კაცი, ავი ფიქრებისაგან გათავისუფლდები.

უეცრად დადუმდა და ყინულს დააჩერდა.

ბრეზენტის კაპიშონი ნიკაპიანად შეუკრავს, მარტო ყინვისაგან შეწითლებული ლოყები და პაჭუა ცხვირი მოუჩინა. ისედაც თეთრ წარბ-ულვაშზე ჭირხლი მოსდებია. ბრეზენტის მოსასხამს შიგნით დაბამბული შარვალ-სეროტუკი მოუჩინა. ფეხებზე თექის უშველებელი ჩექმები აცვია.

– ნელან რატომ გკითხეთ, იცით, სომეხი ხომ არ ბრძანდებით-მეთქი? ჩემთან სომეხი იბრძოდა ერთი. მეტყვიამფრქვევე. მკრტიჩიანი. ოქრო ბიჭი იყო. მთელი ომი ერთად გავიარეთ კურსკიდან დრეზდენამდე. ჩვენ ბერლინში არ შევსულვართ.

– დაილუპა?

– არა, ცოცხალია, დილიჟანში ცხოვრობს, იყო ჩემთან ამას წინათ. მეც ჩავედი შარშან, დამპატიჟა. თან გადამყვა.

– ბერლინში არ შევსულვართო, ბრძანეთ...

– ჰო, ჩვენ დრეზდენში მოგვიწია ომის დასასრულმა. მერე ათი თვე ნიურნბერგში ვიდექით და ნიურნბერგიდან შინ გაგვიშვეს.

– ყინულწყალი ამოხაპა და კანდამსკდარი ხელები სახელოებში შემალა.

– ხელთათმანი რატომ არ გიკეთიათ?

– ვერ ვეგუები. ვერ ვიტან. ახალგაზრდობაშიც არ მიტარებია. ხელთათმანი როცა მაცვია, ასე მქონია, ხელები ჩემი არ არის-მეთქი.

ჩემ ცხვირწინ ორმოში ტივტივა ათამაშდა. კაცი ანკესს დასწვდა და წამში შავზურგიანი ლოქო ასხმარტალდა ყინულზე. ორ მტკაველზე მეტი იქნებოდა.

– ოჰო, ჩავარდი, ლამაზო? – ბავშვივით გაიხარა – რას იზამ, ასეთია ცხოვრება. – პირიდან ანკესი გამოაცალა და ყინულზე მოისროლა, – კარგი ფეხი გქონიათ, – ახლა მე მომიბრუნდა. ანკესი ისევ გააწყობ და ხელები დაიორთქლა.

– ის ჩემი ძმაკაცი, მკრტიჩიანი-მეთქი რომ გითხარი, შვიდჯერ დაიჭრა. ორჯერ მე მივათრიე ჰოსპიტალში, იცინოდა, აი, ვის არ ეშინოდა სიკვდილის. ახლა ვასკვნი, თუ სიკვდილისა არ გეშინია, არა გიშავს. მთავარია, სიკვდილის შიში დათრგუნო. ჩვენი ასეული ორდენოსანია. სხვათა შორის, ოცდაათნილა დავრჩით. დათქმული გვაქვს და ყოველ წელიწადს ვიკრიბებით კურსკში. კურსკის ბრძოლაში ჩვენი ასეულიდან ორმოცდაათი დაიღუპა. შარშან და წელს არ წავსულვარ. მოსაწვევს და წერილს მიგზავნიან, მაგრამ არ მივდივარ. გული არ მიმინევს და მომკალი...

– რატომ?

– იცით, რა? ჯერ ერთი, პირველად რომ შევიკრიბეთ 1968 წელს, მართალია, ერთმანეთს ჩავეხვიეთ და ვიტირეთ, მაგრამ კმაყოფილი არც მაშინ დავრჩენილვარ. ჩემი ტალიკ-ტალიკა ბიჭების ნაცვლად ბებრებს შევხვდი. დაბერებულა ხალხი, კაცო. მე მათ არც ვიცნობდი. ისინი სულ სხვანი იყვნენ, მე კი ისევ იქა ვარ, იმ დღეებით ვცხოვრობ. ეს ყბადასივებული გამძლარი „ყოფილები“ გულს მტკენენ. მეორეც, ყოველ შეკრებაზე სიას წაგვიკითხავენ და გამოგვიცხადებენ, წინა შეკრებიდან ამ შეკრებამდე ჩვენს რიგებს ესა და ეს გამოაკლდაო. კარგი რა, დამანებე თავი. რას დამჩხავი ყვავევით. თითო-ოროლა ყოველ წელიწადს მიდის იმ ქვეყნად. ცეცხლის წვიმას გადაურჩა კაცი და აგერ თავის ლოგინში მშვიდად კვდება ინფარქტით, ჰიპერტონიით, კიბოთი. არ ვიცი, ბევრს სული მისდის, ზეიმზე ვიყავიო, ამაყად გამოგვიცხადებს. მე კი ამგვარი ზეიმ-შეხვედრე-

ბი ნაღველს მიშლის და აღრენილი ვბრუნდები შინ. ქვეყანა ჭრელია, მე ეტყობა, ასეთი კაცი ვარ, ამგვარი გავჩნდი და რას იზამ!

– თქვენ დაჭრილი არა ხართ? – ვთქვი და მაშინვე ვიგრძენი, რომ უადგილო შეკითხვა დავუღვი.

– არა, ვერ მოგატყუებ. არ დავჭრილვარ, იღბალია თუ რა, ვერ გეტყვი, ისე, მე ხელობის კაცი ვიყავი და წინა ხაზზე ყოფნა მაინცდამაინც არ მიწევდა.

– რა ხელობის?

– პარიკმახერი გახლავართ. დივიზიის პარიკმახერი ვიყავი და ღმერთმა გადამარჩინა თუ ჩემმა ხელობამ, რა ვიცი, სალსალამათი კი დავბრუნდი სახლში.

– მაშინ იქ იყავით?

– როდის?

– ნიურნბერგის პროცესი რომ მიმდინარეობდა.

თვალეები ეშმაკურად მონკუპა, თითქოს ღიმილი უკანვე ჩააბრუნაო, მიიხედ-მოიხედა, ხომ არავინ გვისმენსო, მერე ამხედ-დამხედა და მკითხა:

– რა მოხელე კაცი ბრძანდებით?

– მასწავლებელი ვარ.

– რას ასწავლით?

– ლიტერატურას.

– სად?

– უნივერსიტეტში.

– თბილისში?

– დიას.

– რატომ გკითხეთ, იცით? ერთ საიდუმლოს გაგანდობთ და, თუ კაცი ხარ, ჩვენ შორის დარჩეს. ეს ამბავი ჩემმა ახლობლებმაც არ იციან. არავის დაუშლია, არსად თქვაო, არავის უთქვამს, მაგრამ მე თვით მერცხვინებოდა ამ ამბის გამხელა. ახლა, რაც სიბერეში შევდივარ, არ მასვენებს. არ დაგიმაღავ, ერთ-ორს გაფუშნილე. ზოგმა არც დაიჯერა, რა ვქნა ახლა, ღმერთმა სიკეთე მისცეს, არ დაიჯერებს და ნუ დაიჯერებს. რა ვაჟკაცური საქმე კი ეს არის, რომ მოვიტყუილო. მისმენთ? თავი დავუქნიე.

– სამი დღის დაწყებული იყო ნიურნბერგის პროცესი. ჩვენი ასეული დრაიშტრასეზე იდგა. დაცვის სამსახურში ჩაგვყენეს. მე პოსტი არ მიწევდა და შედარებით თავისუფლად ვგრძობდი თავს. თუმცა საქმე თავზე საყრელად მქონდა. ომი დამთავრებული იყო და ჩვენი ბიჭების კოხტაპრუნობას საზღვარი არ ჰქონდა. ლამის ყოველდღე იპარსებოდნენ. დილის შვიდ საათზე გამაღვიძეს. სერჟანტი შემოვიდა; საპარადო ფორმა ჩაიცვი, ხელსაწყოები, რაც საუკეთესო გაქვს, წამოიღე, მანქანა გელოდება, დიდი ჩინის კაცის გაპარსვა მოგიწევსო. ათ წუთში მზად ვიყავი. სამართებელი არ მქონდა თუ რა. ახალთახალი გერმანული სამართებლებით სავსე მქონდა ჩანთა. ბიჭები თუ სადმე დანგრეულ საპარაკმახეროს წააწყდებოდნენ, მაკრატელ-სამართებლებს ჩემთან მოარბენინებდნენ. ჩამსვეს შავ „ემადინში“ და გამაქანეს. რა ვიცი, სად მივყავართ. ჩემი საქმე გასაგებია. ვილაც დიდი კაცი უნდა გავპარსო. სამხედრო პირებს არ უყვართ ტლიკინა და ცნობისმოყვარე კაცები. გრძელი დერეფანი რომ გავიარეთ, ლიფტით ქვემოთ ჩავემვით. რკინის გისოსებიან კარზე და ყოველ ხუთ მეტრზე მდგარ ავტომატიან ჯარისკაცებზე შევატყვე, რომ საპატიმროში მომიყვანეს. კომენდანტის ოთახში ხუთი კაცი დაგვხვდა, – ორი ჩემნაირი, ჩემოდნიანი პარაკმახერი. ერთ მათგანს ვიცნობდი, მეორე რუსი არ უნდა ყოფილიყო. კომენდანტი წამოდგა და ლამის ჩურჩულით გვითხრა: – სამხედრო ტყვეების გაპარსვა მოგიწევთ, მეგობრებო, თანაც საკმაოდ დიდ გვამებთან გექნებათ საქმე. იოლ დავალებას როდი გაძლევთ. ფხიზლად იყავით. პროვოკაციის საშიშროებაც არსებობს. „კლიენტები“ ხელს რომ ამოძრავებს, თქვენ მაშინვე წყვეტთ პარსვას და სამართებელს უკან მალავთ. ოთახში, რა თქმა უნდა, მარტო არ იქნებით. მაგრამ, გიმეორებთ, ისინი ძველი გაიძვერები არიან და შარში არ გაეხვიოთ. ტყვის დაშავების შემთხვევაში სიცოცხლით აგებთ პასუხს. ნერვები ხომ წესრიგში გაქვთ? გაფრთხილებთ, თქვენთვის ისინი ამჯერად ჩვეულებრივი „კლიენტები“ არიან და სხვა არაფერი.

მე პაპენის და ნოირატის გაპარსვა მომიწია. რომ არც ეთქვათ, მაინც ვიცნობდი ორივეს. პოლიტხელები ლექციების

კითხვისას ჰიტლერელთა მთავარი მხეცების სურათებს ხშირად გვიჩვენებდნენ. ყველაზე მძიმე წუთები იყო ჩემს ცხოვრებაში. იმ დღემ გამანახევრა კაცი. ჯერ ერთი, ვლელავდი, არ წამართვას სამართებელი და ყელში არ გამოისვას-მეთქი, შუბლზე ოფლი წურწურით ჩამომდიოდა. არც ერთ მათგანს ხმა არ ამოუღია. პაპენი შავნარბება, გამხდარი კაცი იყო. დოინჯშემოყრილი იჯდა და ჭერს შესცქეროდა. ხანდახან ნიკაპს მალლა სწევდა, მენმარებოდა, რაც შეეძლო. პარსვას რომ მოვრჩი და ოდეკოლონი ვასხურე, სახე დაეღმიჭა და ხელისგულები ერთმანეთს გაუსვა, მივუხვდი, კრემს მთხოვდა. ნაინ-მეთქი, ბოდიში მოვუხადე, გაიღიმა და თითი დამიქნია. ნოირატი უფრო ამპარტავანი ჩანდა. არც კი განძრეულა. ნიკაპი შევარდნილი ჰქონდა, ვერაფრით ვერ მივუდექი, ბოლოს გავბედე, მოვკიდე თმაში ხელი და თავი გადავუწიე. დამყვა. პარსვის შემდეგ მაკრატელი მოვიმარჯვე. კისერზე თმას შევუსწორებ-მეთქი, მაგრამ ხელი ამიქნია, არ მინდაო, არ გინდა და ნუ გინდა, ჯანდაბას შენი თავი-მეთქი.

ჩემი თავი რკინის ნერვების კაცად წარმომედგინა, მაგრამ კინალამ შევრცხვი კაცი. ნოირატს რომ ვპარსავდი, ხატინი გამახსენდა. იცით ხატინი? რა თქმა უნდა, გეცოდინებათ. პატარა სოფელი იყო მინსკთან. 1943 წლის 22 მარტს გერმანელებმა მთელი სოფელი ერთ ფიცრულში შერეკეს. 149 კაცი, აქედან 75 ბავშვი. ფიცრულს ცეცხლი წაუკიდეს და მანამ არ მოშორდნენ, სანამ ასორმოცდაცხრა სიცოცხლე ფერფლად არ იქცა. განწირულთა კვილი თურმე ცას სწვდებოდა. თუ ცეცხლმოდებული გარეთ გამოვარდებოდა, ჯალათები კონდახის ცემით უკანვე აბრუნებდნენ. მთელს სოფელში ერთადერთი კაცი გადარჩა – იოსიფ კამინსკი. ადრიანად ტყეში გასულიყო და გადარჩა.

სწორედ ხატინი გამახსენდა, ნოირატს რომ ვპარსავდი. სწორედ მაშინ მომიძვირა ლოყა მორჩილად ფაშისტმა ობერკანიბალმა. თვალეები დავხუჭე. ტურზე ვიკბინე. უკანასკნელი ძალ-ღონე მოვიკრიბე და პარსვა რომ დავამთავრე, თვალთ დამიბნელდა. აღარც კი მახსოვს, ხელი ჩამოვართვი თუ არა ჩემს უცხო „კლიენტებს“. ერთი კი დამამახსოვრდა, მათი მადლიერებით აღსავსე სახეები და თავაზიანად ნათქვამი „დანკე შოონ“.

რა მოსაყოლი იყო ახლა ეს, მაგრამ ვერ წარმოიდგენთ, რაც დრო გადის, უფრო და უფრო ნათლად ვხედავ ყველაფერს. თითქოს გუშინ იყო. სიზმარშიც ხშირად ვხედავ ამ ბოლო დროს პაპენს და ნოირატს. სხედან ჩემ წინაშე საუკუნის დამნაშავენი. მე მოთმინებით ვაქაფებ საპონს, კბილთაღრჭენითა და ხვნეშით ვპარსავ ორივეს და სწორედ მაშინ, სამართებელი რომ უნდა გამოვუსვა ყელში, სწორედ მაშინ მეღვიძება, მეღვიძება და ცივ ოფლში ვცურავ. მერე მთელი ღამე ვერ ვიძინებ. ვბორგავ. ძილქუშში ვარ. დილით თავის აწევა მიმძიმს. მთელი დღე უქეიფოდ ვგრძნობ თავს. თვალს მოვხუჭავ და ისევ შემოდიან ჩემთან წვერმოშვებული პაპენი და ნოირატი. მედიდურად სხდებიან სკამზე და ჭერს შესცქერიან. მე კი, ეს უკვე მეთასედ ვდგები კედელთან, სამართებელს ქამარზე ვლესავ და ჯალათების პარსვას ვინწყებ. ღმერთმა ნუ გამოგაცდევინოთ ეს გრძნობა. ძნელია, ძნელი!

ახლა, დილიდან საღამომდე აქ რომ ვზივარ, თქვენ გგონიათ, თევზის გიჟი ვარ? თქვენც არ მომიკვდეთ. თევზის მუშტარი არასოდეს ვყოფილვარ. თევზი კი არ მაინტერესებს, ეს სიჩუმე მიყვარს. ეს ყინვა და თოში, ეს გაშლილი ველი და პატარა საქმე ნერვებს მიმშვიდებს. ავი ფიქრებისაგან მათავისუფლებს. ასე უფრო მალე გადის დღე, უფრო მშვიდი ხდება ცხოვრება.

* * *

უკან ვბრუნდები...

ნაპირი ახლოს მოჩანს და სადაცაა ფეხს შევდგამ მინაზე.

სადაცაა დასრულდება ყინულის ზღვა.

რომ მოვიხედო, დავინახავ ტრამალზე შავ წერტილს, გულჯავრიან მეთევზეს და კრიალა ცაში კვამლად ასულ მის უსამველო დარდს.

მაცხვალა

გუდამაყარს რომ ჩამოვცდი, გვარიანად მომშივდა და თითქოს მინამ პირი უყოო, ჩემს ჯინაზე რესტორანი კი არა, პატარა ფარდულიც ვერსად დავლანდე, პირი რომ გამესველებინა.

მოთმინება რომ გადამეწურა, სწორედ მაშინ, სოფელ სამეზასთან საგზაო ნიშანზე დახატულ დანა-ჩანგალს მოვკარი თვალი და სიხარულისაგან გული შემეფრთხილდა.

„არ გაუშვა“, დიდი ლურჯი ასოებით ეწერა რესტორნის ჩუქურთმებიანი კიბის გასწვრივ გაკრულ აბრაზე. სახელი, ვერაფერს იტყვი, კარგი შეურჩევიათ.

მანქანა დავაყენე, ქურქი მოვიხურე და რესტორნის კარი რომ შევალე, გუნება გამიფუჭდა. კობა ვაშაძის ნახელავით ლამაზად მოხატულ-მოჭედილ დარბაზში კაციშვილი არ ჭაჭანებდა. მეზუფეტე მოვძებნე და უცერემონიოდ ვკითხე:

– გაქვთ რამე?

– თოფ-იარაღზე და ტყვია-ნამალზე მკვდარი გყავართ და ისე, ამ რესტორნიდან ქუდზე კაცი გამოვალთ, თუ გაჭირდა. – დაუფიქრებლად, ყოჩაღად მიპასუხა გამხდარმა, სქელულვამა მეზუფეტემ, თან ფართო ტუჩებში დარხეულ ღიმილს ძლივს ამაგრებდა.

მომეწონა მისი ხუმრობა, მაგრამ ქარაგმების თავი მაქვს ახლა მე?

– საჭმელს გეკითხები.

– ბატონო, საჭმელი გვექნება, აბა, კი არ ვგლახაობთ ეს ამდენი ხალხი აქანა, – მინარეთის სარკმელივით ვიწრო და თაღოვან ფანჯარასთან შექუჩული ოფიციალტებისკენ ხელი გაიშვირა.

– აბა შენ იცი, სად დავჯდე?

– დაბრძანდით, ბატონო, სადაც თქვენ გაგეხარდებათ და ამ წუთში მოგართმევთ ყველაფერს. თქვენ იმნაირი კაცი ჩანხართ, რომ თქვენი გულისთვის გაქცეულ ირემს მოვწველი.

საჭმელი? იმ ჭკუაზეა სწორედ კაკოია ფესტვენიძე, დახლში იდგეს და საჭმელი არაფერი ჰქონდეს.

ელვის სისწრაფით დაჭრა ყველი, მწვანელი და ჯონჯოლი ბლომად, უშურველად დაახვავა თეფშზე, მაცივრის კარი გამოაღო, გრძელ სინებს მორგებული კეჟერა ფხალი და ნიგვზიანი ბადრიჯანი გამოიტანა. ისე ჩქარა და ლამაზად აკეთებდა ამას, რომ თვალი ვერ მოვნწყვიტე. კარგია, კაცმა რომ თავისი საქმე ხუთი თითივით იცის.

– რამ მოგიყვანა იმერელი კაცი ამ მთაში, კაკო ბატონო?

– შე კაი კაცო, ხალხი „ვოლგის“ საყიდლად ალჟირში მიდის და აქ ამოსვლას რა უნდოდა. საქართველოში შორი მანძილი არ არსებობს. ერთი ფიორი გზაა ყველგან.

– ეგ კია მართალი.

– მე ბიჭები ვიცი, აქ რომ პატარა ხელი მოუჭირეს, მიატოვეს ყველაფერი და ისეთ ქალაქებში ბუფეტრიკობენ ახლა, წერილი რომ სამ კვირაში ჩადის. რას დაღვეთ?

– კახური თუ გაქვს რამე.

გაეცინა.

– ჩემი გემოვნების ყოფილხართ თქვენც. კახურის გარდა არ ვსვამ მეც არაფერს. ღვინო თუ გინდა, კახური უნდა დალიო და დეგუსტაციაზე თუ ხარ შემოსული – ორ ჭიქას „ციცქას“ მონრუპავ თუ „ცოლიკაურს“, სულ ერთია.

ბეჭებზე ჩამოცურებული ქურქი გავისწორე და დარბაზისკენ რომ შემოვტრიალდი, რესტორნის ეზოს გადაღმა, ხევის მხარეს ორ უშველებელ სანაგვე ყუთთან მოფუსფუსე ბებერ ქალს მოგკარი თვალი. შევჩერდი და დავაკვირდი: გრძელი ჩანთა უჭირავს, სანაგვე ყუთში ხელებს აფათურებს და რალაცას ეძებს. სანოვავე ჩანთა ნახევრამდე აუვსია. მებუფეტეს ხელი დაუქნია. დანა დააგდო და მოირბინა.

– რას შვრება ეს ქალი?

– ბიჭო, ღვთისავარ! – სანამ მიპასუხებდა ღია კარიდან გასძახა, – მაყვალა ვერ მივიცილეთ კიდო აქედან?! ხალხი ხართ, ბიჭო, თქვენ? ეს ერთი საქმე დაგავალეთ, რატომ მჭრით ძმაო, თავს, რატომ ურევთ გულ-მუცელს რესტორანში შემოსულ ხალხს?!

ამდენს ვის ელაპარაკება-მეთქი და რომ მივიხედე, კარში თეთრწინსაფარაფარებული ჭორფლიანი ბიჭი დავინახე. დგას და ილიმება:

– ამ ნუთში გავიდა აქედან, ორ თეფშ ხარჩო პირთამდე შაირგის. ზედან კომპოტიც დააყოლის!

– რა უნდა აბა მეტი ამ უპატრონოს, რას იჩიქნება ამ ნაგავში!

– მაყვალას ამბავი არ იცი? ახლავე გავვარდები!

ბიჭი კარში რომ გაუჩინარდა, კაკო ფესტვენიძე მე მომიბრუნდა.

– ადამიანი, ბატონო, რომ მიეჩვევა სიგლახეს, მორჩა თურმე, მისი გადაჩვევა შეუძლებელი ყოფილა. კაი ხანია მას აქეთ, რაც აქ ჩამოვედი და ამ ქალს მოგკარი თვალი. მე ამნაირი რამ ჩვენში არსად მინახავს, ვფიცავარ იმ სამ ბავშვს. ამას რას ვხედავ, მე ვთქვი, ადამიანი საჭმელს სანაგვე ყუთში ეძებს, ამას რას მოვესწარი-თქვა და თმა დამიდგა ყალყზე. გავიკითხ-გამოვიკითხე, მითხრეს, ერთი უპატრონო ქალია, ზევით სოფელში ცხოვრობს, მაყვალა ჰქვია, ამ ქვეყანაზე ხელისგამომწოდებელი აღარავინ დარჩა მაგ უბედურს და ასე ცოდვილობსო. დღეს შიმშილით არავინ კვდება, ასე ვიცი მე და პატარა ქე დავტუქსე, ხომ იცი, აქაურები. არ გრცხვენიათ, მე ვუთხარი, ადამიანის ასე დაცემას უყურებთ-მეთქი? როგორც კი დაინახავთ ანი მაყვალას, მაშინვე დაუძახეთ, გააძლეთ, დააპურეთ და გაუშვით. არ დავინახო ადამიანისშვილი სანაგვეში იჩიქნებოდეს-მეთქი. ღვთის წინაშე, ცოდვას ვერ ვიტყვი, დაინახავენ თუ არა ამ ტერიტორიაზე ჩვენი თანამშრომლები მაყვალას, მაშინვე რესტორანში სთხოვენ შემობრძანებას. ერთი და ორი კაცის უფასოდ ჭმევა თუ არ შეგვიძლია, რა რესტორანი ვართ მაშინ. თუმცა თხოვნა არც კი სჭირდება, თვითონ მოდის ყოველდღე. თან რომ გადაყვე, სულ შემწვარ-მოხრაკული რომ აძლიო, ამოიღლიავენ მანც ამ თავის ტომსიკას და სანაგვე ყუთებს ჩამოუვლის, არ მოიშალა ეს უბედური ჩვეულება, ხომ გაიგონეთ თქვენი ყურით, იმ ბიჭმა რომ თქვა, ამნუთას გავიდა აქედანო.

მაყვალასთან ღვთისავარმა მიირბინა, თითქმის ძალით მოაშორა სანაგვე ყუთებს და რესტორნის ჭიშკრისკენ წაიყვანა.

გუნება გამიფუჭდა, უგემურად ვისადილე. ერთ ბოთლს დავ-

ლევ და ცოტა ხანს მანქანაში გამოვიდინებ-მეთქი, მაგრამ არ გამოვიდინებ, რული არ მომეკიდა. ერთხანს მაგნიტოფონი ჩავრთე, იქნებ სიმღერამ გულჯავრი გადამყაროს-მეთქი, რომ ველარ მოვისვენე. მანქანა დავეკეტე და ფეხით ავუყევი აღმართს. ცოტა ხანში ესეც მომწყინდა, თავქვე დავეშვი და ისევ რესტორანს მივაკითხე, ისევ იმ უბედურ დედაბერზე ვფიქრობ. თუ არ გავიგე, ვინ არის და რა ქალია, აქედან წამსვლელი არა ვარ.

ამბის ამბავი კაცმა არ უნდა დაიჯეროსო, ნათქვამია. მე თვითონ ვესტუმრები. მეზუფეტემ ჯერ ეჭვის თვალით შემომხედა, რომ არ დავიშალე, ღვთისავარს უხმო.

– შორს რაიდ იქნების, ახლოს არს, წყაროსთან მარჯვნივ აიღეთ. სულ პირდაპირ იარეთ, საფიხვნოს მიადგებით, იქ ჩონ ბებრებ სხედან, იქ დააყენებთ მანქანას, იქედან კილომეტრ აღარ არის.

– ავა ჩემი მანქანა? – მანქანისკენ მივუთითე.

– რაიდ ვერ ავალს. გზები კარგია. აქედან სულ სამ კილომეტრ იქნების მაყვალაის სახლამდე!

თითქოს ახლა დაფიქრდაო, ამხედ-დამხედა და ღიმილით მითხრა:

– მაყვალაის ნათესავ ხარაა?

თავი გავაქნიე.

– სურათი უნდა გადაულო? – ისევ გაეცინა. პასუხი აღარ გამიცია, კიბეზე დავეშვი და სანამ მანქანას დავძრავდი, კაკო ფესტვენძეს და ღვთისავარს თვალი არ მოუცილებიათ.

სოფელს რომ გამოვცდი, კარგა ხანს ვიარე, სანამ მაყვალას სახლამდე მივალწევდი. ხევის პირას ცალკერძ დასახლებულა. მოგეხსენებათ მთიულური სოფელი, მიჯრით მინცობილი სახლებით, არც სოფლის ერთ მუშტად ყოფნის მიზეზს გავახსენებ განათლებულ მკითხველს. ვინ იყო ნეტავ ამ დედაბრის წინაპარი, თემს რომ განდგომია და ცალკე გასულა, წინაპარი-მეთქი იმიტომ ვამბობ, რომ ძველთაძველი ქვიტკირის სახლი უდგას ფიქალით ნაშენი. ფიქალითვე შემორაგულ ეზოს ჭიმკარი არ ჰკიდა. მასპინძლო-მეთქი, დავიძახე თუ არა, ჩემკენ ოთხი ძალლი გამოიქცა. დგანან და ზარმაცად მიყეფენ.

ვატყობ, ჩემს შეშინებაზე უფრო პატრონისადმი ერთგულების დამტკიცება უნდათ. ჯერ მე გამომხედავენ, მერე შებრუნდებიან და სახლისაკენ ყეფენ უგულოდ, უგემურად. სამ-ოთხჯერ დავიძახე, მაგრამ არავინ გამომეხმაურა. ძაღლებმა (ჩვეულებრივი მურა ძაღლები იყვნენ, ოჯახის ძაღლს რომ ეტყვიან ჩვენში), მეც რომ ვერ გადამატქმევინეს განზრახვა და მაყვალასაც რომ ვერ გააგონეს, ყურები ჩამოყარეს, უკანასკნელად შემავლეს თვალი, ავსულს არ უნდა ჰგავდესო, დაასკვნეს და ლაფაროში გაძუნძულდნენ.

კარგა ხანს ვიდექი, გაბრუნებას ვაპირებდი, მაგრამ ცნობის-მოყვარეობამ მძლია. ეზოში შევედი და სახლს მივუახლოვედი. ძველ, გამჭვარტლულ კარზე ცხენის ნალი ეკიდა. სახლიდან ხმა მომესმა. გავბედე და კარს მივანეჭი. ჭრიალით მოლიავდა და ძველ ქართულ დარბაზში, სადაც ჭერიდან სინათლის ჩქერი იღვრებოდა, გასაოცარი სურათი წარმომიდგა: დარბაზი სავსე იყო კატებითა და ძაღლებით. კნუტები, ლეკვები, დედა ძაღლები, ხატაურა კატები და ფოცხვერისთვალეზა ხვადები. ამდენი ძალლი და კატა გამოფენაზეც არ მინახავს. დარბაზის შუაგულში, კოთხოზე იჯდა დედაბერი, ჩანთიდან ამოღებული წარჩინებით აპურებდა ცხოველებს და თანაც რალაცას ტკბილად და გაუგებრად ეჩურჩულებოდა. აი, თურმე რა უნდოდა რესტორნის სანაგვეში.

ჩავახველე. პატრონის გარდა, ყველამ მომაქცია ყურადღება, მაგრამ მათი ყურადღება მხოლოდ გამომხედვით დამთავრდა. აქაოდა, ჩვენ სერიოზული საქმით ვართ დაკავებული და, თუ კაცი ხარ, ხელს ნუ შეგვიშლიო.

– არის აქ ვინმე?! – რაც ძალი და ღონე მქონდა დავიყვირე. დედაბერმა ძაღლებისა და კატების სმენადქცევის გამო მომაქცია ყურადღება.

ნაოჭებადქცეული სახე, სხივჩამქრალი ბებრული თვალეზი. დიახ, თვალეზი ხომ ყველაზე ბოლოს ბერდება. მაყვალა თვალეზიანად დაბერებულიყო. უპატიურ თავსაფარში ალაგ-ალაგ მოუჩანდა ჭუჭყისაგან გაყვითლებული, გაუხეშებული თმა. რომ ადგა და ჯორკო მომიჩოჩა, დავრწმუნდი, რომ წელში გამართვა მისთვის შეუძლებელი რამ იყო. ძაღლ-კატები

მოიცილა, სალამზე არ მიპასუხა, სამზადში გავარდა და მაშინვე გამოტრიალდა. ხელებს გამურული ჩვრით ინმენდდა და თვალს არ მაცილებდა.

რამდენიმე უწყინარი ფრაზა კიდევ მოვახსენე და როცა საბოლოოდ დავრწმუნდი, რომ ყურში სრულებით არ ესმოდა, უბის წიგნაკი ამოვიღე და დავუწერე: „რად გინდა ამდენი ძალლი და კატა, ქალბატონო?“ ქალალდი ამოვხიე და გავუწოდე. გამომართვა, მაგრამ არ დაუხედავს, ხელის გამონვდის-თანავე მიპასუხა:

– კითხვა არ ვიცი.

ჩემს ცხოვრებაში ეს ერთი ქალიც გამოუცნობ არსებად დარჩებოდა, რომ თვითონვე არ ალაპარაკებულყო:

„რაი გიკვირს, შვილოსან? ჩემ სიბერე გიკვირან თუ ამ ძალ-კატამ შეგაფიქრინასთ? ესენიც რომ არა მჰყავდნენ, ცოცხლივ სამარეში ვიქნებოდი. რაი არს სახლი უკაცოდ და მთაი უბალახოდ. ჩემ საზრუნავ ესენია. ზამთარში ესენი მითბობენ გაყინულ ძვლებსა, ზაფხულში ესენი მაძლებინებენ უფსკეროდ დღეებსა. ჩემი ენა ესმითყე, ბლარტებივით მიჯერებენ. სხვაგან თუ მონახამ ძალლებ და კატებ ასრე დან-ძმურად ჰყოფილიყვან? ერთიმეორეს არ აწყენინებენ. ასრე გამიზრდია და იმიტომ. ყველაფერი გაზრდაი ყოფილა. უბედური მაყვალაი. გიჟი ნუ გეგონებავ. უცხოთ ჩანხართ, ეს ამბავ ნუ გაგიკვირდებისტ. ღმერთის ნებაი არს ყოლიფერნ. ამ ხელებმა შვიდ შვილ გაზარდის, არც ერთი არ შემარჩინის კაცმა და ღმერთმა, ღმერთმა და კაცმა, დაილოცოს ორთავეს სამართლი. ქმარი იმ ომში მომიკვდის. ნავრიდა, აღარც წერილი, აღარც ხაბარი, უკანაც არ მაუხედავს. სამოცდაათი წელია მას უკან. ტყვიას რომ არ მაეკლა, ახლა თავის სიკვდილითაც მკვდარ იქნებოდის. სამ შვილ იმ ომში დავკარგის, მეოთხეს ცხენ დაუგორდა გუდამაყართან, კვირის თავზე მის ცოლ მშობიარობას გადაჰყვის. მეხუთე სახადმა ამოსწყვიტის ცოლ-ნაგრამიანად. მეექვსე ალპინისტებ გზას ასწავლიდის და სწავლებაჩი ისე გაერთვის, ყინულ ჩაუტყდის გერგეტის კალთაზედ. ოცდაათი წელია ვერავინ მამიძებნის, ვაი მის დედას. ნაბოლარა ძმაკაცის ქორწილს გადაჰყვის. მას უკან ოც გაზაფხულ იქნების, გაიგონებდით კენ-

წლაობაში დამბაჩით რომ კაცი მოჰკლის. ხუმრობა-ხუმრობით მაჰკლესაო. გაზეთშიც დაინერის. მე მის დაჭერა რაიდ მენდომებოდის, ჩემ შვილ კი ვერავინ გამიცოცხლებდის.

ეგრე არს, შვილო, დასაბამითგან: ღმერთი კაცზე ნადირობდის, კაცი კაცზე ნადირობდის, სახადი კაცზე ნადირობდის, ფათერაკი კაცზე ნადირობდის – სიცოცხლის მტერი ყველაყაა. ჩემზედ დატრიალდის ყოლიფერი. მარტო რომ დავრჩი, ერთი გზობა ვიფიქრე, ათას ობოლ და უპატრონო არს, ერთა ვისმე მივიყვან და გავზრდი-მეთქი. მაგრამ ველარ გავბედე, შემეშინდის. ამ სახლიდგან გატანილ კუბოებმა თვალი დამიყენა.

ამ ძალლებ და კატებ ვაყოლებ გულს. ესენი თითქოს ღვთისაგან დაცულნი არიან. არც სახად ემართებათ, არც ერთმანეთს ხოცავენ. არც ლაშქარში ეძახიან და არც თემობაში. ესენი უფრო საიმედოდ მეჩვენებიან. სიკვდილთან თამაში მომბეზრდის. მკვდრის ცქერა მომწყინდის. ადამიანებ მძულან. რაიდ და ყველანი სიკვდილისთვის შობილნი, ჭირისთვის შობილნი, ცრემლისთვის შობილნი არიან. მაყვალაი გიჟად არ ჩამთვალაო, შვილოსა. მზის მადლმა, მართალს ვამბობ. ჩემ გამტყუნება შენგან ადვილია, ჩემ განსჯაც ადვილ არს. ჩემს დღეში მყოფმა გამასამართლოს, მან იცის, რაი არს სიკვდილი“.

მეტი აღარაფერი უთქვამს. ყურთასმენა კიდევ რომ ჰქონოდა, რა უნდა მეკითხა, კაცმა რომ თქვას. ერთხანს მიყურა, მერე ზურგი შემაქცია, დარბაზის შუაგულისკენ წალასლასდა. ჩანთას ხელი დაავლო და ძალ-კატები ისევ შემოისია.

...თვალცრემლიანი ვეშვები ფასანაურისკენ. მაყვალას ნაამბობით ხომ თავი მისკდება, უფრო ის მაღიზიანებს, რომ მთელ ამხელა გზაზე თვალიდან ვერ მოვიცილე ერთი სურათი: ჩვენ გვერდით სადარბაზოდან ხელკავით გამოსული უშვილო ცოლ-ქმარი. თეთრი, ფუმფულა, ბენვხუჭუჭა ძალლით ხელში. ვერავითარ კავშირს ამ სურათსა და მაყვალას ბედთან ვერ ვხედავ. მაინც თითქოსდა განგებამ მომისაჯაო, როცა მთიელი დედაბრის ტრაგედიაში აზრის ნათელ ბილიკებს ვიპოვი, ერთბაშად ყველაფერი იშლება და სადარბაზოდან ისევ გამოდის ცოლ-ქმარი სათუთად მოვლილი, თეთრი, ფუმფულა, ხუჭუჭა ბენვისაგან თავპირშექმული ძალლით ხელში.

უბრალონი?!

ქალაქ ბაგრატიულში სამოცდაათამდე საშუალო სკოლაა და არც ერთი რვანლიანი. ორმოცდამეხუთე საშუალო სკოლის დირექტორი, უკანასკნელ დრომდე, გახლდათ თედო შარიქაძე. ოცი წელი დირექტორობდა სკოლას და ახლაც ამ თანამდებობაზე იქნებოდა, ისეთ სერიოზულ მიზეზს რომ არ შეეშალა ხელი, როგორც გახლავთ – გარდაცვალება. თედო შარიქაძე მიოკარდის ინფარქტმა იმსხვერპლა. არ იყო დიდი ხნის, ორმოცდაათს შარშან გადაშორდა. მიუხედავად იმისა, რომ ინფარქტი საუკუნის ყველაზე მოდური დაავადებაა, თედოს სიკვდილი ყველას გაუკვირდა. რაღა სკოლაში, თავის კაბინეტში, გაუსკდა გული მაინცდამაინცო, ხშირად გაიგონებდით ქალაქ ბაგრატიულში, განსაკუთრებით, თედოს გარდაცვალების პირველ კვირას. ცნობისმოყვარე ნაცნობებს ავიწყდებოდათ, რომ ინფარქტი უფრო ხშირად მეჭარხლეებს ბოსტანში ემართებათ, მექისეებს აბანოში, ხოლო ლოკომოტივის მემანქანეებს გაქანებულ მატარებელში. ამიტომ, ლოგიკა თუ სადმეა, თედო შარიქაძეს, თუ საინფარქტოდ ჰყავდა ღმერთს განწირული, სწორედ სკოლაში, თავის კაბინეტში, უნდა წვევოდა ეს საშინელი სენი. მაგრამ რაკი უმიზეზოდ არაფერი ხდება, თედოს სიკვდილის მიზეზსაც დაუნყეს ძებნა და ამაზეც ერთი მითქმა-მოთქმა ატყდა. რა არ ითქვა; აქაოდა, რევიზიამ აუნენა ნერვებიო, აქაოდა, ჯილდოზე იყო წარდგენილი და უარი უთხრესო, აქაოდა, უფროსი ქალიშვილი ქმარს გაშორდა, იმას დარდობდაო... ხომ იცით, ქვეყანა ჭრელია. ვილაცამ გაკვრით ისიც თქვა: ძმებმა კაკაურიძეებმა შეურაცხყოფისათვის სასამართლოში უჩივლეს და უკეთეს შემთხვევაში მოხსნით მაინც მოხსნიდნენ სამსახურიდან, მონაფის მშობლებთან უტაქტო დამოკიდებულებისათვისო. ეს მიზეზი ქალაქმა ყველაზე ნაკლებ დაიჯერა; ჯერ ერთი, თედო შარიქაძე შაქარით ტკბილი კაცი იყო და მშობელს

კი არა, მონაფესაც არას ეტყოდა ხმამაღლა. მეორეც, ძმები კაკაურიძეები ბაგრატიულში ცოტამ იცოდა, რადგანაც სულ რაღაც ოთხი-ხუთი წლის ჩამოსახლებულები იყვნენ გოდოგნიდან. ნინოშვილის ქუჩაზე, ვექილ ნიფურიას სახლი შეეძინათ და ცოლშვილიანად (თითო ბავშვი ჰყავდათ) ორივე ძმა ერთად ცხოვრობდა. და რაკი კაკაურიძეები ცნობილი ჯერ არ იყვნენ, მათს შესახებ ჭორიც არ გავრცელდა. ქალაქს რაღაცად უნდა უღირდე, რომ შენზე იჭორაოს.

ინფარქტი ისეთი წყეული სენია, რომ ხარივით ჯანმრთელსაც ბევრს დამართნია, სრულიად უსაბუთოდ და უსაბაბოდ, მაგრამ კაკურიძეებსა და დირექტორს შორის მართლაც მოხდა პატარა უსიამოვნება. სხვა საქმე მაინც არაფერი გვაქვს, გამბობთ და თქვენვე განსაჯეთ; უდევთ თუ არა წვლილი თედო შარიქაძის სიკვდილში ორ ძმა კაკაურიძეს, რომელთაგან უფროსი – კაკო ჯამჭურჭლის გამქირავებელი პუნქტის გამგეა, ხოლო გოჩა კინოსტუდიაში უმცროს მხატვარ-გამნათებლად მუშაობს.

წლეულს, თორმეტ ივნისს სკოლის დირექტორს – თედო შარიქაძეს განცხადებით მიმართა კაკო კაკაურიძემ; ჩემს შვილს – თამარ კაკაურიძეს ექვსი წელი შეუსრულდა და გთხოვთ, მოსამზადებელ ჯგუფში (ნოლ კლასს რომ ეძახიან) ჩარიცხოთო. თედო კარგ ხასიათზე იყო იმ დღეს და ჰკითხა: ვის კლასში ჩავრიცხოო. როგორ ვის კლასშიო? კითხვა ვერ გაიგო კაკომ. – მოსამზადებელზე სამი მასწავლებელი გვყავს – წულაძე, საბანაძე და კვაშალი. თქვენ ვისთან გირჩევნიათო. რომელიც უკეთესია მათ შორის, თუ კაცი ხარ, იმასთან ჩამირიცხეო, აბა, სხვას რას ეტყოდა კაკო. სამივე კარგია, მაგრამ რატომღაც ყველას ნორმა კვაშალთან უნდა ბავშვის მოხვედრებაო, საიდუმლო გასცა დირექტორმა. ჰოდა, თქვენი ჭირიმე, კვაშალთან ჩამირიცხეო, შეეხვეწა ჯამჭურჭლის გამქირავებლის პუნქტის გამგე. ხომ გითხარით, დირექტორი იმ დღეს კარგ ხასიათზე იყო, თანაც თორმეტი ივნისი გახლდათ (კლასები ჯერ არ იყო დაკომპლექტებული) და თედო შარიქაძემ განცხადებას ირიბად დააწერა – „თამარ კაკაურიძე ჩამირიცხოხო ნორა კვაშალის ჯგუფში“.

შვიდ ივლისს დირექტორს მეორე ძმა – გოჩა კაკაურიძე ეახლა განცხადებით მისი ექვსი წლის ვაჟის ბახვა კაკაურიძის მოსამზადებელ ჯგუფში (ნოლ კლასში) ჩარიცხვის თაობაზე. დირექტორმა განცხადება დაიტოვა და გოჩა გააფრთხილა, ოცდახუთ ივლისს გამოცხადდით და შეიტყობთ, რომელ ჯგუფში იმეცადინებს თქვენი ვაჟიო. გოჩამ მაღლობა გადაუხადა და წამოვიდა. დირექტორსა და მშობელს შორის მეტი არაფერი თქმულა. ნორა კვაშალის შესახებ არც გოჩამ იცოდა რაიმე და ამიტომაც მისთვის სულერთი იყო, ნოლ კლასს რომელი მასწავლებლის ხელში გაივლიდა მისი პირმშო – ბახვა კაკაურიძე.

ოცდახუთ ივლისს გოჩა კაკაურიძის მეუღლე – ტასო გულგახეთილი დაბრუნდა სკოლიდან.

გოჩა – რა მოგივიდა?

ტასო – რაღა რა მომივიდა, გოჩა. კაცი საკუთარ სახლში საკუთარ შვილზე ტყუილს ამბობდეს შეიძლება?

გოჩა – რა მოხდა?

ტასო – რაღა რა მოხდა. რამდენჯერ გკითხე, ჩარიცხულია ბახვა-მეთქი? კიო. მიდი ერთხელ კიდევ, გაარკვიე კარგად-მეთქი. არ გეუბნებოდი? მითხარი, არ მითქვამს?

გოჩა – რა მოხდა, არ მეუბნები?

ტასო – რაც ხდება საერთოდ, ის მოხდა ახლაც. თამრიკო თავიდან წულაძის ჯგუფში ყოფილა ჩარიცხული და ბახვა – კვაშალთან. მიბრძანებულა შენი ძმა და თამრიკო კვაშალთან ჩარიცხინებია და ბახვა – წულაძესთან გადაუყვანიათ.

გოჩა – ვინაა კვაშალი ან წულაძე? პირველად მესმის.

ტასო – შენ პირველად გესმის ყველაფერი ამ ქვეყანაზე. კვაშალი სამაგალითო მასწავლებელი ყოფილა. მთელი ქალაქი მაგაზე ლაპარაკობს, წულაძეც არ ყოფილა ცუდი, მაგრამ რატომ უნდა გაეკეთებინა ეს კაკოს ჩვენთვის?

გოჩა – ორივენი ერთ კლასში უნდა ყოფილიყვნენ, ერთმანეთს ნაენეოდნენ. ასე არ დავთქვით?

ტასო – ჩემი არ გეყურება? დათქმა კი არა, გადაუგდია ჩვენი ბავშვი და მის ადგილზე თავისი მიუღებინებია შენს ღვიძლ ძმას. არ შედის შენს ყურში ეს ამბავი?! (ტასომ ხმას აუნია)

გოჩა – სსს... ჩუმად, გაიგონებენ. ვინ გითხრა, რომ კაკოს გაუკეთებია ეს ამბავი?

ტასო – არ უთხრა არავის და საქმეთა მმართველია იმ სკოლაში ვერას გოგო, მამაჩემის მეზობლად ქვრივი ქალი რომ ცხოვრობდა. იმან მითხრა, თავიდან თქვენი ბავშვი კვაშალთან იყოვო, არ გამცეთ, თორემ მომხსნის დირექტორი იმ დღესვეო.

გოჩა – ტყუილი იქნება ეს ამბავი. ვერას გოგოს ნაქუსქუსებით დადიხარ ამხელა ქალი?

გოჩა – მერე? არ უთხარი დირექტორს?

ტასო – ვინ მალაპარაკა. იქ ქვეყნის მშობლები ირეოდნენ. ქალბატონო, მე არ ვიცოდი, თქვენ თუ კვაშალთან გინდოდათო. თქვენმა მეუღლემ განცხადება რომ მომიტანა, კვაშალზე არაფერი უთქვამს. წულაძე შესანიშნავი სპეციალისტიაო. ახლა ჯგუფები შევსებულია და ამ საქმეს არაფერი ეშველებაო.

გოჩა – სწორი უთქვამს, მე კვაშალის გვარი ახლა შენგან გავიგე.

ტასო – მერე? რაღაც იღბლად, თუ ღმერთის ნებით ბახვა კვაშალთან ჩაურიცხავთ და კაკოს ეს უნდა ექნა ჩვენთვის?

გოჩა – რა?

ტასო – რაც გითხარი, არ შეუშვი ყურში ხომ? შენ არ ხარ ამ ბავშვის მამა? ჩვენი უყურადღებობით უნდა დავიზაროთ ბავშვი თავიდანვე? შენი ძმის ხუმტურებს უნდა ვამსხვერპლოთ ერთადერთი შვილი? ახლა ეყრება საფუძველი ყველაფერს. ნოლ ჯგუფშივე რომ ნიგნს შეიძულებს, მერე ისწავლის რამეს?

აქ ქალბატონმა ტასომ ტირილი დაიწყო.

იმ საღამოსვე გოჩა კაკოსთან ავიდა. ძმებს თოფურისას სახლი შუაზე ჰქონდათ გაყოფილი. პირველ სართულზე გოჩა ცხოვრობდა, კაკო – მეორეზე.

პუნქტის გამგე ახალდაბრუნებული იყო სამსახურიდან, სადილობდა.

– მარგო! – გასძახა მასპინძელმა სამზარეულოს, – ის გულღვიძლი მოწვი ერთი ტაფაზე. გოჩა მოვიდა!

– გამარჯობა, გოჩა. – მოისმა სამზარეულოდან.
 – გაგიმარჯოს. – უპასუხა გოჩამ და დააყოლა, – არ მინდა, გოგო, არაფერი. ამ წუთს ვისადილე, სკამი გამოსწია და დაჯდა.
 – როგორაა, გოჩა, საქმეები? – კაკოს დღეში შვიდჯერ რომ ენახა ძმა, შვიდჯერვე ამ კითხვას მისცემდა.
 – რავა იქნება, – გოჩამ „ბორჯომი“ დაასხა და დალია, – არ იცი ჩემი იღბალი? გემი რომ მაჩუქოს ვინმემ, ზღვა დაშრება.
 – ხომ არაფერი გიჭირს, ბიჭო? – კაკომ მოკბეჩილი ბოლოკი ღრანჭებში გააჩერა.
 – ისეთი არაფერი.
 ერთხანს სდუმდნენ.
 – სკოლაში მიდიან, აბა, ჩვენი ბავშვები? – გოჩამ მაგიდაზე თითები აათამაშა და ძმას შეხედა.
 – აბა, რა მალე გავიდა დრო, – კაკომ წყალგარეული ღვინო დაისხა.
 – ტასო იყო დღეს სკოლაში, – გოჩამ განზე გაიხედა.
 – დღეს იყვნენ ხომ დაბარებულები? მარგო! – კაკომ ისევ სამზარეულოს გასძახა, – დღეს ტასო სკოლაში ყოფილა, რატომ არ წახვედი შენ?!
 – ხვალ მივალ, რაია საჩქარო! – მოისმა სამზარეულოდან.
 – კაკო, – გოჩამ ფეხი-ფეხზე გადაიდო და ისევ განზე გაიხედა, – თამრიკო ვის ჯგუფში ჩაარიცხვინეთ?
 – რა ვიცი, ვილაცა კვაშალიაო, დირექტორმა. ყველას ის ქალი სჯობიაო, ვითომ. ბახვაც იქ არ არის?
 – არა. ბახვა სხვა ჯგუფშია, მაგრამ მაგას არა აქვს მნიშვნელობა – გოჩამ ოხრახუშის ღერო აიღო, დაატრიალა და დადო.
 – რას ჰქვია, მნიშვნელობა არა აქვს. ბიძაშვილები აბა, ცალ-ცალკე იქნებიან? ვერ უთხარით მერე? არ გქონდათ პირში ენა?
 – ტასომ თქვა, თამრიკო კვაშალთან არისო და ჩვენი ბავშვი წულაძესთან მოხვედრილა.
 – ვისთან?

– წულაძე ყოფილა სხვა მასწავლებელი. ცუდი არც ის არისო, მაგრამ რატომ უნდა მომხდარიყო ასე? – გოჩას ამ სიტყვებზე სამზარეულოდან მარგო გამოვიდა და მკლავებ-წაკაპინებული კარებში გაჩერდა.
 – თქმა უნდოდა თავიდანვე. ჩვენც როგორ გამოგვრჩა მხედველობიდან, მაგრამ საბუთები, გოჩა, თქვენ ჩვენს მერე არ მიიტანეთ? მაშინვე უნდა გეთქვათ, ესენი ღვიძლი ბიძაშვილები არიან და ერთად გვინდა ბატონო-თქვა.
 – მივალ და იმას ვიზამ ხვალვე. ან ჩვენსას გადმოვაყვანიებ აქეთ, ან თქვენსასაც გადავაყვანიებ კვაშალთან, – თქვა კაკომ.
 – ახლა შევსებულია კვაშალთან ადგილები და ვერაფრით ველარ ვიზამ მაგ საქმესო, ტასოსთვის უთქვამს დირექტორს, – გოჩას ხმაში გაბრაზების სიმი გაკრთა.
 – მაგათ ასე იციან თქმა. უსაშველოა ახლა ვითომ? – დონჯი გაიკეთა მარგომ.
 – კაკო, – გოჩა თავის თითებს დასცქეროდა, – თავიდან კვაშალთან იყო თამრიკო?
 – რას ჰქვია თავიდან? – კაკომ მწნილიანი თეფში განზე გასწია.
 – რომ მიხვედი პირველად სკოლაში, იცოდი, კვაშალი ვინ იყო?
 – რა ვიცოდი თავიდან კვაშალი მე? დირექტორს ვკითხე, რომელიც უკეთესია, იმასთან ჩამირიცხე-მეთქი.
 – და კვაშალთან ჩავრიცხავო იმან გითხრა?
 – ჰო, რავა, რა იყო.
 – არაფერი... ისე... – გოჩა წამოდგა და ფანჯარასთან მივიდა.
 – შენ რალაც არეულად ლაპარაკობ დღეს. – უფროს ძმას ჭიქა ხელში შეაცივდა, – რალაც განუხებს, ვერ იტყვი პირდაპირ?
 – არაფერი არ მანუხებს მე და არ ვარგა ასე.
 – რა არ ვარგა, ბიჭო, შენ ხომ არაფერი დაგსიზმრებია წუხელის?! – კაკომ ხმას აუწია.

– არ უნდა მომხდარიყო ასე. ამას ვჩივი მე. ჩვენ შორის შენი ბავშვი და ჩემი ბავშვი არ უნდა იყოს.

– არ გრცხვენია, გოჩა, შეენ? – ლაპარაკში მარგო ჩაერია, – რა შენი ბავშვი და ჩემი ბავშვი, შე კაცო?

– გაჩუმდი, ქალო, შენ! – კაკო წამოდგა და ძმას მიუახლოვდა, – სრულ ჭკუაზე ხომ ხარ, ძმაო, შენ? ესე იგი ჩემი ბავშვი ჩავარიცხვინე კვაშალთან და შენი ამოვარიცხვინე? თუ რაის თქმა გინდა. გამაგებინე ერთი კაცურად.

– არაფერი, არაფერი, ბატონო. გითხარი რამე? მე უბრალოდ გკითხე, მაინტერესებდა. გაბრალებ რამეს? თქვენ კარგად იყავით და თუ ასეა სულ არ გავაჩერებ მაგ სკოლაში. მაგაზე განყენინებ უფროს ძმას?

გოჩა შეტრიალდა და ჩქარი ნაბიჯით გავიდა.

– მოიცა, ბიჭო, მე შენ გელაპარაკები! – მიაყოლა კაკომ, მაგრამ ძმა უკვე კიბეზე ჩარბოდა.

– ა, სულელი! თუ გინდა! – ხელები გაშალა კაკომ და ცოლს შეხედა.

ზუსტად ნახევარი საათის შემდეგ მარგო ჩავიდა მაზლის ოჯახში და თითქმის ამის მსგავსი საუბარი ჰქონდა ტასოსთან. ტასო პირდაპირ ბრალს არ სდებდა, მაგრამ მიანიშნებდა, რომ თითქოს ყველაფერი იცოდა ამის შესახებ, თუ როგორ გადარიცხეს მისი ბავშვა კვაშალის კლასიდან წულაძის კლასში.

მეორე დღესვე გავარდა კაკო სკოლაში. სკოლის დირექტორს პედსაბჭო დაემთავრებინა და დალილს სახე ჰაერმწმენდისთვის მიეშვირა.

– ბატონო თედო, – უფროსი ძმა კაკაურიძე კარში გაჩერდა.

– მობრძანდით. – თედომ ვერ გაიხსენა, სად ენახა ეს კაცი.

– მე თქვენი მონაფის მშობელი ვარ, ნოლ ჯგუფშია ჩემი გოგო, თამრიკო კაკაურიძე, კვაშალთან.

– მერე, ოქრო მასწავლებელთან მოხვედრილა. შემჭამეს პირდაპირ. რომ იცოდეთ, რა ამბავი იყო დღეს პედსაბჭოზე. ოცდახუთი განცხადება მაინც მაქვს აგერ უჯრაში. ყველა კვაშალთან გადაყვანას მოითხოვს.

– პატივცემულო თედო, – კაკომ თავზე ხელი ჩამოისვა, –

მე თქვენი ისეთი მადლობელი ვარ, მეტი რომ არ შეიძლება, მაგრამ იმისი არ იყოს, თქვენმა სიკეთემ გამათამამა და უნდა გთხოვოთ, მეტი გზა არა მაქვს.

– ბრძანეთ, ბატონო, – თედომ ჰაერმწმენდის ლილაკს თითი დააჭირა.

– ჩემი ძმიშვილი შემოვიდა წლეულის თქვენთან ნოლ ჯგუფში კიდევ. ორი ძმები ვართ, ბატონო, ჩვენ.

– მერე?

– ის წულაძესთან მოხვედრილა და...

– გადმოვიყვანოთ ახლა კვაშალთან?

– თუ არ გენყინებათ, ბატონო.

– არაფრით არ გამოვა, ჩემო კარგო, ახლა ეგ. ველაპარაკე მე, რძალი იყო ალბათ თქვენი. ტაქტის ამბავია. ჯერ წულაძე რას იტყვის, სწავლა არ დანყებულა და ან ჩარიცხვა რა იყო, ან გადაყვანა რა არისო. მეორეც – კვაშალთან უკვე არც ერთი ადგილი აღარა მაქვს. და მესამეც – ეგ ერთი რომ გავაკეთო, უნდა დავიხურო ქუდი და წავიდე ამ სკოლიდან. იცი რა ამბავს ამიტყვხავენ სხვა მშობლები? რატომ კაკაურიძის ბავშვი გადაიყვანეთ კვაშალთან და არა ჩვენიო. გესმით ახლა ეს ამბავი?

– როგორ არ გვესმის, ბატონო, მაგრამ თუ არ დაგვაკარგვინებ ძმებს ერთმანეთს, კარგს იზამთ!..

– კაი ახლა, შე კაცო. დავიჯერო ახლა ასე სუსტი ძაფითა ნაკერი თქვენი ძმობა? – თედომ ხელები გაშალა და სავარძელს გადაეყრდნო.

– არ იცით თქვენ, ბატონო. ჩემს რძალს გაუხელება ჩემი უმცროსი ძმა, ვითომ მე მეთქვას თქვენთვის, ბავშვებს ერთ ჯგუფში ნუ მოახვედრებთ-თქვა.

– არ გენყინოს და გლახა ენის რძალი გყოლია.

– ეგ კიდევ არაფერი. ვითომ თავიდან ჩემი ბავშვი წულაძესთან ყოფილიყოს. ვითომ მე მოვსულიყო თქვენთან და ჩემი ბავშვი აქეთ გადამეყვანოს და ჩემი ძმისა იქეთ.

თედო მოილუშა.

– არა გქონია სახუმროდ საქმე. მერე შენი ძმა ასეთ კაცად გიცნობს? ეგ რომ უთხრა, არ დატუქსა თავისი ცოლი?

– ეგ კი არა, მე დამინყო წუხელის დაკითხვა. მომიყევი ერთი რანაირად მოხვდა თქვენი ბავშვი კვაშალთან და ჩემი წულაძესთანო, – კაკოს მართლაც შეწუხებული სახე ჰქონდა და თედოს ეჭვის ნაპერწკალიც გაუქრა.

– თქვენი სახელი, ჩემო კარგო?

– კაკო, ბატონო.

– ჩემო კაკო, პატარა ხანს უნდა მოვითმინოთ, სხვა გზა არ არის. ჩაიაროს ამ სექტემბერმა. მიწყნარდეს პატარა ეს ხალხი და გაძღვევ პირობას, რომ ოქტომბრის დასაწყისში გავაკეთებ მაგ საქმეს. ერთი ბავშვის დამატების საშუალება ახლაც მაქვს, რომ არ დაგიმალო, მაგრამ ხომ გითხარი, ხსევები ჩამომახრჩობენ.

– მაშინ, ერთ რამეს გთხოვ, ბატონო თედო, – კაკომ ისევ ჩამოისვა თავზე ხელი, – ჩემი გოგო, თამრიკო კაკაურიძე, გადაიყვანე წულაძესთან და ბარელამ ერთად იქნებიან. ნუ ალაპარაკებ ჩემს რძალს, შემოგეველე.

– რა იყო, შე კაცო. ასე დაგაშინა ამ რძალმა? ერთ თვეს ვერ გაძლებენ? – ცოტა არ იყოს ეწყინა თედოს, – უთხარი, პირობა მომცა იმ კაცმა, ერთ თვეში გადაიყვანს-თქვა. მე მგონი შენკენ ვარ. არ არის ასე?

კაკოს მეტი არაფერი უთქვამს. ბოდიში მოუხადა დირექტორს და დაფიქრებულმა გამოაბიჯა.

ოცდარვა აგვისტოს შეკეთებული მერხები ჯერ კიდევ არ იყო მოტანილი სკოლაში და დირექტორი ნერვიულობდა. მუდარისა და მუქარის სიტყვებს ჩასძახოდა ყურმილს, როცა მასთან ტასო შევიდა. თედომ მარცხენა ხელით სკამზე მიუთითა და ტელეფონზე ლაპარაკი რომ დაამთავრა, შემოსულს გაანდო თავისი აღშფოთება.

– ხვალ-ზეგ პირველი სექტემბერია. ვერ ვიპოვე ინსტანცია ჯერ ამხელა ქვეყანაზე, რომელიც პასუხს მოსთხოვს სარემონტო კანტორას, სკოლა რატომ დააღალატეო. გინახავთ ასეთი რამე? პასუხისმგებელი, კაცო, არავინ არაფერზე არ უნდა იყოს? მთელი ზაფხული იქ ეყარათ მერხები და ხელი არ ახლეს. კერძო შეკვეთებს იყვნენ გადაყოლილი. ახლა მოკიდეს ვითომ ხელი. ორი კაცი შეძლებს ამხელა საქმეს? სკოლის საქმე მუქი საქმეა

და არ უნდა არავის. ვისაც არ დავურეკე დღეს, რა ვქნა მეო, ყველამ ასე მიპასუხა. მე რა ვქნა, გეკითხები, ქალბატონო? სად დავსვა ბავშვები პირველ სექტემბერს რომ მოვლენ სკოლაში.

ტასომ თქმით არაფერი თქვა, მაგრამ გულის სიღრმეში გაეხარდა, რომ დირექტორმა გულისტკივილი გაუზიარა. გოჩა კაკაურიძის მეუღლეს ახლა მერხები ნაკლებად აინტერესებდა.

– გისმენთ, ქალბატონო.

– მე... ისა... გუშინნინ ვიყავი თქვენთან, კაკაურიძის დედა ვარ. კვაშალთან ბავშვის გადაყვანის თაობაზე, თუ გახსოვთ, – ტასო კაბის ქამარს ნერვიულად ათამაშებდა და დირექტორს არც კი უყურებდა.

– ხომ ვუთხარი გუშინ თქვენს მაზლს, ქალბატონო. ეს ერთი თვე მაცალეთ და გადავიყვან-მეთქი. რა არის, ბოლოს და ბოლოს, ერთმანეთს არ ენდობით, თუ მე გგონივართ მატყუარა, ვერ გავიგე, ახლა ვერაფრით ვერ გავაკეთებ მაგ საქმეს...

– პატივცემულო, – ტასომ სიტყვა გააწყვეტინა დირექტორს, – მე ახლა მაგ საქმეზე არ მოვსულვარ, თუ გინდათ, სულ ნუ გადაიყვანთ. რა მოხდა, კაცმა რომ თქვას, იყოს იმ წულაძესთან, რა ვუყო ახლა. მე სხვა რამ მაინტერესებს.

– ბრძანეთ, ქალბატონო.

– ჩემი მაზლი თქვენთან ივნისში იყო პირველად?

– არ მახსოვს, კი, მგონი.

– მაშინვე ჩარიცხეთ თქვენ მისი გოგო კვაშალთან?

– მაშინ მქონდა საშუალება, ქალბატონო. მითხრა იმ კაცმა, კვაშალთან მინდაო და არ ვაწყენინე. თქვენც რომ დროზე გეთქვათ, სანამ შეივსებოდა, თქვენსასაც იმასთან ჩავრიცხავდი. ნეტავი არ მუშაობდეს ეს ოჯახქორი კვაშალი სულ ამ სკოლაში.

– ბატონო თედო, ტასოს ლოყებზე ერთბაშად წაეკიდა ალმური. – მერე თუ იყო კაკო თქვენთან?

– ვინ კაკო?

– ჩემი მაზლი.

– არა, გუშინ ვნახე მეორედ.

– გაიხსენეთ, აბა, კარგად. ჩემი ბიჭი – ბახვა კაკაურიძე რომ შემთხვევით კვაშალთან იქნა ჩარიცხული. არ მოვიდა კაკო და არ გთხოვათ, თამრიკო ჩამირიცხე კვაშალთან და ბახვა – წულაძეს მიაწერეო?

– არა, არ ყოფილა მაგისტანა შემთხვევა, ქალბატონო.
 – კარგად გაიხსენეთ, ძალიან გთხოვთ.
 – რა გავიხსენო, რაც არ ყოფილა.
 ტასომ ქამარს ხელი უშვა და დირექტორისაკენ გადაიხარა.
 – ჩვენ შორის დარჩება, ბატონო. ვფიცავ იმ ერთ შვილს, ამ
 ოთახიდან არ გავა ეს ამბავი. მარტო მე მითხარით.
 თედოს სიბრაზისაგან ყელში ბურთი მოაწვა და სუნთქვა
 გაუძნელდა.
 – რა დაკითხვას მიწყობთ, ქაობატონო! რა საიდუმლო გა-
 განდოთ? ტყუილი გითხრათ? რაშია საქმე? თქვენ რაღაცაზე
 ვერ მორიგებულხართ ოჯახში და მე მჭამთ? როგორ ფიქრობთ
 ახლა, მეტი საქმე არაფერი მაქვს მე?!
 – რა იყო ბატონო, რა გაყვირებთ? – ტასო წამოდგა და კე-
 დელზე მიჩურინის სურათს შეხედა.
 – ბოდიშს ვიხდი, ქალბატონო, მაგრამ თქვენც უნდა შეხვი-
 დეთ ჩემ მდგომარეობაში, – თედომ ნერვები დაიოკა, – გითხ-
 არით წესიერად, აგიხსენით. თქვენი მაზლი ადრე იყო, ივნის-
 ში და მთხოვა ბავშვი კვაშალთან მომიხვედრეო. მერე აღარ
 მოსულა, რაზე უნდა მოსულიყო? გუშინ მოვიდა და მეხვეწა:
 ნუ მიწყენინებ ჩემს ძმა-რძალს, იმათი ბავშვიც კვაშალთან
 ჩამირიცხეო. არ მქონდა საშუალება და უარი ვუთხარი. რაში
 ვარ მე დამნაშავე, ვერ გავიგე.
 – თქვენ ასე ყვირილით ელაპარაკებით ყველა მშობელს?! –
 ტასო აიმრიზა.
 – ყვირილი რა შუაშია. ცოტა ხმას ავუწიე და ბოდიში მო-
 გინადეთ. რა ვქნა მეტი, ქალბატონო.
 სტუმარს მეტი არაფერი უთქვამს, შეტრიალდა და კარი
 გაიჯახუნა. კარის გაჯახუნება გამოქვაბულის პერიოდიდან არ
 მოდის. იგი ადამიანებმა უფრო გვიან ისწავლეს, მასპინძლის
 მიმართ უპატივცემულობის გამოსახატავად.
 ოცდაცხრა აგვისტოს დირექტორის კაბინეტში უმცროსი
 მხატვარ-გამნათებელი გოჩა კაკაურიძე იჯდა და ხელისგულს
 ისრესდა.
 – ბატონო, ხომ ავუხსენი გუშინ თქვენს მეუღლეს ყვე-
 ლაფერი. ცოტა გამიგულისდა კიდევ. ეს იყო, რაც იყო, მეტი
 არაფერი ყოფილა ჩემსა და თქვენს ძმას შორის.

– ჩემი მეუღლე სხვა არის, პატივცემულო. ქალია მაინც,
 რაც არ უნდა იყოს. მე ძმა ვარ და ჩემთვის მინდა ვიცოდე. თუ
 წინ დაგხვდეთ ეს ნათქვამი, კაცი არ ვიყო.
 – რა გინდა, გამაგებინე? – თედო გრძნობდა, რომ წონას-
 წორობას კარგავდა.
 – ხომ იყო თავიდან ჩემი ბავშვი კვაშალთან.
 – ვინ გითხრათ?
 – მე გეკითხებით, ისე, ჩემთვის მაინტერესებს.
 დირექტორი წამოდგა. კარადასთან მივიდა. საქალაქდ
 გამოიღო. კარგა ხანს ფურცლა და მერე გოჩას დაუდო წინ.
 – ა, ნახე. ეს არის თქვენი ძმის – კაკო კაკაურიძის განცხადე-
 ბა, ნაიკითხე რა აწერია: „თამარ კაკაურიძე ჩაირიცხოს ნორა
 კვაშალის ჯგუფში“! ახლა თარიღი ვნახოთ, თორმეტი ივნისი
 ხომაა ეს. ახლა შენი განცხადება მოვძებნოთ, ა, აგერაა ესეც.
 აწერია რამე? არ გითქვამს შენ მაშინ კვაშალთან მინდაო. ხომ
 არ გითქვამს, რას მერჩი აბა მე?
 – არაფერს, ბატონო, კი არ გერჩით. მე უბრალოდ მინდა,
 გაგება. ჩემი შვილი რანაირად მოხვდა აბა კვაშალთან?
 – ვინ გითხრათ? რანაირად მოხვდებოდა თქვენი შვი-
 ლი კვაშალთან, როცა აგერ აწერია განცხადებას თორმეტი
 ივნისს – თქვენი ძმიშვილი, რა ჰქვია, ა, თამრიკო კაკაურიძე
 ჩამირიცხავს.
 – ბატონო, მე საჩხუბრად კი არ მოვსულვარ. – გოჩა წასე-
 ლას არ აპირებდა, – ჩემთვის მინდა ვიცოდე. ამას კი არაფერი
 მნიშვნელობა აქვს, მაგრამ ისე, ყოველ შემთხვევისთვის... იმ
 შვილიშვილებს გაფიცებთ, ხომ გადაგაყვანიხათ კაკომ წულ-
 აძესთან ჩემი ბავშვი?
 – არა! არ გესმის რა არის „არა“?
 – აბა, რანაირად მოხვდა წულაძესთან?
 – სადაც თავისუფალი ადგილი იყო, იქ ჩავრიცხეთ, – თე-
 დოს ტუჩები გაუთეთრდა და ცივმა ოფლმა დაასხა, მარცხენა
 ხელი ისე დაუმიძიდა, რომ ყურმილსაც ვერ აიღებდა ახლა,
 ტელეფონს რომ დაერეკა.
 – არ გავა ჩემგან ეს ამბავი, ბატონო. ჩვენ ძალიან ტკბილი
 ძმობა გვაქვს, მე მითხარით მარტო.

– არ გრცხვენია, ბიჭო, შეენ? – თედომ შუბლზე ცივი ოფლი მოინმინდა, – რას აკეთებ, არ უფიქრდები? რატომ ხარ ასე მონდომებული, შენი ძმის ცუდკაცობაში დარწმუნდე. ასეც რომ ყოფილიყო, რას გაძლევს შენ ეს.

– არაფერს. ჩემთვის მეცოდინება.

– ასე რამ მოგიშალათ ნერვები. ასე რამ შეგაძულათ სიცოცხლე. ჯერ ერთი, მართალია ის კაცი შენთან და კიდევ რომ გაეკეთებინა მას ეს ამბავი შენთვის, ასე უნდა გამოდგე გამომძიებლად ქუჩაში?

– იმას სიტყვას არ ვეტყვი. ჩემთვის მეცოდინება. – ჯიუტად იმეორებდა გოჩა.

– რად გინდა მერე ამის ცოდნა? ძმის სიგლახის გაგება დარდის მეტს რას მოგიმატებს. შარზე ხარ? მიზეზს ეძებ? გინდა დაკარგო დედამამიშვილი და ფაქტებს აგროვებ? ნადი ახლა, თუ კაცი ხარ და ამ საკითხზე მეტი აღარ მოხვიდე ჩემთან. ვფიცავ ორ შვილიშვილს, რომ შენს ძმას არ უთქვამს ჩემთვის, ჩემი ძმიშვილი კვაშალთან ნუ იქნებაო, პირიქით, გუშინწინ მეხვეწა: ჩემი ბავშვიც ნულაძესთან გადაიყვანე, რომ ორივე ერთად იყოსო.

თედო წამოდგა და ამით სტუმარს აგრძნობინა, აუდიენცია დამთავრებულია.

– კარგი, ბატონო... რახან ასეა. თუ არ მეტყვით, ნუ მეტყვით ისე... მე სათქმელად კი არა, ჩემთვის მინდოდა, მცოდნოდა.

– რა გცოდნოდა, ტყუილი?

– არა, მართალი.

– მართალი არ გინდა შენ! შენ სიმართლის გასაგებად არ ხარ მოსული. შენ გინდა, რომ შენი ძმა ცუდი კაცი იყოს. და გული გწყდება, რომ ასე არ არის. ა, ასეა ეს, თუ სიმართლე გინდა! – თედო სიბრაზისაგან ცახცახებდა.

– თქვენს ადგილზე მე ცოტა ნერვებს ვუმკურნალებდი და თქვენი საყვირალი არავინ არ არის აქანა! – გოჩამ კბილებში გამოსცრა და კარამდე რომ მივიდა, კიდევ უნდოდა რაღაც უფრო მწარე ეთქვა, მაგრამ თავი შეიკავა და გავიდა.

ოცდაათ აგვისტოს თედო შარიქაძე დილის ცხრა საათზე სკოლაში რომ მივიდა, სახტად დარჩა, მოსაცდელში ძმები –

კაკო და გოჩა კაკაურეიძეები ისხდნენ ერთმანეთისგან საკმაოდ დაშორებით. დირექტორის დანახვისთანავე ორივენი წამოდგნენ და კარგა ხანს ერთმანეთს ეპატიჟებოდნენ კაბინეტის კართან. თედომ ჭილოფის ქუდი რომ ჩამოჰკიდა და ფარდა გადასწია, ძმები უკვე მაგიდას შემოსხდომოდნენ.

– ბატონო თედო, – კაკომ დაიწყო. – საჩოთირო საქმეზე ვართ მოსული და უნდა გაგვიგო.

– არავითარი საჩოთირო არაა ეს. – ჩაურთო გოჩამ.

– მე ვუთხრა, თუ შენ ეტყვი. მერე ამაზეც არ მომდო შარი. დაიწყე, აბა შენ! – კაკომ ძმას შეხედა.

– მე რა დავინყო. ჩემთვის ყველაფერი გარკვეულია. შენ მომიყვანე აქ და შენ დაიწყე. – გოჩამ, როგორც გულისმოსვლის დროს იცოდა, განზე გაიხედა.

– ბატონო თედო, მე მიცნობდით თქვენ ადრე? – ჰკითხა კაკომ.

– არა.

– ჩემზე დაგირეკათ, გთხოვთ ვინმემ რამე?

– არა.

– ზღაპარს ნუ მოჰყვები ახლა. რაც გვინტერესებს ჰკითხე და წავიდეთ. არ ცალია ამ კაცს ჩვენთვის. – გოჩა თითების ტკაცუნს მოჰყვა.

– ჩემი ბავშვი – თამარ კაკაურიძე ვისთან არის ჩარიცხული, ბატონო თედო? – კაკოს ხმაში ტირილი იგრძნობოდა. ეტყობოდა, უმძიმდა დირექტორთან ამ საკითხზე საუბარი.

– მაგას კი ნუ ეკითხები, თავიდან ვისთან იყო-თქვა, ასე ჰკითხე. – ცხარობდა გოჩა.

– თავიდან ვისთან ჩარიცხეთ ჩემი ბავშვი, პატივცემულო თედო?

– კვაშალთან. – თედოს ნესტოები გაუთეთრდა.

– გოჩას ბახვა?

– ნულაძესთან.

– ხომ არ მომხდარა ასეთი რამ, ბატონო თედო, – მიუხედავად თქვენი 12 ივნისის რეზოლუციისა, გოჩას ბიჭი კვაშალის ჯგუფში აღმოჩნდა და ჩემი გოგო ნულაძესთან?

– არ მომხდარა.

– თუთიყუშით ნუ ელაპარაკები. შენ ასე ჰკითხე: მე მოვედი თუ არა გოჩას ბავშვი კვაშალიდან ნულადის ჯგუფში გადაგყვანინე თუ არა-თქო და ამით დამთავრდება ყველაფერი, – კიდევ ერთხელ ჩაერია საუბარში გოჩა.

დირექტორს თვალთ დაუბნელდა. თითქოს ისარი გაურჭესო, ბეჭის ქვემოთ ზურგი აენვა და თითქოს ყელში ხელს უჭერენ და უნდა ორიოდ სიტყვის თქმა მოასწროსო, იყვირა:

– ჩემს მოსაკლავად მოხვედით?! გადით ორივენი აქედან! შემირცხვენია თქვენი ძმობა, თქვენი კაცობა, თქვენი ადამიანობა. თქვე გლახის ჭირებო, თქვენ!

სავარძელში მოწყვეტით ჩაეშვა და გული შეუღონდა. კაკაურიძეები გაფითრებულნი გამოცვივდნენ დირექტორის კაბინეტიდან და მდივან გოგონას დაუბარეს – ცივი ნყალი შეუტანე შენს ფსის დირექტორსო.

გასაოცარი რამ მერე მოხდა: ძმებმა – კაკო და გოჩა კაკაურიძეებმა ორმოცდამეხუთე სკოლის დირექტორს – თედო შარიქაძეს სასამართლოში უჩივლეს – თავის კაბინეტში, სამსახურებრივი მოვალეობის შესრულებისას, ჩვენ, – სათხოვნელად მიღებაზე მისულ მშობლებს, შეურაცხყოფა მოგვაყენაო.

სექტემბერმა ისე გაიარა, რომ თედო შარიქაძე ყოველ მეორე დღეს სამოქალაქო საქმეთა გამომძიებლის წინ იჯდა და ჩვენებებს აძლევდა.

საქმე სასამართლომდე არ მისულა. ხუთ ოქტომბერს თედო შარიქაძე თავის კაბინეტში იპოვეს ორივე პარკუჭის (წინა და უკანა) ინფარქტსაგან გულგაგლეჯილი. სასწრაფოს ექიმმა დაინახა თუ არა სულთმობრძავი, კარშივე თქვა – ინფარქტია. რაკი დუჟი მორევია აღარაფერი უშველისო.

ჩემი საქმე რომ იყოს, სისხლის სამართლის პასუხისგებაში მივცემდი და როგორც მკვლევებს საჯაროდ გავასამართლებდი ძმებს – კაკო და გოჩა კაკაურიძეებს, ქალბატონ ტასოს და ქვრივი ვერას გოგოს – ორმოცდამეხუთე სკოლაში საქმეთა მმართველად რომ მუშაობს.



არული

დღეს მეტისმეტი მომივიდა. ათას ცხრაას ხუთი-შვიდი წლების საცენზურო კომიტეტის მასალებმა გამიყოლია და ჩაის დალევაც გადამავინცდა. ახლა შიმშილისგან თავბრუ მესხმის და ფეხებზე დოლაბები მკიდია. მაინც რა უცნაური დრო იყო. ვისაც რანაირად გაეხარებოდა, ისე უბერავდა. კაპიკი იყო პიროვნების ფასი. პრესის თავისუფლებათ, მოატყუა მეფემ ხალხი და ზოგმა დაიჯერა კიდევ, რომ ნიკოლოზის მთავრობა ხანდახან სიკეთის ქმნის ხასიათზეც დადგებოდა. განცხადებებია არქივში, სიცილით მოკვდებით. კაცმა წერა-კითხვა ძლივს იცის და გაზეთის გამოცემის ნებართვას ითხოვს. სამ წელიწადში ორმოცამდე გაზეთი და ჟურნალი გამოსულა მაშინ გოჭოურაში. საკუთარი ორგანო მაქვსო და ვისაც ვისი ჟინი სჭირდა, იმას ლანძღავდა. ასეთი ფაქტებიცაა: გაზეთში შავით თეთრზე დაბეჭდილია, მავანი და მავანი პიროვნება გარდაიცვალა, პანაშვიდი ამა და ამ დღესაა, გამოსვენება ამ რიცხვში განსვენებულის ბინიდანო. „განსვენებული“ კი ამ ცნობის დაბეჭდვის დროს სალ-სალამათია (თუ გაზეთის გამოსვლის მერე არ გაუსკდა სიბრაზით გული). სასტუმროში მისვლა, ჭადი და ყველი, მწვანე ხახვი და ამოლესილი ლობიო მთლად მირჩევნია ახლა ყველაფერს, მაგრამ სადაა. „კომუნის“ გვერდით, სალობიეში, ლობიო აქვთ, მაგრამ ჭადს ვინ მოგიტანს. სასტუმროს რესტორანში სამი დღის გამომცხვარ ჭადს გაგიხერხებენ, მაგრამ რად გინდა, ლობიო არა აქვთ მენიუში. მარლანიას ბუფეტში ჭადი და ლობიო თუ შეახვედრე ერთმანეთს, ყველს მოგართმევენ იმნაირს, რომ აირწინაღობით უნდა ჭამო, ისე ყარს. ერთი სიტყვით, ცუდადაა ცხოვრება აწყობილი. ახალ გაზეთებს ვიყიდი, საქაბაბეში ცხელ ხარჩოს შევჭამ და სასთუმალს მოვძებნი. თუ არ წავუძინე ერთი საათი მაინც, ხვალ კაცად არ ვივარგებ.

– გაიოზი არა ხარ შენ, სახვაძე?
ჩემ წინ ორმოცდაათიოდე წლის, შავპიჯაკიანი ხმელ-ხმელი
კაცი დგას.

– ვერ მიცანი ხომ? დამაკვირდი აბა.

ვაკვირდები: კოტოვსკის უღვაში, გაბუშტული ცხვირი, ნაყ-
ვავილარი, წითური სახე. ნაქისფერი, მკვირცხლი თვალები.
არის ამ თვალებში, როგორ არ არის, რაღაც შორეულად ნაც-
ნობი, მაგრამ ამის გამხსენებელი ვარ მე?

– აბა, ქუდი მოიხადე! – უკანასკნელ იმედს ჩავებლაუჭე.

ქუდი რომ იშვლიპა, სულ ველარ ვიცანი.

– მოიცა, არ თქვა ჯერ არაფერი! – მეხსიერება ყურძენივით
გამოვწურე, მაგრამ სანუგეშოს არაფერს ამბობს.

– რობერტი დიაკონიძე არა ხარ, აგული კვასტიანი ნამდ-
ვილად არა ხარ, ლერიკინა ასათიანი ხომ არ ხარ და არ ხარ,
ლერია მალალი იყო... მოიცა, არ მითხრა ჯერ!

იცინის ეს ჩემი ცოდვით სავსე. რაც უფრო ვაკვირდები და
რაც უფრო იცინის, ის წამიერი ნაცნობობის გაკრთომაც წაიშ-
ალა ჩემი გონებიდან.

– შენ რა გითხრა, გაიოზ, ბიჭო, ლადო არ ვარ მე, ჭილაძე?

ახლა რომ ვკითხო, რომელი ლადო, ვინ ჭილაძე-მეთქი,
შეიძლება, აგური დამკრას თავში, ისე ბედნიერი სახით მიც-
ქერის. არადა, მართლაც ვინ ლადო ჭილაძეა, ღმერთო მომა-
გონე, დრო არ ითმენს. კაცს გუნებას ვერ მოვუშხამავ. ჯანდ-
აბა ჩემს თავს. თვალი დავხუჭე, ზურგით კედელს მივეკარ და
რაც შემეძლო, წავბაძე იმ კაცს, რომელმაც ევაკუაციის დროს
მშობელი მამა დაკარგა და ყურადღებიანი პრესის საშუალე-
ბით ახლა, ამ წუთას იპოვა.

– არ გამაგიჟო?!

– სირცხვილი შენი, მე მაშინათვე გიცანი, სახეზე არც შე-
მომიხედია, უკნიდან გიცანი სიარულზე. მაშინაც ასე მოყან-
თარობდი, რავარც ახლა, მე ვთქვი, ეს გაიოზია ნამდვილად
თქვა. რამდენი წელი იქნება?

– ოცდაათი, – ანგარიშშიუცემლად გადავნიე ჩვენი უკანას-
კნელისწინა შეხვედრა.

– მამაშენი ხომ კარგადაა?

– მოკვდა.

– დედაშენი?

– მოკვდა ისიც.

– ბიცოლა რომ გყავდათ გაუთხოვარი სახლში? მუნჯი იყო,
ტასო ერქვა მგონი.

– აღარ არის ცოცხალი. – ხელის ზურგით ცრემლი შევიმშ-
რალე, – აქეთ რა ამბავია?

– აბრაშკა რომ გყავდა რუსულში.

– ჰო, მოკვდა?

– ისრაელში წავიდა.

ცოტა დავმშვიდდი.

– ვინ მოკვდა იცი?

მხრები ავიჩიჩე.

– მარდალეიშვილის ეზოში გიჟი ცუნაია რომ ცხოვრობდა
ქვით რომ გამოგვეკიდა ერთხელ.

– სხვა? – აქამდე არაფერი, ანია საქმე, ანი რა დოზანაზე
ველაპარაკო?

– სხვები ქე არიან ჯერჯერობით.

ადამიანი შეიძლება აქლემს ჰგავდეს? რასა ჰგავს, რასა
ჰგავს-მეთქი და ძლივს არ მომაგონდა? აქლემის პირი – წინ
წამოსული და ნახევარწრედ გაჭრილი, აქლემის თვალები –
უმეტყველო და უნარბო ზედგამოჭრილი აქლემია.

მერე რაც მოხდა, მოსაყოლად არ ღირს, რადგანაც მსგავსი
შემთხვევა მკითხველს ათასჯერ ექნება გაგონილი და ნაკითხ-
ული. „არ მომიკვდე, შენ მე არ გაგიშვას“ მოტივმა თავისი
გაიტანა და ახლა ორივენი ტაქსში ვზივართ.

– რომელ ქუჩაზე ცხოვრობ, ლადო? – ისე, სიტყვის მასალ-
ად ვეკითხები. თორემ ჩემთვის ახლა მნიშვნელობა არა აქვს.

– ორი ფეხის ნაბიჯზე ვარ აქედან. ნახევარი საათი არც
კი უნდა ტაქსს ჩემს ჭიშკრამდე. სალორიაში ვცხოვრობ. კაი
სოფელია. რა უჭირს. სახლი ისევ ის მიდგას, მამაჩემის დანატ-
ოვარი. ადგილი – უმაღლესი. ეზოყურე იმნაირი – ცივი ღელე
ჩაგვიდის, ჭიქას ხეთქავს, აგერაც შევიდოდით რესტორანში,

მარა სოფელს სხვა გემო აქვს, სოფელში რომ ნეშოში გამომცხვარ ჭადს არეკავ კეციდან, იმის სუნი სხვაა.

გეგუთის ქუჩა თანდათან დავიწროვდა, ასფალტს ჯერ, მთვარის სურათზე რომ მინახავს, ისეთი ორმოები დაეტყო და ქალაქს გავცდით თუ არა, მანქანა ისე გადახტა მინაყრილზე, არც კი გვიგრძვინა-მეთქი, რომ ვამტკიცო, ტყუილი იქნება.

გზის გასწვრივ, ჩვენ პირდაპირ ვეფხისფერ კატას შავდრუნჩიანი ნაგაზი მოსდევს. ეტყობა, სერიოზული შეურაცხყოფა მიაყენეს; ძალლი ყეფით იკლებს იქაურობას და თუ კბილებში მოიგდო დამნაშავე, კარგ დღეს არ დააყრის. კატა ქურდივით უხმაუროდ და მსუბუქად გარბის. კატის ემმაკობა ნახეთ; მანქანას რომ მიუახლოვდა, ელვის სისწრაფით განზე გახტა და გზა გადაჭრა. ძალღმა აღარ გარისკა, შედგა და ტრანსპორტის გავლას დაელოდა. ანი, მით უმეტეს, სიბრაზისაგან აკანკალებული მურია თავხედი კატის დამწვევი აღარ არის.

– საკირესთან გამიჩერე ერთი, ჩვენი ძმა.

ლადომ გადასვლა მოასწრო, ქარმა წამოწეული მტვერი ერთგულად შემოგვახვია.

მაღე მობრუნდა, ახალგამომცხვარი პურის დამათრობელი სუნი შემოჰყვა. ღილაკი ამოსწია, უკანა კარი გამოაღო და ორი „ბუხანკა“ სავარძლის თავზე მოისროლა.

არაფერი მიკითხავს, მანქანა რომ დაიძრა, თვითონ ალაპარაკდა.

– ნავილოთ მაინც, ეგება არც კი იქნეს ახალი პური სახლში. ხომ იცი, თუ სტუმარს არ ელის ქალი, თონეს არ გაახურებს. ვინღა აცხობს პურს ახლა შინ. ორმოცი კაპიკი უნდა ამხელა ბუხანკას. ნახვალ და იყიდი. ცომის მოზელვად და წვალებად არ ღირს. ჩვენ თონეში ქათმები იბუდრებენ მშვენიერ კარგად.

– თონეში გამომცხვარს მაინც სხვა გემო აქვს.

– იცოცხლე-თქვა, სხვა გემო აქვს, არ გინდა მაგაზე ლაპარაკი, მარა გემო მაშინა აქვს, ცხლად რომ შეჭამ, თვარა, რომ გაცივდება და გალიგვდება, მერე ერთია ყველა. გააჩერე შენ, იმანო, ერთ წამას!

მანქანა მოწყვეტით შედგა. ჩვენ გვერდით ერთი ხელისგანვდენაზე ხის მაგიდა დგას. მაგიდაზე არწივისცხვირებიანი,

ძველთაძველი სასწორი დევს. იქვე, ხეზე, დევის ბარკალი და ნეკნები ჰკიდია. ხესთან იმერულქუდიანი ჩვიდმეტიოდე წლის ყმანვილი დგას და თხმელის შტოთი ხორცს ბუზს უგერიებს.

ლადო მაგიდას მიუახლოვდა, ჯერ სასწორს გირი ააცალა და არწივებს ნისკარტები მიადებინა (სასწორი ხომ არ იტყუებაო), მერე ბარკალი შეატრიალ-შემოატრიალა.

– ნამეტანი ბებერი ხარი იყო?

– რაის ხარი, ბიძია, ხარია მაგი?

– აბა, რა არის?

– რა არის და უშობელია.

– რატომ დაკალით მერე. ავად იყო?

– ავადმყოფობა და შავი ქირი არ მოშორდა შენს დამანყევარს, რა ქირდა საავადმყოფო. კერკეტა უშობელი იყო. ამის შესხედვას არაფერი სჯობდა. ფეხი მოიტეხა სარეკელასთან ამ დილას და დავკალი, თვარა ამას კაცი გაიმეტებდა დასაკლავად?

– კაი აბა, გენდობი, ამინონე სამი კილო.

– ვაი, – არ ჩქარობდა ბიჭი, – წაილე შენ ეს ხორცი და რამდენი მლოცო, იმდენი ჯანი და სიმრთელე ჩემს ჯილაგს.

– ანონე, ანონე, ნუ ლაპარაკობ ბევრს. რას შვრები, ბიჭო, ვის ვაჭამო ამხელა ძვალი?!

მეხორცეს გაეცინა.

– ყველას უძვლო გინდათ, ბატონო, და უძვლო ძროხა ჯერ არ დაბადებულა ამ ქვეყანაზე. პატარა შენც უნდა იზარალო, აბა, რავა გინდა. შენ რომ მთლად უძვლო გაგატანო, ცარიელი ძვლები ვის მივყიდო, მითხარი, სხვასაც აქვს პირი, სხვასაც ქე უნდა ჭამა.

მანქანის კარი რომ მიიჯახუნა, შოფერმა ხმა ამოიღო, არ არის კარგად დაკეტილი, თავიდან მიატყყო. ლადომ ხორცი მე გადმომანოდა. ორივე ხელით გააღო კარი და ისე მაგრად შემოიხურა, რომ კინალამ ჩაღენა.

– კი ვერ გაამტყუნებ, კაცმა რომ თქვას, ამხელა ფასს რომ ადებს. რავარი შესანახავია ახლა საქონელი. საძოვრები გადახნეს. ყველგან ღობე და მესერია, ხელისგულზე არ ბალახობს, მოგესხენებათ, ძროხა. ერთ დღეს გვითხრეს, ერთ

სულ საქონელზე მეტს ნუ იყოლიებთო. განწყვიტა საყოლი გლებმა, ახლა ეუბნებიან, გყავდეს რამდენიც გინდაო. საიდან მოიყვანოს, რაფერ მოაშენოს ასე უცებ. ნამეტანი ხელმომართული უნდა იყოს ახლა კაცი, სტუმარს ხბო რომ დაუკლას. ასეა ეს. დასამალავი არაფერია აქანა.

ასახვევთან, წელს ზემოთ შიშველმა, მზისგან გარუჯულმა კუნთებჩაგრეხილმა ბიჭმა ორივე ხელი აგვინია. მის უკან, შუა გზაზე, ძველთაძველი, ოცდათორმეტადგილიანი ავტობუსი დგას.

– უნდა მომანვეთ პატარაზე, სტარტერი არ იღებს, ეს უპატრონო, და ასე ვწვალობ დღეს მთელი დღეა.

– რას ქვია, მოგანვეთ. მოსანოლად თუ გვცალია, არ უნდა გვკითხო? ნუ გლახაობ, რალაცას, გაგვატარე ჩვენ და უკან მოდის სხვა მაშინა! – ურჩია ლადომ.

– გატარდით, ბატონო, თუ გაიართ, – იცის, რომ ვერ გავეტყვით.

– მივანვეთ, არ ღირს სალაპარაკოდ, – ვთქვი და მანქანის კარი გავაღე.

– ამნირი ძალად მაცხონე არაფერი მინახავს. თუ ჩაგიქვრა, ვერ გადააყენე გვერდზე? – ბუზლუნებს ჩემი მასპინძელი. შავტუხა შოფერმა გაიცინა.

– გუშინ გვერდზე რომ გადავაყენე, იმიტომ იყო, ორსაათნახევარი ვიდექი საყულისათან. კაციშვილმა არ მიშველა. დღეს კაცს გზაზე თუ არ წაუნეჭი, ზედაც არ შეგხედავს.

თავდაღმართამდე მოვაგორეთ როგორც იქნა.

– აწი აღარაფერი მიჭირს, – დაიქოქება, – დაგვიგდო ბანრისმკლავებამ და ისე მოხდენილად შეხტა დაძრულ ავტობუსში, რომ თქვენი მოწონებულნი.

ალვის ხეების ჩრდილში ჩვიდმეტი წლის მოხდენილი გოგო ვირს ექაჩება. ბანარი განწყვეტაზეა, ვირს თავი წინ გაუშვერია. ფეხები გაუჩიკინებია და პრინციპზე დგას. რა გინდა რომ უქნა. სად წაიყვანს ახლა პატრონი ისეთ საშინელ ადგილას, კაცმა რომ თქვას. გაჯიქებულ პირუტყვს იქ წასვლას კისრის წანყვეტა რომ ურჩევნია.

– სასადილოსთან გააჩერე ერთი, საქმე მაქვს. – შოფერმა ლადოს იმ კაცის თვალებით გადმოხედა, სიამოვნებით რომ არ შეასრულებდა ჩვენს თხოვნას, სხვა გზა რომ ჰქონდეს.

ექვსი ბოთლი „იმერულით“ დამძიმდა ჩვენი ტაქსი.

– ღვინოს მეტი რა მაქვს, ჭურს მოგიხდი, – დაიწყო ლადომ, მინა რომ ჩამოსწია და ჰაერს შუბლი შეუშვირა, – მარა სახლის ღვინოს, მე რომ ერთი კაცი ვარ, ყოველთვის დაბეჭდილი მირჩევნია. ჩემმა სახლიკაცმა დანურა, მე აქ არ ვიყავი და ვერ ვედნობი, გითხრა სიმართლე. რა ვიცი მე, რა ჩაყარა შაქრის გარდა შით. ხვალ თავი უნდა აგტკივდეს და ეს საკოცნელი პირი საგინებლად უნდა გავიხადო. სადაა სუფთა ღვინო, მამა შვილს ვერ დააღვინებს დღეს სუფთა ღვინოს, – გაიცინა, – არა აქვს და რას დააღვინებს.

სალომასოს რაიონულ ცენტრს პატარა ბაზარი აქვს, ლადო ჭილლაძემ იმ ბაზართან რომ გაგვაჩერა, ჭადის ფქვილი, ყველი და მწვანილი მამასისხლად რომ იყიდა და მანქანაში შემოყო თავი, ველარ მოვითმინე. პირში ენა არ მეტყევა, თორემ ვინ მკითხავდა, რა ჩემი საქმე იყო.

– უდაბნოში ხომ არ ცხოვრობ, მწვანილიც საყიდი გაქვს თედო?

– ბოსტანს მოვლა ხომ უნდა, მითხარი ერთი, თუ კაცი ხარ, – დამნაშავესავით იშმუშნება და სირცხვილეულად მიღიმის, – ვინ მოუვლის, მე წამოსული ვარ და მამაზეციერი ჯერ არ დამდგარა იმ ჭკუაზე, ხელში რეზინის მილი დაიჭიროს და ჩემი ნიახურ-ოხრაბუში რწყას. უშრომელად აღარაფერი აღარ მოდის ახლა მინაზე. აღარაა ის დრო, თესლს ხელუკუღმა რომ გადააგდებდი და შემოდგომაზე ტომრით მიაკითხავდი.

– შენ – წამოსული? – გაოცებისგან პირი დავაღე.

– არ მინდოდა, მე თქვა, – კეფა მოიფხანა, – მაგრამ სანამდის გიმალო? აღარ ვარ სოფელში, წამოვედი. მალე საპენსიო ვარ. როდის დამაგდებს ეს ჯავრით სავსე გული ძირს, არ ვიცი. ოცდაათი მანეთი პენსია მარჩენს მერე მეე? გოჭოურაში კაცი მყავს და მაღალ ხელფასზე გამაფორმა, ერთ-ორ წელიწადს წავიმუშავე და მერე ვნახოთ.

სად ცხოვრობ?

– ნაქირავებში.

– სოფელში ვინლა დარჩა?

– ჩემ გარდა ყველა იქაა: დედაჩემი – დაბერდა ძალიან სანყალი, ჩემი ცოლი და სამი გოგო მყავს – უმცროსი წელს ამთავრებს. ყველას თავისი საქმე და გასაჭირი აქვს. გოგოები ვერ გავათხოვე და ამის ფიქრმა მთლად წეილო მთავარი სული.

ცოტა ხანს ვდუმდით. მანქანა გულისგამანყალვლად მიხტუნავდა ოღროჩოდროზე, უეცრად ლადომ ხელი მომიჭირა მკლავზე და თითქოს აღსარებას ამბობსო, ნერვული ჩურჩულით დაიწყო.

– მიზეზია, რაც გითხარი, ყველაფერი. არ დაიჯერო. რა სიკვდილად მინდა პენსია? ყველას ვერ ეტყვი კაცი. იცი რატომ გავიქეცი? მომწყინდა, ცოტა ხანს კიდევ რომ დავრჩენილიყავ, შეიძლება, ქვის სროლა დამეწყო. სულ შენთვის, კაცო, სულ შენთვის? გამაგებინე როდემდის? ერთი დღე მაინც არ მეკუთვნის მე? გამაგებინე, რა ვალი მაქვს ასეთი, მთელი ცხოვრება რომ ვერ გადავიხადე? ყველაფერი შენ, ყველაფერი შენთვის?.. ჰოდა გავიქეცი, ვერ გავუძელი და გავიქეცი. ბევრს შეიძლება სისულელედ მოეჩვენოს, შენც ალბათ ასე გეგონება, ჭკვიანი ხანდახან სულელია, მარა სულელი არასოდეს არ არის ჭკვიანი. ოთხი პერიოდი აქვს თურმე მამაკაცის ცხოვრებას. ასე შევატყვე მე, ჩემი დაკვირვებით: პირველი – ახალგაზრდა რომ ხარ და გული გიმღერის, რასაც მოკიდებ ხელს, ბღღვირს რომ გაადენ, მაშინ მკვიდრდები. მაშინ აშენებ სახლს, ბუდეს იწყობ და გადაღმა გადახედვაც აღარ გინდა, მეორე პერიოდი, ჩემო გაიოზ, მაშინ იწყება, როცა პირველად გესტუმრება მოწყენა და პატარა შენი ეზოს გარეთაც გადაიხედავ – შინაც გეწევა გული და გარეთაც. მესამე პერიოდია – შინ რომ ვეღარ ჩერდები, აღარაფერი რომ აღარ გინდა შინაურების, ამ ცხოვრებას სისულელედ რომ ჩათვლი და სიბერისგან გაქცევას რომ მოინდომებ, სული გარეთ რომ გექაჩება. სხვა ცხოვრება რომ გეძახის. ასეთ დროს კაცები ცოლს ტოვებენ და სხვას ირთავენ. მე ამის ვაჟკაცობა არა მაქვს, ამიტომ წავედი და ჩემთვის ვარ

ბუნაგში. იქეთაც ვარ და აქეთაც, მთლად წასვლისა მეშინია და სოფელში დაბრუნებაც არ მინდა.

– მეოთხე?

– მეოთხე პერიოდი, ქე იცი, მიქელ-გაბრიელი რომ პირველ ზარს ჩამოგიკრავს და გაემზადეო, გაგაფრთხილებს, აღარც შინ ვარგინარ და აღარც გარეთ.

ერიჰაა, არ მოუძებნა ლადო ჭილლაძემ გასაღები კაცთა ცხოვრების ფილოსოფიას? მილიონწლოვან კითხვას არ გასცა პასუხი? ერთბაშად არ გაამართლა ჭადის, ყველის, ხორცისა და მწვანის უქონლობა სოფელში? ყვავილებით მოჩითული ფარდა არ ჩამოაფარა ყველაფერს?

...ვიცი, განა არ ვიცი, ვერ მოვიქეცი ლამაზად, მაგრამ გულმა ასე მიჩნია და ახლა ამ სტრიქონებს რომ ვწერ, ჩემი თავის მრცხვენია, მაგრამ გვიან არის.

ჭიშკარს რომ მივადექით, ნავაჭრი ხავსმოდებულ მორზე რომ დავალაგეთ და მასპინძელი ტაქსს რომ ისტუმრებდა, უეცრად ვიგრძენი, რომ თუ აქ დავრჩებოდი, სული შემეგუბდებოდა და შეიძლებოდა, სიკვდილის ხრიალი დამეწყო.

– ლადო, იმნაირი საქმე დამავინყდა გოჭოურაში, რომ ახლავე თუ არ ჩავედი და ერთი კაცი არ ვნახე, მთელი ჩემი ჩამოსვლა ლიხვად ჩამივლის.

– ხომ მოხვალ?! – ჭილლაძეს ხმაში ეჭვი გაერია.

– ლაპარაკი უნდა? – ნაძალადევად გავუღიმე და ჩავჯექი.

ჭიშკართან დგას და მიყურებს. მგონი თვითონაც ხვდება, რომ მომბრუნებელი არა ვარ.

მისოვნელი

უჩვეულო შემთხვევა მეტი რაღა იქნება: გამომძიებელ რეზო ხამაშურიძის კაბინეტში კაცი შევიდა და დაპატიმრება ითხოვა!

– შოფერი ხარ? – ჰკითხა რეზომ და, სანამ უცნობი უპასუხებდა, სანერ-კალამი და ქაღალდი დაუდო წინ, – სასიკვდილოდ დაშავდა?

– არა, ბატონო! – მთხოვნელს დაღლილი, განამებული სახე ჰქონდა, წამნამებს არც კი ახამხამებდა, გამომძიებელს დიდი, თაფლისფერი თვალებით მონუსხულივით შეჰყურებდა, ხელში ჩამქრალი სიგარეტი ეჭირა, მარჯვენა საჩვენებელი თითი აკლდა, ორმოცდაათ წლამდე იქნებოდა, თუ შესახედაობის მიხედვით ვიმსჯელებდით. – არც კაცი მომიკლავს და არც არავინ მომდევს მოსაკლავად, ადგილმრეწველობაში ვმუშაობ, ჭადრიანის გზაზე.

– ?!

– შეიძლება, არ იცით, გადასახვევთან, იქვე მარცხნივ პატარა საამქროა...

– რას აკეთებთ?

– ჰამაკებს.

– კაი დაგემართოს! შენნაირი შეგნებული დამნაშავეები რომ გვყავდეს, რაღა გვიჭირს, მაგრამ დაპატიმრება ასე ხომ არაა?! – საქმე გაუძნელა გამომძიებელმა, – რაღაც საბუთი უნდა გექონდეს. მერე მე მომთხოვენ პასუხს! მოვა სანქცია და თავის დროზე გავაკეთებთ ყველაფერს! ლევი დაგიჭირეს?

– არა, პატივცემულო! თქვენი სახელი?

– რეზო!

– რევან ბატონო, არავის არ შევუმონმებივართ. ყველაფერი მშვიდადაა, მაგრამ დავიღალე, მეტი აღარ შემიძლია, არ შეიძლება, ჩამსვათ?

გამომძიებელმა გაიფიქრა, ალბათ, გიჟიანო, მაგრამ როცა მეჰამაკემ ლაპარაკი დაიწყო, თანდათან დარწმუნდა, რომ ნორმალურ კაცთან ჰქონდა საქმე.

– კი მაგრამ, დაღლის გულისთვის ჯდები ციხეში, შე კაცო?! თუ დაიღალე, წადი სახლში და დაისვენე!

– კაი დაგემართოს, მაგრამ გარეთ ვერ დავისვენებ, მე ვიცი ჩემი თავის ამბავი! ვინ დაგასვენებს?! ჩავჯდები და დამთავრდება ყველაფერი: ეს შიში, ეს ნერვიულობა, ეს განამანია... არაფრის თავი აღარა მაქვს. არ შეიძლება, საქმე შემიდგინოთ და სამწლიანი რამე მუხლი მომიძებნოთ? ხუთი იყოს, თანახმა ვარ!

– რა უცნაურად ლაპარაკობ?! რა მოგიძებნოთ?! რა შეგიდგინოთ?! საქმის შედგენა ასე კი არაა!

– ვერ დამაჯერებთ, რომ ჩემთვის გაგიჭირდათ ერთი პატარა სამწლიანი საქმე! ხუთიანი იყოს თანახმა ვარ!

– გამაგებინე ერთი, რამ მოგაძულა ასე თავი?! – გამომძიებელი წამოდგა და „ბრალდებულს“ წინ დაუჯდა.

კრაველისქურქიანმა მსუქანმა ქალმა კარი შემოაღო და უცერემონიოდ იკითხა: „შეიძლება, ერთი წუთით?“

– ხომ ხედავთ, ქალბატონო, კაცი მყავს?! დავამთავრებ ერთთან ლაპარაკს და მობრძანდით მერე! – გამომძიებლისათვის ცოტა შეუფერებლად, ხმამაღლა უთხრა რეზომ ქალს.

– მე მხოლოდ ერთი წუთით!..

– მიბრძანდით, ქალბატონო, მიბრძანდით, ნუ გვიშლით ხელს, აბა, განაგრძეთ, ბატონო!

შემცბარმა ქალმა კარი გაიჯახუნა.

– მე ვიცი, ახლა თქვენ ჩემი ლაპარაკი არეული კაცის ნაბოდვარად მოგეჩვენებათ, – ჰამაკის საამქროს თანამშრომელმა ცხვირსახოცი ამოიღო და ოფლი მოიწმინდა, – აქ მოსვლა მე ცხელ გულზე კი არ გადამინყვეტია, ბევრი ვიფიქრე და ათასნაირად ავწონ-დავწონე. ჩემს მდგომარეობაში ახლა ჯდომა სჯობია. ამას წყალი არ გაუვა!

– რა მდგომარეობა გაქვთ ამნაირი?

– ორიოდ სიტყვით გეტყვით თავიდან ბოლომდე ჩემს ამბავს და თქვენ თვითონ განსაჯეთ: სამი წლის წინ იმ ადგილას, სადაც გითხარით, გაიხსნა ჰამაკების საამქრო. მე გამგე ვიყავი და ვარ ახლაც. ერთი მოანგარიშე და შვიდი მუშა მყავდა, ორი წლის განმავლობაში არც ერთი ჰამაკი არ მოქსოვილა ჩვენთან.

– აბა?!

– კი, გეგმებს ვასრულებდით, პრემიასაც ვიღებდით ხანდახან. გაზეთშიც ეწერა ჩვენი გვარები, მაგრამ ფაქტობრივად არაფერს ვაკეთებდით. ერთადერთი ნახევრადმოქსოვილი ჰამაკი გვეკიდა აბრის გვერდით. ეს იყო და ეს, მეტი ჰამაკი ორი წლის განმავლობაში თვალთაც არ მინახავს.

– მზა პროდუქციას არ აბარებდით?

– არა, ბატონო! ეს ყველაფერი ქალაქში კეთდებოდა, ვწერდით ანგარიშს, ამდენი და იმდენი ჰამაკის ჩაბარების შესახებ, მიღება-ჩაბარების აქტს წერდა სანყოფი და მალაზიებიდან მოგვდიოდა ცნობები იმის თაობაზე, რომ ჩვენი ჰამაკები გაიყიდა. გეგმას ვასრულებდით ჩვენც და მალაზიებიც. ნავაჭრს ვიყოფდით და ყველაფერი კარგად მიდიოდა. საჰამაკე ძაფს შავ ბაზარზე ვყიდდით, სათევზაო ბადეების ოსტატებზე. ძაფი კარგად ფასობს. იმით ვისტუმრებდით ხარჯებს.

– მუშები?

– შვიდი კაცი მყავდა გაფორმებული. მოდიოდნენ თვის ბოლოს პატიოსნად, უწყისზე ხელს აწერდნენ, ხელფასს იღებდნენ და მიდიოდნენ.

– არაფერს არ ამბობდნენ?

– ვინ სულელი ამოიღებს ხმას, ბატონო, თვეში ას ოც მანეთს პენსიასავით თუ დაუნიშნავ და არაფერს არ გააკეთებინებ?!

– მერე?

– ორი წელი ასე ვიმუშავებ, ჩვენი საამქრო ერთ-ერთი მონინავე საამქრო იყო რაიონში! სიმართლე გითხრათ, ნამეტანი გახმაურებაც არ მინდოდა, ამიტომ სურათის გადასაღებად

მოსულ კორესპონდენტს ფულს მივცემდი და ეზოდანვე ვაბრუნებდი უკან. ეს ერთი წელია, ჩემი დასაკლავი დანა მე თვითონვე გამოვჩხრიკე.

– რანაირად?

– შემომიჩნდა შარშან ჩემი მოანგარიშე, წილში მყავდა, რასაკვირველია: ხომ იცი, ახლა რა დროა, კოკა წყალს ყოველთვის არ მოიტანს, ავამუშავოთ ეს დაზგები და მართლა დავინყოთ ჰამაკების ქსოვა, ლევი საქონელს დავამზადებთ და ასე უფრო საიმედოაო.

თურმე ვიღუპები, გაყიდული ვყავარ თხასავით. გავმართეთ საამქრო და ეს მესამე თვეა, ჰამაკებს ვქსოვთ. არ გაგიჭირდებათ მიხვედრა, ყველას თავისი უნდა და ჩვენც ერთი-ორი კაპიკი ხომ უნდა დაგვრჩეს?! გავა ეზოდან ლევით დატვირთული მანქანა, დაიჭერენ! მოვარდება მოანგარიშე, არიქა, დავიღუპეთო! საქმის ჩაფარცხვა საკმაოდ ძვირი გვიჯდება. ასე ხდება სისტემატურად, ეს სამი თვეა, გავტყავდი კაცი. რაც ვიშოვე ამ ორ წელიწადში, შემომაფტქვენეს ხელში და დამტოვეს მშრალზე. თურმე, ნუ იტყვით, ჩემი მოანგარიშე, ეს გათახსირებული, თვითონ მიგებს ხაფანგს: გავა თუ არა მანქანა, ტელეფონის ზარს მიაყოლებს, ესა და ეს ნომერი მანქანა ლევი საქონლით მოდის და დაიჭირეთო! ახლა მივხვდი, საუბედუროდ, მაგრამ რაღა დროსია, მე ქე გავკოტრდი კაცი!

– მერე, ვერ გააგდე მოანგარიშე?! – გაოცდა გამომძიებელი.

– ვერა, რევაზ ბატონო! მოანგარიშეს აწი ველარ გააგდებ! ისეა ჩართული საქმეებში, რომ მისი გამოყვანა აღარ შეიძლება! ისევ მე უნდა ჩავჯდე!

– დაგიჭიროთ ფაქტზე?! ასე ვქნათ, აბა, ფული დავნომროთ და ყველა ერთად ჩავყაროთ მაშინ – მოანგარიშეც, შოფერიც და შენც!..

– არა, კაცო! მე იმათი ჩაყრა კი არ მინდა. ეს საქმე რომ დავინყოთ, ისე ღრმად და შორს წავალთ, იმდენი ვინმე ჩაერევა გვერდიდან, რომ სანანებლად შეგექმნებათ! მე მარტო

ვჯდები. რამე ანონიმური წერილი შევადგინოთ, შემამონ-
მეთ, ვითომ ერთი მკვდარი სული დამიჭირეთ საამქროში,
ან, ვითომ, პირადი სარგებლობისათვის ერთი ჰამაკი წავი-
ლე უსასყიდლოდ სახლში. ერთი სიტყვით, რამე სამწლიანი,
ხუთზეც თანახმა ვარ. იქნებ ჯობდა, სულ სხვა საქმე შეგ-
ვედგინა?.. ვთქვათ ხულიგნობის, ან გაუპატიურების მცდ-
ელობის?! – გაეცინა მთხოვნელს და საოცრად თეთრი,
ჯანმრთელი კბილები გააელვა. – ეს უკანასკნელი ნამეტანი
იქნება, არ შემეფერება, – ხმას დაუნია და გამომძიებელს
ჩურჩულით უთხრა: – უნდა გაისარჯოთ და დღეს ან ხვალ
უნდა დამაპატიმროთ! ტყუილად კი არ მინდა, პატივს გცემთ!
სამაგიერო ჩემზე იქნება!

რეზო ხამაშურიძემ ოცი წელი იმუშავა პროკურატურაში და
ასეთ გაიძვერასთან ჯერ არ ჰქონია საქმე.

„რა მოხდა, ნეტავ. აქ რაღაც სხვა ამბავია! ეს კაცი ასე-
თი მიამიტი ჩიტიც არ ჩანს! გავყვე? ვაითუ, შანტაჟზეა?! არ
გავყვე, შეიძლება, სხვასთან მივიდეს და სულ გაფუჭდეს საქმე!
არადა ხომ შეიძლება, მართალს ამბობდეს! შეიძლება ვითომ
მართალი იყოს ეს ყველაფერი?! შეიძლება, მართლა უნდოდეს
ჩაჯდომა? მაშინ სხვებს რატომ აფარებს ხელს? ან რა ხელის
დაფარებაა, ჩემთან უკვე ყველაფერი თქვა. ხვალისთვის რომ
დავიბარო? ვაითუ, ეჭვი აიღოს და აღარ მოვიდეს? ასე პირდა-
პირი ვერ ჩავსვამ, უფლება არა მაქვს...“

– საბუთი გაქვთ რამე?

უცნობმა პასპორტი და პირადობის მოწმობა გაუნოდა.
ყველაფერი წესრიგში იყო.

გამომძიებელი შეჰყურებდა უცნაურ დამნაშავეს და ვერ გა-
დაენწყვიტა, როგორ მოქცეულიყო...

მეორე დღეს, ბრალდებას რომ ეცნობოდა, დამნაშავე ილიმე-
ბოდა: „კარგია, კარგად მოგიფიქრებიათ! – შიგადაშიგ ჩაურ-
თავდა იგი, – ტექნიკური უსაფრთხოების წესების უგულებე-
ლყოფისა და ორი ჰამაკის დატაცებისათვის რომ მაძლევთ პა-
სუხისგებაში. რა ტყუილად ჩაუსვამთ კაციო, მთელი ქალაქი
ჩემზე ილაპარაკებს. თუ მეტს ვერაფერს უმტკიცებდნენ,

რაღაზე დაიჭირეს და რაღაზე ასამართლებენ, მორევაზე ხომ
არაა საქმეო. ხომ იცი, უმეტესობა დაჩაგრულის მხარეზეა
ყოველთვის“.

ბრალდებული უსაზღვროდ კმაყოფილი იყო.

დაპატიმრების უწყისს ხელს რომ აწერდა, რეზომ მაინც
გაუძნელა საქმე:

– მომეწონე გუშინ! კაი კაცი ჩანხარ, თორემ ამისთვის მე-
ცალა ახლა მე?! ნათლულის ქორწილზე არ წავედი და ამას
ვნერდი მთელი საღამო. ზოგი ავყია რომ იტყვის, მთლად ისე
კი არაა ჩვენი საქმე. კაცური კაცის პატივისცემა ჩვენც ვიც-
ით. ხვალისა ჩაჯდებით, დღეს ნაბრძანდით სახლში, მოემზა-
დეთ, თბილები ჩაიცვით! ხვალ დილით თქვენ არ შენუხდეთ,
მანქანას გამოვგზავნი!

მთხოვნელი რომ გავიდა, გამომძიებელი ტელეფონს დას-
წვდა და უფროსს მოახსენა ყველაფერი.

რეზო ხამაშურიძე ფრთხილი კაცი იყო.



მომენტი

- ექიმთან რომ ქალი მოვიდა იცით?
- არა! – ერთხმად უპასუხეს ლევან კუკულაძეს დამსვენებლებმა და ზოგმა, რატომღაც, წინასწარ გაიცინა.
- მითხარით, თუ იცით, ტყუილად ნუ მომაცოლებთ, შენ გეცოდინება, ხუტა!
- არ ვიცი. – მაღალმა, გრძელცხვირა კაცმა გულწრფელად უპასუხა.
- ექიმთან მივიდა ქალი. გეცოდინებათ, ძველი ანეკდოტია. არც შენ იცი, ჯოკია?
- არა.
- რავა არ იცით; ექიმთან რომ ქალი მივიდა.
- ამ დროს ჭადრის ძირში მოღლაბუცე ჯგუფს მორიგე ექიმი მიუახლოვდა, ანეკდოტებად ქცეული ლევანი განზე გაიხმო და რაღაც უთხრა.
- აუჰ, ეს მაკლდა ახლა! – იტაცა შუბლზე ხელი კუკულაძემ.
- რა მოხდა? ცუდი ხომ არაფერია! – ლევანს ცნობისმოყვარეობით ანთებული თვალები შესცქეროდნენ.
- ბავშვს თავი გაუტეხია!
- ლევანმა დასასვენებელ სახლ „შრომის უფლების“ მეორე კორპუსის კიბეები ელვის სისწრაფით ჩაირბინა. მან უკვე იცოდა, რომ სერიოზული არაფერი მომხდარა, მის შვიდი წლის გიას ვილაცის ბავშვმა თამაშის დროს ქვა ჩაარტყა და როგორც მორიგე ექიმი ამბობდა, – კანი გაუკანრა, მაგრამ მამის გული ხომ იცით. ლევანმა პირველად წამოიყვანა ბავშვი დასასვენებლად, ცოლმა იმდენი უძახა; ბავშვის მომვლელი არ ხარ შენ, ამ ბავშვს კარგს არაფერს დამართებო და ა, ბატონო, აუხდა კიდევ. გულიკოს (ლევანის მეუღლეს ერქვა) ყბიდან ახლა შენ ამოხვალ?
- ლევანმა შემოჯარული დამსვენებლები გაარღვია და სიხარულისაგან ელდა ეცა. რა ახარებდაო, მის მდგომარეობაში მყოფ კაცს, იკითხავთ თქვენ სრულიად ბუნებრივად. კუკუ-

ლაძე ორმა ამბავმა გაახარა; ჯერ ერთი, გია უკვე აღარ ტიროდა და და, მეორეც, – იგი გულში ჩაეხუტებინა და თავზე ხელს ნაზად უსვამდა სხვა ვინმე კი არა – ეთერ ჭკუასელი.

აღარ მივედ-მოვედები და ბარემ აქვე გაგუმჟღავნებ ცნობისწადილით დაინტერესებულ მკითხველს, რაშია საქმე.

ლევან კუკულაძე ტრესტ „გამწვანებაში“ უფროს გამმწვანებლად მუშაობს, დეკორატიული მემცენარეობის ფაკულტეტი აქვს დამთავრებული. არც კია, მე მგონი, საჭირო მისი განათლების და სოციალური მდგომარეობის დანვრილებითი დახასიათება. იგი დამსვენებელია, მორჩა და გათავდა. დამსვენებლები კი ბევრი რამით ჰგვანან ერთმანეთს: ყველანი არაჩვეულებრივად მხიარულნი არიან და იმ ბარობაზე გამოჩენილ ლამაზ ქალებს თვალებს უპრანავენ.

გამმწვანებელი საშუალო ტანისაა. უიმედოდ მოსწრებულ ღიპს თუ მხედველობაში არ მივიღებთ, ლამაზი, პროპორციული ტანი აქვს. სიარულის დროს მარცხენა ბეჭი ოდნავ დაშვებული აქვს. ორმოცსმიტანებული გახლავთ, საფეთქლებთან ჭაღარა შეჰპარვია, ტუჩებზე გადმომხობილი სქელი უღვაში აქვს და თვინიერი, თაფლისფერი თვალები.

„შრომის უფლებაში“, ეს სამი დღეა, რაც ეთერ ჭკუასელი გამოჩნდა. „სიქსტის მადონა“ ვის არ გინახავთ, სწორედ იმას ჰგავდა, ორ უმნიშვნელო გარემოებას მხედველობაში თუ არ მივიღებდით: თავისი პირმშო ხელში კი არ ეჭირა, გვერდით მოჰყვებოდა, რადგანაც ხელში ასაყვანად მისი კახა საკმაოდ დიდი იყო – რვა წლის მაინც იქნებოდა. მეორეც, არც თვით ქალბატონი ეთერი იყო რაფაელის შედევრზე გამოსახული გოგონას ხნისა. ეთერ ჭკუასელი, თუ უხერხული არ არის ასე დაკონკრეტება, ოცდაათ წლამდე იქნებოდა.

გამოჩნდა ეთერი დასასვენებელ სახლში და შეიცვალა ირგვლივ ყველაფერი. ინტერესი მიეცა ცხოვრებას. მამაკაცები სპორტული პიჟამოებით აღარ ჩამოდიოდნენ სასადილოში. რაზეც არ უნდა დაეწყოთ საუბარი ჭადრის ძირში შეკრებილ დამსვენებლებს, ბოლოს რომელიმე მათგანი განხეთქილების ვაშლივით გამოაგორებდა ეთერ ჭკუასელის სახელს და ჩვეუ-

ლებრივი სალამო ქალზე და სიყვარულზე ცხარე კამათით მთავრდებოდა.

ყველა თავისთავად იყო გატაცებული ამ ულამაზესი ქალით, მაგრამ ლევან კუკულაძემ კი მართლა დაკარგა ძილი. ლევანი მტკიცე ხასიათის კაცი გახლდათ; თუ შეუყვარდებოდა ვინმე, მართლა შეუყვარდებოდა და თუ გადაუყვარდებოდა, მართლა გადაუყვარდებოდა.

დაიტანჯა კაცი. თვითონაც არ ეგონა, თუ მის ასაკში ასე მოედებოდა სიყვარულის ცეცხლი. ადრე სხვები რომ სიყვარულზე ალაპარაკდებოდნენ, ლევანი ქირქილებდა – რისი სიყვარული, რა სიყვარული. რაღა დროის ჩვენი სიყვარულია, სიყვარული ბავშვების საქმეაო. ახლა კი სხვა ფიქრებმა შეიპყრო ლევანი. ჭკუასელის ქალს რომ ნახავს, თითქოს ცა გაეხსნაო, სიხარულისგან ელეთმელეთი მოსდის.

ეთერ ჭკუასელმაც შესანიშნავად იცის, რომ დასასვენებელი სახლის ჩვეულებრივი რიტმის დარღვევა და, როგორც იტყვიან, „ნერვული ატმოსფეროს“ შეტანა დამსვენებელთა შორის, მისი ბრალია. ბავშვს გვერდიდან არ იცილებს, ცალკე სალაპარაკოდ არავის უჩერდება, ყველას ერთნაირად, გულისმომკვლელი და რებუსებით სავსე ღიმილით უღიმის და საღამოობით „წითელ კუთხეში“ საათობით უზის ტელევიზორს.

ყველამ იცის, რომ იგი ეთერ ჭკუასელია, მაგრამ ვინ არის, ვისი ცოლია, რა მოხელე-ჩიქვანია და როგორ მოხვდა ბაღებისა და სკვერების კეთილმონყობის სამმართველოს დასასვენებელ სახლში, ჯერ არავინ იცის.

ლევანმა ერთხელ მაინც შეურჩია მომენტი და ტელევიზორთან ხალხი რომ შეთხელდა, სცადა გამოლაპარაკებოდა, მაგრამ ეს დიალოგიც უშედეგოდ დამთავრდა. ხოლო კუკულაძის დარდის მაღამოს კარგი პირი არა და არ უჩანდა.

– ეთერ, შენ შემოგვევლოს მთელი ქვეყანა, რა საყვარელი ქალი ხარ, ეთერ.

– რა ბრძანეთ, ბატონო ლევან?

ლევანი განითლდა და მიიხედ-მოიხედა, დამსვენებელთა მღუმარე სახეები ვითომ მართლა „ვრემიათი“ იყვნენ გართულნი.

– რა საყვარელი ქალი ხართ-მეთქი, – უფრო ხმადაბლა ჩაუღულღულა ლევანმა.

– არ მესმის, ცოტა ხმამაღლა მითხარით! – ეთერ ჭკუასელის თვალებში ათასი ეშმაკი გაილანდა.

ლევანი გაჩუმდა.

სატელევიზიო პროგრამა რომ დამთავრდა, ლევანმა თავის კარამდე მიაცილა ეთერ ჭკუასელი და რაც შეეძლო, გასაგებად აუხსნა, რომ ნამდვილად უყვარს და მთელ ქვეყანას ურჩევნია და თუ არ დაუჯერებენ, ახლავე თავს მოიკლავს. აუხსნა, რომ, რაც ეთერი გამოჩნდა, „მზე აღარ მზეობს“ მისთვის და „დარი არ დარობს დარულად“.

ეთერ ჭკუასელმა ყურადღებით, გულისხმიერად მოუსმინა და როცა გამიჯნურებულმა დამსვენებელმა დაამთავრა, მშვიდად უთხრა:

– გმადლობთ ყურადღებისათვის, ლევან ბატონო. სასიამოვნოა თქვენგან ასეთი სიტყვების მოსმენა, მაგრამ მაპატიეთ, თუ თქვენს გულწრფელობაში ეჭვი მეპარება. აქ დასასვენებელი სახლია, თქვენ, ოჯახს ცოტა ხნით მოშორებული, ჯანსაღი მამაკაცი ბრძანდებით და, შეიძლება, მართლა გატაცებული (მხოლოდ გატაცებული) იყოთ ჩემით ამჯერად. მაგრამ, დამიჯერეთ, ეს არასერიოზული „სიყვარულია“. ჩემს ადგილას, ვინც გნებავთ ლამაზი (ჯერ ერთი მე რა ლამაზი ვარ) ქალი, თქვენ ასევე შეგიყვარდებოდათ. მეორეც, კიდევ რომ დავიჯერო თქვენი, მე მაინც ვერ გითანაგრძნობთ – ათასი მიზეზის გამო. და იმ ათას მიზეზში რასაც ვგულისხმობ, თქვენ, ალბათ მიმიხვდებით. ღამე ნებისა...

უცნაურია ადამიანის გული. პირველი, რამაც შესძრა ლევანი, როგორც მოგახსენეთ, სიხარული იყო. სიხარულის ელდამ რომ გაუარა, გაას დაუსვა თავზე ხელი. თითებზე სისხლი რომ მოეცხო, გაქვავებულ ბრბოს გადახედა და მრისხანედ იკითხა:

– ვინ დაარტყა?!

ხმა არავის ამოუღია. დამსვენებლები უხერხულად იშმუშნებოდნენ.

– ვინ დაარტყა, არ შეიძლება ვიცოდეთ? ასე ზრდით, ამას ას-

წავლით ბავშვებს, კაცო? რატომ ჩემმა არ დაარტყა სხვისას? ეთერ ჭკუასელმა უფრო მიიკრა დაზარალებული ბავშვი თავის სასიზმრო მკერდზე და ძლივს გასაგონად ჩაილაპარაკა:

– ჩემმა, ლევან ბატონო, ჩემმა დაარტყა. ის არ გაეზარდა მის დედას.

ლევანი, თითქოს ცივი წყალი გადაასხესო, ერთბაშად დამშვიდდა. სახეზე მრისხანების კვალი გაუქრა, და მორცხვობანარევი მზრუნველობით უთხრა ეთერ ჭკუასელს:

– როგორ გეკადრებათ, ქალბატონო ეთერ. ამ უბრალო საქმისთვის სწყევლით ბავშვს?

– უბრალო კი არა, რომ მითხრეს ეს ამბავი, გული ისე შემეკუმშა, თუ არ გავთავდებოდი იქვე, არ მეგონა. ერთი წუთით მოვაცილე თვალი ამ ღვთისპირიდანგადავარდნილს. ასეთი მარცხიანი ხელი აქვს. მამამისია მოკლედ, გაუგონარი და დაუნდობელი. თუ იმნაირი გაიზრდება, ახლავე მოელოს ბოლო არ სჯობია?

ლევანს კიდევ უნდოდა რაღაც ეთქვა, მაგრამ ამასობაში სასწრაფო დახმარების მანქანა მოგრიალდა. თეთრ ხალათზე სანვიმარმოხურულმა საპენსიო ასაკს გადაცილებულმა ექიმმა ბავშვს ჭრილობა გაუსინჯა; წამოიყვანეთ კლინიკაში, ერთ-ორ ნაკერს დავადებ, უფრო მალე შეუხორცდება; ისე, საშიში არაფერიაო, თქვა, პლაში აიკეცა და კაბინაში შეხტა.

ბევრი ეხვეწა ლევანი ეთერს, თქვენ ნუ შეწუხდებით, ნაბრძანდით და მოისვენეთ, მე გავყვები, არაა დიდი საქმე ამის გაკერვაო, მაგრამ კახას დედამ არ დაიშალა და ისე გულზეახუტებული აიყვანა გია „სასწრაფოს“ სამსაფეხურიან კიბეზე.

ლევანი შესცქეროდა ქალის მრგვალ, ვნებისაღმძვრელ მუხლისთავებს, გიას თმაში შეცურებულ უნატიფეს თითებს და თავის თავს ტუქსავდა: მე გავჩნდი, ნეტავ, ასეთი უხვირო თუ სხვებიც არიან, ბავშვი საოპერაციოდ მიმყავს და რა მუხლისთავები ამიტყდაო.

გიას არ უტირია. ექიმმა „კერვას ნახევარ საათამდე მოანდომა. მერე ჭრილობა ფურაცლინის ხსნარით მობანა, ექთანს უბრძანა: შეუხვიე და სამი-ოთხი საათით პირველ პალატაში დაანვინეო. ეთერს და ლევანს ერთი გადახედა; ყურადღება უნდა, გენაცვალე, ბავშვს. თქვენ ახლა არც ისე პატარები

ხართ, ეს რომ ჩემგან გესწავლებოდეთო. ერთ წამსაა მარცხიო, დააგდო და ავადმყოფის პატრონებს მადლობის სათქმელად დაღებული პირები შეატოვა.

გიას მალე ჩაეძინა. ეთერი ბავშვს სასთუმალთან ეჯდა და შუბლზე ნაზად უსვამდა ხელს, ლევანი კი ოთახში მიმოდიოდა. კარგა ხნის მერე ფანჯარასთან მივიდა, შემოტრიალდა და ყელგამშრალი კაცის ხმით ამოღერდა:

– ეთერ!

– რა იყო? – ჭკუასელის ქალს მისკენ არ გაუხედავს.

– გძულვარ მე შენ?

– ვინ გითხრა? – ეთერმა ღიმილი დაუმალა, – მე არვინაც არა მძულს.

– აბა, რა მოხდა, შე ქალო.

– რაზე მეუბნები? – გაიმიამიტა თავი ეთერმა.

– მიყვარხარ, ამ ერთ ბავშვს გეფიცები, წარმოუდგენლად მიყვარხარ.

– კარგი ახლა, ლევან, – ეთერი გასაოცრად მშვიდი ხმით, თითქოსდა შორიდან ლაპარაკობდა, – მაგის თქმის ადგილია ახლა აქ? ხომ გითხარი ერთხელ უკვე პასუხი. შენ არ მიცნობ მე, ლევან. რაკი ქმარგაცილებული ვარ, მაინცდამაინც უნდა მოვიტყუო თავი, შე კაცო? შენ ვერ წარმოიდგენ, როგორ დავილაღე, და როგორ გადავეჩვიე ყველაფრის დაჯერებას. ოთხმოცი წლის ბებერი მგონია ჩემი თავი. შენს აყოლას და თანაგრძნობას ძლიერი ქალი უნდა. მე არც გამბედაობა მაქვს სამაგისო და არც ძალა, თუ კაცი ხარ, ტყუილად ნუ გაიწვალე თავს. ამოიღე ეგ ფიქრი გულიდან.

ლევანს მეტი არაფერი უთქვამს.

გვიან საღამოთი სასწრაფოთივე დაბრუნდნენ „შრომის უფლებაში“.

დამსვენებელთა საპატიო ყარაულს ჩამოუარეს და ლევანის ნომერში შევიდნენ. ეთერმა ბავშვს შარვალ-პერანგი გახადა, ხელ-ფეხი დაბანა და დაანვინა. დააძინა. ცხრა გადასული იყო, როცა მასპინძელს დაემშვიდობა; წავალ ახლა, ჩემს ხულიგანს მივხედავო, ლევანს გაუღიმა და გავიდა. რაკი ყველაფერს ასე

დანვრილებით ვყვები, ბარემ იმასაც მოგახსენებთ, რომ გასვლისას ლევანმა ხელი ჩამოართვა, დაქაჩა, გულზე მიიკრა და ყვრიმალეები დაუკოცნა. ქალმა მოხერხებულად გაინთავისუფლა თავი და კარში გაუჩინარდა.

დერეფანში გამოსვლისას ეთერს შეაფრჟოლა. დამსვენებლები უსიტყვოდ იდგნენ ლევანის კართან და თითქოს ჭკუასელის ქალის გამოსვლას ელოდნენ.

შუალამე გადასული იყო, როცა ლევანის კარზე ფრთხილად დააკაკუნეს. გამწვანების ტრესტის თანამშრომელი ტანსაცმლიანად წამოწოლილიყო და „დათა თუთაშხიას“ კითხულობდა.

– როგორ არის? – კარში ეთერი იდგა. უფრო ლამაზი და დაუჯერებელი, ვიდრე სამი საათის წინ იყო.

– ვერ არის კარგად, შფოთავს, შემოდი. – ლევანმა აშკარად იცრუა. ბავშვს ღრმა, ტკბილი ძილით ეძინა.

ეთერი შევიდა.

* * *

ჭორი მაინც გავრცელდა.

მეორე დღეს ნავახშმევს ნაფრონტალ დეკორატორ-გამფორმებელს, სამოცი წლის ლოყებლაჟდაჟა ქვრივს, ტრიფონა სალდაძეს – დამსვენებლები „დომ ოტდისას მასხარას“ რომ ეძახდნენ, – ტელევიზორთან მუხლებზე დაესვა კახა და სხვათა გასაგონად ხმამალა ჩასძახოდა:

– მე ვერ დამარტყი, ბიძია, ის ქვა თავში?! მე ვერ დამარტყი?!

დამსვენებლები გულიანად ხითხითებდნენ.

ლორის რძე

გაზაფხულის თბილი სალამო იყო.

ზამთრით დაღლილი მოქალაქეები თეატრის მოედანზე გადიგამოდოდნენ. დათვისხელება, ზორბა მილიციელი, რომელსაც სამხრეებზეც კი ორთქლი ასდიოდა, გაფუჭებული პატეფონით წამდაუნუმ ერთსა და იმავეს გაიძახოდა: „ყველაფერი უბედური თქვენ უნდა გამოიგონოთ? სად გინახავთ, რომელ ქალაქში გინახავთ, შუა მოედანზე დადიოდეს ხალხი. ეს გადასასვლელი რისთვისაა, თუ იცით, დახაზული?!“...

„ხალხს“ მისი მშვენივრად ესმოდა, თანაუგრძნობდნენ კიდევ, მაგრამ მაინც შუა მოედანზე არჩევდნენ გადასვლას. გზის შემოკლების მიზნით კი არა, ამ ქალაქში მცხოვრებთ არსად ერქარებოდათ. უადგილო ადგილას გადასვლით ისინი თავიანთ სუვერენულობას ამჟღავნებდნენ და სასწაულებრივად შემორჩენილ პატივმოყვარეობასაც იკმაყოფილებდნენ. აქაოდა, ხომ მაინც არ გავიარეთ ისე, როგორც სხვებს სურდათო. ორიგინალობის გამოჩენა ამ ქალაქში მცხოვრებთა განუყრელი თვისება იყო. მილიციელმაც მშვენივრად იცოდა, ვისთან ჰქონდა საქმე და ნერვებს არ იშლიდა. სკოლიდან ბილიარდის სათამაშოდ გამოპარულ ბიჭს თუ წაუტყაპუნებდა თავში ხანდახან: „შენ მაინც ისწავლე წესიერი სიარული. ამგენს რას უყურებ შენო“. მაგრამ ესეც იშვიათად ხდებოდა, რადგანაც სკოლიდან ბილიარდის სათამაშოდ გამოპარული ბიჭები, როგორც ცნობილია, მილიციელზე უფრო სწრაფად დარბიან.

– ერთი იმის ტურად გადამაქცია, იმ კაცს რა ფიქრები აწუხებს, რა მოხელეა, ან ვინ ურჩენს ცოლ-შვილს და მომკლა თუ გინდა, – ავტობუსის გაჩერებაზე თავისთვის ჩაილაპარაკა მანჯურიულ ყაიდაზე შეკერილ პლაშიანმა, ჭალარა კაცმა, სიმაღლეს ძირითადად ჟირაფივით გრძელი კისერი რომ აძლევდა.

– რომელ კაცს? – გულგრილად ჰკითხა საკვების კალორიულობის საკვლევი-სამეცნიერო ინსტიტუტის ასპირანტმა შოთა ქვათაძემ.

– ეგერ, რომ დგას ჭადრის ქვეშ.

კოლონების უკან, ჭადრის ქვეშ, მართლაც იდგა საგულდა-გულოდ თმაგადავარცხნილი, შავპალტოიანი კაცი, რომელსაც თეთრ პერანგსა და ჰალსტუხზე ჭრელი კაშნე შემოეყოლებინა. სიტბოსთვის კი არა – სილამაზისთვის.

– რავა?

– რავა და როცა არ უნდა გამოვიარო; დილას, შუადღეს, საღამოს, ავდარში, დარში – სულ იქ დგას. მიყრდნობილია ჭადარზე და ათვალეირებს ხალხს. ახლა მაგიც ცხოვრობს და მეც ვცხოვრობ ამ ქვეყანაზე? დილიდან საღამომდე ვირივით ვმუშაობ და მაინც არაა ჩემი საშველი. ერთი, უნდა მივიდე და გამოვეცნაურო. რალაცა მულამს მიაგნო, ალბათ, ცხოვრებაში, თორემ ასე როგორ იქნება, ეგებ მეც მასწავლოს და გავკეთდე კაცი. რანაირად, აბა, ან საქმე არა აქვს, ან მომსვლელ-წამს-ვლელი? უპატიურს და უსახლკაროს არა ჰგავს, ყოველთვის სუფთად და ლამაზადაა გამონკეპილი.

– მულამს, აბა. კაცი რომ დილიდან საღამომდე ბაღში დადგება, ნალმა იქნება მისი საქმე? ადვილად შეიძლება ჭერიდან წვიმა ჩასდიოდეს და მაგის ბავშვს ჩაფულა არ ეცვას ფეხზე. არიან მაგნაირი კაცები. დილას გამოენყობა კარგად, მშვენივრად, ცოლს ეტყვის – საქმეზე მივდივარო და დგას ჭადრის ქვეშ. ცოლს, სანყალს, მართლა საქმეზე ჰგონია წასული. მაგას კი არა მე, აგერ, მეცნიერი კაცი ვარ და მე ძლივს მყოფნის ჯამაგირი. – შოთა, ამ ბოლო დროს, ხელმოკლეობას უჩიოდა. მუშაობდა ინჟინრად საკონსერვო ქარხანაში. ხელფასიც კარგი ჰქონდა, ხან პრემია, ხან რალაც და ცხოვრობდა გვარიანად. ცოლმა გააბრიყვა, ქვეყანა გამეცნიერდა, შედი ასპირანტურაში, გქონდეს ეს ხარისხიც, იყოს დიპლომი ოჯახშიო. დაუჯერა, დაუსწრებელ ასპირანტურაში ადგილი არ იყო, დასწრებულზე ჩარიცხეს და სტიპენდიით უჭირს სამი ბავშვის რჩენა. რა არის აქ დასამალავი.

– რაის მეცნიერი ხარ? – შეთქმულივით, ჩუმად ჰკითხა ჟირაფისკისრიანმა.

– კალორიულობის ინსტიტუტში ვარ.

– თუ ძმა ხარ, არ დამიმალო: აი, დილას რომ მიხვალთ სამსახურში, რას აკეთებთ, თუ ძმა ხარ. რანაირია თქვენი მუშაობა?

– შრომებს ვწერო, ვკითხულობო, ცდებს ვაყენებო, ვანგარიშობო.

– რას ანგარიშობო

– მე, მაგალითად, რძის შემადგენლობას ვიკვლევ სხვადასხვა საკვების პირობებში. ზოგიერთი რძეს რომ უყურებს, თეთრია და მორჩა და გათავდა. სინამდვილეში – ძროხამ იონჯა თუ ჭამა, სხვანაირი რძე აქვს. ჩალა – სხვანაირი.

– ერთი, თუ კაცი ხარ, რამდენი წელია მანუხებს ეს და ვისაც ვუთხარი, საცინლად ამიგდო: ღორის რძე არის შესწავლილი?

შოთას გაეცინა.

– ორ ბავშვს ვფიცავ, თუ ვხუმრობდე, ბიძია, – მოქალაქეს იმდენად სერიოზული გამომეტყველება ჰქონდა, რომ შოთამ ახლოს მიიწია, – ყველაფრის რძეს იყენებს ადამიანი – ხომ სწორია?! ძროხის რძე, ცხენის რძე, აქლემის რძე, ცხვრის რძე, თხის რძე და რა ვიცი. ღორის რძე თუ გამოიყენება რამეში? ან რანაირი რძე აქვს ღორს – ე, გოჭები რომ ცხვირპირს ამტვრევენ ერთმანეთს? ეგება, გამოსადეგია რამეში. ეგება ყველი ამოდის იმისთანა, რომ შემირცხვენია კამეჩის ყველი. წავედი, კარგად იყავი!

ჟირაფისკისრიანი გაიქცა და მგზავრებით გაჭედდით, კარებლია ავტობუსს შეახტა.

შოთას ღორის რძის შესწავლის შესახებ უცნობის ნათქვამი ჯერ ხუმრობა ეგონა, მერე ენააქავებული კაცის ფანტაზიის ნაყოფი, ბოლოს, კარგად რომ ანონ-დანონა, ჭკუაში დაუჯდა. ისე გაიტაცა ღორის რძეზე ფიქრმა, რომ გადაწყვიტა, ავტობუსს არ დალოდებოდა და ფეხით წასულიყო შინ.

„მართლაცდა, წაკითხვითაც არსად წამიკითხავს ღორის რძეზე გამოკვლევა. ჩიტის რძეს იტყვის ქართველი კაცი (ჩიტის რძე ხომ სინამდვილეში არ არსებობს), ღორის რძე კი არასოდეს უხსენებია. რაშია საქმე? იქნებ მართლა ძვირფასი შედ-

გენილობისაა? რატომ არ უნდა დაინტერესდეს მეცნიერება ამ პრობლემით! იქნებ ყივანახველას უხდება, ღვიძლის წამალია, იქნებ კიბოსაც არჩენს. იქნებ, იმ კაცისა არ იყოს, ყველი ამოდის გადასარევი? მოდი, მოვკიდებ ხელს ამ საქმეს. სერი არ იქნება ამ უყველობის პერიოდში, მე რომ ღორის რძისაგან ცამეტნაირი საკვების და ოცდაორი სახის პრეპარატის დამზადება ვასწავლო კაცობრიობას?”

...და შოთამ წარმოიდგინა, როგორ აუწყა პრესამ და ტელევიზიამ ქვეყანას შოთა ქვათაძის აღმოჩენა. როგორ გაიშალა მოძრაობა ღორის რძის მოსაპოვებლად. როგორ გაჩნდნენ საზოგადოებაში შრომითი ფრონტის ახალი გმირები – ღორის მწველავები. სოკობივით გამრავლდნენ ღორის რძის გადამამუშავებელი ქარხნები და მაცივრები. სასოფლო-სამეურნეო ინსტიტუტში გაიხსნა მელორეობის ფაკულტეტი. სამედიცინო – ღორფარმაკოლოგიის განყოფილება. და საყოველთაო ამოძრავების ამ ქაოსში გონების ჰორიზონტზე ხშირად ამოტივტივდებოდა ხოლმე შოთა ქვათაძის დაფნის გვირგვინით შემკული თავი.

საკვების კალორიულობის სამეცნიერო-კვლევითი ინსტიტუტის ასპირანტი მიდიოდა ქუჩაში და წამდაუნუმ ილიმებოდა. ნაცნობები გაოცებით შეჰყურებდნენ, უცნობები კი ყურადღებასაც არ აქცევდნენ. რამდენი კაცი დადის ქუჩაში, თავისთვის რომ მილაპარაკობს და მიიღიმის.

მეორე დღეს ინსტიტუტის დირექტორს სთხოვა, წლიური თემის მასალების მოსაპოვებლად ხურმოუბნის მელორეობის ფერმაში მივლინებით გამიშვიო. – რა უნდა შეისწავლოო, სხვათა შორის ჰკითხა დირექტორმა.

– ღორის რძის კალორიულობა სხვადასხვა საკვების მიღების შემდეგ, – მოკლედ აუხსნა ასპირანტმა.

- კვლევის შედეგების პრაქტიკული ღირებულება?
 - ვერ გავიგე? – კითხვა შეუბრუნა შოთამ დირექტორს.
 - შედეგი ვისთვის იქნება გამოსადეგი, წარმოებაში დასანერგავად? – გაუშიფრა კითხვა ინსტიტუტის ხელმძღვანელმა.
- შოთამ გაიფიქრა: – მე რომ ამას ყველაფერში გავუტყდე,

ვინ იცის, იქნებ მომპაროს იდეა, ან, უკეთეს შემთხვევაში, თანაავტორობა მაინც შემომთავაზოსო და კონკრეტულად უპასუხა:

– გოჭებისათვის.

მეორე დღეს შოთა ქვათაძემ აიკიდა თავისი აპარატები და ხურმოუბნისკენ გაემგზავრა.

მთელ დუნიაზე რომ გვალვა იყოს, მელორების ფერმის შუკაში ტალახი მაინც არ გამოილევია და უიმედოდ ამოგანგლული მიადგა ასპირანტი ფერმის კარს. გამგეს არ გაკვირვებია შოთას ჩამოსვლა, არც მივლინების მიზანს გაუოცებია იგი. გამგემ იცოდა, რომ მეცნიერები უცნაური ხალხია და რა საქმეზეც არ უნდა მოსულიყვნენ – ხელი უნდა შეეწყოს.

ღორის რძის მოპოვება იოლი როდი აღმოჩნდა.

ორმოცდაშვიდი დედა ღორიდან ვერც ერთი ვერ დაითანხმეს სანველი აპარატის შეერთებაზე.

ასპირანტი, მელორეები და თვით ფერმის გამგეც ორი საათის განმავლობაში ენაგადმოგდებულნი დასდევდნენ ნეზებს, მაგრამ ამაოდ.

ხელისგულზე დაყრილი რკოთი, ხვეწნითა და მუდარით თუკი ახლოს მოიტყუებდნენ დედა ღორს, ეს უკანასკნელი უნდობლად შეხედავდა უცნაურად ატროკებულ ფერმის პერსონალს და წამით შედგებოდა, მაგრამ როგორც კი აპარატი გაჩხაკუნდებოდა, ნეზვი სამინელი ჭყვიტინით გამოხატავდა პროტესტს და ძალის პოზიციაზე გადასული ხელიდან უსხლტებოდა მელორეებს.

დაიღალნენ ღორებიც და მათი მდევრებიც. როგორც იქნა, მიიმწყვდიეს კუთხეში ერთი წარმოსადეგი ნეზვი – თორმეტი გოჭის დედა.

მოფერებით, დაყვავებით, თავზე საყრელად მიწოდებული რკოთი როგორც იქნა გააჩერს, გატეხეს მისი ნებისყოფა.

სანველი აპარატი რომ შეუერთეს, ნეზვმა ჭამა შეწყვიტა და აღრუტუნდა, ჭყვირილი არ დაუნყია, – თქვენ იცით და თქვენმა კაცობამ, თუ რაიმე უბედურებას არ შემამთხვევთო, – ისმოდა მის თვინიერ ღრუტუნში.

სანველი აპარატის გარდა დედა ღორს შეუერთეს სანერ-
ნყვე მილი, გულის კარდიაპარტი, სეკრეციის ჯირკვლების
წნევის გამზომი, შარდსადინარი მილი, თერმომეტრი.

ნუთით ყველა გაირინდა.

ასპირანტი უსაზღვროდ ბედნიერი იყო, ექსპერიმენტი ინ-
ყებოდა.

და სწორედ ამ დროს მოხდა გაუთვალისწინებელი რამ: ვეე-
ბერთელა ნეზს სიამოვნებისაგან თვლენა მოერია, ღრუტუნის
შენწყვიტა, საეჭვოდ აყირავდა, ჯერ მარჯვნივ, კედლისკენ გა-
დაიხარა, მერე გადაიფიქრა და მონყვევით დაეცა აპარატ-
სინჯარა-თერმომეტრებს, მსხვრევისა და ტკარცალის ხმაზე
შეშინდა და რეზინისა თუ მინის მილების ნაწყვეტ-ნამტვრევე-
ბი თან გაიყოლა.

...ნირნამხდარი, გუნებამოშლილი ასპირანტი მდუმარედ
მიარღვევდა ტალახს ავტობუსის გაჩერებისაკენ. უკან მელო-
რეობის ფერმის თანამშრომელთა სევდიანი პროცესია მოჰყვე-
ბოდა.

შოთა ქვათაძისთვის ახლა კი ნათელი გახლდათ, თუ რატომ
იყო აქამდე ღორის რძე შეუსწავლელი.



ნუნუ

– არა, ჩემო დაია, არა ხარ მართალი. შენ თუ ასე გული
იხეთქე, რალად გინდა რამე. ნუ გეშინია, საფლავეში არავინ
ჩაგყვება. ყველა მონახავს თავის გზას. – ეუბნებოდა ნუნუ
ბალათურია თავის თანაკლასელს – ეთერ მანჯავიძეს, რო-
მელიც თხუთმეტი წელია არ უნახავს და აგერ, სრულიად შემ-
თხვევით, ბაზარში წააწყდა.

მართალია, ორივეს სანოვაგით დატვირთული ჩანთები ეჭი-
რათ და საუბრის დროს ხელიდან ხელში გადაჰქონდათ (არც
დრო ჰქონდათ მაინცდამაინც თავზე საყრელად), მაგრამ ბა-
ზრის გამოსასვლელთან, აფთიაქის კუთხეში მიდგნენ და ამ
საათ-ნახევრის წინ დანყებულ საუბრის დამთავრებას შეე-
ცადნენ.

ქალები იმ ასაკისანი იყვნენ, ყველაზე ლამაზი ასაკი რომ
ჰქვია და ბალზაკი რომ დიდ იმედებს ამყარებს. პროვინციული
ქალაქის პირობაზე საკმაოდ მოდურად ეცვათ. ნუნუს – საგა-
ზაფხულო, შავი ტყავის პლაშჩი და „საბოები“, ეთერს – ჯინ-
სის სისტემის გრძელი მოსასხამი და ყავისფერი ჩექმები, შეს-
უქებულ ფეხებზე ძლივს რომ ეტეოდა.

თანაკლასელები გაცილებით უფრო მომხიბვლელნი იქნე-
ბოდნენ, ათ-ათი კილოთი ნაკლები წონა რომ ჰქონოდათ, მაგ-
რამ მათი უერთგულესი ღაბაბისა და პირთამდე სავსე ჩან-
თების შემყურე ადვილად დაასკვნიდი, რომ დიეტით თავს დი-
დად არ ინუხებდნენ.

ნუნუ მაღალი იყო. შავთვალწარბა. მზედაკრულ ლოყე-
ბზე პურის მარცვლისხელა ხალები აჩნდა სამ-ოთხ ადგილას,
ტუჩები სისხლისფერი პომადით შეეღება და ლაპარაკის დროს
„ს-ს“ ინგლისური „th-ს“ მსგავსად წარმოთქვამდა.

ეთერი საშუალო ტანის, მკერდსავსე ქალი გახლდათ. სახე
– შავგვრემანი, თმა ფერფლისფერი ჰქონდა. ოდნავ კეხიანი
ლამაზი ცხვირით და ამობურცული ტუჩებით ბოტიჩელის

რომელიღაც მადონას ემგვანებოდა, ჩვიდმეტი წლის რომ ყოფილიყო და ტანზე შემოტმასნილი, გაზაფხულის ყვავილებით დაწინკლული კაბა რომ სცმოდა.

ეთერ მანჯავიძეს სახეზე განუზომელი მწუხარების კვალი ეტყობოდა და ისე გაფაციცებით უსმენდა მოსაუბრეს, თითქოს თანაკლასელის სიტყვებს მისი მომავლისათვის გადამწყვეტი მნიშვნელობა ჰქონდა.

მკითხველის დროს და ნერვებს რომ არ ვუფრთხილდებოდეთ და გაჭიანურების მოყვარული მწერლის ხვედრის გაზიარებისა რომ არ გვეშინოდეს, დავინწყებდით თავიდან, თუ როგორ შეხვდნენ ეს ორი ამხანაგი ბაზარში. თავდაპირველად როგორ გაუჭირდათ ერთმანეთის ცნობა. რამდენი რამ თქვეს მანამდე, სანამ ეთერი ამოიოხრებდა და ნუნუ ბალათურისა გააგებინებდა ამაზრზენ ამბავს იმის შესახებ, რომ ქმარი ღალატობს და ამნაირ სიცოცხლეს სიკვდილი ურჩევნია.

ჩვენი ნოველა როცა იწყება, ქალბატონ ეთერს დამთავრებული აქვს თავისი სამგლოვიარო მონოლოგი და სიტყვას ნუნუ იღებს. ნუნუს მოვალეობა არცთუ იოლია, რაიმე საიმედო და ხელჩასაჭიდი უთხრას მეგობარს, გული გაუკეთოს, იმედის სხივი მოჰფინოს და ცხოვრებისაკენ შემოაბრუნოს.

– ასე გადარევა რავა შეიძლება. გეკადრება ახლა შენ ეს ამბავი უმაღლესი განათლების ქალს? გულთან არ მიიტანო-თქვა რომ გითხრა, ძნელია, სანყენი რავა არაა, მაგრამ არც ასეა საქმე, შენ რომ გგონია. ყოველ მეორე გათხოვილ ქალს სჭირს ეს ამბავი, – აქ ნუნუმ მიიხედ-მოიხედა და მეგობარს საიდუმლოდ, ყურში ჩასჩურჩულა, – განყდა კაცების სინსილა. ასე ყოფილა ეს ცხოვრება და რას იზამ ახლა. შენ შენი თავი უნდა აიყვანო ხელში და ღირსება არ უნდა დაკარგო. რას ჰქვია, ღმერთო კი მომკალი, გავწენავ, სადაც შემხვდებაო, ქერძაფს შევასხამ თვალეშიო. სამსახურში მიუვარდება და ქვეყანას მოვდებ მაგის ბოზობის ამბავსო. იმას მაინც არ რცხვენია არაფრის, რომ რცხვენოდეს, შენ გგონია იზამს? რავა ფიქრობ, ახლა შენთვის კარგი იქნება, თავს თუ ვერ შეიკავებ? არა, ჩემო დაია, ჯერ ერთი, ქვეყანა გაიგებს, ისინი თავისას მაინც არ მოიშლიან და

შენ ქე დარჩები გამოჭენებული ამ ქვეყანაზე, მეორეც, შეიძლება, შენ რომ იქეთ ერთს ეტყვი, აქეთ ორი უარესი გითხრას. მესამეც, გამარჯვებული მაინც ის დარჩება. ეტყობა, შიში აქვს ჩემი, ეტყობა, რალაცას წარმოვადგენ, რაკი ასე განიწმატებულიაო. ცხვირს მალლა ასწევს და თვითონ დაინყებს ხალხში ლაპარაკს, რა ვქნა, ვუყვარვარ მაგის ქმარს და ეთერის გულისთვის ხომ არ გადავიკარგები ამ ქალაქიდანო. არ იცი – რა ქვეყანაში ვცხოვრობთ? ქუთაისში კენჭს ვერ გადააბრუნებ, მეზობლებმა ვერ გაიგონ. კი არა პირიქით. შენ ვითომ არაფერი არა იცი, შენ ვითომ არაფრად არ თვლი. ზოგიერთმა გახელება იცის, მოვა და ვითომ შენთვის კარგი უნდა, – რა ვქნა, ჩემო კარგო, ასე და ასე ლაპარაკობს ხალხი და მიხედუ შენს ქმარსო. იცოდე, შენი პირველი მტერი ის არის. ამნაირ არამკითხეს მოუსმინე და ცივი წყალი გადაასხი. ვინ მოგიწვია ჩემ დამრიგებლად შენ-თქვა. მოცლილი ხალხი რას ბჭუტურობს, რა ვიცი მე-თქვა. თუ ქალი ხარ, მეორეჯერ არ მომიტანო ასეთი ენა და არ გამაცინო გემოზე-თქვა. მე ჩემი ოჯახი მაქვს და ჩემი მტერ-მოყვარე ვიცი, რამდენი უსაქმო გომბიო იქნება, იმაზე ვიშლი ახლა ნერვებს-თქვა. მაინც რამ გათქმევინა, ქერძაფს შევასხამ თვალეშიო. ოქროსავით ბავშვები გყოლია. იმგენის საცოდაობაში იდგამ ფეხს? ყველაფერს რომ თავი დაანებო, გირივლებს (მაგნირებს რისი რცხვენიათ), ქუჩაში შეურაცხყოფა მომაცენაო და იქონიე მერე მილიციასთან საქმე. რომ იცოდე, არც შენს ქმარს დაუსობენ თავზე ხელს. სად მუშაობს?

– აღმასკომში.

– ჰოდა, გამარჯობა შენი. ლუპავ შენი ბავშვების მამას? მე შენ გეტყვი, არ ეძებენ მიზეზს, ვინ რანაირად გააფუჭონ და ვის რა შარი მოსდონ. გარყვნილებას ეწვეაო და ქე დავისვამენ შენს ქმარს სახლში. ანდა, უკეთეს შემთხვევაში, იქ დამთავრდება მაგის კარიერა. წინ წაწვეაზე ველარ იფიქრებს. ყველა ამ საქმეს აკეთებს ჩუმ-ჩუმად, მარა ყველა შენ ქმარზე უფრო პატიოსანი აღმოჩნდება. პატარა თუ შეეკამათა ვინმეს, მაშინვე წამოსძახებენ, შენ შენს გაუბედურებულ ყოფაქცევას მიხედე და ჩვენი ჭკუის სწავლებას დაანებე თავიო.

ისე, ვინ მკითხავს მე, მარა, ერთ რჩევას მოგცემ: რა ვიცი, დაია, მე ქე ვცხოვრობ ამ ჭკუით (თორმეტი წლის გოგო მყავს), მე და ჩემს ქმარს ხმამალალი სიტყვა არ გვითქვამს ერთ-მანეთისთვის. ქმარი რაც ნაკლებად გეყვარება, უკეთესია, ვახტანგი სანდუხაძე ხომ გახსოვს შენ?

როგორ არ ახსოვდა ეთერს სკოლაში ყველაზე ლამაზი ბიჭი – ვახტანგ სანდუხაძე.

– ხომ ყველამ იცოდა ჩვენი ამბავი, ვუყვარდი მთელი ხუთი წელიწადი და რაც მართალია მართალია, მეც ძალიან მიყვარდა!

– რავა შენ?

– არა. არ იცოდი? არ გავყევი სანდუხაძეს. რა დასამალია, ისე მიყვარდა, რომ წელიწად-ნახევარი ვტიროდი (ჩემს ქმარს კი არაფერი გაუგია). დიდხანს იყო მერე უცოლოდ. ამ სამი წლის წინ ითხოვა ვინცხა ოკრიბელი შტერი და რომ გავიგე, ცოლი შეურთავსთქვა, რალა დროს ჩემი ეს ამბავი იყო, რომ დამაყარა წითლად ტანზე და ამინია სიცხემ, ორი დღე გულხელი მიცახცახებდა. ახლა გავიგე, გამორებია ცოლს. ვიცოდი, მე თვითონ ვიცოდი, ვერ იგუებდა მაგი ცოლს. ვახტანგი იმნაირი ტიპის ბიჭი იყო, რომ ოჯახისთვის არ ივარგებდა. ქვეყანამ იცოდა ჩვენი ამბავი. მშობლებიც თანახმა იყვნენ. მამამისს ისე ვუყვარდი, რომ ჩემი სურათი ჯიბით დაჰქონდა და ქვეყანას უჩვენებდა, ჩემი სარძლოაო. ავნონ-დავნონე და არ გავყევი. ვახტანგი მე ისე მიყვარდა, რომ მაგის გადაბრუნებულ სიტყვას, მაგის განზე გახედვას ვერ ავიტანდი. ეგ კი არა, მახსოვს, ერთხელ ცეკვაზე გოგია ძონენიძემ მის გვერდით არ დამაყენა და ჩემმა ბლავილმა მთლად აიღო ყველაფერი.

ახლაც, შენ არ მომიკვდე, ხომ ამდენი ხნის ამბავია, ქუჩაში რომ შემხვდება, ელეთ-მელეთი მომდის, ფეხი მერევა მთვარეულივით და ხელები სად ნავილო, არ ვიცი, მაინც რჩება თურმე გულში. მაინც სხვა ყოფილა პირველი სიყვარული. პირველიც ეგ იყო ჩემთვის და ბოლოც, მეტი ვინ მიყვარდა მე. მერე გავთხოვდი და სამსახური – ბაზარი – სახლი, ესაა ჩემი მარშრუტი.

– ელაპარაკებით ერთმანეთს? – ანგარიშმიუცემლად ჰკითხა ეთერ მანჯავიძემ.

– ლაპარაკით არა. ისე გამარჯობას ვეუბნებით. უწინ გამირბოდა. ერთ მხარეზე თუ მე მივდიოდი, ის მეორეზე გადადიოდა. დამნაშავე ვიყავი, კაცმა რომ თქვას, აბა, რა ვიყავი. გუშინ რო გულში ეხუტებოდე კაცს და ერთგულებას ეფიცებოდე და ხვალ რომ სხვას გაყვე, ასე იყო ჩემი ამბავი.

– რანაირად?

– ამ ჩემმა ქმარმა (ნაროუშვილია გეგეჭკორიდან, ჩვენს მეზობლად ცხოვრობდა, გემო-კვებას ამთავრებდა, დიპლომზე იყო) მაშვალი გამომიგზავნა. არც მიფიქრია, თუ ვუნდოდი, თვითონაც არ უგრძნობინებია. ტელევიზორზე შემოდიოდა ხანდახან ჩვენთან და მამაჩემს ელაპარაკებოდა. რა ვიცი მე, რას ლაპარაკობდნენ, ხომ იცი, როცა არ გაინტერესებს კაცი, ზედაც არ უყურებ. დედაჩემი (საწყალი მაშინ ცოცხალი მყავდა) და მამაჩემი კარში დამხვდნენ, შვილო, ნიკო ნაროუშვილმა შენი ხელი გვთხოვაო. გამეცინა. რომელი ხელი – მარჯვენა თუ მარცხენა-მეთქი? მამაჩემმა წარბები შეჰყარა, არაა შენი საგლახაო ის ბიჭი და დაუფიქრდი შენს საქმეს. ხვალ იმ კაცს ან ასე უნდა ვუთხრათ და ან ისეო.

ვიფიქრე მთელი ღამე. შამფურივით ვიტრიალე ლოგინში. ავნონ-დავნონე. იმდენი ნაკლი მოვუძებნე ამ ჩემს ვახტანგია სადუხაძეს, რომ არათუ ჩემი ღირსი, საერთოდ ქალის ღირსი არაა-თქვა, ასე დავასკენი ჩემს გულში. ხომ იცი, ჩვიდმეტი წლის სულელი გოგო. მეორე დღეს მშობლებს გამოვუცხადე, ნაროუშვილს მივყევი-თქვა. დედაჩემს კოვზი გაუვარდა ხელიდან, მამაჩემს არ გაკვირვებია. მოვიდა და შუბლზე მაკოცა.

ხელი მოვანერეთ, ქორწილი გადავიხადეთ და თორმეტი წელია, გითხარი, მისი არ იყოს, ნიკოს ცოლი ვარ. ნეტავი ღმერთმა ჩემს ერთადერთ გოგოს შეახვედროს იმნაირი ბედი, მე რომ მაქვს. წყნარი, მშვიდი ცხოვრება. რაც გვაქვს (სიმდიდრეს მის დღეში არ გამოვკიდებივართ), ქე მაინც ჩვენი ნაშოვნი გვაქვს და ტკბილად, დანყნარებულად ვჭამთ. ნიკო იმნაირი კაცია, ორ სიტყვას ზედმეტს არ გეტყვის. ათასწარი

ხასიათზეა ადამიანი, ხომ იცი დღეს. ხანდახან რომ მოვალ სახლში, რაღაცაზე გული მომივა და იმნაირს ვიფრენ, მერე მე თვითონ მეშინია და ვფიქრობ, ვახტანგის ცოლი რომ ვყოფილიყავ და ვახტანგისთვის გამებედნა ეს, ხომ დამაფშვნიდა ჯამ-ჭურჭელს თავზე-მეთქი.

სიყვარულით, ვერ დაგიმალავ, ჩემო დაია, მაინცდამაინც არ მიყვარს, მაგრამ ძალიან შევეჩვიეთ ერთმანეთს და სხვა ქმარი ვერც კი წარმომიდგენია. თურმე ასე ნამჯობინარა, არ შეიძლება თურმე გაგიჟებული სიყვარულით გიყვარდეს ქმარი. ჩემი ინსტიტუტის დაქალებიდან სიყვარულით ვინც გათხოვდა, ნახევარი წელიწად-ნახევარში უკან გამოიქცა და ნახევარს ისეთი ჯოხლენწობია აქვს სახლში გამართული, რომ შენი მტერი.

გულს არაფერზე ვიხეთქავ. დააგვიანდება, მშვიდად ვარ, ადრე მოვა, არც მაგაზე ვიკლავ სიხარულით თავს. მე არ გავიგო და მე არ დავინახო, ვუთხარი იმისი არ იყოს, და რაც უნდა ის უქნია. ისე არც თვითონაა მაინცდამაინც ქალების მოყვარული. ოჯახის ნამეტანი ერთგულია. ამდენი ხანია ჩემი ქმარია და ჯერ მთვრალი არ მინახავს. ზოგიერთმა ქე რომ იცის, ხელფასის ნახევარს ღვინოში რომ დახარჯავს და მშვიერი ჰყავს ცოლ-შვილი, გაგიგონია? კაპიკი, შაური. მოიტანს ხელფასს და მაგიდაზე დადებს. თუ რამეში დაჭირდა (ამხანაგებში გამოწყვეტილი კი არ არის), მეტყვის და მივცემ. მისი ნაშრომი და ნაშოვნი არაა?

ასე ვცხოვრობ, ჩემო დაია, ეს ყველაფერი ახლა რატომ გითხარი, იცი? აღარაა ახლა გადარევის და სიყვარულის დრო. არავინ არაა ღირსი, ჩემო ეთერი, მისი გულისთვის თვალები დაითხარო და ითავცემო. პატარა უნდა გაიცვიო გული, თვარა დაიტანჯები. რამ შეგაშინა, ანგელოზივით ბავშვები გყავს და იმგენს მოუარე. მაგნაირი ისტორიები შენს ქმარს ნუ გეშინია, ბევრი ექნება.

რა ჭკუა ვქენი, ვახტანგს რომ არ წავეყვი ცოლად. ჯერ მაშინ ბავშვი იყო და ბუზებივით ეხვეოდნენ ქალები. ლამაზი კაცი ქმრად, გამიგონია, დაიკო? სისხლს გამიშრობდა, ვიცი მე. იმ ჩემი დაუთავებული შარვალ-პერანგით სხვასთან წავი-

დოდა, იკოტრიალებდა და სალამოს ისევ ჩემი საბან-საფხეკი და მოსავლელი იქნებოდა. არ მინდა, ბატონო, არც ამნაირი სიყვარული მინდა. ვენაცვალე ჩემს ქმარს, ქე მაინც გული საგულეს მაქვს, ვიცი, თავში კეტი რომ ვურტყა, ხურდას არ დამიბრუნებს, ოჯახს არ უღალატებს, თეთრისა და შავის გარჩევა იცის, კარტს არ ითამაშებს და საყვარლები არ შემომიმტვრევენ კარს.

* * *

ამ საუბრიდან ერთი წელიც კი არ იყო გასული, რომ წაროუშვილების ოჯახში საზარელი ამბავი დატრიალდა. ნუნუ ბალათურიამ თავი ჩამოიხრჩო.

არც წერილი დაუტოვებია, როგორც ქმარ-შვილი ამტკიცებდა, არც რაიმე კონკრეტული საბაბი ჰქონია წინა დღეებში წონასწორობის დაკარგვის კი არა, თუნდაც უბრალო აღელვებისა.

ამიტომაც ნუნუს თვითმკვლელობის მიზეზი მთელი ქალაქისათვის უცნობი დარჩა.

თუმცა წერილი რომ დაეტოვებინა, შეიძლება არც ის ყოფილიყო ერთადერთი და სანდო წყარო ნუნუს ამ ქვეყნიდან წასვლის მიზეზის დასადგენად.

ადამიანები გულწრფელნი ზოგჯერ თავიანთ უკანასკნელ სტრიქონებშიც არ არიან.

სევდა

შემოდგომისპირი.

წვიმიანი, უამური სველი ღამე.

თორმეტს კარგა ხანია გადაშორდა.

მეცხრე მასივის მიკროდასახლება „საამური ცხოვრების“ ცენტრალურ ქუჩაზე მე-5ა კორპუსის პირველი სართული ახლადგახსნილ სასურსათო მაღაზიას უჭირავს. ამ მაღაზიის დალუქულ კართან ზის ღამის დარაჯი მაკარ მახათაძე. ვედროში ცეცხლი უნთია, ფეხებზეა ტულის სისტემის ორვაზნიანი „ცენტრალკა“ უდევს და ხელებს ითბობს. ხანდახან თავს აწევს და მარცხენა მხარეს გაიხედავს. მარცხენა მხარეს ქსოვილების მაღაზია „თინა ვაშლოვანელია“. მაკარი ამ მაღაზიასაც დარაჯობს. ორმაგ ხელფასს იღებს და ყოველღამე მორიგეობს. არასაუწყებო დაცვის უფროსობამ ეს გამონაკლისი იმიტომ დაუშვა, რომ, მოგეხსენებათ, ღამის დარაჯები ჭირს.

დარაჯს ცეცხლის ათინათი თითებს უწითლებს და სახეზე ეცემა. შეხედვისთანავე მის სახეზე უხემ თეთრ უღვაშს შენიშნავთ. მეჯღანის ხელებივით ფართოთითება და არწივის ჭვანგებივით დამსკდარ-დაღარულ ხელებს ერთმანეთზე ისე ღონივრად უსვამს, რომ ცეცხლის ტკაცატკუცზე უფრო მაკარის გამომშრალი ხელების ხრაშუნი ისმის. სათვალე ცხვირზე ჩამოსცურებია და ჩამოვარდნაზე აქვს. კაცმა რომ თქვას, რად უნდა ამ შუალამისას სათვალე?

სინათლის წრეში ვილაც შემოვიდა.

მაკარმა თავი ასწია. მის წინ მაღალი, ყაბალახიანი მოხუცი დგას.

– გამარჯობა!

დარაჯმა სალამზე უგემურად უპასუხა: „ვინმე ძილგატეხილი იქნება. ენა ექავება ალბათ და გულს გამინყალებს ახლა გაუთავებელი ლაილაით“, – გაიფიქრა მან.

– ცეცხლი დავინახე და აქეთ წამოვედი. სხვა ეშხი აქვს ცეცხლს მაინც. მაკარი უსიტყვოდ წამოდგა. თოფი კედელს

მიაყუდა. მაღაზიის ეზოში შევიდა, ცარიელი ყუთი გამოიტანა და უცნობს ფეხებთან დაუმხო.

– დაბრძანდი.

მოხუცი დიდხანს ჯდებოდა.

დარაჯმა ვედროში ნაფოტები ჩაყარა, თოფი კვლავ მუხლებზეა ჩაიდო და დაჯდა.

ისინი უხმოდ შეჰყურებდნენ ერთმანეთს.

დუმილს მასპინძელი არღვევს.

– შესახლდა ყველა თქვენს კორპუსში?

უცნობს გაეცინა.

– რა იცი, ახალმოსახლე რომ ვარ?

– ამ სახლში მცხოვრები დღე-ღამეში ოთხჯერ მაინც გამივლის წინ. ხომ იცი, მაღაზიის იქეთ გზა არა აქვს არავის. შენ ჯერ არ მინახავხარ. იმ რვასართულიანიდან იქნები.

– კი.

– რომელი სართული შეგხვდა?

– მეხუთე.

– სადაური ხარ?

– ვერელი.

– შორს კი წამოსულხარ, მაგრამ არა უშავს, შეეჩვევი.

– მე რომ აწი ამას შევეჩვევი, ისე შეეჩვია ჩემი მტერი. ჩემი შესაჩვევი ადგილი, მიქელ-გაბრიელი რომ გამამწესებს, იქაა. სამი თვეა გადმოვედით. შესახლება ექვსი თვის დაწყებულა. ჩემს სადარბაზოში მარტო ხუთი ოჯახი ვცხოვრობთ. სხვა ბინები დაკეტილია, რომ ჰკითხო, ბინები უჭირსო ხალხს, მისცეს და უარი არ თქვა. შეიძლება ახლა ალექსანდროვის ბაღში დგას და მდგმურებს ეძებს. რა მინდოდა აქეთ. სიბერეში სიქაჩლეო, რაღა დროს ჩემი აბარგება იყო. ორჯერ მხარი მექცა. გინახავს კაცი, საკუთარ სახლს რომ ვერ აგნებდა? დაჭამეს ქალებმა და ოჯახობამ ერთმანეთი. ავდექით და გავიყარეთ მამა-შვილი. არ გამოდის, არა. ორი ოჯახი ერთ ქვეშ არ გამოდის, რაც არ უნდა ულოცო. იმათ თავისი ჭკუა აქვთ, თავისი სტუმარი, მომსვლელი-წამსვლელი, ჩემი ცოლი ერთი გულმტკივანი ქალია. ამან რომ ერთი უთხრა, იმან ორი უპასუხა და მეტი კი არაფერი უნდა ჩხუბს. ამ მიზეზმა გადმომაგდო აქეთ, თორემ რა მინდოდა, „საამურ ცხოვრებაში“

ექსკურსიაზეც არ ვყოფილვარ. საშველი არ ჰქონია კაცის ცხოვრებას. სანამ ბოლომდე არ წაგანთხევიანებს ცხვირიდან, თუ ორიოდ კარგი დღე განახა, არ მოგეშვება.

მაკარი ხმას არ იღებს. იცის, ახლა მოხუცი სიგარეტს ამოიღებს, მუგუზაზე მოუკიდებს, ორიოდ ნაფაზს დაარტყამს და გააგრძელებს თავის ამბავს. ასეთებს შეკითხვების მიცემაც არ სჭირდებათ. მსმენელი უნდოდა და მოვიდა. მთელ თავის ცხოვრებას ჩამოფქვავს ახლა. მერე, თითქოს ტვირთი მოიცილაო, ადგება და წავა. ამნაირები რომ არ მოდიოდნენ, რა გაძლებდა ასე ვედროსთან დაყუნცული. ხანდახან ღამე ისე ჩაივლის, კაცი არ გამოგელაპარაკება, გამოლაპარაკებას თავი დაანებე, სალამსაც არავინ გეტყვის.

– მურთაზ ჩაჩხიანი ვარ მე. – სტუმარმა ცალი ფეხი გაჭიმა, უღვაშზე ხელი ჩამოისვა და ჩაახველა. შეეტყო, არ ელოდა, თუ მისი სახელის გაგონებაზე დარაჯი ფეხზე არ წამოვარდებოდა და არ ჰკითხავდა – რას ლაპარაკობთ, ნუთუ ის ცნობილი მურთაზ ჩაჩხიანი ბრძანდებით თქვენო. მაკარი არათუ ფეხზე არ წამოვარდნილა, თვალისაც არ დაუხამხამებია, ცეცხლს ჩასცქეროდა და ყრუდ ახველებდა.

– თუმცა რა მნიშვნელობა აქვს ახლა, სამოცდაათობმეტი წლის გინდა მურთაზ ჩაჩხიანი იყავი და გინდა ნუგზარ ამილახვარი. მე მგონია, ყოფილი მურთაზ ჩაჩხიანი ვარ-მეთქი, რომ მეთქვა, აჯობებდა.

– რატომ, შე კაცო, ადამიანი ყოფილი სიკვდილის შემდეგაა.

– ყოფილი ხარ აბა რა. შენი ამ ქვეყანაზე ერთ დროს არსებობა რომ ვერავისთვის დაგიმტკიცებია. რა ხარ ახლა, ის მითხარი შენ, თვარა, ეს ვიყავი გრამაფონშია.

– რა მოხელე ბრძანდებით?

– ვიყავი. გამკეთებელი და ჩამდენი ვიყავი ერთი სიტყვით. ქალაქში ერთ-ორ კაცს, მეტი რომ არ ვთქვა, შიში და რიდი ჰქონდა ჩემი.

– განაბობდით? დამცემი იყავით?

– ასე ვთქვათ.

მურთაზ ჩაჩხიანმა თეთრი, ქუთუთოებზე ჩამონოლილი წარბებიდან ირიბად გახედა დარაჯს. გაგიჟება შეიძლება, არც ღამეული სტუმრის საქმიანობის გამხელას უმოქმედია მა-

კარზე. იგი წელანდელზე უფრო მშვიდად ჩაჰყურებს ცეცხლს.

– ჩემი ხნის კაცის სხვაგან გადასახლება სისულელეა. კაცი იმით ხარ კაცი, თუ რა სახელი და გამავლობა გახლავს და გამშვენებს. ვინ მიცნობს აქ მე? ვის რაში ვუნდივარ? რაც აქ გადმოვსახლდი, თითქოსდა ფარდა დაეშვა, მთელი ჩემი ცხოვრება იქით დარჩა. ვილაცამ თითქოს უხილავი ხელით შემომაფცქენა, რაც მამკობდა და მაამაყებდა. შემომაფცქენა, და დამტოვა მშრალზე მარტო სახელისა და გვარის ამარა. ეს სახელი და გვარი კი არაფერს ეუბნება გუშინდელგამოჩეკილ ლაწირაკს. ტაქსის რიგში, შეიძლება, წინ გადაგიხტეს და თუ პატარა მოქაჩე მკლავზე, ისე გაგიყრის სპიცს მუცელში, რომ ხელი არ აუტოკდება. ციხის მეტი რა მინახავს, ერთიმეორეზე რომ ვიანგარიშო – კაი ოცდამედი წელი ვიჯექი. ციხეში შენი მიყვანისთანავე დაადგენენ პატიმრები, ვინ ხარ, რას წარმოადგენ, რა საქმეები გიკეთებია და მერე იმის მიხედვით გაფასებენ, რა ჩამოსხმაც ბრძანდები. აქ კაციშვილს არ აინტერესებს, ვის დაეკარგე, ვინა ხარ. კაცის ასე განირვა გაგიგია, ბატონო?

– დიდხანს დადიოდი?

– სად, ბატონო?

– საქმეზე.

– ლომბარდი რომ გატეხეს, ქუთაისის ოცდაცხრამეტ წელს, იმ საქმეში ვერიე მე. ჩემი ნახაზით მოხდა ის საქმე. მერე გადასახლება, ციმბირი. ოთხი „პაბეგი“ მაქვს გაკეთებული და ოთხივე სუფთად. ბოლოს, ომისშემდგომ დამიჭირეს, ბანკი წავიღეთ – ნაღვარევის სარაიონო ბანკი. შესრულება უნაკლო იყო და ძიებასაც ხელი ჰქონდა დაბანილი, მარა ერთი ქურდის საყვარელთან გვექონდა სამ ღამეს ფული შენახული და ორი წლის მერე იმ ქალმა გაგვიყიდა. ქალი ამნაირ საქმეში არ უნდა გარიო. როცა უყვარხარ, შენი გულისთვის საკუთარ მამას შეაჭმევს თავის შაქარს, მაგრამ მომორდები და გათავებულია საქმე. ყველაზე დიდი მტერი ისაა შენი. რამდენი აბრაგი გააფუჭა ქალმა, რომ იცოდე, გინევს მკლავზე და უყვები ყველაფერს, არ იტოვებ უთქმელს არაფერს. გგონია, ასე ერთგული იქნება სიკვდილამდე. მოგწყინდება ის ქალი, დაიხურავ ქუდს და წახვალ. შენ გგონია ამით დამთავრდა ყველაფერი? არა, ჭირიმე, ქალი თავის სიყვარულს ძმრად ამოგადენს. შურისძიებად გა-

დაიქცევა, თავბედს განწყევლინებს. არ ჭამო და საიდუმლო ქალთაგანს, რა ახლობელიც არ უნდა იყოს შენი, არ გაუმხილო. ბოლოს მოსაწყენია ყველაფერი, ხომ იცი შენ, აღარ გამოდიოდა ჩემგან უკვე. გოლად დავჯექი. ქურდებს ვზრდიდი, ვაჟკაცობას, ამტანობას, გატანას ვასწავლიდი. ახლა რომ ყველა პაცანა თავის თავს ქურდს ეძახის, ასე კი არაა საქმე. პატიოსანი ქურდის სახელს დამსახურება და გაფრთხილება უნდა. ისე გავზარდე ჩემი ბიჭი, რომ ჩემი საქმიანობის შესახებ არაფერი გაუგია. ახლაც არ იცის, რაზე ვიჯექი. რა სათქმელია ახლა ყველაფერი ეს, კაცი თავის სიგლახეს არ უნდა ყვებოდეს, მარა მე რასაც ვაკეთებდი, პატიოსნად ვაკეთებდი და ჩემი ვაჟკაცობისათვის ჩრდილი არასოდეს მიმიყენებია.

თურმე ყველაფერი ცვთება, ყველაფერი დავინყებას ეძლევა. მე კი არა, ქვეყანას აზანზარებდა ხალხი და იმათი ხსენებაც აღარაა დღეს. ბედნიერებაა თურმე, კაცი რაც ხარ, იმად რომ მოკვდები. მე ახლა რომ მოვკვდე, სხვა კაცად მოვკვდები. ქალაქის ამ შორეულ გარეუბანში ჩემ სატირლადაც არავინ მოვა. ბევრი ვერ გაიგებს. ყველა კი არ კითხულობს ამ შენს გაზეთს. ამ მასივის ამ კორპუსში სამოცდაათს გადაშორებული ვილაც ბებერი გარდაიცვალაო, ასე გავარდება ჩვენ კვარტალში ხმა. არ სჯობდა ამას, იქ მოვმკვდარიყავი ჩემს საქმეზე, ან ციხეში მოვეკალი ვინმეს?

ეზო, ჩემო ბატონო, პატარა ეზო. რა ყოფილა, კაცო, მისი ფასი. სალამოზე კამათლის აქეთ გამომგორებელს რომ ვერ იშოვი, ცხოვრებაა ის ცხოვრება? ყველა თავის ბინაშია შებუდრულ-შეყუჟული. ვერაზე, ახლა, ქარვასლები არც იქ მქონდა, მაგრამ ჩამოხვიდოდი ეზოში, კაცს დაელაპარაკებოდი, შენსას ეტყოდი, მისას გეტყოდა, რა ვართ მეტი, აბა, ჩვენ? ხორცი არ იჭმევა ჩვენი და ძვალი. ვუარე ამ რვასართულიან სახლს ირგვლივ, არც ეზო, არც დასაჯდომი არსად. ბინაში შესვლა სხვა საქმეა. დაუკაკუნო უნდა კაცს, შეანუხო, მიწი-მონიო. ეგება არ ეხალისება შენი სტუმრობა. სტუმრობა ჰქვია, კაცს რომ მიადგები სახლში. ყველა თავისთვის ჩუმათობს ახლა და ყველა რალაცას ჩირთიფირთობს. ყველაზე კაი ის იყო ვერაზე, ჩემო ბატონო, რომ ვიცნობდით ყველა ერთმანეთს და ჩვენი უღვაში, ნამუსის ქუდი გვეხურა ყველას. აქ ისე წამოგა-

ჯდება ვილაცა ძალლი და მამაძალლი თავზე, რომ სიცოცხლეს გაგიმწარებს. მოკლავ, რალას მოკლავ, მოკვლის დრო წავიდა. სიტყვა „ძველი ბიჭი“ აღარცაა ხმარებაში ახლა. თუ ამოგიყვანდა სულს ყრონტში, ესროდი შუბლში და გაუსწორდებოდი ერთხელ და სამუდამოდ. ახლა? ახლა შენს გულს უნდა შეასკდე, ნერვების ჭამა უნდა დაიწყო. „კაცი მოკლაო“, სხვას კი არაფერს იტყვიან. იყო ის კაცი სასიცოცხლო საერთოდ? ხომ არ წამლავდა ქვეყანას თავისი ცხოვრებით და ჯახირით ამ დუნიაზე? ესაა გასარკვევი.

არაფერზე არ მწყდება გული ისე, როგორც ჩემს ძალზე. მონადირე კაცი ვარ და მონადირე უძალლოდ, მოგეხსენებათ, იგივეა, რაც მესიმინდე უთოხოთ. ჩემი შვილი და რძალიც მოძებნიან თავის გზას, შვილიშვილებიც დაიზრდებიან. მეც, როგორღაც იქნება, გავატრევე ჩემს დარჩენილ ნუთისოფელს ბოლომდე, მარა რაც მე მეზობელმა ძალლებზე საქმე მიქნა, მოსისხლე მტერი არ უზამს მოსისხლეს. ორი ძალლი მყავდა აქ რომ გადმოვედი. ბებერი პოინტერი, ყურმას ვეძახდით – ძუქნა იყო, მაგრამ ვირივით მუშა მეძებარი და შვილი მისი – ბროლია. ბროლიას ნახვას არაფერი სჯობდა. სწორი ზურგი, მალა ანეული ცხვირი და ჩამოზრდილი ლაშები. მის ნახვას არაფერი სჯობდა-მეთქი – ქე გითხარი. ერთი წლის იყო. სამჯერ-ოთხჯერ მყავდა მწყერზე, გამაგიჟა პირდაპირ. ლეკვი იყო და ისეთ ნაბულს აკეთებდა, რომ შემირცხვენია ყველა გამოცდილი მეძებარი. სანამ არ შეუძახებდი, არ მივიდოდა. იმდენ ხანს ჰყავდა მწყერი ნაბულზე, რომ თავისუფლად გამოცვლიდი თოფში ორივე ვაზნას. მეხუთე სართულზე როგორი შესანახავია ძალები, მაგრამ რა მექნა. სულს ამოვიცლიდი და იმათი მომშორებელი არ ვიყავი. ძალლი დაიყეფებს ხანდახან, აბა რა იქნება. შემირჩნდა კარის მეზობელი. რვაჯერ დამინერა – ჩაჩხიანი მეძალეა (ძალლი მიაკვდა მის პატრონ-მყვარებელს) და არ მასვენებსო; ღამე ვერ ვიძინებ, ყეფით იკლებენ ყველაფერსო. ორი თვე ვებრძოლე აღმასკომს და მილიციას. ილაჯი რომ გამიწყდა, ტაქსით წავიყვანე ორივე ძალლი მარნეულისკენ, ახალსოფელში პურის ყანებში, ყელსაბამზე ორივეს სახელი და ჯიში დავანერე და გაუშვი. კაი ხელაზე ტაქსს ფეხდაფეხ მოსდევდნენ გაგიჟებულები. ვერ

გაიგეს, რა მოხდა. ასეთ მუხტობას ძალიან პატრონისაგან არ მოელოს. ახლაც თვალწინ მიდგას მათი თვინიერი, საყვარელი თვალები. გაყიდვით მე იმათ ვერ გაყიდდი. ჩემს ყურმასა და ბროლიაში აღებული ფულით პურს ვერ ვჭამდი მე. თუ ვინმე ღვთიან-მადლიანმა კაცმა იპოვა, ხომ კარგი, თუ არა და ვინ იცის სად დაწაწალობენ ახლა ჩემი ხელისგულზე გაზრდილი ძაღლები, უპატრონოდ მოუვლელ-მოუხედავად, გაველურებულ-გახვადაგებულები.

კაცმა კაცს ასე უნდა მოგიკლას გული? რა ვართ ჩვენ მეტი ერთმანეთისთვის? ბროლია მესიზმრება ხშირად. იცი რა იყო? დასახატავი ძაღლი. წელს პირველად ნახა თოვლი, თებერვალი ახალი დამდგარი იყო, კიროვის პარკში გამოვიყვანე, მახსოვს, გაგიჟდა ლეკვი. რა არის ეს, რა იყრება ციდანო. ხტებოდა, ძლივს ვაკავებდი, ხტებოდა მალლა და ენით იჭერდა თოვლს. მის ყურებას არაფერი სჯობდა. გამვლელები ჩერდებოდნენ და თავზე უსვამდნენ ხელს. ბროლია კი, თოვლს უყეფდა, ხტებოდა, ფანტელებს ენას უყოფდა, ერთ ამბავში იყო.

ვედროში ცეცხლი მიიწვავდა. მაკარ მახათაძე ერთი-ორჯერ თავი ჩააქანა მუხტებისაკენ, ამ თვლემამი თოფი გადაუფარდა, აიღო და იქვე მიაყუდა კედელს.

მურთაზ ჩაჩხიანს ეწყინა. წამოდგა, ყაბალახი გაისწორა და სხვისი ხმით უთხრა დარაჯს:

– ნავალ ახლა, ორი იქნება უკვე. გადამერევა დედაბერი. შენც გეძინება, ისე გატყობ. ხვალაც გამოგივლი, ვილაპარაკოთ.

ნელ-ნელა, ბეჭების რწევით მიირხეოდა სიბნელეში და მალე მისი ფეხის ხმაც შეწყდა.

მურთაზ ჩაჩხიანი მეორე დღეს კი არა, საერთოდ აღარ გამოჩენილა.

ვერ ვიტყვი, მაკარ მახათაძე მოუთმენლად ელოდა-მეთქი. მაკარს მაგისტანები უნახავს და მოუსმენია?

ნამსი

საღამოს ცხრა საათი, ჰა და ჰა, როცა კალიგრაფისტი ვასილ მენაბდე მეოთხე სადარბაზოში შევიდა და ლიფტის ღილაკს თითი დააჭირა.

ქარიანი ამინდი იდგა და ვასილს ყოველ შემთხვევისათვის სანვიმარი მოეხურა, თუმცა იგი იქვე, მეორე სადარბაზოში, ცხოვრობდა და ოპერაციის წარმატებით დაგვირგვინების შემთხვევაშიც კი ფეხით ოციოდე ნაბიჯის გავლა თუ მოუწევდა.

კარგ საქმეზე არ მიდიოდა კალიგრაფისტი ვასილ მენაბდე. სახლმმართველი ბენო სალდაძე უნდა გაელანძლა. უნდა გაელანძლა ქარაგმულად კი არა, გადაკრული ფრაზებით კი არა (ნაწყენი ადამიანები ანდაზებს რომ უცვლიან ერთმანეთს), უნდა გაელანძლა უკანასკნელი სიტყვებით. ამ გადანყვეტილებამდე ერთბაშად არ მისულა. წლების განმავლობაში გროვდებოდა რისხვა კალიგრაფისტის გულში, მაგრამ მოთმინების ფიალა პირამდე მაშინ ავესო, როცა გუშინ დილით, კანტორაში მისულს, მდივანმა გოგონამ მოახსენა: თქვენს ცნობას სახლმმართველმა ხელი არ მოაწერაო. უკანონოს ითხოვდა რამეს მენაბდე? თქვენც არ მომიკვდეთ. სჭირდებოდა ცნობა საცხოვრებელი ადგილიდან, რომ ურთიერთდახმარების სალაროდან ფული მიეღო. ვთქვათ, ურთიერთდახმარების სალარო არაფერ შუაში ყოფილიყო, ისე არ უნდა მიეცათ კაცისათვის ცნობა საცხოვრებელი ადგილიდან? მით უმეტეს, რომ საქმე კარის მეზობელს ეხებოდა. სახლმმართველიც ხომ ამ ას სა-მოცბინიან ათსართულიან სახლში ცხოვრობდა. რა იყო, რას ანერვიულებდა საკუთარი სიდედრისაგან ამ ისედაც გამწარებულ მენაბდეს? არ იყო კარგი კაცი ბენო, ვერ დავმაღავ.

– სახლშია? – ჰკითხა ბენოს მეუღლეს და იატაკს დაჩერებულმა, ვინ იცის, მერამდენედ გაიმეორა სახლმმართველისათვის მისახლელი პირველი ფრაზა („რა გინდა, რას მერჩი, შე



უნამუსო!“). მთავარია, ეს პირველი სიტყვები დამაჯერებლად ვუთხრა, მერე თვითონაც მიპასუხებს რამეს და აენწყობა ჩხუბიო.

– მობრძანდით, – თითქოს რაღაცას ხვდებაო, მასპინძელ ქალს შემფოთებული სახე ჰქონდა.

ბენო ფანჯარასთან, ნიკელისთავიან საწოლზე, თავშეხვეული იწვა. სახელოებნაკაპინებული თეთრი პერანგიდან ჭალარით მოსილი მკლავები მოუჩანდა. სტუმარს მოეჩვენა, რომ სახლმმართველს ფერიც წასვლოდა.

– მობრძანდი, ჩემო ვასო. ამ სკამზე დაჯექი, კისრის მოტრიალება მიჭირს. როდის გაიგე, ვინ გითხრა? – ბენომ ერთმანეთს მიაყოლა ნალველგარეული სუსტი ხმით და არაბულ სკამზე დაშვებულ მეზობელს ხელი გაუწოდა.

გასალანძღავად მოსული დაიბნა, თითები ერთმანეთს გადააჭდო და სხვისი ხმით ამოღერდა:

– ახლა მითხრეს, ამ წუთას. როგორ მოხდა, რა იყო, სერიოზულია რამე?

– ადამიანი ერთ წუთშია თურმე. ჩემი თავი ჯანმრთელი მეგონა. არაფერი ისეთი სანერვიულოც არ შემხვედრია, კაცმა რომ თქვას. ასე ორი საათი იქნებოდა, თათბირს რომ მოვრჩი, ამ ადგილას, ყურების გასწვრივ, კეფა ამტკივდა. ალბათ ცუდად მედო ბალიშზე წუხელ თავი-მეთქი. სანამ ის გოგო ჩაის მოიტანდა, ყურებმა შუილი დამიწყო და თვალში სინათლე დავკარგე. გონს რომ მოვედი, სასწრაფოს ექიმი მადგა თავზე. ნუ გეშინიათ, ბატონო, პატარა წნევამ აგინიათო. ნემსები გამიკეთეს, პაპავერინიო, თუ რაღაცას ეძახიან. სახლში მომიყვანეს და დამანვინეს. ასე მოდის სიკვდილი? ეს ვართ სულ?

– ნუ გეშინია, ჩემო ბენო, წნევამ შეგაშინა, შე კაცო? – გული გაუკეთა სახლმმართველს ვასო მენაბდემ და შემდეგ საუბარმა სწორედ ისეთი სახე მიიღო, როგორც იმართება ხოლმე ავადმყოფსა და სანახავად მისულ ჯანმრთელ მეგობარს შორის.

ნახევარი საათის მოსული არც კი იყო ვასილ მენაბდე, რომ მეოთხე სადარბაზოში მძლეოსანთა მწვრთნელი ბესარიონ კეჟერაძე შევიდა და ლიფტის ლილაკს თითი დააჭირა. ბესარი-

ონს სპორტული პიჟამო ეცვა, ხოლო პიჟამოს მარცხენა მხარეს, გულთან, კრემლის გამოსახულება ეხატა. მწვრთნელი აშკარად აღელვებული ჩანდა. მის ძმისშვილს, სოფლიდან ჩამოსულ სტუდენტს, ამ დილით მესამედ უთხრა უარი ჩანერაზე სახლმმართველმა. არადა სტუდენტს ყველაფერი რიგზე ჰქონდა; დასწრებულზე სწავლობდა და მის განცხადებას რეზოლუციაც კი ედო ჩანერის შესახებ. „ნაკლები რომ გამოვა ადამიანისშვილი! კაი საქმის გაკეთება რომ არ უნერია თავში! რა უნდა, რას ერჩის ამ ბავშვს? ავალ ახლა და მაგრად გავლანძღავ! აღარ დამთავრდა შენი მიზეზები, შე გველო-მეთქი? ასე ვეტყვი სწორედ. გავლანძღავ და დავკარგავ კიდეც სამუდამოდ. ჩემთვის აღარ იარსებებს მკვდარი-ცოცხალი. მე მაგის სახლში ფეხის დამდგმელი არ ვარ!“ – ფიქრობდა ბესარიონ კეჟერაძე და როცა ბენოს მეუღლემ კარი გაუღო, ბოდიშმოუხდელად მიახალა.

– ბენო მიწოდდა.

საწოლ ოთახში შესვლისას ბესარიონმა ჯერ ვასოს ჩამოართვა ხელი და მერე ბენოსკენ გაიწია. შემობრუნდა, ქუდი სკამზე დადო, ავადმყოფს ორივე ხელი შეაგება, სწრაფადვე შემოტრიალდა, ქუდი აიღო და დაჯდა ისე, რომ სალდაძისთვის თვალი არ მოუცილებია.

– მადლობელი ვარ, ჩემო ბესარიონ, რატომ შენუხდი?! სად გეცალა ახლა შენ ჩემ სანახავად! – სახლმმართველი ჭერს შესცქეროდა.

– რა მოცლა უნდოდა, შე კაცო, აბა, რა ვართ მეტი ერთმანეთის! ავადააო, რომ მითხრეს, თავზარი დამეცა. რაო, რაშია, თუ ძმა ხარ, საქმე? რა გითხრეს ექიმებმა? – მწვრთნელს არ ეგონა, თუ გარდასახვის ამოდენა უნარი გააჩნდა. თავისი თავის უსაზღვროდ კმაყოფილი იყო, რომ საჩხუბრად მოსულმა ასე სწრაფად დაიოკა ნერვები და მოსიყვარულე მეზობლის ნიღაბი ასე ბუნებრივად მოირგო.

სანამ სახლმმართველი სტუმარს უამბობდა, თუ როგორ აენვა კეფა სხდომის შემდეგ, როგორ დაუნყო ყურებმა შუილი და სანამ მდივანი გოგონა ჩაის შემოიტანდა, როგორ დაკარგა გონება, მეოთხე სადარბაზოში კიდევე შევიდა ერთი კაცი.

ლიფტის ლილაკს თითი დააჭირა, მაგრამ კაბინას არ დაუცადა, ღრმად ამოიოხრა და ჩქარი ნაბიჯით აუყვა კიბეს.

ეს კაცი გახლდათ სანტექნიკოსი ანზორ ფხალაძე. ნალვარევის ჩასახვევთან, მარცხნივ, ბოძებზე შემდგარი საამხანაგო სახლი არ დგას? სწორედ ამ სახლის საქვაბეს ემსახურებოდა დღევანდლამდე ანზორი. გუშინ ერთ საქმეზე შეაგვიანდა და წყალსაქაჩი ძრავა დროზე ვერ ჩართო. თავის კაცურ საქმეზე შეაგვიანდა. ისეთ საქმეზე გახლდათ, ცოლს რომ ვერ გაუმხელ. არ დაქცეულა ქვეყანა. ანზორი წესიერი კაცია, მაგრამ ერთი პირი ძილი წყალსაც უწევსო, ნათქვამია. ამ დილით კანტორიდან დაურეკეს, მოდი, თავს უშველე, ბენო სალდაძე მდივანს შენი მოხსნის პროექტს აბეჭდვინებსო. მიდის ახლა ანზორი სახლმმართველთან საჩხუბრად. მიეთ-მოეთებს არ დაუნყებს. ოქრო ხელობის კაცია, ოთხმოცმანეთიან სამსახურს ყველგან იშოვის. „კაცი ხარ ამის მერე, შენო? – ეტყვის ანზორი სახლმმართველს, – შენც იტყვი, ადამიანის გული მაქვსო? ქურდულად რომ მხსნი, დამიბარე, მითხარი, ერთი შენიშვნა მაინც მომეცი? შვიდი წელია საქვაბეს ვემსახურები, ყოფილა შემთხვევა, დროზე არ ჩამერთოს ძრავა? გიჩივლებდი სასამართლოში და გასროლინებდი კუდიტ ქვას არასწორი ბრძანებისათვის, მაგრამ ამას რატომ არ ვიზამ იცი? კიდევ რომ აღარ მექნეს შენთან საქმე. შენმა ყურებამ და შენთან შეხვედრამ მეტი რომ აღარ მომიწიოს. მიმიფურთხებია შენი საქვაბისათვის და შენი კაცობისათვის, საერთოდ!“ – ასე ეტყვის, გამოიჯახუნებს კარს და წამოვა.

რამდენიმე წუთის შემდეგ სანტექნიკოსი ანზორ ფხალაძე ვასილ მენაბდესა და ბესარიონ კეჭერაძეს შორის იჯდა და ავადმყოფ სახლმმართველს თვალეზში შეჰყურებდა.

– შენ მაინც საიდან გაიგე, ჩემო ანზორ, ვინ გითხრა? – წნევადარტყმული უსაზღვროდ კმაყოფილი იყო.

– რა გაგება უნდოდა, ნოევიჩ, მთელი ქუჩა მაგაზე ლაპარაკობს. საავადმყოფოდ გცალია ახლა, ნოევიჩ, შენ?

– მიქელ-გაბრიელი არ დაგიდევს, გცალია თუ არა, – ჩაიცინა სახლმმართველმა.

– ათასი უბედური დადის ამ ქვეყანაზე. რა ხელი აქვს შენთან მიქელ-გაბრიელს ჯერ? კაი კაცს რომ არ დაეტაკოს, ღვთის პირიდან გადავარდნილი ცოტაა? – ანზორ ფხალაძე ისეთი ექსტაზით ლაპარაკობდა, რომ ვასილმა და ბესარიონმა ეჭვით გადმოხედეს.

– ეჰ, ჩემო ანზორ, ვინ გიფასებს კაი კაცობას! ხომ გაგიგონია, მწიფეს ესროდნენ და მკვახე ცვიოდაო. მიქელ-გაბრიელს რომ სია უჭირავს ხელში, იმ სიაში კაი და გლახა ერთმანეთის გვერდზეა მოქცეული. ღირსების მიხედვით კი არაა დალაგებული წამსვლელ-დამრჩომი, – შეიშნო ბენომ თავისი მდგომარეობა.

– ალფავიტზეა ალბათ, – სიტყვა შეაშველა ვასილ მენაბდემ.

– რა იყო მაინც, რა დაგემართა, რომ დაგვიხეთქე გულები? – შორს გაუტია სანტექნიკოსმა.

– ორზე მოვრჩი დღეს თათბირს. მარტო რომ დავრჩი, მე ვთქვი, გაზეთებს გადავხედავ-თქვა. სანერვიულო, კაცმა რომ თქვას, არც თათბირზე იყო რამე და გაზეთში ხომ ყველაფერ კაი წერია. ამ ადგილას, ყურების გასწვრივ, კეფა ამტკივდა. ცუდად მედო ალბათ ბალიშზე წუხელ თავი-მეთქი. სანამ ჩაის შემოიტანდნენ, ყურებმა შუილი დამიწყო და მერე აღარაფერი მახსოვს...

მესამედ ყვებოდა ავადმყოფობის ამბავს ბენო, და რომ დაამთავრა, გაიფიქრა, ცოტა უნდა შევკვეცო, თორემ, როგორც ჩანს, დღეს ბევრი მნახველი მოვა და ასე დაწვრილებით თუ ვუამბე ყველას, წნევის აწევა მაშინ ნახეო.

* * *

ლიფტის კაბინა რომ დაეშვა, სამივემ თითქმის ერთდროულად ამოიხვნეშა. მდუმარედ შესცქეროდნენ ერთმანეთს. ხმის ამოღება არც ერთს არ სურდა, რადგანაც ცალ-ცალკე ყველას ეგონა, რომ დანარჩენი ორი საჩხუბრად კი არა, მართლა ავადმყოფის სანახავად იყო მისული.

და გულში სამივეს რცხვენოდა. რატომ? რის გამო? ამისათ-

ვის ანგარიში ვერ მიეცათ. რალაცაში დამნაშავედ გრძნობდნენ თავს წნევაანეული სახლმმართველის წინაშე.

ბოძთან სულელი გოგია იღვა და თითქოს მათ ნახვას ელოდაო, ხელი დაუქნია, – მოდით, გამოცანას გეტყვითო!

მივიდნენ.

გოგიამ ცხვირი მოიხოცა, ჯოხი ერთი ხელიდან მეორეში გადაინაცვლა, მალლა აიხედა და დაიწყო:

– პანანინა წვერცანცარას

საქმე ანდეს დიდიო,

ხან თუ წვერით მიერჭობა,

ხანაც კუდით ჰკიდიო.

– კაცი! – ყველას დაასწრო ბესარიონ კეჟერაძემ.

– ვერ მოგართვი! – გოგიამ მისთვის ჩვეული ღიმილი აიფარა სახეზე, აქაო და დიდ საიდუმლოს ვმაღავო.

– შენ გვითხარი! – უგემურად თქვა ანზორმა.

– ნემსი, თქვე შტერებო, ნემსი! – გამოაცხადა გოგიამ და ქვეყანაზე უბედნიერესი კაცის სიცილით გაიცინა.



ტკივილი

კაპიტონ ცერცვაძეს მარილები დაუგროვდა. როცა ეს დიაგნოზი დაუსვეს, უკვე გვიან იყო. ავადმყოფობა, რომ იტყვიან, ძვალ-რბილში ჰქონდა გამჯდარი. არასწორმა მკურნალობამ ჩიხში მოაქცია თქვენი სენიო, განუცხადა ექიმმა და აბა, ამაზე უფრო ნათელს და სანუგეშოს ექიმი რას გეტყვის. ვერ მიხედა დროზე თავს ქალაქ პატრიგეთის დელფინარიუმის სტატისტიკოსმა კაპიტონ ცერცვაძემ. ამ ხუთი წლის წინ მაჯების ტკივილი რომ იგრძნო და მხრები დაუძიმდა, ქარებიო უთხრეს და მთელი წელიწადი მოხარშული დაფნის წვეს სვამდა, მერე იდაყვის მოხრა და თითების გაშლა-მოკეცვაც რომ გაუჭირდა, ვილაცამ უთხრა: სახსრები გაქვს გაცივებულიო. წამალიც ასწავლეს – ასი ცალი ვაზის ფოთოლი უნდა ხარშო ერთ ვედრო წყალში, სანამ წყალი ნახევრამდე არ დადუღდება, ნახარშს თითო კოვზი თაფლი უნდა დაუმატო და დღეში სამჯერ ჭამის წინ დალიოო. ესეც არ დაუკლია. ბოლოს, მოჟამული იქნებო და შეალოცვინა კიდეც, მაგრამ არაფერმა უშველა. ამ ხუთი წლის განმავლობაში მხოლოდ ექიმბაშების და მკითხავების იმედზე იყო ეს სერიოზული კაციო? იკითხავს სრულიად სამართლიანად ნაწყენი მკითხველი. მთლად ესეც არ ყოფილა საქმე. პარალელურად კაპიტონი უბნის ექიმთანაც დადიოდა, „უროდანს“ სვამდა. უბნის ექიმი ყოველი გასინჯვისას აიმედებდა, – ხომ ხედავ, უკეთესად ხარ, იმ კვირაში ასე იყავიო? ხომ იცით, ექიმის ტყუილსაც მაგიური ძალა აქვს. კაპიტონი ის ერთი დღე, მართლაც კარგად გრძნობდა თავს, მაგრამ მეორე დღეს ყველა სახსარი ერთად რომ ეტყოდა უარს, თავბედს იწყევლიდა, უბნის ექიმის მიმართაც უსიამოვნო ფიქრები გაჰკრავდა გულში, მაგრამ სტატისტიკოსი მორიდებული კაცი იყო და რაიონის პოლიკლინიკას ყოველდღე ხომ ვერ შეაწუხებდა.

ფენჯგირეს თესლის ნახარშმაც რომ არ უშველა, ერთბაშად გაუტყდა გული მედიცინაზე და ავადმყოფობას მინებდა. ექ-

იმს და წამალს ველარ გააგონებდით. საცოდავი სანახავი იყო დელფინარიუმის სტატისტიკოსი. სამოცსმიტანებულ მარტოხელა კაცს, ჭიქა წყლის მიმწოდებელიც რომ არავინ ჰყავდა შინ, ეს უნდოდა კიდევ? დაჯდებოდა – ადგომა უჭირდა, იდგა – დიდის ვაი-ვაგლახით უნდა დამჯდარიყო. ფეხებზე თითქოს წისქვილის დოლაბები დაჰკიდესო, წერისას კალმისტარი ისე შეაცივდებოდა თითებში, რომ, თუ მეორე ხელს არ დაახმარდა, ვერ გამოიღებდა. სხვისი თქმა რად უნდოდა, თვითონვე იგრძნო, რომ მუშაობა აღარ შეეძლო და სამსახურიდან განთავისუფლება ითხოვა. „თავს რითი ირჩენო“, დირექტორმა რომ ჰკითხა, კომისიაზე გავალ, პენსიას დამინიშნავენ და გავაჩანჩალებ ამ წუთისოფელს როგორმე ბოლომდეო, უპასუხა. იმედი ჰქონდა, რომ მეორე ჯგუფის ინვალიდობის მოწმობას მისცემდნენ და პენსიაც საკმაოდ მაღალი ექნებოდა.

1980 წლის 27 თებერვალს დილის 10 საათზე კაპიტონი საპენსიო სამედიცინო კომისიაზე დაიბარეს. სოცუზრუნველყოფის განყოფილება მაშინ სერგეი ლაზოს ქუჩაზე კაზანჯიანცის ყოფილ სახლში იყო მოთავსებული. წელში ორად მოკაკვულმა, ქვექვეით აიარა კიბე და კონსტიტუციის მუხლებით ლამაზად გაფორმებულ მოსაცდელში შევიდა. კედლის გასწვრივ ხუთიოდე მოხუცი თვლემდა. კაპიტონს უნდოდა ეკითხა, ბოლო ვინ არისო, მაგრამ გადაიფიქრა, ჯერ ერთი, არსად ეჩქარებოდა და მეორეც, განიე-გამონიე, ამ ხუთი მოხუცის შემდეგ უნდა შესულიყო. მაღალი, თავგისფერი კარიდან თეთრხალათიანი გოგონა გამოვიდა და იკითხა.

- ცერცვაძე არის ვინმე აქ?
- მე ვარ, ბატონო. – წამოდგა კაპიტონი.
- შემობრძანდით. – გოგონა გატრიალდა.
- კი მაგრამ, ეს ხალხი რომ ჩემზე წინაა? – შეწუხდა ყოფილი სტატისტიკოსი.
- სიით არის, ბატონო, გამოძახება. მალე გავუშვებთ ყველას. კაპიტონი მიჰყვა.
- გოგონამ ვინრო შესასვლელში ღია კარადაზე მიუთითა:
- აქ გაიხადეთ და შემობრძანდით. – მოხუცს ახედ-დახედა,

გაიღიმა და მუხლით მიანვა კარს.

– მე ბოდიში, – განითლდა კაპიტონი, – გახდით რანაირად, რასაკვირველია, როგორაა თქვენთან წესი?

– ქვედა საცვლის გარდა ყველაფერი, ბიძია. – ექთანმა გოგონამ გადაიხარხარა და კარი შეაღო.

ათიოდე წუთის შემდეგ კაპიტონ ცერცვაძე მაღალჭერიან, სარკეებიან ოთახში იდგა და, სიცივისაგან შეწუხებული, მკლავებზე წამდაუნუმ ისვამდა ხელებს. მაღალი იყო, კაფანდარა, ვინრო ბეჭები და ჩავარდნილი გულ-მკერდი ნაციხარს მიუგავდა. საფეთქლებთან შერჩენილი თმა ერთი ყურიდან მეორემდე გადაექაჩა. ფოსოებში ღრმადჩამჯდარი, ჭროლა თვალები, თხელი, საულვაშეზე ჩამოსული ცხვირი და სოლისმსგავსი ნიკაპი ჰქონდა. გრძელი, თეთრი, თასმებიანი ნიფხავი ეცვა და ფრესკიდან ჩამოსული მოხუცი წმინდანივით ფეხშიშველი იყო. კარგა ხანს ყურადღება არავინ მიაქცია. დარბაზში ხუთიოდე მაგიდას თითო თეთრჩაჩიანი ექიმი შემოსხდომოდა და მაგიდიდან-მაგიდაზე ახალი ამბების გაცვლა-გამოცვლაში იყვნენ. შეციებულმა კაპიტონმა, რაც შეიძლებოდა, ხმამაღლა რომ ჩაახველა, მარჯვნიდან მეორე მაგიდას მიყრდნობილმა, ღიპიანმა, ქოსა კაცმა დაიძახა:

– დაფხოცავთ ამ ხალხს დღეს სიცივით! ფეხებზე ჩაიცვით, ბატონო, და ისე შემობრძანდით.

კაპიტონი გავიდა და მალე ფეხჩაცმული გამოეცხადა სერობას.

– აქეთ, ბიძია, – კაპიტონი შემობრუნდა და ნაცნობ ექთანს დაუდგა წინ.

– ცერცვაძე კაპიტონი ვარლამის ძე, – გოგონამ დამარცვლით გაიმეორა.

- დიას.
- დაბადებული?
- 1915 წელს.
- ეროვნება?
- ქართველი.
- მუშაობის ადგილი?

– ახლა არსად ვმუშაობ. ავადმყოფობის გამო ვერ შევძელი. ისე დელფინარიუმში ვმუშაობდი სტატისტიკოსად.

– რა ავადმყოფობები გაქვთ გადატანილი?

– ბავშვობაში ყვავილ-ბატონები, ყივანახველა, ისე... მერე... შარდის ბუშტის ანთება, ყოველ წელიწადს ახალ-ახალ გრიპზე რომ არაფერი ვთქვათ, ფილტვების ანთებაც მქონდა ერთხელ, ჰიპოდრომზე გავცივდი.

– სად? – გოგონამ კალმისტრის ბოლო ტუჩთან მიიტანა.

– ჰიპოდრომზე.

– ცხენოსანი ბრძანდებით? – გოგონას თვალები აუციმციმდა.

– არა, მაყურებელი. ერთი სიტყვით დოღის სანახავად წავედი და დამიბერა ტრიბუნაზე. მერე აღარც ვყოფილვარ.

– ვენერიული დაავადება თუ გქონიათ?

– არა, ბატონო. – კაპიტონს შერცხვა და თავი ჩაღუნა, – მე საერთოდ ცოლი არ შემირთავს, უცოლოდ დავბერდი.

– ვენერიულ დაავადებას არაფერი კავშირი არა აქვს, ბიძია, ცოლის შერთვასთან. – აქ ექთანმა გოგონამ ისე ღონივრად გადაიკისკისა, რომ მაგიდებთან მსხდომნი ერთბაშად შემობრუნდნენ.

– კიდეც რა დაავადებები გაქვთ გადატანილი? – დასერიოზულდა ექთანი.

– გადატანილი მეტი არაფერი. ახლა რომ მჭირს, იმას გადატანილი ხომ არ ჰქვია?

– ახლა რა განუხებთ?

– მარილები.

– სად?

– ყველგან, სადაც კი შეიძლება მარილი დაგროვდეს. არაც ერთი სახსარი არ მუშაობს წესიერად.

– როგორ ყველგან? – გოგონამ კალმისტრის ბოლო წითელ, გაბუტულ ტუჩებს გაუსვ-გამოუსვა და მერე კბილებით დაუნყო ღრღნა.

– ყველგან ერთი სიტყვით, ფეხის თითებიდან კისრის მალე-ბამდე.

გოგონამ ახლადშევსებულ ანკეტას ოთხიოდე ხაზებიანი

ფურცელი დააფარა, წამოდგა და კაპიტონი ერთხელ კიდეც აათვალიერ-ჩაათვალიერა.

– წამობრძანდით.

შორს არ წასულან. გოგონამ მოხუცი პირველსავე მაგიდასთან მიიყვანა, ქალაღები ფართოყურება, ვოროშილოვისულ-ვაშიან ექიმს წინ დაუნყო და თავის ადგილს დაუბრუნდა.

ექიმმა ჯერ ანკეტა ჩაიკითხა, მერე წამოდგა და ჩუქურთმიან კარში გაუჩინარდა. სკამი გამოიტანა, კაპიტონს თავის მაგიდის წინ დაუდგა, დაბრძანდითო უთხრა და სანამ სკამის საზურგეზე დაყრდნობილი მოხუცი ძლივძლივობით ეშვებოდა, დირიჟორის ჯოხი მოიმარჯვა:

– აბა, დავინყოთ, ამ ასოს ხედავ, ბატონო?

– კი. – მიუგო კაპიტონმა.

– რა ასოა?

– „პ“.

– ეს? – ექიმმა ჯოხი ქვევით ჩამოსწია.

– „კ“.

– ეს კი არა, ეს, ეს.

– „დ“.

– ეს? – უფრო წვრილად დაბეჭდილ ასოს დაადგა ჯოხი ექიმმა.

– „მ“.

– კეთილი და პატიოსანი. – ფართოყურება ექიმს მეტი არაფერი უკითხავს, წერა რომ დაამთავრა, კაპიტონს გაუნოდა ქალაღები:

– იმ ექიმთან მიბრძანდით, ჩემგან თავისუფალი ხართ.

ლიპიანი, ქოსა კაცი, რომელსაც ბზიკის ნაკბენივით შესიებული უზარმაზარი ტუჩები ჰქონდა და გვერდზე მოქცეული თეთრი ჩაჩიდან წითური, ხუჭუჭა თმა მოუჩანდა, მესამე მაგიდასთან მჯდომ ახალგაზრდა, ქერა ქალს ესაუბრებოდა.

– რა უნდა გააკეთოს, შენ მითხარი, ნახევარ შტატზე პოლიკლინიკაში? პოლიკლინიკაში კი არა საავადმყოფოში არაფერია დღეს, – მოხუცს ცალი თვალით გამოხედა, – დაანყვეთ აგერ ქალაღები და დაბრძანდით, არ ჰყავდა კაცი პატრონი, რომ დაენყნარებინა მაშინ, იმ წუთში? განყოფილების გამგეს-

თან შელაპარაკება ვის არ მოსდის, შენ მითხარი, მაგრამ, ასე რომ გავრბოდეთ ყველა სამსახურიდან, წინ წავა საქმე.

ყელი, ყური, ცხვირი გტკივა, ბიძია?

– მაინცდამაინც არა, – ყელში სიმშრალე მაქვს ბავშვობიდან.

– ეგ არაფერი. ქოსამ წერა დაიწყო და ზოგჯერ ქერათმიანს გახედავდა, – რამდენი ბავშვი ჰყავს სარჩენი?

– მგონი სამი. – მესამე მაგიდიდან უპასუხეს.

– შენ მითხარი, ჭკვიანი კაცის საქციელს ჰგავს ახლა მაგის მოქმედება? პოლიკლინიკის ნახევარი შტატით აპირებს სამი ბავშვის რჩენას? შენ მითხარი. – წამოდგა, კაპიტონის ქალაქ-დეები თვითონ მიიტანა ქერათმიანთან და მოხუცს ხელით ანიშნა, აქეთ, ამ სკამზე დაბრძანდით.

ქერათმიანმა, ლამაზმა ექიმმა ხელები რომ გააშლევინა და სთხოვა ცოტა ხანს ასე გეჭიროთო, კაპიტონ ცერცვაძემ შეხედა მის ჩამოსხმულ, ნატიფ, სუფთა თითებს, რა დასამალია და მკურნალს ყელს ქვემოთაც ჩააყოლა თვალი და დაასკვნა, – აი, მესმის ექიმი, მკვდარსაც კი მოაბრუნებს ამ ქვეყნისკენო.

ქერათმიანმა, დაუშვითო, რომ უთხრა, ფიქრებში გართულმა კაპიტონმა ვერ გაიგონა და კარგა ხანს იჯდა განმკლავში იმ ბებერი სვავივით, გაფრენა რომ ეზარება და ფრთებს ყასიდად შლის, აქაოდა, მთლად დავარდნილი არვის ვეგონოო.

– დაუშვით, ბატონო, ხელები, – ლამაზმა ქალმა ავტოკალამი აიღო და პენსიისმაძიებელს ცხვირთან მიუტანა. კაპიტონმა თავი გასწია და ექიმს გაოცებული მიაჩერდა.

– ნუ გეშინიათ, – ქერათმიანმა დაუყვავა, – ამ კალმისტარს გამოაყოლეთ თვალი. სანამ მე არ გეტყვით, თვალი არ მოაცილოთ. ასე... ასე... – ექიმი კალმისტრით ჰაერში წრეს ხაზავდა, – კარგია... გმადლობთ.

– რა ბრძანეთ? – თეთრნიფხვიანი კაპიტონი, ჩვენში დარჩეს და, სასაცილო სანახავი იყო.

– გმადლობთ-მეთქი, – ექიმმა ჩაქუჩი მოიმარჯვა და ისე მაგრად დაჰკრა მუხლზე, რომ მოხუცი კინალამ გადაყირავდა.

მეორე მუხლზე რომ დაჰკრეს, კაპიტონი ელოდა და მაინცდამაინც არ შემხტარა.

– ძილი როგორი გაქვთ, პატივცემულო?

– მე?

– დიახ.

– არა უშავს. ნამეტანი ადრე მეღვიძება ამ ბოლო დროს.

– ალბათ ადრე წვებით დასაძინებლად.

– ადრე კი... რასაკვირველია. რა ვაკეთო აბა. – კაპიტონმა დროზე იგრძნო, რომ ქერათმიანი არ უსმენდა. ელვის სისწრაფით წერდა და თან ბუტბუტებდა თავისი ფერმკრთალი, მაგრამ ვნებიანი ტუჩებით.

წერა რომ დაამთავრა, ანკეტა ჩაიკითხა და მოხუცს გულმოდგინედ შეხედა:

– მარილები განუხებთ არა?

– დიახ, ძალიან. – კაპიტონმა გადაჯვარედინებული ხელები მხრებზე დაიწყო. ასე უფრო თბილად იყო.

– ბატონო ვასილ, თქვენი ავადმყოფია! – გასძახა ქერათმიანმა მეოთხე მაგიდასთან მჯდომ წრიპინა კაცს, რომელსაც მკლავები ყასაბივით წაეკაპინებინა და დიდი, ნითელი ჰალსტუხი ხალათში რომ ვერ დაეტია, მაგიდაზე გაეფინა. ვასილ-ექიმი თავმოტვლებილი გახლდათ, ლამაზი ყურები კეფაზე ასწეპებოდა და ასე პატარა რომ არ ყოფილიყო, ერთი სულე-ლური ფრანგული ფილმის ყბადალებულ გმირს ემგვანებოდა.

– გვარი? – დაჯდომა არ აცალა „ფანტომასმა“ ავადმყოფს.

– ცერცვაძე.

– სადაური ცერცვაძე ბრძანდებით?

– იმერელი. ცერცვაძეები საერთოდ ბალდათიდან ვართ.

– რა განუხებთ?

– მარილების დაგროვება მაქვს.

– სხვა?

– რა – სხვა, ეს ცოტაა ვითომ?! – განყრა კაპიტონი.

– ცოტაა თუ ბევრი, ამას ჩვენ გავარკვევთ, მარილების გარდა სხვა რაიმე ორგანული დაავადება არა გაქვთ ხომ? – რა საოცრად ჰგავდა ეს კაცი ნილაბს.

– არა.

– აბა, ერთი ახლოს მოინით. მოსწიეთ სკამი კიდევ უფრო. ა, ასე... მომეცით მარჯვენა ხელი. ასე გტკივთ? – ექიმმა ისე

სწრაფად, კარატეს ილეთით მოუხარა კაპიტონს მკლავი იდაყვში, რომ მოხუცმა კინალამ შეჰკივლა.

– კი! ცოტა ნელა, შე მამაცხონებულო.

– მარცხენა ხელი ატრიალეთ მაჯაში.

კაპიტონმა სცადა.

– უფრო ღრმად, უფრო ენერგიულად.

– კაია, კაი დაგემართოს, მაგრამ შემოიძლია?

– რას გრძნობთ ახლა? – ექიმმა მარჯვენა ხელი გამოუწია და მაჯას ღონივრად დაანვა.

კაპიტონს სიმწრისაგან სახე დაეღრიჯა და ხელი გამოწნია.

– თითქოს დანით მჭრიანო ხორცს.

– მარილებმა ასეთი ტკივილი რომ არ იცის? – ნილაბმა გაიღიმა და ფოლადის ბრჭყვიალა კბილები კაპიტონს სახეში შეანათა.

– აბა, როგორი ტკივილი იცის? – გამოაჯავრა კაპიტონმა.

– როგორი და ყრუ ტკივილი. თითქოს ძვალზე რალაც განვებო.

– ყრუ ტკივილია თუ სმენიანი, მე ქე მკლავს რალაცა და.

– სასიკვდილო ამ წუთში თქვენ არაფერი გჭირთ. – დაამშვიდა ექიმმა – აბა, მუხლში მოხარეთ ფეხი.

კაპიტონმა იფიქრა, მე თვითონ მოვიწოდებ, თორემ ამის ამბავი რომ ვიცი, ფეხს მომტეხავსო და მარცხენა ფეხი ჯერ გამართა და მერე ისე სწრაფად დაიქნია, რომ ძვლებმა ღრჭილი დაიწყა.

– იგრძენით რამე?

– ტკივილის მეტი ვერაფერი. ხომ გაიგონეთ?

– რა? – ჰკითხა ექიმმა.

– ძვლის ხმა.

– აბა, თავიდან გაშალეთ და მოლუნეთ ფეხი. – ექიმმა მუხლისთავს ყური მიუახლოვა.

კაპიტონმა კიდევ ერთხელ ივაჟკაცა.

– მარცხენა მუხლში მარილების მცირე წანაზარდი მართლაც შეინიშნება, – დაეთანხმა ექიმი და წერას შეუდგა.

მეხუთე მაგიდასთან არც გაუსინჯავთ. თეთრწვერა ექიმმა, რომელსაც მარცხენა ხელზე შავი ხელთათმანი ეკეთა, ერთადერთი შეკითხვა მისცა:

– კუჭის მოქმედება როგორი გაქვთ?

– გაყინული ხორცი მწყენს, – გულწრფელად მიუგო კაპიტონმა.

– მეც მწყენს, მეგობარო, მეც. სხვათა შორის, ჩვენს ასაკში რაც ნაკლებ ხორცს შევჭამთ და რაც მეტ მწვანილს – უკეთესია. მიბრძანდით, ჩაიცვით და კორიდორში დაგველოდეთ. პასუხს დღესვე მიიღებთ.

იცვამდა და სახე უცინოდა. ისე უხაროდა, თითქოს ეს-ესაა გადასცურა ავად მღელვარი მდინარე და გაღმა, განცხრომისა და განსვენების ნაპირზე გავიდა.

ხუთი საათის ლოდინის შემდეგ გამოუცხადეს, რომ პრაქტიკულად ჯანმრთელი იყო და შრომის უნარის ის მცირე დაქვეითება, დროებითი ავადმყოფობით გამოწვეული, ინვალიდობის რომელიმე კატეგორიის მინიჭებისათვის საკმარისი არ გახლდათ.

თვალთ დაუბნელდა. მთელი დღის უსმელ-უჭმელი ისე იყო დასუსტებული, რომ ეგონა, სახლამდე ვერ მიაღწევდა, სკამზე ნელ-ნელა დაეშვა და მარილებისაგან დამზრალ თითებს დააცქერდა.

ერთი სული ჰქონდა, ამ დამჭკნარი, უღონო თითებით ყური აენია იმ სახეგაყინული ექიმისათვის, სხვისი ქირი რომ არად ჩაადგო და სამსახურიდან გადამდგარი, უილაჯო კაცი თავისი ჰაი-ჰარა დასკვნით ცას შეატოვა.

სანამ კომისიის წევრები არ გამოლაგდნენ, ფეხი არ მოიცვალა და ყუნცულით მომავალ „ფანტომასს“ გადაუდგა.

– ჯანმრთელი ვარ, აბა, ბატონო, მეე?

ნილბოსანი შეჩერდა.

– ყოველ შემთხვევაში, ინვალიდი არ ხართ.

– ჩემნაირი ჯანმრთელობა არ მოგაკლოს გამჩენმა. ხომ წყევლა არ არის შენთვის, რაკი ჯანმრთელი ვარ. გინდა ასე?

წრიპა ექიმმა ნაბიჯს აუჩქარა და კიბიდან ამოსძახა კედელსმიყრდნობილ კაპიტონს.

– რა ვქნა, ბიძია. მე მთავრობას ვერ მოვატყუებ. რაც ვნახე, ის ჩაგიწერე. ჩვენ სარაიონო კომისია ვართ. გვიჩივლე საქალაქოში. ასე უქნიათ, პირველი ჯგუფი მოუციათ. მე რა დამაკლდება. ჩემი ჯინი სჭირდაო, ვერ იტყვი, პირველად გნახე დღეს. ისე, შენ იმნაირი კაცი ჩანხარ, რომ მასე ჩაჭიპჭიპებით, ვეჭვობ, საქალაქოზეც რამეს მიაღწიო. ღმერთმა ხელი მოგიმართოს!

ეს უკანასკნელი სიტყვები ექიმმა კიბის ბოლო საფეხურიდან ამოსძახა და კაპიტონს არც კი გაუგონია.

კვირის თავზე ხუთგვერდიანი, გულისამაჩუყებელი განცხადება დაწერა საქალაქო სამედიცინო კომისიის სახელზე. მეო, წერდა, მთელი სიცოცხლე პათიოსნად ვემსახურე დელფინარიუმს, ნასამართლევი არ გახლავართ და მთავრობის საწინააღმდეგო რამ გულშიც არასოდეს გამივლიაო. გადახედეთ ჩემს პირად საქმეს, მადლობების და წახალისების ფურცლების მეტს ვერას იპოვით შიგო. ქვეყანა ჩემი საჭიროებებით რომ არ შემეწუხებინა, ცოლიც არ ვითხოვეო. ახლა, მარტოხელა კაცი, მარილებით ვიტანჯები, თორემ საზოგადოებრივ სასარგებლო შრომას თავს დავანებებდი მეო? დილით ლოგინიდან ადგომას ერთ საათს ვუნდები, ხელი სახესთან ვერ მიმაქვს, წყალი რომ შევისხაო. ასეთ მდგომარეობაში მყოფ კაცს გამხადეს ტანზე და საათ-ნახევარი მაგლახავესო. რა ხელს აძლევდა სარაიონო კომისიას ჩემი გაცუცურაკება, გამიგეთ ერთიო. ყველას რალაცა სახსარი აქვს ამ ქვეყანაზე, მე კი პენსიის შემყურე ვარ, სხვა არა მბაღიაო. კი, ნათქვამია: სხვისი იმედით ფართო ლოგინს ნუ დაიგებო, მაგრამ მე პათიოსანი კაცი ვარ, რაც სიგლახე ახალგაზრდობაში არ ჩამიდენია, სიბერეში ვერ ვიკისრებო. თქვენი პრინციპულობის იმედი მაქვს, თქვენ უნდა მიშველოთ და სამართალს პური აჭამოთო.

საქალაქო კომისიამ ყურად იღო კაპიტონის საჩივარი, გასინჯა ავადმყოფი, სარაიონო კომისიის დასკვნა ქეშმარიტებად მიიჩნია და ძალაში დატოვა. აყვირებულ კაპიტონს დერეფანში ვილაც მიუახლოვდა და იდუმალი ჩურჩულით უთხრა: „რა გაყვირებს, ბიძია, ამგენს ყვირილით და მუქარით გააკვირვებ შენ? დროული კაცი ხარ, შენგან არ მიკვირს ეგ ამბავი? სარა-

იონოზე უნდა მიგეხედა საქმისათვის, თორემ აქ რომ მოხვედი, იმედი გადანურული უნდა გქონოდა. მაგენი ერთმანეთის კოლეგები და მეგობრები არიან. როგორ ფიქრობ ახლა შენ, ერთმანეთს გაამტყუნებენ და შენ მოგიდგებიან? არ დაიჯერო! სარაიონო კომისიის დასკვნის გაუქმება იცი რა არის? იმ ექიმებს საყვედურები უნდა ჩამოურიგონ და კომისია არაკომპეტენტურად მიიჩნიონ. ვინ იზამს ამას შენი გულისათვის.

კაპიტონს ამ სიტყვების მთქმელისკენ არც გაუხედავს. გაჩუმდა კი და მოაჯირსდაყრდნობილი, კიბეზე სვენებ-სვენებით დაეშვა.

ერთ კვირას სახლიდან არ გამოსულა. პარასკევს ბაზარში დედამისის ნაქონი სედლო გაიტანა და პირველივე მუშტარს შვიდ თუმნად მიჰყიდა. კარგა ხანს ვერ შეელია იმ სედლოს გასაყიდად, მაგრამ ბოლოს დაასკვნა, რა რელიკვიაზეა ლაპარაკი, როცა კაცს შიმშილი მელისო. დელფინარიუმში მიბრუნებისა რცხვენოდა, პენსიისთვის ბრძოლა კი უაზროდ მიიჩნია. ისე გაუტეხა გული კომისიებმა.

ამ საღამოს „ვეჩერნი პატრიგეთს“ რომ ათვალეერებდა, ერთმა აზრმა გაუელვა გონებაში და მარილებიანი კაცი სკამიდან კინალამ წამოფრინდა: თუმცა სახსრები ჯოჯოხეთურად სტკიოდა, ხელჯოხის ტრიალით დააბიჯებდა ოთახში და ბუტბუტებდა, – ვენაცვალე ღმერთს, მთლად უსახსროდ არ გასწირავს მის გაჩენილს ამ ქვეყანაზეო. მერე მაგიდას მიუჯდა და საანაგრიშო ჩოთქი ააჩხაკუნა. ანგარიშს რომ მორჩა, ფანჯარა გამოალო და შუბლი ცივ ნიავს მიუშვირა. ცოტა ხნის შემდეგ შეაფრუოლა და ფანჯარა მიხურა. ერთი წამით ისევ გამოალო და წყვილად გასძახა:

– არაფერი მინდა თქვენი! თვეში სამ მანეთად ვიცხოვრებ!

რანაირად იცხოვრებდა თვეში სამ მანეთად ცოცხალი კაცი? რა იდეა დაებადა ასეთი კაპიტონს, ჩვენც გაგვიზიარეო, სული მისდის ალბათ, მკითხველს.

კაპიტონის აღმოჩენა ასეთი გახლდათ: „ვეჩერნი პატრიგეთი“ ყოველ დღე ბეჭდავს სამგლოვიარო განცხადებებს. საშუალოდ დღეში შვიდ მკვდარს მაინც ასაფლავებენ ამ ქალაქში. შვიდიდან

სამი მაინც იქნება კაპიტონის ნაცნობი. და ნაცნობიც რომ არ აღმოჩნდეს, ჯერ არ მომხდარა მსოფლიო ქელებების ისტორიაში შემთხვევა, მიცვალებულის პატივსაცემად გაშლილ სუფრაზე მოსულისთვის ეკითხოთ, თქვენ ვის მოყვებითო. ვივლი ყოველდღე გასვენებებზე, ჩემს მოქალაქეობრივ ვალსაც მოვიხდი და საქელხო სუფრაზე მინვევისას დიდ თავპატიყს არ გავიდე. „ვეჩერნი პატრიგეთი“ ორი კაპიკი ღირს. თვეში (30X2) სამოცი კაპიკი ჯდება, ტროლეიბუსი იქეთ-აქეთ რვა კაპიკი (30X8) ორ მანეთს და ორმოც კაპიკს იჭერს, ასე რომ, თვეში სამ მანეთზე მეტი არ დამეხარჯებაო, ვარაუდობდა კაპიტონი.

* * *

...ქალაქ პატრიგეთში დასაფლავების თითქმის ყოველ ცერემონიაზე შეხვდებოდით კაპიტონ ცერცვაძეს. ხან პანაშვიდზე მომსვლელთა შესვლა-გამოსვლას ანესრიგებდა, ხან სეფის გაშლას ხელმძღვანელობდა, თუ ეს ყველაფერი მოგვარებული იყო, იდგა თავისთვის ჩრდილში და თვლემდა.

ავკარგიანი კაციაო, ამბობდნენ მასზე პატრიგეთში, ჭირში კაცის დაფასება და გვერდით ამოდგომა იცისო.

პირველ ხანებში რცხვენოდა ყოველ გასვენებაზე გამოჩენა, მერე მიეჩვია და უკანასკნელ გზაზე გაცილება მისი ცხოვრების აზრად იქცა.

მარილები ძველებურად აწუხებდა, მაგრამ იმდენად სულერთი იყო მისთვის სიკვდილიცა და სიცოცხლაც, რომ ტკივილს არად აგდებდა და, ხომ მოგეხსენებათ, ავადმყოფობა სწორედ მაშინაა დამარცხებული, როცა მის დავინწყებას იწყებენ.



მეუხუე

- სახელი თქვენი, ბატონო?
- რობინზონი.
- რობინზონ ჩემო, კი არ მეგონა, ასე ჩქარა თუ მოხვიდოდი, დღეს არც კი გელოდი, გითხრა სიმართლე.
- მეც შემთხვევით შევიარე კანტორაში. წესით არ მეკუთვნოდა მოსვლა, დილიდან სხვაგან ვიყავი განაწილებული. იღბალი გქონიათ, განაცხადი მაგიდაზე იდო, წავალ, ვინ იცის, როგორ უჭირს კაცს-მეთქი.
- აგაშენა ღმერთმა.
- მინა გაქვთ? ყოველ შემთხვევისთვის ერთი ფურცელი წამოვიღე; სამოცდაათი-ასოცზეა, გვეყოფა?
- მოგვრჩება კიდეც. ბავშვმა ჩამიტეხა შუშაბანდის მინა და გავიყინე კაცი. იქეთ უნდა გავიდე, ნუ იხდი, ნუ იხდი, შე კაცო, ფეხზე, იატაკი მოსანმენდია მაინც.
- რობინზონმა, საშუალო ტანის, დაუჯერებლად ინტელექტუალური შუბლისა და თხლად შეპარსული ულვაშის პატრონმა მეშუემ ფეხზე გაიხადა, მინა ილღიაში ამოიჩარა და მასპინძელს მიჰყვა.
- კი არ ვიცი, რა ჰქვია ამ თქვენს ხელობას ქართულად.
- ენაწყლიანობდა ოსტატის დროულად მოსვლით გახარებული სოსო მანაგაძე, - „მინის ოსტატი“, „მემინავე“, „მემინე“, „მინისტი“, „მინის გამომჭრელი“, „მინის ჩამსმელი“. ერთი სიტყვით, რანაირად ჩამენერა განცხადებაში, არ ვიცოდი. ბოლოს „მეშუემ“ ვარჩიე.
- „სტეკოლშიჩიკი“, უბრალოდ და გასაგებად, ასე გვეძახის ყველა. ერთ ნუთას ეს სკამი დამიჭირე, ზომას ავიღებ.
- რატომ სტეკოლშიჩიკი, შე კაცო, - წყენა გაერია ხმაში „საქნავთის“ №3 საძიებო ბრიგადის მთავარ მბურღავს და სოლივით ჩამოთლილ ნიკაპზე ხელი ჩამოისვა.
- რობინზონს ხმა არ გაუცია. სკამიდან მარდად ჩამოხტა, მეტრიანი დაკეცა და ძველი, სახელოებგაცვეთილი, იაფფასიანი ბუკლეს პიჯაკის ჯიბეში ჩაიდო. მინა კედელს ფრთხილად მო-

აცილა და მაგიდაზე დადო. სოსოს გრძელი სახაზავი მოაძებნინა, ალმასი დააძრო და სანამ მინას დაუსვამდა, შეჩერდა. დაიხარა და მაგიდას ირიბად გახედა. მერე ალმასი ისევ გულისჯიბებში ჩაიბრუნა და მასპინძელს მიუბრუნდა:

- არ გამოვა.
- რა არ გამოვა? – სასონარკვეთილი სახე მიიღო მბურღავმა.
- არ გაიჭრება. უფრო სწორი მაგიდა არა გაქვთ?
- სანერ მაგიდაზე რომ სცადო? ჩემს კაბინეტში გავიდეთ. რობინზონმა მინა ამოიღლია და მასპინძელს მიჰყვა.

სოსოს კაბინეტში კარგად შენახული მტვრის ნაცნობი სუნი იდგა.

წიგნები სამ კედელზე ქერამდე აკრულ კარადებში რომ ვერ დატეულიყო, მაგიდაზე და იატაკზე დაეხვავებინათ.

- რა მოხელე კაცი ბრძანდები? – წიგნებს თვალს არ აშორებდა მეშუშე.

- მე თვითონ მბურღავი ვარ. ეს წიგნები მამაჩემისაა. მასწავლებელი იყო. წლისთავი იმ თვის ოცდარვაში გვექონდა.

- რამ მოკლა?
- კიბომ.
- მოკლედ ეს კიბო სურდოსავითაა მოდებული, ეს ბალანამოსანყვეტი.

- ბალანამოსანყვეტი უძახე, ქე მოერიო მედიცინას და. რავა?

- ვერ გაუგეს ვერაფერი. ზოგი ამას აბრალებს და ზოგი იმას. ზოგი იძახის ვირუსულიაო, ზოგი ამტკიცებს თვითნაბადიაო. მოკლედ, ჯერჯერობით კიბოს მკურნალობა მკითხაობის დონეზეა. თუმცა მარტო მე ერთი შვიდჯერ მაინც წამიკითხავს გაზეთში წერილი სათაურით – „კიბო დამარცხებულია!“

- მეტი არ იქნა ჩემი მტერი.
- დანაა ერთადერთი. ოპერაცია და მისი ჯანი. ისიც, მტრისას და ავისას, თუ დაგვიანებული არ არის. მეტასტაზები რომ მოედება, მერე აღარ შევლის არაფერი.

- უპოვიან მაგას მულამს. ექიმობა წინ მიდის. ჭლექის მომრევი თუ რამე იქნებოდა, არ ეგონათ ამ ორმოც-ორმოცდაათი წლის წინათ. ერთი აქ მომიკიდე ხელი. ქვემოთ გაუშვი, არ უნდა. შენ მარტო სახაზავი დამიმარე, კარგია, გაუშვი. აღარ მინდა მეტი. აბა, ვნახოთ რა ჰქნა?

რობინზონმა თავისი უშნო, მსხვილი თითები იქეთ-აქეთ ჩასჭიდა მინას, დასწია და ზუსტად გაჭრილზე გადატეხა.

- სუფთა ნამუშევარია! ვერაფერს იტყვი. – დააყოლა, ოჯახის უფროსს თვალი ჩაუკრა და შუშაბანდში გამოაბიჯა.

- რამდენი ხანია, რაც ამ საქმეს ადგახარ, რობინზონ?
- რობინზონმა წვრილი ლურსმნები ტუჩებიდან გამოიღო და მშვიდად მიუგო:

- ოცდახუთი წელი მისრულდება ოცდაშვიდ ივნისს.
- არ გამაგიჟო?! შენ თვითონ განა რამდენი წლის ხარ?
- რამდენის ვიქნები?

ისე მსუბუქად და სწრაფად ატკაპუნებდა მინაზე ლურსმნებს რობინზონი, რომ შეგეხარებოდათ.

- რა ვიცი. ოცდახუთის მთლად მეგონე, რომ შემოხვედი.
- რობინზონმა გაიცინა.

- ნეტავი შენს ხასიათს. ორმოცდაოთხი წლის გავხდები მალე.

ოსტატ-მასპინძლის დიალოგს მეტს აღარ გავაგრძელებ. არც აქამდე იყო ეს საუბარი ჩასანერი და საუკუნო სიცოცხლის ღირსი. ხელოსანს ჩვენ, ყველანი თითქმის ერთნაირად ველაპარაკებით. ამის მერე სოსო გაიკვირვებს, ორმოცდაოთხს არავინ მოგცემთ. გეტყობათ, კარგად ხართ შენახულიო, მერე რობინზონი გაიღიმებს და მრავალმნიშვნელოვნად მიუგებს. უკეთესად ვიქნებოდი, ბავშვობაში სიღარიბე და შიმშილობა რომ არ გადამეტანაო. ისე, რაც თავი მახსოვს, სიცხის საზომი არ ჩამიდევს ილლიაში. ექიმი და წამალი არ ვიცი ჯერო. მერე მეშუშე თავის საქმეს მორჩება (ერთი შუშის ჩასმა რა დიდი ამბავია), სხვა მინებს შეათვალაიერებს და მასპინძელს ჰკითხავს, ესენი ვინ ჩავისვათო. სოსო მანაგაძე ეტყვის, ვინც ჩაუსვა (არ დაუმალავს). რობინზონი თავს გადააქნევს; ნამუსი არა აქვს ზოგიერთს, რა ილინცურად მოუჭრია მინა. დაუმახინჯებია ეს ოქროსავით საქონელი, „ზამასკაც“ უხარისხო ნაუსვამს; ჩამოცვენილია ნახევარიო. „ფინაჩთან“ საქმის დაჭერას, სჯობს, ცოტა მეტი მისცე და ქუდი მექუდეს შეაკერიო.

მერე რობინზონი ხელებს დაიბანს და კარისაკენ მიმავალი სოსოს დაუბარებს, მე სულ მანდა ვარ, თუ დაგჭირდე, პირდაპირ მოდი, არავითარი „საგზური“ არ მინდა, ასეთ პატარა საქმეზე იქ მოსვლით თავს ნუ შეინუხებ, დამირეკე და აქ გავჩნდებიო.

სოსო მანაგაძე იმერელი კაცია. სტუმარს წინ გადაუდგება. ასე როგორ გაგიშვებ, პირველად ხარ ჩემსას. ოჯახი დამილოცე. თითო ჭიქა ავნიოთ და ნაბრძანდი მერე შენს გზაზეო.

რობინზონიც ჩვენებურია. ხათრს ვერ გაუტეხს. დასხდებიან, თითო ჭიქას შეხვედრისას დალევენ. ხელოსანი ტუჩებს შეიმშრალებს და აენაწყლიანდება. შემოვფედი თუ არა, მაშინვე ვიგრძენი, რომ კაცთან მქონდა საქმეო. ძალიან მომეწონე, რაც მართალი, მართალია და თუკი იკადრებ ჩემთან მეგობრობას, ჰა ჩემი კისერი და შენი ხმალიო. კაცი კაცითაა დღესო, რა მიჭირს უკადრებელი, შე კაცო, რომელი ინგლისის კონსული მე ვარო, გაიკვირვებს ნავთობის მოპოვების სპეციალისტი. მერე კაცური კაცობის, სინდის-ნამუხის, სიკეთის სადღეგრძელოს დალევენ და ცოტას შეჭიკჭიკდებიან. რობინზონი ახალშეძენილ მეგობარს გულს გაუხსნის და იწყებს მოყოლას იმ ამბისას, თუ როგორ გახდა მეშუშე ამ ოცდახუთი წლის წინათ.

შუშის ოსტატად რობინზონის გადაქცევაში კი უნდა იყოს რაღაც საგულისხმო და ყურადსაღები, ჩემო მკითხველო.

– რომ ჰკითხო ზოგიერთს, იღბალი არ არისო. იღბალი უნდა დავარქვა აბა, რა დავარქვა ჩემ ამბავს. სადაც არის ბედი შენი, იქ მიგიყვანს ფეხი შენისო. ყველაფერზე მიფიქრია ბავშვობაში, ყველაფერზე მიოცნებია, მაგრამ შუშის ოსტატობაზე არა. არც კი ვიცოდი, ამნაირი ხელობა თუ არსებობდა. მერჯევი გაგონილი როგორ არ გექნებათ, საჩხერის რაიონშია. იქედან გახლავართ მე. სასაფლაოსთან ვცხოვრობდით, გრიგოლ ქემერტელიძის ოდა რომ დგას, იმის ცოტა ზემოთ. მამა აღარ მახსოვს. შობა ღამეს არყით დამთვრალიყო თავის ნათლიმამასთან და ურმით მოიტანეს დილაზე მკვდარი. უფროსი მე ვიყავი შვილებში. სამი დაი მყავს, სამივე კარგად გავათხოვეთ. ერთი ფალავანდიშვილს ჰყავს გორისაში, საშუალო პერევისელ ნადირაძის ცოლია და სულ უმცროსს (შარშან გავათხოვეთ) მერჯევში, მამა-პაპურ სახლში მოვუყვანეთ ქმარი. სეფერთელაძეა, ჭიათურელი, შოფერია, მარა კაი ბიჭია. ჯერ, პირველად, ბლვერა დამიწყო, ჩასასიძებელი რა მჭირდა მეო. დამიჯერე, ბიძია, მამაჩემსა აქვს ცხონება, მე ვუთხარი. ეს მონყობილ-მოჭედილი სახლ-კარი და ეზო-მიდამო მოიხმარე და იყავი. დედაჩემი მოხუცდა, მარა იმდენი ქე შეუძლია,

რომ ლუკმა არავისი დაიმაძლოს-მეთქი, ქე არიან მშვენივრად. ორი თვის წინათ ბიჭი გააგორა ჩემმა დამ და ახლა ოჯახს უნდა სხვა რამე? რაზე მოვყევი ახლა ეს ყველაფერი. ჰო, მერჯევიდან ვარ-მეთქი. დაგვზარდა რავარც იყო, საწყალმა დედაჩემმა ოთხივე. მე რომ თოხის გამართვა შევიძელი, მეც ფხა გამოვიღე და გაგვქონდა თავი წლიდან წლამდე. მოსარჩენი და შესანახი სად იყო. ხატვის ნიჭი მქონდა დაბადებიდან. სიყრმეს გეფიცები, ახლაც რომ დამიჯინო წინ კაცი, ისე დავხატავ, რომ მოშია ურიას ფოტოაპარატი ვერ მიაგვანებს ისე. სოფელში მხატვრის სახელი მქონდა გავარდნილი. იმ წელს სკოლა დავამთავრე და სამხატვრო აკადემიაში უნდა ჩამებარებინა. თქვენ შეიძლება გაგეცინოთ, მაგრამ მხატვრობის დიდ ნიჭს ვატყობდი ჩემს თავს და ახლაც (გეფიცებით იმ ორ ბავშვს) საქმე საქმეზე რომ მიდგეს, ჩემზე უარეს მხატვრებს კიდევ ვაჯობებ. ვემზადები გამოცდებისათვის. ვინ მყავს პატრონი. იმაზე ვფიქრობთ მე და დედაჩემი, თბილისში ჩასასვლელი ფული შევაქუჩოთ როგორმე! ასე მგონია, ჩემს ნიჭს რომ დაინახავენ (ოღონდ თბილისში ჩავალწიო), ვინ გამიშვებს ხელს-თქვა. უფასო ბინას და დილ-დილობით ჭიქა რძეს გამომიყოფენ მაშინვე-მეთქი. თურმე სად გძინავს, ვის დაეკარგე. კაცი ბჭობდა და ღმერთი იცინოდაო.

ოცდაშვიდი ივნისი იყო, გუშინდელ დღესავით მახსოვს. დედაჩემმა სამი დედალი მიჰყიდა სვანაძეებთან მდგარ დამსვენებლებს. ცხვირსახოცში გამოკუნჭული ფული დიდი სასოებით გადმომცა და მითხრა, – ნადი, შვილო, საჩხერეში, შარვალხალათი იყიდე, თბილისში უპატრონო კაცის შვილივით ხომ არ ნახვალო. ჩავედი საჩხერეში, თხუთმეტ მანეთად ლურჯი სუკნოს შარვალი ვიყიდე. პერანგს ვეძებდი, მაგრამ დიდი შემექნა ყველა. ამ ძებნაში რომ ვარ, რკინეულობის მაღაზიაში შევიარე, შუშაც იყიდებოდა. ჩემი ბედი იყო ალბათ ეგეც. დავადგი თვალი და ფეხი არ მოვიცვალე. ოდაში, სასტუმრო ოთახში, რაც თავი მახსოვს, საჭაეროს რომ ეძახიან, ის მინა გვექონდა ჩატეხილი, ზამთარ-ზაფხულ შიგ ბალიში გვექონდა გაჩრილი. ერთ სიკვდილს ვათავებდი, სტუმარი რომ მოგვივიდოდა და ფანჯარაში შეკუჭულ ბალიშს თვალს რომ შეავლებდა. ერთი მინის ჩასასმელ ფულს როგორ ვერ გავახერხებდით, მაგრამ

ჩვენს სოფელს მეშუშე არ ჰყავდა და საჩხერელ რუს „მესტეკლოვეს“ მერჯევში ფეხი არ ამოუცდა. მოდი, ვიყიდი ამ მინას და ამოვალ ერთხელ და სამუდამოდ ბალიშიანი ფანჯრის სირცხვილიდან-მეთქი. ასეც მოვიქეცი. იღბლად ჩვენი კოლმეურნეობის მანქანა შემხვდა, შევჯექი ჩემი შუშიანად და იალა! ყვირილას რომ გამოვცდით და წერეთლების წისქვილს მივუახლოვდით, მაშინ გამახსენდა, რომ მე მინის ჭრის ინჩი-ბინჩი არ ვიცოდი და კიდევ რომ მცოდნოდა, რითი უნდა გამეჭრა? შევწუხდი ძალიან, ამასობაში ჩემს გადასახვევს მივუახლოვდით, ძარაზე ხელი დავატყაპუნე. მძლოლის თანაშემწეს მინა მივაჩეჩე, მანქანიდან გადავხტი და ცეცხლი არ წამეკიდა? მინა გამიტყდა. ისე უგერგილოდ ჩამომანოდა ბოთე თანაშემწემ, რომ ხელში ველარ მოვიმარჯვე, მკერდზე ჩამომისრიალდა და გატყდა. რა ვქნა ახლა, ნამხდარ საქმეს შელოცვით ვერ უშველი, ჯიბე მოვიჩხრიკე, შვიდი მანეთი კიდევ ჩამრჩენია, გავბრუნდი ფეხით საჩხერეში, ვიყიდე ხელმეორედ შუშა და აღმასიც. შუშამ სამი მანეთი გაჭრა იმ ფულობაზე და აღმასი ორ-ნახევარი ღირდა მაშინ. მანქანას არ ვენდე. ფეხით გამოვყევი მერჯევის გზას. კაი ხელა აღმართია, მაგრამ არც კი გამიგია, ისე ამოვიარე. გზაში ოთხი-ხუთი ჩვენსოფლელი ბიჭი ამეტორღიალა, დიდი მცოდნესავით უხმოდ ამოვიარე კიბე. რავარც იმ მაღაზიის ნოქარმა მასწავლა, სწორზე დავდე შუშა, საკერავი მანქანის მეტრიანით სამჯერ გავზომე, აღმასი ღონივრად გავუსვი. მაგიდის კიდეზე ჩამოვადებინე თავი და ჩამოვკარი. გაიჭრა! ჩემს სიხარულს საზღვარი არ ჰქონდა, სოფლის თვალწინ მე, რობიზონა დალეულმა (ასე მეძახდნენ, ტანად პატარა რომ ვიყავი) მინა გავჭერი და არათუ გავჭერი, ჩავსვი კიდევ. ყველაზე მეტად სირცხვილის მეშინოდა. ხომ იცი თექვსმეტი წლის ლანირაკის ამბავი, ახლა ვფიქრობ, მე რომ მაშინ ის შუშა ვერ გამეჭრა და გამტეხოდა, ახლა, ალბათ, მეშუშე არ ვიქნებოდი. ბედი ჰქვია, აბა, რა ჰქვია ახლა ამას?

თურმე ჯერ სადა ხარ. მთავარი საქმე ახლა იწყება, იმ დღესვე, მზე კაი ხნის გადასული იყო, ჩვენს ეზოში მამაჩემის ძუძუმტე თედო საბანაძე რომ შემოვიდა. რა უნდა-მეთქი, გამიკვირდა, მამაჩემის სიკვდილის შემდეგ თედოს ჩვენს ოჯახში ფეხი არ დაუდგამს. დედაჩემი გაიხმო და ჩემ გასაგონად უთხრა, – შენს

ბიჭს სტეკლოს საქმე უსწავლია და უნდა დამახმარო, ორპირში ვნევიარ მთელი თვეაო. ნავყევი. იქაც გამიმართლა. ჩემი მეშუშეობის ამბავი ელვის სისწრაფით გავრცელდა სოფელში. მეორე დღეს სამი ოჯახი მოვიარე ჩემი აღმასით. სირცხვილით დავინვი, ბარნაბა სალუქვაძემ ხუთმანეთიანი რომ ჩამიკუჭა ჯიბეში. ეს იყო ჩემი პირველი გასამრჯელო, თავი მოვიკალი, როგორ გამოგართმევთ-მეთქი, მაგრამ ბარნაბამ ჭიშკრამდე მომსდია და ხათრი ვერ გავუტეხე. მუშტარს მუშტარი მოჰყვა. ახლა სხვა სოფლებიდანაც მაკითხავდნენ. ხომ იცით, ერთხელ თუ გაგივარდა სახელი, ველარაფერს უშველი, ვინ გაგიშობს შენს ნებაზე. ერთხელ მომაკითხა ფინგანმა, არ მივედი, მერე მილიციამაც მოიცალა ჩემთვის და მეც მომწყინდა, სიმართლე გითხრათ, კუკუდამალობანას თამაში, ჩამოვედი საჩხერეში, საყოფაცხოვრებო მომსახურების კომბინატში დავინყე მუშაობა, ცოლი შევირთე და ეს ვარ სულ. ავად თუ კარგად მივათრევ ჩემს წუთისოფელს. არამი ლუკმა სახლში არ მიმიტანია ჯერ. არც სხვისი მინდა რამე და ჩემსასაც არავის დავუთმობ. რაზე მოვყევი ახლა ყველაფერი ეს?

– მხატვრობა? – კითხვა შეაშველა სოსო მანაგაძემ და თეფშით ჯონჯოლი მიანოდა.

– გამადლობთ, – რობიზონმა ჯონჯოლი გადაიღო, – ჰო, მთავარი ქე დამავინყდა. იმ ზაფხულს ჩავაბარე სამხატვროზე, ჩავაბარე, მარა უპატრონო კაცის სამველი გინახავს? პირველ ტურშივე ორიანები დამინერეს. ხუთ კაცს ღებულობდნენ ფერწერაზე, მე ვინ მიმიღებდა იმ ხუთში. ორასორმოცდაათი ბავშვი ვიდექით გამოცდაზე, ორასორმოცდაათიდან ხუთის ამრჩევი არის ვინმე? მითხარი ერთი შენ. ახლა რომ ვუფიქრდები, სულელი არ ვიყავი, გამოცდაზე რომ დავდექი? მე პირველ დღესვე სამი ორიანი დამინერეს (ააშენათ ღმერთმა) და დროულად გამანთავისუფლეს, მაგრამ ვინც ბოლომდე შერჩა გამოცდებს? ანდა ვისაც გულუბრყვილოდ სჯეროდა, ნიჭს არ დამიკარგავენო და შვიდი წელი აბარა? შვიდი წელი ხომ მთელი ცხოვრებაა, ჩემო სოსო. თურმე ყველაფერში ხუთები რომ მიმელო (ვინ დაგინერდა, მარა მაინც), მაინც არ ჩამრიცხავდნენ, რალაცა შარს მაინც მომიგონებდნენ. თქვენ იკითხეთ, თორემ მე ოქრო ხელობა მაქვს-მეთქი, დავუბარე

ჩემს გამომცდელებს საბუთების გამოტანისას. ჩამოვედი სოფელში და განვაგრძე მეშუშეობა. დანარჩენი უკვე იცით. რაზე მოვყევი ახლა ყველაფერი ეს?

– არ დაგწყდეს გული. შენ, ეტყობა, მაინც არ იყავი მხატვრად დაბადებული.

– რატომ ვითომ?

– ასე იოლად არ გადაკეთდებოდი მეშუშედ, ნიჭი იმნაირი საქმეა, რომ არ მოგასვენებდა.

– იოლად? ადვილი სათქმელია, სხვა სხვის ომში ბრძენიაო, ჩემო ბატონო, იოლად კი არა, ახლაც ცრემლები მადგება, კარგ ნახატს რომ ვნახავ. მე ერთი დღითაც არ გამინებებია მხატვრობისთვის თავი. სარდაფი სავსე მაქვს ნახატებით. ვხატავ და ჩამაქვს სარდაფში. ვერსად ველარ ვატევ. შუშის ქრაში აღებული ფულის ნახევარს საღებავებში ვხარჯავ. ასე აენყო ჩემი ცხოვრება და რა ვქნა მე. სოფელმა მაქცია მეშუშედ და სოფელი მაჭმევს პურს, სოფელს მხატვარზე უფრო მეშუშე სჭირდება, არ იცი შენ?

– ეგ ჯერ კიდევ გასარკვევია, – სოსომ ღვინო დაასხა.

– ჩემთვის გარკვეულია. ჩემთვის ყველაფერი გარკვეულია. ასეა ეს, – და რობინზონმა ისე ამოიხვნეშა, გეგონებოდათ, გული ამოაყოლაო.

ხომ შეიძლება ერთ მშვენიერ დღეს რობინზონის სარდაფმა ქვეყანა აალაპარაკოს. ხომ შეიძლება მეშუშის სარდაფსაც მისწვდეს ვინმე და დიდი მხატვრის დაბადება ამცნოს ქვეყანას. ასეთი რამ ცხოვრებაში როგორ არ ხდება, მაგრამ ნოველაში დაუჯერებლად ჩანს. ყოველ შემთხვევაში, რობინზონის მხატვრობისა სოსო მანაგაძეს არ სჯეროდა, როცა შეზარხოშებულ ხელოსანს ქიშკრისკენ მიაცილებდა. არც შენ გჯერა, ჩემო მკითხველო, რომ რობინზონის ნახატებს ძვირფას ჩარჩოებში ჩასმულს პირველხარისხოვან გამოფენებზე იხილავ ოდესმე. და, კაცმა რომ თქვას, შენ რალაზე დაგემდურო, როცა მეც, მე თვითონ არა მჯერა.

მერე?

ყურმილში სიღედრის ხრინწიანი ხმა გაისმა:

– გისმენთ.

– ვაჟა ვარ. გადაეცით თქვენს ქალიშვილს, ბაკურიანში მივდივარ თორმეტი დღით და ბავშვს ნავიყვან; გამოანყოს თბილად. საცვალი ჩაულაგოს და ხვალ ჩამოუშვას ლიფტით, დილის ცხრა საათზე.

– მოიცა, სახლშია, ვკითხავ.

– რა კითხვა უნდა.

მოეჩვენა, რომ საუკუნემ განვლო, სანამ ისევ გააგონებდნენ.

– ალო.

– ჰო.

– ვაჟა, შვილო. ვერ მოუვლი შენ ბათუს. გაგიცივდება, თვითონაც განვალდება და ბავშვსაც გაანვალებსო. რა ვიცი... როგორც გინდა...

– ჩემს განვალებას ნუ დაეძებთ, ქალბატონო, თქვენ. გადაეცით თქვენს ქალიშვილს, როგორც ვთქვი, ისე გააკეთოს. ნამეტანს ნუ იზამთ. მთლად ხომ არ უნდა გადამეჩვიოს ბავშვი. პასუხს არ დაელოდა, ყურმილი დადო.

ოთხი წელია, რაც ცოლს გამოორდა. ამ ხნის განმავლობაში შერიგებაზე არც უფიქრია. ღრმად და დარწმუნებული, რომ მათი ქორწინება შეცდომა იყო. კონკრეტულ მიზეზს ვერც დაგისახელებთ. ჩაალაგა ჩემოდანი და წამოვიდა. ცოლს არც გაკვირვებია. თითქოს ასეც უნდა მომხდარიყო. ისე იყო მომზადებული ეს დღე მათი ურთიერთობით, რომ სხვანაირ დასასრულს არც ელოდნენ. არ უყვარდა. შეუღლების პირველსავე კვირაში იგრძნო, რომ არ უყვარდა. სამი წელი უძალიანდებოდა თავს. იქნებ როგორმე გული გადამისხვაფერდესო, მაგრამ ამაოდ. ამ სახლში მისთვის ყველაფერი უცხო იყო. ნავიდა სწორედ მაშინ, როცა დარჩენა აღარ შეეძლო. მთელ ქვეყანას რომ

შეეკრა პირი, ერთ დღესაც ვეღარ გაძლებდა. ვერაფერი ვერ დააკავებდა, ვერც ორი წლის ბავშვმა დააკავა.

ბათუ ქვაფენილზე დიდ ჩანთას მოათრევდა. ვაჟამ მანქანის კარი გამოაღო და მისკენ გაიქცა. ცალ ხელში ჩანთა დაიჭირა, ცალით ბავშვი ამოიღლიავა.

ბავშვს მამისთვის არც კი შეუხედავს. პარპრიზს მიკრულ ემბლემას დაადო თითი.

– რა წერია?

– „სოლომონ“.

– რას ნიშნავს?

– ფირმაა. სპორტულ ინვენტარს უშვებს. – თვითონვე იგრძნო, რომ ექვსი წლის ბავშვისთვის ძალიან რთულად ახსნა.

– ფირმა რა არის?

– გაერთიანება.

– რომელი გაერთიანება?

– ბევრი ბიძია ერთად ზის და სპორტულ ინვენტარს ამზადებს.

– ინვენტარი რა არის?

– თხილამური, ბურთი, პიჟამო, ციგა.

– ბაკურიანში „სოლომონის“ თხილამურებით ვისრიალებთ?

– ჰო, გაუშვი მაგას ხელი. გაფუჭდება მანქანა.

ბათუ გაჩუმდა. თამაშით გაერთო. მინას დაორთქლავს და კაცის თავს ახატავს. ნაშლის, ისევ დაორთქლავს და კვლავ ერთი და იგივე თავს დაახატავს, ფართო, ოთხკუთხედი ყურებით. სწორხაზოვანი ცხვირპირით და თვალების ადგილზე ორი წერტილით.

გორთან გააჩერა, რესტორანში შევიდნენ.

– გიყვარს მწვადი?

ბათუმ თავი დაუქნია.

ორი წელია არ მინახავს. მამასაც აღარ მეძახის. ისე... დასერიოზულეებულა, გამოცვლილა.

მწვადის ნაჭერი განიწკნა და უკანვე დადო.

– არ მიყვარს მწვადი, – მამას თვალეებში შეხედა და უფრო დარწმუნებით უთხრა, – სულ დამავიწყდა, რომ არ მიყვარს.

– ერთ რამეში უნდა შევთანხმდეთ. რასაც მოგიტან, უნდა შეჭამო. თორემ ძალა აღარ გექნება და თხილამურებზე ვეღარ დადგები.

ბათუმ უგემურად გაღეჭა.

რესტორნიდან რომ გამოვიდნენ, ვაჟამ ხელში აიყვანა.

– რა მძიმე ხარ?!

– კარტოფილს ვჭამ და იმიტომ.

სანამ მანქანას დასძრავდა, ყურებიანი ქუდი მოხადა.

– ფისი გინდა?

– კი.

ქუდი ისევ დაახურა.

– გადადი აბა, და იმ ლობესთან მიდი.

წელში გამართულია. კაცური ნაბიჯები აქვს. სწორი ფეხები. ლამაზი ბიჭი იქნება.

ლობესმიმდგარი ბათუ წვალობს. პალტო ასწია, მაგრამ შარვლისთავებს ვერა და ვერ მისწვდა. ვაჟამ მანქანის კარი გამოაღო, ბავშვთან მიირბინა ჩამოუნია, ერთი შარვალი, მეორე, მესამე...

ბორჯომს რომ გასცდნენ, ბათუს უკვე ეძინა. მუხლზე დაედო მამისთვის თავი და ეძინა. ვაჟას მანქანა ფრთხილად მიჰყავდა, ხანდახან ქერა თმაზე გადაუსვამდა ხელს და ლოყაზე მოეფერებოდა.

ხელით აიყვანა ნომერში, გახადა და ჩაანვინა. თბილი, ფუმ-ფულა საბანი რომ დაახურა, მაშინ გაახილა ბათუმ თვალი და საწოლზე წამოჯდა.

– ჩამოვედით?

– კი, დაიძინე ახლა.

– თოვლი არის?

– კი, ბევრი, დაიძინე.

– მაჩვენე.

ფანჯარასთან მიიყვანა და თეთრად გადაპენტილი სოფელი დაანახა.

– ახლა დაიძინე და რომ გაიღვიძებ, ვიცვიგაოთ.

მანქანიდან ბარგი ამოზიდა და საწოლზე ჩამოჯდა.

შუკშინის მოთხრობები ამოიღო ჩანთიდან და სარჩევზე გადაფურცლა. ყველაზე პატარა მოთხრობა ამოარჩია – „მიკროსკოპი“, სათაური მაინცდამაინც არ მოეწონა. ჩვეულებად ჰქონდა, ახალ წიგნში ჯერ სარჩევს დახედავდა და ყველაზე მცირე მოცულობის მოთხრობას წაიკითხავდა. ფრთხილად ფურცლავს და ყოველი გვერდის გადაფურცვლისას ბათუს შეხედავს; ხომ არ გავაღვიძეო. მოთხრობამ გაიტაცა. პატარა, მუშა კაცმა ერთ მშვენიერ დღეს შინ მიკროსკოპი მოიტანა და ცოლს ახარა – პრემიად მომცესო. მთელმა სოფელმა გაიგო მიკროსკოპის ამბავი. პატარა კაცი სამსახურიდან რომ დაბრუნდება, საათობით უზის მიკროსკოპს და წყლის ნვეთში მიკრობებს ითვლის. რა აქვს ჩაფიქრებული, რას ჩაჰკირკიტებს მიკრობებს? ბოლოს ირკვევა, რომ მიკროსკოპი მისთვის პრემიად კი არ მიუციათ, არამედ ბავშვის პალტოსთვის დაზოგილი ასოცი მანეთით შეუძენია. გაგულისებული ცოლი „სკოვოროდით“ სცემს ქმარს და მიკროსკოპი მალაზიაში დასაბრუნებლად მიაქვს.

ვაჟას ისე მოეწონა მოთხრობა, რომ გვერდით ბავშვი რომ არ ყოფილიყო, გადაიხარხარებდა. მერე დაფიქრდა და შეეცოდა მიკროსკოპს მიჭიჭინებული კაცი, რომელსაც ცოლი ტაფას უბაზუნებდა პატარა, გამხდარ ზურგზე, მაგრამ იგი გამქცევი არსად არ იყო, უარეს შემთხვევაში წავიდოდა, დათვრებოდა და სალამოს ისევ კარზე მიადგებოდა თავის მრისხანე ცოლს.

ასეთი კაცებიც არსებობენ.

შვიდი სრულდებოდა, ბათუმ რომ გაიღვიძა. რესტორანში ჩავიდნენ სავახშმოდ. რესტორნის გამო სძულდა ვაჟას ბაკურიანის სასტუმროში ჩამოხტომა. ოფიციატს ერთი საათი უნდა ელოდო. არ შეიძლება ნაცნობი არ გამოგიჩინდეს და სუფრასთან არ მიგინვიოს. დალევ და მეორე დღეს თავი გისკდება. მალაღმთიანში ერთი ორად მოქმედებს ალკოჰოლი. ვაჟას დაფიცებული ჰქონდა, ბაკურიანში სასმელს არ გაჰკარებოდა. საერთოდ, არ უყვარდა ამ თოვლის წალკოტში დალევა. ბაკურიანიდან ყოველთვის ჯანმანგარი და სიცოცხლით სავსე ბრუნდებოდა.

ხელჩაკიდებულნი მიაბიჯებდნენ რესტორნის ხალხმრავალ დარბაზში.

თავისუფალ მაგიდას მიუსხდნენ. ბედად ნაცნობი არავინ ჩანდა. ივანშემეს, ვაჟამ ვილაცას ციგა გამოართვა და ბაკურიანის რკალი შემოატარა ბათუს. წამდაუნუმ უკან უხედავდა და ეკითხებოდა:

– შეგცივდა? ხომ არ დავბრუნდეთ?

– არა.

ფეხების ბაკუნით შემოვიდნენ ოთახში. ბათუს ლოყები ასწითლებოდა. – ახლა დავიძინოთ, არა? დედა რომელ საათზე გაძინებს ხოლმე?

– ძილისპირულის შემდეგ.

– ჩვენ აქ ტელევიზორი არა გვაქვს, ძილისპირული უკვე კარგა ხანია იყო.

– აბა, უტელევიზოროდ როგორ დავიძინო?

– ნუ გეშინია, ზღაპრებს მოგიყვები.

ფეხზე გახადა. ხელ-პირი დააბანინა.

– ბათუ, ლოგინში რას გაცმევს დედიკო?

– თუ მიხვდები.

– ამ პიჟამოს? – ჩემოდნიდან ცისფერი ფანელის პიჟამო ამოსწია.

– არა.

– ამას?

– არა.

– აბა?

– ღამის გრძელ პერანგს. აი, ამას.

– კარგი. აბა, ჩავიცვათ და დავიძინოთ.

– შენ ჩემთან დანვები?

– ჰო, აგერ ახლოს, შენს გვერდით.

– დედიკო ჩემთან ნვება ხოლმე, დედიკო რატომ არ წამოვიდა?

– არ ვიცი.

ვაჟას გული შეეკუმშა, მაგრამ ბავშვს მეტი არაფერი უკითხავს.

– სკოლა მოგნონს, ბათუ?
 ბათუ ცისფერ თვალებს აფახულებს და ჭერს შესცქერის.

– კი.

– სკოლა სჯობია თუ საბავშვო ბაღი?

– ბაღი.

– რატომ?

– სკოლაში არ გვაჭმევენ.

– უკვე დიდები ხართ, სახლში უნდა ჭამოთ.

– თუ მოგვმივდა?

– თუ ძალიან მოგშივდებათ, ხომ არის ბუფეტი სკოლაში?

– იცი? დედიკო ფულს არ მაძლევს, ჯერ პატარა ხარო.

– მე მოგცემ.

– შენ როდის მომცემ? შენ ხომ არასოდეს სახლში არა ხარ.

– ვინ გითხრა?

– აბა, სადა ხარ, სად გძინავს?

– შენ რომ სკოლაში მიდიხარ, მაშინ მოვდივარ ხოლმე სამსახურიდან. მერე ისევ მივდივარ სამსახურში და შენ რომ გძინავს, გვიან ღამით ვბრუნდები.

– რომელ ოთახში გძინავს?

– შენი ოთახის გვერდით.

– არაფერიც. იქ ბებიას სძინავს.

– ჰოდა ერთად გძინავს მე და ბებიას. რა ჰქვია შენს მასწავლებელს?

– ციური მასწავლებელი.

– კარგი მასწავლებელია?

– კი.

– ლამაზია?

ბათუს გაეცინა.

– რას ამბობს! მასწავლებელი ლამაზი როგორ უნდა იყოს.

– ხომ არ გცემს?

– არა, მარტო ყურს გვინევს ხოლმე, როცა რამეს დავაშავებთ.

პაუზა.

– მომიყევი ზღაპარი.

– ნაცარქექია?

– არა, ნამცეცას ამბავი.

ვაჟა იწყებს „ნამცეცას“ ამბავს. იქ დევებს მოიშველიებს, უჩინმაჩინის ქუდს, ჯადოსნურ სარკეს, გველეშაპს. თვითონვე უკვირს, რა კარგი მეზღაპრე ყოფილა.

– ეგ სხვანაირი ნამცეცას ამბავია.

– სხვანაირია, მაგრამ ხომ კარგია?

– კი. მერე, დედიკო?

– მამიკო.

– მერე, მამიკო?

„მამიკო“. ვაჟას საოცარი სიტბო ეღვრება სხეულში. თვალზე ცრემლი ადგება. თვალში კი არა, ცრემლი ყელთან ეფსკვნება და ხმაში ერევა.

და ვაჟა ყვება ცხრათავიან დევზე, ქვესკნელში ჩავარდნილ ნამცეცაზე, მძინარე მზეთუნახავზე, ბებერ ჯადოქარზე, რული ერევა და სიტყვებს უაზროდ ისვრის, ჩერდება და მიაყურადებს, ჩაეძინა?

– მერე, მამი?

შუალამისას გაელვია. ბავშვს დახედა. ბათუს უშფოთველი ძილით ეძინა. გულზე ედო თეთრი ფუნჩულა ხელი, ხოლო მეორეთი ბალიშის წვერს ჩასჭიდებოდა. საბანი გაუსწორა. მერე ადგა და დიდხანს დასცქეროდა მძინარეს.

„რა ვარ მე ამისთვის? ნეტავ, თუ გაიზრდება ისეთ კაცად, რომ ჩემი ესმოდეს? რატომ არის ასე უხერხულად ქვეყანა მოწყობილი? ვდგავარ ახლა ჩემი შვილის წინაშე და ჩემი საქციელისთვის პატიებას ვითხოვ? მაგრამ მე ხომ სხვანაირად არ შემეძლო და რატომ უნდა ხდებოდეს ასე?“

მეორე დღეს თხილამურები უყიდა და სამ დღეში ისე შეასწავლა, რომ ბათუ „შუა კოხტადან“ თავისუფლად ეშვებოდა.

ნინ მამა მოსრიალედა. უკან ექვსი წლის შვილი მოჰყვებოდა, ფეხებგაფარჩხული, თვალებგაფაციცებული, დამჯერე. ჩერდებოდნენ და მამა-შვილს შესცქეროდნენ ღიმილით.

გრძნობდა, როგორ შენატროდნენ. „მამაც ასეთი უნდაო“, – ერთხელ ყური მოჰკრა, ზურგს უკან ვილაცამ ჩაილაპარაკა. რა მალე მიიღია თორმეტი დღე.

ღამეები არ ეძინა და დაღლა წუთითაც არ უგრძენია.

ხდიდა, აცმევდა, ბანდა, ვარცხნიდა. ზღაპარს უყვებოდა და ერევნებოდა, რომ მთელი ცხოვრება შეეძლო ასე გაეტარებინა.

და მხოლოდ შუალამისას, გვერდით რომ ბავშვის ფშვინვა ესმოდა, ეღვიძებოდა და საოცარი სევდა ეუფლებოდა; ეგონა, რომ ამ გადაჭარბებულ სიყვარულს და ყურადღებას ბათუს მიმართ ბაკურიანში მხოლოდ იმიტომ იჩენდა, რომ მის პირმშოს მოწყალება მოელო და ოდესმე მაინც ეპატიებინა.

– „მერე, მამიკო?“

ათი სიცოცხლე რომ ჰქონოდა. ათივეს უყოყმანოდ მისცემდა „მერე მამიკოსათვის“.

* * *

ცხრასართულიან, ჩალისფერ სახლთან „ჟიგული“ გაჩერდა. ქურქიანი კაცი გადმოვიდა. მანქანას შემოუარა. კარი გამოაღო, ექვსიოდე წლის ბიჭი ფრთხილად გადმოსვა, საბარგული გახსნა, უშველებელი ჩანთა და თხილამურები ამოიღო, თხილამურები მხარზე დაადო ბავშვს, ჩანთა ხელში დააჭერინა.

– ლიფტის ლილაკს წვდები?

– კი.

– აბა, კარგად იყავი. მე მალე მოვალ.

– სკოლაში თუ სახლში?

– სკოლაში.

დაუკოცნა თვალები, შუბლი, ცხვირი, ლოყები, მზით გარუჯული პატარა თითებიც დაუკოცნა.

მანქანა რომ დაიძრა, ბიჭმა ხელი დაუქნია და რაც ხმა ჰქონდა, დაანია:

– კარგად იყავი, მამიკო!

ბიჭი მძიმედ მიათრევდა ჩანთას და თხილამურებს ლიფტის კაბინისაკენ. თვალში ცრემლი უბრწყინავდა.

ქუთაისია, ბიძია, ეს...

რესტორან „ხვამლის“ ოფიციალტი ივლიანე ტყემელაშვილი მწვანედ განათებულ დარბაზის კუთხეში მიმჯდარიყო და ორკუზიან აქლემს ხატავდა. აქლემის ხატვა ივლიანეს საყვარელი საქმე გახლდათ. ხატავდა ხელსახოცზე, მუყაოს ქალაქდზე და ზოგჯერ ტილოს წინსაფრებზედაც. ერთი სიტყვით, რასაც მოიხელთებდა, უაქლემოდ არ გაუშვებდა. ჩვეულებრივ, ორკუზიან აქლემს ხატავდა. ზურგ-კისერი კარგად გამოსდიოდა, ფეხებს კი ვერა და ვერ ამსგავსებდა. ივლიანეს დახატული ორკუზიანი აქლემები ზებრის ფეხებზე იდგნენ და რომელიღაც ათასწლეულის ან გადაშენებულ ცხოველებს წააგავდნენ.

იქნებოდა საღამოს რვა საათი, ცხელოდა, რესტორანში ხალვათობა იყო. რიონის მხარეს, ფანჯარასთან ოთხი უგონოდ მთვრალი საფიჩხიელი გაუთავებლად მღეროდა. ისხდნენ თავჩაქინდრულნი, ფეხებგამართულნი, ჯიბეებში ხელეჩანყო-ბილნი და თვალდახუჭულად მღეროდნენ. მღეროდნენ, ცოტა არ იყოს, მონოტონურად, მაგრამ ხმაშენწყობილად, გემრიელად.

– ივლიანე! – კარში „ხვამლის“ დირექტორი ვაჟა ჭყონია იდგა.

– ბატონო!

– ამ კაცს მოუსმინე, რაც გითხრას.

– კი, ბატონო.

ივლიანე ფეხზე წამოდგა და მოსულს შეეგება. უცნობი წარმოსადეგი, შავგვრემანი კაცი იყო. სკამებს იქეთ-აქეთ ფრთხილად დგამდა და ოფიციალტისკენ ღიმილით მოიკვლევდა გზას. შუბლჩამოვარცხნილი სწორი ჭალარა წარბებს უფარავდა, განზე გასული ნაქისფერი თვალები და ღვინისგან დაბრანული ლოყები ჰქონდა. ვერცხლის კბილებით გამოტენილი პირი იმხელაზე დაეფჩინა, რომ შიგ ყვაავი თავისუფლად შეფრინდებოდა.

– გამარჯობა, ივლიანე ბიძია. ხომ მიცანი, კუკაია ვარ მე, ეძვევრაძე, ჭომელი. დღეს არ მეგულებოდი შენ აქანა, თვარა, რად მინდოდა დირექტორის შენუხება.

კუკაიამ ხელი ღონივრად ჩამოართვა და სკამი გამოსწია.



ივლიანემ ვერ გაიხსენა სტუმარი, მაგრამ არ შეიმჩნია. საერთოდ ოფციანტებს უყვართ, როცა ნაცნობებთან აქვთ საქმე.

– რამდენი ხართ? – ოფციანტი საქმეზე გადავიდა, – შამპანური არ გვაქვს, აქედანვე გეუბნები.

– არც ვაჟას აქვს თავისთვის? – შენუხდა კუკა.

– ახლა, რომ იყოს, უარს გეტყვი შეენ? „ნაფარეული“ გვაქვს კარგი ჩამოსხმა, ნუხელის მოიტანეს. გეგმას ვერ ვასრულებთ და მოგვაყარა ტრესტმა, თვარა სადაა ახლა „ნაფარეული“.

– იყოს, რა ვქნათ აბა? კუხნაში?

– კუპატს შევანვევინებთ, ენა გვაქვს ცხლად მოხარშული, ნივრით, ხბოს მწვადს შეგაშველებთ და წინილს, ჩემო ბატონო, კახელა წინილებია, ორი გეყოფათ ოთხ კაცს.

– ერთი სიტყვით, შენ იცი. რაც საუკეთესო გვაქვს, უნდა მოგვაყარო. ხომ იცი, კუკაია ეძგვერადე ვალში არ დაგრჩება.

– არ გინდა ლაპარაკი.

– სად დავჯდეთ?

– სადაც გაგეხარდებათ.

– აივანზე რომ გავიდეთ?

– აჯობებს, მარა ქარია და, რა გინდათ, სალფეთქს და ჭიქას არ გაგიჩერებთ მაგიდაზე. ეგერ დაბრძანდით, კუთხეში, ფანჯრებს გავალებინებ და ვენტილაციას ჩავრთავთ. – კი, მაგრამ...

– ესენი წაშავდებიან ახლა მალე. ხომ ხედავ, მიღებული ყავს ოთხივე უფალს.

– მოვდივართ აბა და, შენ იცი. საუზმე რაც გაქვთ საუკეთესო.

– ჯონჯოლი გვაქვს, სულგუნი, ტარხუნა, ისე მწვანილი, ფხალეული, „ბორჯომი“ ლიმონათი, „ბორჯომი“ თუმცა გათავდა. „ნაბელავია“ კარგი ცივი! მე, მაგალითად, „ნაბელავი“ მირჩევნია „ბორჯომს“ ამ ბოლო დროს განსაკუთრებით.

– აბა, ჰე, შენი იმედი მაქვს. არ მომჭრა თავი, – კუკა გატრიალდა, მაგრამ მაშინვე შემობრუნდა, – რაც მთავარია, ქე დამავინყდა. ანგარიში-თქვა, რომ გეტყვი, შენ შორიდანვე რაც შეიძლება ხმამაღლა დაგვიძახე: – კუკაია ეძგვერადეს ვინ გამოართმევს ფულს ქუთაისში-თქვა! რაც შეიძლება ხმამაღლა, გესმის? ჩემი ცოლის ძმა მახლავს, ტყაჩირელია, ეგება ქე იცნობ, თავისი ორი ძმაკაცით მენვია თბილისიდან. მინდა, პატარა თავი გამოვიჩინო, ქე გესმის მაგ ამბავი შენ.

– მერე? – ანგარიშმიუცემლად ჰკითხა ივლიანემ.

– შემოვტრიალდები მაშინვე და ერთი სამად გადაგიხდი. იმგენს არ მინდა ფულის გადახდა დავანახო. გამიგე?

– კი, ბატონო, რავარც გაგეხარდება.

კუკა ეძგვერადე კარში გახტა, ივლიანემ კი ჯიბიდან ქალაღლი ამოიღო, ქიმიურ ფანქარს ენა გაუსვა და ბუფეტისკენ წავიდა.

მოცლილი ოფციანტები ივლიანეს შემოხვეოდნენ და კამათობდნენ იმგვარი კამათით, როგორც მხოლოდ ოფციანტებს შეუძლიათ ხოლმე.

კუკა ეძგვერადე და მისი ამფსონები მართლაც რომ ლაზათიანად ქეიფობდნენ. ორკესტრი დაითხოვეს, მეზუფეტეს ფანჯრის სამმეტრიანი მინა ჩამოალებინეს, მაგიდას თავი სანახევროდ აივანზე გააყოფინეს და ქეიფობდნენ. იქვე, გვერდით, მაგიდაზე დაცლილი ბოთლების ტყე იდგა, მაგრამ სიმთვრალე მოქეიფეთაგან არავის ეტყობოდა. დროდადრო მათი სუფრიდან გემრიელი სიცილი, ან უზადო იმერული სიმღერა მოისმოდა. ორჯერ იცეკვეს კიდეც. ცეკვავენენ პირში პაპიროსგარჭობილები ორ-ორად (დანარჩენი ორი ტაშს უკრავდა და შეძახილებით ამხნევებდა). ცეკვავენენ სერიოზული სახეებით. თითქოს აუცილებელ რიტუალს ასრულებდნენ. ცეკვის მთელი სიმძიმე ძირითადად ხელების მოძრაობაზე გადადიოდა, მაგრამ ამას ისე ოსტატურად აკეთებდნენ, რომ წუნს ვერ დასდებდი.

ივლიანე თან ახალგაზრდა ოფციანტებს მოძღვრავდა და თან მოქეიფებისკენ ეჭირა თვალი. კუკა ხელს აწევდა და თითებს გაატკაცუნებდა თუ არა, ოფციანტი სამი ნახტომით მასთან გაჩნდებოდა. ჩიტის რძე რა არის, ისიც არ აკლდათ. აქაოდა დირექტორმა დამავალაო, ივლიანემ აღმასკომის სტუმრებისთვის საგანგებოდ გადანახული სოკო და ცოცხალიც კი დასტყუა მეზუფეტეს. ახალი კარტოფილი, შქემერული, მეგრული კუპატი, ჩაქაფული, ბატკნის მწვადები, ხბოს სუკი, გურული ხაჭაპური, ნიგვზით შეკმაზული მჟავე პრასი, პიტნაში გადახელილი სულგუნი, ნემოში გამომცხვარი ჭადები, ელარჯი, – ეს გახლავთ, რასაც მე ერთი გადავლებით მოვკარი თვალი კუკა ეძგვერადის სუფრაზე, და რაც მე არ დამინახავს?

– ამ ჩვენს საქმეში, – ივლიანე დაბეჯითებით ლაპარაკობდა, ოფციანტები კი ხელებდაკრეფილნი ყურადღებით უსმენდნენ, – ამ ჩვენს საქმეში ორი რამაა მთავარი: – თვალი

და ალლო. კაცი შემოსვლისთანავე უნდა იცნო. თუ ვერ იცანი, გლახათ წაგივა საქმე. რუსის მეტი რა მინახავს. ქვეყნის ტურისტის აივლ-ჩაივლის ამ გზაზე, მარა გუშინდელი რუსი სხვა იყო. გამოიჩინე კაცი რალაცით. ბუფეტჩიკს „ენისელი“ რომ მოაძებნინა, იმ წუთში ვუთხარი ვაჟას, კითხეთ თუ გინდა, ეს სხვა რუსია ვილაცა-მეთქი. რატომ იცი? როდის იყო უბრალო ტურისტი „გრემს“ და „ვარციხეს“ არჩევდა ერთმანეთისგან, – „სამვარსკვლავიანი“ და მისი ჯანი. შევლაპარაკდით პატარა და გვარი ვკითხე, – ივანოვი ვარო. ივანოვები ქე არიან სუფთა რუსები. სად ცხოვრობ-მეთქი, – ვლადიმირშიო. ე, – ახლა მატყუებს რალაცას, მე ვთქვი, ივანოვს, რა უნდა ვლადიმირში, ივანოვები სერპუხოვოში ცხოვრობენ ძირითადად და ტულაშიც არიან ცოტა. არ იქნები შენ ვლადიმირიდან, მე ვუთხარი. რაზე მატყობო, გაეცინა. ივანოვს რა უნდა ვლადიმირში, მე ვუთხარი.

– რატომ, ეგება ეს ერთი ოჯახი, ქე იყოს, შე კაცო. – ჩაილაპარაკა მსხვილულვაშიანმა, შავთვალა რაჭველმა ბიჭმა.

– მე ვიცი, რასაც ვამბობ, – ახლოს არ გაიკარა შენიშვნა ივლიანემ.

– დალია ის ერთი ბოთლი კონიაკი. არც უყვირია, სიმღერაც არ წამოუნყია. უცებ იციან წამოყვირება მაგენმა, რომ დაღვევენ. ფეხიც არ ერეოდა. დაგვემშვიდობა სიცილით და წავიდა. ა რუსი, ვაჟას ვეუბნები, ეს ულვაში მომპარსე, თუ სხვა რუსი არ იყოს მაგი-თქვა. ისე აგიხდა ყველაფერი კარგი. ამ დილას ჩამოატარეს ეტაპით. ხუთი მილიციელი მიყვებოდა. როდის იყო აქ და რა თქვაო. არაფერი თქვა, მე ვუთხარიყენ, კონიაკი დალია, ისადილა და წავიდა თავის გზაზე-თქვა. თურმე უგოლოვნიკი, ქურდი, უბედური, საკავშირო ძიებაშია. აბა, რა იცი შენ. უნდა შეატყო კაცს. ამას ახლა ასე უცებ კი ვერ ისწავლი.

– ავტონსპექტორს რავა უთხარი, ივლიანე ბიძია? – რაჭველმა შეჰბედა, სხვა ოფიციანტებმა ერთხმად გაიცინეს. ჩანდა, ავტონსპექტორის ეპიზოდს ივლიანე პირველად არ ყვებოდა.

– ხომ იცით, რავარც ვუთხარი, – განზე გაიხედა ივლიანემ.

– მე არ ვიცი, – იცრუა კაფანდარა, გრძელცხვირა ოფიციანტმა.

– ამან არ იცის, – დაუდასტურა ვილაცამ.

– აბაშაში ვიყავი ჩემი ჟიგულით წინა კვირას. სიდედრი მოუკვდა ჩემს ნათლიმამას. სად მეცალა, მარა არ გამოდიოდა

წაუსვლელიობა. სიცხეა იმნაირი, რომ ყურებიანად ოფლი გამდის, მარა ქე ვზივარ ჩაკოსტუმ-ჩაგალსტუკებული, რავარც ვიცი. ცოდვას ვერ ვიტყვი, გვარიანად მივრეკავდი. რკინიგზას რომ გაცდები, სანამ ხილამდე მიხვიდოდე, მარჯნივ, სააგურესთან იდგა. მოტოციკლი გვიმრაში დაემალა. სერჟანტი იყო, ახალგაზრდა, ასე შენი ხნის ტუტუცი იქნებოდა, – რაჭველს მიათითა და ღიმილით დააყოლა, – შემჩნეული მაქვს, შენი ხნის ბიჭები ტუტუციები არიან უმეტესობა. არ გადმოვდივარ მანქანიდან. ცოტა ხანს იდგა და იკადრა წამოსვლა. თქვენი საბუთები, ამხანაგო, მწყრალად რომ მაჯახა, არც ვაციე, არც ვაცხელე: ერთს გეტყვი, ჩემო ბიძია, მე ვუთხარი, რამდენი გრადუსი იქნება ახლა, მე ვუთხარი, ორმოცამდეაო. ჰოდა, ამ ორმოც გრადუს სიცხეში რომ მანქანაში კაცი კოსტუმ-გალსტუკით ჩაჯდება, ან თანამდებობის კაცი იქნება, ან გიჟი, არა ვარ სწორი? მე ვუთხარი. შენ, კაი ბიჭი ჩანხარ და მე მგონია არც ერთთან განყოფილება და არც მეორესთან, მე ვუთხარი. გაეცინა; სწორი ბრძანებაა, ბატონო, ამნაირ სიტყვას აღარ უნდა ახლა ჟიჟინი, წადით და მოსახვევებში მაინც დაუწიეთ სიჩქარეს, თქვენთვის გეუბნებითო. ა, ასე იყო ეს ამბავი.

ბიჭები სიცილს ვერ იკავებდნენ. ფერხულის მოცეკვავეებით მხარჩახვეულნი აღტაცებით შეჰყურებდნენ ცხოვრებისაგან გამოქეკნილ ოფიციანტს, რომელიც მათს თვალში ბრძენიც იყო და ილბლიანიც. ივლიანეც გრძნობდა ამ მოწინებას და საუბრის ეშხში შედიოდა.

– არ უნდა აჩქარდე. ათასნაირად უნდა აწონ-დაწონო სიტყვაც და საქმეც. დაუჭერიათ, ხომ იცი, შალიკიანის გოგოს მომტაცებლები. დღეს თქვა ვილაცამ, მგონი შენ ამბობდი, – უკისრო, თავბურძღლა ბიჭს მიათითა, – თვრამეტი წლის გოგო რავა მომატყუებს. თუ მეტი არ იცი, რას იტაცებ ქალს. ეგდე სახლში და გაგირიგებს ვინმე შენნაირ ჩალხანას. უცოლოდ ახლა კაცი არ დარჩება, თუ ცოლის შერთვა უნდა რასაკვირველია, თორემ, თუ არ უნდა, ყამარ ქალების ლაშქარში რომ შეუშვა, უცოლოდ გამოვა იქედანაც. უთქვამს იმ გოგოს, შენი არა ვარო? სად გაგექცევი აწიო, მიმიყვანე ჩემს სახლში და მეორე დღეს, რავარც წესი და რიგია წამომიყვანე სახლიდანო. რად გინდა შენ მონატაცები ცოლის პატრონის სახელი. ჩემი მოსატაცებელი რა გჭირს, ამ აღმასივით ბიჭსო. მოტყუებულა

თურმე მურმანია თავსივა. შეუშვია იმ ღამეს გოგო ჭიშკარში და დილას ჩოხა-ახალუხში გამოწყობილი დოლ-გამონით მიდგომია სასიამაღროს კარზე. მოგივიდა მშვიდობა! ისე ჩოხა-ახალუხში გამონკეპილი ზის ახლა თურმე ოთხ კედელში. შოფერი მაინც რალაზე დალუპა, მშვენიერი, კაი ბიჭი, ვალიკონა ხაბურძანისა უმცროსი ძმა. თვრამეტი წლის გოგომ რავა უნდა გაჯობოს ჭკუაში. მონატაცები არ მყავს მეეც? ჩემი კედელზე ადიოდა კივილით. არ მინდა შენთან გაჩერება, მძულხარო, ახლა ჩემი ფასი არაფერი ჰყავს. პატარა თუ შემეგვიანდა, ჭიშკარზეა ხურჯინივით გადმოკიდებული. ა, ესაა ქალი. სამი დღე და ღამე სინათლე არ მიჩვენებია. მეოთხე დღეს კამფეტივით იყო დამტკბარი. მარა მოტაცებული ქალი მაინც არაა ერთორ კვირას სანდო. მშობლები მაჩვენე და ვიტყვი, რომ ჩემი ნებით წამოგყვიო, დაჩოქილმა მთხოვა. მივგვარე დედამისს და მამამისს. ა, ბატონო, მე ვუთხარი, გაანყვეთ სუფრა, დაუძახეთ მეზობლებს და რავარც იტყვის თქვენი ქალიშვილი, ისე ვქნათ-მეთქი. გაშლილ სუფრაზე მივიყვანე და იქ ვათქმევივინე საჯაროდ ყველაფერი. ბავშვთან მარტო არ მივიდეს არავინ, თვარა ენას ამოვაძრობ, მე ვუთხარი, რა ვიცი მე, რას ეტყვის დედა, მამა, ბებია. რა ჭკუა უნდა მოსთხოვო ჩვიდმეტი წლის გოგოს. ეგება ქე გადავარა ყველაფერი, უყარე მერე კაკალი.

– ივლიანე! – კუკაია ეძგვერაძე ფეხზე იდგა.

– ბატონო! – ივლიანემ ხელსახოცი მხარზე გადაიგდო.

– რამდენია ჩვენზე, ივლიანე?! – ეძგვერაძეს ღვინოში და ბაჟეში ჩამბალი ხმა ჰქონდა.

– რავა გეკადრებათ, კუკა ბატონო, ქუთაისში ფულის გადახდას ვინ შეჰკადრებს კუკაია ეძგვერაძეს! მთლად კი არ წავსულვართ ხელიდან! – რაც შეეძლო ხმამაღლა და გამოთქმით, უნიჭო არტისტივით ჩააჭიკჭიკა ივლიანე ტყეშულაშვილმა.

– მადლობელი ვართ, აბა, ჩვენზე იყოს, კარგად იყავით! – კუკამ მთვრალი სტუმრები წინ გაატარა, კარში ერთხელ კიდევ მოიხედა და ოფიციალტს ჰაეროვან კოცნა გაუგზავნა.

* * *

სამი საათი რომ გავიდა და კუკაია ეძგვერაძის გამოჩენის იმედი რომ გადაიწურა, ივლიანე დირექტორთან შევიდა. ვაჟა ჭყონიას სახე აზერბაიჯანული ჰაერმწმენდისთვის მიეშვირა

და თვლემდა.

– ვინ იყო ის კაცი? – ვაჟამ თვალეები გაახილა, მოხედვით კი არ მოუხედავს.

– რომელი კაცი?

– შენ რომ გამომიგზავნე.

– რავა, რა იყო?

– გამეპარა.

– კაი, თუ კაცი ხარ? – ვაჟას გაოცებისაგან გაეცინა კიდევ.

– შენ არ მითხარი, მოუსმინეო? – ცრემლი ახრჩობდა ივლიანეს, – ჭომელი ვარო, ეძგვერაძე. მე ვთქვი – ვაჟას ძმაკაცია-თქვა.

– არა, კაცო. პირველად ვნახე ჩემს ცხოვრებაში. შემოვიდა და გამარჯობა, ვაჟაო, რას ვეტყვოდი. თუ ძმა ხარ, ოფიციალტი გამიფრთხილე, კარგა მომემსახუროს, საპატივცემო ხალხი მახლავსო, მეტი არაფერი მინდა შენიო. ის იყო გითხარი; ამ კაცს მოუსმინე-თქვა, უარს ვეტყვოდი? მართლა გაგეპარა? შვილებს გაფიცებ.

– გამეპარა რომელია, სულ მე მაძახებია: არ მინდა ფული, ბატონო, კუკაია ეძგვერაძეს ფულს რავა გადავახდევინებ-თქვა. ვაჟა ჭყონიამ ერთბაშად მოიწყინა.

– რავა ვერ მივხვდით მე და შენ მაგას. ფულს ვინ ჩივის, თავის მოსაჭრელი საქმე დაგვემართა. ხვალ მთელ ქუთაისს ეცოდინება.

– შენ ეგა თქვი.

– აქაურს არ ჰგავდა. მე, მაგალითად, არსად შემხვედრია.

ორივენი ჩუმად ისხდნენ. რესტორნის დირექტორის კაბინეტში ჰაერმწმენდის სისინილა ისმოდა. ბოლოს ისევ ვაჟა ჭყონია ალაპარაკდა:

– არა უშავს, ჩემო ივლიანე, ისე ჩვენ შორის დარჩეს და მაგრად გაგვაცურა. ამნაირი რამ არც სხვისგან გამიგონია. აბა, რავა გინდა. მოუტყუებელი ჩემი მტერი იქნა. შეუმცდარი ღმერთიც არაა. შენ არ მოტყუვდი, ის არ მოტყუვდა, რა ქნას აბა ამ ხალხმა. აფერისტსაც თავისი ხელობა აქვს. ქუთაისია, ბიძია, ეს...

მგზავრი

მურთაზ ჭაბუკიანს სამფა გაზეთში საგულდაგულოდ შეფუთული გოჭი მუხლებზე ედო და თვლემდა.

– მოვედით, ბატონო, – შეანჯღრია ტაქსის მძღოლმა.

– სად? – თავი ასწია მურთაზმა და ალკოჰოლით გატანჯული, გონებაბრმობილი სახე უაზროდ მიმოატარა.

– სადგური არ მითხარით? – მძღოლს ფართო ყურები ჰქონდა და ბოლივიელი მენეჯერის ქუდი ეხურა.

– კი... სადგური... აბა. თბილისში მივდივარ ამაღამ. ასე ა, რავარც ვარ ახლა. ეს გოჭი მიმაქვს ჩემს ბალანასთან... მთვრალი ვარ პატარა... გეუბნები, არ ვარ მთვრალი-თქვა? სტუმრები მყავდა. ახლაც იქ არიან, იჯდნენ და იქეიფონ... პურმარილი თავზე საყრელადა აქვთ... მე თბილისში მივდივარ... გოგო სწავლობს ჩემი იქანა, მეორეზე გადავიდა წროულს, შვილების სადღეგრძელო რომ თქვა თამადამ... მე ვთქვი. ჩემთვის ვთქვი – გულში: ეგება ქე შია ჩემს ბავშვს ახლა-თქვა. არაფერი არაა სასაცილო აქანა. ხომ შეიძლება მშიერი დანვა ამაღამ, მოუკვდა მამამისი იმას... ჰოდა, ა, მოვკიდე ამ გოჭს ხელი და წამოვედი. ბევრი იჭუჭყუნა ჩემმა ცოლმა, მაგრამ რაი მერე. წადიო რომ ეთქვა, ეგება არც წავსულიყავი. არ წახვიდეო რომ მითხრა, იმიტომ მივდივარ, ასეა ეს...

ფართოყურება მძღოლმა ამ ლაპარაკში სალაროსთან მიიყვანა გულჩვილი მამა და რვაკაციანი რიგის ბოლოს კედელს მიაყუდა.

– წავედი ახლა მე, – ფულის მოლოდინში კეფა მოიფხანა ტაქსისტმა.

– წადი და ჭკვიანად იარე. ფულს არ გაკადრებ ქუთაისელ კაცს. გესმის? – კიბეზე ჩამავალ იმედდაკარგულ მძღოლს მთელი დარბაზის გასაგონად ჩასძახა: – ფულს არ გაკადრებ, აფუჭებს ფული კაცს!

– შენნაირი მუშტარი არ მოშორდა ჩემს დამანყევარსო, – ბუტბუტებდა განზილებული შოფერი და ნახშირორჟანგით სავსე დარბაზში ერთიმეორეს მიწყობილ მგზავრებს შორის გზას მიიკვლევდა.

მურთაზმა თავი ასწია, გოჭი გულზე აიხუტა და სერიოზული სახე მიიღო.

მოლარეს, თბილისის მატარებელზე მინდა ერთი ადგილი თბილისამდეო, სწორად უთხრა, მაგრამ ფულს დიდხანს ეძებდა ჯიბეში. როგორც მთვრალ კაცებს ჩვევიათ; ყველა ჯიბეში ერთდროულად იქექებოდა, გოჭს ხან ერთ ხელში გადმოიტანდა და ხან მეორეში, მერე ისევ საფისტონე ჯიბეში აღმოაჩინა შავი დღისთვის შენახული ოცდახუთმანეთიანი და აბუზღუნებულ მოლარეს ნიშნისმოგებით გაუწოდა.

ბილეთი და ხურდა ვილაც ღვთიან-მადლიანმა ახლადჩამომდგარი მატარებლისკენ წასულს დაანია.

– რომელი ვაგონია? – გაოცების გარეშე ჰკითხა შემწვარი გოჭის პატრონმა.

უცნობმა ელექტრონის ბოძისკენ შეატრიალა ბილეთი და კარგა ხნის შემდეგ უპასუხა.

– ვაგონი 14, ადგილი 3.

– ქვედაა, ხომ.

– კი, ბატონო.

მგზავრმა თავისი მოვალეობა შესრულებულად ჩათვალა, ბილეთი შეაჩერა და დარბაზში შებრუნდა! ეჭვი არ იყო, მას თავის მგზავრულ საქმეზე ერქარებოდა და მთვრალი კაცებისთვის ბილეთების ჩამორიგება მის პირდაპირ მოვალეობას (ან მონოდებას) როდი შეადგენდა.

მურთაზი, კლასიკოსების ტერმინი რომ ვიხმაროთ, კარგა შეზარხოშებული იყო, მაგრამ იმდენი აზრი კი ჰქონდა, რომ მეთოთხმეტე ვაგონში ასულიყო და კუთვნილი მესამე ადგილი მოეთხოვა.

თავს ლოკატორივით ატრიალებდა და მის წინ რწევით მიმავალ ვაგონებს სწორედ იმ ადგილას აცივდებოდა, სადაც ნომერი წერია. „მეშვიდე, მერვე, მეცხრე, მეათე...“ თავის სიმარჯვეში დასარწმუნებლად ხმამაღლა აცხადებდა.

მაღალი იყო, მომცრო ტანის კალათბურთელი ხომ გინახავთ, სწორედ ისეთი ტანი ჰქონდა. მომცრო კალათბურთელი კი, ჩემზე უკეთ მოგეხსენებათ, 185 სმ სიმაღლისა მაინც არის. შევარდნილი მუცელი და ზანგივით წვრილი ხელ-ფეხი ჰქონდა. სახეზეც ლამაზი იქნებოდა, ცოტა ნიკაპს რომ არ ეღალატა. ნიკაპი ჰქონდა პირატის ნიკაპივით გრძელი და ოთხკუთხედი. წვრილ უღვაშს იტოვებდა ტუჩებზე ოდნავ გადასულს, სწორედ ისე, ესპანურ და მექსიკურ ფილმებში მოარშიყე კაბალეროებს რომ აქვთ ხოლმე. ამიტომ ღიმილი შევნივთა და თუ იცინოდა, კეთილი, ცისფერი თვალებითაც იცინოდა. ტანზე არცთუ კობტად მორგებული პოლონური ჯინსი ეცვა და მოკლესახელოება წითელ-ლურჯუჯრედებიანი პერანგი, რომელიც ისე ძალიან უხდებოდა, არც კი დაიჯერებთ, რომ გაერთიანება „გელათის“ შეკერილი იყო.

მეთოთხმეტე ვაგონი იქვე ახლოს გაჩერდა. მურთაზ ჭაბუკიანმა არ იჩქარა. აცალა „შემადგენლობას“ ბოლომდე დამუხრუჭება, სიგარეტს მოუკიდა, მოსწია და მატარებლის წასვლის ნიშანი რომ მისცეს, მარჯვენათი გოჭი საიმედოდ ჩაბლუჯა, მარცხენათი კი დაძრული მატარებლის სახელურს მიწვდა.

– ადგილი თქვენი? – ვაგონის გამცილებელმა თმაგანწილმა ზონზროხა ქალმა თამბაქოსაგან დაყვითლებული თოხივით კბილები გააელვა.

– მესამე, – შეულრინა მგზავრმა, ვაგონის კიბეზე ფეხი კარგად მოირგო და დაეჭვებულ კონდუქტორს ბილეთი ცხვირწინ გაუქნია.

ხუთიოდე წუთის შემდეგ იგი თავის კუბეში იყო და პირალმამწოლარე მკერდზე ჭალარამორეულ უმსუქნეს კაცს ელაპარაკებოდა.

– რა ვქნა, ჩემო ბიძია, მე. ცირკის ადგილი რომ იყოს, დაგითმობდი, არ ვუყურებდი ამ ჯღანაობას ერთი დღე და ეგ იქნებოდა. მარა მთელი ღამე ფეხზე გავჩერდები-თქვა რომ გითხრა, ტყუილი იქნება. ფხიზელიც რომ ვიყო, ასე ვიზამდი ამას.

ნარზე ძლივსდატყეული კაცი მშვიდად და მონყენილად უსმენდა. კუპის სხვა მგზავრები კამათში არ ერეოდნენ.

– მოვა კონდუქტორი და გაარკვევს. გაყავი, ბიჭო თავი და დაუძახე მაგ მკვდარძალს. რას შერება ამდენ ხანს, – ჩაილაპარაკა ლიპიანმა და მუცელზე დახვეული ზენარი გაგრილების მიზნით და მშვიდად ყოფნის ნიშნად ააქნია.

– რად უნდა ამას კონდუქტორი? კონდუქტორი და მილიცია მინდა მე? კითხვა, მე მგონია, ყველამ ვიცით აქანა და თვალე-ბი ყველას გვაქვს. მეთოთხმეტე ვაგონი ხომაა ეს. ა, ბატონო, მესამე ადგილი: არ უნდა ახლა ამას დროის გაყვანა, შე კაცო.

კონდუქტორი მაინც მოვიდა, მან ჯერ მწოლიარე კაცის ბილეთს დახედა, რომელიც მრგვალად დახვეულ შავ ჩანთაში ედო, მერე მურთაზის ბილეთს დასწვდა. ბოლოს ორივე ბილეთს ერთად გახედა ნათურის შუქზე და ნიკოტინისგან გათანგულ მურთაზს, რომელსაც გოჭი ორივე ხელით აეხუტა გულზე და სამართლის მიერ პურის ჭამის სასიამოვნო მოლოდინში, თვლემდა.

– თქვენ თბილისში მიდიხართ!

– სწორია, – დაუდასტურა გოჭიანმა.

– ეს ტკიბულის მატარებელია, ვერ უნდა მიხვდე შენხელა კაცი ამდენს?!

მურთაზმა რაღაც ჩაილულულა და კუპის კარი გამეტებულად გასწია გვერდზე. ლიპიანს, რომელსაც ადგილს ედავებოდნენ, ცოდვას ვერ დავიდე, მურთაზის გასვლის შემდეგაც ცუდი არაფერი უთქვამს. ეტყობა, მან მშვენივრად იცოდა, რას ნიშნავს მთვრალი კაცი.

თბილისში თავისი პირმშოს მოსანახულებლად მიმავალი მშრომელი რიონში ჩამოხტა და მატარებლის მოლოდინში დაბალი ძაბვის რკინის ბოძს მიეყუდა.

სექტემბრის გრილი ღამე იყო.

ელმავლის შუქმა თვალები მოსჭრა მურთაზს. სიგარეტი გაღეჭა, გადააფურთხა, გოჭს შემოხვეული გაზეთი ალაგ-ალაგ შემოაცალა, დარჩენილ ქალაქში გულმოდგინედ შეფუთა, ილღიაში ამოიჩარა და ბორბლებისგან ავარდნილმა ქარმა ლიანდაგში არ შემითროსო (ბავშვობიდანვე დააშინა ვილაცამ; ჩქარა მომავალ მატარებელთან ახლოს თუ გაჩერდი, ჰაერის ნაკადი ბორბლებში შეგითრევსო) უკან დაიხია.

მატარებელი ღრჭიალით გაჩერდა.

შავტუხა შავულვაშა კონდუქტორმა, რომელიც ვაგონის გამცილებლად გადაცმულ ქუროთ მეეზოვეს ჩამოჰგავდა, დიდხანს უყურა ბილეთს, მერე რწევით მდგარი მგზავრის ტვირთს ეჭვით დახედა (რაზედაც მურთაზმა გოჭის თავს გაზეთი შემოახვია და დაამშვიდა, შემწვარია, ნუ გეშინიაო) და გზა დაუთმო.

მურთაზმა მესამე ადგილი მოძებნა, გოჭი ჰალსტუხის გასაფენ ბადეზე შემოდო, გაიხადა და ცალ ფეხზე წინდის გახდა ვერც კი მოასწრო – ძილი მოერია.

ზუსტად ათ წუთში გააღვიძეს. თავგაბებრებულმა ოჯახის მამამ ჯერ ფანჯარაში გაიხედა, მერე თავზეწამომდგარ, მაკენტოჟიან გრძელცხვირა კაცს, უნივერსიტეტდამთავრებულის ემბლემაზე დაადგა თვალი.

– ბოდიშს კი ვიხდით, მაგრამ ჩვენი ადგილია, პატივცემულო, – რა ტკბილადაც არ უნდა ეთქვა მაკენტოჟიან ინტელიგენტს, მურთაზისთვის მაინც შემზარავი იყო ამ სიტყვების გაგონება.

– არ დაიჯეროთ მაგ ამბავი, – გოჭის ქვემოთ ბადეზე ხელი შეაცურა და ადგილის მაძიებელს, თავის უპირატესობაში დარწმუნებულმა, ცოტა არ იყოს ამპარტავნულად, მოუხედავად გაუნოდა.

მაკენტოჟის პატრონმა ბილეთი გამოართვა და მაშინვე დაუბრუნა.

– გაათავისუფლეთ ჩემი ადგილი, პატივცემულო, თორემ იძულებული გავხდები მივმართო მატარებლის ადმინისტრაციას?

– რას? – მურთაზმა თვალები მოიფშვნიტა და ნარზე წამოჯდა.

– თქვენი ბილეთი გაცემულია ქუთაისის მატარებელზე. ეს კი „ფოთი-თბილისი“ გახლავთ.

სტუდენტის მამა გოჭს დაწვდა და ირგვლივ სანყალობლად მიმოიხედა.

მალლიდან გადმოყოფილმა თავებმა დაუდასტურეს, რომ მატარებელი მართლაც ფოთიდან მოდიოდა.

– რა ვქნა აბა, მე? – ხმაში ტირილი გაერია მთვრალ ჭაბუკიანს.

– ხაშურში ჩაბრძანდით და თქვენს მატარებელს დაელოდეთ, – უნივერსიტეტის კურსდამთავრებულს პასუხი ამ კითხვაზეც მზად ჰქონდა.

ლამის სამი საათი იყო, როცა ხაშურის პატარა სადგურის შმორიან მოსაცდელში შევიდა და მხარეთქოზე წამოწოლილ მგზავრებს შორის ხის სავარძლის კუთხეში ჩამოჯდა. ერთი სული ჰქონდა წამოწოლილიყო, მაგრამ ჩამეძინება და „ქუთაისი“ გამასწრებლს, შიშობდა.

გოჭს ვერაფერი მოუხერხა. დადებდა სკამზე თუ არა, ფანჯრის რაფაზე შესკუპებული ხატაურა კატა რბილად ჩამოხტებოდა და თავგაურხევლად მორბოდა. თავქვემ ამოსადებად შეეცოდა, ისევ გულზე ახუტებული ეჭირა და მარჯვენა რომ დაუბუჟდებოდა, მარცხენას შეუნაცვლებდა.

ძილი ნელ-ნელა ეპარებოდა. დაგვიანებული მგზავრების ხვრინვა წელან თუ ნერვებს უშლიდა, ახლა სასიამოვნოდ ეღვრებოდა ყურებში.

ბოლოს მაინც ჩასთვლიმა და სწორედ იმ დროს გაეღვიძა, პირველი ლიანდაგიდან ცისფრად განათებული მატარებელი რომ დაიძრა.

გაიქცა, იმარჯვა და ბოლო ვაგონს მაინც შეახტა.

ცოტა წვალემა როდი ნახა, რომ ოცდამეცხრე (ბოლო) ვაგონიდან მეთოთხმეტეში გასულიყო.

მიადგა, როგორ იქნა, თავის სანუკვარ მესამე ადგილს, მიადგა და, ჰოი საკვირველებავ, ნარზე ჩექმებგაუხდელად იწვა გალიფისმარვლიანი, ვოროშილოვისულვაშება კაცი.

გაირკვა, რომ ქუთაისის მატარებელს მურთაზ ჭაბუკიანისთვის სწორედ მაშინ გაესწრო, ხაშურის სადგურში რომ ჩასთვლიმა, ეს მატარებელი კი „სოხუმი-თბილისი“ გახლდათ და ჩექმოსანი მგზავრიც სრულიად კანონიერად იწვა მეთოთხმეტე ვაგონის მესამე ადგილზე.

გორში ჩამოსვეს და ურჩიეს, იმ მატარებელს გამოჰყოლოდა, რომელშიც თავისუფალ ადგილს დაიგულებდა.

* * *

დილის თერთმეტ საათზე თბილისის ვაგზალში ნელა შემოდოდა ქვანახშირით დატვირთული, მოსაწყენად გრძელი საბარგო მატარებელი.

უკედლებო ვაგონები ტკაცუნით მიიწეოდნენ.

მეშვიდე ვაგონის თავში, ხანძარსაწინააღმდეგო პლაკატზე დახატულ, დამწვარ ხესავით იდგა თავიდან-ფეხებამდე გამურული კაცი, რომელსაც კარგად თუ დააკვირდებოდი, ხელში, გულთან, გაზეთებშემოდარცვული, კბილებიანად გაშავებული გოჭი ეჭირა.

კაცი ფიქრობდა იმ ჭეშმარიტებაზე, რომელიც კარგა ხანია ამოხსნეს ფილოსოფოსებმა:

„ცხოვრება მაშინ არის კარგი, როცა კარგად ცხოვრობ“.



ნაბიჯი

არ გენყინოს, ჩემო დაია, შენი ბრალია, რაც გჭირს. დედაშენის კბილა ვიქნები და მე არ ვიტყვი ახლა მაგას, შექალო. ღმერთმა იმ ჭკუაზე ნუ დამაყენოს და ჩემს შვილებს და შვილიშვილებს ენაცვალოს ჩემი თავი, სამოცდარვა წლის ვარ და ხვალვე გავთხოვდები, მე რომ მე ვარ. შენ რამ გაგიტეხა გული? ან რაღა დროისააო? რას ჰქვია, რაღა დროისაა. კი, მართალია, საუკეთესო წლები ფუჭად გაქვს დაკარგული. ფუჭი კაკალი, ხომ იცი, არც თავგვს არგია და არც კაცსაო, მაგრამ შენთვის ჯერ ყველაფერი გვიან არაა. არ გაიკარო ეგ ბნელი ფიქრი თავში. საერთოდ, შვილო, არავისთვის არაფერი არასოდეს არაა გვიან. თუ სული გთხოვს და გუნება გაქვს. ღმერთო კი მომკალი, რას ჰქვია, ვერ გათხოვდი. არავინ არ მითხრას – მინდოდა, ძალიან ვეცადე, მაგრამ ვერ გავთხოვდიო. ტყუილია, მოგონილია ეგ ამბავი. არ ვარგისხართ, დედიკო, არა. თქვენ სიგლახეს მერე იღბალს გადააბრალებთ. ასე მენერა, ალბათო. რა გენერა? კი არ გენერა, არ მოინდომე. არ მიდექ-მოდექი, პატარა ხელი შეგეშალა და დაყარე ფარხმალი. არ უნდა ლაპარაკი – ყველას გვინდა ისე გავთხოვდეთ, როგორც გვინდა, მაგრამ, თუ არ გამოდის ისე? თუ არ გაგიმართლა? თუ ვერ ააწყვე, როგორც შენ გინდოდა? გათავდა ჩემთვის ყველაფერი, ან ალარ გავთხოვდებო, უნდა ნაუნვე ცხოვრებას გასათელავად და საჯირითოდ? სიყვარულიო, შენ ამბობ, მჯერა მარტო ერთი რამ, დიდ სიყვარულს ეწირებიან მსხვერპლად, კი, როგორ არა. რაკი ვერ მოხერხდა, ვერ დამთავრდა ყველაფერი სასურველად, ქალი სუსტი არსებაა მაინც, რაც არ უნდა ვიხტუნოთ ჩვენ, და დიდი სიყვარულით შეპყრობილი ქალი თავისი ამ გრძნობის ერთგულ მონად რჩება ბოლომდე. ეს მესმის, ასეთი ქალები იშვიათზე იშვიათნი არიან. მაგრამ შენ სხვას მეუბნები; არავინ შემეყვარდა, დეიდა, და დავრჩი ამიტომ გაუთხოვარიო. რას ჰქვია, არავინ შეგიყვარდა და დარჩი გაუთხოვარი. ესე იგი სუსტი ადამიანი

ხარ. ნუ გენყინება და შეიძლება ცოტა ეგოისტიც. დიდი სიყვარული შეიძლება ღვთის ბოძებული ნიჭი იყოს, მაგრამ, თუ არ მოვიდა ეს დიდი სიყვარული ჩემთან, დავითხარო თვალი და არ გავთხოვდე? სიყვარული, შვილო ხან ქორწინებამდე მოდის (და ეს უკეთესია) და ხან ქორწინების შემდეგაც, მაგრამ შენ არ შეერკინე ცხოვრებას; რისკი არ გასწიე, ზიხარ ფანჯარასთან და სიყვარულის მოსვლას ელოდები. ქე მოგაყვირა ამასობაში ორმოცმა წელმა. რა არის იცი? ბევრი ანგელოზით გოგო მინახავს „საქმროების“ შენუხებული და მერე გაუთხოვრად დარჩენილი. ხანდახან ქვეყნის უკეთესს ვეძებთ და იმაზე კი არ ვფიქრობთ, იმ ქვეყნის უკეთესს ქვეყნის უკეთესი რომ შეეფერება. დაგვინაოჭდა სახე და წუნიაობას მაინც ვერ ვეშვებით. იმას ცხვირი აქვს გრძელი, იმას კისერი აქვს მოკლე, იმის კბილები არ მომეწონა, იმას გაუუთავებელი პერანგი ეცვა. რა იყო, რა მოხდა. ცოტა სალადაც უნდა შევხედოთ ცხოვრებას. ჩვენ არაფერი ნაკლი გვაქვს? კაცია ბოლოს და ბოლოს. გამოფენაზე ხომ არ გაგყავს, გასაყიდად ხომ არ გინდა. ღვთის გაჩენილი კაცია. ჰქონდეს, მერე რა კისერი, ეს ოხერი, მოკლე, დაიქცა ქვეყანა? არა ვართ მართალი, შვილო, არა, მიზეზ-მიზეზ დოს მარილი აკლიაო. ნაკლს მარიამ ღვთისშობელს ვუპოვი რამდენსაც გინდა, ყინწვისის ანგელოსს დაინუნებს ამრეზილი და ცხვირაბზუებული კაცი. საქმე ისაა, მოგეწონოს. საქმე ისაა გადანყვეტის თავი გქონდეს, ჩიტით ორ დღეს ვცხოვრობთ ამ ქვეყანაზე. რას ველოდებით, აღარ დამთავრდა რჩევა-რჩევა? აღარ დაიბადა ჩვენი მოსაწონი? შეგიყოლიებს ბედის ძიება და ისე დაგაბერებს, რომ უკან მოხედვას ვერ მოასწრებ. გაგკრავს ბჯლალს წუთისოფელი და სარკის შეგეშინდება. ერთ დღეს იცის სიბერემ მოხტომა. ხანდახან ერთ დღეში ბერდება კაცი. სამი დღე მჩიოდ არც ქმარი გაჩენილა ამ ქვეყანაზე და არც შვილი. გული მიკვდება, შენნაირი მშვენიერი ქალი რომ მეტყვის, ვერ გავთხოვდიო. არ მიწყინო და ცოტა არ იყოს ვბრაზდები კიდევ მასზე. მე ვინ მკითხავს სხვის საქმეში ჩარევას-მეთქი, ვამბობ, მაგრამ, ეტყობა, მთლად კეთილი ადამიანი არ არის, დიდი წარმოდგენა აქვს თავის თავზე. არავინ მიიჩნია ღირსად და ამიტომ იქცა შინაბერად-მეთქი. ყოველთვის ამის თქმა ცოდვაა, შვილო.

ყველაზე ვერ იტყვი. ზოგს ავადმყოფობა დააყოლა განგებამ და რას იზამ. მაგრამ, თუ ყველანაირად ჯანმრთელი ხარ და რაღაც სულელური მიზეზებით – „არ შემეყვარდა“ ან „პირობები არ მაქვსო“, ზოგს რომ ამოუჩემებია და არ მეშინია ამის თქმა – სწორედ რომ სულელური მიზეზებით არ თხოვდება, ან ცოლს არ ირთავს: მე ასეთ ადამიანიშვილზე ჩემი შეხედულება მაქვს. დიდი სიმპათიით ვერ ვუცქერი და მომკალი თუ გინდა.

თუ არ მოგაბეზრე ამ ტლიკინით თავი, მოგიყვები ჩემი გათხოვების ამბავს. იმიტომ კი არა, შვილო, შენც ასე მოიქცემეთქი, გირჩიო. ძნელია სხვის საქმეში ჩარევა და დროც სხვაა ახლა. საცოლე ბიჭებიც სხვები არიან. ამ ჩემ ნაამბობში შენთვის გამოსადეგი, ალბათ, მარტო ის იქნება, რომ შენც იაქტიურო პატარა, მუყაითად გაუხდე შენს თავს, მე კი არ მივრბივარ, გასაჭირი მიმარბენინებსო – ჭკვიან კაცს უთქვამს. ჩვენი თავის პატრონი ჩვენვე რომ ვართ, აღარ უნდა ამას მკითხავ-ქადაგი. ნინოშვილის ქუჩაზე ვარ გაზრდილი, ბაზარს ქვემოთ, მერვე შესახვევის ნომერ ათში. მამაჩემი მეთუთუნე იყო. შარშან მომიკვდა სანყალი. წლისთავი ახლა შესრულდება, ოქტომბერში. მეოთხე ქალთა დავამთავრე. ტურქელადის სკოლა გაგონილი გექნება, არ უნდა ლაპარაკი. მართლა ერთი სამაგალითო სკოლა იყო ქუთაისში. დავამთავრე სკოლა, ჩემო ბატონო, მერე საექთნო ორწლიანი და დიდ გაქანებას რომ ვერ ვატყობდი ჩემს თავს, ამით დავასრულე სწავლა-განათლება. რკინიგზის საავადმყოფოში დავიწყე ოცი წლის გოგომ მუშაობა და ოცდახუთი წელი თავდება, იქვე ვმუშაობ. ჩემს მეტი ჩემს პატრონს არავინ ჰყავდა. ოცი წლისა ყველა ლამაზი იტყვიან, მაგრამ არც მთლად ასეა საქმე. თავის ქებაში არ ჩამომართვა და არ ვიყავი დასაწუნი გოგო, შესახედაობაზე მოგახსენებ. მაღალი, მაღალკანჭება, ოდნავ გამხდარი. შავი ხუჭუჭა თმა მქონდა. სადაა ახლა ის თმა, დიდი ტუჩები. კბილები მაინცდამაინც არ მივარგოდა, ასე მეჩხერი კბილები მქონდა, როგორც ახლა მაქვს, მაგრამ რა ვუყუოთ. მოწონებით ბევრს მოვწონდი მაინც. ზოგს ასე და ზოგს ისე. კაცისას რას გაიგებ. ჩემ მეზობლად სულ ბიჭები ცხოვრობდნენ და, რომ იტყვიან, ბიჭებში გავიზარდე. შემოვევლე იმ ჩემს ბიჭებს; ზოგი იქვე ცხოვრობს, ზოგი აღარცაა ცოცხალი. რომ შემხვდებიან,

როგორც საკუთარ ძმას (მე ძმა არ მომცა ღმერთმა) ჩავეხუტები გულში და ვტირი. აბა, რაია მეტი დედმამიშვილი. ერთად გავიზარდეთ. ფეხბურთს ვთამაშობდით ეზოში მეცხრეკლასელი გოგო რომ ვიყავი მაშინაც. მეჩხუბებოდა დედაჩემი: შეხედე შენს თავს, ამხელა ძროხა რომ დააგორებ ამხელა ტ-ს და ბურთს დასდე სულელი მარგუშასავითო. ახტაჯანა გოგო ვიყავი, მოკლედ რომ ვთქვა. ახტაჯანა, მაგრამ უზაკველი, უბოროტო. ბიჭური ხასიათი მქონდა და თანაც ისეთი ალალი და გულუბრყვილო გახლდით, რომ მამაჩემი თავში ირტყამდა ხელს, რა ეშველება, რა გაათხოვებს ამასო. მამაჩემის შიში (ჭკვიანი კაცი იყო ცხონებული) კინაღამ არ გამართლდა? ისე გამიფრინდა წლები ხელიდან, ვერც კი შევამჩნიე. „რა მეჩქარება, რა მეჩქარებას“ ძახილით ოცდარვა წელიწადმა მომიკაკუნა კარზე. მე ისევ პატარა გოგო მგონია ჩემი თავი. დოლო თხას რქები არ ამოუვიდა და თავი სულ თიკანი ეგონაო, ისეა ჩემი საქმე. ჰაი იქეთ, ჰაი აქეთ და რომ მოვიხედე, ეს ჩემი კბილა გოგოები დაოჯახებულან, ამ ჩემი ქუჩის ბიჭებს ცოლი მოუყვანიათ და ქე არიან მშვენივრად. მე – ყველას გამხარებელი, ყველას მაყარი და ხელისმომკიდე, ყველა ქორწილის დამამშვენიებელი ვრჩები ასე. სხვისმა მაზიარებელმა თავი ვერ იზიარაო, არ გაგიგონია? მე ვთქვი, რა ქვა გავტეხე ამისთანა. ახლა რომ დავფიქრდები – სერიოზულად სალაპარაკოდ არავინ მოსულა. ლლიცინით, იცოცხლე, ყველა გელლიცინება, მარა რაი მერე. ასე არ გამოვა, ვუთხარი ჩემს თავს, რალაცა უნდა იღონო, თორემ მერე გვიან იქნება. ვაკისუბანში, ჩვენი ქუჩის ბოლოში, რკინიგზას რომ გადახვალ, სანამ საავადმყოფოსთან მიხვიდოდე, იქვე მარცხნივ ოთარ ჭუმბურიძე ცხოვრობს. დედ-მამა ობჩაში ჰყავდა, თვითონ დაგირავებული ჰქონდა ერთი ოთახი და პედინსტიტუტში მუშაობდა. ახალი დამთავრებული ჰქონდა და იქვე დაეტოვებიათ ასისტენტს თუ რალაცას ეძახიან – ის იყო მაშინ. სინაურიძის გოგოს ქორწილში შევხვდი. გამხდარი, გამხდარი, ცხვირში ლანდი გადიოდა. სახელოებზე გაცრეცილი კოსტუმი ეცვა და აქაოდა მაინც ასისტენტი ვარო, ჰალსტუხი ეკეთა. არ ჰქონდა მეტის საშუალება, რა ექნებოდა პატიოსან ასისტენტს მაშინ, ჯერ ახლა რაი აქვს. საშუალო ტანის იყო, პატარას ფეხსაც უჩიოდა,

ოდნავ კოჭლობდა. სახე სანდომიანიო, რომ იტყვიან, მაგრამ ხვრინჭასავით თვალებს შეშინებულივით აცეცებდა აქეთ-იქეთ. მოკლედ, რომ გითხრა, შესახედავად მაინცდამაინც არ მომეწონა, მაგრამ ჩემი ყურადღება იმით მიიქცია, რომ ლამაზი ლაპარაკი იცოდა და რა დაგიმალო, ერთი-ორჯერ გამიცინა. ისე ალაღად და სანყლად გამიცინა ამ ბიჭმა, რომ გულში ჩამრჩა, რაია ოცდარვი წლის გოგო მაინც, მეტი არაფერი. ამის მერე მხვდება ეს ჭუმბურიძე ქუჩაში, გამიცინებს, რავა ხარო, მკითხავს და ჩამივლის. სულ მეჩვენება, რომ ერიდება ჩემთან ლაპარაკს, თუ რცხვენია, რა ვიცი. საერთოდ, მორცხვი და ჩაკეტილი ბიჭი იყო, მის გვერდით გოგო არ დამინახავს. გავიდა ასე ხუთი წელი. გითხარი, მისი არ იყოს, მე ოცდარვა წლის გავხდი და ოთარი ოცდათხუთმეტის (ოცდაათის იყო მაშინ, ქორწილში რომ შემხვდა). იმას თავისი ცხოვრება აქვს, მე ჩემი. წესიერად არც გვილაპარკნია ერთმანეთთან. შეხვედრა და სალაში, მეტი არაფერი ყოფილა ჩვენ შორის და მიცინის ასე ერთნაირად, ხუთი წელია. ამბავი ახლა ქუთაისში ყველამ ყველაფერი იცის და მეც ბევრჯერ მომიკრავს ყური, რომ ოთარ ჭუმბურიძე ერთი მორცხვი და გადაუნყვეტელი ბიჭია. არც საცოლე ჰყავს. ბერდება უცოლოდ და რა ვიცი, რას იტყვის ხალხი. მოკლედ, ბევრი რომ არ გავაგრძელო, ჩემო (გეჩქარება გეტყობა შენც), ერთ სალამოს, რა დამავინყებს იმ დღეს, ოცდარვა სექტემბერი იყო, გავბედე და დაფუკაკუნე კარზე ამ ჩემს ოთარ ჭუმბურიძეს. კარი ისე სწრაფად გამიღო, თითქოს ჩემ მოსვლას ელოდაო. მობრძანდიო, მითხრა, სკამი დამიდგა და თვალეში ღიმილი უდგას. მივიხედ-მოვიხედე, რა იქნება უცოლო კაცის ოთახი, ერთმანეთზე ახირხლული ჯამ-ჭურჭელი, მტვერი ფანჯრებზე. ჭურჭიანი ფარდები, ქალის ხელი სხვა არის მაინც ოჯახში. დავაჩერდი იატაკს და არც ვაციე, არც ვაცხელე და პირდაპირ ვუთხარი: – მოვედი შენთან, სხვა გზა არ მაქვს, მიყვარხარ გაგიყვებით და უნდა შემიერთო-მეთქი. რომ მახსენდება მისი სახე, სიცილს ვერ ვიკავებ, ზაფრანისფერი დაედო, მერე გაიცინა (იქნებ ხუმრობაში გავატაროო), რომ შემატყო, არ ვხუმრობდი, გაჯავრდა. რა ლაპარაკია ახლა ესო. მე მეგონა საქმეზე მოხვედიო. ამაზე დიდი საქმე რალა იქნება, მე ვუთხარი, აქედან გამსვლელი არ ვარ, ცოლი ვარ

შენი დღეიდან, არ უნდა ჭუჭყუნი ახლა ამას-მეთქი. შენ ხომ არ გაგიჟდი, გოგოვო, ვინ გასწავლა ამნაირი სისულელეო, ასე ვინ გათხოვილა ქვეყანაზეო. მაგდებს ამკარად. გავბრაზდი მეც, თავმოყვარეობა მაქვს, გოგო ვარ ბოლოს და ბოლოს. რა მაქვს შენი დასაწუნი, შე ღვთის გლახა, მე ვუთხარი. შემოძლეულ ჭადს ძალი რომ არ ეტანება, ისე ხომ არაა შენი საქმე, მე ვუთხარი, ხუთი წელიწადია მიცინი და სიტყვა ვერ მითხარი. ზედ გეტყობა, რა მუჩუჩი ხარ. რა ძვირად აფასებ ამ შენს გამხმარ თავს. რითი ვარ შენზე ნაკლები-მეთქი, ვლანძლე, მოკლედ, რაც შემეძლო. იცინის. მერე მოიქეცა კეფა და ჩამოხტა იშკილებიდან. ჩემი დასაწუნი რა მაქვს და კაი გოგოც ხარ, მაგრამ ჯერ ამ საქმეს დაფიქრება უნდა, რა საჩქაროა. ვნახოთ, გავიარ-გამოვიაროთ პატარა, ეგება ვერ ვენყოფით ერთმანეთსო. არაფერი გავლა-გამოვლა არ მჭირდება მე-მეთქი, მთელი ქუთაისი რომ შემოიარო, ჩემზე ცუდს ვერავინ გეტყვის, თვალში რომ ჩაუფარდე, თითს არ ამოისვამს არავინ-მეთქი. ა, მოსული ვარ ასე შენთან და მითხოვე თუ გინდევარ, თუ არა და ნავალ ჩემს გზაზე-მეთქი. კი მარაო, მე რომ არ დაგხვედროდი სახლში, სხვას მიადგებოდიო? სახლიდან ხომ არ გამოუგდინხართო? კაცები მაინც ტლანქები არიან. ამდენი ველარ შევძელი, ნერვები აღარ მეყო, ამომიჯდა გული და დავინწყე ტირილი; სახლში რომ არ დამხვედროდი, ხვალაც შენთან მოვიდოდი, შე შტერო, ხუთი წელია, შენი ბრმა თვალები რომ ვერ ამჩნევს ვერაფერს-მეთქი. ვფსლუკუნებ. ატირდა თვითონაც. რატომ არ მითხარიო, მლმობელი გულის პატრონია ჩემი ოთია. მოკლედ, იმ ღამეს იქ დავრჩი და მეორე დღეს შევატყობინე მშობლებს. დედაჩემს და მამაჩემს სამორიგეოდ ვგონებივარ საავადმყოფოში და არც დაუნწყიათ ძებნა. ის დღეს და ის დღე, ერთად ვართ. სამი შვილი გავზარდეთ თავი არ შეგვირცხვენია. თუ უყვარს ცოლ-ქმარს ერთმანეთი, ჩვენც გვიყვარს, ორმოცი წელიწადია ხმამაღალი სიტყვა არ გვითქვამს ერთმანეთისთვის. აწი რაღა ღმერთი გაგვიწყნრება.

ქურდი

შენთან მოვედი, ჩემო იმანო, სხვა გზა არა მაქვს, თორემ არ შეგანუხებდი. ჩემნაირი შემწუხებელი შენ, ვიცი, არ გაკლია, თავი გაქვს ალბათ მობეზრებული, მაგრამ რა ვქნა – ღობეში გაკვეთებული გოჭი ხომ გინახავს, ვერც იქეთ რომ გადის და უკანაც ველარ ბრუნდება. სწორედ იმ დღეში ვარ. დამესივნენ და მჯიჯგინან. რაიადმასკომმა მომხსნა, საოლქო კომიტეტმა აღმადგინა ამ ორი თვის წინ. კიდევ მიჩვილა ვილაცამ და ახლა კოლეგიაზე გადის ჩემი საკითხი. დღეს ვიყავი დაბარებული, პროექტი შეუდგენიათ ისეთი, მოხსნას ვინ ჩივის, ორგანოში მუშაობა აეკრძალოს საერთოდო. შენ ქვეყანა გიცნობს და ქვეყანა პატივს გცემს. უნდა მიმეგზავნო მინისტრთან, მომისმინოს, სამართლიანად განჭვრიტოს ამ ჩემს საქმეს და თუ მართლა დამნაშავე ვარ, ვინ მამაძაღლი, ხმას ვინ ამოიღებს. ვიცი, მომჩივანს თავი ყოველთვის მართალი ჰგონია. მაგრამ მოგიყვები წერილად ყველაფერს და შენ განსაჯე. თუ შემატყო, რომ მოხსნის და გაგდების ღირსი ვარ, პირში მითხარი, გავჩუმდები და ნავალ, იმ სამ ბავშვს ვფიცავარ, შენსას დავიჯერებ, სხვისას – არა.

ქურდს ნაქურდალით ხელში რომ დაიჭერენ, ორ წელიწადს აძლევენ ციხეს, ქურდს რომ შეურაცხყოფა მიაყენო, სამიდან – რვა წლამდე გახეხინებენ, შავ დაფაზე გაგაკრავენ და ქვეყნის სამასხაროდ გაგხდიან. კი, არ დავმალავ, ჩვენს შორისაც ბევრი ვირია, მაგრამ ასე შეიძლება? შეიძლება, კაცო, მტერს ისარი ეჭიროს და შენ ფიცარი დაგაკაონ ხელში? მილიციის უფროსად ვმუშაობდი სასირეთში, ქვეგანყოფილება მებარა, ოთხ სოფელს ვემსახურებოდი. ვიყავი ჩემთვის. შერლოკ ჰოლმსი მე არ ვარ, ქე იცი და არც პრეტენზია მქონდა დიდი, შენს პატარა საქმეს თუ კარგად გააკეთებ, ესეც რაღაცას ნიშნავს. ყოველ შემთხვევაში თავმოყვარე კაცი ზედმეტად არ თვლი თავს და სახელმწიფომ რომ ცოდნა და დიპლომი მოგცა, ნაწი-

ლობრივ მაინც უხდი სამაგიეროს. ასე მესმის მე, რა ვიცი, ეგებ ვცდები. დღეს ბევრი სხვა ხატს ემსახურება, მარა მე მიმაჩნია, რომ კაცის პირველი ვალი თავისი ფუნქციის პოვნა და თავისი არსებობის გამართლებაა ამ ქვეყანაზე.

სასირეთში ერთი ქურდი ცხოვრობდა. ხაჭიძე იყო გვარად, მეველუდი ერქვა. ერქვა და ჰქვია ახლაც. იმას რა უჭირს, მე ვარ კრუხის დღეში. საერთოდ, კაი ქურდი თავის სოფელში არ იქურდებს, ქურდების წესია ასეთი. მეველუდი ყველაფრის მკადრებელი ქურდი იყო. ნაძირალაო, რომ იტყვიან სრული ამ სიტყვის მნიშვნელობით. ორჯერ ნასამართლევი. კარის მეზობელს, თავის გარე ბიძაშვილსაც კი ააფცქვნიდა თვალისწამას, რასაც მოიხელთებდა. ოთხი სოფელი „მეველუდია ქურდს“ ეძახდა. არც მალავდა, სხვათა შორის, თავის ხელმრუდობას. შენუხებული ჰყავდა მთელი სოფელი. რას იპარავდა? ქათამს ააცლიდა საბუდრიდან ნამამლ კვერცხს, ყველს წალალავდა დერგიდან, ცხვარ-ძროხას ნაასხამდა, კეციდან ჭადს არეკავდა. მოკლედ ყველაფერს იპარავდა, რისი მოპარვაც შეიძლება. სისხლი გვექონდა ყველას მისგან გამშრალი, მაგრამ კანონის ამბავი მოგეხსენება – ფაქტზე უნდა დაიჭირო. ქურდობაზე მეველუდის წასწრება იოლი არ გახლდათ, კატასავით ფრთხილი კაცი იყო. შარს ვერაფერს მოდებდი; ჰქონდა გაპიროვნებული კოლმეურნეობის პატარა ყანაც და ამუშავებდა ვითომ. დაიქირავებდა ერთ დღეს სამ-ოთხ ბიჭს და გაათოხნინებდა. მარგვლა-მოროდზე თავს არ იკლავდა, ნუ გეშინია. მის ხელში თოხი არავის უნახავს. ერთხელ ნათლიმამას ცხენი მოჰპარა, შვილივით გაზრდილი ცხენი, ვენახბოლოში საბალახოდ დაბმული, ახსნა და ჩალის ფასად გაყიდა ხონში. მივაკითხე სახლში საღამოს, პამიდორის ნერგს ჭიგოს უსობდა, შენი საქმეა ეგ ამბავი და უნდა დაგიჭირო-მეთქი. სასაცილოდ არ ეყო ჩემი სიტყვა. კი, ჩემო გერვასი, ახლა ერთი-ერთზე რომ ვართ, გამოგიტყდები, რომ მოვიპარე ცხენი, მაგრამ ამის გამმეორებელი არსად ვარ და მაგ სამხრეებს გაუფრთხილდი იცოდეთ. მანამ არაფერი გეტკინა, სანამ უმონმოდ მე შენ ვერ დამიჭიროვო. რას ეტყვი, მართალია ის კაცი. რატომ შვრები, ბიჭო ამას, სინდისი რატომ დაგიკარგავს-მეთქი. რა ვქნაო, გულწრფე-

ლად მითხრა, ცოლ-შვილის რჩენის ჩემი მულამი ეს არისო. ჩემი და რამდენიმე ჩემნაირი კაცის გარდა თქვენ, ყველანი სახელმწიფოს ჰპარავთო, მე თქვენ გპარავთ – სახელმწიფო ქურდებს, ასე რომ ნაკლებ ცოდვას ჩავდივარო. ქურდის ქურდი ცხოვრებულია – ასე ვიცი მეო. რას ვიპარავ, მე, ბიჭო, მე ვუთხარი. რომ არ იპარავ, გერვასი, იმიტომ ვერ დახურე ოდა სამი წელია და ქვეყნის სალაპარაკოდ, უქელეხოდ გაასვენე სიდედრიო. დამანებე თავი და სხვას მიხედე, ჩემგან ერთ ბუნუნს ვერ წაიღებ შენო. თუ ფაქტზე დამიჭირო, კი, ბატონო, ღმერთმა შეგარგოს, შენი ხმალი და ჩემი კისერიო. იცი, კიდევ რა მითხრა? წადი შენს გზაზე გერვასი ხარაბაძე, მე საჭირო რომ არ ვიყო, არც გავეჩნდებოდი ამ ქვეყანაზეო. ერთი ქურდი სოფელში აუცილებელიაო. მე ხალხს ვაფხიზლებ, მოდუნებულ ყურადღებას ვუფხავებ, დოყლაპიობას ვებრძვიო. შენთვისაც საჭირო ვარ, ჩემო გვერვასი, უქურდოდ მილიცია რა მილიციაა, ერთ მშვენიერ დღეს დანაშაული რომ აღმოიფხვრება სასირეთში, მოვლენ და გაგაუქმებენ, ან სხვა განყოფილებაზე მიგაერთებენ. ასე რომ, ჩვენ ერთმანეთს ვამაგრებთ და რაც მშვიდობა იქნება ჩვენს შორის, მით უკეთესია ჩვენი ცოლ-შვილისთვისო. ვაკრაჭუნე კბილები, რაც შემეძლო. ვხედავ ამკარად დამცინის ეს სინდისგარეცხილი მეველუდია, მაგრამ რას იზამ, თავს ზევით ძალა არ არი. გამოვიძურნე გარეთ და გამოვიხურე მისი ჭიშკარი.

აპატიეს მელასაო, მოუმატა კბენასაო, ხომ გაგიგონია. ამის შემდეგ მეველუდს მთლად გაუვიდა თავს. ქურდობას მარტო ვინ ჯერდება, ამასხარავეებს და აწიოკებს სოფელს. ერთ გლესს ორფუთიანი ქვა აკიდა ზურგზე და ქუთაისამდე ათრევიან; აღმასის მინერალია, გეოლოგიურ სამმართველოში მიიტანე და დიდ ფულს მოგცემენო. სოფლის მალაზიის დარაჯს თოფი მოპარა და მინერალური სასუქის საწყობის გამგეზე გაბრაზებულმა (რას ჰქვია, სასუქი არ მომეცით) საწყობს კარი ამოუშენა. მთელი ღამე იმუშავა თურმე და დილით საწყობის გამგემ კარს რომ ვერ მიაგნო, კინაღამ ჭკუაზე შეირყა. ამნაირ მაიმუნობებს სჩადიოდა. პარპაშებდა მოკლედ, როგორც სურდა – ისე. ღორს რომ რქებიც მისცა, ქვეყანას გადააბრუნებსო, სწორედ

რომ მაგაზე იყო ნათქვამი. მოკლედ, დიდი სულკრული ვინმე იყო მევლუდია. ერთხელ, შაბათ დილას ვეტექიმი კვარაკვახიძე დამადგა თავზე. ვენახს ვწამლავდი იმ დღეს და ლურჯად გალუმპულ-გალებილს სარწყავის მანქანა მეკიდა ზურგზე. დამღუპა მევლუდიამ და მიშველე რაცხა, თუ მილიცია ხარ და დამცველი ხარ ჩვენი, თორემ შენს თვალწინ გამოვიჭრი ყელსო. სარწყავი მოვიხსენი და როგორც ვიყავი ჩაცმული, ისე გავყევი. იქვე ცხოვრობდა, მევლუდის სახლიდან მეხუთე მოსახლე იყო აგრონომი. მივედი, რას ნახავ უარესს. გავერანებულა კვარაკვახიძის ბოსტანი. წყალი მიუშვია ვილაცხას შიგ და მთელ ნაკვეთზე მუხლამდე ტლაპო დგას. პამიდორი, კიტრი, ნიახური თუ ოხრახუმი ერთმანეთშია ალუფხული. ჩვენი კაცი, მოგეხსენება, ბოსტნით ცხოვრობს. დანა პირს არ უხსნის ამ სურათის შემყურეს. მთელი სოფელი აქ არის. ჯერ გაუჭირდათ ჩემი ცნობა შაბათისფერ ტანსაცმელში. მერე შემომეხვივნენ და კინალამ შემეჭამეს, შენი ბრალია, რაც გვჭირსო, შენ აფარებ ხელს მევლუდიას, თორემ ამას არ გაბედავდაო. სხვაგანაც კია ქურდი, მაგრამ ასეთი გათახსირებული ქურდი ჩვენ რომ გვყავს, არ მოსწრებია კაცსო. გავროშის ქუდი ავინიე შუბლზე და კვარაკვახიძეს შევხედე – ეჭვი ვისზე გაქვს-მეთქი. ეჭვი არავისზე მაქვს, მევლუდიას ნაქნარიასო, რა იცი-მეთქი. თურმე გუშინ საღამოს მოდგომია ჭიშკარზე მევლუდი კვარაკვახიძეს. ეს უკანასკნელი თურმე ბოსტანს რწყავდა. მაგათ უბანს ერთი საზიარო სარწყავი აქვს, არხის ტოტი ჩამოდის ზევიდან, ხვალ არ ვიქნები სოფელში და, თუ კაცი ხარ, ერთი-ორი საათით მათხოვე წყალი, ჩემს ბოსტანს გავაგრილებ ცოტას და მერე განაგრძე რწყვაო. კვარაკვახიძეს უარი უთქვამს, ახლა ჯერი ჩემია და დიახაც ვერავის დავუთმობო. შე კაცო, ორ საათს სად გარბის შენი ბოსტანიო, დამითმე, რა მოხდებაო, შეხვეწნია, თურმე ქურდი და უარი რომ მიუღია, გულზე მუშტი დაურტყამს, მე არ ვიყო მევლუდია ხაჭიძე, თუ არ განანო ეს ლორობაო. სამხრობაახალათავებულზე გადაუგდია არხი კვარაკვახიძეს. შუალამისას მოსულა მევლუდი. გაუხსნია სათავე და ღარი მთლიანად კვარაკვახიძის ბოსტანისათვის მიუშვია. ამ დილითლა შეუმჩნევია ოჯახს წარღვნა

ბოსტანში, გადაუკეტავს ვეტექიმს არხი, მაგრამ რალა დროს, კაპიკის საღირალს ვერაფერს მოინვეს ამ წელს კვარაკვახიძე. მივვარდი მევლუდიას. მარტო არ წავსულვარ, ხუთი-ექვსი ჯანიანი სოფლელი მახლდა. ამის უფლება არ გქონდაო, შენ მეტყვი, მაგრამ ოპერჯგუფის გამოძახებას და საქმის შედგენას ვერ ვასწრებდი. იმ დილით ქურდი ქუთაისს მიდიოდა. სხვათა შორის, არ გაგვძალიანებია. ჩამოვიყვანეთ კვარაკვახიძის ბოსტანში, შევუკარით ხელები და დავაყენეთ მუხლამდე ტლაპოში. რატომ დააქციე ამ კაცის ოჯახი, რას ემართლებოდი-მეთქი, ვეკითხები სოფლის თვალწინ. თვითონ იცისო, ერთი სიტყვა დაგვიგდო და განზე გაიხედა. რა იცის თვითონ-მეთქი. ღირსი იყო და იმიტომ გავკეთეო. არ გადავარა. წარბიც არ შეუხრია. რაკი ასეთი კაცი ხარ მევლუდი ხაჭიძე და რაკი მორევანა საქმე, აბა, ჩვენ გვიყურე ახლა-მეთქი, მივედი, გამოვდევი კვანტი და გავშალე ტლაპოში, ხელმეკრულს რა ნაქცევა უნდოდა. მოვკიდე პერანგის საყელოში ხელი და ვაყვინიე ტალახში. ერთხელ, მეორედ, მესამედ. მერე ხელები შევუხსენი, წადი ახლა სახლში, მე ვუთხარი. არ გაპატიმრებ. არც არასოდეს დაგიჭერ, ოღონდ ყოველ შენს ხელმრუდობაზე ასე გაბანავებ ღორის ტლაპოში, ვნახოთ, რა ვაჟკაცი ხარ-მეთქი. ის დღე და ის დღე, მევლუდია თავის ეზოდან გამოსული არავის უნახავს. კვირის თავზე ოდა დაშალა, დატვირთა თავისი საქონ-საყოლებლით მანქანები და სხვაგან გადასახლდა. წასვლის დროს კარის მეზობლისთვის უთქვამს: მომაშორა თქვენს საყვარელ თავს გერვასი მილიციონერმა, მაგრამ არ შევარჩენ, თუ ვაჟკაცი ვარო. წარმოგიდგენია, კაცო? „თქვენს საყვარელ თავსო“ მთელი სოფელი რომ აკლებული ჰყავდა. მესიის გამოცხადება ისე არ გაეხარებოდა სოფელს, როგორც მევლუდის აბარგება გაეხარდა. შორს არ წასულა, ნუ გეშინია, იქვე გაღმა მეორე სოფელში დასახლდა. ჭილკნარი ჰქვია, ორას კომლამდე ცხოვრობს. ჩემი მეურვეობის ზონიდან გავიდა და ცოდვას ვერ ვიტყვი, ხელმრუდობას და ციგნობას საბოლოოდ შეეშვა. ცუდი აღარაფერი გამიგია, მასზეო, იქაური მილიციის უფროსი ამბობს. ერთ სიოხრეს გაანება თავი და მეორე წამოიწყო თურმე. ჩემს წინააღმდეგ

საბუთების და მოწმეების მოგროვებას შეუდგა, ტლაპოში რომ ვაგორავე იმ დღიდანვე. კაცზე საქმის შედგენას რა უნდა. უცოდველი კრავი არც ერთი არ ვართ ჩვენ. ივლისში კომისია დამეცა. მთავარი ბრალდება ეს იყო, მართლა აკვრევიანე თავი მევლუდ ხაჭიძეს ტლაპოშიო? რა უფლება გქონდა შენ, მილიციის უფროსს, ასე თვითნებურად მოქცევისო. სხვანაირად მევლუდს ჭკუას ვერ ვასწავლიდით, მის ვაჟკაცობაზე უნდა გავსულიყავით-მეთქი. რაკი აგრეა, ახლა ჩვენ გავალთ შენს ვაჟკაცობაზეო. თურმე მეთქვა თავიდანვე უარი. თვითონ ჩახტა ტლაპოში-მეთქი. რას ვუქნიე თავი ბატკანივით. მე მეგონა ამ საქციელს ორიგინალობად ჩამითვლიდნენ. ინდივიდუალურ მუშაობას რომ გვთხოვენ, ესაა სწორედ. ყველას არ ასწორებს, ბატონო, ციხე და სასამართლო, ხანდახან ამნაირი გზაც საჭიროა. მთელმა სოფელმა ნახა, რა ვაჟკაციც იყო მევლუდ ხაჭიძე, ამიტომაც აღარ დაედგომებოდა სასირეთში და თავისით მოშორდა ერთი წურბელა სოფელს. ოთხი თვეა მთელი რაიონი და სამინისტრო ჩემზე და მევლუდ ხაჭიძეზე ლაპარაკობს. ღღინში ჩამსდიეს, რომ იტყვიან. ჩემზე გაამარჯვებინეს ქურდს და გარენარს, ჩემზე, ძალლივით ერთგულ კაცზე ამ კანონისთვის და ამ სახელმწიფოსთვის. ვთქვათ დამნაშავე ვარ ცოტა რალაცაში, ამისთვის მოხსნა და გაგდება მეკუთვნის? შენი მუხლები ჩირიმე, შენ ქვეყანა გიცნობს და გაფასებს, მოუყევი მინისტრს ასე, როგორც გითხარი ყველაფერი, თურამე დამემალოს, სამი ბავშვი არ დამხვედროდეს სახლში. ნუ გადავაცოლებთ კაპიტან კაცს ქურდ მევლუდია ხაჭიძეს-თქვა. არაა გერვასი მაგის ღირსი-თქვა. ქვეყნის მაღლობები აქვს მიღებული ერთგული სამსახურისთვის-თქვა, ასე უთხარი. შენსას გაიგონებს და ჩემი მოსმენა არავის უნდა. სერიოზული კაცი გვეგონე და კაცს ტლაპოში უკარი თავი, თავს იმართლებ კიდევ შენო? ჩვენი განყოფილების რეფერენტმა გუშინ სიტყვა არ დამამთავრებინა, კარზე მიმითითა. რა იცის მაგან, რა არის ცხოვრება. ქურდი მარტო კინოში უნახავს, თავის კაბინეტს არ გაცილებია და მე მასწავლის ჭკუას.



იხელო

სამსახურის შოვნაზე ადვილი რაა ქალაქ ბალახვანში, მაგრამ იხელო ფარცვანიას მაინცდამაინც წუნმდებლის ადგილი უნდოდა და მაინცდამაინც კოტონ-წინდების ფაბრიკაში. ხოლო წინდების ფაბრიკაში, სადაც საჩქაროდ სჭირდებოდათ მქსოველები, ხარაზები და ღამის დარაჯებიც კი, რალაც იღბლად, წუნმდებლის ყველა თანამდებობა დაკავებული იყო. ეგეც ჩემი ბეღიაო, – იძახდა იხელო ფარცვანია, – რად მიწოდოდა ოთხი წელი სწავლა და სართავ-სატრიკოტაჟო სასწავლებლის წარჩინებით დამთავრებო, მე რომ მქსოველის ან ხარაზის ადგილს ვითხოვდე, მაშინ წუნმდებლის ადგილი თავისუფლად იქნებოდაო. ჩემთვის განყდება ყველაფერი. არაფერი არ მეკუთვნის ამ ქვეყანაზეო, ისე ვატყობ ჩემს ცხოვრებას მეო. დავიცდი, ბატონო, მაგრამ სანამ ვიცადო, დედაჩემის პენსიაზე სანამ ვიცხოვრო ამხელა კაცმაო.

ადამიანებს მაშინ ევსებათ მოთმინების ფიალა და მაშინ ანებებენ ლოდინს თავს, როცა მათი ნანატრის ასრულებამდე დათვლილი საათები რჩება. ჩვენი გმირი კი უფრო ჯიუტი აღმოჩნდა, ვიდრე კოტონ-წინდების ფაბრიკის კადრების განყოფილებაში ფიქრობდნენ. იხელო ფარცვანიამ იცადა, იცადა და თავისი გაიტანა. გუშინ დაინერა უმცროსი წუნმდებლის თანამდებობაზე მისი დანიშვნის ბრძანება და დღეს პირველად მიდის სამსახურში საგულდაგულოდ გამონყობილი.

მკაცრი თმა დიდის რუდუნებით შუაზე გაყოფილი, მომწვანო-მოყვითალო გარდავამავალი ფერის კოსტიუმი – შარვალს რომ გარკვევით ამჩნევია ორი ხაზი (ძველი და ახალი განაუთავები). ლურჯმინებიანი მზის სათვალე – შრომა-გასწორების კოლონიის მიერ სერიოზულად გამოშვებული. წითელი ნეილონის ჰალსტუხი და ნეილონისვე თეთრი პერანგი. მაღალქუსლიანი და სქელლანჩიანი ტუფლები გაერთიანება „ბალახვანის იბერიის“ სამოდელო ნაწარმი – ეს რაც შეეხება

ჩაცმულობას. სხვა მხრივ იმედო კაცური კაცია. ხელში, მეტი სერიოზულობის მისაღებად, ცარიელი პორტფელი უჭირავს და მხნე ნაბიჯებით მიდის ავტობუსის გაჩერებისკენ.

ეჩქარება. გუშინ საამქროს უფროსმა საგანგებოდ გააფრთხილა – არაფერს შენგან არ მოვითხოვთ, სამსახურში დროზე მოსვლის გარდაო. თუ დაგვიანებას დაინყებ, ახლავე დავშორდეთ ერთმანეთს აჯობებს ორივესთვისო. დილით უბეჭდო პროდუქცია თუ გავიდა, თავი მოგვეჭრებაო. დროზე გამოცხადდი და მერე თუ გინდა, ნურაფერს გააკეთებო. ყველაფერს გაპატიებთ დაგვიანების გარდაო.

დაგვიანებით როგორ დაიგვიანებს, ადრე ადგომა მაინცაა მისი ნება. დაიგვიანებს კი არა, თუ უბრძანებენ საამქროში გაათევეს ლამეს. აქამდე იყო საქმე, თორემ ანი იმედომ იცის, როგორ გამოიჩინოს თავი. აუხდა ბავშვობის ოცნება – წუნმდებლის საპატიო და საამაყო თანამდებობა არგუნეს. უკეთესს რას ეტყოდნენ. არ დაიგვიანო, მეტს არაფერს გთხოვთო. არდაგვიანებაზე ადვილი რა არის.

ავტობუსის გაჩერებამდე აღარაფერი აკლდა, ფურნის ჩასახვევთან, კუთხეში შეჯგუფულ ბავშვებს რომ მოჰკრა თვალი. არ გაჩერდებოდა, ლეკვი რომ არ შეემჩნია. ამ ადგილას არხის ტოტი ჩამოდიოდა, ცემენტით ამოლესილი. შედგა და დააყურა, ოთხი ბიჭი ლეკვით ერთობოდა. ყველაზე მაღალი მათ შორის, ათზე მეტი წლის არ იქნებოდა. გადააგდებდნენ გალუმპულ ლეკვს წყალში, საცოდავს ცემენტზე თითები უსრიალებდა, ძლივს ამობობდებოდა ნაპირზე ნკმუტუნ-ნკავნკავით, ტანის გაფერთხვას ვერც კი მოასწრებდა – სტაცებდნენ ხელს და ისევ წყალში გადაუძახებდნენ.

იმედოს გული შეეკუმშა. არც დაფიქრებულა, ლეკვს ხელი სტაცა და ბიჭებს შეუბღვირა:

– საგლახაო მეტი ვერაფერი ნახეთ?

– უპატრონოა, ბიძია! – არ დაიბნა მაღალი.

– უპატრონოს მოგცემთ მე თქვენ, კლასში არ გაგვიანდებათ?! მოუსვით ახლა აქედან, სანამ არ მომიცია თქვენ-თქვენი ყურები ხელში!

ბიჭები ტყაპატყუპით ჩაცვივდნენ თავდაღმართში და სკოლის მისახვევში გაუჩინარდნენ.

იმედომ ჩანთიდან ნეილონის პარკი ამოიღო, ლეკვი შიგ ჩასვა და გულზე მიიკრა.

„ვისი ხარ, შავდრუნჩიანო, ვის დაეკარგე? მე რომ არ გამოგჩენოდი, ხომ დაგახრჩობდნენ ის ოხრები. ნუ ნკმუტუნებ, ნუ გეშინია, ანი არაფერი გიჭირს. ვისი ხარ, სად წაგიყვანო? გშია? რატომ ამთქნარებ ასე ჩქარ-ჩქარა? არ გიძინია ნუხელის? დედაშენი ახლა, ალბათ, ერთ ამბავშია, ცას და ქვეყანას აწრიალებს, ხომ გყავს დედა? წამოდი, ჩემთან წაგიყვან. თუ გამოგიჩნდა პატრონი, ხომ კარგი, თუ არა და იყავი ჩვენთან, სანამ გაგიხარდება, ლუკმას როგორ დაგამადლი, არაა გლახა ქალი დედაჩემი, ნახავ, შენც“.

ლეკვს ამასობაში ჩაეძინა კიდეც და იმედოს იგი, რაც შეეძლო, ფრთხილად მიჰყავდა, რომ მთელი დღის დაღლილი და ნანერვიულევი უმწეო არსება არ შეენუხებინა, მკლავი დაუბუყდა. ჩაძინებული ლეკვი უფრო მძიმე იყო და გასაოცარ სითბოს გამოსცემდა.

– ვისია, იმედო, ეს ლეკვი? – დედამ აივნისაგან დაინახა.

– ჩამოდი ჩქარა, გამომართვი! სამსახურში მაგვიანდება. მოდი, შეხედე, დედაჩემო, რა ლამაზია. ბალკონში წყალი დაუდგი და ბორჯომის ცარიელ ყუთში თექა ჩაუფინე. გამოადგი ფეხი, დამაგვიანდა სამსახურში!

– ლეკვის თავი გქონდა, ამისთვის გეცალა ამ დილას შეენ? – ბუზლუნებდა შავთავსაფრიანი ქალი და მარქსის მოედნისკენ გაფრენილ შვილს გაჰყურებდა.

რასაკვირველია, დააგვიანდა. საამქროს გამგე – სილიბისტრო ხარაძე ტანდაბალი, ელამი კაცი, რომელსაც თავის ტანთან შედარებით არაჩვეულებრივად ძლიერი ხმა ჰქონდა, კარებთან დახვდა.

– ჯერ არ დაგინყია მუშაობა და ასე დამინყე შენ?

– ბატონო სილიბისტრო...

– არ უნდა „ბატონო“ ამას. რა გთხოვე გუშინ? ყველაფერს გაპატიებ, დაგვიანების გარდა-თქვა, არ გითხარი?!

- კი მითხარი. - ენა გაუშრა იმედოს.
- მერე?
- ლეკვს ახრჩობდნენ წყალში ბავშვები.
- ვინ ბავშვები?!
- ქუჩის.
- რომელ ლეკვს? - გამოაჯავრა სილიბისტრომ.
- პატრონი ახლაც არ ვიცი ვინაა. დედაჩემს მიუყვანე სახლში. თუ მოაკითხა ვინმემ, ქე გაატანს.

სილიბისტრომ ჯერ გულიანად გაიცინა, მერე უეცრად ალაგმა სიცილი. იმედოს სერიოზული სახით დააკვირდა და ისევ სიცილი აუტყდა. ახალმა წუნმდებელმა დასჯის წუთები დამთავრებულად ჩათვალა და კარის შეღება დააპირა, მაგრამ გამგის მქუხარე ხმამ ადგილზე გააცვივა.

- პირველი და ბოლო იყოს ეს დაგვიანება შენთვის! მაგნიური სისულელე, ახლა რომ მითხარი, აღარ გამოიგონო, თვარა ლეკვს მოგცემ მე შენ. არ დაგავინყდეს, პირობით რომ ხარ მიღებული! სანამ თვე შეგისრულდებოდეს, შენს მოსახსნელად არც პროფკომია საჭირო და არც ადგილკომი!

სილიბისტრომ ხმამაღლა, სხვების გასაგონად ლაპარაკობდა: აქაოდა შემომხედეთ, რა მკაცრი და შეუვალი ვარო. აღმაცერი შუბლი, მომცრო, წინ წამოსული ცხვირ-პირი, ვინრო ბეჭები და თეთრი, გათხელებულ-გადასლექილი თმა, ერთი სიტყვით, საამქროს გამგე ფქვილის ტომრიდან ამოსულ თაგვს ჰგავდა.

მეორე დღეს იმედომ გუშინდელი დანაშაულის ერთიორად გამოსყიდვა გადანყვიტა. ყველაზე ადრე გამოვცხადდები, ნახოს სილიბისტრომ, რა ბიჭი ვარო. შვიდი არც იყო, უკვე №9 ავტობუსში იჯდა და, რომ ყველაფერი კარგად წასულიყო, რვის ნახევარზე სანუნო საამქროს კართან იქნებოდა.

ვილაც მხარზე შეეხო. ოციოდე წლის, დაბადებიდან თმაშეუკრეჭავი, ჯინსიანი ყმანვილი მუყაოს ნაგლეჯს აწოდებდა.

- მე? - გამოართვა ქალაღდი იმედომ.
- აააა! - თავი დაუქნია ბიჭმა.
- „შმიდტის მეორე შესახვევი, №9“ - ხმამაღლა წაიკითხა იმედომ.

- შმიდტის ქუჩა საკირესთან არაა? - ჰკითხა იმედომ გვერდით მჯდომს და პასუხს არც კი დაელოდა, ჯინსიანს მიუბრუნდა - თქვენ ოთხ ნომერს უნდა გაყოლოდით, ეს ავტობუსი სხვაგან მიდის.

- აააა! - დაიზმუვლა ყმანვილმა, მერე ენაყურზე ხელი მიიღო და ჰაერში შეათამაშა (ე. ი. არა მარტორ ვერ ვლაპარაკობ, ყურშიც არ მესმისო).

- მუნჯია, ხომ ხედავ, არ ესმის ჩვენი ენა მაგას! - აღმოაჩინა იმედოს გვერდით მჯდომმა.

წუნმდებელი შენუხდა.

- რა ვუყო ახლა, როგორ გავაგებინო შმიდტის ქუჩას ეძებს და ამ ავტობუსს ბოლომდე თუ ჩაყვა, სულ დაიბნევა. ოთხ ნომერზე უნდა დაჯდე, ოთხზე! - დამარცვლით ჩასძახა იმედომ.

- აააა! - ნალვლიანად ამოხედა მუნჯმა და ისევ დაიფარა ხელი ყურზე და ენაზე.

- ისე გეიგონა შენმა დამანყევარმა, როგორც მაგას ესმის. არადა რა მშვენიერი ბიჭია, რამ დააყრუა ნეტავი ეს უბედური. - ჩაილაპარაკა ვილაცამ უკანა რიგიდან.

- რამ დააყრუა და გამჩნმა, - უპასუხეს მას.

- ვაი შენს დედას, უბედურს - შეიცხადა მარტოსკამზე შესკუპებულმა ფუმფულა კონდუქტორმა ქალმა.

- უბედური კი არა, მაგაზე ბედნიერი კაცი არაა. მე თუ მესმის ათასი ოხრობა ყოველდღე, იმიტომაა წინ ჩემი საქმე, - უკბილოდ იხუმრა ვილაცამ.

- ოთხი! ოთხი! - ოთხი თითი აჩვენა იმედომ მუნჯს.

- აააა! - ჯინსიანს ეტყობოდა, რომ არითმეტიკის ანბანსაც სუსტად იცნობდა.

იმედომ საათზე დაიხედა და მტკიცე გადანყვეტილებით წამოდგა.

- წამოდი! - გაუღიმა მუნჯს და გასასვლელისაკენ გაემართა.

პირველივე გაჩერებაზე ჩავიდნენ. იმედომ ხელი მოჰკიდა და პატარა ბავშვივით გადაიყვანა ქუჩაზე. რატომღაც მიიჩნია, რომ ყრუ-მუნჯი ადვილად შეიძლებოდა ცოტა ბრმაც ყოფილიყო.

მოედნამდე ტროლეიბუსით მივიდნენ, ონის გადასახვევთან ოთხ ნომერში ჩასხდნენ და საკირესთან არც კი იყვნენ მისულნი, რვა საათი რომ შესრულდა. შმიდტის გაჩერებაზე ჩავიდნენ.

– აქედან გააგნებ სახლში?! – ჩასძახა იმედომ ყურდალუქულ თანამგზავს.

– აააა! – მუნჯმა მუყაოს ქალაღი დააძრო და ადამის ვაშლზე მოიკიდა საპირჯვარედ მომზადებული სამი თითი. ამით აგრძნობინა, – რაკი ამხელა სიკეთე მიყავი, სახლამდე მიმიყვანეო.

– დამაგვიანდა! გესმის შეენ?! – იმედომ საათზე დაახედა.

– აააა! – თავისას არ იშლიდა ყმანვილი.

– ჯანდაბას შენი თავი, წამოდი, აბა, ჩქარა.

ვანაძეების ღელესთან, ბოგირქვეშ რომ გადიოდნენ, მუნჯი ალაპარაკდა:

– რაც გაქვს ფული, ამოიღე ახლა ჯიბიდან და მაინც გაგვიანდება, უკანმოუხედავად გაიქეცი, თვარა იმდენს გირტყამ, ბარაბანს რომ არ მოხვედრია!

სხვათა შორის, დამცემი უშეცდომოდ და უაქცენტოდ ლაპარაკობდა.

იმედოს ჯიბეში მხოლოდ და მხოლოდ შვიდი მანეთი აღმოაჩინდა, რამაც ჯინსიანი ძალიან ააღელვა.

– შვიდ მანეთზე მეტი თუ არ გიჭყავის ჯიბეში, რად გინდა ამ გალსტუკს რომ იკეთებ, შე უპატრონო. გახსენი ჩანთა. ძველი გაზეთები მაინც ვერ ჩაანყვე, ან პური და ყველი მაინც ვერ წამოიღე? ჩემზე დავსებული ხარ, ვილაცა ხარ. მანახე საათი? რა დროის „პაბედაა“, ახლა ვილას უკეთია ეგ ჯართი, შე გამჩენძალლო, არ ააშენებ, ვილაცასთან მიდიხარ ამ დილას?

ჯიბიდან დანა ამოიღო, ლილაკი გაატკაცუნა და იმედოს რომ მიუახლოვდა, წუნმდებელს ადამიანის ფერი აღარ ედო.

– ნუ გეშინია, – გული გაუკეთა ქურდმა, – ჰალსტუხი გამოქაჩა, ნასკვთან ოთხი თითის დადებაზე შეაჭრა და კბილებში გამოცრა:

– შეაყოლე ახლა, უკან არ მოიხედო, რავარც გითხარი, და ქურჩაში გამარჯობის თქმა არ დამინყო, თვარა გამოგჭრი ყრონტს.

– მესმის, – თავი დაუქნია იმედომ და გზაზე აირბინა. უკან

როგორ მოიხედავდა. ასე ეგონა, თითქოს დანიანმა ჯიბგირმა სიცოცხლე აჩუქა. გულში ცოტა მადლიერიც კი იყო მისი, ჰალსტუხის შეჭრას თუ მხედველობაში არ მივიღებთ, ცუდად არ მომექცაო.

რასაკვირველია, დააგვიანდა, საამქროს გამგე სილიბისტრო ხარაძე, ტანდაბალი, ელამი კაცი, რომელსაც თავის ტანთან შედარებით არაჩვეულებრივად ძლიერი ხმა ჰქონდა, კართან ელოდებოდა.

– ეს ხარ სულ? ესაა შენი პირობა? წადი ძმაო, შენ შარს გადამკიდებ რალაცას! შენი გულისთვის სმენა ვერ გავუშვი სახლში! გაათიე აბა შენ, რავარი გასათევია ღამე!

– სილიბისტრო ბიძია...

– კი, სილიბისტრო მქვია.

– ბანდიტი დამესხა თავზე!!

– რააო? ახლა მაგას ვჭამ მეე? სად იყო, ბიჭო, ბანდიტი ამ ცხრა საათზე?

– ა ნახე, გალსტუკი შემაჭრა! – იმედომ შუაზე გაჭრილი ჰალსტუხი ამოიღო.

სილიბისტრო ხარაძის სიცილიმა იქაურობა გააყრუა, მაგრამ, როგორც იცოდა, უეცრად მოგუდა სიცილი.

– არ ხართ ქრისტიანი?! მიშველეთ, თვარა შემომაკვდება ეს კაცი. ცოტა ჭკვიანურს მაინც მოვიგონებდი რამეს. ტყვილშიც არა გაქვს შნო, შე უპატრონო? ყაჩაღი დამესხა დღისით-მზისით ავტობუსშიო, ვინ დაგიჯერებს მაგას. ახლა მეორე საყვედურს გაძლევ. კიდევ ერთი დაგვიანება და შენი ღუხი არ ვნახო აქ! – საამქროს ხელმძღვანელი არ ხუმრობდა.

მესამე ღელეს, ექვს საათზე, იმედომ ასეთი გადანყვეტილებით გაიღვიძა: ბაბუაჩემი ექვთიმე ფარცვანია რომ ადგეს საფლავიდან და კიკვიძის ძეგლთან დოინჯშემოყრილი დამხვდეს, ხელის ჩამოსართმევადაც არ გავუჩერდებო. ფათერკს რომ არ გადავეყარო, სასაფლაოზე გადავირბენ და მარქსის მოედანთან ალაგეზე გადავხტებო. იმედოს სახლს ჩრდილო-დასავლეთით ოლასკურას სასაფლაო ესაზღვრებოდა.

ალაგეზე გადახტა და ღელეზე გადებულ მორზე რომ გადიოდა, ძირს, თეთრ კენჭებში კუ შენიშნა, ეტყობოდა სასაფლაოს

ეზოდან ცივილიზაციისკენ მცირე ექსკურსია გადაენწყვიტა და თხრილში ჩაგორებულიყო. იმედო არ გაჩერდებოდა, კუ რომ პირალმა არ გდებულიყო. ფეხებს და გველისნაირ თავკისერს სანყალობლად აფხარკალებდა. გადმობრუნებას ამაოდ ცდილობდა. კაი ხნის უნდა ყოფილიყო, რადგან ყველა კუზე დიდი იყო, რაც აქამდე იმედოს ენახა ოლასკურას სასაფლაოზე.

იმედომ ფეხსაცმელები გაიხადა, შარვალი აიკაპინა, ლელეში ჩასასვლელი მოძებნა, კუ გადააბრუნა და გამობრუნდა.

გაჩერებასთან არც კი იყო მისული, რომ გამოტრიალდა. ისევ გაიხადა ფეხზე, აიკაპინა შარვალი, კუ ხელში აიყვანა (საკმაოდ მძიმე ერვენა), ალაგეს გადააბიჯა და პრეისტორიული ცხოველი ბალახში გაუშვა.

სანამ ავტობუსი მოვიდოდა, იმედომ ისევ მოიფიქრა რაღაც. გამობრუნდა, კუ მოძებნა, გახეთში გაახვია და შინისკენ გაარბენინა.

რასაკვირველია, დღესაც დააგვიანდა. საამქროს გამგე, – სილიბისტრო ხარაძე, ტანდაბალი, ელამი კაცი, რომელიც შესახედავად ფქვილის ტომრიდან ამოსულ თავგს ჰგავდა, მაგრამ თავის ტანთან შედარებით არაჩვეულებრივად ძლიერი ხმა ჰქონდა, კართან ელოდებოდა.

არაფერი არ მომხდარა. ვინ იცის, რა იფიქრა სილიბისტრომ, შიშისაგან წელში მოხრილი, თვალებად ქცეული წუნმდებელი რომ დაინახა, გაუცინა და გულისამაჩუყებლად წყნარად და დაყვავებით უთხრა:

– მაჯობე და ეგაა ძმაო. შენ ყოფილხარ, რაც ყოფილხარ. დასახვრეტად მოვანერ ხელს; შენ შენი მიზეზით დამგვიანებული ბიჭი არა ხარ. შედი, შედი, იმუშავე.

იმედომ არ იცოდა, როგორ მოქცეულიყო, თვითონაც აყოლოდა სიცილში მრისხანე გამგეს, თუ მადლობა ეთქვა და ღია კარში ედურთა თავი.

ენუქი

ეს ამბავი იმ საუკუნეში არ მომხდარა და რასაკვირველია, არც პაპაჩემს უამბუნია ჩემთვის. ანდრო კეზევაძე რომ აღმასკომს თავმჯდომარეობდა, აგერ ა, გუშინ იყო. ენუქი ტყაბლაძეზე კი მე რა უნდა გითხრათ, მაგოდენა მსახიობი ქალაქ კვაისაში კი არა, დედაქალაქშიაც ბევრი არ მეგულება. ხმა რომ დაირხა, კეზევაძემ, თურმე, ენუქის ასეთი საქმე დამართაო, გამეორების კი არა, გაგონების გვემინოდა მაშინ. ჩემს ნათქვამად ახლაც ნუ ეტყვი. ახლა მონკავშირის თავმჯდომარეა და რაღაცა ერთი ტურის ლიცენცია მერგება წელიწადში, იმაზეც უარს მეტყვის, გამიყიდის და უყარე მერე კაკალი.

ენუქი ტყაბლაძემ ოცდახუთი წელი მოათია ჯაჭვის ხიდთან, მკერავ ჯიქიას თერთმეტმეტრიან ოთახში მდგმურად. სამი ბავშვი იქვე გამოზარდა. ახლაც იქ იქნებოდა, კეზევაძე რომ არ გადაეყვანათ და ჯიქიას ბინა ქუჩის გაფართოებაში რომ არ მოყოლილიყო. რა ჩემი დახასიათება უნდა, ჩემზე კარგად იცით ყველამ, ბუნება აქვს ასეთი ენუქის. მოკალი და თავის საქმეზე ნუ მიიყვან სადმე, თავის გასაჭირს არავის შესჩივლებს. სხვისთვის, იცოცხლე, წყალში ჩადგება, მოგეხსენებათ, ქვეყანა ანუხებს. ქალაქში ტყაბლაძისთან სახელს და გამავლობას ბევრი ვერ დაიკვებხის. ყველას პატრონი და ქომაგი ენუქია. თვითონ კი ნაქირავებში გაატარა თითქმის მთელი ცხოვრება. ამ ახალმა თავმჯდომარემ (აშენდა მისი ოჯახი) დაიბარა და პირდაპირ უთხრა თურმე, გავიგე, რომ უბინაო ბრძანებულხართ, სადაც დაადებთ ხელს, იქ მოგართმევთ ბინას ხვალვეო. გოდოგნის დასახლებაში კი არ გაუშვა, აქვე, ცენტრში მისცა სამოთახიანი ბინა. ისე იყო ენუქი უბინაობით ილაჯგანყვეტილი, რომ არც გოდოგანზე იტყოდა უარს. მაგრამ სამართალი იქნებოდა ეეს? ამ კვაისას შესწირა კაცმა მთელი სიცოცხლე და ჯანი, ვინ გაჩერდა ჩვენს თეატრში, ცოტა ნიჭი ვინც შეატყო თავის თავს? დაჰკრავდა ფეხს და გადავიდოდა თბილისში ენუქიც და წარმოიდგინე ახლა, რა იქნებოდა ჩვენი

თეატრი მის გარეშე. კაკოია ჩაგუნავა გითამაშებდა, როგორც იტყვი, ოიდიპოსს და ურიელ აკოსტას. მოკლედ, სანამ ანდრო კეზევაძე აღმასკომი იყო, ენუქი ხშირად დადიოდა თურმე მასთან, მაგრამ, ხომ გითხარით, სულ სხვის საქმეზე, ხან ხელმოკლე მსახიობისთვის დახმარებას სთხოვდა, ხან თავისი ინვალიდი ნათესავისთვის პატარა ადგილს. ბინის სათხოვნელადაც ბევრჯერ მისულა, სხვისი ბინისთვის რასაკვირველია.

თხოვნით კი თხოვდა ენუქი, მაგრამ შენ გგონია, უკეთებდა კეზევაძე რამეს? შენ არ მომიკვდე. ანდრომ მშვენივრად იცოდა, რა ხვეწნა-მუდარით იყო მოყვანილი ცნობილი მსახიობი მის კარზე, ამიტომ ტყუილი დაპირებით და სიცილ-ხუმრობით გამოისტუმრებდა უკან. აქაოდა შენ ხომ მოჰყევი, შენი მოვალეობა შეასრულე, კაცი მოიმაღლიერე, მეტი რალა გინდაო.

ერთხელაც თურმე მთელი თეატრი დაირაზმა და მივიდა თავმჯდომარესთან – ენუქი აუტანელ პირობებში ცხოვრობს, როლის მოსამზადებელი ადგილი კი არა, ჩაის დასალევი მაგიდა არა აქვს სახლში და ბინა უნდა მიეცესო. დაიბარა მეორე დღესვე კეზევაძემ ენუქი: ქვეყანას რომ პატრონობ და შუამდგომლობ, შენ თუ ბინა არ გქონდა, ვერ თქვი, შე კაცოო? რატომ ჩამაგდე ამხელა სირცხვილში, ვინმემ რომ გაიგოს, იფიქრებს, თითქოს შენ ითხოვდი და მე არ გაძლევდი ბინასო. არავის გაუმხილო ეს ამბავი, თუ კაცი ხარ, და ერთ კვირაში ორდერი ხელში გექნებაო. ბარე ორმა კვირამ ჩაიარა იმის შემდეგ, მაგრამ, როგორც შენთვის არ მოუცია ბინა კეზევაძეს, ისე ენუქის ორდერისთვის არ შეუნუხებია თავი. ათასში ერთხელ თუ შეხვდებოდნენ აქტივზე თავმჯდომარე და მსახიობი ერთმანეთს, კეზევაძე მოუბოდიშებდა, კი გამოჩნდა ამ თვეში რამდენიმე ბინა, მაგრამ შენი საკადრისი არ იყო და ცოტაც მომითმინეო. ენუქიც ითმენდა, რა მეტი გზა ჰქონდა. თქვენ გგონიათ, ვერ ხვდებოდა თავმჯდომარის ქარაქუცობას? ტყაბლაძეს რა გამოეპარებოდა. ცუდს არ მკადრებენ და კარგს არ მაღირსებენო, ჩაიცინებდა, როცა ჰკითხავდნენ, ისევ ნაქირავებში ცხოვრობ ენუქიო? ერთხელ კიდევ მიადგა დარაზმული თეატრი აღმასკომს, ერთხელ კიდევ მიაყენეს თავმჯდომარე კუთხეში; სამარცხვინო ამბავი გვჭირს, ქალაქის პირველ მსახიობს ბინა არა აქვსო. კოლექტიურად მოსული მთხოვნელების შიში ჰქონდა

კეზევაძეს, თორემ თეატრი არ ეხატებოდა მაინცდამაინც გულზე, ამიტომაც ჩაიქნია ხელი და სამი დღის მერე აღმასკომმა ტაშის გრიალში მიაკუთვნა ენუქი ტყაბლაძეს ცეკავშირის თავმჯდომარის გამონაცვალ ბინა საირმის ქუჩაზე. შენ გგონია, ამით დამთავრდა ყველაფერი? არა, ჩემო კარგო, ამით ყველაფერი დაიწყო, დამიგდე კარგად ყური.

მიდის მეორე დღეს გახარებული მსახიობი თავის ახალმიღებულ ბინაში. აკაკუნებს, ისე ყოველ შემთხვევისათვის. კარის გაღებას არ უგვიანებენ. შემოსასვლელში აკვანი დგას. სასტუმრო ოთახიდან ბავშვების ჟივილ-ხივილი ისმის. მობრძანდით, ბატონო, სტუმარი ღვთისააო, ეპატიჟება „მასპინძელი“ – ოცდაათიოდე წლის სახენაყვავილარი კაცი. მისი ცოლი სკამს წმენდა-წმენდით მოარბენინებს. გაივლ-გამოივლის ენუქი თავის ბინაში და ბოლოს ამოხვრით ეტყვის ხელდაჭდეულ დამხვდურებს – ენუქი ტყაბლაძე ვარ მეო. ვიცით, ბატონო, ვინ არ გიცნობთ თქვენო, ერთმანეთს ასწრებს ცოლ-ქმარი. ეს ბინა მე მომცა გუშინ აღმასკომმა და როგორ იქნება ჩემი საქმეო, მღელვარებისაგან პირი უშრება მსახიობს. ვიცით, ბატონო, ეს ამბავიც ცნობილია, ჩვენთვისო, – ტირილით ამბობს ცოლ-ქმარი, – ანდრო კეზევაძის ოჯახი დააქცია ღმერთმა. რვა წელია გვატყუებს, თავშესაფარიც კი არ გაგვარჩნია, სამი ბავშვით ოთახსაც არავინ გვაქირავებს. რა გვექნა, რა წყალში გადავცვენ ილიყავით, ავდექით და ჩავიდინეთ ეს უღირსი საქმე. წუხელის შუალამეზე გავტეხეთ კარი და შემოვცვივდით ამ ბინაში. თქვენ ყველაფერს ვერ გეტყვით, ბატონო, როცა იქნება, გაირკვევა ჩვენი სიმართლე. ახლა, თუ ჩადგებით ჩვენს ცოდვაში და ამ სამი თოთო ბავშვით გაგვყრით ქუჩაში, თქვენს კისერზე იყოს ჩვენი ცოდვა, თუ არა და ჩვენ ვიკითხოთ, თორემ თქვენ სახელოვანი კაცი ხართ, ხვალვე მოგიძებნიან სხვა ბინასო.

რა უნდა ექნა ტყაბლაძეს? სამი ბავშვის გარეთ გამგდები იყო ენუქი? გამოტრიალდა და მიადგა ისევ თავმჯდომარეს; თუ კაცი ხარ, ცოდვას ნუ შემამთხვევ, ანგელოზივით ხალხი ცხოვრობს იმ ბინაში, ჩემზე პატარა ბავშვები ჰყავთ, ამ სიცივეში სად წავლენ, იქნებ სხვა ბინა მომცეთ როგორმეო. რას ჰქვია სხვა ბინაო?! ყასიდად დაიქუხა თურმე კეზევაძემ. ახლავე მილიციის ძალით გამოვყრი გარეთ მაგ არამზადებსო.. ენუქის

ბინის მიმტაცებლების გვარი რომ გაიგო, თავის დავთარში ჩაიხედა, ცოტა ხმას დაუნია: – ისე რვა წელიწადი რიგში არიან, მაგათაც ეკუთვნის ბინა, იქნებ პროკურორმა გამოსახლების ორდერზე ხელი არც კი მოგვინეროსო. გაეხარდა ტყაბლაძეს, ჰოდა აგაშენა ღმერთმა, ნუ გამოასახლებ, მათი საცოდაობით ვერ გაიხარებს იმ ბინაში შემსვლელიო. ახედავს ჭერს თურმე ანდრო კეზევაძე, რა გიყო აბა, შენო? უნდა მომითმინო ცოტა ხანს და აღმასკომის გადაწყვეტილებით ბინა მაინც მოცემული გაქვს, ამ დღეებში გავახაზირებთ რამესო.

მოთმენა-მოთმენაში ორი წელი გავიდა. დაირაზმა ისევ თეატრი და ეახლა თავმჯდომარეს. შუბლში იტკიცა თურმე ხელი კეზევაძემ; როგორ მომრჩა ენუქის ბინის საქმეო. ცოტა არ იყოს, თავიც კი იმართლა. მივეცით ერთხელ ბინა, ჩემო ბატონო, მაგრამ სხვამ შეასწრო და რა ჩვენი ბრალიაო.

ბევრი რომ აღარ გავაგრძელო, მისცეს მეორედ ბინა ენუქი ტყაბლაძეს. ამჯერად გოჭოურაზე, საკირესთან, ახალაშენებულ ოთხსართულიან სახლში. მიაქვს ფრიალ-ფრიალით ორდერი, სახლმმართველიც გაიყოლია, ეშმაკს თვალი არა აქვსო, ისე ყოველ შემთხვევისათვის მიადგა თავის ბინას. კარი ღია დახვდა. მრავალჟამიერი მოისმის ისეთი, რომ ჭერი ჩამოაქვს დაბლა. შეყო თავი სასტუმრო ოთახში სახლმმართველმა და გველცემულივით გამოტრიალდა – ათამდე კაცი ზის და ქეიფობს, როგორ მოვიქცეთო ენუქიმ პირის გაღება ვერ მოასწრო, სტაცეს ხელი ორივეს და შეარბენინეს. ენუქის შესვლისას შეწყდა სიმღერა და მასპინძელი (ნოტარიუსის ძმა, ტაქსის მძლოლი გელა იაშვილი) ლალისფერი ჭიქით ხელში სადღეგრძელოს ამბობს. „– ბედნიერი კაცი ვარ, ჩემი ბინის მიღების ამბავი ჩემს უსაყვარლეს არტისტს ბატონ ენუქისაც შეუტყვია და მოსალოცად მოვიდაო“. ჰაი იქეთ, ჰაი აქეთ, აჯახეს შენს ენუქის ოთხი-ხუთი ჭიქა, არის პირზე კოცნა და მადლობა – ქათინაურის ნიაღვარი – შენხელა მსახიობი ჩემს გვარსაც კი არ წვევია მიდღემჩიო. სხვა რომ ყოფილიყო შენს ადგილზე, არც კი გაახსენდებოდა საწყალი ტაქსის შოფერი, არც კი იკადრებდა ჩემს ღარიბულ სუფრაზე მოსვლას და ჩემი ოჯახის დალოცვასო. მოკლედ, სხედან და ქეიფობენ ენუქი და სახლმმართველი. რა ჰქმნან? იტყოდი შენ ასეთ ვითარე-

ბაში, ბინა ჩემია და დაცალეთ ახლავეო? ვერ იტყოდი. გვიან რომ აიშალნენ და, კიბეზე ჩამოდიოდნენ, მასპინძელი დაენია ტყაბლაძეს, ხელკავი გამოსდო და განზე გაიყვანა, – ვიცი, ბატონო, ენუქი, ყველაფერი ვიცი, სირცხვილით ვინვი, რომ გიყურებთ, მაგრამ ანდრო კეზევაძეს დააბრალებთ ყველაფერი. ანდრომ ჩამაგდო ამ დღემიო. დიდი ხათრი და სიყვარული მაქვს თქვენი, მაგრამ ცოცხალი თავით ვერ გამოვალ ამ ბინიდან და მკვდარს თუ გამიყვანენ, არ ვიციო. ვიფიქრე, ვიფიქრე და ასე გადავწყვიტე. უნამუსოები არიან მაგენი და უნამუსო ვირს უნამუსო პალო უნდა, ხომ იცით თქვენო. აღარ გაძლა კეზევაძის მუცელი. ჩემნაირ უსახსროს და უპატრონოს ბინას არ აღირსებს კანონიერად აღმასკომი. მშვენიერ კარგად ვიცი მეო. ძალით რომ ვინმემ მომინდომოს გამოყვანა, ერთ ორ კაცს თავს წავაცლი იცოდეთ და კეზევაძემ ზიდოს მერე იმათი ცოდვაც და ჩემი ობლების ცოდვაცო.

მეორე დღესვე ეახლა არტისტი აღმასკომის თავმჯდომარეს. კეზევაძემ იცოდა, რაც მოხდა და ერთი შეხედვით შენუხე-ბული ჩანდა. – ვერ გავიგე, რაშია საქმე. რაღა თქვენს ბინაზე მოგვდის ასეთი უსიამოვნებაო. გამოვართვეთ ახლა მაგ უნამუსო იაშვილს მილიციის ძალით, მაგრამ თქვენი ურთიერთობა მაფიქრებს მომავალშიო. ერთი თავზეხელაღებული კაცია, არ გადაგეკიდოთ, შეურაცხყოფა არ მოგაყენოთ, თქვენს ბავშვებს არაფერი მოსწონს ქუჩაშიო.. მაგნაირი ხვადაგი ყველაფერს იკადრებს, ხომ იცით თქვენო.

დაფიქრდა ენუქი. ბინა მივიღო და შიშის კანკალით ვიცხოვრო შიგო? ინტელიგენტი ყველა ასე იტყვის. საჩხუბრად და სადავიდარაბოდ სად სცალია მსახიობ კაცს. რა ვქნათო, ჩააცივდა კეზევაძე – დავურეკო მილიციას, გამოვყაროთ ქუჩაში იაშვილებიო? ო, რა მეღაა თავმჯდომარე? იცის, როგორ არ იცის ტყაბლაძის პასუხი, მაგრამ თავს იზღვევს. რომ რამე იყოს, თქვენ არ მითხარით ასეო? გაახსენებს. კი, ბატონო, რაკი ასეა, გაუფორმეთ ეს ორდერი გელა იაშვილს და დავიცდი ცოტა ხანს, რა ვქნა, ამნაირი იღბალი მქონიაო, ჩაიქნია ხელი ენუქიმ.

გადის წელიწადი. როგორც შენთვის არ დაურეკავს არავის: მოდი და ჩაიბარე ბინაო, არც ტყაბლაძე გახსენებიათ აღმას-

კომში. აატალახა თეატრმა ერთხელ კიდევ კეზევაძის კიბე, ერთხელ კიდევ მოაგონეს თავმჯდომარეს, ქალაქის პირველი არტისტის გაჭირვება და როგორც იქნა, დაადგა საშველი. ნინოშვილის ქუჩის დასაწყისში, კინო „ქრონიკის“ წინ გამოუყო აღმასკომმა ენუქი ტყაბლაძეს მეყვავილე სამსონ წამალაძის მიერ გამონთავისუფლებული ბინა.

აღმასკომის სხდომა ხვალ რომ არის, დღეს მიადგა თავის ბინას ენუქი. სიხარულით ცას ეწია – ბინა ცარიელი დახვდა. დურგალი მოძებნა და გასაღებიც კი თავისი დაადო, გული დაიიმედა, რა ვიცი, ხვალამდე რა მოხდებაო. სხდომა რომ დამთავრდა, პირზე კოცნით გადაუხადა მადლობა კეზევაძეს. რისი მადლობა ჩემო ენუქი, პირიქით ბოდიშს გიხდით, რომ ამდენ ხანს დაგიგვიანეთო. ვერ წარმოიდგენ, შენზე უფრო გახარებული მე ვარ, რომ ასე კარგად დამთავრდა ყველაფერიო – ეუბნება თავმჯდომარე და ხელს მაგრად ართმევს.

ფრთებშესხმული გამორბის თავისი ახალი ბინისკენ ტყაბლაძე. დამთავრდა მისი საბინაო ბასტილია.. შვევა და იცხოვრებს მშვიდად და მოსვენებით. კაცი ბჭობდა და ეშმაკი იცინოდაო. მოარგო გასაღები ენუქიმ თავისი ბინის კარს, გადაატრიალა, მაგრამ კარი არ იღება. სინჯა მეორედ, შიგნიდანაა აშკარად დაკეტილი. დააკაკუნა.

- ვინ ბრძანდებით? – ქალის ხმა მოესმა.
- გააღეთ ერთი წუთით. – ენუქის ჟრუანტელმა დაუარა.
- ვერ გაგიღებთ, ჩემმა ქმარმა არავის გაუღოო, არ გენყინოთ, ბატონო, ვინ ბრძანდებით?
- ენუქი ვარ მე, ტყაბლაძე.
- კეთილი და პატიოსანი, – ქალს ცივი და უხეში ხმა ჰქონდა: ენუქის შეტყობით იგი ორმოც წელს კარგა ხნის გადაბიჯებული უნდა ყოფილიყო – რა გნებავთ?
- მე რა მნებავს, თუ თქვენ რა გნებავთ ჩემს ბინაში, ქალბატონო! – მსახიობს ტუჩები გაუშრა სიბრაზისაგან.
- ცოტა ზრდილობიანად ილაპარაკე, ენუქი ხარ თუ ყვაპუტა. რას ჰქვია შენი ბინა. ყველაფერი თქვენ გინდათ, ჩვენ არაფერი არ გვეკუთვნის ამ ქვეყანაზე? – ხმას აუწია ქალმა.
- ქალბატონო, მე ორდერი ხელში მიჭირავს. მე მსახიობი ტყაბლაძე ვარ.

– ვიცი, ბატონო, მსახიობების და მომღერლებისაა დღეს ქვეყანა. ყველაზე კაი ბინა თქვენ, ყველაფერი სიკეთე თქვენ. ჩვენ, უბრალო ხალხმა აღარ ვიცხოვროთ კვასისაში? წასულია ახლა ჩემი ქმარი აღმასკომში და გაარკვევს ყველაფერს. ეს ქვეყანა ჩალით არაა დახურული. ექვსი წელიწადია გვატყუებენ. დღეს-ხვალ! დღეს-ხვალ! აღარ გათავდა მაგათი დღეს-ხვალ, მაგათ გაუთავდა პირში სული! ასე დამინყევლია.

ენუქის ცივმა ოფლმა დაასხა, თვალთ დაუბნელდა და ჩაიკეცა. გონზე რომ მოვიდა, წელმონყვეტილივით წამოდგა და კიბეს ლასლასით ჩამოუყვავა.

სასონარკვეთა ედგა თვალეში. კონსტიტუციის ქუჩაზე მოაბიჯებდა. ტანში სტეხავდა, ეჩვენებოდა, რომ ამხელა ქალაქში სულ მარტო დარჩა. არავინ იყო მისი შემნე და გვერდით ამომდგომი.

– არ მითხრა ახლა, კიდევ შემასწრო ვილაცამო, თორემ გავგიჟდები! – თავისი კაბინეტის კარში დახვდა კეზევაძე.

– ასეა კი, – ამოიოხრა ტყაბლაძემ და მოსაცდელში კედელს მიეყუდა.

– შემოდი, – შეიპატიჟა თავაზიანმა თავმჯდომარემ.

– რა მინდა, რომ შემოვიდე, – წელმონყვეტილად მოშორდა ენუქი კედელს და კაბინეტში შეაბიჯა.

ერთხანს მდუმარედ შესცქეროდნენ ერთმანეთს. სიჩუმე ისევ მსახიობმა დაარღვია.

– გამაგებინე, რა ამბავია ჩემს თავს, ანდრო ბატონო.

– მე მეკითხები? გასაყეყეჩებელია პირდაპირ, – განზე გაიხედა ანდრომ.

– აბა, ვის ვკითხო?

– რა გინდა ჩემგან, ძმაო? სამჯერ მოგეცით ბინა? მოგეცით. დასაწყისი და უვარგისი ბინები მოგეცით? თქვი ვაჟკაცურად. შენ ბინის იღბალი არ გქონდეს, რა ჩემი ბრალია. ვერ შეხვედი წუხელის შენს ბინაში? მე ჩემი გავაკეთე, ჩემო ენუქი. ახლა მე ვერავის დავპირდები; მე, აღმასკომის თავმჯდომარე, მოვიკიდებ ზურგზე კარადას და თვითონ შევუტან ახალმოსახლეს ბინაში-თქვა. ასეა, ეს – ისე ხმამაღლა და ყალბი გულწრფელობით ლაპარაკობდა კეზევაძე, რომ საქმეში ჩაუხედავი

კაცი იფიქრებდა, რას ერჩიან, რას აწვალენ, რა უნდათ ამ მართალი კაცისაგანო.

– ესაა შენი სიტყვა?! – სიბრაზისაგან ყელი გაუშრა ტყაბლაძეს.

– რა გინდა, ძმაო, მითხარი. რა გზას დავადგე, მითხარი, და ყველაფერს ვიზამ. რა გახდა ეს შენი ბინა, ბოლოს და ბოლოს. მეტი არაფერი მომკლავს, ვიცი, მე. შენი ბინა ჩამიქცევს ტვინში სისხლს, – ლამის ტირილით თქვა აღმასკომის თავმჯდომარემ. მაინც რა არის ზოგიერთი, როგორ შეუძლიათ, კაცო, ამხელა ქარაქუცობა. ენუქი ხომ მსახიობი იყო, – ენუქიც მოტყუვდა, იქნებ მართალია ეს კაცი და რას ვერჩიო.

– თქვენ კარგად იყავით, ანდრო ბატონო, ნუ დაიხოცებით ჩემი ბინისთვის. არ მინდა, არაფერი თქვენი აღარ მინდა. გავძლებ, როგორც გავძელი აქამდე. უსაშველო ჩემს მტერს დაემართა.

წამოდგა ენუქი, მტკიცე ნაბიჯით გამოვიდა კაბინეტიდან. დამშვიდობება რა არის, არც კი დამშვიდობებია გულგახეთქილ თავმჯდომარეს.

ჯაჭვის ხიდთან, აბანოს წინ, ვილაც წამოენია.

– ბატონო ენუქი!

ენუქი შეჩერდა. მის წინ უქუდო, ურჩქორჩიანი, წითური კაცი იდგა – დაბალი, ჩაკირული, სახედამჭკნარი.

– მე გახლავართ ერასტი მაჩიტაძე. თქვენ არაფერს გეუბნებათ ეს გვარი. ვიცი. ა, ბატონო, ნახეთ ჩემი ხელისგულები. საკონსერვოში ვმუშაობთ ორივე ცოლ-ქმარი. არც მთლად ასეა საქმე, თქვენ რომ გგონიათ. თქვენს ბინაში მართლა ყაჩაღურად არ შევსულვართ. არ იფიქროთ, ბატონო, ეგ ამბავი, ჩვენს გამოსახლებას რა უნდა, მაგრამ არ იზამს ამას კეზევაძე და რატომ არ იზამს, ქე მიხვდებით მაგდენს თქვენ. თუ სადმე ტრიალებს ის ამბავი, ამ ბინის საქმეში ტრიალებს, ასეა ეს. მივეცი. არ გვექონდა სხვა გზა. თავისი შოფერი გამომიგზავნა წუხელის გვიან. მარტო იყო კაბინეტში. ერასტი, ნახვალ ახლა და ნინოშვილის ქუჩის დასაწყისში სამსონ წამალაძის გამონთავისუფლებულ ბინაში შეხვალ. არ დაგასწროს ტყაბლაძემო. ნუ მიზამ ამას-მეთქი. ვეხვენე, ოლონდ ენუქი ტყაბლაძეს ნუ დამაჯახებ და კიდევ მოვიცდი ცოტას-მეთქი. რასაც გეუბნები,

ის გააკეთე, თორემ, ა, შენი ფული და წადი, სადაც გინდაო. რა მექნა? კი, მაგრამ... მე ვუთხარი, სიტყვა არ დამამთავრებინა. მე ვიცი, რასაც ვაკეთებო. ერთი-ორი დღე მაგრად დახვდით არტისტს და მერე ყველაფერი ჩანყნარდებო. გამოცდილი გყავს ასეთ საქმეში ენუქი ჩვენო. ა, სიმართლე თუ გინდათ, ასეა ეს ამბავი, თქვენ ბრძენი კაცი ხართ და მე მეგონა ყველაფერი იცოდით. ამდენხანს უნდა მიმხვდარიყავით ამ ამბავს. უქრთამოდ ამხელა ბინას კი არა, საჩემე ადგილს არ იძლევა ანდრო კეზევაძე.

ენუქი დუმდა. იგი შორს გაჰყურებდა წვიმიან ქუჩას და ფიქრობდა იმ თეთრ ყვავზე, ბავშვობაში სიზმრად რომ ენახა.

– მე რატომ მითხარით ეს ყველაფერი? – წვიმისთვის თვალი არ მოუშორებია მსახიობს.

– ორი მიზეზის გამო, ბატონო ენუქი, ჯერ ერთი, მე მარტო რომ არ ამკიდო სირცხვილის ტვირთი ამ საქმეში და კეზევაძე იცოდე რა კაცია. მეორეც – შენ შპიონი და უბედური კაცი არა ხარ და ახლა, როცა იცი, რომ ეს ბინა ათი წლის კაპიკ-კაპიკ ნაგროვები ფული მიზის, არ ჩადგები ჩემი ოჯახის ცოდვაში. არ იბრძოლებ ჩემს გამოსასახლებლად.

ენუქი კარგა ხანს იდგა მდუმარედ. მერე ამოიხვნეშა, თავი დახარა, მოუხედავად გაუნოდა ხელი უცნობს, კარგად იყავიო, უთხრა და წავიდა.

თავის ნაქირავებ სახლში დაბრუნდა. აბა, თქვენ როგორ ფიქრობთ, სად წავიდოდა? იცოდა, ნერვების გლეჯის მეტს ვერაფერს გახდებოდა. კეზევაძესთან ჩხუბის და დავიდარაბის თავი აღარ ჰქონდა. გაეგონა – ვირი რომ შენი უფროსი იყო – აჩი-აჩის ნუ ჰკადრებო. არც ჰკადრა. სანამ კეზევაძე თავმჯდომარედ იყო, ენუქი აღმასკომს არ გაჰკარებია.



ყვავები

შუაზამთარია

მზე ეს-ესაა თვალს მოეფარა და ხვამლის წვერზე ცა მენამულად შეიღება, მნათობის ჩასვენებით ქვეყანას სითბოს მხრივ არაფერი დაკლებია, მთელი დღე აგზავნიდა ალმაცერ სხივებს, მაგრამ ყინვას ვერა მოუხერხა, ეგ არის, მზე რომ ანათებს ცაზე, მაინც რალაცა იმედია, თორემ სხვა მხრივ რა უნდა გააწყოს მალლაკის უსაშველო ქართან და უღმერთო ყინვასთან, ხატსაც რომ ფეხის აპკებს წააყინავს.

ტყისპირა ქალაში, ძეძვსა და ქაცვს თავისფრად რომ მოუჭამია, ჯვარივით აღმართულ გამხმარ თხმელაზე ორი ყვავი მოჩანს. ყვავებს ზამთარში ერთად ყოფნა უყვართ, მაგრამ ამჯერად ახლომახლო სხვა ყვავები არ ჩანან. რაშია საქმე, ვერ გეტყვით.

– ამ დალოცვილ ბუნებაში ტყუპი ყვავილებიც არ ჰგვანან ზუსტად ერთმანეთს. ეს ყვავები კი, არც მეტი არც ნაკლები, ცოლ-ქმარი გახლავან, კარგად რომ დააკვირდებით, მამა ყვავი გაცილებით უფრო დიდია დედაზე. ღონიერი ფრთები კურტანით მოუჩანს ზურგზე და ნეკა ჭვანგზე ორით მეტი ნაჭდევი აქვს, ვიდრე სოფლის დედაბერივით გალეულ დედა ყვავს, ქარის ყოველ დაქროლებაზე ნაცრისფერი ბოლო მალლა რომ აენევა და ტოტზე თავს ძლივს იკავებს.

დღე ისე მიიღია, რომ ყოველდღიური საზრუნავით გართულ ყვავებს ერთმანეთისთვის სიტყვაც არ უთქვამთ. რა უნდა ეთქვათ? რომელი ახალყოილნი ესენი მყვანან, ორას ორმოცდათერთმეტი წელი ახლახან, რვა ენკენისთვეს შესრულდა, რაც დაქორწინდნენ. ბარემ აქვე გავამხელ, რომ მამა ყვავისათვის ეს მესამე ქორწინება გახლდათ. პირველი ორი მეუღლე მეთვრამეტე საუკუნის პირველსავე დეკადაში დაეხოცა სახადით. ისტორიის მცოდნე მკითხველს ეცოდინება, ოსმალების მიერ დაპყრობილ ქუთაისში შავი ჭირი რომ გაჩნდა. ჟამმა მაშინ ოსმალოთა (შავი ჭირის შემომტანთა) გარდა უდანაშაულო ქართველიც ბევრი იმსხვერპლა და პოლიტიკისაგან სრულიად თავისუფალ ყვავებსაც დარია ხელი.

ყვავები ახლაც ჩუმად იქნებოდნენ, მამა ყვავს, ფრთას რომ იქეჯავდა, ასიოდე მეტრზე მათკენ მიმავალი კაცი რომ არ შეემჩნია. კაცს თხის ტყავისაგან შეკერილი ჯუბა ეცვა. თავშიშველი იყო და რაც მამა ყვავს ყველაზე მეტად არ ესიამოვნა, ხელში თოფი ეჭირა, ქაცვებს ხელით სწევდა, წელში მოხრილი, კატის ნაბიჯით მოდიოდა და გულით ცდილობდა, ყვავებისაგან შეუმჩნეველი დარჩენილიყო.

– მითხარი ერთი, თუ ქალი ხარ, ჭკუა აქვს ახლა იმას?

მამა ყვავს მონადირისთვის თვალი არ მოუცილებია.

– ვის? – დედა ყვავმა ჯერ მეუღლეს შეხედა და მერე იქით გაიხედა, საითკენაც თანამეცხედრის კეხიანი, ქარწვიმისაგან ფერგადასული ნისკარტი იყო მიმართული.

– ესლა გვაკლდა.

– მიკვირს და გამკვირვებია: ხორცი არ იჭმევა ჩვენი და ძვალი, ეგ თუ მონადირეა, არ უნდა იცოდეს, რას სდიოს? – აღმოფოთებას ვერ მალავდა მამა ყვავი.

– მონადირე აბა! მონადირე ამ გახრეკილ ქალაში დაიღლის თავს, ვილაცის სტუმარი იქნება, თოფს სტაცა, ალბათ, ხელი და თავს ინონებს.

– ჩვენგან რა უნდა? ყვავის მოკვლა რა ბიჭობაში ჩათვლება.

– იქნებ ცოდვას ჩავდივართ, შამზე მონადირეა და ჩვენთან საქმე არა აქვს? – დედა ყვავი ხავსს ჩაებლაუჭა.

– რა გულუბრყვილო ხარ, შე ქალო, გესვრის ის კაცი და მერე დაინყებს თავში ცემას: შემშლია, ყვავი აღმოჩნდაო. შეხედე ერთი, ნახე, როგორ გვითვალთვლებს და რა დიდი ამბით იმალება.

– კი, კი, ჩვენ გვეპარება ნამდვილად, ეგ ისეთი ცხვირპირის პატრონი ჩანს, რომ სულერთია, რას ესვრის.

– მამა უცხოხდა. ერთ ბუმბულს ვერ წაიღებს, გუშინდელი ღლაპის წერა თუ გავხდი, წინ ყოფილა ჩემი საქმე. მაგან ახლა გაახილა თვალი და მე თითქმის სამასი წელია ამ ქვეყანას ვუმზერ.

– არ გაფვრინდეთ? თოფი არ გამართოს, ღმერთი არ გაუნყრეს. – შიშით იკითხა დედა ყვავმა.

– ნუ გეშინია, ორლოულიანი „ტულა“ უჭირავს ხელში, სამოც ნაბიჯზე, რომც მოგხვდეს, ბუმბულსაც ვერ აგიტრუსავს.

– რატომ იცი ასე შეთამამება, თოფისნამლის სუნი არ გეზარება? მე ჩემი მემართება, ქუხილს რომ გავიგონებ, რამდენ კა-

ლიბრიანი თოფი აქვს თუ იცი?

– ვერ ვარჩევ, თვალს დამაკლდა. ბავშვი კი აღარა ვარ, – სინანულით მიუგო მეუღლემ.

ისინი, თითქოს ნიშანი მისცესო, ერთდროულად აფრინდნენ. წინ მამა ყვავი მიფრინავდა, წაგრძელებული, ფრთებს ხანდახან ისე გაატკაპუნებდა, თითქოს ძელსა ჰკრავსო, უეცრად მოწყდა და ძენის შიშველ ტახტზე დაეშვა. ინერციით წინ წასულმა დედა ყვავმა კამარა შეკრა და მეუღლეს გვერდით მოუსკუპდა.

– შენ გგონია ვერ დაგვინახა? – დედა ყვავი დღეს რატომღაც კამათის გუნებაზე იყო, თორემ სხვა დროს თავისი ნაცადი ქმრის გადანყვეტილებას განსჯის ქურაში არ ატარებდა.

– რომ გვხედავს, მეც იმიტომ შევჩერდი, ნუ მენეპები, თუ ქალი ხარ, – ოჯახის უფროსმა გულგრილად გამოხედა თვალებჩაცვენილ მეუღლეს და ძენის ტოტს ბოლოში მოექცა.

დედა ყვავს არაფერი უთქვამს, მან მშვენივრად იცოდა, რომ ორსაუკუნე-ნახევრის განმავლობაში ერთი და იგივე ყვავის კი არა შეიძლება ფარშევანგის ყურებაც მოგწყინდეს.

კარგა ხანს ჩუმად იყვნენ და ჩირგვებში წახრილ, მათკენ მიმავალ მონადირეს გახედავდნენ ხოლმე.

– ნუ იცი ხოლმე ბავშვივით ამჩატება, ამ ღლაპს უყადრებ თავს? გავფრინდეთ ეგერ წყალგალმა და რომ წაშავდება, მივბრუნდეთ მერე. – ნუნუნებდა დედა ყვავი.

– არა. ასე უნდა ვანვალო მთელი საღამო, უნდა მოვშალო ნერვებზე და მუხლები გადავატყავებინო ქაცვებზე ბლოტიალ-ით, – დაიქადნა მამამ.

– რაი მერე?

– რაი და მიხვდება ერთხელ და სამუდამოდ რომ ყვავს ასე იოლად ვერ მიეპარები. ჭკუას ისწავლის.

– შენ უფრო ირთობ თავს, ვიდრე ეს მონადირე. რა გეზარება, შე კაცო, ტანის ანევა. გადავფრინდეთ იმ ნაპირზე. გალმა რომ დაგვიგულეხს, ხელს ჩაიქნევს და წავა.

– მე აქ დავიბადე. არსადაც არ მივფრინავ. მაგნიირი ახალგამომცხვარი მონადირეებისათვის ამიბნევათა თავგზა? – მტკიცე გადანყვეტილებით თქვა მამა ყვავმა.

ამასობაში მონადირის ხუჭუჭა თავი თხმელისჯვართან გაილანდა. ყვავები აფრინდნენ და იქვე, ასიოდე მეტრის დაშორებით ჩაემუნენ ეკალ-ბარდებში.

თოფიან კაცს სიბრაზისაგან ტუჩები გაულურჯდა, მაგრამ იხტიბარი არ გაიტეხა, ეკლისაგან სისხლდადენილ მარჯვენა ხელის ზურგზე ცხვირსახოცი დაიხვია და წელანდელზე უფრო ჩამჯდარი გაცოცდა ყვავებისაკენ.

ბებრები შვინდის გამხმარ ტოტზე აინონ-დაინონას მოთამაშეებივით ირწეოდნენ.

– ფრენის დროს პირი რატომ გაქვს ღია? – სიჩუმე დედა ყვავმა დაარღვია.

– არ ვიცი, არ დავკვირვებოვარ, – მამალმა იცრუა. ამ ბოლო დროს ფრენისას კი არა, ხეზეც ზეზეულად რომ ჩათვლემს ზოგჯერ, ქვედა ნისკარტი ჩამოუვარდება, სხვა ყვავებმაც შენიშნეს. იქნებ ასაკის ბრალიც იყოს.

– ერთს ვიტყვი მე... – დედა ყვავმა კისერი დაიმოკლა და თავი ბუმბულში თითქმის ჩამალა.

მამა ყვავს არაფერი უთქვამს, რადგანაც თავისი მეუღლისაგან დიდად ჭკვიანურს არას ელოდა.

– საქმე ის იქნება, მაგ ჩვევს მონადირესაც თუ ეპარება ახლა ვინმე. მაგასაც თუ აქვს ზურგში დამიზნებული სხვისი თვალები.

– რას ფილოსოფოსობ? – მამა ყვავმა ლამის ხოხვით მომავალ მონადირეს გახედა.

– არც ეგ იქნება, ნუ გეშინია, გაშვებული თავის ნებაზე. მაგათაც თავისი კონტროლი და დამჭერი ჰყავთ. ადვილი შესაძლებელია, უთვალთვალეხს ახლა ვინმე, ამ ნუთში.

– ადე, ადე ავფრინდეთ, თორემ სანამ მაგას ჩამოართმევდნენ თოფს და ყურში ხელს მოკიდებდნენ, ორივეს დაგვსვამს ნიშანზე და უყარე მერე კაკალი.

ყვავები ზანტად აფრინდნენ და ისევ თხმელის შავ ჯვარს მიაშურეს.

მონადირე გულს არ იტენდა. ნელში მოკაკუული, ტალახში ამოსვრილი, ხელებდაკაპინებული, თვალებანთებული ეპარებოდა ყვავებს. ხანდახან ქაცვს ამოეფარებოდა და სულს მოითქვამდა. დარწმუნებული იყო, რომ ბიბლიური ფრინველები ვერ ამჩნევდნენ და მით უფრო უკვირდა: რალა სწორედ მაშინ აფრინდებიან, სასროლ მანძილზე რომ მივუახლოვდებიო.

პეპე

თხას მსუბუქად ეცვა: რქებს შორის მწვანე ხავერდის ჩაჩი, ზურგზე თასმებით შებმული, მკერდზე ჩამოფენილი ვერცხლისფერი მედალიონი, უკანა ტანი, ყოველი შემთხვევისათვის, ყვითელი ტყავის ქამრით ჰქონდა აკრული და ოთხივე ფეხზე, ჩლიქებთან, ნითელფორიანი ზონრები მამლის დეზებივით უჩანდა.

ქვევით, მსახიობთა სამყოფლოში, ტაბლოზე წარწერა – „განვრთნილი თხა“ რომ აინთო, ევგენი ლოლაძემ ერთგულ პირუტყვს წვერში მოკიდა ხელი, ვინრო გვირაბით მალლა აიყვანა და მანუჟის შესასვლელთან, კუთხეში მიდგა.

აკრობატებმა – ლუდმილა ხოროტოვამ და სერგეი კოსტუჩენკომ თავიანთი ნომერი დაამთავრეს და ისინი ორკესტრის გრიალში ჰაეროვანი კოცნებითა და ტანის მსუბუქი რხევით კულისებში გავიდნენ. ახლა თურქმენი მოჯირითეები შეგრი-ალდებიან მანუჟზე. ევგენიმ თხას კისერზე ხელი მოხვია და მუცელზე მიიკრა. ვერ იქნა, ვერ მიეჩვია, ნესტოებდაბერილი, არაბული ულაყების დანახვაზე თხას უსიამოვნოდ გააფრუო-ლებს ხოლმე. მოჯირითეთა კვალს კლოუნები შეჰყვებიან, ამასობაში სტატისტიები მანუჟზე ტაბურეტს, ვინრო ფიცარნაგ-სა და ალუმინის რგოლს შეიტანენ და დიქტორი ეგზალტირე-ბული ყვირილით ჩასძახებს მიკროფონს: „საუკუნის სასწაული! განვრთნილი თხა! ცირკის ხელოვანთა მეშვიდე რესპუბლი-კური ფესტივალის ლაურეატი ევგენი ლოლაძე!“

კლოუნების – მირგულინისა და ადამიას გამოჩენამ ახლაც ოვაცია გამოიწვია. განსაკუთრებით ბავშვებს, მოხუცებს და მილიციელებს უყვართ ისინი. სანამ ცირკში დაიწყებდა სამ-სახურს, ევგენი კლოუნებზე მაინცდამაინც მაღალი წარმოდ-გენისა როდი გახლდათ. პატარა, მაგრამ ძველთაძველ ქა-ლაქში, სადაც იგი გაიზარდა, „კლოუნი“ სალანძღავ სიტყვად ითვლებოდა. ახლა კი, თუ ვინმესთან ძმაკაცობს ევგენი ლო-ლაძე ამ ხალხმრავალ თეატრში, სწორედ რომ კლოუნებთან.

მხიარული ჟანრის მესვეურები (მცირე გამოჩინების გარდა) ცხოვრებაში უაღრესად სერიოზული და ავკარგიანი ხალხია.

...მირგულინმა ჯიბიდან ორი სუფრის კოვზი ამოიღო და ერთმანეთს ისე კოხტად გაუკაკუნა „კალინკა მაიას“ მოტივზე, რომ მაყურებელმა ტაში ააყოლა. ცირკის პირველმა კლოუნმა კი ცეკვა დაიწყო.

დღეს მირგულინმა ევგენი ლოლაძისგან სამი თუმანი ისესხა. უჭირს მირგულინს. ახლახან მრავალშვილიანი ქალი შეერთო და ორი დაოჯახებული გერის რჩენაც მას დაანვა კისერზე.

სასტვენის ხმა გაისმა. ადამიამ შუბლთან მიიტანა ხელი და კოვზებიან მუსიკოსს განუცხადა, რომ იგი კონცერტის ნორმალურ მსვლელობას ხელს უშლის. მირგულინმა მორ-ჩილად გაუნოდა ორი კოვზი „ნესრიგის დამცველს“. ადამია კულისებისკენ გამოტრიალდა თუ არა, მირგულინმა ჯიბიდან ორი სხვა კოვზი დააძრო და ისევ აუყენა რაკარუკი. ადამიამ ის კოვზებიც ჩამოართვა „ხულიგან კლოუნს“ და დაიმედებულმა იმით, რომ „უმსგავსობა ალაგმა“, ენერგიული ნაბიჯით გასწია გასასვლელისკენ. ახლა გულის ჯიბიდან ამოიღო მირგულინმა კოვზები. აღშფოთებული ადამია კოვზების ჩამორთმევას გა-ნაგრძობს. მეექვსედ რომ შემობრუნდა მანუჟზე მოთმინება-დაკარგული ადამია, მირგულინს „ნერვები მოეშალა“ ნახერხ-მოყრილ იატაკზე კოვზების დაყრა დაიწყო. ცვივა და ცვივა გაუთავებლად სხვადასხვა ზომისა და ფორმის კოვზი. მაყ-ურებელი ლამის გაიგუდოს სიცილისაგან. ბოლო ორი კოვზი მირგულინმა ჩაჩიდან გამოაძრო და იატაკზე გაჩენილ კოვზე-ბის გორას დაუმატა. ევგენის აღარ ახსოვს, მერამდენედ უყ-ურებს ამ ნომერს, მაგრამ ყოველთვის ეცინება. სიცილი მას-თან კოვზების მეხუთე კონფისკაციის დროს მოდის და ბოლოს ცრემლსაც კი იწმენდს, როცა წარმოიდგენს, რა ერთგულებით ილაგებს ხოლმე ჯიბე-უბეში მირგულინი კოვზებს, სტატისტ ქალს დიდი ნითელი ჩანთით რომ შეაქვს მის საგრიმიოროში.

მირგულინი გარბის, ადამია სტვენით მისდევს. ახლა ორ წრეს დაარტყამენ, მერე პირდაპირ ევგენისკენ გამოიქცევიან, მირგულინი მხარზე ხელს დაჰკრავს ლოლაძეს, ადამია თხას გადაუსვამს ზურგზე ხელს, კონფერანსიე გამოაცხადებს, ორკესტრი ახალი ძალით აჟღერდება და: „პეპე, ნავედით!“

ცირკის ხელოვანთა მეშვიდე რესპუბლიკური ფესტივალის ლაურეატი ევგენი ლოლაძე და მისი განვრთნილი თხა თითქმის ერთდროულად შევარდნენ მანეჟზე. ლაურეატმა თხა წინ გაატარა, მისი ასაკის კაცისათვის საკმაოდ მსუბუქად გადახტა მარცხნივ და ხელები გაშალა. ცირკის ყველაზე ნორჩმა მაყურებელმაც კი მშვენივრად იცის, რომ ხელების გაშლას ტაში უნდა მოჰყვეს. წამში ევგენმა მარჯვნივ ისკუპა და კვლავ გაშალა ხელები. შავი, უკან მერცხლის ბოლოსავით გაჭრილი ფრაკი აცვია, ლაქის ჭრაჭუნა, მისი ფეხისათვის ოთხი-ხუთი ნომრით მეტი ფეხსაცმელი, მარცხენა ხელის შუათითზე იაფფასიანი, დიდი, შავი ბეჭედი უკეთია. საშუალო სიმაღლისაც არ არის, მაგრამ გამხდარია და თვალს ატყუებს. დაჭმუჭნილ, ნაყვავილარ სახეზე შორიდანაც კი აჩნია უმურველად მიყრილი პუდრი. შეთხელებული ქალარა თმა და მონაცრისფრო ბლანჟე (უღვაში გაპარსული აქვს) ბრიოლინით აუზიმიზიმებია და განსაკუთრებით მაშინ, როცა მისასალმებელ ნახტომებს აკეთებს, სულო ცოდვილო, განვრთნილ თხას წააგავს.

ორკესტრს მოხდენილად ხელი აუქნია, სევდიანი ბლიუზის ხმაზე („ქარავანი მიდის“ ფრაკის ჯიბიდან შაქრის კვნიტა ამოიღო, ხელგაშლით შემოტრიალდა და თხას პირში ისე ოსტატურად მისცა ქრთამი, რომ ცირკის მაყურებელთაგან ნახევარსაც არ დაუნახავს. განვრთნილმა პირუტყვმა (თითქოს შაქარს ელოდაო) წინა ფეხები მანეჟის მოხავერდებულ რკალზე შეანყო და მაყურებელთა ტაშის გრიალში, თავის კანტურითა და წვერის ცანცარით, თხისთვის საკმაოდ უხერხულ პოზაში, ერთი წრე დაარტყა. ევგენიმ თხას მეორე შაქრის ნატეხი დაახვედრა, მოწონების ნიშნად გავაზე ხელი დაჰკრა, მანეჟის შუაგულში შემოიყვანა და თვითონ ბედნიერი სახით მარჯვნივ გამხტარმა, ხელები გაშალა.

ორკესტრი ერთბაშად გაჩუმდა. მარტო მედოლე აგრიალებს თავის ინსტრუმენტს ველურთა როკვის რიტმით. ევგენიმ ტაბურეტი მალლა ასწია, მაყურებელს დაანახვა, რომ ნამდვილად ტაბურეტი იყო (და არა საკერავი მანქანა), თხას წინ დაუდგა, ხელი დაჰკრა და იდუმალი ჩურჩულით რაღაც უთხრა. ტაბურეტზე შემხტარ თხას, რომელიც საცოდავად მოკეცილიყო და თავს ძლივს იმაგრებდა, ევგენიმ შაქრის კვნიტა მოუსვა

დრუნჩზე და სანამ ბიბლიური ცხოველი პირს აცმაცუნებდა, ერთხელ კიდევ გადახტა მარჯვნივ და ბილეთიან თუ უბილეთო მაყურებელს გულწრფელად მიესალმა.

დოლი კვლავ განაგრძობდა ბრაგუნს. ევგენიმ ალუმინის რგოლი აიღო, თხას მიუახლოვდა, დოლმა ხმას დაუნია, მწვრთნელმა მარცხენა ხელი შემართა, მარჯვენათი კი რგოლი ტაბურეტის გასწვრივ გააშეშა და, ისე რომ პირუტყვს და წინა რიგებში მსხდომთაც გაეგონათ, დაიძახა „პეპე!“ მაგრამ პეპეს რგოლში გახტომა არც უფიქრია, უფრო მეტიც, ტაბურეტიდან ჩამოხტა და კულისებისკენ გაიწია. ევგენი ლამაზი ნახტომებით წინ გადაუდგა გაურჩებულ ცხოველს. მედოლეს ნიშანი მისცა, შაქრის ორი კვნიტით კვლავ შეაბრუნა ტაბურეტზე თხა, კვლავ მიუტანა (ახლა უფრო ახლოს წვერებთან) ალუმინის რგოლი და წელანდელზე უფრო ალერსიანად თხოვა: „პეპე!“

პეპემ რგოლში გახტომაზე ამჯერადაც უარი განაცხადა, უბოდიშოდ გადმოხტა სკამიდან და მანეჟიდან მტკიცე გადანყვეტილებით გაიქცა. ევგენი როდი დაიბნა, დაენია, ზურგზე ხელი დაჰკრა თხას, შემოტრიალდა, ლიმილის ნილაბი აიფარა, მარჯვნივ და მარცხნივ სალამი არ დაიშურა განბილებული მაყურებლისთვის და ლამის სისხლგამშრალი, ისე რომ მაყურებლისთვის ზურგი არ უჩვენებია, კულისებში დაბრუნდა.

კლოუნებმა უსიტყვოდ გააყოლეს სევდით სავსე თვალები. პროგრამის წამყვანსაც არაფერი უთქვამს. ასეთ დროს სიტყვები ზედმეტია.

ეს ამბავი კვირა დღეს მოხდა პირველ სპექტაკლზე, სამ საათზე კვლავ უნდა წარუდგნენ მაყურებელს. წარმოდგენა რომ დამთავრდა, ევგენიმ რეჟისორ-ინსპექტორს კლავდია ლეთოდინს თხოვა; თუ შეიძლება სინათლე ჩამირთონ და მედოლე დარჩეს, თხასთან ცოტას წავიმუშავებო.

სანამ მალლა ამოიყვანდა, ვეტექიმს მიჰგვარა. ანონეს, სიცხეც გაუზომეს. ჯანმრთელობის მხრივ პეპეს ყველაფერი რიგზე აღმოაჩნდა. რა ასაკის არის თქვენი თხაო, ექიმმა. სანამ ევგენი გონებაში პეპეს წლოვანებას დააზუსტებდა, თხის პირადი საქმე მოიტანეს: „ადრე გიფიქრია პენსიაში გასვლაზე, დაიკო. შვიდი წელი და სამი თვე სწორედ რომ ყვავილობის ასაკია თხისთვისო“ სწორე გავაზე ალერსით დაუსვა ხელი მკურნალ-

მა და შემოქმედებით ცხოვრებაში წარმატებები უსურვა. აქ, იქნებ არც იმის თქმა იყოს ზედმეტი, რომ თხამ მშვენივრად ისაძლია. დიდი მჭამელი არასოდეს ყოფილა, აზიზი გახლდათ, მაგრამ იმ დღეს დაკონსერვებულ აკაციის ფოთოლს მადიანად შეექცა და ზედ ერთ ლიტრამდე გამოხდოდა წყალში გახსნილი, ერბონარევი ქატოც დააყოლა.

რეპეტიციამ ჩვეულებრივად ჩაიარა. პეპემ შეუფერხებლად გაიარა მანუჩის რკალი. ტაბურეტზე მანამდე შეხტა, სანამ ევგენი ნიშანს მისცემდა და თუმცა უხალისოდ, მაგრამ პირველ ცდაზევე გახტა ალუმინის რგოლში. ევგენიმ თვით მიაცილა რკინის გისოსებიან საკნამდე ერთგული ცხოველი და რაკი დრო ისედაც ცოტა რჩებოდა, კონცერტის დაწყებამდე არ მოშორებია.

ევგენი ლოლაძე და მისი თხა კულისებში მაშინ გამოჩნდნენ, როცა მირგულინი მეოთხედ იღებდა ჯიბიდან კოვზებს და „ქუჩის მუსიკოსის“ სიჯიუტით გაოცებულ კლოუნ ადამიას ხელში აჩეჩებდა. ასე რომ, თურქმენ – ცხენოსანთა ნომერს არ შეესწრო პეპე და, აქედან გამომდინარე, სანერვიულოც არა ჰქონდა რა.

ორკესტრის ნაცნობი რიტმი, დიქტორის ტემპერამენტისანი ყვირილი ლაურეატისა და განვრთნილი თხის განუმეორებელი დუეტის თაობაზე და ევგენი და პეპე მანუჩზე არიან.

„სალამი ჭეშმარიტი ხელოვნების ყველა (შეგნებულ თუ შეუგნებელ) თაყვანისმცემელს! ნავედით, ჩემო პეპე, ყოჩაღ, ჰა, შენ კიდევ შაქარი. აბა, მარდად, შენებურად, შეხტი ტაბურეტზე. ყოჩაღ, ჩემი გოგო, ჰა, კიდევ შაქარი. აბა, ჰე! ერთი ნაბიჯილა გვრჩება. გვაჩქარებს ჩვენი მედოლე. ხომ გიყვარს მისი დოლის ბრაგუნი? ესეც ალუმინის რკალი, მოიცა უფრო ახლოს მოგიტან. დოლი ლამის გაჩუმდეს. ხელს არავინ გიშლის, ერთი, ორი და სამი, პეპე!“

პეპე კარგა ხანს უაზროდ იცქირებოდა ალუმინის რგოლში, ევგენიმ გადახტომის ნიშანი მისცა, ყურიც არ შეიბერტყა, მწვრთნელს ზურგი შეაქცია, სკამიდან მარდად ჩამოხტა და კულისებისკენ გაიქცა.

ექვს საათზე ცირკის ადმინისტრაციასა და მსახიობებს საკონფერენციო დარბაზში უხმეს. ევგენი ფიქრობდა, რომ ეს რიგგარეშე სხდომა განვრთნილი თხის ნომრის ორჯერ ჩა-

ვარდნის შემთხვევასთან იყო დაკავშირებული, მაგრამ მისი ვარაუდი არ გამართლდა. ცირკის მთავარმა რეჟისორმა მოკლე შესავლის შემდეგ სიტყვა კლოუნ ადამიას მისცა. ადამია შორს და მალა, ცირკის თანამშრომელთა თავების გასწვრივ, კედლის საათს შესცქეროდა და მჭექარე ხმით ლაპარაკობდა. ცდილობდა ძველი ბერძენი ორატორებისთვის მიებაძა და გაქევავებული იდგა, წარბსაც კი არ ათამაშებდა.

მიტინგი რომ დამთავრდა, ევგენი ლოლაძემ თხას რქებში ღვედი ჩააბა და ცირკის ეზოში სასეირნოდ გაიყვანა.

ნოემბრის ცივი საღამო იყო. ქუჩებში დახვავებულ ჭადრის ფოთლებს უაზროდ და უმისამართოდ დააფრიალებდა. ქვევით, თანხმობის მოედანზე, თავისუფლების მემორიალის ირგვლივ მანქანები ულამაზეს ფოიერვერკებად ირნეოდნენ. პირდაპირ, მაღალი სახლის სახურავზე, თვალისმომჭრელად კაშკაშებდა მონოდება: „დალიეთ ჩვენებური, მსოფლიოში საუკეთესო, გამაგრილებელი წყლები“.

ლაურეატს წვეროსანი პირუტყვი მოკლე საბლით ეჭირა, მაღალ ყელზე ხელს უსვამდა და ეჩურჩულებოდა, „პეპე, გამაგებინე, რაშია საქმე. რა ხდება შენს თავს. ასე ხომ არ შეიძლება, შე ქალო, არ გიჭირს შენ რგოლში გახტომა, რომ გიჭირდეს – სხვა ამბავია. ვიცი, არ გეხალისება, მეც ბევრი რამ არ მეხალისება, მაგრამ ვაკეთებ. მარტო შენდა სიამოვნებად კი არაა ეს ქვეყანა მომართული. ხანდახან უნდა დაჰყვე, მოვალეობაა, სამსახურია. უფიქრდები შენს საქციელს? იქნებ ჩემზე ხარ გაბრაზებული? მე მგონი, არაფერი დამიშავებია. თუ რამეში შევცდი, არ უნდა მაპატიო? მეტი არა ვართ ჩვენ ერთმანეთისთვის? ამდენი ხანია ერთად ვართ. ახლა გაგიცივდა გული ჩემზე? ყველაფრის გარდა, ხომ არსებობს რაღაც კოლეგიალობის გრძნობა. ჩვენ შორის დარჩეს და, არა ხარ ცუდად შენ ამ ცირკში. მილიონობით თხა (და ბევრი მათგანი იქნებ შენზე ნაკლები კი არ იყოს) ახლა მსოფლიოში კლდე-ლრეებში ხტუნავს და მშიერ-მწყურვალ ღრანტეებზე სასწაულებრივად შერჩენილ ნეკერს აკნატუნებს. მორეკავენ საღამოს ფარეხებში და ძუძუების დაგლეჯამდე წველიან. არ არის ასე? შენ, საჭმელ-სასმელი თავის დროზე, დაბანა-სამუნელი თავის დროზე, უბატონოდ ხმას გცემს ვინმე? რა გაგიჭირდა კვირაში

ხუთჯერ ტაბურეტზე შეხტომა, შე კაი ქალო? ხათრის გულისთვის ნყალში ჩადგება კაცი. რომ მთხოვო, ლომს შევუყოფ ხახაში თავს და შენ რგოლში გახტომაზე მეუბნები უარს? შეუცვლელი არავინ ვართ ამ ქვეყანაზე. მე შენ გეტყვი, გულს აჩუყებს დარდით და თავს დადებს ვინმე ჩვენი გულისთვის. დაგვითხოვენ ცირკიდან და მართალიც იქნებიან. ვინ შეგინახავს ტყუილად. აბა, მეტი აღარ მანერვიულო, თუ ღმერთი გნამს. ერთ საათში ისევ მანეჟზე ვიქნებით, სირცხვილი არ მაჭამო, იცოდე. ეს საკოცნელი პირი სალანძღავად არ მიქციო. როგორც იცოდი, ყველაფერი, კარგად, ლამაზად, ისე გააკეთე და მე ვიცი შენი პატივისცემა. გესმის ჩემი?“

პეპე მდუმარედ შეჰყურებდა ფიჭვის ხეზე შეყუყულ ბელურებს, რომლებიც თავიანთ ბელურულ ენაზე გაუთავებლად ჟიჯივებდნენ და ქარის გადმოგდებული პანანკინტელა პურის ნამცეცებისთვის შიგადაშიგ ერთმანეთს თავპირს აღენავდნენ.

ორკესტრის დირიჟორს შეაგვიანდა და სანახაობა ცოტა მოგვიანებით დაიწყო. ქვევით, სამხეცეში, მიუხედავად დამლაგებელთა გულმოდგინე მცდელობისა, შარდისა და ოფლის სულისშემბუთავი სუნი იდგა და ევგენიმ თხა ადრევე აიყვანა მალლა. ადგილკომის თავმჯდომარის კაბინეტს მიაყენა და სათვალის ლიდერს თხოვა – თუ ძმა ხარ, ცოტა ხანს აქ იქნება; ნუ გეშინია, არაფერს პირს არ ახლებს, არ შეგანუხებსო.

ცირკის ნაცადი მსახიობი ევგენი ლოლაძე ისე ლელავდა, როგორც მაშინ, ამ ხუთი წლის წინ, პირველად რომ შედგა ფეხი მანეჟზე. გაიხსენა თავისი გაუხარელი ბავშვობა. დედა – რომელიც არ ახსოვდა, რადგან მის მშობიარობას გადაჰყვა და გამზრდელი დეიდა სიყრმიდანვე მშობელი მამის სიძულვილს რომ უნერგავდა. მართალია, მამა დიდი პატივისცემის ღირსი არ იყო (ახალი ცოლ-შვილი ჰყავდა და ევგენის იშვიათად მოიკითხავდა), მაგრამ ყმანვილს იგი მაინც უყვარდა იმ რიდიანი და ნაზი სიყვარულით, როგორც მონიფულ ბიჭებს თავიანთი ურჩი, მკაცრი მამები უყვართ ხოლმე. მერე პედაგოგიურ ინსტიტუტში მისაღები გამოცდების ოთხი კომმარული წელი და ბურთულ-საკისრების ქარხანაში სტაჟის გულისთვის კურიერად მუშაობა, საინჟინრო-პედაგოგიური ფაკულტეტის სალამოს განყოფილების სტუდენტის დრამატიზმით სავსე ცხოვრება და

სახელმწიფო კომისიის აღერსიანი თავმჯდომარე, სიხარულისგან პირგახეულს შრომის მასწავლებლის დიპლომი პირველმა რომ მიულოცა. ნაუცბათევი ქორწინება; სამსახურის ძებნისგან განამებული ლოლაძე ტროლეიბუსში შემთხვევით გადააწყდა მის თანაკურსელს, გამხდარ-გალეულ, ბეჯითსა და მუყაით გოგოს – ნინო სალუქვაძეს. გაირკვა, რომ ნინოც ამაოდ ტკეპნიდა სხვადასხვა სოლიდური დაწესებულების კიბეებს სამუშაოს საძებნელად, სულ სამად სამი გაჩერება დასჭირდათ ახალგაზრდებს მოსალაპარაკებლად და ისეთი სერიოზული პრობლემის გადასაწყვეტად, ზოგიერთ ჩემს ნაცნობს მთელი ცხოვრება რომ ვერ გადაუწყვეტია. მეოთხე გაჩერებაზე, ტროლეიბუსიდან ჩასვლისას, ცოლ-ქმრობა გადაწყვეტილი ჰქონდათ. სოფელი, მამა-პაპეული ფანჩატური და ბუხრის პირას გატარებული ტკბილი საღამოები ევგენისთვის კინალამ სავალალოდ რომ დამთავრდა. მეძროხეობის ფერმის ინსტრუქტორ-მექანიზატორად შვიდიოდე თვის დანიშნული იყო ევგენი, მწყემსთა საერთო კრებაზე ფერმის გამგის მაქინაციები რომ ამხილა. ერთი კვირის შემდეგ რაიონმა ლოლაძის კვალიფიკაცია და მუშაობის ხარისხი შეამოწმა, როგორც სოფლის მეურნეობის არასპეციალისტი და „მოლაცხე“, იმ დღესვე გაანთავისუფლეს და საქმე პროკურატურას რომ არ გადასცეს, იმისთვის სულ მადლობა აძახებინეს. და ბოლოს, პეპე! ბატის ჭუკებისკენ გაშვერილ წკნელზე რომ გადახტა და იმედგადაწურული ცოლ-ქმარი ისევ ქალაქისკენ რომ შემოაბრუნა.

მოგონებების ოცი წუთი თვალის დახამხამებაში გავიდა. თავისი რთული, ინტელექტუალური საქმით გართული ადგილკომის თავმჯდომარისთვის მადლობაც კი არ უთქვამს, თხა კულისებისკენ გამოარბენინა და პროგრამის ნამყვანმა „საუკუნის სასწაული“ რომ გამოაცხადა, ევგენი და მისი კოლეგა, რომ იტყვიან, ტრამპლინზე იდგნენ. მეშვიდე რესპუბლიკური ფესტივალის ლაურეატმა კულისებს თვალი მოავლო. დაინტერესებულ პირთა სიმრავლე ცუდად ენიშნა და შუბლზე ცივმა ოფლმა დაასხა. კლავდია ლეთოდინას გვერდით სამხატვრო საბჭოს ის წევრი ედგა, გუშინწინ აკრობატმა ელა ხმელნიცკაიამ საჯაროდ რომ გალანძღა, პატიოსან ქალს მავინროებს და საყვარლობას მთავაზობსო; სახანძრო ინვენტარის კუთხეში

კლოუნ ადამიას შემფოთებულ სახეს წააწყდა. ადამიამ გაული-
მა და თვალი ჩაუკრა. „ღმერთო, მიშველე“, ჩაილაპარაკა ევ-
გენიმ, პეპეს ზურგზე მსუბუქად დაჰკრა ხელი და ორკესტრის
გრიალში სცენაზე უბედნიერესი კაცის იერით შეფრინდა.

თხამ მანეჟის რკალი ჩვეულებრივზე უფრო სწრაფად შემ-
ოიბინა, ვინრო ფიცარნაგიდან მოხდენილად შეხტა ტაბუ-
რეტზე, მაგრამ შავფრაკიანი მწვრთნელი ალუმინის რგოლით
ხელში რომ შემოტრიალდა, პირუტყვი სკამზე აღარ დახვდა.
ევგენის ცრემლი მოაწვა ყელში. ორკესტრს ანიშნა, ერთხელ
კიდევ დაუკარითო. თხა მანეჟზე შემოაბრუნა, ნერვები, რო-
გორც შეძლო, დაიოკა და ნომრის გამეორება სცადა, მაგრამ
ამჯერად ამაოდ გაისარჯა. პეპე არათუ არ გადახტა, ტაბუ-
რეტსაც არ გაეკარა, მანეჟს შემოურბინა თუ არა, ევგენისთ-
ვის ზედაც არ შეუხედავს, კულისებისკენ ოთხით გაექანა.

აღარ ახსოვს, როგორ მივიდა თავის საგრძობლო ოთახამდე.
გაიხადა და მოისროლა ფრაკი, ვაზელინიანი ბამბით სწრაფად
შეინმინდა სახე და დაღვრემილმა გაიარა ცირკის მსახიობებით
სავსე ვესტიბიული. კაციშვილს სიტყვა არ უთქვამს. რეჟისორ-
ინსპექტორი კლავდია ლეთოდიანი კარში შეეფეთა, მაგრამ ამ
ტაქტიანმა ქალმა გვერდზე გაიხედა, აქაოდა, ვერ შევამჩნიეო.

ორშაბათს, თუ რაიმე საგანგებო შემთხვევა არ მოხდა, საბ-
ჭოთა კავშირში ცირკი ისვენებს.

მსახიობები ქალაქგარეთ მიეშურებიან და თავიანთ საბოსტნე
მინის ნაკვეთებზე ჩირთიფირთობენ, ცირკის მთავარი რეჟისორი
და ადგილკომის თავმჯდომარე აქტივის კრებას ესწრებიან,
ხოლო განვრთნილი ცხოველები, წინა თათებზე თავდაყრდნობი-
ლები, თავიანთ მეტ-ნაკლებად აქოთებულ გალიებში თვლემენ.

ევგენი ლოლაძეს საბოსტნე ნაკვეთი არ გააჩნდა და რომც
ჰქონოდა, ამ ორშაბათს მაინც არ წავიდოდა, რადგანაც, პეპეს
გადამკიდე, ფრიად გაურკვეველ მდგომარეობაში იყო.

არ იცოდა, რას უქადადა ბედი საათივით აწყობილ მის
ცხოვრებას.

შინ ვერ მოისვენა. მეუღლისთვის გუშინდელი ამბავი არ
გაუმხელია. წინო შემფოთდებოდა, ითავცემებდა და საქმეს
მაინც ვერ უშველიდა.

რომ ჩაიცვა და კარისკენ გაემართა, ცოლმა მხოლოდ თვა-

ლი გააყოლა. არც კი უკითხავს, სად მიდისარო. წინომ იცოდა,
რომ მისი ქმარი, ზოგიერთივით, საღლაბუცოდ და სამაიმუ-
ნოდ, დასვენების დღეს, სახლიდან არ გავიდოდა.

ცირკის დარაჯად იმჟამად ამ ცირკისვე ყოფილი ავტობუ-
სის მძღოლი მუშაობდა. ევგენის როგორ არ იცნობდა, მაგრამ
კატეგორიული უარი სტკიცა – ცხოველებთან ვერ დაგიშვებ,
გამოსასვლელი დღეა და უფლება არა მაქვსო.

არასოდეს მოხვედრია ყურში ასე უხეშად ლაურეატს „გამო-
სასვლელი დღე“. რა უბედურებაა, რას ვუშვრებით ჩვენს ენა-
სო. ეს თარგმნილი, ხელოვნური სიტყვა რა ჯანდაბად გვინდა,
როცა „უქმი დღე“ ან „დასვენების დღე“ გვაქვს ლექსიკონშიო.

ცირკში მაინც იოლად შეაღწია. ლოლაძემ იცოდა, რომ
დარაჯი სვამდა. რაც საჭყეს მოშორდა და პენსიაში გავიდა,
ფხიზელი არავის უნახავს. შოფრობის გამო ახალგაზრდობაში
თუ რამე დაიკლო, ახლა, ამ სიბერეში ინაზღაურებდა. ერთ
ლიტრს არაყს რომ უფეშქაშებდი, თხას კი არა, ლომს გაგა-
ტანდა გალიიდან (რასაკვირველია, თუ არ დაიშლიდი ცხოვ-
ელთა მეფესთან ურთიერთობის გარკვევას).

არაყი რომ მისად დაიგულა, უღვაშცოცხიანმა დარაჯმა
მსახიობს გასაღებების შეკვრა გადაუგდო და გულწრფელად
თხოვა: თუ ძმა ხარ, გამოსვლის დროს კარი გამოიხურე, შარს
რასმე არ გადამკიდოო.

სარეპეტიციო დარბაზი დაკავებული დახვდა. მასავით ერთ
ბოთლ არაყად შემოსული ქალაქის ბიჭები მინი ფეხბურთს
თამაშობდნენ. დარაჯს მანეჟის კარი გააღებინა და თუმცა
სინათლე ვერ ჩართეს (ცირკის მეხანძრეს კვირა საღამოს, უს-
აფრთხოების მიზნით, ელექტროალმრიცხველის ავტომატური
დამცველები შინ მიჰქონდა), მანეჟს სარკმლის ციაგი იმდენად
მაინც ჰყოფნიდა, რომ ევგენის და პეპეს ერთმანეთი დაენახათ.

ტაბურეტის, ფიცარნაგისა და ალუმინის რგოლის მო-
ტანაზე დარაჯი უკმაყოფილოდ შეიშმუნა, მაგრამ ბოლოს
(მეტი რა გზა ჰქონდა!) მაინც გაალო სარეკვიზიტო ოთახი და
„განვრთნილი თხის“ რეკვიზიტს ლევიცკის „გადასასვლელი
კიბეც“ გამოაყოლა.

სანამ კარგად არ ჩამობნელდა, ევგენი და მისი თხა მანეჟს
არ მოშორებიან. არც მწვრთნელს ჩასვლია მთელი დღის გან-

მავლობაში პირში ლუკმა და არც პეპეს გაუსვლელებია ყელი.

რეპეტიციამ ბრწყინვალედ ჩაიარა. პეპე უმაქროდაც მშენებრივად დგებოდა ორ ფეხზე, გარს უვლიდა მანეჟს, ფრთხილად, ოსტატურად გადიოდა ფიცარნაგზე, თავს მშენებრივად იკავებდა ტაბურეტზე და შველივით ხტებოდა ალუმიინის რგოლში.

ბოლოს თხა დაიღალა, ქელავდა, ენაც კი გადმოაგდო და პირზე დუჟი მოადგა. მაგრამ ევგენი არ ეშვებოდა. უთვალავჯერ გაამეორებინა ნომერი და, როგორც მოგახსენეთ, მხოლოდ მაშინ ჩაიყვანა პეპე ქვევით, როცა ცირკში უკუნი ღამე ჩამოწვა.

დარაჯს ტყაპუჭი ნაეხურა და უღეიბო ფიცარნაგზე ღრმად ეძინა. „ნეტავ, შენს ხასიათს“, შენატრა ლაურეატმა უსახმილო ყარაულს, გასაღებთა გროვა თავით დაუდო და კარი გამოიხურა.

დაღლილობისაგან ფეხებს ძლივს მიათრევდა, მაგრამ სახეზე ღიმილი ეხატა, ნასიამოვნები მიდიოდა შინ. პეპე წუთითაც არ შეფერხებულა, რგოლში გახტომაზე არც ერთხელ უარი არ უთქვამს და ხვალ რა ღმერთი გაუნყრებოდა.

...თურქმენებმა ზათქითა და ყივილით გადიგრიალეს მანეჟზე. მირგულინმა და ადამიამ კოვზების ნომერი არაჩვეულებრივი აღმავლობით ჩაატარეს. კულისებში გამოსვლისას მირგულინმა (ჩვენ შორის დარჩეს და, შეზარხოშებული გახლდათ) გამხნეების ჩვეული რიგი დაარღვია; ამჯერად ლაურეატს მხარზე ხელი დაჰკრა. ხოლო პეპეს ნესტოებთან, ზედ ნაცრისფერ დრუნჩზე აკოცა. პროგრამის ნამყვანმა საუკუნის სასწაულს ნახავთო, ორჯერ გაიმეორა და ცირკის მსახიობთა მეშვიდე რესპუბლიკური ფესტივალის ლაურეატი წვითა და დაგვით განვრთნილ თხასთან ერთად მანეჟზე გაჩნდა.

მისალმება და მანეჟის რკალის დალაშქვრა პეპემ ისე მოხდენილად ჩაატარა, რომ ევგენს აფართხალებული გული საგულეს ჩაუდგა, მაგრამ ნაადრევი აღმოჩნდა მისი სიხარული. თხამ ტაბურეტს ერთბაშად შეაქცია ზურგი (ზედ არც შემხტარა.) და თითქოს სადღაც ეჩქარებო, კულისებისკენ მოკურცხლა.

ორკესტრი ისევ ახმიანდა. მირგულინმა და ადამიამ რქები კინაღამ დაამტვრიეს გაურჩებულ პირუტყვს და გაფითრებულ ლოლაძეს მანეჟზე შეუგდეს, მაგრამ ამჯერადაც უშედეგოდ. პეპემ მანეჟს ბოლომდეც კი არ შემოურბინა, კულისებს რომ

გაუსწორდა, ერთი მოხედა მისკენ ხელგაშვერილ მწვრთნელს და გაიქცა.

თხის პროტესტს წყალი აღარ გაუვიდოდა.

მეორე დღეს ევგენი ლოლაძეს ცირკის მთავარ რეჟისორთან უხმეს.

მაგიდას ორნი უსხდნენ. მთავარ რეჟისორს შენუხებული სახე, მაგრამ ხელმძღვანელი ამხანაგის კატეგორიული კილო ჰქონდა.

– რა მოუვიდა თქვენ თხას? – პირდაპირ საქმეზე გადავიდა ცირკის ხელმძღვანელი.

– რა მოგახსენოთ, – თავი ჩაჰკიდა ლოლაძემ.

– ფიზიოლოგიური ცვლილებები ხომ არ ჩანს?

– ბატონო? – ყურს ხელი მიახმარა თხის მწვრთნელმა.

– მაკედ ხომ არ არის?

– არა, – მტკიცედ უპასუხა ევგენმა. ყველა-ყველა და ამ საკითხში ღრმად იყო დარწმუნებული, იმ უბრალო მიზეზის გამო, რომ ცირკში ვაცი არ მოიძებნებოდა.

– ავადმყოფობას გამორიცხავთ? – მთავარი რეჟისორი ქალღმერთად ქართულად ხელმოწერაში ვარჯიშობდა.

– ექიმმა გასინჯა. ავად არ არის.

– რჩება ყველაზე უიმედო მიზეზი: მოსწყინდა. რალაც გამოგვრჩა მხედველობიდან. რალაცით გავანანყენეთ. იგი ცირკს აღარასოდეს დაუბრუნდება. გამოცდილია ეგ ამბავი, ევგენი ბატონო.

– ვიცი, – მძიმედ, თავაუნეველად უპასუხა ლოლაძემ.

– ახლა რას იზამთ? ღმერთმა იცის, თქვენი ნასვლა არ მინდა ცირკიდან.

– სხვა გზა არა მაქვს. რა უნდა ვაკეთო?

– იქნებ სხვა თხა გაგენვრთნათ? – მთავარმა რეჟისორმა შესანიშნავად იცოდა, რომ გასაწვრთნელად და ცირკში გამოსაყვანად თხა (კატასთან ერთად) ძნელად აღსაზრდელ ცხოველთა რიცხვს განეკუთვნება.

– არა ბატონო, ველარ შევძლებ.

– თქვენი პირადი საქმე გადავთვალაიერე. საპენსიო ასაკიც არა გაქვთ. იქნებ ასისტენტად გადაგიყვანოთ ლომების მომთვინიერებელთან. იქ ერთი ასისტენტი ვერ აუდის საქმეს.

- მადლობელი ვარ, ლომებს ვერ ვიტან.
- ?!

- ალერგიული გახლავართ, ლომის სუნი ცუდად მოქმედებს. სამსახურიდან განთავისუფლების თაობაზე განცხადებას რომ წერდა, ერთი ფიქრი აეკვირებო: „რა ჭკუაზე ვიყავი ამ ხუთი წლის წინათ, ეს კიბე რომ ამოვიარე. რატომ არ შემხვდა ვინმე ხეირიანი, ყური რომ აეხია ჩემთვის. რა მინდოდა ცირკში. კიდევ კარგი, დროზე გავასწარი აქედან. მეტი სისულელე იქნება? რატომ უნდა იყოს ჩემი და ჩემი ცოლ-შვილის ბედი იმაზე დამოკიდებული, ეს უტვინო თხა მოისურვებს თუ არა რგოლში გახტომას? ნავალ სადმე და რაც ვარ, ის ვიქნები. რაც შემოძლია, იმას გავაკეთებ, რქებიან ასისტენტს ელაპარაკა შავი ტიფა. კაცი არ გინდობს ხანდახან დღეს და თხა დაგინდობს? თხის იმედზე დადგა ჩემი მტერი“.

დებურტირის ბაზრის ქვემოთ, ხორცის ფარდულთან გოჭებს და ინდაურებს რომ ყიდიან, დაბალი ტანის გამხდარი კაცი თხას ჰყიდდა.

მუშტრები თავს აბეზრებდნენ. ეკითხებოდნენ, სადაური თხააო, რამდენს ინველისო, რა ხნის არისო. დოლგამცდენი ხომ არ არისო, ავადმყოფობა ხომ არაფერი აქვს გადატანილიო.

ძვირს არ აფასებდა. უნდოდა ჩქარა დაეცალა ხელი, მაგრამ გულით მყიდველი არ ჩანდა. ზოგი ყასიდად შეაძლევდა იმის ნახევარს, რასაც პატრონი აფასებდა. ზოგს უბრალოდ ენა ექავებოდა, თხა სულაც რომ გეჩუქებინა, წამყვანი არ იყო.

ჯერ მხოლოდ თერთმეტი საათი იყო. საღამომდე თხა უსათუოდ გაიყიდებოდა.

ევგენის უხაროდა, რომ ამხელა ბაზარში ცირკის მსახიობთა მეშვიდე რესპუბლიკური ფესტივალის ლაურეატი ვერავინ იცნო.

თხა? თხას, მით უმეტეს, ვინ იცნობდა.

საერთოდ, თხები ერთმანეთს ძალიან ჰგვანან.



ქარი, ქარი, ქარი...

შეზარბოშებულ კაცს რომ ძალად სერიოზული სახე აქვს, გამწყვრალი კაცის ნიღბით რომ ფარავს სიმთრავლეს, ცუდი სიტყვა არავინ მკადროსო და ირგვლივ მყოფთ ზედაც რომ არ უყურებს, ხომ გინახავთ? სწორედ ასეთი სახით შემოვიდა სინათლის წრეში მალალი, ცხვირპაჭუა, ქერა, გამხდარი კაცი და შორიახლო, თავისუფალ შეზღონგთან გაჩერდა. ჩემ გვერდით მზეს მიფიცხებული, იაპონურქუდიანი კაცის ხან-მიშესულმა ცოლმა თადარიგი დაიჭირა; ქმრის ნიფხავს სტაცა ხელი და შეზღონგზე მოისროლა. აქაოდა, ნურას უკაცრავად, ორივე საწოლი დაკავებული გვაქვსო.

ზღვაზე, რასაკვირველია, ტევა არ იყო.

ახალმოსული ყურადღებას არავის აქცევდა, გაქვავებული სახით ზღვას შესცქეროდა, ილღიაში ამოჩრილი, გახეთქილი გავიწყული ნივთი ერთგულად ეჭირა, ხელები მკერდთან ჩაემწყვდია და პირმოკუმული, ფეხებგაფარჩხული (ნიაზე ლერწამით ქანაობა რომ არ დაეწყო) საიმედოდ იდგა.

კარგა ხნის შემდეგ შეზღონგს ერთი მოხედა. პრეტენზიული კაცი არ გახლდათ და ხის ნარის ძებნა არ დაუნყია, სადაც იდგა, იქვე გაიხადა, გახდის დროს ზღვას თვალს არ აცილებდა, უწესრიგოდ მიყრილ ტანსაცმელს რამდენიმე კენჭი დაადო და ზღვისკენ გასწია, მხრებში ისე იყო ანურული, რომ ბეჭები თავს ლამის ასცილებოდნენ, გასაფრენად გამზადებულ მიმინოს ჰგავდა, რალაც ჩაიბუტბუტა, ერთბაშად მოსწყდა ადგილს და წყალში შედგაფუნდა, ეტყობა გრილი ზღვა ესიამოვნა, ასეთი მხარული მხოლოდ დიდი მდინარის პირას დაბადებულებმა იცნან. იგი სპორტული თვალსაზრისით დიდი ვერაფერი შვილია, მაგრამ სანახავად ბრასის სტილზე უფრო ლამაზი გახლავთ.

გუშინ მთელი დღე წვიმდა. ზღვა ჯერაც არ დამცხრალა, მოსამკალი პურისხელა ტალღებს მოაგორებს და თეთრი ქაფით მოუწყენლად ფერავს ნაპირს.

შორს შესცურა. წყალთან შეთამამებული ჩანს. ტალღას ხან თავზე მოექცევა, ხანაც ხელნანვდილი გაუნვება და მკერდზე გადაივლებს, ზვირთებში საეჭვოდ დიდხანს რომ გაუჩინარდა, ჩემს მეზობელს გულმა არ მოუთმინა და მშველელ-მეთვალყურესთან გაიქცა.

მშველელს არც ამჯერად გაუხდია თავისი განუყრელი თეთრი შარვალი და ალუბლისფერი კვართი, ხვეწნა-მუდართი დაიყოლია „გართული“ მოქალაქე და ნაპირისაკენ აქნევიან პირი.

უფრო მეტად აღმოჩნდა მთვრალი, ვიდრე ჩვენ გვეგონა, მოვიდა და იპონურქუდიანის შეზლონგის კიდეზე ჩამოჯდა, ჩქარა სუნქავდა და ციებიანივით ცახცახებდა, წანვეტიებული ბეჭები და დაკუნთული ზურგი ისე მჭიდროდ შემოჯდომოდნენ გულმკერდს, რომ უკნიდან რომ შეხედავდი, კუ გაგახსენდებოდათ.

ზღვას მიჭიჭინებული, ბატის ჭუკის ღინღლივით ყვითელ და სიფრიფანა თმებზე უდიერად ჩამოისვამდა ხელს, ძლივს-გასაგონად გაგზავნიდა ვილაცას ჯანდაბის იქით და სახლდამწვარივით ამოიოხრებდა.

ბოლოს და ბოლოს, ცოტათი რომ დამშვიდდა, ცოლ-ქმარს გადახედა. წამოდგა და გაიარ-გამოიარა, ეტყობოდა, ეს ადგილი მაინცდამაინც არ მოსწონდა, მიდგა-მოდგა, ერთი პირობა მეც მომაჩერდა, მაგრამ არც მე მოვუვედი თვალში. ისევ ძველ ადგილას ჩამოჯდა და პირაღმამწოლ იპონურქუდიანს, რომლის ცისფერი თვალების, კუპრივით შავი თმისა და თეთრი პირისკანის მიხედვით მის სადაურობას ვერა და ვერ გარკვევდით, გამეტებით ჩასძახა:

– რას იზამ, რა შენი ბრალია, შენ ხომ სხვანაირად არ შეგიძლია, ასე გაგზარდეს. სისხლში გაქვს უკვე სიავე გადასული!

ცისფერთვალბიანი წამოჯდა, ხელები უკან დაიბიჯა და დაუპატიჟებელ მოქადაგეს პირდაღებული მიაჩერდა.

– რას მიყურებ, შენ სხვანაირად ხომ არ შეგიძლია. ასე მიგაჩვიეს, ყოფის ცერბერად მოგამზადეს, შენთვის არ უსწავლებიათ, რომ არსებობს რომანტიკა, არსებობს წუთები იმ ბანრის მიღმა რომ გექაჩება ზოგჯერ, ჩვენს ცხოვრებას ჩვენ თვითონვე რომ შემოვავლეთ, ამიტომ შენ – ფხიზელი

მო-ქა-ლა-ქე მონოდების სიმაღლეზე უნდა იყო, კაცმა გაზონის ყვავილი მონყვიტა, კაცმა წითელ შუქზე გაიარა, კაცმა ავტობუსში გააბოლა, კაცმა ბაირალს იქეთ გასცურა – დაიქცა ქვეყანა! შენ მაშინვე მილიციას უნდა აცნობო, აბა რა. ეს შენი მო-ქა-ლა-ქეობ-რი-ვი ვალია!

– კი მაგრამ, თქვენ... – სიტყვებს ეძებდა ჩემი მეზობელი.

– ვალოდია! – კატეგორიული ტონით უთხრა მეუღლემ და იპონურქუდიანი მაშინვე დადუმდა. დიდი ხნის ერთად ცხოვრების შემდეგ ცოლ-ქმარს შორის ჩნდება გაგებინების ახალი საშუალება, რომელსაც პირობითად მინიშნებითი ენა შეიძლება დავარქვათ, ეს ენა მხოლოდ და მხოლოდ ცოლ-ქმარს ესმის. აქ სიტყვას სხვადასხვა მნიშვნელობა აქვს, იგი ხშირად მთელ ფრაზასაც კი გამოხატავს. მაგალითად, ამ შემთხვევაში ცოლის მიერ კატეგორიულად ნათქვამი „ვალოდია“ ალბათ ნიშნავდა: „რას ელაპარაკები, ხომ ხედავ მთვრალია, ჩხუბი და კამათი გვინდა ახლა ჩვენ? ადექი და გაერიდე. რომ აღარ დაგინახავს, სხვას დაუნყებს ჭკუის დარიგებას, მთვრალია ახლა ეგ და ხომ ხედავ, ენა ექავება“.

სანამ მთვრალი ქაქანებდა, ვალოდია შეუმჩნევლად გაიპარა და ჩვენ უკან, ერთადერთ თავისუფალ სანოლზე თავდაღმა გაიშოტა.

კარგა ხანს ილაპარაკა „რომანტიკის მოყვარულმა“ მოქალაქემ, ჩემთვისო, გაპარულ თანამოსაუბრეს უმტკიცებდა, ზღვა სულ სხვა რამეა, შენ ამას ვერ მიხვდებიო. სამი ათასი კილომეტრიდან იმიტომ კი არ ჩამოვსულვარ, წყალში შესვლას შენ მიშლიდეო. მამასისხლად მაქვს ნაყიდი ეს ზღვა. ეს სიამოვნება, ამათსავით (ჩვენკენ მოათითა) ნაქურდალი ფულით კი არ ჩამოვსულვარო. ესენი მშვიდად იმიტომ წვანან მხარეთქობზე, რომ არსად ეჩქარებათ, მე კი დღეს უკანასკნელი თუმნიანი დავახურდავე და ხვალ თუ არ მოვუსვი აქედან, შიმშილი მელისო, დახედე ჩემს ხელებს და დარწმუნდები, რა კაცი ვარ მეო.

მაგრამ „ხელებზე დამხედავი“ ადგილზე რომ არ აღმოჩნდა, კაცი – მიმინო ერთბაშად დადუმდა, სასონარკვეთით მიმოიხედა, წამოხტა და ყავისფერ ზურგებს შეერია. მალე იპოვა

კიდევ, ვისაც ეძებდა, უცერემონიოდ ჩამოუჯდა შეზღონგზე და მთვრალი კაცის ლულულულით აუნყა:

– ზღვის ფასი შენისთანებმა არ იციან. შენ ისეთი სახე გაქვს, რომ ერთხელაც არ აგირევი შენს ცხოვრებაში. კარგია ხომ მუდამდღე ახალი წინდა, რძიანი კაკაო, დილის პრესა, განტვირთვის დღე კვირაში ერთხელ, კარგია ხომ, კარგი ცხოვრება? არ დაიჯერო, ეგ ამბავი. მოტყუებული კაცი ხარ შენ. ზღვაში შევედი ცოტა ნასვამი, იცი, რა არის ეეს? არ იცი! ეჭიდავები ტალღებს, გეფერება ზღვა, ტანზე თავის ლურჯ ხელებს გხვევს და ილღიაში გილიტინებს, დავმხრჩვალისყავ თუნდაც, დაიქცეოდა ქვეყანა? ვინ დაგარწმუნა შენ, ასეთ სიკვდილს, ზღვის თბილ ტალღებში სამუდამო მიძინებას, ათი წლის მერე ინფარქტიანი კაცის ღამის ქოთანზე ჯდომისას სიკვდილი სჯობია? ვინ დაამტკიცა ეს?

– ღმერთი არ გკლავს ჯერ და ძალით იკლავ თავს? – ცას უთხრა იაპონურქუდიანმა.

– ვალოდია! – წელანდელზე უფრო კატეგორიულად განუცხადა მეუღლემ.

ვალოდია წამოდგა, ბეჭებზე პირსახოცი დაიფინა. გამობრუნდა და მეუღლის გვერდით მორჩილად წამოწვა.

მთვრალი, რასაკვირველია, თან მიჰყვა.

– შენ ჩემი სიყვარულით არ მოგსვლია ეგ სიავე. სიამოვნებით გამგზავნიდი ახლა ცხრა ზღვის იქეთ, რომ შეგეძლოს, შენ გული დაგწყდა უბრალოდ. რანაირად ხდება ეს ამბავი: კაცი თავისუფლად დანავარდობს ზღვის ტალღებში, ვინ მისცა ამის უფლებაო?! ჩემი თავისუფლება გაგიკვირდა და შეგეხარბა. ცოტა არ იყოს, ამიტომაც უხმე მ-მ-ვ-ე-ლ-ე-ლ-ს! რატომაც გინდოდა ჩემი გადარჩენა, ხომ ვიცი მე. რომ დავიხრჩობოდი, აქ არეულობა შეიქმნებოდა, ხალახი გაიქცე-გამოიქცეოდა, სასწრაფო დახმარება და მილიცია გაჩნდებოდა, არ გიყვარს მწუხარე სურათების ნახვა, გუნების გაფუჭებას მოერიდე, თორემ ჩემი სიყვარულით არ იკლავ თავს, მაინცდამაინც, ხომ ვიცი მე, ფეხებზე გკიდევარ, მორჩა და გათავდა, დიდი ზღვარია ჩვენ შორის, შენ სულ სხვა ადამიანი ხარ. სხვა ადამიანები გაჩნდით, სხვა კვერცხიდან გამოიჩეკეთ.

ამ ათასკაციან პლაჟზე უსაშველოდ ბევრნი ხართ თქვენ, ბევრნი ხართ და ძალიანაც გვაწინროვებთ. ამოგვივედით ყელში უკვე, სიმათლე თუ გინდა, ეს არის!..

– ჩადი ბატონო, ასემც გიქნია, ისე „გიბანავია“ რომ შენი ბურდლა ვერ ეპოვოთ! – მოთმინების ფიალა აევსო ვალოდიას.

– ვალოდია! – დაუყვირა ცოლმა.

ვალოდიამ იაპონური ქუდი მოიხადა, კენჭებზე მოისროლა, ფეხსაცმელებს წვდა და ცოლს უჩურჩულა:

– ჩაიცვი! წავიდეთ აქედან.

მთვრალი მოქალაქე კვლავ ქაქანებდა, ცოლ-ქმარი მისი ქადაგების აკომპანემენტზე გამალებით იცვამდა, გასასვლელამდე მისდია ლურჯი ზღვის მოყვარულმა თითქმის სირბილით მიმავალთ, კართან გამეტებით რაღაც ჩასძახა ორივეს, პასუხად მეუღლენი ერთბაშად შემოტრიალდნენ და არამკითხვადამრიგებელს ენა გამოუყვეს.

ცოტა ხანს უმიზნოდ იჯდა ვალოდიაც შეზღონგზე და ზღვას გაჰყურებდა, ბოლოს წამოდგა, ფეხზე ჩაიცვა, ტანსაცმელი ილღიაში ამოიჩარა და პლაჟს ჩაუყვა. მიდიოდა წელში წახრილი, ბარბაცით, მაგრამ ჯიუტად და საქმიანად.

*

სამი საათის შემდეგ ისევ გამოჩნდა.

ნეპტუნის დღესასწაულის აურზაურში მოხვედრილიყო, ოთხ „ზღვის ლომზე“ ამხედრებული „ურა, ურას“ ყვირილით მოარღვევდა ნაპირს.

უკან ცისფერი ტახტრევანით წვეროსანი ნეპტუნი მოჰყავდათ.

ირგვლივ სირინოზები, ორფეხა მედუზები, ზღვის ანგელოზები და ეშმაკები დაშლივინებდნენ.

ასარჩევნი

პანლური.....	5
ნამუსის ქუდი.....	18
თარჯიმანი	28
გზა	38
ქვევრი.....	47
ურჩი.....	54
ყაყანი.....	60
ფათუშა	74
ნადია.....	81
პანაშვიდი	91
ზარი.....	97
სპირიდონი	107
მწვრთნელი	116
ნადირობა	119
სტუმარი.....	131
დარდი	143
გუჯუ	150
ქველი.....	157
ლუიზა.....	177
ურო	189
თვითმკვლელობა.....	199
მამა	211
ამკლები.....	223
ვისი იყო გზა.....	234
ჟურნალისტი	244
ტვირთი	253
წილი.....	270
ბაგრატის ტაძარი.....	278

ხიტია.....	287
გალიაში რომ გაგზარდე.....	293
ალალი.....	300
დალაქი.....	307
მაყვალა.....	315
უბრალონი?!	322
არული.....	337
მთხოვნელი.....	346
მომენტი	352
ლორის რძე.....	359
ნუნუ.....	365
სევდა	372
ნემსი	379
ტკივილი	385
მეშუშე.....	397
მერე?	405
ქუთაისია, ბიძია, ეს.....	413
მგზავრი	420
ნაბიჯი.....	427
ქურდი	433
იმედო.....	439
ენუქი.....	447
ყვავები.....	456
პეპე.....	460
ქარი, ქარი, ქარი.....	473

РЕВАЗ МИШВЕЛАДЗЕ
ИЗБРАННЫЕ ПРОИЗВЕДЕНИЯ
в 25 томах
ТОМ IV

Издательство „Сакартвелос Мацне“
Тбилиси 2012